

JOANNIS CLERICI

A R S

CRITICA,

IN QUA AD STUDIA

Linguarum Latinæ, Græcæ, & Hebraicæ via munitur; Veterumque emendandorum, & Spuriorum Scriptorum à Genuinis dignoscendorum ratio traditur.

Editio altera priori emendatio.

L O N D I N I:

Apud *Rob. Clavel* ad *Parvum*, *Timoth. Child* ad *Album Cervum*, in Cæmeterio D. Pauli, & *Andream Bell*, ad *Claves decussatas* & *Biblia* in Vico dicto *Cornhill*, M. DC. XCVIII.

JOHN
CLERICI

CRITICA



JOHANNES BODLEY

1600

1600

tan
flu
cor
fi
ral

For

in
O
ton
bu
au
m
re
pe
pe
st
st
ti
la
of
g
p

M. ANT. TEUTONI

Suo S. P. D.

JOANNES CLERICUS.

CRITICEN nostram, mi TEUTO, quam nosti dudum inchoatam, sed alio studiorum & laborum genere interruptam fuisse, ad umbilicum tandem perductam ad te mitto. Nemo erat, cujus studiis consultum magis optarem, quàm tuis; nec amicorum quisquam, cui crederem utilius esse posse hoc Opus; si modo à scopo, quem mihi proposui, non prorsus aberrasse censi queam.

A puero tibi dux fui

— per amœna vireta
Fortunatorum nemorum, sedesque beatas,

in quas se receperunt magnæ illæ animæ; qua olim Græcis & Romanis praluxerunt. Optimorum quorumque Scriptorum, Græcorum & Latinorum, intelligo libros; in quibus etiamnum videntur spirare, & quos tibi aut integros, aut ex parte olim interpretatus sum. Meâ haud multò minùs quàm tuâ interest, te nunc studiose cùm vestigia tua relegentem; tum etiam in abditiores partes eorum nemorum penetrantem, à recta semita non aberrare, ut quò tenetis pervenias. Quo enim uberiores fructus, ex rectè institutis studiis, capies; eo major erit mea voluptas, cùm me frustra non fuisse intelligam. Tum demum mihi videbor optimo viro, Patri tuo, beneficia, quibus me, ex quo in Hollandia pedem fixi, devinxit, posse r. p. ndere; cùm sentiet operam meam tibi inutilem non fuisse. Patere ergo me ingenium, quod mihi tenellum commissum à viro amicissimo per aliquot annos non indiligenter excolui, etiamnum sub-

inde monitis & consiliis firmare; ut, quemadmodum facis, po
ad bonestissima quaque pergas contendere. tu

Eam in rem, hoc Opusculo te donare volui, ut quod voce ut
non possum, dum Oceano divisi sumus; nec etiam Epistolis, m
propter perpetua negotia, quibus me scis destineri, id libello
hoc faciam. In eo multa distinctius, & copiosius leges ex-
posita, quæ olim me obiter dicentem audivisti. Movita eti-
am hic plurima è media Philosophia petita, videbis; quæ,
nisi fallor, humaniores, & sanctiores etiam literas colenti-
bus non nimium inculcari possunt; cum viri, non è vulgò,
quodd hæc satis non attendissent, passim in Scriptis suis ces-
pitarent.

Hic Criticum, non pædagogico fastu tumentem, aut far-
ragine quadam jejunæ eruditionis onustum, formare aggressus
sum; sed non minus iudicio, atque memoriâ suâ utentem, &
qui probè calleat quàm pauca peritus in Veterum monumentis
intelligamus; ideoque modestè de aliis iudicet, & ab omnibus
discere sit paratus. Volo cum ante omnia niti intelligere quia
Veteres velint, & sibi diligenter cavere, ne opinetur se scire
quod nescit. Sed dum hisce studiis operam dat, nolo eum Philo-
sophicis & Mathematicis umquam ita valedicere, ut iudi-
cii sui oblitus memoriam tantum excolat. Utraque perpetuo
conjungenda sunt, ita ut dum Philologia nobis congerit ma-
teriem, è Græcis, Latinisque Scriptoribus, quâ, ubi necessi
erit, utamur; Philosophia omnem illam materiem, ordini
certo digerat, & singula suis locis collocet. Nisi hoc fiat, mo-
les quædam indigestæ eruditionis comparatur, aptior obruen-
dis audientium animis, quàm iis collustrandis.

Itaque utilissimum tibi erit Disciplinarum Mathematicarum
earum studium, cui nunc incumbis, si Geometricum illum
laudatissimum ordinem ad alia transferas, quoad per natu-
ram rerum licebit; atque animum ordini adsoletum instruas
lectione Veterum, iis cognitionibus, eaque facultate dicendi
quæ sunt literarum studioso, quodcumque vitæ iter ingre-
diatur, necessariæ. Quamobrem, ut Ciceronis verbi
usurpem nonnihil mutata, disces quidem, mi MARCE
à principibus hujus ætatis Geometrarum, & disce
quamdiu voles; tamdiu autem velle debebis, quoad
te quantum proficias non pœnitebit. Sed tamen no-
stra leges, ut subactum, ope Geometriæ, iudicium instruere
posse

acis, possis pulcherrimarum rerum, quæ in Veterum libris legun-
tur, cognitione. Quæ omnia studia tibi indies faciliora &
voce utiliora fieri, corpusculumque tuum & valetudinem confir-
olis, mari, Deum Opt. Max. ex animo oro. Vale,

Dabam Amstelodami Calend. Decembribus,

clclcc xvi;

89

INDEX

INDEX CAPITULUM

TOMI PRIMII

Præfatio. **D**efinitio, Divisio & Usus Critices, pag. 1

Pars I. De Ordine in Vet. lectione observando.

Caput I. De iis, quæ Vett. lectioni præmitti debent. 11

Cap. II. De ordine in lectione Latinorum observando. 21

Cap. III. De ordine in legendis Græcis observando. 29

Cap. IV. De Methodo in Hebraicæ Linguae studio observanda. 37

Caput V. Consilia variis ad rationem studiorum pertinentia. 47

Pars II. De Vocum & Loquutionum significatione.

Sectio. I. Regulæ Generales de Vocum, &c.

~~Caput I. De Divisione Vocum.~~ 53

Cap. II. 1. Linguas sibi invicem non satis respondere. 55

Cap. III. 2. Voces variarum Linguarum, quæ plane idem significare videntur, sibi invicem non respondere. 74

Cap. IV.

INDEX CAPITULI.

Cap. IV. 3. Multa videri in Versionibus Emphatica, quæ in ipsis fontibus nullam Emphasem habent. 80

Cap. V. 4. Plurima esse vocabula ambigua, in omnibus Linguis, cum ipsarum Linguarum inopia, et negligentia Scriptorum. 86

Cap. VI. 5. Significationes vocum earumdem, nunc esse ampliores, nunc arctiores. 96

Cap. VII. 6. Propriam vocum significationem, cum tralatitia non esse confundendam. 102

Cap. VIII. 7. Plurimis vocibus esse obscuras notiones subjectas. 106

Cap. IX. 8. Voces esse, quibus nulla subjecta est potestas. 111

Cap. X. 9. Loquutiones esse plurimas, in omnibus Linguis, anomalas, & parum accuratas, quæ nimium urgendæ non sint. 117

Cap. XI. 10. Ἀκρολογία non debere cum tropicis vocibus, aut figurata oratione confundi; neque ex ea regulas confici posse. 126

Cap. XII. 11. Multa esse propter constructionem ambigua. 130

Cap. XIII. 12. Ut probè intelligatur Scriptor quis, consuetudines & opiniones popularium ejus esse tenendas. 135

Cap. XIV. 13. Diversas sectas iisdem sæpe usas esse vocabulis, ad diversa prorsus dogmata exprimenda; & easdem servatis iisdem vocabulis, lapsu temporis, sententiam mutasse. 142

Cap. XV. 14. Difficultatem intelligendi maximam interdum oriri ex rhetorico stylo. 148

Cap. XVI. Brevis historia studiorum rhetoricorum, quibus difficillimum cognitu factum est, quid cogitarint pluribus de rebus celeberrimi Scriptores. 159

INDEX CAPITUM.

PARTIS II. SECTIO II. In qua particularim expenduntur vocum & loquutionum significationes.

| | |
|---|----------|
| Caput I. De significatione vocum, quæ simplicium notionum signa sunt. | 168 |
| Caput. II. De nominibus notionum compositarum. | 177 |
| Cap. III. De nominibus substantiarum & modo- rum. | 184 |
| Cap. IV. De nominibus relationum. | 194 |
| Cap. V. De rerum concretarum & abstractarum no- minibus. | 201 |
| Cap. VI. De notionum singularium, particularium, & universalium nominibus. | 208 |
| Cap. VII. De notionum clararum & obscurarum no- minibus. | pag. 215 |
| Cap. VIII. De notionum adæquatarum & inadæqua- tarum nominibus. | 220 |

ARS CRITICA,

SEU DE INTERPRETATIONE VETERUM SCRIPTORUM

PRÆFATIO.

Definitio, Divisio, & Usus CRITICES.

SECTIO I.

CRITICEN vocamus *Artem intelligendorum Veterum Scriptorum, sive numeris adstrictâ, sive solutâ oratione utentium; & dignoscendi quenam eorum genuina scripta sint, que spuria.* Dicitur ΚΡΙΤΙΚΗ, quod ejus opè judicemus de sensu dictorum, deque ætate scribentium. Hac in appellatione, aliquantùm discrepamus ab iis, à quibus mutuam sumpsimus, Græcis veteribus; *Criticos* enim vocabant, docente *Eustathio* in *Homerum* ad II. β. α. v. δ. κ. τ. ζ. *ἡγεμονικὴν κρίσιν* εἰδέναι, *ἐκ τῆς διδασκαλίας τῶν ποιητῶν*, eos qui ex doctrina Grammaticorum, judicare de Poëmatibus nōrunt. *b* Alibi eosdem vocat *ἀκριβοῦς* *ἡγεμονικὴς*, accuratiores Grammaticos. Sed utrobique agit de Interpretibus *Homeri*, aut de iis qui ejus opera recensuerant; qualis fuit *Aristarchus*, qui spurios versus *Homeri* notaverat. *c* At nos Criticen non minus ad eos qui prosâ oratione scripserunt interpretandos adhibemus, quàm ad intelligendos Poëtas. Non inquiremus hîc, an hæc Ars pars sit *Grammaticæ* propriè dictæ, an verò secus, quia pendet ex cujusque arbitrio, arctiorem aut ampliorem vocabulo cuivis tri-

^a Pag. 285. l. 9.

^b Pag. 773. l. 30. Ed. Rom.

^c Sic & Scholiastes MS. *Diomysia* Thræcis, cujus verba affert *Ger. Longobinus* ad *Longini* Cap. VI. solis Poëtis impingat *Criticum*.

sectæ Philosophicæ, de cujus tamen sectæ placitis non agatur ut ea interpretetur, sed subinde tantum ad ea alludat; eum non intelliget, nisi prius sectæ illius dogmata aliunde cognoverit. Voces præsertim *ῥηγιναι*, sive singulis usitatæ sectis peculiari notatione, & à vulgari quandoque remotissima, sine singulari dogmatum ejus sectæ cognitione, intelligi nequeunt. *Origenes*, & plerique alii Græci Patres, Platonicis dogmatibus maxime addicti fuerunt; ideoque si quis eos legere aggrediat, ante *Platonis* aut Platonici Philosophi lectionem, frustra sanè tempus terat. Similiter, si quis Tragicum Græcum legeret, nondum aliorum Poëtarum lectione firmatus, primò multum sudaret, deinde cum se eum intelligere putaret, toto cælo aberraret. Hæc exempla hanc in rem adducimus, quæ sunt manifesta, ut quid velimus clariùs pateat; sed sunt alia, in quibus innumeri peccant, quæ postea proferemus.

3. Quamvis non desint Interpretes & Lexicographi, quorum labore non parum adjuvamus, in cognoscendis vocum & loquutionum significationibus; attamen, ne dicam multa ab iis esse omissa, difficillimum interdum est ea quæ habent aptare locis Veterum, quibus intelligendis insudamus. Præter ambigua vocabula, voces plurimæ & phrasæ affines quidem sunt significationi, sed varia tamen notant; quæ si confundantur, magnos possunt in hoc negotio errores parere. Sunt præterea loquutiones & voces haud paucae, quæ cum aut nullam aut obscuram habeant significationem subjectam, attamen quasi claræ perperam habentur. Harum omnium exempla, ubi ad rem devenit erit, affatim afferemus.

4. Exercitatione & dexteritate haud exigua opus est, primum ad cognoscendam dictionem cujuspiam Scriptoris, ut eum à quovis alio secernere possimus; secundum, ad videndum si quid vitiosi, negligentia Librariorum aut temeritate Criticorum, irrepperit, & veram lectionem à falsis dignoscendam; tertio, ad deprehendendas veterum Librariorum fraudes, qui insignia nomina addiderunt fronti librorum interdum non malorum, sed Scriptorum minus celebrium, ut melius venderentur. Itaque hic est summus Artis Criticæ apex, ad quem non nisi longo labore pervenire licet.

SECTIO III.

1. **U**Sus quamplurimos habet Criticæ, & alios quidem cum aliis Disciplinis communes, alios verò sibi proprios; quorum præcipuos breviter attingemus. Utilitas omnis, quæ hauritur ex Historiæ cognitione, adeoque ex universo humaniorum literarum studio, quantum patet, huic imputari debet;

debet ; quoniam, hujus unius ope, Historiæ & elegantiorum literarum peritia comparatur. Eadem unicum est veræ Rhetorices, non fucata illius, quæ mendacio æquè ac veritati patrocinatur, fundamentum. Hujus beneficio, verborum ambiguum, seu de industria, seu incautè adhibita fuerint, latentes fallacias deprehendimus ; idque quod intelligi potest, ab eo quod sensu caret, secernimus. Nulla quoque Ars, præter Criticam, docet quâ ratione supposititia monumenta dignoscantur, & loca veterum instrumentorum fraude, vel inficiâ, corrupta restituantur. Atque hi duo posteriores usus Criticæ proprii sunt, priores habet communes cum aliis Disciplinis. Quod paulò copiosius ostendere, quantum instituti nostri patitur brevitatis, operæ pretium erit ; hinc enim manifestius liquebit, quanti momenti sit hæc disciplina.

2. Historiæ ope cognoscimus initia humani generis, quæ nos deducunt ad cognitionem ipsius rerum omnium Opificis ; opiniones & consuetudines populorum, quæ profunt multum ad bene ac beatè vivendum ; evenrûsque & inutationes, quæ in rebus humanis necessariò eveniunt, & quibus cautiore ac mitiores evadimus. Hæc autem omnia intelligi nequeunt, sine Critices subsidio. Nam licet pauci hujus Artis canones satis attenderint, & certâ methodo hoc in negotio progressi fuerint ; attamen, si quid in Historia intelligunt, totum ferè id Criticæ debent, ut ex ipsâ re postea liquidò constabit. At sunt innumeri, qui miro errore putant se intelligere quod non intelligunt ; quia ignorant quanta cautio adhibenda sit, ad sermonem veteris Scriptoris probè assequendum. Quot & quanti viri crediderunt se Historiam Ecclesiarum Christianarum, & opiniones eorum, qui vulgò SS. Patres vocantur, in numero habere, qui reverâ hospites ea in re fuerunt ? Nempe, vocabula nuda didicerant, aut voces, quibus ex hodiernis placitis significationes tribuebant, memoriæ mandarant, quod indubitatè exemplis alibi ostendemus.

3. Ope humaniorum literarum, expolitur ac emollitur animus, naturâ suâ rudis & tenax earum rerum, quibus primum imbuatur aut percellitur ; quod in rusticis deprehendimus, qui non modò rudes sunt & ignari eorum, quæ in villa sua non videntur ; sed etiam pertinacissimè plerumque adhærent consuetudinibus & opinionibus ab infantia acceptis. At qui cum plurimis versantur, experienciâ non tantum ruditatem exuunt, sed etiam sese adsuè faciunt audiendis contra suam sententiam rationibus ; atque eâ adsuètutine discunt cedere aliorum argumentis, si recta videantur. Ita quoque qui plurimos Scriptores legerunt, & cum illis, ut ita dicam, familiaris versati sunt, imperitiam & pertinaciam, cognitâ illâ varietate

rietate infinitâ opinionum, deponunt. Fateor tamen vastæ lectionis viros, utroque vitio, præ cæteris, laborasse; verum hoc factum non est vitio Artis, sed quod ipsi pravæ essent indolis, & multa quidem legissent, sed pauca reverâ intellexissent. Accidit sanè sæpissimè ut, qui diuturnam cuipiam Arti operam dederant, finem Artis illius nequaquam assequerentur; quod non est ipsi Arti vitio vertendum, sed iis qui ea abutuntur, imbecillitate iudicii, aut pravo affectu præpediti. Verum ubi Ars cum indole aut præstanti, aut non prorsus inepta conjungitur, indoles præstantissima evadit, vel mediocriter saltem expolitur.

4. Criticæ quidem canones non tam disertè loquendi tradit, quàm intelligendorum Scriptorum veterum; seu eloquentes fuerint, seu minùs facundi. Attamen, dum docet quâ ratione animum Scriptoris, sub verbis quibuscvis latentem, perspicere queamus; eâdem operâ ostendit quis sit, & quis debeat esse sermonis usus, ut qui nostra legunt, vel audiunt mentem nostrâ probè capere possint. Itaque hac ratione Critica fundamentum est Rhetoricæ; quæ eò ante omnia tendit, ut perspicuè quæ volumus efferre nòs doceat.

5. Hoc manifestius erit si reputemus, inter præcipuos Criticæ fines, hunc esse; ut probè, nimirum, intelligamus quid unaquæque vox significet, & quænam sit cum singulorum commatum & periodorum, tum totorum librorum sententia; hoc est, efficere ut cum legimus Scriptorem aliquem, id ipsum cogitemus, quod dum scriberet ille cogitabat, quantum id ex verbis ejus conjici potest. Ideoque si cujus cogitationes obscuræ fuerunt, dum scriberet, ejus dictis non attingemus claras notiones; quasi quæreremus quid cogitare debuerit, & quænam dogmatum ejus sint consèctaria, non verò quid re ipsâ cogitavit. Intelligimus autem hic hominem, non qui quod perspicuè intelligit, imperitiâ scribendi obscurè effert; sed qui obscuram notionem animo obversantem, iis quibus potest verbis exprimit, quod nimis frequens est. Contrà si quis dilucidas notiones verbis expresserit perspicuis; oportebit nos itidem clarè intelligere quid velit, numquam aliàs. Pariter si quis incautè, aut præ affectu, utatur verbis ambiguis, eadem Ars non docet quâ ratione varios vocum sensus excutere possimus; ne præter Scriptoris mentem aliquid in ejus sermone urgeamus, quod urgendum non fuerat. Contrà vulgò fit, nam qui obscurissimum Scriptorem, hoc est, cujus obscura non verba modò, sed & animi sensa fuerunt, quàm maximè potuit, perspicuè interpretatus est egregii interpretis officio functum se putat; cum ut plurimum indicaverit, quid cogi-

tare debuerit Scriptor quem exponit, ut ejus verbis responderent animi sensa, non quid re ipsâ cogitaret. Idem facit etiam qui res, quatenus sibi notæ sunt, magis attendentes quam verba Scriptoris quem interpretantur, dicta ejus notionibus suis aptant, cum ex iis sensa Auctoris, expiscari debuissent. Multa quoque, quasi clara, transmittuntur, quæ haud levi ambiguitate laborant, eaque multò plura sunt, quam quæ vulgò censentur. Alia intelliguntur, non pro usu Scriptorum, qui ea adhibuerunt, sed nostri sæculi; quo non vocibus modò Linguarum superstitum pro arbitrio utimur, sed dictionibus etiam Latinis novas affingimus significationes, aut à proximè præteritis sæculis attributas retinemus. Videntur & quædam emphatica auribus nostris, iis non satis adfuetis; quibus ita non afficiebantur Veteres, nec etiamnum afficiuntur doctiores.

Imò, quod paradoxum videatur, haud pauca sunt vocabula, apud Veteres, uti & apud Recentiores, quæ, non dicam obscuram, sed nullam planè potestatem subjectam habent, non secus quàm Aristophanicum *πλαττοθεραττοπλαττοθερατ*. Deprehendimus homines sæpe hoc unum in sermone spectare, non ut notiones quæ mentibus suis obversantur, dum loquuntur, exprimant; sed ut certas voces in certis circumstantiis, instar Psittacorum, aut Gracculorum, pronuncient. Hoc observare est potissimum in vocabulis quibusdam, quæ grandia occultare dicuntur mysteria, qualia sunt vocabula *Transsubstantiationis*, *Præsentie corporis*, non naturalis, sed sacramentalis, *Ubiquitatis humanæ naturæ Christi*, &c. Quæ afferimus, non quasi sola, sed quasi eximia quædam exempla vocabulorum nihil significantium. Sunt præterea innumera, quæ si non sint eodem loco habenda, notiones aded generales & incertas habent, apud plurimos Scriptores, adnexas, ut vix ac ne vix quidem indicari possint. Attamen qui iis utuntur sperant se luce meridianâ clariùs loquutos, cum plurima ejusmodi protulerunt vocabula. Hinc etiam fit ut qui eos Scriptores legunt videantur interdum sibi mira legere, ubi nihil intelligunt; iisque adsentiantur, vel potius in vocibus quibusdam acquiescant, summâ propensione animi, & putent se veritatem didicisse, cum meros sonos didicerint.

** Omnia enim stolidi magis admirantur, amantque
Inversis quæ sub verbis latitantia cernunt;
Veræque constituunt, quæ bellè tangere possunt
Aures, & lepido quæ sunt fucata sonore.*

6. Denique Critica nos docet quid possimus supposititia Scripta à veris secernere, quod maximi est momenti. Primum enim, nisi hujus regulas attendamus, historias fictitias pro veris suscipimus, & sic fabulis honorem soli veritati debitum, tribuimus. Ita cum quidam *Joannes Annii Viterbiensis*, Ordinis Prædicatorum, qui floruit sub finem sæculi XV, edidisset, quasi à se in schedis vetustis repertos, *Fabium Pictorem* de Aureo sæculo, *Myrsilum Lesbium* de Tyrrhenis, *Catonis Origines*, *Sempronium* de Italia, *Archilochum* de temporibus, *Metasthenem* (quem debuit vocare Megasthenem) *Philonem*, *Berosum*, & *Manethonem*; multis imperitis imposuit, & plures fefellisset, nisi hoc facinus luce literarum, quæ postea excoli cœpère, re-rectum fuisset. Veteres Christiani, cum hanc artem non satis callerent, fabulas sub Apostolorum, aut virorum Apostolicorum nomine, sibi obtrudi passi sunt. Talia fuere *Itinera Pauli*, *Predicatio Petri*, aliæque de quibus *Joannes Dallæus* in *Pseudepigraphis Apostolicis*, & quæ ab iis proferri solent tam securè, quam si certò constitisset esse eorum, quorum nomina præferebant; cum manifestissimum sit fuisse Scripta supposititia. Plurima quoque celeberrimis Scriptoribus Ecclesiasticis tributa sunt, quæ illis ignota fuere, ut passim observant qui de hisce Scriptoribus egerunt, & inter alios *Robertus Cocks* in libro inscripto: *Censura quorundam Scriptorum qui, sub nominibus Sanctorum & Veterum Auctorum, citari solent*; ac *Andreas Rivetus*, in *Critico Sacro*. Hinc factum ut * celeberris Episcopus *Oxonienfis*, Antiquitatis alioquin propugnator acerrimus, in hæc verba eruperit: *Tanta fuit primis sæculi fingendi licentia, tam prona in credendo facilitas, ut rerum gestarum fides graviter exinde laboraverit: nec orbis terrarum tantum, sed & Dei Ecclesia de temporibus suis Mythicis queratur. Arrepta occasione, quid Confessores Θεοφύλακτος & Χριστόφορος passim dicebantur, malè feriati homines Briareum Christianum Martyrologiis inseruere. Paribus auspiciis lancea, quæ Domini latus transfixit, in sanctum Longinum transibat, & vestis, quæ Protomartyr Anglorum Albanus se induit, in sanctum Amphibalum mutabatur. Atque hæc & similia crederemus etiamnum hodie portenta, nisi Critices lux nostri Occidentis tenebris illata, mendaciis discussis, veritatem patefecisset.*

7. Verùm non in Historicis duntaxat fictitiis secernendis prodest Critica, sed etiam in veris Historicorum Scriptis reteggit additas lacinias, aut resectas particulas, quæ aut sensum turbant, aut novum etiam pariunt Historicorum opinionibus contrarium. Ita viri docti a existimant *Josephe* adfuta fuisse

* *Joann. Fellus* in *Monit. præmissæ Confessioni Supposititiæ Cypriani*.

† *Tan. Faber* in *Epist. 12. Lib. II.*

se verba de Christo, à Christiano malè seriato, ut *Iosephus* Christo testimonium, quo non indiget, exhibuisse videretur. Detracta quoque interdum sunt veteribus Historicis, quæ non satis consentire videbantur, aut cum fide Historiæ, aut cum receptis sententiis; qua in re, ne quidem sacris Apostolorum *b* Scriptis pepercere audaces, imò perfidi Librarii. Quod cum ita sit, quid mirum, si manus non abstinuere ab aliis Historicis? Sic apud *Eusebium*, in Chronico translato & aucto ab *Hieronymo*, legitur ad An. M. CCC. XCII. *Basilium Casariensis Episcopum Cappadociæ* clarus habetur; resectis hæc quæ in quibusdam Manuscriptis temerariam correctionem non passis comparent: * *Qui multa continentia & ingenii bona uno superbia malo perdidit*.

8. Cavendum tamen docet Critica, ne quia interpolata sunt multa Veterum Opera, multa item *υποβολιμαία*, idè omnia suspicemur corrupta aut supposita; & præcepta tradit, quæ si sequamur, nec omnia sine examine admittemus; nec omnia, quod est alterum extremum, rejiciemus, idè quia sunt quædam falsa; uti faciunt qui Criticæ numquam litarunt.

9. Sed, quas modò memoravimus, fraudes non solum in his quæ ad eventus pertinent commissæ sunt; sed etiam in libris dogmaticis, quod majoris est periculi. Etenim ut novitia dogmata auctoritate Veterum fulcirentur; aut ne Veterum dictis oppugnantur, eorum Scripta, vel aucta, vel imminuta sunt. Libri integri iis attributi, quorum non erant, verisque eorum scetibus insertæ integræ periodi, cujus utriusque fraudis vel unus exemplum est *Ignatius Antiochenus* Episcopus; cui non modò affectæ sunt, quas numquam scripserat, Epistolæ; sed additæ in genuinis plurimæ lacinix, ut ex earum *Usseriana* Editione videre est. Detracti sunt ex Veterum Scriptis libri integri, quod non placerent Editoribus, sicuti fecisse se jactat † *Latinus Latinius* in Ed. Operum Cypriani Manutiana, ubi non comparet Epistola celebris *Firmiliani Cæsareæ Cappadociæ Episcopi*, in qua *Stephani* Romani Episcopi vitia vivis pingit coloribus. Qui Editionem Venetam Operum Augustini Ann. 1570. procurarunt fatentur in ipsa operis fronte, quasi egregium facinus, se curavisse removeri ea omnia quæ fidelium mentes hæreticâ pravitæ possent inspicere, aut à Catholica & orthodoxa fide deviare. Neque hoc putandum heri aut nudius tertius primùm cœpisse fieri; pestis hæc

b Vide Criticæ Part. III. §. I. C. 3.

* Vid. *Is. Vossium* in Resp. ad 3. Objection. Ric. Simonii p. 119.

† Biblioth. Sacra p. 177. Ego, inquit de hac Epistola verba faciens, *Latinus Latinius* omisi, non *Manutius*, cum Majorum exempla sequutus, tum petulantiam hominis detestatus.

multo periculosiùs grassata est, antiquioribus sæculis, cùm libri manu describerentur, rarioreque aded essent, ut exemplis allatis, & plurimis aliis, quæ posthac afferrentur, liquet.

10. Ope Criticæ, hæc omnes fraudes deprehendimus, quod nisi fiat, errores novos, quasi prisca dogmata, admitti nobis oportebit. Apostolis, exempli causâ, tribuenda erant signenta quæ in eorum *Iudeo-tyræis* reperiuntur, ut fecerant Veteres, & inter alios *Clemens Alexandrinus*. Iidem etiam, quod avidius arriperent quidquid videbatur favere Christianæ Religioni, sine ullo examine Critico, Ethnicis sæpe ludibrium debuerunt; ut cùm Sibyllarum versus, à Christiano fictos, contra Ethniconum Religionem adhibuerunt, quasi à mulieribus fatidicis ante plurima sæcula effusos; unde factum ut ab iis a *Sibyllistæ* vocarentur, & b fraudis accusarentur. Denique eâ ratione fiebat ut multorum animi à Christianismo alieniores fierent, utque fides Christianorum non paucorum cæca potiùs esset credulitas, quæ falsis æquè ac veris movebatur; quod postremis temporibus multis, qui nasuriores quidem sunt, ut possint fraudem subolfacere, sed non sat docti ut veritatem inveniant, omnem pectore excusant fidem.

11. Præter memoratas fraudes, quæ luce Critices reteguntur & caventur, multa irrepsere in Veterum Scripta menda, ignorantia Librariorum, eorundemque oscitantia; imò & Criticorum, qui Critices non satis periti audaciùs libros Veterum emendarunt, temeritate. Eiusmodi mendis vix ulli carent Scriptores, quoniam Librarii aut Critici paucissimi satis diligentes, aut cauti, ut decuit, fuere; nulli prorsus spiritu *ἀναμαρτυρίας* acti. Hinc nati hujus & prioris seculi viris doctis labores, circa hoc solum, innumeri, ut emendatè Veterum Scripta ederentur; hinc tot de Codicibus depravatis querelæ, quibus vel solis volumina confiantur. Atque hæc labes non modò minoris momenti Scripta invasit, sed sacros etiam Codices ut viri summi ostenderunt. Licet istiusmodi menda iis quæ ad salutem necessaria sunt, non officiant; atamen nisi Critices periti sint, qui legendis sacris Libris operam dant, necesse est aut non intelligant varia quæ legunt, aut mira fingant, ut sensum ex depravatis locis eruant.

12. At ope Critices via aperitur tuta ad menda ejusmodi deprehendenda, & si fieri possit, emendanda. Fateor Criticos innumeros hinc peccasse, & quotidie *παρρησιασθέντες* Veterum Scripta inquinare. Verùm hi arte non uti, sed abuti

a Origen. contra Celsum Ed. Cant. p. 272.

b P. 369.

consensendi sunt, nec propterea Ars ipsa vituperanda. Plurimi quidem sanè ratiocinando in errores delapsi sunt, sed quemadmodum propterea rationem non abjiciemus, ut nos brutorum instar, impetu, non judicio, regamus: ita nec, propter Criticorum peccata, Artem ipsam Criticem repudiabimus; si quis ea dextrè utatur, summæ utilitatis. Non desunt quidem qui in sacris Codicibus ne minima etiam menda agnoscant; sed certè quod optant, & quod etiam omnes optarent, credunt. Verùm ista eorum opinione aut pertinaciâ, quod falsum est non evadit verum; adeoque dum manifesta negant, Religionem, Atheorum ludibrio exponunt, ostenduntque se non amore veritatis, sed studio partium agi. Sapientiores enim cùm nihil tutius veritate esse putent, tum verum vero contrarium esse non existimant; quò fit ut nihil Religioni Christianæ timeant, modò veritatem semper propugnare liceat; quod, Deo favente, saltem in aliquo terrarum angulo, semper licebit.

Atque hæc sunt quæ de Definitione, Divisione, & Usu Critices dicenda habebamus; & quæ ad hanc Disciplinam in ipsa fronte hujus Opusculi delineandam, necessaria duximus. Ex re ipsa certius judicabit Lector, an ei quidquam immeritò tribuerimus; nos quidem speramus scientiam hanc multò φιλοσοφικωτέραν esse, quàm multi crediderunt, iis quæ dicemus manifestum futurum.

ARTIS CRITICÆ

P A R S I.

De Ordine in Lectione Veterum Scriptorum observando.

C A P U T I.

De iis quæ Lectioni Veterum præmitti debent.

EUM, cui hæc præcepta tradimus, jam imbutum esse oportet Grammaticæ elementis, & eâ cognitione Latinæ Linguae instructum; ut possit faciliores Scriptores, sine Dictionarii subsidio, intelligere, & Commentariorum, qui ad difficiliorum locorum interpretationem scripti sunt, sensum assequi. Quod in Præfatione jam innuimus.

2. Cum in omni Disciplina is ordo, quantum fieri potest, servandus sit, ut illa ante omnia addiscantur, quæ simplicissima sunt, seu sine aliarum rerum cognitione intelligi possunt; ac demum ad alia, quæ priorum illorum luce indigent, deveniatur, ejus rei nos hic oportet esse memores; ne à difficilioribus initio facto, aut animus à studiis alienior ipso labore fiat, aut labor sine fructu studiosorum augeatur; aut etiam perturbationem in studiis & in animo pariat ordo præposterus; quæ omnia, quasi scopuli studiorum, sunt diligentissime vitanda.

3. Tria sunt quæ, positâ eâ Latini sermonis cognitione, quam initio indicavimus, possunt intelligi, adhibito eo studio, quod in omnibus scientiis, quæ primum attinguntur, necessarium est. Prima est *Geographia*, altera *Chronologia*, tertia *Consuetudinum & Opinionum cognitio*. In tribus hisce possunt cum fructu versari, qui humanioribus literis operam dare incipiunt; neque enim ad ea intelligenda magnâ Latinæ Linguae cognitione opus est, & possunt ex Recentiorum Scriptis hauriri.

S E C T I O I.

De Geographia.

1. **G**EOGRAPHIAM, cum discendam præcipimus, non intelligimus Artem ipsam Tabularum Geographicarum conficiendarum, principiorumque ejus Artis Mathematicorum

maticorum cognitionem; hæc enim ad Mathematicas disciplinas, quas hic non attingimus, pertinent. Necessaria duntaxat est cognitio Geographiæ, qualis traditur in Compendiis plurimis Geographicis, quæ omnium manibus teruntur, ubi discere est quanam in Sphæra intelligantur circuli, quas in partes Orbis Terrarum dividatur, quis sit situs Imperiorum, Regionum, Provinciarum, Urbium, locorumque omnium celebriorum.

2. Ea cognitio, saltem mediocris, necessaria est, priusquam ad seriam lectionem Scriptoris ullius deveniatur; cum passim occurrant nomina Gentium, Populorum, Regionum ac Urbium. Nisi enim sciamus, quem locum terrarum habuerint, primum non intelligimus sæpissime quod de iis dicitur, nec quid Genti cum Gente, Civitati cum Civitate, negotii esse potuerit assequimur. Erroribus etiam Veterum Geographicis, qui neque rari, neque exigui sunt, si simus *ἀγνοῦντες* passim deludimur. Sic qui Alexandri res gestas scripsit *Caucasum*, qui est inter maria *Caspium* & *Euxinum*, apud Indos quærivere. Vide *Curtium* Lib. VII. c. 4, 5. Unde factum ut *Curtius* *Caspium* & *Euxinum* maria miscuerit, & *Tanaïn*, ubi est *Oxus*, ad ortum *Caspii* maris posuerit. Sic *Lucanus* Lib. III. vers. 248. malè inducit Arabas

Umbras mirantes nemorum non ire sinistras,

cum sint *ἀπὸ δεξιῶν*. Quod peccavit etiam de *Taprobana* *Plinius* Lib. VI. c. 22. Alia etiam notat in iis meritò *Josephus Scaliger*, in Prolegomenis ad *Manilium*. Sed, quod mireris, Romani Scriptores *Virgilius*, *Manilius*, *Lucanus*, *Florus*, immani errore miscuerunt Philippos Phthioridis in Thessalia urbem haud procul à *Pharsalo* sitam, ubi C. Julius Cæsar Cn. Pompeium vicit, cum *Philippis* Macedoniæ urbe, ad *Strymonem* fluvium, ubi Brutus & Cassius ab Antonio & Cæsare victi sunt; ut post alios animadvertit *Lucas Holstenius* in *Stephanum Byzantinum*, ad vocem ΘΗΒΗ. Deinde sine voluptate Historias aut alia, in quibus multa mentio est populorum & locorum, legimus; at quæ ita legimus brevi fastidimus, unde nascitur studiorum primò languor, postea neglectus, ac tandem barbaries ignorantiae fida comes. Neque dicas, qui Scriptores antiquos legunt, etsi sunt Geographiæ prorsus imperiti, posse juvari Dictionariis Geographicis aut Notis; etenim ubi ad illa subsidia passim est confugiendum, id sine maxima molestia fieri nequit. Sunt autem literarum studia facilissima, si fieri potest, efficienda; & satis habent in se salebrarum inevitabilium, ut necesse non sit alias negligentiam nostram aliunde

aliunde accedere. Præterea si quis hanc molestiam concoquere sit paratus, tamen diutissime leget, priusquam ex sola lectione Historicorum, Philosophorum, Oratorum aut Poëtarum mediocrem Geographiæ cognitionem sibi comparare possit; quod tamen haud ægre potest fieri, si Compendium Geographicum diligenter legatur.

3. Dubitari nequit, quin *Desiderius Erasmus* inter eos censeretur, qui πολυισογᾶς vocari possunt, & quin innumera legisset. Attamen apparet, ex pluribus locis ejus Operum, eum ne elementa quidem Geographiæ tenuisse. Memini probè me, dum legerem ejus notas in *Hieronymi* Epistolas, observare eum *Mitylenen* Lesbi insulæ urbem confudisse cum *Melita* insula, ad quempiam *Hieronymi* locum, ubi mentio fit naufragii *Pauli*; quem locum memoria non suppeditat. Sed nec opus est, quoniam hunc ipsum errorem repetiit in *Notis* ad *Acta*, XXVIII, 1. tertiæ editionis, anni M. D. XXII. & novos addidit: *Hugo*, inquit, *Carrensis* liberum nobis facit, utrum malimus *Militenem* legere, an *Miletum*, etiamsi sunt qui corruptius legant *Mytilene*. Græci legunt *Melita*. Ea est insula inter *Epirum* & *Italiam*, spectans *Siciliam* ad *Septentrionem*. 1. Ille *Hugo Carrensis*, qui scripsit *Commentarios* in V. & N. Testamentum, obiit anno C^{ho} CCLX, barbaro sæculo, nec proinde dignus erat, cujus auctoritari crederet vir tantus, quantus erat *Erasmus*. 2. *Miletus* urbs fuit *Ionie* in *Asia* Minore, aut *Calabria* in Regno *Neapolitano*, de quibus hîc sine dubio non agitur. *Militenē* ne nomen quidem est ullius loci, sed mera depravatio pro *Mitylene*. 3. *Melita*† est quidem nomen insulæ inter *Illyricum* & *Italiam*, sed absurdum est dicere eam spectare *Siciliam* ad *Septentrionem*; nam spectat *Illyricum* quod est ad *Septentrionem* *Italiæ*. Inter hanc insulam & *Siciliam* interjacet *Italia*, cui est *Sicilia* ad *Meridiem*. At *Erasmus* hanc *Adriatici* maris insulam confudit cum insula ejusdem nominis, quæ est ad *Meridiem* *Siciliæ* in *Africo* mari; immani sanè errore, & ita expresso ut appareat ei situm *Epiri*, *Italiæ* & *Siciliæ* inter se notum satis non fuisse; unde necesse est colligere tantum virum hospitem fuisse in hac disciplina, adeoque innumera in *Veterum* Scriptis non intellexisse. Neque reponas *Erasmum* oscitantia peccasse, nam & alibi in eadem re peccat; ut ad vers. 1. Ejusdem Capituli, ubi dicit *Rhegium* esse civitatem *Siciliæ* maritimam, cum tyrones nōrint esse *Italiæ*. Vicinia fortè in errorem illum conjecit, at hoc causari nequit ineptus Grammaticus, qui *Servii* in *Virgilium* *Commentariis* subinde nugæ im-

† Aut *Milita*, nunc *Melida* ab *Italiis*, *Milet* à *Sclavis* dicitur.

miscuit, & cujus hæc sunt verba in *Æn.* IV, 367. *Hyrcanæque admirant ubera Tigres. HYRCANÆ: Arabice, inquit, nam Hyrcania sylva est Arabia.*

4. Hinc apparet *Erasmus* vix umquam in Tabulas Geographicas quæ sanè ejus ævo rariores erant, quàm hoc nostro, oculos coniecisse. Haud à multis annis etiam vir non indoctus, qui *Historiam Patriarcharum* scripsit, ubi de Uxoris Loti μεταμορφωσις agit, dixit, *Uticam* non esse *Sidone* remotam; unde conjiciebat eam mulierem in salem fossilem conversam, qui circa *Uticam* fuisse dicitur, ac proinde ut ille putabat, non procul *Sidone*, adeoque *Palæstina*. Itaque ignorantio Geographicæ in errorem facile conjicere potest.

5. Ut autem probè discatur hæc disciplina, quatenus viam Critices studio sternit, utendum est *Sphæra Armillari*, ad cognoscendos circulos, de quorum variis generibus initio Artis agunt Geographi. Deinde comparandæ sunt Tabulæ præcipuarum Regionum, ubi nomina antiqua adscripta sint; præsertim Imperii Romani, Italiæ ac Græciæ. Hanc postremam Regionem optimè omnium descripsit *Nicolaus Sophianus*, antecedentem *Philippus Cluverius*, licet eorum Tabulæ mendis non careant. At sunt meliores multò reliquis antiquis, quæ plerumque pessimæ sunt; ut summopere optandum esset viros eruditos hoc negotium in se suscipere, ut novas erudito Orbi Tabulas conficerent. Attamen quoniam præstat aliquas habere, quàm nullas tot sunt comparandæ, quot possunt inveniri. Utile etiam est *Ptolemæum* habere Edit. Hondianæ anni 1605. si ejus comparandi occasio occurrat; est enim sæpe accuratior Recentioribus.

6. Addendum est huic compendium Geographicum *Phil. Cluverii*, aut quod nuper editum est, ubi sola continetur Geographia antiqua, à *Christophoro Cellario* Smalcaldiensi, aut aliud quidpiam simile opusculum, prout erit ad manum. Ejusmodi liber est semel atque iterum legendus, cum Tabulis, ubi quærenda omnia loca quorum meminit, aut quæ erunt in Tabulis quibus utemur; donec eam cognitionem sitis Provinciarum, & Urbium præcipuarum acquisiverimus, ut veluti pictæ in memoria sint Tabulæ, & statim ac obijciuntur oculis, possimus invenire locos de quibus sermo est. Ita fiet ut cum legemus itinera, expeditiones, bella, fœdera inter populos & urbes, statim animadversuri simus, quàm longa essent itinera, quàm facilia aut difficilia bella, quàm necessaria fœdera, aliâque similia. Vitabimus etiam in sermone errores, in quibus deprehendimus interdum viros alioquin eruditos, sed Geographicæ imperitos. Hic non recensebimus reliqua Disciplinae illius commoda, quia non sunt hujus loci & à Geographicis ipsis peti debent.

SECTIO II.

De Chronologia.

1. **C**HRONOLOGIÆ, seu Scientiæ Temporum partes sunt duæ; quarum una *isœuxi* potest dici, altera *rixini*. Prior docet quo tempore viri celebres vixerint, & præcipui eventus contigerint. Altera verò ostendit quibus fundamentis nitatur tota illâ supputatio Chronologica. Utraque, antequam animum ad lectionem Veterum appellamus, præstibanda est, sed potissimum prior; posterior enim differri potest, utpote difficilior.

2. Planè necessarium est Historiam summam nosse, ut sciamus tempora eorum quæ notatu dignissima humano generi evenerunt; primum quia melius intelligimus Scriptorem, cum scimus quo tempore vixerit, quam cum ignoramus. Unumquodque sæculum suos habuit eventus, sua ingentia, sæpe & suos loquendi modos ac suas opiniones; ad quæ aut clarè, aut obscurius alluditur passim ab omnibus Scriptoribus, ut ostendamus suo loco copiosius. Secundo, vix possumus loqui de Veteribus, nisi sciamus quo tempore vixerint; alioqui periculum est ne in crassos errores delabamur incauti, quod evenit etiam viris non indoctis, qui Chronologiæ rudēs erant. Ejusmodi immanem errorem erravit *Justinus Martyr* in * 2. *Apologia pro Christianis*, ubi fabellam de *EXX*: *Intr. serid* narrans ait *Ptolemæum Aegyptiorum Regem cum Bibliothecam institueret, atque omnium hominum scripta colligere niteretur, & de Prophetis Hebræorum aliquid mandasset, misisse ad Herodem Judæis tunc imperitantem, ut ei librorum tota bibliotheca transderet. Herodes, qui peteret ad se mittere libros Prophetarum, quos Rex Herodes misit.* Non est tantum hic peccatum memoriæ, sed imperitiæ; neque enim qui Chronologiæ elementa norit, in tam celebribus Regibus, tantum peccatum umquam admisit. Cum primis Christianæ Religionis sæculis, Platonici Christianis varias sententias Evangeliorum a Platone petitas esse objicerent, alii quidem alia calumniæ reposuerunt; sed *Ambrosius Mediolanensis* Platonem, in peregrinatione Aegyptiacâ, ab *Jeremia* Propheta Judaicâ doctrinâ imbutum fuisse responderat, ac proinde à Judæis sumpsisse quæ haberet. Is liber *Ambrosii de Sacramentis*, vel de *Prophetia* inscriptus, periit. Sed tam immanis erroris memoriam servavit *Augustinus*, qui eum pariter erravit de doctrina Christiana Lib. II.

c. 28. & Epistola XXIV. ad *Paulinum*, ac postea retractavit *Retract.* Lib. II. c. 4. Tertiò, tota perit lectionis voluptas, adeoque studiorum & literarum amor, si prorsus ignoremus, quo tempore evenierint ea quæ legimus; buod experimur etiam, cum nobis quidpiam narratur. Solemus enim illico quærere, quando contigerit; quod nisi sciamus, ilhibenter narranrem audimus.

3. Neque etiam hic putandum est satis esse, si penès nos habeamus *Tabulas Chronologicas*, aut *Chronologiam* quampiam quam consulamus, ubi necesse est; etenim incommodum est frequenter nimium lectionem seriam abrumperè, ut ad ejusmodi subsidia confugiamus. Saltem tenenda sunt tempora potissimum eventuum, & virorum celeberrimorum; ut pauca tantum minoris momenti quærenda supersint. Alioquin ex quærèndi labore nascitur fastidium & negligentia, quæ sunt in studiis veluti lethales morbi.

4. Igitur antequàm nos accingamus ad lectionem Veterum, prælibanda est *Chronologia*, & quidem brevis *Universalis Historia* eligenda, quæ studiose aliquoties perlegi possit. Multa ejusmodi existant *Compendia*, quorum unum ad manum habendum erit, quale est *Petaviani Rationarii Pars prior*, aut nuper edita *Christophori Cellarii viri eruditi Historia Antiqua*. Et hunc quidem prætulerim *Petavio*, quod *Petavius* non semper annos eventuum quos narrat addat, præterquàm quod in *Cellario* sunt subjecti *Scriptores* unde hausit quod habet. Verumtamen hic non est quærenda summa *axebsua*, quæ in *Compendiis* esse nequit; satis est modò præcipua quaquæ notata sint, & eorum tempus circiter memoriâ teneatur. Hoc autem facile fiet, si attentè aliquoties idem *Compendium* legamus; & quotiescumque memoria tempus alicujus rei, quæ inter legendos *Veteres* occurrer, non suppeditabit, non pigeat ad *Compendium* confugere. Addi etiam possunt *Tabulæ Chronologicae*, quales sunt *Petavianæ*, aut aliæ; quas utile erit parietibus *Musei* appensas habere, ut sæpe aliud agendo perlustrentur; & tempora animo altius insigantur.

5. Quicumque hoc experientur, videbunt magnum inde nasci emolumentum, & summam in legendo voluptatem. At præterea habere oportet *Dictionaria Historica*, uti & *Geographica*, quæ aut junctim aut divisim traduntur. Conjunctim illa inveniuntur in *Caroli Stephani Lexico*, à *Nicol. Loydio*, nuper in *Anglia* aucto, vel in *J. Jac. Hofmanni Dictionario*. Separatim *Geographiam* tradidère *Abr. Ortelius* olim, postea *Phil. Ferrarius*, cujus opus multum auxit *Mich. Antonius Baudrandus*. Hæc aut similia, prout commodum erit, sunt comparanda *Lexica*; iis enim prorsus carere non potest, quicumque

quicumque cum fructu legere cupit; uti nec qui Artem ex *ἡ παραίσιον* discit, sine artis instrumentis, eam potest addiscere.

6. Non addam hîc plura consilia de Geographorum, aut Chronologorum Vett. vel Recentiorum lectione; quia qui hæc circa initia studiorum probè observarint, & ulterius fuerint progressi, sibi satis consulent. Monendum tantùm superest aliquid de ea parte Chronologiæ quæ *τεχνική* dicitur. Ea docet rationem annorum plerarumque Gentium nobiliorum, & methodum quâ utuntur Chronologi, ad tempora antiquarum Historiarum constituenda; prout possumus cognoscere ex secundo libro *Rationarii Petaviani*, ubi illa ars traditur. Hæc quidem est Chronologiæ omnis fundamentum, sed quia est difficilior, & utilis duntaxat ad supputationes Chronologorum expendendas; idè ejus lectio differri potest. Sumimus enim hîc quasi certum, Chronologos, quos sequimur, rectè rationes iniisse, quod quin in præcipuis saltem verum sit, dubitari nequit; licèt sint, in aliis minoris momenti, nodi *αὐτοί*. At hîc satis est modò de summa rerum constet, etenim error pauculorum annorum rariùs officere potest intelligentiæ Scriptorum antiquorum.

SECTIO III.

Cognitio Consuetudinum & Opinionum.

1. **I**N omnibus Scriptoribus innumeræ sunt allusiones ad consuetudines ac opiniones eorum temporum, quibus scripsere; quas nisi in numerato habeamus, non intelligimus multesimam partem eorum quæ legimus, si aliunde Interpretem, quem consulamus, nancisci nequeamus. Hoc adè manifestum est, ut probatione non egeat; quicumque enim vel unum Scriptorem legere aggressus est, expertus est illico, vel aliquot pagellarum lectione. Sed sunt non modò manifestæ allusiones, verùm etiam obscuriores, quæ ab omnibus non animadvertuntur; adè ut multi ea se intelligere putent, quæ non intelligunt.

2. Consuetudines autem omnes possunt ad duas classes referri. Aliæ respiciunt res privatas, aliæ publicas; & hæc quidem notiores plerumque sunt, cæteræ ignotiores. Attamen ad privatas non minùs passim alluditur, quàm ad publicas. Innumeræ loquutiones inde desumptæ sunt, quarum vim idè non assequimur, quia illas consuetudines sæpe ignoramus, Exemplum unum, aut alterum attierre non pigebit.

Theologi multùm disputarunt ad inveniendam rationem ob quam Christus Matth. VIII. 12, vocat pœnas malorum

οὐκ ἐστὶν ἡ τῶν σκῆπτρον tenebras externas. Opiniones non referam ne brevitate institutâ excedam, sed uno verbo indicabo quid sit. Nempe, sermo est de cœna, quæ cûm noctu sumeretur, ut nunc; nemo poterat cœnâ excludi quin esset in tenebris externis. Vide quæ ad eum locum * scripsimus.

Aliquando, ut vel hinc apparet, ad notas consuetudines non attenti, à sensu aberramus. Ita etiam, in celebri illa Dominicæ Orationis petitione: *panem nostrum quotidianum da nobis hodie*, alluditur ad morem eorum qui pauperes alunt, præbitis quotidie in unum diem alimentis, quorum exemplum extât apud Tobiam, Cap. I. 3, 19. juxta Latinam Versionem. Similiter *Vopiscus* † in *Aureliano*: *Siligineum suum* (scilicet panem) *quotidie* xpo suo unusquisque recipiebat. Eos panes vocabant *διατροφικὰς*, ‡ quos pauperes ab Impp. unoquoque die accipiebant, per totam vitam; quodd exprimit vox *ἐκείνους* & *Craftinus*. Sic & Manna, quâ in Arabicis solitudinibus Hebræos Deus aluit, fuit, panis *ἐκείνους*, quem Deus quotidie, quandiu necesse fuit, præbuit. Hoc ergo Christus vult. Da nobis in posterum, per reliquam vitam, quotidie unde vivamus: ut sit pauperibus, quibus quotidie victus suppeditatur. De significatione singularum vocum, consulendus H. Grotius.

Alludit Christus ad publicam consuetudinem Matth. V, 22. ubi mentionem facit *Judicii* & *Synedrii*, quæ nomina erant Tribunalium, ad quæ leviores & graviore causæ, apud Judæos, disceptabantur. Vide quæ ad eum locum diximus.

3. Ad opiniones quoque passim respicitur, quæ in duo summa genera possunt distribui. Aliæ pertinent ad cultum Dei, & mores; aliæ ad res naturales. Ita cûm Judæorum præcipua in divino cultu ceremonia in sacrificio esset sita; idcò in N. Testamento omnia ferè pietatis officia sacrificii nomine, interdum indigitantur. Mors Christi sacrificium quoque vocatur, quodd fuerit præcipua ejus pietatis pars, & quædam habeat sacrificiis similia. Summa est interdum difficultas sciendi an vox, quæ metaphoricè & allusione cuiuspiam rei designandæ adhibetur, debeat urgeri pro tota primigeniæ suæ significationis amplitudine; hoc est, an in rebus, quibus metaphoricè apratur, omnia quærenda sint similia iis quæ sunt in aliis, quas propriè designat. Qui opiniones, ad quas respicitur, ignorant, ne de allusione quidem cogitant, nedum ut nodos ejusmodi in interpretandis Veterum Scriptis longè maximos, solvere quæant, Verba LXX. Int. in versione Pf. XCI.

* In add. ad H. Hammond's Adnotationes.

† Edit. Salmasiana Parisin. p. 220.

‡ Salmasius in not. p. 375.

6. Δαίμονιον μεσημβρινόν, *Dæmonium meridianum*, multum tor-
sere Patres Græcos & Latinos. Non quaeram an Hebraici Co-
dicis verba rectè versa sint, hisce vocibus. Hoc tantum di-
cam, ad Ethnicorum opinionem respici, qui credebant Dæ-
monas potissimum meridie esse timendos. Ita *Callimachus Cy-
renæus*, in Hymno in *Lavacra Palladæ*, vers. 71. Deam de-
scribit cum *Chariclone* nympha lavantem, hisce verbis:

Ἦπ' ἔτι καὶ γὰρ Ἑλικωνίδι καλὰ ῥεοῖσα
Λάπτο, μεσημβρινὰ δ' εἶχ' ὅρ' ἀνυχία.
Ἀμφότεροι λούοντο, μεσημβρινὰ δ' ἔσαν ὕδατι,
Πολλὰ δ' ἀνυχία τῆνο κατῆχεν ὅρ'.

In *Hippocrène Heliconide* pulchrè fluenti lavabant, cùm meridi-
ana obtineret montem quies; amba lavabant & meridianum erat
tempus, multaque tranquillitas illum obtinebat montem. Quo
factum est ut *Tiresias*, qui *Heliconem* tunc oberrabat, Deâ
conspectâ, oculorum usum amiserit. Similiter, apud *Theocri-
tum*, *Idyll. I.* Pastores non audent τὸ μεσημβρινόν σελιδέν,
meridie fistulâ canere, quod timerent *Panem*: τὸν Πᾶνα δὲ
δοῖκαμος, *timemus*, inquit, *Panem*. *Lucanus* Lib. III. de *Lu-
co* ad *Massiliam* fito, quem sanctissimum *Galli* habebant:

Non illum cultu populi propiore frequentant,
Sed cessere Deis, MEDIO cùm Phæbus in axe est,
Aut cælum nox atra tenet; pavet ipse sacerdos
Accessus, dominumque timet deprendere luci.

Hinc videmus quare, inter diei pericula, *Septuaginta Intt.*
dæmonium meridianum recensuerint; nempe, quod *Dæmonas*
tunc temporis errare crederent, ut Græci, imò & *Ægyptii*,
aliisque *Orientalis*.

4. Præcipua diligentia doctissimorum *Intt.* in eo sita est, ut
allusiones ejusmodi enucleent; sed quoniam non semper omnia
attingunt, & tædiosum est vix aliquot paginas legere, sine ne-
cessitate ad Interpretem confugiendi; antequam incipiamus
Scriptorem ullum legere, necesse est aliquam operam dedisse
cognoscendis Gentis ejus potissimis Consuetudinibus & Opini-
onibus.

5. Optandum sanè esset libros nos habere de Consuetudini-
bus & Opinionibus Veterum, etiam vulgaribus, tum scriptos,
cùm ex vigeant; multa enim tempore intercidunt, quæ ne
summâ quidem diligentia ex Veterum rudibus erui possunt.
Sed cùm Consuetudines & Opinionibus latè receptæ vigent ad-
huc, vix ab ullo describuntur; quod perpauci legerent libros,

de rebus notissimis & vulgaribus scriptos. Itaque dum Historici præsentium animos sibi conciliare student, & fama sua frui, id referunt quod sui ævi hominibus non satis notum esse poterat, sed quæ omnibus nota erant ferè omittunt; unde factum ut posteritatem latuerint, quia paulatim in defuetudinem abeuntium memoria à nemine servata est. Ad Historiam & mores Romanorum quod attinet, aliquid evenit quod plurima ad posteritatem traduxit, quæ alioqui periissent. Scilicet, Græci inter Romanos versati Historiam horum & mores describere aggressi sunt, non in Romanorum, sed in Græcorum gratiam; & coacti fuere multa tradere distinctiùs, quàm opus erat Romanis hominibus, quòd Græci in rebus Romanis hospites eorum Historias alioqui non erant intellecturi. Ita *Polybius* de Romanorum militia plurima dixit, quæ in nullo Scriptore Romano inveniri potuissent. *Dionysius* quoque *Halicarnassensis* multò accuratiùs, eadem de causa, Historiam Romanam scripsit, quàm ullus Historicus Latinus. Sanè præterquàm quòd Romani mores Græcis erant exponendi, homo Græcus aptior erat ad eos observandos, quàm qui ab infantia iis adfueri erant. Quæ enim insolita nobis sunt faciliùs animadvertimus, quàm ea quibus sumus adfueri. *Plutarcho* quoque plurima, ad Romanorum mores & opiniones pertinentia, debemus.

6. Attram nullus antiquus Scriptor unus omnia aut pleræque hujusmodi uno opere complexus est; & coacti sunt Recentiores ex omnibus colligere plenam, quantum potuit, Romanarum Consuetudinum & Opinionum descriptionem. Utilem operam huic rei navavit *Joannes Resinus*, quem suis *παρρησιαστικαὶς* illustravit *Thomas Dempsterus*, unde conflatum est Antiquitatum Romanarum Corpus. Multi multas earumdem Antiquitatum partes illustravere, ut *Iustus Lipsius*, cùm plurima alia, tum *Militiam*; *Octavius Ferrarius* rem vestiariam; *Franciscus Balduinus* indumenta pedum; alii alia, quæ studiosis per se satis innotescunt. Potissima & lectu dignissima hujus generis in unum Corpus colligere aggressus est Criticorum decus *J. Georg. Grævius*, cujus *Antiquitatum Romanarum Thesauri*, jam quatuor prodierunt volumina. At studiorum initio utendum Compendio, qualis est *Respublica Romana Cantelii*, nuper *Ultrajecti* edita, post *Parisiensem* Editionem; aut *Thome Godwini Romane Historiæ Anthologia* * Anglicè, & Belgicè edita. Hos libros, quasi in suo genere perfectos, non indicamus; possunt enim multa iis addi, nec pauca emendari; sed ad præcipua capita quod attinet, sufficere possunt; atque hoc unum hîc quæritur.

7. Quæ hætenus diximus, consilia quædam sunt, ad viam sibi muniendam ad cuiusvis Scriptoris lectionem spectantia; sed quoniam à Latinorum lectione incipimus, debent præsertim Latinis aptari, quò etiam pertinent, quæ habentur Numm. 5, & 6. Nunc consilia quædam danda sunt de ordine, in legendis ipsis Scriptoribus Latinis, observando.

CAPUT II.

De Ordine in Lectione Latinorum Scriptorum Observando.

SECTIO I.

Prose Scriptores.

1. **P**OSTQUAM imbuti sumus aliquâ Geographiæ, Historiæ Chronologicæ, & Consuetudinum ac Opinionum, ex Recentiorum Scriptis, cognitione, animus appellendus est ad ipsorum Romanorum Scriptorum lectionem. Atque hîc etiam, quantum fieri potest, à libris incipiendum quî, ut intelligantur, quàm paucissimorum subsidio indigent, & qui simul Latinitate præstant.

2. In Latino sermone, distingui possunt, ἀρχή, ἀκμή & πᾶ-
ρακμή, hoc est, initia, perfectio, & corruptio. Ad initia * re-
feruntur Saliaria carmina Numæ Pompillii, aliisque veteres
hymni, quæ Ciceronis sæculo vix ab eruditis intelligebantur.
Illa proximo intervallo sequuntur priscae leges Regiæ ac De-
cèmvirales, & antiquiorum temporum monumenta. Nolim
ad initia referre *Andronicum, Nevium, Ennium, Pacuvium*
aliósq; Poëtas eorundem temporum; sed neque ad perfectio-
nem pervenerunt, cui proximi fuere *Plautius ac Terentius*, &
hic præsertim. Perfecta erat Lingua Latina, quando scripsere
Cicero, Cæsar, Sallustius, Cornelius Nepos, Livius, Velleius, ali-
que coævi prosæ Scriptores; Poëtæ verò *Lucretius, Catullus,*
Virgilius, Horatius, Tibullus, Propertius, Ovidius, aliisque qui
ad Tiberii usque Principatum vixerunt. Cicero in *Bruto*, Cap.
43. postquam dixit *L. Crassum* sibi quatuor & triginta annis
præstitisse, ac triennio minorem fuisse, quàm *M. Antonium*,
qui eloquentissimi homines ætatis suæ fuerant; addit se hoc id
circo posuisse, ut dicendi Latine prima maturitas, in qua ætate
extitisset posset notari. Tempore Tiberii, Latina Lingua,
propter concursum hominum ex provinciis & Urbibus remò-

* Vid. Ger. Vossium in Præf Operis de Vitæ Sermone.

tis civitate donatorum, corrumpi cœpit. Attamen, ut subito ad perfectionis summum apicem non pervenerat, ita nec prorsus corrupta est, nisi paulatim. Cum enim rectæ Latinitatis exemplar à sæculo Ciceronis petatur, ipse Cicero, ob causam allatam, jam tum Latinum sermonem inter multos vitiari cœptum esse auctor est, in eodem libro, Cap. 74. Omnes ferè qui nec extra hanc urbem vixerant, inquit, nec eos aliqua barbaries domestica infectaverat, rectè loquebantur. Sed hanc certè rem deteriore fecit vetustas, & Roma & in Græcia. Confluxerunt & Athenas & in hanc urbem multi inquinatè loquentes, ex diversis locis. Verùm hæc Latini sermonis pestis grassari potissimum cœpit, ut diximus sub Tiberii principatu. Hinc meliori Latinitati affiniore censetur M. & L. Seneca, Pomponius Mela, Cornelius Celsus, Columellus, Curtius, Plinius uterque, Quintilianus, Suetonius, Tacitus, qui prosâ usi sunt; inter Poëtas, Lucanus, Persius, Silius, Juvenalis, Martialis, Papinius & Valerius Flaccus. Post horum ætatem, corrupta haberi potest Lingua Latina, ab Hadriani, nempe, temporibus; non quòd nemo postea eleganter scripserit, sed quòd sermo vulgaris immutatus fuerit, & bene scribendi exemplaria in antecedentibus sæculis quærentur.

3. Incipiendum autem & ab iis Scriptoribus, qui in dxiij Linguae vixerunt, aut ei proximi fuere, & præterea facili stylo scripserunt. Facilitas autem ex duobus oritur, ex argumento ipso, & eloquutione. Faciles intellectu sunt res ad communem vitam pertinentes, quæ haud multò minus sæculo nostro sunt, quàm olim; ut eventus frequentes, aut qui nihil habent nimis inusitarum, vel descriptiones affectuum qui omnibus sæculis vigent, aliæque similia. Si hæc præterea efferantur sermone quotidiano, non quæsitis figuris, aut accersitis procul ornamentis, faciliè intelliguntur. Contrà obscuritas nascitur, cum ex rebus inusitatis, & de quibus pauci cogitarunt, aut quæ naturâ suâ obscuriores sunt; tum ex sermone *ἐξηρατισμένον*, à propria significatione verborum remoto, aut structurâ duro & ambiguitatibus laborante.

4. Hinc collegimus non posse initio Scriptorem ullum utilius legi, Plauto, Terentio, & Phædro qui senariis versibus, Augusti sæculo, Æsopicas fabulas expressit. Hi enim res vulgares simplici dictione, & elegantia quadam nativâ gratâ tradiderunt.

5. In Plautum utilem Commentarium, licet fortè amplius interdu, quàm necesse fuit, edidit *Fridericus Taubmannus*; cui, si commodum non occurrat, substitui potest Editio Plauti Gronoviana. In Terentium multi scripsere, quorum excerptæ notæ, unâ cum *Donati* veteris Grammatici frag-

mentis,

mentis, editæ sunt à *Corn. Schrevelio*, nullius ferè judicii concarsinatore. Qui notulis minoribus Terentium exposuerunt *Farnabius* & *Minellius*, in Anglia & Belgio, ii eum plurima omiserint necessaria, tum etiam in plurimis errârunt. Omnium optimè versione Gallicâ, & notis *Terentii* mentem expressit erudita Matrona *Anna Tanaquilli Fabri* filia, cujus pater etiam doctissimis notulis *Phædrum* illustravit.

6. Hi autem Scriptores non sunt perfunctoriè legendi, sed summâ adhibitâ curâ, ut quantum in nobis est planè intelligantur; nec supersit nodus ullus, nisi in locis qui hætenus frustra ab Interpretibus tentati sunt. Igitur legendi non semel modò, sed iterum, atque iterum, ut eorum stylus nobis veluti familiaris evadat, & omnes Anomalias eorum noscamus. Hoc jacto fundamento, cætera firmiùs inædificantur; quàm si vix intellecto libro, alterius lectio superinjiceretur; nutante enim cognitione nonnisi dubia nititur interpretatio. Malè itaque ii faciunt, qui incipientem tyronem multitudine librorum obruunt, & eum plura legisse obscurè intellecta, quàm pauciora clarè percepta, malunt.

7. *Plautus* quidem plurimos habet Archaismos, & serviles jocos, quandòque frigidos; autamen aptis adeò ut plurimum utitur verbis, & structurâ tam facili, ut, si ea quæ diximus omittas, possit esse exemplar Latinæ elegantiae. *Terentius* tertior est, ut appareat hominem eo sermone scripsisse, quo utebantur *Scipio*, *Lælius*, aliique ex Romana Nobilitate, quibuscum ille victitabat. Ut is sermo à sordibus plebeculæ multum abest: ita etiam ab omni tumore est alienissimus; quibus in rebus certat cum eo, quem ei conjungendum diximus, *Phædrus*. Non videntur quidem nobis initio Poëtæ sublimioris carminis legendi; sed hi, licèt metris adstricti, à quotidiano sermone non recedunt.

8. Hosce postquàm probè intellexerimus, adiri poterunt Historici, quorum stylus, licèt à verbis abhorreat, comprior est Comico stylo, & sublimior, adeoque difficilior; quæ difficultas interdum augetur rebus ipsis, qualia sunt prælia, machinæ, aliæque similia; quibus minùs sunt adsueri adolescentes, quàm iis, quæ apud Comicos narrantur. Faciliores Historici sunt *Cæsar*, *Cornelius Nepos*, & *Justinus*, quorum stylus simplex est & perspicuus, præsertim duorum priorum; nam postremus non rarò inflata utitur dictione, potissimum in orationibus. Imò & multa habet ævæ, & duris metaphoris interdum distinctus est, nec semper melioris ævi Scriptores imitatur. Compriores sunt *Livius*, *Sallustius*, *Curtius*; & *Sallustius* quidem brevitate styli durior, *Curtius* tumidior. Horum omnium sunt eligendæ, quantum potest, emendatissimæ editiones,

ones, quales sunt quæ cum notis Variorum in Hollandia editæ sunt, quamvis enim Notæ interdum malè sint selectæ, attamen ut plurimum Textus emendatior est, quàm in aliis Editionibus.

9. Possem plures indicare legendos Scriptores, sed initio ne sex quidem, quos nominibus appellavi, ita legendi sunt, ut, statim ac unus primùm lectus est, ad alium convolemus. Qui primus sumitur in manus, *Cæsar*, *Cornelius Nepos*, aut *Justinus*, non debet modò, ut ita dicam, celeri lectione vorari, sed aliquâ morâ concoqui; aded ut quàm paucissima in eo remaneant nobis obscura, nisi sint loca, quæ ipsis Interpretibus negotium facesserint. Difficile est primâ lectione omnes nodos, non dicam solvere, sed animadvertere; sæpe enim difficilia, quasi facilia, prætermittuntur. Itaque ad iteratam lectionem possunt differri loca difficilia, ne primùm legentes nimius offendant labor. Qui hoc tentabunt, secundâ lectione mirabuntur se antea difficilia judicasse quædam loca, in quibus omnia erant plana; & vice versâ ea facilia, quæ magnis difficultatibus laborabant. Utile est tamen, in prima lectione, libellum habere in quo adnotentur loca quæ intelligi non potuerunt, & in quorum sensum inquirere nondum licuit. Is libellus inscribetur *Querenda*, in quo postea si tanti videatur, & inveniri potuerit locorum illorum interpretatio, scribi poterit paucis, aut indicari Scriptor qui eam tradiderit; additâ paginâ, Libro & Capite, prout commodissimum erit. Nihil interest illa *Querenda* postea nobis nihili videri, post majores progressus; imò jucundum erit ex illis, quanti progressus sint, videre.

10. Hisce Historicis conjungi poterunt Epistolæ *Ciceronis ad Familiares*, cum notis *P. Manutii*, & eæ quidem, si possit fieri ordine temporum dispositæ. *Manutius* in argumentis tempora notavit, quantum ea conjicere potuit, & in quibusdam * Editionibus additi sunt Indices, in quibus eo ordine disponuntur. Hoc maximè propter Historiæ seriem delectat, ad legendum allicit, & ad intelligendum juvat. Postea ad Orationes *Ciceronis* deveniendum erit, & faciliores ante alias legendæ, quales sunt *pro lege Manilia*, *pro Archia Poeta*, *Catilinario*, &c. quæ, ut reliqua omnia repetitâ lectione erunt concoquendæ. Hos autem Scriptores non ita suademus legendos, quasi aut omnes necessariò initio essent evolvendi, aut nulli similes adjici possent; sed ut quis delectus initio legendorum fieri debeat ostendamus, & quare ita progrediendum sit pateat.

* In nupera Amstelodamensi in 12. cum notis *Grevii*.

11. Qui huc usque progressi fuerint, de Poëtis legendis, Elegiarum Scriptoribus, Epicis, Lyricis, tum demum cogitare debebunt, non prius Cujus rei ratio hæc est, quod ut Linguam probè discamus, prius intelligenda sit propria significatio verborum, quàm metaphorica; & oratio simplex, quàm figuris ornata. Hic enim est ordo naturæ, quem à pueris, in discenda Lingua vernacula, observari etiam videmus. Contrà si priusquàm simplicem orationem probè intelligamus, ad figuratam nos conferamus, omnia miscentur; nec proprias verborum & loquutionum significationes tenemus, nisi post longiorem multò & majorem laborem. Hinc etiam fiet ut cùm scribere tentabimus, proprietate vocum & phrasium neglectà, duram & affectatam dictionem, ac proinde obscuram & odiosam habituri simus; in versibus prosæ phrasés, in prosa oratione poëticas simus imprudentes adhibitori, quod eos characteres non satis distinguamus; ut constet exemplis plurimorum virorum alioqui doctorum, qui studiorum initia perturbatiora habuerant. Sed majus incommodum inde fluit, quod vix emendari potest; nampe, sæpissimè videntur sibi intelligere quæ non intelligunt, quia propriam uniuscujusque vocis significationem non tenent, nec quibus gradibus ex propria in metaphoricas plures transierit norunt. Interdum enim ex propria significatione magis aut minùs receditur, & plures etiam in una voce latent allusiones. Exempli causâ, celebris est Horatii locus, Od. II. Lib. II. ubi dicit virtutem deferre regnum uni,

*Quisquis ingentes, oculo irretorto,
Spectat acervos.*

Multùm se torfere Intt. ad inveniendam significationem vocis *irretortus*, licèt viderint hîc significari oculos abstinentes. Sed non intellexerunt quare oculi abstinentes dicantur *irretorti*, quod propriam vocis significationem non satis attenderint. Torquere ergo significat *inflexere, convertere*; unde oculos torquere dicuntur qui caput vertunt, ut aliquid videant.

— Oculisque ad mania torfit,

id est, convertit. Retorquere oculos est caput in humeros convertere, ut quod à tergo reliquimus videamus. Ita Cicero, in II. Catilin. de Catilina ingratis ex Urbe egresso: Retorquet oculos profectò sæpe ad hanc Urbem, quam ex suis faucibus ereptam esse lugeat. Dicere possemus contrà de eo, qui patriâ excederet, sine desiderio: Spectavit mania patriæ exiens oculis
irretortis,

vitatis fuit fixos habere oculos, quales sunt cum de re quapiam attentè cogitamus. Ita narratur *Socrates* † stare solitus *perstinaci statu*, *perdius* atque *pernox* à summo lucis ortu ad solem alterum orientem, inconnivens, immobilis iisdem in vestigiis, & ore atque oculis eundem in locum directis cogitabundus, tamquam in quodam secessu mentis atque animi facti à corpore. Talia innumera occurrunt, quæ non intelliguntur, quòd non recto ordine, in discendis vocum significationibus, progressi fuerimus.

S E C T I O II.

Pœtæ.

1. **D**UM ageremus de Prosa Scriptoribus, meminimus *Plauti* & *Terentii*, qui Pœtæ fuere; quia eorum dictio, licet metris adstricta, sermoni propior est, quam ipsorum Historicorum libri; quòd Pœtæ Comici inducant loquentes servos, aliosque, qui familiari tantum & quotidiano utuntur sermone. Eadem de causa, ne *Horatius* quidem, suarum Satyrarum & Epistolarum causâ, se Pœtam dici sustinuit, sed hujus nominis honorem ori magna sonaturo deberi dixit. Nunc verò agemus de lectione eorum, qui non modò versus, sed carmina pœtica dictione ediderunt.

2. Cum Pœtæ passim alludant ad antiquissimam Græciæ Historiam, quam *Μῦθον* verbum, seu *fabulam* κατ' ἐξοχὴν dixerunt, quod narratu digna contineat; necesse est, priusquam ad eos accedamus, aliquam saltem *Mythicæ Historiæ* cognitionem nobis comparemus. Alioqui legi non poterunt, sine molestissimo labore confugiendi subinde ad *Dictionary* Pœticum; nisi multa non intellecta prætermittantur, quod cavendum, quantum fieri potest. Idèd multi ex Veteribus Grammaticis Mythicorum Temporum olim historias consecuerunt; ex quibus supersunt nobis *Diodori Siculi* quinque priores libri, & *Apollodori Atheniensis Bibliotheca* Græcè, Latine verò *C. Julii Hygini Fabulæ*. Sunt & alii, sed non tanti, & hi tres potissima satis docebunt. Sunt itaque, ut memoriam infigantur fabulæ, semel atque iterum legendi, aut minimum unus ex tribus, cum nec id longum postuler tempus. Statuimus hinc eos qui Latinos Pœtas studiosè legere aggredientur, satis in Græcis exercitatos esse oportere, ut, adhibita diligentia, *Apollodorum* possint intelligere. Ac sanè, à primis studiorum initiis, sunt conjungenda Græca cum Latinis, ut dicemus in sequentibus.

† Apud A. Gellium Lib. II c. 1.

3. Perlecto *Apollodoro*, aut *Hygino*, aut quopiam ex Recentioribus, qui idem argumentum literis mandarunt, prout ad matum erit, nullus Poëta prior legendus *Ovidio*. Atque ex hujus quidem operibus *Metamorphosis* & *Fastorum libri*, cum quod stylus eorum faciliior sit, tum quod lectio duorum horumce librorum, ad insigendam memoriæ Mythicam Historiam multum conducatur; in his enim libris totus est *Ovidius* in fabulis narrandis. Subjungi hisce poterunt *Heroidum Epistolæ*; nam alia ejusdem Poëtæ opera in aliud tempus erunt differenda, nisi fortè libros *Tristium* & ex *Ponto* Elegias scriptas antecedentibus adjeceris.

4. Hoc jacto fundamento, veniendum erit ad *Virgilii* *Ægidem*, *Eclogas* & *Georgica*, quæ omnia sunt accuratè legenda. Editiones omnium optimæ sunt *Taubmanniana*, in qua sunt *Ciris* & *Culex* cum amplissimis *Taubmanni* Commentariis; vel *Emmenessii*, cum variorum notis, cui adjectus est Index *Erythræanus* omnium vocum *Virgilii*. Huic Poëtæ succenturiandæ erunt *Odæ* coævi & amicissimi vatis *Horatii*, qui unus Poëtarum Lyricorum Latinorum superest, & ferè unus digna legi, auctore *Quintiliano*, scripserat. Addi poterit *Gratii Cynegeticon*, cum *Eclogis Olympii*, & *Nemesiani*, qui licet serioribus temporibus vixerint, elegantiam ævi *Gratiani* imitati sunt. *Horatii* Editionem nondum habemus memoratis *Virgilii* Editionibus æquiparandum. Interea *Torrentiana* videtur præstare; sed omnium optima esset, si notæ Latine exstarent, firmarenturque Veterum testimoniis plurima, quæ sine argumentis proferuntur, & inutilia circumciderentur, Latino-Gallica *Andreae Dacierii*. *Gratum* edidit, cum *Olympio* & *Nemesiano*, *Janus Vlitius* vir doctissimus.

5. Hos sequentur *Lucanus* & *Statius*, & si cui animus sit Poëtas omnes evolvere, amatorii vates *Catullus*, *Tibullus*, *Propertius*, *Ovidii* amatorii; Satyrici *Juvenalis* & *Persius*; Epigrammatographus *Martialis*; Philosophici *Lucretius* & *Manilius*. Horum omnium editiones non adnotamus, cum brevitas causâ, tum quod studentibus satis innotescant. Neque ordinem in hisce certum constituimus, quia modò ii, quos initio appellavimus, *Ovidius*, *Virgilius*, *Horatius*, *Lucanus* & *Statius* lecti sint, animus satis erit ad reliquos paratus.

6. Non addimus etiam plura hac de re consilia, quia qui eò usque profecerint satis sibi ipsi consulent. Hoc dumtaxat accuratè observandum, ut qui primi leguntur Scriptores quàm optimè intelligantur; alioqui si partim intellecto Scriptore, ad alium continuò transeamus, in quo etiam plurima non intellecta prætermittamus, aut numquam, aut serò ad perspicuam & certam rerum notitiam perveniamus, neque nutantibus

tibus fundamentis firmum ædificium imponemus. Non effiet nobis difficile invenire exempla virorum celeberrimorum, qui ob neglecta studiorum initia, indecorè in rebus ad ea pertinentibus cespitarunt.

CAPUT III.

De Ordine in legendis Græcis Scriptoribus observando.

SECTIO I.

Profæ Scriptores.

1. **Q**UÆ antea diximus, de ordine in Lectione quorumlibet Scriptorum observando, non repetemus. Observabimus dumtaxat tantam fuisse affinitatem & similitudinem Opinionum & Consuetudinum, inter Græcos & Romanos, qui omnes suas leges, suamque eruditionem, quantam fuit, Græcis debebant; ut Latine doctus nemo haberi queat, qui in Græcis literis hospes sit. Latini Scriptores scatent vocabulis & loquutionibus Græcis, quæ nisi intelligantur, ne Latina quidem satis intelligi possunt. Pleraque artium vocabula Græca sunt, quod à Græcis artes acceperint Romani; & Poëtæ præsertim Hellenismis usque aded sunt referti, ut eorum Interpretes eruditiores passim ad Græcam Linguam confugere necesse habeant.

2. Itaque, quod solet à peritioribus Magistris fieri, juventutem statim ac Latine Linguae elementa hausit, operam dedisse Græcæ volumus; ut cum accedit ad Poëtarum lectionem, possit subsidio Dictionarii Græcum Scriptorem ex facilioribus intelligere. Hoc posito fundamento, quo initia Linguae continentur, quomodo sint ulteriora studia instituenda docebimus; si hoc prius monuerimus, cavendum esse ne putemus, priusquam lectionem Scriptorum Græcorum aggrediamur, Grammatica omnia præcepta memoriæ mandanda. Plerique ad hunc scopulum impingentes, Græcæ Linguae studium, hac sola de causa, ab ipso limine abjiciunt; quod illis, aliâ insistentibus viâ, aliqui feliciter cessisset. Nempe, semel nominum declinationibus & verborum inflexionibus accuratè memoriæ mandatis, Anomaliae, aliisque difficiliora paulatim ediscuntur, crebrâ & attentâ lectione, in qua subinde occurrent. Uti hanc in rem licet *Caninii Hellenismo*, & *Thesauro Grammatico Antesignani*, in quo Anomaliae omnes exponuntur, possuntque in copiosissimo indice quæri, Sunt & alii hujusmodi

cemodî libri, quibus, prout ad manum erunt, uti poterunt adolescentes.

3. Neque hoc prætermittendum, non esse initio conandum quidquam sine versionis Latinæ subsidio legere; sunt enim in primis conatibus omnia, quantum fieri potest, quam facillima efficienda. Scio me loqui contra sententiam virorum doctissimorum, qui interdum graviter conquesti sunt, quod versiones Latinæ è regione Græcorum adderentur; quibus aiebant impediri, ne Græca legerentur. Sed, pace tantorum virorum, multò minùs legerentur Græca, sine translationibus, quam iis additis leguntur; cum certum sit plerisque iis indigere, ut Græca legere possint. Non sunt fingendi homines quales non sunt, non erunt; sed eorum utendum ingeniis, prout sunt. Nescio etiam an non & odiosus quidam fastus, ac invidia erga alios parum laudabilis, eas querelas illis suggererint. Dum enim se versionibus nequaquam egere aiunt, & à lectione Veterum eos remotos volunt, qui iis indigent; se aliis multum antistare gloriantur, & sibi solis eruditionis suæ fontes patere cupiunt. At per eos sæpe factum est, ut sprete sint literæ, cum tantis difficultatibus septe viderentur, ut fructus non essent cum iis æquiparandi. Atque hæc obiter. Verum eò usque versione abuti non licet, ut nihil quærat in Dictionario, aut credatur versionis de conjugationis inflexione. Nulla prætermittenda vox est, quæ an radix sit, necne, nesciatur; nullum verbum, cuius modus, tempus aut thema ignoscitur. Versio hunc usum solum præbere debet, ut ejus ope voces jam quæsitæ, sed ex memoria elapsæ, in eam denudò faciliùs revocemus; utque adjumento sit ad constructionem, & verborum themata inveniendâ. Hac ratione fiet ut haud difficulter, cum vocum significationes, cum etiam inflexiones memoriæ infigamus; utque tandem versione faciliè carituri simus.

4. Præterito sæculo, viri eruditissimi *Melchior Wolmarus*, *Gulielmus Budæus*, & *Joachimus Camerarius* cœperant Græcæ Linguae studia ab *Homeri* lectione; sed postea eos præposterî sui ordinis pœnituit, cum prosæ Scriptorem legere aggressi videbant se, post exantlatum laborem immensum, faciliores Scriptores non intelligere. *Josephus* quidem * *Scaliger* ait se, vix lectâ Grammaticâ Græcâ, intra viginti tres dies totum perlegisse *Homerum*; sed hoc, si verum est, non est cuiusvis tætitare, nec judicium ejus ubique sequendum. Licet enim in

rebus, ex memoria & lectione pendentibus, excelluerit; nec iudicio, nec arte ratiocinandi tantopere valuit.

5. Igitur, propter rationes allatas, à profæ Scriptoribus & quidem facilibus initium faciendum. Legi itaque possunt *Polyeni Stratagemata*, qui Scriptor sub *Marco Aurelio* vixit, facilique & perspicuo stylo artes varias, à præstantibus Imp̃p. in bello adhibitas, perscripsit. Brevitas Capitum quiescendi etiam gratas moras incipientibus præbet. Eadem de ratione conjungi ei potest *Ælianus*, qui *Varias Historias* & *Historiam Animalium* eleganter scripsit, præsertim posterius opus; nam prius videtur imperfectum reliquisse. Sequi potest hosce *Lucianus*, qui præter Dialogos, multos alios libellos utiles scripsit. Atticæ sanè dictionis puritate, & ipsâ etiam argumentorum facilitate præstat; sed oprandum esset hominem Epicureum verecundiores fuisse, in verbis saltem, nec obscænos amores passim miscuisse. At seligi poterunt initio *Dialogi mortuorum*, & *Deorum*, in quibus pauciora sunt talia, tum *Liber de scribenda Historia*, aliisque similes. Huic subnectendum censerem *Aristophanem*, qui Attico lepore, simplicique & eleganti stylo aded excellit; ut primus omnium legi deberet, nisi obscænitatibus nimium abundaret. Sed hoc fuit vitium sæculorum illorum, iis omnibus familiare, qui castigatis moribus non fuerunt. Attamen legi possent, exceptis versibus haud multis, tres priores *Comædiæ Plautus*, *Nubes*, & *Ranæ*. Sed nec malè huic substituuntur Excerpta ex veteribus Comicis, quæ ab *Hug. Grotio* versa sunt, † & Græcè ac Latine edita Lutetiæ; vel si is liber, qui rarior est factus, comparari nequeat, *Cebetis Thebani* pulcherrima eruditæ Tabulæ explicatio, quæ nuper tandem à viro docto integra edita est. Hæc potest, imò debet, sæpius relegi, quod argumentum utilissimum simplici, & nitidâ simul persequatur dictione. Huic subjungentur *Theophrasti Characteres Ethici*, cum *Is. Casauboni* notis, unde Græcorum vitia & virtutes optimè cognoscuntur. Dignus est etiam is liber, ut & *Casauboni* Commentarius, qui semel, iterumque legatur.

6. Hinc hauriri poterit, ut hoc obiter dicam, cognitio particularum indeclinabilium αλλᾶ, ἰσθῆ, ῥῆ, ὄν, ῖν, & similitum, quæ Attici sermonis elegantiam condiunt; & quarum nisi vis intelligatur, non modò gratia orationis perit, sed sensus etiam sæpe ei affingitur alienus. Sæpius illæ particulæ, apud Atticos, παρίλκωσι; hoc est, ad sensum nihil pertinent, licèt numerosiorem orationem efficiant, & nescio quid elegantiae addant; nec possunt in aliam linguam verti, parti-

culis quarum significationi passim respondent. Exempli causâ, *ποτέ* quod significat plerumque *olim*, aliquando, apud Atticos, interdum planè abundat, præsertim cum additur voci *τίς* interroganti; nec Latine potest verti, nisi expletivâ etiam particulâ *tandem*, *τίς ποτέ*, quis tandem? *Aristophanes* in *Pluto*, non procul ab initio:

Πεῖν ἂν φέσης μοι τίς ποτ' ἐν ὑποσί,

antequam mihi dixeris quis tandem hic sit. Subinde talia occurrunt, & plura collegerunt *H. Stephanus* & *R. Constantinus*, in *Lexicis*. Existimo autem peccatum esse in hac particula, initio *Cebetis*, ubi legimus *ἐκ ὑδνὰ μὲθα συμβαλεῖν τίνες καὶ πόθεν ἦσαν*, non poteramus conjicere quænam & unde essent, fabulæ, nempe, in *Tabula pictæ*. *Miss.* omnes, ut testatur nuperus ejus editor, homo diligens atque eruditus, habent *ΠΟΤΕ*, nam *πόθεν* est ex conjectura *H. Wolfii*, quæ è contextu meritò in ultima editione ejecta est. Attamen superest, nisi fallor, mendum, quod inde ortum est quòd *Librarii* nescierunt quid sibi vellent *τίνες ποτέ*, qua de causa & interposuerunt; cum hoc vellet *Cebes*, quæ tandem essent hæc fabulæ. Sic postea, ubi *τις καὶ πόθεν* nullus esse locus poterat, quo factum ut intemerata *Cebetis* verba ad nos pervenerint, bis legimus *τί ποτε*; quidnam tandem? Ita & *ἀλλὰ* non potest semper reddi *sed*, ut *adversativam*, sicut *Grammatici* loquuntur, vim habeat; neque *ἢ* enim aut *nam*, quod attentè legenti memoratos jam *Scriptores* passim liquebit. Hoc cum alii etiam, licet minus frequenter, factitârint, multum ad omnis generis *Scriptores Græcos* intelligendos conducet. Ipsum *Novum Testamentum*, præsertim *Epistolas*, nemo satis intellexerit, nisi hoc nôrit. Series enim orationis iis particulis continetur, quas proinde, nisi assequaris, oratio ipsa laborat. Ita *Rom. X. 8.* si voculam *Ἀλλὰ* veritas *sed*, nullus est sensus; neque enim quod in isto commate dicitur opponitur antecedentibus. Verendum Latine: *Ἀλλὰ τί λέγει*; quid præterea dicit? Eiusdem *Cap. Vers. 17.* *Ἄγε* verendum est sanè, certè, non ergo; alioqui sensus est intricatissimus.

7. Hisce *Scriptoribus* lectis, pergendum erit ad *Xenophonis* libros *Historicos*, quorum dictio, suavissimâ simplicitate condita, admirationi præstantissimis totius *Antiquitatis* viris fuit; à quibus dictus est * *Musa Attica*. Cicero quoque, † *Xenophonis* voce *Musas* quasi loquutas, ait. Subjungendi e-

* *Diogen. Laert.* in ejus *Vita*.

† *In Oratore*.

runt libri Philosophici, quos argumentum non adfuetis paulò obscuriores reddit. Inde legendi erunt *Herodoti*, qui pater Historiæ dicitur, libri; in quibus elegantia Ionici Dialecti haud minùs enitet, quàm Atticismus in *Xenophontis* operibus. De hisce duobus Scriptoribus, idem, ad Græcam Linguam quod attinet, possumus dicere, quod *Quintilianus* de *Cicerone* ad Latinam respiciens dixit; nempe, quò magis *Herodotus* & *Xenophon* Studiosis placuerint, eò magis eos in Græca Lingua profecisse. Qui nondum illà elegantia capiuntur, nondum Linguam satis assequuntur. Est & alius Scriptor Atticus, masculà eloquentià celeberrimus, *Thucydides*, sed cujus eloquutio obscurior multò est, attamen lectu dignissimus.

8. Qui eò usque processerint consiliis nostris non indigebunt, de delectu Scriptorum faciendo; nec multùm laborabunt in lectione Oratorum Atticorum *Isocratis*, *Demosthenis* aliorumque, nisi ubi nova quædam vocabula forensia occurrerent, quæ laborem etiam eruditis facessunt. At non debent prætermittere lectionem *Platonis*, cujus Philosophia, pulcherrimâ dictione expressa, tanto in pretio apud Veteres fuit, ut innumeros admiratores non inter Ethnicos modò, sed etiam Judæos & Christianos invenerit; quo factum ut plurima ejus dogmata latissimè olim sparsa fuerint, inter trium Religionum cultores, nec pauca etiamnum hodie inter nos eorum maneant vestigia, quod proclive esset ostendere, si reseffet hujus loci.

9. Monebimus potiùs, quod memoria pœne elapsum initio dictum oportuit, ante lectionem Græcorum Scriptorum, esse inquirendum in Græciæ consuetudines, quantum id fieri poterit. Respublicas Græciæ, & præcipuos mores tradidit *Ubbone Emmio* in sua Græcia, quem juvabit legisse. Est etiam *Archæologia Attica* Anglicè Scripta, nescio an & in alias Linguas versa, * à *Francisco Roo*. Hæc quamvis in multis jejuna, nec satis accurata, poterunt tamen tyronibus usui esse. Sed in hisce antiquitatibus eruendis, præ cæteris, defudavit *Joannes Meursius*, cujus Scripta optandum esset in unum Corpus colligi, & quæ ad Græciæ Antiquitates pertinent, in juventutis gratiam à viro docto in compendium redigi; sunt enim vastiora, quàm ut initio legi queant. Itaque *Ubbone Emmio*, aut alio qui primus occurrer, utendum erit, donec utilio rem aliam operam præstet vir quispiam eruditus.

* Londini in 4. 1637.

S E C T I O II.

Poëta.

1. **POSTQUAM** satis versati erimus, in prosæ orationis Scriptorum lectione, ut eâ delectemur, & voluptatem, non molestiam dumtaxat, facilitate suâ pariat; deveniendum erit ad Poëtas. Inter eos non numeramus, propter allatas rationes, ubi de Latinorum Poëtis loquuti sumus, Comicos, qui prosæ propiores versus ediderunt. *Homerus* itaque & *Hesiodus* primi omnium erunt legendi, quod facillimi sint Poëtarum Græcorum; argumentum enim (si excipias librum qui *Opera & Dies* ab *Hesiodo* inscriptus est) elegerunt nequaquam naturâ suâ obscurum, & facili usi dictione molestiam, structuræ obscuritate, non creant. Hæc una est difficultas, Dialectorum varietas, & inflectiones, ac mutationes Poëticæ verborum; sed hæc faciliè superabitur, ope Lexicorum, in quibus omnia ejusmodi vocabula accuratè exposita sunt, ut omnibus notum est. Præterea sunt multæ & frequentes repetitiones, quibus fit ut, si quis sex, septem *Homeri* libros accuratè legerit, jam in iis intelligendis non multùm indigeat *Lexico*, utque faciliè sequentes sit intellecturus; quod plus semel experienciâ deprehendimus. Utile erit, cùm initium fiet *Homerici* studii, evolvere * libellum inscriptum, ab ejus Scriptore *Everardo Feithio*, *Antiquitates Homericae*, ubi describuntur Heroïcorum temporum consuetudines, ex *Homero* potissimùm haustæ. Quod quidem argumentum potuit accuratius & clariùs exponi, sed quoniam nemo alius id præstitit, eo *Catone* contentos nos esse par est.

2. Præter allatas rationes, ob quas ab horum Poëtarum lectione initium faciendum esse duximus, hæc est non contemnenda; quod eorum qui supersunt antiquissimi sint, & ex eorum † fontibus sequentium ætatum Poëtæ certatim plurima hauserint. Multò autem meliùs intelligimus quæ sunt aliunde desumpta, cùm scimus unde sint mutua accepta, quàm cùm id nobis latet. Sæpe enim allusio quædam obscurior est, ad ea quæ dicuntur à Scriptore, qui primus iis usus est; in qua allusione totus est orationis lepos, qui nisi sentiat, ipsa res non satis intelligitur. Atqui animadverti non potest, ab iis, qui rem in ipso Poëta non legerunt; ut ii norunt quibus ejusmodi allusiones, inter legendum, occurrerunt.

* *Ed. Lugd. Bat. 1677. in 12.*

† *Vid. Alian. Var. Hist. Lib. XIII. c. 22. & ad eum Inst.*

Huc etiam accedit, quòd & profæ Scriptores passim ad *Homerum* & *Hesiodum* respiciant, & vix possint intelligi, innumeris in locis, nisi in Poëtis legerimus quæ ab iis proferuntur. Est aliud quoque, quod observatu indignum non est; nempe, neminem satis intelligere quare *Homerus* tantæ fuerit admirationi Veteribus, nisi, magna saltem ex parte, ab eo perfectus fuerit. Commisit nonnulla peccata contra Poëmatum Epici leges, & verisimilitudinem, quæ videntur iis qui Poëtam non legerunt, cum narrantur, adeò absurda; ut contemni debuisse censeatur, utque iudicium Antiquitatis rotius in dubium vocetur. Exempli causâ, Lib. VI. in medio prælio, dum acerrimè Trojanæ à Diomede urgentur, auctor est Helenus Hectori, ut in Urbem eat, matri dicturus vendendum esse peplum Palladi, si fortè Trojanis placetur. Obsequitur Hector, & multum temporis absomit, in colloquendo cum matre, cum Helena, cum Paride, cum Andromacha, qui ne momento quidem ab exercitu abesse debuit. Hoc certè peccatum est in Poëta ingens; at si quis eos sermones legat, in quibus tempus terit Hector, præsertim cum Uxore, peccati Poëtæ illico obliviscetur; tanta enim est eorum dulcedo, & elegantia, tamque vividæ imagines, ut regularum Artis oblitus, & Homericis versibus, quasi carmine magico delinitus, lætaturus sit ita peccasse *Homerum*, & exclamaturus potiùs; felix peccatum, quod elegantes adeò verus nobis peperit!

3. Post *Homeri* & *Hesiodi* lectionem, poterunt adiri reliqui Heroïci carminis Scriptores, & in primis *Apollonius*, qui in *Argonauticis* antiquissimam Historiam persequutus est. Debent etiam studiosè legi *Bucolici* Poëtæ *Moschus*, *Bion* & *Theocritus*, ad quorum Doricam Dialectum intelligendam non parum proderit *Æmilii Porti* Lexicon Doricum, vel, quî in suum Dictionarium hoc transtulit, *Corn. Schrevelius*. Initio enim ejusmodi subsidii utendum est, modò semper omnes voces derivatas ad Radicem referamus; neque enim hoc parum, cum ad memoriam, tum ad vim vocum assequendam prodest: Utile tamen etiam erit ex Grammatico petere præcipuas Dialecti Doricæ regulas, ne vel minimæ voculæ negotium facessant. Horum Poëtarum editiones variæ sunt, sed omnium optima est *Heinsiana*, cum Scholiis Græcis, & observationibus *Jos. Scaligeri*, *Is. Casauboni*, ac *Dan. Heinsii*; quorum tamen hic, dum acumen perpetuò sectatur, sæpe inanem quamdam *excellenciam* ostentat.

4. Post *Bucolicorum* Poëtarum perlecta volumina, adeundi erunt *Tragici*, inter quos primas tenet, cum cæteris dotibus, tum facilitate eloquutionis, *Euripides*; cujus etiam

quot sunt versus, tot esse sententias, seu *ῥήματα*, Cicero merito dixit. Hunc sequetur *Sophocles*, Sophoclem *Æschylus* qui durior & audacior est, & minorem multò adhibet artem. Postremus omnium legendus erit *Pindarus*, qui ipsum *Æschylum* dithyrambis superat, & duritiem styli præ se fert numquam concoquendam, nisi Linguae peritissimis.

5. Plura non addam, quia quicumque huc usque progressus erit, duce viæ nequaquam opus habebit. Poruisssem multò plura Poëtarum recensere nomina, sed ambitioso indice abstinendum duxi; quia quæ tacui satis nota erunt iis, qui nominibus appellatos evolverint. Præstat monere cum lectione Poëtarum conjungendum esse Artis Poëticæ studium, nisi enim leges Artis nôrimus, non satis intelligimus finem Poëmatum, peccata, aut eruditionem Poëtarum; quo fit ut certa hisce de rebus ferre nequeamus judicia, aut cum tædio legamus, quæ legum Artis peritis summam admirationem ac voluptatem creant, vel admiremur quæ vituperanda sunt. Cùm multi hac de re scripserint, duos potissimum cæteris prætulerimus; quorum alter est *G. J. Vossius*, qui *Institutiones Poëticas* Latine scripsit: alter verò Gallus, nomine *Renatus le Bossu*, † qui de *Carmine Epico* elegans volumen Gallicum publici juris fecit.

6. Possêt hîc aliquid subjungi de Fabulis, quæ Poëtarum argumentum sunt; sed res ampliorem disputationem, quàm institutum nostrum patitur, postulat. Monebimus tantùm eos errare, qui credunt eas omnes esse à Poëtis inventas; cùm plerumque nihil sint, præter antiquam Historiam Græciæ, exornatam quidem illam, vel potiùs depravatam figmentis, sed non prorsus confictam. Antiquissimæ Historiæ narrabantur versibus, & cùm eorum dictio scateret tropis & figuris, hinc factum ut propriè intellecta, aut alieno sensu exposita pepererit figmenta plurima, quibus postea datâ operâ à Poëtis alia adjecta sunt. At veritas non est ubique adeò in illis occulta, quin magna ex parte figmentorum involucris liberari possit, si rem quis seriò aggrediatur; * quod experti dicimus, & faciliè possemus ostendere. Atque hoc observari debuit, ne deliros censeamus Poetas, quod fabulas tanto studio parrent.

† *Traité du Poëme Epique* à Paris 1675. in 12.

* Vide explicationem *Fabulae de Harpyj* in *Diff. De Statua Salma*.

CAPUT IV.

De Methodo in Hebraicæ Linguae studio observandâ.

SECTIO I.

Lectio Vocum.

1. **P**RIUSQUAM de Methodo Hebraïci studii agamus, observandum est esse prorsus necessarium iis, qui Novi Testamenti libros penitus intelligere optant, cujus rei hæ sunt rationes. Religio Christiana non est ita cælo integra delapsa, ut nullam rationem habeat Religionum, quæ antea erant, sed omnia nova hominibus afferat. Contrà est veluti Religionis Judaicæ surculus, at ipso trunco major ac viridior. Addit quidem Judaicæ plurima, & iis interdicat Christianis, quæ in Judæis à Deo, propter eorum *σκληροκαρδία*, tolerata fuerunt; attamen multis Judaicæ Religionis dogmatibus inædificat, & ab hominibus, in Judaica Religione educatis, primum constituta est; unde fit ut in eorum libris, perpetuæ sint ad Judaicas leges, ejusdemque Gentis prisca Scripta allusiones. Præterea qui Novum Testamentum scripsere, Græcis quidem usi sunt vocibus, sed phrasi Chaldaïca; quod hæc Lingua tunc temporis in Judæa, inter Hebræos, in usu majore esset, quàm Græca; ita ut plebs, aliisque Judææ incolæ eâ Linguâ Hellenismum, qui à Seleucidis & Lagidis eò fuerat illatus, inficerent. Itaque ad intelligendum Novum Testamentum, opus est aliquâ cognitione Chaldaismi, aut Hebraïsmi, qui ejusdem Linguae duæ fuere Dialecti.

2. Huc accedit quòd omnes rationes, quæ suadent Historicorum Græcorum & Latinorum lectionem utilem esse, imò validiores, militent pro Hebraïcorum Scriptorum lectione. Quod quia per se manifestum est, à nobis pluribus non probabitur.

3. Quoniam autem solent juvenes, ætate demum grandiores, animum appellere ad Linguæ Hebraicæ studium, hîc, ut in Græca & Latina Lingua fecimus, non statuemus elementa jam esse nota, sed ab iis incipiemus. Primum literas Hebraicas adspicientes terrent ductus absimiles planè literis quas novimus; licet certum sit Græcas, ex quibus Latinæ, à characterè Phœnicio ortas esse; characterem autem Phœnicium, qui vulgò Samaritanus dicitur, initio eundem cum Assyrio, quo nunc utuntur Hebræi, fuisse. Ita, labente tem-

pore, mutatur figura literarum. At facile est Consonantium primum figuram discere, si Alphabethum Hebræicum aliquoties describatur. Vocalium cognitio, utpote pauciorum, multò facilior est, & statim ac attentè expensa est, & sonum Consonantium, descriptione Alphabethi, didicimus, exercitatione lectio proclivis evadit.

4. Vocales antiquis Hebræis in pronuntiatione quidem usitatæ erant, cum sine iis nulla vox efferrî possit; sed inter scribendum nullas earum figuras apponebant, ut copiosè contra *J. Buxtorfium* probavit *L. Cappellus*, in *Arcano Punctionis*, ejusque *Vindiciis*. Sed cum Lingua Hebræica jam dudum intercidisset, nec legerentur Hebræici Codices, nisi ab iis, qui eam lectionem difficulter *παροπαράδοτον* traditione didicerant; docti quidam viri, forè *Tiberienses Massorethæ*, quadringentis minimum post Christum annis, figuras vocalium invenerunt; ne ob nimias Judæorum migrationes, traditio illa, quæ jam multas mutationes passa erat, prorsus intercideret. Sed quoniam inventio illa non simul ac semel, neque ab iisdem hominibus videtur perfecta, & præterea semper morosi & reconditoris nescio cujus doctrinæ jactatores fuere Rabbini; leges lectionis impeditiores sunt, & scatent exceptionibus, præter multitudinem inutilem vocalium; cum satis fuissent quinque breves & quinque longæ, æque distinctis figuris notatæ. Eodem modo hac in re se gessere Rabbini ac Rhetores Græci in tradendis artis suæ præceptis; * *ne parum multa scisse viderentur, ea conquiverunt quæ nihil attingebant, ut ars difficilior cognitu putaretur, utque proinde majori in pretio haberetur.*

5. Verùm illis incipientes terreri non debent; primum enim non discitur lingua Hebræica, ut inter loquendum, aut in scribendo usui sit, sed tantum ut intelligatur; quam in rem non multum confert morosa pronuntiatio, adeò ut non necesse sit hac de re nos anxios esse. Secundò, si vel accuratissimè, ex hodiernis regulis, quis voces efferrat, non est putandum eum ex veterum Hebræorum more pronuntiatum; ut apparet vel ex nominibus propriis, quæ aliter à Massorethis lecta sunt, quàm à Septuaginta Interpretibus, aliisque etiam Recentioribus.

6. Itaque primum missâ illâ multiplici regularum, tot exceptionibus laborantium, cognitione, quæ paulatim poterit acquiri, initio hoc tantum observandum; Consonantem, sub qua est figura Vocalis longæ, constituere semper cum sua vocali syllabam, ut *פָּקֶדוֹן* *Phá-kedou*; contrà ve-

* *Script. ad Hieronimum Lib. I. c. I.*

rd brevem Vocalem Consonantem, sub qua est, conjungere cum sequente, ut syllaba constet duabus Consonantibus, ut פקד *pakked*. Hoc tamen in brevi Vocali non ita perpetuum est, quin interdum cum Consonante cui subjacet syllabam constituat; sed quando hoc usu venit, non potest aliter pronunciari vox à legentibus, ut nullus sit peccato locus. Rectius nihilominus fecissent Massorethæ, si constantiores fuissent. Malè etiam fecerunt, quòd *Camets magnum* à parvo, si aliter efferri debuit, diversitate figuræ constanter non distinxerint. Sed hoc tenendum est semper esse magnam, cum potest cum unica Consonante cui subjacet syllabam efficere; cum verò aliter efferri nequit syllaba, nisi duæ Consonantes jungantur, esse parvum; ita in פקד *magnum* est, in צורם *tsourom* est parvum, quia *Mem finale* necessariò conjungitur cum ך *Resch*. Sunt qui velint excipi terminationem in ה ut רמה *Ramah*, sed seu excipiat, seu non excipiat, perinde est. Imò ad omnes illas inanes difficultates rescandas præstaret fortè figuram ך, aut semper ם sonum obtinere, aut pronunciari semper A; quandoquidem nominum propriorum quædam sub quibus est, ad eam syllabam quod attinet, modò per O efferantur apud Vetr. Intr. modò per A; quod quomodo in aliis vocibus usurpatum fuerit cum ignoremus, nec hoc faciat ad intelligentiam Linguae, negligi prorsus id discriminis possit.

7. Ad vitandam molestiam distinctionis Vocalium in breves, & brevissimas, duo tantum observanda: 1. *Scheva simplex* numquam esse pronunciandum, nisi cum aliter vox ore efferri nequit; quod evenit ubi Consonante, cui subjectum est, inchoatur syllaba, ut in voce פקדון *phakedou*. Vel si id discrimen non arrideat, & confundi placeat sonum *Camets magni* cum parvi sono, legenda erunt vocabula, quasi nihil esset sub Consonantibus, sub quibus est *Scheva*, ut fit apud Syros. 2. *Scheva compositum* non esse sono distinguendum à brevibus Vocalibus, quibus constat. Accentuum nulla planè habenda est ratio, quippe qui sint sine causa inventi ab hominibus, quidem Linguae legitima *accentuatio*, si ita loqui licet, æquè erat ignota, ac nobis; imò qui ne accentuum quidem naturam norant, quippe qui ope unius, ejusdemque accentus Vocalem longam in brevem mutant, & brevem in longam.

8. Objicient qui Rabbinos nimis mirantur, ita futurum ut non pronunciemus, ut illi solent; quod verum est. At non minùs verum legitimam & antiquam pronunciationem illis non magis notam esse, quàm nobis. Et cum illa nihil ad Linguae intelligentiam faciat, nihil interest quocumque

modo pronunciemus ; nisi quòd facilius sequendus est, ne inutili difficultate nos impediamus.

9. Itaque missis Rabbinis, statuendam etiam est, nullam rationem esse habendam *ad Dagesch*, nisi cum literam duplicem facit ; quod numquam fit, nisi antecedente Vocali brevi. Grammaticorum distinctio est profecta ex Rabbīnorum vano ingenio, qui illā distinctione imperitis persuadere vulerunt, se tenere pronunciationem Linguae Hebraicæ, non minùs quam cum vigebar, quòd falsum & absurdum est ; ut constat, cum ex nominibus propriis, tum ex re ipsa, soni enim non possunt, sine mutatione, per plura sæcula servari.

10. Ceterum si quid hisce Regulis contrarium occurrit, quod rariùs fit, id quasi punctationis mendum habendum est, non quasi exceptio. Postquam enim Regulæ inventæ sunt ; quæ naturā ipsius pronunciationis aiuntur, quales sunt antecedentes ; non est putandum Librariorum errores, aut Rabbīnorum inconstantiam, debere exceptiones in iis parere ; quod sanè faciunt qui Anomalias omnes, quæ occurrunt in Codice Hebraico, totidem esse exceptiones volunt. Idem est, ac si unicus superesset Latinus Codex, atque ex eo Codice Regulas colligeremus Linguae ; ita ut licet passim observassemus vocem *Homo* habere in plurali *homines*, alicubi tamen occurreret, culpā Librarii, *humanes*, & hoc adnotaremus, quasi exceptionem Regulæ.

SECTIO II.

Monita de cæteris Grammaticis Regulis.

1. **P**OSTQUAM in Lectione satis exercitati erunt Hebraicæ Linguae studiosi, ad sequentes Grammaticorum Regulas accedant oportet, adhibitis hisce cautionibus. Prima est ut sciant potissimas tantum esse tenendas, quales sunt primum Regulæ de terminationibus pluralium & quæ ad *statum constructum*, & *absolutum*, ad Nomina quod attinet, distinguendum, necessariæ sunt. Farraginem illam mutationis punctorum, quæ superstitiosè tradi solet, omittant oportet. Si enim necessaria esset, usui tantum scribentibus foret & sunt plurima fortè in ea Librariorum menda, aut Massoretharum oscitanter punctantium errores, quæ à credulis Grammaticis veluti consecrata sunt.

2. Ad Verba quoque quod spectat, sunt regularia & generalia tantum de *quiescentibus* & *defectivis* tenenda ; cum enim quæ ab iis discedunt, an veræ Anomalix sint, an menda scire nequeamus, non opus est ut in iis discendis nos ex-

cruci-

cruiemus. Præterea tot sunt, ut non nisi usu disci queant; quam in rem utile est habere ejusmodi Lexica, quæ illa vocabula ordine Alphabethico habent, ut quando occurrunt quæ ad Regulas commodè referri nequeunt, quid de iis censeant Grammatici sine labore discamus. Ita enim fiet, ut aliquoties quæsitam unam eandemque vocem memoriæ haud difficulter mandemus, modò nullam prætermittamus, sine investigatione Thematis, & Radicis; hoc enim, ut de Lingua Græca diximus, non parum memoriam juvat.

3. Donec autem hisce trîcis nos expedierimus; constanter labori incumbendum est, ut quotidie saltem aliquot Scripturæ commata legamus. Etenim continuâ illâ exercitatione, fit ut memoriæ meliùs insigantur voces, utque labor indies minuatur. Incipiendum autem est, à libris facilioribus, quales sunt Historici, ut libri Mosis, Samuëlis, Regum & Chronicorum; unde postea ad Psalmos & difficiliores libros Propheticos progrediendum erit. Primâ hac lectione, unicè spectandæ sunt difficultates Grammaticæ, omîssis omnibus aliis quæ ad res pertinent. Primus enim ille labor eò tantùm spectat, ut significationes verborum, quales tradi solent, cognoscamus, & Grammaticas Regulas discamus.

S E C T I O III.

De Literarum Hebraicarum ulteriore studio.

1. CUM memoriæ mandaverimus Grammaticas Regulas, & cognoverimus quâ ratione interpretes & Lexicographi voces Hebraïcas exponant; ulteriùs progrediendum erit, ut Linguae illius indoles, quantum fieri potest, perspiciatur, & Hebraicæ antiquitates cognoscantur. Hanc in rem, cùm Libri Veteris Testamenti legentur, utile erit Librum secundum *J. Buxtorfij Thesauri*, ubi copiosè de Syntaxi agit, Libros III, IV & V. *Philologiæ Sacræ Salomonis Glassii* evolvere. Conducent etiam, prout comparari poterunt, legere libros varios ad Antiquitates Hebraïcas pertinentes, quales sunt *Cornel. Bertrami Politia Judaïca*, *Caroli Sigonii & Petri Cunei Resp. Hebræorum*, *Thomæ Godwini Moses and Aaron*, Anglicè ab eo editus, & in Germania ab aliquot annis Latine versus; *Joannis Seldeni libri de Synedrîis Judæorum*, *de Jure Naturæ & Gentium*, *Uxor Hebraïca*, *de Diis Syris*, *de Decimis*, *Samuelis Bocharti Phaleg & Hierozoicon*, *Joannis Spencers opus de Legibus Ritualibus Hebræorum*, *Lud. Cappelli Criticæ Sacræ & Arcanum Punctationis*, *Joannis Buxtorfii varix Dissertationes*, *Joannis Druſii Opuscula omnia*, *Salomonis Glassii Philologiæ Sacræ* reliqui

qui libri, aliâque similia; ubi res non Theologicè, sed Grammaticè, discutiuntur; hoc est ubi quærentur Antiquitates Hebræicæ, omiſſis ut plurimum controverſiis hodiernis, & conſectariis, quæ inde ad conſcienda ſystemata Theologica deduci ſolent. Hæc enim ſtudia ſunt alijs planè generis.

2. Jam non erit in Lexico Buxtorſiano, & recentioribus verſionibus duntaxat, ut prima lectione fit, hærendum; ſed Textui Hebræico conjungenda erit verſio LXX. Intt. & Vetus Latina, adjectis fragmentis aliorum Vetr. Intt. quæ à *Joanne Druſio* collecta, & notis illuſtrata ſunt. Hinc enim hodiernarum verſionum, quæ ſerè ex recentiorum Judæorum interpretamentis, & Theologicis præjudiciis hauſtæ ſunt, cognoscuntur plurima peccata. Utiles ſunt *Conradi Kircheri* Concordantiæ verſionis *ſ. LXX*, in quibus uno intuitu cernere eſt quot variis rationibus *ſ. LXX* unamquamque vocem verterint.

3. Qui in hiſce eo, quo par eſt, ſtudio verſabuntur, animadvertent facile plurima eſſe, adeoque longè plura, quàm vulgò cenſentur, quæ cùm in Lingua Hebræica ſummarim conſiderata, tum in Libris Vetræi Teſtamenti intelligi nequeunt. Cujus rei hæc ſunt rationes, 1. quia ſuper eſt tantum nobis unicus liber Hebræicus, iſque non magnæ molis, quo totius Hebræicæ Linguae indoles & dictiones contineri nequeunt; 2. quia in hoc libro fuerunt errata Librarium, quæ ſenſum turbârunt, jam antequàm Verſiones ullæ ſcriberentur, negligentia aut difficultate deſcribendi, in Textum illapſa; 3. quia ſunt plurimæ voces, quæ aut ſemel, aut pauculis vicibus occurrunt, & quidem iis in locis, in quibus nec natura rei, nec orationis ſeries nos docent quo ſenſu ſint accipiendæ; 4. quia conſtructio paſſim ambiguitates parit, & tempora confunduntur, nam & pauca habent Hebræi inflexione diſtincta, eaque ſubinde inter ſe miſcentur; unde fit, ut niſi res ipſa moneat, nesciamus utrum res præterita aut futura agatur; 5. quia exceptis ritibus Moſaicis, aliſque conſuetudinibus divinâ auctoritate inſtitutis, ignoramus prorsus, aut dubijs conjecturis ex pauculis locis plurimas opiniones Hebræorum colligimus; 6. quia habemus eorum Hiſtoriæ breviffimum compendium, quo fit ut paſſim hæreamus.

4. Ad hæc accedit, quòd certiora quæ nobis ſuppetunt, ad eas difficultates ſuperandas, ſubſidia, ſint eorum ſæculorum in quibus Lingua Hebræica dudum in deſuetudinem abierat, nec aliter nota erat, niſi traditione inter pauculos eruditos. Antiquiſſima etiam Verſio omnium eſt ea quæ LXX Viralis dicitur, conſecta regnante *Ptolemæo Philadel-*
pho,

pho, ducentis quinquaginta minimùm annis, post reditum è Captivitate Babylonica, in qua Linguae Hebraicæ usus corruptus fuerat. Hinc factum, ut necessariò plurium vocabulorum & phrasium significatio intercideret, unà cum Linguae quotidiano usu; etenim eo tempore non erant eadem studendi artes, quæ nunc sunt. Nulla tunc habebant Lexica, nullas Grammaticas, ut satis apparet ex multis locis Septuaginta Intt. ubi unam eandemque vocem variè admodum vertunt, & interdum ita ut nulla significationum quas adhibent ulli locorum, in quibus vox occurrit, satis conveniat; & ubi certissimas Grammaticæ Regulas negligunt. Præterea in locis difficilibus adedò hæsitârunt, ut aut prorsus à verbis recesserint, aut sensum ex conjectura, prout potuerunt, effecerint; quorum omnium exempla suppeditabunt *Notæ Criticæ Lud. Cappelli*, & Commentarii nostri in *Pentateuchum*.

5. Sequentium temporum Versiones antiquæ iisdem vitiis laborârunt, donec tandem Judæi, meliore initâ methodo, post annum Christi millesimum, Grammaticas & Commentarios in Scripturam scribere cœperunt, quos postea sequuti sunt Christiani. Sed cùm quidquid Judæi recentiores dixerunt hanc in rem nitatur vel auctoritate Massoretharum, vel veteribus versionibus, vel eorum conjecturis, necesse est eos non minùs fluctuare, ac cæteros Interpretes; Massorethæ enim puncta vocalia addiderunt contextui, eo tempore quo legitima linguae Hebraicæ pronuntiatio ignota erat, & menda codicis sui consecrârunt; ut apparet in *Pentateucho*, vel ex *Codice Samaritano*, è quo multa minuta menda, quæ in Hebraïco passim occurrunt, absunt. Veterum versionum non adedò certa est auctoritas, ut vidimus. Conjecturæ etiam Rabbiorum, quæ hac aut similibus opinionibus nituntur, Codicem hodiernum carere mendis, Linguam Hebraïcam perfectissimam esse, non possunt sine examine admitti; nec pluris debent fieri, quàm Christianorum in obscuris explanandis conatus. Imò verò ejusmodi sunt opiniones, ut stare nullo modo possint, cum iis quæ à perito Interprete fieri debent; utque qui in ejusmodi rebus manifestis peccat, nullius peccati possit esse immunis, & contemptu prorsus dignus sit.

6. Nostra Lexica hodierna, cùm sint omnia inde hausta, in plurimis peccent necesse est; nostræque Grammaticæ, cùm sint unicè ex *Codice Massorethico* formatae, ut monuimus, necesse est etiam multis vitiis laborent. Unde colligere est plurimorum Interpretum hodiernorum laborem, qui nullo alio nititur fundamento, sæpe parum utilem esse, quandoquidem ei fidere non licet. Itaque fatendum est eum conari

ἡδὲν περιῶν μέγα κῦμα θαλάσσης, qui sperat se, subsidiis memoratis adjutum, mediocrem adepturum cognitionem Hebraicæ Linguæ; hoc est, se eam ita intellecturum, ut plerisque in locis, aut saltem plurimis V. Testamenti, possit certò sibi persuadere se æquè intelligere quid Scriptores Sacri velint, ac olim, dum vivebant, ab Hebræorum vulgo intelligebatur.

7. Si quis, superioribus lectis, hîc subsisteret, facilè crederet ea fortè hoc animo à nobis esse scripta, ut à Linguæ Hebraicæ studio juventutem deterreremus, cùm re ipsâ animos ei addere ad hunc laborem alacriter suscipiendum instituerimus. Sed priusquàm quidquam aggrediamur, quæ in eo occurrant difficultates probè tenendum est; cùm ut ad eas superandas necessaria comparemus, tum ne iis prætermisissis, satis eruditos nos esse putemus. Videmus enim ad hæc studia plurimos accedere, & in iis etiam consensescere, qui difficultates hæc ignorant, & se eruditos putant, cùm ne quidem viam ad eruditionem tendentem nôrint. Non parum etiam ad certam rerum cognitionem acquirendam conducit, scire quò usque pervenire liceat; ne frustra laboremus, aut nos id scire credamus, quod reverâ nescimus.

8. Cùm, ut Poëta ait, *fit aliquà prodire tenus, si non datur ultra*, quamvis multùm absit ut eam cognitionem Hebraicæ Linguæ adipisci queamus, qualem Linguarum Latinæ & Græcæ multi viri docti, postremis hisce sæculis, sibi comparârunt; atramen, propter rationes antea allatas, nitendum est, ut, quantum fieri poterit, eam cognoscamus. Hæc autem subsidia adhiberi possunt, præter ea quæ memoravimus, ex Intt. veteribus & recentioribus hausta.

9. Cùm constet Arabicam, Chaldaicam & Hebræam Linguam Dialectos esse, potius quàm Linguas diversas; quemadmodum Ionicam, Doricam, & Atticam Dialectos; prodest interdum, ad Hebræicarum vocum significationem adsequendam, confugere ad vicinas Dialectos. Quod fecerunt interdum feliciter viri doctissimi, & præ aliis *Sam. Bochartus, Lud. Cappellus, & Lud. de Dieu*, quorum postremus & primus enumeratis Linguis Æthiopicam etiam præscam, quæ Hebraicæ affinis fuit, conjunxerunt. Exempla passim in eorum libris occurrent, ut & in *Historia Æthiopica*, adjectoque ei Commentario viri celeberrimi *Jobi Ludolfi*, qui omnibus in studio Æthiopicæ Linguæ præivit, & præstitit. Nos quoque hoc ipsum non rarò, in Commentariis in *Pentateuchum*, ostendimus. Itaque si cui animus eò propendeat, memoria firma sit & vasta, ac viræ genus permittat, non inutiliter hisce studiis operam dederit; & ad conferendas quidem hæc

Linguas,

Linguas, multum proderunt Lexica in quibus conjunctæ sunt, qualia *Lexicon Pentaglotton Val. Schindleri, Heptaglotton, Edm. Castelli, & Harmonicum J. H. Hottingeri*. Hæc Lexica possunt esse usui etiam Linguarum illarum haud valde peritis, modò earum lectio nota sit, cum affines Radices sæpe juxta se invicem collocentur. Sed tenenda quoque est, quam ipsa Grammatices elementa statim docent, permutatio literarum affinium.

10. Verùm hîc cavendum, ne putemus hæc Linguas ita *ἐκ παρσλλήλῳ* sibi invicem respondiſſe, ut eadem radices eadem in omnibus, aut affinem semper significationem haberint. Sæpe evenit ut una eadẽmque vox in Linguis affinibus varia significet, ut ex Linguis hodiernis satis constat. Exempli causâ, Linguae Anglica & Belgica multa habent affinia, quæ idem significant; sed non pauca quæ planè diversa, quorum unicum exemplum afferam, unde de cæteris judicium ferri poterit. Apud Anglos, *understand* significat *intelligere*; apud Belgas, *onderstaan* *moliri, niti, item subsistere*. Eadem voce prognata *understanding* intellectum Anglis sonat; Belgis *onderstandt* est *auxilium, adminiculum*. Anglis *understanding* est *solers* etiam & peritus; Belgis *onderstanding* est *auxiliarius*. Si interiiſſet Lingua Anglica, sique unicus superesset liber Anglicus, & paulò plures Belgici; hi quidem sæpe essent usui intelligendo Anglico, sed possent etiam in errorem interdum incautos conjicere; ut si vox allata locis tantum aliquot exstaret, quorum series tam ferret significationem *auxilii ex* Bellica Lingua, quam *intellectus*, facilè edelaberentur qui Belgicè scirent, ut *auxilium* interpretarentur. Ita Psalm. CXIX, 34. leguntur hæc verba in translatione Anglica; *Give me understanding, and I shall keep thy Law*, cum hæc verba significant *da mihi intellectum, & ego observabo legem tuam*; verti ex Belgica Lingua posset, *geeft my hulps, da mihi auxilium*. Itaque si quid simile in interpretandis Hebraicis tenteretur, magna attentione utendum; nec quidquam affirmandum quasi exploratum, quod non res ipsa & series orationis manifestissimum * faciat.

11. Aliud est subsidium, quo usi sunt Intt. omnes; nempe, conjectura, quæ nititur rebus ipsis & serie sermonis. Sæpe enim vocibus sensum certum assignârunt Interpretes, quia putârunt eum necessariò requiri à loci circumstantiis. Quæ in re facillimum est falli, cum plures sensus uni, eidẽmque loco convenire queant, nec nobis interdum Scriptoris scopus satis pateat. Solent potissimum duobus modis falli Intt. in

* Vide *Diff. nostram de Opt. Gen. Int. Script. §. X.*

ejuscemodi phrasibus & vocabulis; quòd attendant præcon-
ceptas notiones, quas ipsi habent earum rerum, de quibus
agitur, cùm sæpe Scriptor quem interpretantur easdem non
habuerit; & quòd eam sententiam statuant sine dubio esse op-
timam, qua positâ, elegantior aut validior est Scriptoris ratio-
cinatio; cùm neque elegantiam illam captaverit, neque de-
monstrationes asferre voluerit. Verùm de hisce copiosius, in
secunda hujus Operis parte, agemus. Ita feliciter oī LXX
Esaiaē LII, 15. ex conjectura veterunt *נִיזְזָה* *jazzeh*, admirabun-
tur, quâ significatione *נִיז* *nazab* alibi nusquam occurrit,
neque in vicinis Linguis reperitur. Hòc enim in versu est
אַתְּדֹסִיס eorum, quæ habentur in antecedente. Sensus est:
*quemadmodum multi piorum Israëlitarum clades admirati sunt:
ita multi eorum reditum admirabuntur.* Agitur enim sensu Gram-
matico eo in loco, de piis Israëlitis, quamvis res multò sub-
limior sub illo cortice Grammatico lateat. Quam se variè
hìc torserint Intr. qui scire volet *Lud. Cappelli* notas adeat.

12. Præter eam cognitionem consuetudinum & morum
Hebræorum, quam ex Sacris Libris porissimùm haustam,
suppeditare poterunt Scripta virorum eruditorum, quos lauda-
vimus; multa huc pertinentia invenientur apud Scriptores,
qui de populis vicinis Hebræorum aut victoribus verba fe-
cerunt. Multas enim vicinæ Gentes similes consuetudines
habere solent. *Herodotus* & *Diodorus Siculus*, aliique Ægyp-
tiorum & Chaldæorum res scripsere; unde non dubia lux
multis Hebræorum moribus, ut ostendit *Joannes Spencerus*,
in Opere cujus titulum suprâ attulimus. Idem & nos de-
monstravimus, in Commentario in *Pentateuchum*, multis in
locis, ita ut res amplius in dubium revocari nequeat. Præ-
terea eò passim alludunt Hebræi Scriptores, nec quid velint
intelligere licet, nisi res Ægyptiorum & Chaldæorum nōri-
mus. Sic Esaiaē Cap. XVIII, 2. Ægyptii describuntur hisce
verbis, *קִי-קִי גִי* *goi kau-kau*, ubi quis conjecerit legendum
קִי-קִי *ki-ki*, aut potius varietatem esse Dialecti, quâ quod per
scribebant Hebræi, id per 'efferebant Ægyptii; quod sæpe
fit in Linguis, vel Dialectis Orientalium. Agitur enim de
palustribus Ægyptiis, ut apparet ex eo quòd *fluviū* dicantur
disperere eorum terram. De his autem ita *Herodotus*, Lib. II. c. 94.
*Ἀλεξάνδρι, ὃ χρίωνται Ἀγυπτίων οἱ περὶ τὰ ἰλῆα οἰκίσοντες,
ἀπὸ τῶν σινδωνίων τῷ καρκῦ τὸ καλεῖται ὡς Ἀγύπτῳ ΚΙΚΙ:*
unguento autem utuntur Ægyptii qui circa paludes habitant, ex
fructu silicypriorum, quod appellant Ægyptii *Kiki*.

13. Expectaverit fortè quispiam, ut agamus hìc de studiis
Rabbinicis; verùm aut hæc ad nostrum institutum non per-
tinent, aut quæ diximus possunt etiam in eam rem partim
dicta

dicta existimari. Sunt duplicia potissimum eorum Scripta. Alia sunt Commentarii in Vetus Testamentum, qui non sunt difficiles admodum intellectu, iis qui contextum ipsum intelligunt, & mediocrem operam iis navârunt, *Rabbinico Lexico J. Buxtorfii* adjuti. Sed cum sint recentiorum Rabbino- rum, neque ullâ ratione conferri queant Christianorum lau- datis Interpretibus, qui plura multò subsidia adhibent quàm Rabbino- rum gens, & judicio multum iis præstant; nullam causam video quare tanti fiant, quanti à nonnullis fieri so- lent, nisi quodd vulgò non leguntur, & pulcrum est videri, ea intelligere quæ aliis ignota sunt. Sed res ipsa si introspi- ciatur, cum Grammaticis ac Criticis Christianorum, nullo modo sunt æquiparandi. Sunt verò alia Scripta, aut allegori- ca, aut ad doctrinam Thalmudicam pertinentia, quæ nos docent quid senserint Judæi, aliquot sæculis post Christum; sed parum faciunt ad illustrationem Veteris Testamenti. Al- legorici Doctores quidquid volunt fingunt, Thalmudici sub- tilissimè ritus omnes persequuntur, atque ex cerebro suo sup- plent, si quid deesse videatur Legi scriptæ, nulla pœnè Gram- maticæ aut Historiæ ratione habitâ; quod studiosi facillè in- telligent, vel ex variis Thalmudicis Codicibus Latine editis, & adnotationibus à viris doctis auctis. Itaque hæc ad in- stitutum nostrum nihil faciunt, nec necesse est rem copiosius demonstrare.

CAPUT V.

Consilia varia ad Studiorum rationem pertinentia.

1. **Q**UÆ diximus hætenus, de ratione studiorum in Latinis, Græcis & Hebraïcis, pertinent ad Lingua- rum cognitionem comparandam, potius quàm ad certæ cujuspiam disciplinæ inquirenda dogmata. At si quis sibi Linguae cognitione comparatâ, & rerum etiam, quæ apud Veteres habentur, neque enim unum sine altero fit, velit pe- nitius se cuiuspiam Disciplinæ addicere; alius erit ordo obser- vandus, vel dudum perlecti Scriptores denuò, immutato or- dine antea indicato, perlegendi. Hac ratione fiet cum ut res, tum etiam ut voces & phrasæ rei propriæ melius intelligen- tur, quod posterius hîc potissimum respicimus.

2. Qui Poëtæ quidem ætate maturiore aggrediuntur lege- re, eos oportet ab antiquissimis initium facere; quia sequen- tes ad eos passim alludunt, atque ex iis plurima desumunt.

Ex

Ex Homero Hesiodus fortè, ex utroque sequentium ætatum Poëtæ plurima hausere. In Historicis verò non est ratio habenda ætatis Scriptorum, sed rerum quas scribere aggressi sunt; recentiorum enim cognitio nititur anterioribus. *Iosephus*, qui multò post *Herodotum* vixit, prior est legendus, saltem in iis quæ habet *Herodoteis* antiquiora. Qui sit inter Historicos ordo, non necesse est hîc dicamus, quia vel ex librorum inspectione innotescere potest. Si Historiam Ecclesiasticam, aut veteres Christianos Scriptores legere quis seriò aggrediatur, eum etiam ab antiquioribus quibusque incipere oportet.

3. Cùm cuipiam rei cognoscendæ operam damus, ei, quantum fieri potest, sine interjectis moris, instandum est; donec eam animo notitiam, quam quærimus, conceperimus. Si enim sæpiùs omissum argumentum in manus identidem resumamus, turbatur multùm Memoria & rerum ordo. Nam licet interdum ea legamus, quæ non sunt inter se connexa, ut unum necessariò ab altero pendeant; attramen est ut plurimùm nescio quæ connexio, quæ ad intelligendum non parum juvat. Præterea illa nimium interrupta lectio fastidium parit, quo fit ut tandem præ tædio eos Scriptores deponamus; quos si continuò, & sine interpellatione legissemus avidè evolvissemus. Huc etiam accedit, quod cùm quisque Scriptor suum habeat characterem, suamque eloquutionem, opus sit tempore, & perpetuà lectione ut ei adsueamus. Hoc enim fieri nequit subinde deposito & in manus denuò sumpto Scriptore quod experientia nos docuit, & omnes, quicumque idem tentabunt, docebit.

4. Itaque licet fieri nequeat, ut quotide totidem horas studio tribuamus; non est tamen committendum, quantum in nobis est, præsertim illà ætate, quâ studiis unicè operam dare licet, ut ullum diem præterlabi sine lectione sinamus. Hic Pictorum illud celebre monitum, in studiis Literarum, non minùs quàm in Pictura addiscenda, necessarium, animo infigendum, *Nulla dies abeat, quin linea ducta supersit. Habitus*, seu facilitas aliquid faciendi, ut loquuntur Ethici, non, contrahitur, nisi repetitis actibus, nec aliter, nisi intermissis, deleatur.

5. Cavendum quoque est ne in aliud peccatum incidamus quod frequenter admittitur à viris etiam Literarum studio addictissimis, ut uno eodémque die studiis diversis operam dent; quâ ratione studendi, non parum turbatur Memoria, & quod rerum à Memoria congestarum structor dici potest, Judicium; præsertim ubi ea quæ legimus attentionem animi majorem postulant; nam à gravi studio ad levius sine periculo & incommodo digredi possumus, aut etiam relictâ lecti-

one

one rei facilis ad aliam æquè facilem transire. At ubi conatu quodam ingenii quidpiam intelligere nitimur; non potest subito ea animi affectio mutari, quin cerebro veluti vis inferatur, quâ perturbantur Memoria & Judicium, ac sanè tunc temporis minùs facili quæ legimus adsequimur & concoquimus. Hinc fit ut qui ita student multùm laborent, sed parum proficiant, aut nescio quam eruditionem confusam adipiscantur, quam redolent eorum Scripta; ubi neque perspicuitas, neque ordo ullus animadvertitur. Apparet ex Scriptis viri longè doctissimi *Joannis Seldeni*, eum ita studia sua perturbasse, ut eodem tempore de rebus toto genere diversis cogitaret; digressiones enim caprat ad eò remotas & interdum tam longas, ut nisi ita studia instruxisset, non potuisset tantam ordinis & rerum perturbationem ferre. Ac sanè dum ordinem & perspicuitatem negligit, non parum tædii Lectoribus creat; quæ vera ac utilia habet, longè plurima, minùs faciliè intelliguntur; & sicubi in errorem delabitur, vix origo erroris deprehendi potest. Plurimi viri docti, qui lecto ejus de *Synedrion* Opere, crediderunt cum eo *Synedrion* Septuaginta-Virale fuisse perpetuum, à Mose ad extrema Judaicæ Reip. tempora, faciliè deprehendissent esse hoc merum Judaicum figmentum, si vidissent argumenta *Seldeni* perspicuè & ordine expressa. Sed confusio, digressiones, testimonia aliena, & immensa illa eruditionis congesta ferrago faciliè fucum faciunt, & perspicaces etiam obruunt.

6. Quoniam autem, pro celebri Aphorismo *Hippocratis*, *ars longa, vita brevis est*, neque ingenia nostra omnibus studiorum generibus æquè apta sunt, neque per vitæ institutum, aut facultates, licet per omnia exspatiari; optimè sibi consulere videntur qui, his expensis, uni potissimum Disciplinæ operam dant; neque alias delibant, nisi quantum, ad ruditatem pudendam deponendam, satis est. Itaque postquam studiorum jacta sunt fundamenta, & jam coeperunt Studiosi his cum voluptate incumbere, oportet eos in se descendere, & dispicere quam in rem potissimum naturâ ferantur; tum si cætera, quæ ad vitam pertinent, patiantur, eam sibi excolendam sumere. Exempli causâ, quandoquidem de Critica hîc agimus; si quis sentiat se potissimum Poëtarum lectione affici, & in eorum lectionem toto animi impetu ferri, rectè faciet, si modò vitæ institutum ferat, si hoc studium, præ cæteris omnibus, colat. Si quis etiam Scriptorem quempiam singulari affectu amet, operâ non abutetur, si nitatur eum ad unguem intelligere, longiusque tempus in eo, quàm in aliis colloceat. Multò enim magis proficimus; ubi propensione naturæ adjuvamus; quàm cum aut eâ invi-

tâ, aut sola vi rationis aliquid aggredimur; & præstat aliquid eximie tenere, cætera verò mediocriter, quàm omnia delibasse, nihil penitus nosse. Ubi præstare dicimus, hoc volumus, utilius id esse, cum ei qui id tener, tum aliis etiam, quibus prodesse potest.

7. Huc possumus referre monita Senecæ, de vitanda nimia lectione, Lib. I. Epist. 2. *Certū, inquit, ingeniū immorari & innutiri oportet, si velis aliquid trahere, quod in animo fideliter sedeat. Nusquam est qui ubique est.* Similia habet, Lib. vi. Epist. 1. *Non refert quam multos, sed quàm bonos habeas.* Homini verò acre iudicium, quod ante omnia excolendum, in lectione vetusti cujusvis Scriptoris, adhibenti, is Scriptor bonus fit; quia. ejus vitia & virtutes pervidet, has imitatur, illa fugit. Quo magis eum versat, eo minùs ejus vitiis fallitur, eo magis virtutes complectitur, atque ad eas se componit. Sed adeundus Seneca.

8. In Omnibus Disciplinis, & præsertim in Linguarum studio, Memoria est simul Penus & Promus-Condus. Iudicium verò, ut diximus, Structor, qui quæ Memoria deprompsit ordine collocat. At ne Memoria rerum copia obruatur, est ordine aliquo adjuvanda; atque excerpenda, quæ usui postea esse queant, aded ut inveniri facile possint. Inutilis enim esset lectio, nisi quæ legimus possemus usibus nostris accommodare; ut inutilis esset magna suppellectilium copia, si, quando usus urgeret, ubi id esset quo indigeremus nesciremus. * *Vetus est proverbium paupertatem certissimam esse, cum alicujus indigeas, uti eo non posse, quia ignoretur ubi auditum delitescat quod desideratur.* Multi multa hanc in rem scripserunt, & nos etiam experti sumus, sed nulla occurrit methodus commodior & facilior eâ, quàm ab amico acceptam Gallicè † dudum edidimus. Non modò enim Latinae, sed etiam Græcæ Linguae aptatam, ab aliquot annis, utilissimam esse comperimus; neque umquam in manus Collectanea nostra Latina aut Græca sumimus, quin optimo & doctissimo viro, qui eam methodum nos docuit, gratias habeamus.

9. Initio quidem studiorum, ubi iudicium nondum satis firmatum est, neque cognitio sat magna, ut quæ sint excerpenda probè norint Studiosi; vix alia excerpuntur, quàm quæ in breve tempus utilia futura sint; quia, maturescente iudicio, contemnuntur quæ antea in pretio erant. Attamen utile est excerpta ejusmodi habere, cum ut artem ea dispo-

* Colomella ex Cicerone, Lib. XII. c. II.

† In Biblioth. Univers. T. 2. pag. 315.

nendi discant Studiosi, tum ut memoriae melius mandent quæ legunt. Caterum duo hac in re diligenter observanda; primum est, ut ea tantum exscribamus, quæ eximia sunt, vel propter rem ipsam vel propter elegantiam eloquutionis; non quæcumque occurrunt, quo labore nimium sufflaminaretur lectionis imperus. Non est putandum ea omnia esse exscribenda, quæ *γυναικαὶ*, aut *sententiæ* vocantur. Ea dumtaxat sunt seligenda, quorum nobis in mentem non veniret, aut quæ æquè bene exprimere ipsi non possemus. Ita, licet memorabilis sit fabula eo in loco *Virgilii*, ubi hæc verba habentur, nolim ea describi:

Discite iustitiam moniti, Et non temnere Divos.

Nihil enim est in re, aut in eloquutione, quod sit supra caput cumjussu.

10. Alterum, quod hic observari velim, est ne nimis multa exscribantur verba, sed tantum observatu dignissima, adnotato Scriptoris loco. Nimium enim tempus alioquin in exscribendo absumeretur. Non est etiam excerptum quidquam, dum lectione distinemur; ita ut propterea abrumpatur lectio, ut calamus in manum sumatur; hoc enim tædiosam lectionem efficit. Notanda sunt tantum loca postea exscribenda in schedula, ut absolutâ lectione id fiat; neque etiam initio, post primam libri lectionem, id tentandum, sed post secundam dumtaxat.

11. Hæc quidem minuta videbuntur, at sine hisce magna non constant, & neglecta maximam perturbationem Memoriae & Judicii, temporisque, quod rerum omnium pretiosissimum est, jacturam creant. Summa alioquin ingenia, hisce neglectis, ingentia peccata admiserunt; quæ si vitassent, erudito orbi, adeoque humano generi multo utiliora fuissent. Ac sanè qui talia contemnunt, id non tam magnitudine ingenii faciunt, quam inopiâ judicii, quâ fit ut quanti usus sint ordo & methodus non satis intelligant.

12. Coronidis loco, addemus singularem Methodum studiorum, quâ ii demum utri poterunt, qui edo usque pervenerint ubi consiliis nostris non amplius opus habituros diximus. Ea usum esse *Claud. Salmasium*, *ἀποδοσεῖς* alioqui singulare in scribendo exemplar, docet nos * *Joannes Baptista Lantinus*. "Quidquid superest de Veterum libris ceterisque monumentis, inquit, diviso in certa spatia omni ævo, ætatum & temporum ordine pervolvebat; initio ab

“antiquissimis ducto, ita ut omnes unius ætatis Scriptores
 “perlegeret, conferrétque; donec illius sæculi Linguam,
 “mores, ritus, artes & quidquid ex iis quæ restant monu-
 “mentis colligi potest in numerato, & sub uno adpectu po-
 “sita haberet. Inde ad consequentia tempora, ad usque
 “ultima, simili ratione, progredi solitus, & observare quod-
 “cumque novi in Linguis, artibus, cæteris prædictis succedens
 “ætas invexerat quidquid à prioribus posteriores Scriptores
 “acceperant; id assequutus est, nihil ut illum fugeret, quod
 “ad Historiam omnis generis spectare posset.

13. Hoc si posset fieri, sine perturbatione studiorum, in
 legendis tot variorum planè argumentorum libris, utilissimum
 sine dubio esset. Sed nec accuratè hoc potuisse fieri à *Sal-*
masio crediderim; & multùm aberat ut omnes disciplinas,
 de quibus libros Veterum fortè legerat, calleret. Juriscon-
 sulti certè & Medici, in iis, quæ ad Jurisprudentiam & Me-
 dicinam pertinentia scripsit, plurima non sine ratione carpe-
 runt. Attamen in uno genere Scriptorum & per aliquot sæ-
 cula, observari hoc institutum, non sine maximo fructu,
 posset. Exempli causâ, in Scriptorum Ecclesiasticorum
 lectione, vix ullus alius ordo commodior est, ut antea obser-
 vavimus. Cæterùm quæcumque de eruditionis monstris non-
 nullis jactentur, quasi omnia pœnè ingenio complexa, sint
 Disciplinarum genera; & illi (quidni enim verum profi-
 tear?) & alii, quotquot Literarum studiis operam dederunt,
 experti sunt verissimum esse illud Poëtæ:

NON OMNIA POSSUMUS OMNES.

Partis Primæ Artis Criticæ Finis.

ARTIS

ARTIS CRITICÆ

PARS II.

De Vocum & Loquutionum significatione.

SECTIO I.

Regula generales de Vocum & Loquutionum significatione.

CAPUT I.

De Divisione Vocum.

1. **C**UM verba sint dumtaxat signa notionum, eaque ab hominibus pro arbitrio instituta, ut docent Philosophi; sequitur ut ad totidem classes vocabula possint referri, quot sunt notionum genera. Notiones autem, ne ulla sit ambiguitas in hac voce, quâ saepe nobis utendum erit, vocamus *quacumque animo nostro obversantur, cum de re quapiam cogitamus*. Itaque Norio hic nobis non est ipsa intellectio, seu id quod agit aut patitur animus noster, cum intelligit, sed id quod ei intelligenti obversatur. Notiones igitur nostræ, diu & attentè eas animo lustranti, visæ sunt ad septem classes posse referri; ita tamen ut in singulis classibus plures sint, eaque sibi invicem contrariæ; alioqui classium major esset numerus constituendus.

2. I. Sunt notiones *simplices & compositæ*. Simples sunt eæ, in quibus ne mente quidem plura distinguere possumus; compositæ, quæ pluribus simplicibus constant. Simples sunt notiones sensuum, doloris, voluptatis, motus, aliæque in quibus partes nullas possumus discernere. Itaque *amaror*, exempli causâ, *albor*, *sonitus*, aliæque id genus sunt nomina notionum simplicium. Compositæ sunt notiones corporum omnium, in quibus varias partes animo intelligimus, & sensibus etiâ ut plurimum deprehendimus; notiones item virtutum & vitiorum, in quibus singulis varia possunt considerari, & seorsim expendi. Igitur *aurum*, *justitia*, *ebrietas* sunt nomina notionum compositarum.

3. II. Sunt notiones *Substantiarum* & *Modorum*. Substantias vocamus ea, quæcumque tandem sint, in quibus sunt qualitates rerum quas novimus; modos verò qualitates quæ substantiis insunt, nec sine iis esse possunt. Substantiæ sunt corpora & mentes, quibus insunt innumeri modi; quales figuræ, & cogitationes variz. Hæc autem sua nomina habent, quorum significationem quandoque quærunt Critici, & in quibus facile erramus, nisi diligenter animum attendamus.

4. III. Sunt notiones *Relationum*, quæ relationes sunt inter omnia pœnè quæ animo contemplamur. Sic cùm *Patrem* Philippum appello, cogito de *Filio* ejus Alexandro, & vice versâ. Itaque *amor filii*, aut *reverentia patris* sunt nomina relationum, seu virtutum quæ ad alia referuntur. Innumera sunt ejusmodi, de quibus Sectione II. subtiliùs agemus, & quæ diligenter expendissè maximi est, in hac nostra arte Critica, momenti.

5. IV. Sunt notiones rerum, quæ reverâ sunt, aut saltem esse creduntur, quas *concretas* vocant Philosophi; & rerum quæ nusquam sunt, nisi in intellectu nostro, quas illi *abstractas* appellant. *ἄνθρωπος ἀνθρώπου*, homo qui reverâ est, nomen est concretæ notionis; *ἀνθρωπότης* verò *humanitas*, & si lubear, *ὑπόστασις* sunt abstractarum notionum vocabula. Non leves sunt de hisce Philosophorum, aliorumque hallucinationes, ut suo loco ostendemus.

6. V. Notiones, quæ pluribus communes sunt, vocantur à Philosophis *universales*, aut *particulares*; quæ verò uni rei conveniunt *singulares*. *Humanitas* nomen est notionis universalis, *civitas* nomen particularis, *Cicero* singularis. Hæc autem nomina quandoque non satis intelliguntur, atque inter se miscentur; unde multi nati errores, quos ope Criticæ deprehendere licet.

7. VI. Nulla notio est, quæ non possit *clara*, aut *obscura* dici. Obscuræ, exempli causâ, sunt notiones omnium substantiarum; claræ simplices omnes. Licet autem perspicuitas & obscuritas, haud aliter ac dies & nox, diversæ sint, mixtum est quàm frequenter clara obscura ab hominibus censentur, & vice versâ obscura clara; quod diligenter demonstrabimus.

8. VII. Sunt denique notiones quæ integram rei, quam contemplamur, naturam animo nostro sũunt, quas *adequatas*, uno verbo, vocant Philosophi. Aliæ verò partem dumtaxat rei, quam animo versamus, nobis obijciunt, dicunturque *inadequate*. Maximi cùm sit momenti imperfectam cognitionem à plena distinguere, non malè mereantur de Literarum Studiosis, qui doceant quæ nomina sint notionum adequatarum,

quatarum, quæ inadæquatarum, quod nos facere conabimur.

9. Hæc sunt genera notionum, ad quæ omnes referri possunt, & ex quorum numero voces omnes à nobis dividuntur. Atque hoc, ad institutum nostrum quod attinet, satis superque est. Cum oratio sit collectio signorum, eodem ordine collocatorum, quo notiones, quarum sunt signa, menti obversantur; nec possint aliud significare, quam quod cogitat is qui loquitur, si modò usum sequitur loquendi magistrum; necesse fuit pauca de notionibus dicere, priusquam ad earum signa deveniremus. Qua in re si utamur vocibus ignotis, sensu quem iis tribuimus, auribus Latinis, nobis id condonabunt faciliè, ut spero, Lectores; qui meminerint huiusmodi notiones, quemadmodum à nobis considerantur, numquam fortasse animo ullius Scriptoris Romani obversatas, ac proinde novis rebus nova imponenda fuisse vocabula. Sic certè fecerunt olim Latini, cum primum Linguâ suâ philosophari cœperunt; quod cur nobis hodie non liceat, nova proferentibus, nulla ratio afferri potest.

10. Verùm antequàm veniamus ad singulas notionum classes, aut potius antequàm earum nomina singillatim expendamus; nonnulla monenda nobis sunt, quæ ad omnia ferè ex æquo pertinent, aut ad plura simul; quibus allatis, singulas classes excutiemus.

CAPUT II.

Regulæ generales de Interpretatione.

I.

Linguas sibi invicem non satis respondere.

1. **I**S censetur Scriptorem intelligere posse, qui caller Linguam, quâ Scriptor usus est. Eum autem accuratè loquentes *callere Linguam* dicimus, qui dum legit aut audit alium loquentem, habet animo obversantes easdem notiones, quæ à loquente, aut scribente vocibus quibus utitur subjectæ sunt. Alioqui si quod sit discrimen, inter notiones loquentis & audientis; aded ut ex alterutra parte sint clariiores aut obscuriores, ampliores aut arctiores, aut ulla denique alia in re dissideant, qui audit non potest censere perfectè intelligere sermonem loquentis. Quod re ipsâ raro contin-

git, cūm paucis conveniat in notionibus compositis; dum aliis alii pauciores aut plures notiones simplices unā voce designant; aut dum clariore, aut obscuriore, aliqua ex parte, uni obversantur, quam alteri. Cūm verò sæpè vix ac ne vix quidem rescire possimus, an aliis eadem planè obijciantur notiones ac nobis, nisi plurimis interrogationibus, & in multis ne hac quidem ratione, ut ostendamus, ubi agemus de notionibus simplicibus; sequitur nos sæpius scire non posse, an nos invicem intelligamus.

2. Sed cūm ad summam *ἀξιότιαν* pervenire nequeamus, oportet nos contentos esse modica intelligentiā. Itaque eum *calere Linguam* dicemus, qui eatenus eam intelligit, ut habeat similes notiones loquentium notionibus, aded ut si is verbis suis incipiat loquentium sententiam exprimere, ipsi sint agnitiuri sensum suum in ejus verbis, postquam suis exposuerint. Quantum fieri potest, qui sermones aliorum probè intelligere cupiunt, debent se veluti eorum loco constituere, & eorum verba interpretari, quemadmodum ipsi ea interpretarentur, sine additione, detractioe, aut denique mutatione ulla.

3. Ut hoc fieri queat, usu discenda est Lingua quam intelligere volumus. Versantibus, scilicet, cūm iis qui eā utuntur, observandum diligenter quas potestates subijciant vocabulis, quibus utuntur. At ubi Linguae sunt obsoletæ, ut eae de quibus in hoc Opusculo agimus, usūs loquentium vicem præstant Libri & Dictionaria, in quibus demortuarum Linguarum voces exprimuntur, aliis vocibus Linguae nobis notæ. Post diuturnam & multiplicem lectionem, non multum quidem indigemus Lexicis, at initio aliter Linguas addiscere non possumus.

4. Verūm ex sequentibus Regulis, liquebit in Lexicis multa desiderari, partim eorum qui ea scripsere culpā, partim Linguarum penuriā & dissimilitudine. Hanc in rem, ante omnia observandum *Linguas sibi invicem satis non respondere*; hoc est, plurima esse in Lingua quavis vocabula, quæ alterius nullius totidem verbis exprimi possunt, aut saltem non nisi periphrasi; quo fit ut in Lexicis similibus tantum vertantur, aut aliqua ex parte duntaxat respondentibus. Neque hoc tantum contingit singulis vocabulis, sed etiam multis loquutionibus. Atque hac in re sita sunt Linguarum *Idiomata*, quibus ab aliis differunt, & quorum exempla aliquot ex Græca & Latina Lingua proferemus.

5. In Græca Lingua, præsertim in Atticorum sermone, innumerae sunt particulae, quæ à Grammaticis *παρατηρηματικαὶ ἐπερισβαστικαὶ* dicuntur; quas interdum nihil significare certum quidem est; sed quas ut plurimum gratiam & vim orationi,

orationi, quâ careret si abessent, addere omnibus constat, qui Attico sermoni aures adsuetas habent. Tales sunt particulae αλλὰ, γὰρ, ὅτι, ἀν, αὐ, ἰαυ, &c. quæ passim in Scrip- torum Græcorum Latinis versionibus resecantur, quod nullæ sint in Latina Lingua similes. At si in ipsis Græcis circum- ciderentur, constaret quidem fortè constructio & sententia; sed elegantia & perspicuitas, & vis orationis perirent, quod illico experietur quicumque simile quid tentabit. Libet hîc initium Apologiae Socratis à Platone conscriptæ, describere, particulis istis inter uncinos clausis, & in Latina versione, ubi verbum verbo transtulimus, omisissis.

I. Ὁ [ἰαυ] ὑμεῖς, [ὅτι] ἀν- δρες Ἀθηναῖοι. πεπόνθατε ὑπὸ [τῶν] ἐμῶν κατηγοριῶν ἐκ οἴσου, ἔγω [γὰρ] ἐν χεῖρ' αὐτὸς ὑπ' αὐ- τῶν, ὁλίγῃ δὲ ἐμαυτὸς ἐπελα- θόμην. ἔγω περὶ πάντας λέγων. καὶ τοὶ ἀληθεῖς [γὰρ] ὡς ἔπος εἰ- πὴν, ὑδὲν εἰρήκασι.

II. Μάλιστα [ὅτι] αὐτῶν ἐν ἐθαύματα ἢ πολλὰν ἂν ἐλεύ- σαντο τὸτο. ἐν ᾧ λέγων ὡς ᾗν ὑμᾶς εὐλασέσθαι, μὴ ὑπ' ἐμῇ ἐξαπατηθῆτε, ὡς δὲ νῦν ὄν- τος λέγειν.

III. Τὸ γὰρ μὴ αἰσυνθῆναι ὅτι αὐτίκα ὑπ' ἐμῇ ἐξελεγ- χθήσονται ἔργῳ, ἐπιδείκνυμι [ὅπως] φαίνομαι δεινὸς λέ- γων, τὸτὸ μοι ἔδδεν ἀναισυν- τήτατον εἶναι εἰ μὴ [ἀρα] δεινὸν καλῶν αὐτοὶ λέγειν. [τῶν] τ' ἀληθῆ λέγοντα. εἰ [ἰαυ] γὰρ τὸ- το λέγουσι. ὁμολογῶν [ἀν] ἐ- γὼ, ὅτι τῶν, εἶναι ῥήτωρ.

Quid vos, viri Athenienses, passi fueritis à meis accusato- ribus, non novi; ego ipse ab iis parum abest ut mei ipsius oblitus sim; adeo apud per- suadendum dicebant, & tamen verum nihil ferè dixerunt.

Præcipue eorum unum mi- ratus sum, ex iis quæ multa mentiri sunt, hoc in quo dixe- runt oportere vos vereri, ne à me falleremini, quippe dicen- di perit.

Nam non erubescere quod statim à me redarguendi essent opere, quandoquidem non ap- paream peritus dicendi; hoc mihi visum est impudentissi- mum esse. Nisi peritum vo- cant dicendi vera dicentem. Nam si hoc dicunt, fatebor ego, non juxta hosce, me esse Rhetorem.

Apparet quidem, ex Latina versione, quid sibi velit Socra- tes; attamen gratia orationis perit, nec parum imminuitur vis, quæ Græcis inest. Non sentient fortè hoc quidem qui non sunt in Græcis satis exercitati, ut neque lautitias ciborum dignoscunt, qui lautè numquam vixerunt; opus, nimirum, est hîc consuetudine. Verùm sequentia satis animadvertent, si attendant. I. In prima periodo occurrit i. vox πεπόνθατε, quæ Latine satis exprimi nequit, ut Ficinus paraphrasi uti coactus fuerit: Quâ vos ratione affecerunt accusatores mei nescio,

nescio, &c. 2. Idem addidit *me* certe sic affecerunt ut mei ip-
sius panē oblitus fuerim, nec aliter potuit intelligi; quod au-
tem res paucioribus verbis, usque perspicuis, dici potest, eo
vividius exprimitur, & contra. 3. Ὡς ἔγωγε εἶπαίν est ad
verbum, ut dicere, hoc est, ut dicam, verbum, quod vertit Fi-
cinus, ut ita loquar; verum apud Latinos ea formula est quā
duriorem metaphoram, aut figuram audaciorem emollimus;
hīc verō nihil simile occurrit, nec aliud vult Socrates, nisi
ronundē se dicere nihil veri ab adversariis esse objectum. Ali-
quoties, in hac ipsa Apologia, hæc formula eodem sensu oc-
currit. Sic loquens de Poëris: ὡς ἔγωγε ἵδ' ἡπ' αὐτῶν, ὁλίγα αὐ-
τῶν ἀπαντες οἱ παρόντες ἀν βέλτιον ἔλεγον αἰεὶ ὢν αὐτοὶ ἐπέ-
ποιήσαντες: ut dicam quod res est, fere omnes presentes melius
quā ipsi loquerentur de iis de quibus poemata fecerunt. Ita-
que loquutione Græcā non tam novitas tropi aut figuræ emol-
litur, quā τὸ παρόντων affirmationis. Sic intelligenda ve-
nit, Heb. VII. 9. ubi præstaret vertere, ut dicam quod sen-
tio, quā ut ita dicam. II. In sequentibus verti δεινὸς λέγων,
peritus dicendi, sed major est Græcarum vocum ἔμφρασις. Sig-
nificant enim eloquentissimū. Mirari subiit Henricum Stepha-
num, qui in Thesaurō suo, δεινὸς παρ' αὐτῶν vertit peritum eden-
di, quasi sit aliqua in ea re perita. Non melius Fistsus Vul-
tæius, qui Eliani varias Historias transtulit, Cap. I. Lib. I.
vertit: δεινὸν καὶ κοιλίαν, firmo & robusto ventre sunt Polypo-
des; nam ne dicam voce κοιλία stomachum significari, non
dentem; hæc phrasis designat ventriculi in appetendis cibis
vehementiam, & in iisdem concoquendis firmitatem. Apud
Xenophontem Inst. Cyri, Lib. * V. occurrit δεινὸν τι καὶ ἄλλο
ἔμμενον; quod Latine exprimi nequit, nam Joann. Leun-
clavius versio, quæ habet admirandā formā & proceritate, affi-
nem quidem significationem adhibet, & quæ eodem recidit;
sed non satis exprimit vim vocis δεινός, quæ numquam ad-
mirandum significavit. Est & alius locus apud eundem Xe-
nophontem, † ubi hæc vox occurrit iuncta verbo ποιῆσαι, nec
parvum negotium Interpretibus facessit. Air de Paphlagoni-
bus, Græcos armatos saltantes spectantibus: ἐξόντες δ' οἱ
Παφλαγῶνες δεινὰ ποιοῦντο πάσαις τὰς ὀρχήσας ἐν ὅπλοις ὄναι.
Vertit Joann. Lemmelavus: quæ omnia cum Paphlagonēs ad-
spicerent, mirificum quiddam esse dacebant saltationes hæc uni-
versas in armis fieri. Romulus verō Amasæus: Hic Paphla-
gonēs commoti sunt, quod neminem videbant nisi armatum sal-
tare. Neuter vñ vocis assequutus videtur; quæ, si posset

* P. 123. Ed. Vechel.

† De Exped. Cyri Lib. VI. p. 371.

Latine exprimi, melius verteretur ab usu communis abhorrere censuerunt. Alioqui δεινὸν ποιεῖν significat indignè ferre, queri, ut docet Hen. Stephanus; sed ea significatio hic locum habere nequit, ut apparet ex sequentibus.

6. I. Οὗτοι [μὲν] ἔν, ὥστερ
ἐγὼ λέγω, ἔδν ἀληθὲς εἰρήκα-
σιν. ὑμεῖς δέ με ἀκούσατε πᾶ-
σαν [τὴν] ἀλήθειαν. ἢ μέντοι,
μὲν Δία, ὃ ἄνδρες Ἀθηναῖοι,
καλλιεπημένους [γὰρ] λόγους (ὥσ-
περ οἱ τῶν) ῥήμασι τε καὶ
ὀνόμασι. ἢ δὲ κεκοσμημένους,
ἀλλ' ἀκούσατε ἐκτὶ λεγόμενα
τοῖς ἐπιτυχῶσι ὀνόμασι. πιστεύω
γὰρ δίκαια εἶναι ὃ λέγω, καὶ μη-
δεὶς ὑμῶν προσδοκῶντων ἄλλως
ἢ δὲ γὰρ [ἀν] δύναιτο πρὸς τοὺς
ἄνδρες, τῆδε [τῇ] ἡλικία,
ὥστερ μετὰ τὴν πᾶντον λό-
γους, εἰς ὑμᾶς εἰσέναι.

II. Καὶ μέντοι, [καὶ] πάνν, ὃ
ἄνδρες Ἀθηναῖοι, ταῦτα ὑμῶν
δέομαι καὶ παειέμαι. εἰδὲν διὰ
τῆς αὐτῶν λόγων φησὶντὲ με
δοπολογμένον δι' ὅσπερ εἰδὲν
λέγειν, καὶ ἐν ἀγορᾷ καὶ ἐπὶ τῇ
τραπέζῃ (ἵνα ὑμῶν οἱ πολλοὶ
ἀκηράσι, καὶ ἄλλοι) μήτε θαν-
μάειν μήτε θροῖβον τῶν ἐν-
κα. ἔχει γὰρ αὐτῶν.

III. Νῦν ἐγὼ πρῶτον ἐπὶ
δικασίῃ ἀναβήσκειν. ἔτη γο-
νῶς πλείον ἐδδμήκοντα. ἀ-
τεχνῶς ἐν ξένῳ ἔχω καὶ ἐνθά-
δε λέξων. ὥστερ ἔν [αὐ] εἰ-
πὼντι ξένῳ ἐπύρχανον ὦν,
ἐυεμνῶσκετε δῆναι αἰ μοι, εἰ ἐν
ἐκείνῃ τῇ φωνῇ τε καὶ τῇ πρὸς τοὺς
ἄνδρες ἐπεδραμῆν. δῆ καὶ νῦν συ-
το ὑμῶν δεομαι (δικαιοσύνη μοι
δοῦν) καὶ μὴ τρίτον τὸ λέξων
εἶν. (ἵσως μὲν γὰρ τι χεῖρον,
ἵσως

Hi ergo quemadmodum e-
go dico, nihil verum dixe-
runt, vos verò à me auditu-
ri estis omnem veritatem. Ne-
que verò, per Jovem, o viri
Athenienses, elegantes sermo-
nes (quemadmodum sunt illi
horum) verbis & nominibus,
neque ornatos; sed audietis
temerè dicta, nominibus quæ
occurerint. Nam credo, justa
esse quæ dico, nec quisquam
vestrum expectaverit aliter.
Neque enim profecto, decu-
erit, o viri, hancce aratem,
quemadmodum adolescentu-
lum componentem sermones,
ad vos ingredi.

Quinimò vehementer, o vi-
ri Athenienses, hoc vos oro
& obsecro, si iisdem sermoni-
bus audiat me defendentem,
quibus solitus sum dicere &
in foro, & ad mensas (ubi
plurimi vestrum audiverunt,
& alibi) neque mirari, ne-
que perturbemini propterea.
Sic enim se res habet.

Nunc ego primum in lo-
cum, in quo jus dicitur, as-
cendi, annos natus plures quàm
septuaginta; planè ergo pere-
grina mihi est dicendi ratio
quæ hæc obtinet. Itaque quem-
admodum si reverà peregrinus
essem, ignoscetis utique mi-
hi, illa voce & modo, quibus
innutritus fuissèm, dicentis:
certè & nunc vos precor (ju-
stum, ut mihi quidem vide-
tur)

ἴσως ὃ βελτίων ἐν εἰν αὐτὸ
 ὃ αὐτοῦ ποιεῖν. καὶ τὴν τὸν
 οὐκ ἀποδείξει εἰ δίκαια λέγω.
 ἢ μὴ. δίκασε μὲν γὰρ αὐτὴ
 ἀρετὴ. ῥήτορες ὃ τ' ἀληθῆ λέ-
 γου.

tur) loquendi quidem ratio-
 nem prætermittere (forte quid-
 em aliqua in re deterior, for-
 tē verò melior sit) hac verò
 confiderare, & ad hoc animum
 attendere, an iusta dicam, nec-
 ne. Hæc enim quidem est
 virtus Judicis: Oratoris verò
 dicere vera.

7. I. Quamvis *ἐν* vertamus *igitur*, quia nulla aptior par-
 ticula occurrit, non significat, sequentibus verbis, collectio-
 nem ex superioribus contineri; est dumtaxat transitionis qua-
 dam particula. Scio eam sæpe abundare, sed si superiora &
 sequentia attentè legamus, eam nequaquam vacare hoc in lo-
 co videbimus. Scio *μὲν ἐν* simul sumpta verti *atqui, certè,*
 & *Ficinus* hic habere, *quippe cum*; nam conjungit hoc cum
 superioribus, & à sequentibus divellit. Sed redit Socrates ad
 id quod primâ periodo dixerat, & incipit confutare quod ad-
 versarii de ipsius eloquentia jactaverant.

8. *Πᾶσαν ὃ ἀλήθειαν.* *Ficinus* vertit *vera omnia*, hoc est,
 nihil nisi verum. Hoc verò vult Socrates, se nihil velle ce-
 lare iudices, sed rem totam absque dissimulatione expositurum.
 Itaque hæc loquutio non nisi periphrasi Latine exprimi potest,
 cum hic, tum infra, ubi iterum occurrit. Gallicè dixeris:
je vous dirai toute la vérité, expressâ ipsâ loquutione ad ver-
 bum; nec prætermisso articulo, qui planè necessarius hic
 est. Nam *πᾶσα ἀλήθεια* est quidquid verum est, ad quod-
 cumque negotium pertineat; sed articulus additus ostendit a-
 gi tantum de eo, quod in hac causâ quærebatur, utrum So-
 crates impius esset in Deos, & corruptæ juventutis reus? Sic
 Joan. XVI. 13. Christus de Spiritu Sancto ad Apostolos mī-
 tendo, *ἐδηγήσει ὑμᾶς*, inquit, *eis πᾶσαν ὃ ἀλήθειαν*, hoc est,
in omnem illam veritatem, quæ ad me & doctrinam meam
 spectat. Malè verterunt qui habent Gallicè, *en toute vérité*;
 nam oportebat verti, *à toute la vérité*, & subintelligi, *concer-
 nant moi & ma doctrine*; eo enim tempore dimidiam tantum
 partem veri noverant Apostoli, quod de Christo nôsse eorum
 intererat. Alii deterius: *il vous fera entrer dans toutes les
 vérités*.

9. Quoniam de articulo loquuti sumus, insigne exem-
 plum varietatis Linguarum, hac ipsa in re, afferemus. Ob-
 servamus ergo Linguam Latinam, quod articulo careat, mæx-
 mâ quandòque ambiguitate laborare; minùs Græcam, quæ
 præpositivum articulum habet unum; minimè omnium Gal-
 licam,

licam, quæ est duobus instructa, ut & aliæ hodiernæ. Si Latine, exempli causâ, dixeris *Deus*, tribus modis potest Gallicè verti: 1. *Dieu* sine articulo, quâ voce significatur unus verus *Deus*, qui omnia creavit: 2. *un Dieu*, hoc est, quidam *Deus*, ut si Ethnici Scriptoris vertamus verba *Dei monitu*, dicemus, *par l'avertissement d'un Dieu*, hoc est, cuiusdam *Dei*: 3. *le Dieu*, quâ loquutione significamus certum *Deum*, de quo sermo est; ut si loquamur de quopiam, qui oraculum consuluerit, dicimus: *le Dieu lui répondit*, &c. hoc est, *Deus ille* quem interrogârat, *Apollo*, putâ. Græci etiam dicunt *ὁ θεός*, sed nec caret ea loquutio ambiguitate, nec semper addunt articulum, ubi intelligi debet, ut ex hac ipsa Apologia liquet.

10. Ambiguitas illa linguæ Latinæ effecit ut *Tertullianus*, aliique Patres eum sequuti, argumentum futile ex loquutionibus quibuldam Ethnicorum duxerint, quo tamen eos naturaliter Christianos esse se probare posse sperabant. *Vultius*, inquit, Apologetici Cap. XVII. ex animæ ipsius testimonio comprobemus? quæ licet carcere corporis pressa, licet institutionibus pravis circumscripta, licet libidinibus evigorata, licet falsis Divi ex ancillata, cum tamen resipiscit, ut ex crapula, ut ex somno, ut ex aliqua valetudine, & sanitatem suam patitur, *Deum* nominat; hoc solo, quia propriè verus hic unus *Deus*, bonus & magnus. Et quod *Deus* dederit omnium vox est. *Judicem* quoque contestatur illum, *Deus* videt, & *Deo* commendando, & *Deus* mihi reddet. O testimonium animæ naturaliter Christianæ! &c. Christiani quidem, voce *Deus*, nullum alium intelligebant, nisi unum; quemadmodum hodièque, quando dicimus *Dieu*, sine articulo. At Ethnici Latine loquentes, in formulis allatis, intelligebant *Deum*, quisquis esset, qui iis, de quibus loquebantur, præesse existimabatur. Nomen verò nullum addebant proprium, quia sæpe nesciebant quodnam Numen esset invocandum. Nos cum iis formulis utimur, nihil subintelligimus, quia nobis est unus *Deus*; at Ethnici dicentes quod *Deus* dederit, hoc volebant, quod *Deus* ille, qui me tuetur, aut qui præest rebus quas ago, mihi dederit. Nomen non addebant, ne fortè Numini cuiuspiam beneficium imputarent, quod alii deberent; hujusque aded iram moverent.

11. Græci, ut dixi, articulo suo quandoque ambiguitatem tollunt, quam Interpretes Latini vitare nequeunt. Ita *Socrates*, in hac Apologia: τὸ μὴ ἵτω ὅσπερ τῷ θεῷ φίλον, hoc est, quomodo *Deo* placebit. Intelliget Gallus, Linguæ Græcæ non satis peritus: quæ cetera illa (hac in loquutione idiomatica Græcæ & Gallicæ Linguæ ad accuratissimam sibi respondent)

dent) *comme il plaira à Dieu*. At ὁ θεὸς hic est ὁ *Σωκράτης* δαίμων, *genius Socratis*. Itaque si potestas vocum ὁ θεὸς esset Latine exprimenda, pluribus verbis utendum foret, qualia essent hæc, *Deus ille, qui me tutatur; Deus ille, qui mihi custos additus, &c.* Notum est quid Socrates diceret de suo Dæmone. Iisdem verbis eum describentem, sæpius in sequentibus, inducit Plato, ut in hisce: ἐγὰρ ὑμεῖς, ὦ Ἀθηναῖοι, ἀσπάζομαι μὴ καὶ φίλῳ, πείσομαι δὲ τὰ θεῶν μᾶλλον ἢ ὑμῖν: vos, ὦ viri Athenienses complector quidem & amo, parebo tamen Deo, potius quam vobis. Si id voluisset, quod dicimus, *Dieu*, sine adiectione, dixisset τὸ θεῖον, hoc est, *numen*; si verò quod solemus dicere *un Dieu*, *θεὸς τις* *Deus aliquis*.

12. Verùm ad allata Socratis verba redeamus. Παρὸ post sequitur καλλιπήμενες λόγοις, quod Latine non satis expresseris, nisi dicas *orationes delectu elegantium dictionum constantes*, hoc est, nisi quatuor voces pro una adhibueris; quod seriem orationis sæpe corrumpit, aut enervat. Καλλιπῆται autem esse delectu verborum uti, cum vocis Etymologia, tum sequentium oppositio ostendit; nam Socrates opponit καλλιπήμενοις λόγοις εἰκὴ λέγόμενα τοῖς ἐπὶ τοῦ χυνοῦ ἐνδύμασι, *sine studio, & quasi temere dicta, nominibus quæ prima se animo obijciunt*.

13. Οἱ τέττων, Gallicè optimè *vertas ceux de ces gens-ci*, Latine non dixeris *illi horum*, nisi barbarè. Repetendum *sermones*, aut *orationes*, quod gratiam orationi molesta ejusdem vocis, aut similis repetitione detrahit.

24. Πισεύω γὰρ, vertit Ficinus, *confido enim*, quod frigidum. Vertendum *credo*, ut velit Socrates, se uti oratione sine ornatu ullo; quòd ea non esset dicturus, quæ non crederet esse iusta, ut ipsius accusatores; qui ideo pigmentis eloquentiæ utebantur, quia contra animi sententiam loquebantur, & contra id quòd æquum esse nòrant, ut fallerent iudices. Sed hoc ad comparationem Linguarum nihil attinet.

15. Πλάττειν λόγοις est aut *formare orationem magno studio*, aut eam pigmentis oblinere. Gallicè dicimus *des discours plâtres*, hoc est, *fucatos*.

16. Θερυεῖν quod hic legitur, & postea etiam, in hac Apologia, potest quidem aliquatenus exprimi verbo *perturbare*; sed hoc gravius quiddam significat, & quòd intelligitur non esse sine affectu, seu *perturbatione animi*; Græca verò vox, hic & in sequentibus, significat tantum neglectum & sine ulla animi attentione audire. Scio esse qui vertant *obstreperare*, sed hoc ipsum est quòd volumus; nempe, *garritu aut strepitu dicenti cominprum significare*.

17. III. *Ξένος ἔχεν* est esse in aliqua re instar peregrini, qui primum aliquò advenit, & loci mores ignorat, nec potest proinde ad eos sese componere. Inversâ phrasi, non malè dixit Ficinus: *revera peregrinus sum in eo genere dicendi*; sed *ἀταχυνός* debuisset vertere *prorsus, non reverà*, quod in sequentibus verbis repeti necesse est, ut vertatur *τῷ ὄντι*.

18. In sequentibus verbis, post voculam *μόν* subintelligendum *λέγοντι* dicenti, cujus vocis omissionem in oratione Latina nescio an ferrent eruditæ aures. Certè similem Ellipsin observare me non memini. Attamen Græcè legentium oculos aut animum non offendit, nec obscuritatem ullam orationi creat.

19. *Ὡς μοι δοκῶ*. Latini dicunt *ut mihi quidem videtur*, aut mutata loquutione, *justa petere à vobis mihi videor*. Verùm ita loquuntur Græci, ut docebit H. Stephanus in *The-sauro*.

20. *Τέτραν λέξεως ἔαν* est *missam facere dicendi rationem*, ut solas res, quæ dicuntur, attendamus. *τὸ ἔαν* significat contemptum quemdam testari, quod non satis exprimi Latine queat; cùm, nimis, quidpiam patimur, non quòd id probemus, sed quia non tanti esse putamus, ut impediamus.

21. Ex hisce satis apparet utriusque Linguae discrimen, prout ex lectione, examinèque non-multorum versuum animadverti potuit; nec opus est, ut integras *ρήσεις* præterea addamus. Loquutiones dumtaxat aliquor ex eadem Apologia colligemus, & cum Latinis potissimum conferemus.

22. De veteribus calumniatoribus suis ita loquitur Socrates: *ὡς ἐγὼ μάλλον φοβέμαι ἢ τὸς ἀμφὶ ἄντον, καίπερ ὄντας καὶ τέτυς δυνάεις*, quæ verba sic vertit Ficinus: *quos magis formido, quàm Anyti adstipulatores, quamquam & hi sunt in persuadendo potentes*. At primum ambigua est loquutio, *οἱ ἀμφὶ ἄντον*, potèstque æquè significare ipsum Anytum simpliciter, quàm qui unà cum illo consensiebant in accusando Socrate, ut nòtunt omnes, utque Lexica quævis docebunt. Præterea loquutio Græca sine dubio Anytum complectitur, quamvis & ejus amicos significare statuat; cùm Latina, si propriè intelligatur, non Anytum ipsum, sed eos qui ei assensiebantur designet. Denique vox *δυναίς* ita intelligit Interpres, quasi subaudiendum esset *λέγειν*. Sed quidni *formidolosum* vertamus, cùm hoc sit una significationum vocis Græcæ, eaque optimè hanc in rem quadrat? Vide & sequentia.

23. Eisdem paulò post describit Socrates *ἐρήμην κατηγορεῖν-τας ἀπολογούμενους ἑαυτοῖς*, ad verbum *desertam accusantes* (nempe *δικαν causam*) nemine defendente, hoc est, hominem accu-santes,

santes, quem nemo defendebat: ut sit quando reus malè sibi conscius fugit, atque absens, instante accusatore, damnatur: Elegans est Hellenismus *accusare desertam*, qui, licet cum Analogia non consentiat, perspicuus est, & multa paucis exprimit. Nescio an ex ulla alia Lingua simile idioma profertur queat.

24. Ab hisce accusatoribus transversos actos ait postea *ὑποτάτεις εἶναι*, quod verti non debuit * *infinitos esse*, ut fecit Ficinus. Ἀπορώτατοι sunt hic quos invenire, & cum quibus jure disceptare nullo modo poterat Socrates; non propter multitudinem, sed quia eos non nōrat, nec ob sermones privatim habitos in jus vocare poterat: Οὐδὲ γὰρ, inquit, ἀνατίτεις ἀπαρτὸς οἷόν τε ἔσθ' αὐτῶν ἐνταυθοῖ, ὅδ' ἐλέγχειν ἔδνα, ἀλλ' ἀναγκὴ ἀτεχνῶς ὅσπερ σκισμαχεῖν ὑπολογεμένον τε καὶ ἐλέγχειν μηδενὸς ἀποκινούμενα: neque enim fieri potest ut huc trahantur, neque ut ullis coarguatur; sed necesse plane est veluti contra umbram dimicare, dum me defendo, & alios coarguo, nemine respondente. Quibus in verbis observatu digna est vox *σκισμαχεῖν*, quam non satis rectè vertit Ficinus, in tenebris pugnare; quamvis qui, nocte sublustri, contra umbram suam pugnat in tenebris pugnet. Σκισμαχεῖν is propriè diceretur, qui umbram suam hostem esse ratus, eam confodere niteretur; quia verò qui certat cum umbra nullum adversarium habet, idè qui aggreditur alium, quem nec nominat, nec satis clarè designat, hic *σκισμαχεῖν* dicitur. Vix puto, in alia Lingua, similem exstare vocem.

25. In sequentibus, Socrates capita accusationis suæ recitaturus, ἀντωμοσίαν, inquit, εἰ ἀναγνῶναι αὐτῶν: recitetur accusatio in qua de calumnia jurarunt. Qui accusabant, pimum, jurabant se non calumniari, ut reus se innocentem esse jurabat; unde factum ut ea capita accusationis, aut defensionis, quæ jurari probare conabantur, dicerentur ἀντωμοσίαι. Scio Pollucem propriè ἀντωμοσίαν velle esse rei, προωμοσίαν verò accusatoris. Sed erroris eum arguit hic Platonis locus, rectiusque Harpocraton: Ἀντωμοσία, γεράμαλ' αὖ τινα γεγένηται ἀπὸ φόβου πρὸς τὴν ἀρχὴν, οἱ τε κατηγοροῦντες καὶ οἱ κατηγορούμενοι, οὗτοι δὲ ἀντὶ δίκης. καλεῖται δ' ἕτας ἐπειδὴ ἀντὶ μόνου οἱ δῶκοι τε καὶ οἱ εὐχόροι. οἱ μὲν ἀληθῆς κατηγοροῦσιν, οἱ δ' ἀληθῆς ἀπολογιστέως: scripto quædam complexi ad Magistratum deferunt, accusatores & accusati, de quibus his intenditur. Sic autem vocantur, quia juramenta contraria dederunt persequentes & fugientes, illi se vera accusaturos, hi se vera defensuros.

* Nescio an legerit ἀντίποι, quod ἀντίποι non intelligerent. Vide H. Stephanum, & R. Constantinum in Lexici.

26. Negat Socrates sibi ullo jure tribui posse, quæ Aristophanes in Comœdia objecerat, & sic defensionem suam contra eas calumnias orditur: *Ἐν ἔγωγε ἰδὼν ὅτε μέγα ἔτε σμικρὸν περὶ ἰστίων*: quorum ego nihil, neque magnum, neque parvum, scio. Habet Ficinus: *neque multum, neque parum quidquam scio*. Si voluisset Latine dicere, debuisset vertere: *quæ ego prorsus ignoro*. Est enim idioma Atticissimi, *neque magnum, neque parvum*, pro eo quod est nihil. Sic paulò post loquitur Socrates: *οὐδέ τι αἰσθητὸν εἰς τῶποτε ἢ σμικρὸν ἢ μέγα ἢ καὶ τις ὑμῶν ἐμὲ δειλὸν τοιούτων διαλεγεμένην*; dicitur invicem an umquam parvum, aut magnum audiverit quispiam vestrum me de talibus differentem; hoc est, quidquam omnino simile dicentem. Hebræi parem habent loquutionem, & eodem planè sensu, ut liquet ex 1. Sam. XX. 2. ubi ita loquitur Jonathan: *non facit pater meus כָּרַב נָרוּל או כָּרַב רַעַב*, rem magnam aut rem parvam, quam non aperiatur mihi; hoc est, nihil prorsus molitur quod mecum non communicet. In sequentibus semel atque iterum occurrit hæc eadem loquutio, & alibi apud Platonem.

27. In hac Apologia, legitur alia loquutio, quâ idem quoque significatur, & quam Attici communem habent cum Hebræis. Socrates loquitur de Politico, hoc est, de homine, qui verba ad populum de Republica facere solebat, atque se illo interrogato intellexisse, videri quidem illum sibi aliisque sapientem, sed non esse. Tum subdit: *πρὸς ἑαυτὸν δ' ἔν ἀπὼν ἐλογίζομην, ὅτι τέτυκ' ἐμὲ τὸ ἀνθρώπου ἐγὼ σφωτέρως εἶμι*. abiens ergo mecum reputabam me illo homine sapienterem esse. *Κινδυνεύει μὲν γὰρ ἡμῶν ἑστέρας ἑὴν καλὴν, ἑδ' ἀγαθὴν εἶδέναι*: uterque enim versatur in periculo nihil sciendi, neque bonum, neque malum. *Ἀλλ' ἔτι μὲν οἶσται τι εἶδέναι ἐκ εἰδώς. ἐγὼ δ' ὡς περ ἔν ἐκ οἶδα, ἑδ' οἶομαι*: sed hic quidem putat se aliquid scire, cum nesciat, ego verò ut nescio: ita nec puto me scire. Pro καλὴν bonum scripsimus κακὴν malum, ut opponatur τῷ ἀγαθῷ bono, nam quamvis Græci passim dicant καλὴν καὶ ἀγαθὴν & καλοκαγαθὴν, attamen ita non distinguunt καλὴν, & ἀγαθὴν ut ea, particulâ neque interpositâ, sibi invicem opponant. Sed cum Librarii non intelligerent vim phraseos, neque malum, neque bonum novit, mutarunt κακὴν in καλὴν; idque eò facilius factum est, quod majusculæ Κ&Α non multum differant, si dextrum cornu τὸ Κ deletum casu aliquo fuerit. Bonum & malum nescire loquutio est παρρησιᾶς, quâ significatur summa ignorantia, qualis infantum & puerorum. Sic, apud Homerum, Odyss. γ. 310. Telemachus significans se amplius non esse puerili imperitiâ præpeditum, ita loquitur:

οἷα ἔκαστα

Ἐδρά τι καὶ χέροια, πάρεθ' ὃ τε νήπιεθ' ἦα.

Scio singula, bona & mala, antehac fui puer. Ita loquebantur Hebræi, qua de re vide quæ notavimus ad Gen. III. 5.

28. Verùm ut ordine in expendenda Socratica Apologia pergamus, cùm negasset se cujusquam sceleris reum esse, ait forte aliquem rogaturum, ἀλλ', ὃ Σώκρατες, τὸ εὖ τί σε πρᾶγμα, πῶθεν αἱ διαβολαὶ σι αὐταὶ γέγοναν; quæ vertit Ficinus; quodnam, ὃ Socrates, tuum est opus? & unde adversus te exortæ sunt hæc calumnie. Vertere potius debuit: quomodo se habet res tua? quamquam ne hoc quidem satis exprimit vim Græcæ vocis. At optimè Gallicè dixeris: *Quelle est votre affaire?* Hoc est, qua de causa in jus vocaris? Expone mihi totum tuum hoc negotium. Πρᾶγμα & affaire planè sunt, hoc in loco, ubi sensu forensi intelliguntur, synonyma. Sequentia Socratis verba legantur.

29. Non procul ab iis verbis, quæ modò expendimus, Socrates, cùm dixisset se ob sapientia humana famam invidiosum factum fuisse, ait, τὸ ὅτι γὰρ κινδυνεύω ταύτην εἶναι σοφός, quæ loquutio frequens est apud Platonem, cùm in hac Apologia, tum alibi passim. Exemplum alterum jam attulimus §. 37. Hæc autem loquutio nullo modo Latine exprimi potest. Habet Ficinus: Nam hac reverà sapiens esse videor, qui sensus non est quidem alienus ab hoc loco, sed nullatenus vim verbi κινδυνεύω exprimit. Nōrunt omnes eam vocem deduci ἀπὸ τοῦ κινδύνου, à periculo, & significare plerumque periclitari; verùm hac Latinâ voce hîc uri non licet, quia periclitari Latine loquentes non dicunt, nisi de re quæ infeliciter cadere potest, & cujus eventus non sine metu expectatur; vox verò Græca adhibetur etiam, ubi nulla metuenti ratio est, ut in hoc loco, & alibi sæpè, apud Platonem. Proximè accesseris ad vim hujus vocis, si verba allata Gallicè ita interpreteris: *c'est que je cours risque d'être sage de cette manière.* Nam *courir risque*, est quidem periclitari, sed dicitur etiam de rebus quarum eventus timeri non potest. At infra κινδυνεύω de lite dicitur, quam judicio dirimi vereri poterant contentes. Exemplum antea protulimus, cui alterum dumtaxat addemus, ex ultimis Socratis verbis in Phædone, non procul à fine, ubi postquam dixisset se non posse affirmare, quasi compertum, fore ejusmodi felicitatem post mortem, qualem descripserat, ita porro infit: ὅτι μὲν τοι ἡ ταύτ' ἔστιν, ἡ ταύτ' ἅπτα, οὗτις τὰς ψυχὰς ἡμῶν, καὶ τὰς οἰκίσεις, ἐκείπτεσθαι θάνατον, καὶ ἡ ψυχὴ φαίνεται εἶναι, ταῦτο καὶ πρέπην ἡμοῖς λαβεῖν, αἴτιον κινδυνεύω

νεύω

νῦν οἱ οἰομένω ὅτως ἔχειν. καλὸς γὰρ ὁ κίνδυνος : esse tamen vel hæc, vel talia quedam circa animos nostros, eorūque habitationes, quandoquidem animum immortalem esse liquet, id verò & decere mihi videtur, & dignum quod ita esse existimanti periculum subeatur, honestum est enim periculum. Gallicè eleganter dixeris: il faut hazarder cette créance, c'est courir une risque, qui n'a rien que d'honête.

30. Socrates cum dixisset Chærephonti Oraculum respondisse Socrate neminem hominem esse sapientiores, narrat se quæsiuisse sapientiam, σοφίαν, inter Politicos & Poëtas, nec eam invenisse. Satis liquet, ex omnibus sermonibus Socratis, σοφίαν in ejus verbis plerumque significare cognitionem officiorum, quæ ad mores pertinent, quam solam magni faciebat. Attamen paulò post, ubi narrat se ad præstantissimos artifices ivisse, ut etiam inter eos sapientiam quæreretur, σοφίαν alio planè sensu intelligit; eaque voce peritiam artium significat, quam magnifico illo sapientiæ nomine numquam vocarint Latini. Sciebant, inquit, quæ ipse nesciebam, καὶ μὲν ταῦτα σοφώτεροι ἦσαν, & in hac parte me sapientiores erant. Sed, ὁ viri Athenienses, eodem mihi visi sunt vitio laborare periti artifices, quo & Poëtæ. Quia pulchrè artem suam exercebant, quisque putabat & in alijs maximè se sapientissimum esse, ἕκαστος ἡξίει καὶ τὴν ἄλλα τὰ μέγιστα σοφώτατος εἶναι. Atque hoc eorum vitium illam sapientiam occultabat, καὶ αὐτῶν αὐτὴ ἡ ἀλημψία ἐκείνην τὴν σοφίαν ἀπέκρυπτεν. Oportuit ab interprete Latino servari vocem sapientia utrobique, quia ambiguitate vocis σοφία nititur tota hæc Socratis ratiocinatio; at cum sapientia apprimè conveniret superioribus verbis, ubi de Politicis & Poëtis, vix potuit Latine de artificibus dici. Si Gallicè voces hosce homines sages, & eorum peritiam sagesse, quæ voces solent adhiberi à nobis, cum sapientes aut sapientiam vernaculo sermone dicere volumus, ludibrium audientibus debebis. At Hebræi, quorum Lingua alioqui dives non est, possent voce suâ חכמה hbochmah rem feliciter exprimere. Vide quæ notavimus ad Exod. XXVIII. 2. Similiter cum, in Phædro, Plato Anacreontem σοφόν vocat, non est putandum eum judicasse Poëtæ Teio sanctum illud sapientia cognomen, quo sensu Socrati tribuebatur, debere. Intellexit tantum elegantem Poëtam, & in eo poëscos genere, quod excoluit, eximium. Is sanè nobis illudat, qui Gallicè dicat le sage Anacreon; & qui ex Platone probari posse putet in sapientium numero habitum illum Poëtam; quod nescio an voluerit vir eruditus, qui editioni suæ Anacreontis Platoni verba præfixit. Certè vir elegantissimi ingenii, qui Dialogos Mortuorum Gallicè edidit, Lucianum anteferendos, videtur

detur eâ voce deceptus fuisse. Quod carpendi studio non dico, qui hominis facundiam & acumen mirari soleo.

31. Ex hoc *Platonis* libello plura non addemus, quibus, si omnia sigillatim & subtiliter ad examen revocarentur, exemplisque illustrarentur, justum volumen consari posset. Paucula dumtaxat alia, quæ fortè occurrerunt, subjiciemus, ex quibus omnibus id esse Linguarum discrimen liquebit, ut qui Translationibus & Lexicis nimium confidunt, ac putant, sine diuturna lectione, posse se mentem Scriptorum quos legunt adsequi, in manifesto errore versari intelligantur.

32. Nulla quoque Lingua exprimat vim ὑποκεισικῶν, quibus blandè sese invicem compellabant Græci δ δαίμονις, δ δαίμονις, quæ in Atticorum Scriptorum Dialogis passim occurrunt. Quin & compellatio δαίμονις interdum iram significat, ut apparet ex *Iliad.* N. 819. ubi Ajax iratus Hectorem ita compellat. *Eustathius* quidem ad *Iliad.* B. vers. 190. ita habet: * τὸ δαίμονις μέση λέξις. Ὡς καὶ τὴ βασιλῆα δαίμονις καλεῖται, καὶ τὴ δούλῳ ὁμοίως δαίμονιον. ἐκείνῳ γὰρ ὡς εὐδαίμονα, τῷ δὲ ὡς δυσδαίμονα. ὅτι μέσων γὰρ ἔστι καὶ ὁ δαίμων καὶ ἡ τύχη: Dæmonie, media vox. Ideò δ Regem voco dæmonium, & plebeium similiter dæmonium; illum quidem ut felicem, hunc ut infelicem. Sunt enim media Dæmon & Fortuna. Verum est hæc voces ἐπαμφοτελεῖν, ut postea loquitur, hoc est, nunc in bonam, nunc in sequiorem partem sumi, sed falsum est significari hæc vocibus aut felicem, aut infelicem, ut apparet vel ex locis *Homeri*, in quibus occurrit. Est tantum vox blandientis, aut irascentis, quæ instar interjectionum, affectum loquentis significat, potiùs quàm quidquam certum & clarum.

33. Cicero de *Oratore* Lib. II. n. 17. negat vocem ineptum Græcè unâ voce exprimi posse. Qui aut tempus quid postulet non videt, aut plura loquitur aut se ostentat, aut eorum quibuscum est, vel dignitatis, vel commodi rationem non habet, aut denique in aliquo genere aut inconcinuus, aut multus est, is ineptus esse dicitur. Hoc vitio cumulata est eruditissima illa Græcorum natio. Itaque quod vim hujus mali Græci non vident, ne nomen quidem ei vitio imposuerunt; ut enim quæras omnia, quomodo Græci ineptum appellent non reperies. Idem etiam negat Græcos dicere posse, quod quandoque Latini voce vultus intelligunt, de *Legg.* Lib. I. c. 9. Oculi nimis arguti, quemadmodum animo affecti simus, loquuntur; & is qui appellatur vultus, qui nullo in animante esse præter hominem, potest; cuius vim Græci nōrunt, nomen omnino non habent. Intelligit,

nempe, non *πρόσωπον*, seu *faciem*, sed id quod Gallicè dicimus *l'air & la physionomie*. Sed si liberet colligere nomina virtutum & vitorum, quæ Latinè efferrī nequeunt, longus eorum texeretur Catalogus.

Interdum Interpretes vocem cuiuspiam Linguae aut phrasin exprimunt aliā, quæ non idem quidem sonat, sed solet usitari eadem occasione, quod probè observandum. Ita quod Græci *χαίρειν*, & *χαῖρε* dicunt, Latini *salutem* & *salve*, verunt, non quod ea sit Græcarum vocum *ὑπαρσις*; sed quia ut Græci, initio literarum adscribunt *χαίρειν*. Latini apponunt, *salutem*, & quando Græci *χαῖρε*, dicunt *salve*, quod in Linguis hodiernis *bona dies* dicitur. Arque hoc cum factitent necessariò Interpretes omnes, ut possint intelligi; non attendentibus passim fucum facit, nec potest hoc caveri, nisi ab iis, qui sine interprete Linguam intelligunt.

35. Nescio an in Lingua ulla hodierna unicā voce vertiqueant adjectiva Latīna, *gratus* & *jucundus*. Posterius significat quod gaudium aut voluptatem creat, prius quod præstat habere quā eo carere, licet interdum tristissimum sit. Ita Cicero dicit de tristi nuntio * quod ab Attico acceperat: *istā veritas, etiamsi jucunda non est, mihi tamen grata est*. Idem post mortem Tullie ad Lucceium † scribens: *amor tuus, inquit, gratus & optatus; dicerem jucundum, nisi hoc verbum ad tempus perdidissem*. An in alia Lingua totidem verbis quis possit exprimere hanc exclamationem, *Proh Deū, atque hominum fidem*? Imò agrè ullus dixerit quid sibi velit *fides*, hoc in loco, licet pluribus utatur verbis.

36. Similia passim observant Linguarum peritiores, semel moniti. Quæ cum occurrunt in locis Veterum, de quibus eruditis nulla controversia est, facillè agnoscuntur; sed ubi lis de loco orta est, tum verò unusquisque, omni Criticis Regulis abjectis, affectibus litare incipit.

37. Usque adeò nota est dissimilitudo Linguarum etiam affinium, ut in dubium revocari nequeat; nec exemplis opus fuisset, nisi consultum judicassetus rem oculis rudiorum Lectorum subijcere. Sed observationem addemus maximi hoc in negotio momenti, quæ à paucis fortè ad animum, ut debuit, revocata est. Cum Linguam Latinam discere soleamus, opè Lexicorum & Magistrorum, qui ejus voces vernaculæ Linguae vocibus exprimunt; cūque Latīnè scribendi consuetudinem primū contrahamus, vertendo vernacula in Lin-

* Lib. III. Ep. 24.

† Ad Fam. Lib. V. Ep. 15.

guam Latinam; plerique non aliter intelligunt Linguam Latinam nisi prout eam comparare queunt cum Linguarum vernacularum vocibus, quas perpetuò cum Latinis animo conjungunt. Hinc fit, ut quando Latine conantur loqui, aut scribere, non modò prius cogitent quid sint dicturi; sed tacito etiam sermone vernaculo, apud animum suum, exprimant. Exempli causâ, finge hominem Gallum, non satis exercitatum, Latine scribere aggredientem. Quidquid volet scribere id primum tacite, apud se, Gallice exprimet, deinde quæret quibus vocibus Latinis Gallica possit transferre; quo fit, ut propter dissimilitudinem Linguarum, & Gallicismos pro Latinismis adhibeat; & vocibus barbaris Romanarum loco utatur. Non potest enim fieri, ut animo simul quarum Linguarum idiomata, sine confusione, obversentur; animusque multiplicibus loquutionibus perturbatus in stylum variarum Linguarum, si non vocabula, at loquutiones imprudens transfundit. Sunt quidem, qui ea in re minus peccent quàm alii, sed perpauci sunt ejusmodi peccatorum prorsus immunes.

At ut purè Latine, vel aliâ quavis Linguâ aut peregrinâ, aut exsolerâ, scribere possimus, oportet ut statim ac rerum notiones animo nostro obversantur, ejus Linguæ quâ volumus scribere, & voces & loquutiones nobis accurrant. Latine scribentes oportet nos, ut ita loquar, Latine cogitare, ut sine ullius alius Linguæ idiomatibus solius Latine Linguæ vim atque ingenium scribendo exprimamus. Hoc autem fieri nequit, nisi ab iis qui longâ ac studiosâ lectione, & scribendi exercitatione sunt planè Linguæ Latine adfueri; ita ut, cum scribunt, de nulla alia Linguâ cogitent quàm de Latina, perinde ac si solam eam Linguam à natalibus didicissent. Hoc cum fieri potest, stylus merè Latinus est, nec ullâ facie vernacularum Linguarum corruptus.

39. Similia possumus Græcæ Linguæ, quam, non nisi ope Latine addiscimus, aptare. Sed quia non tam de scribendo, quàm de intelligendo hic laboramus, omisâ scripti-one ad intellectionem solam nos converteremus. Existimamus igitur eum demum Latine scire, qui Scriptorem Latinum legens, non opus habet, singulas voces & phrasas in noticiorem Linguam transferre, & animi sui notiones Latinis vocabulis & loquutionibus proximè, sine aliis ullius Linguæ interventu, subjicit. Idem affirmandum de eo, qui Græca aut Hebraica legit, quæ probè intelligere censi non potest, nisi earum Linguarum voces in ejus animum revocent, non verba aliarum Linguarum primum, sed notiones ipsas Græcæ atque Hebræicæ Linguæ vocibus subjectas; quemadmodum in

in Græcorum ac Hebræorum, nullius alius Linguae peritorum, animos revocabant.

40. Nisi hoc fieri queat, non est satis sincera eorum quæ leguntur intelligentia, cum nullæ planè Linguae ita sibi invicem respondeant, ut iis semper suppetant vocabula quæ eisdem prorsus potestates subjectas habeant, ita ut nihil mutetur, nihil addatur, nihil detrahatur; sicut exemplis antea allatis satis apparet, utque omnes qui rem expendunt intelligent. Itaque si velimus Veteres probe intelligere; oportet, ut aut longa, & sedulâ lectione, ita eorum Linguis aduesciamus, ut ipsi ab infantia iis erant aduefacti. Dum multum indigenus Dictionariis, aut Translationibus, certissimum est indicium, ex quo constare nobis potest, non modò nondum Linguas illas nobis plene esse notas; sed etiam nos de earum Idiomatibus non temere judicare oportere, præsertim in rebus obscurioribus. Quæ enim nonnisi Dictionarii ope adsequimur, quamvis accuratum esse statuatur, quod raro contingit, eorum non exigua pars quandoque nos fugit. Rerum quidem faciem videmus, at nequaquam in clara luce, verum peregrinæ Linguae, si ita loqui fas est, umbrâ obscuratam. Corpus spectamus, interdum quidem formosum, sed carbaso tectum, quæ tenuis licet, varia tamen regit & conspectui nostro intercipit. Imò verò sæpe contingit interpretationem non esse instar umbræ, aut tenuis carbasii, sed instar densissimi veli aut larvæ, quæ figuram tantum, eamque parum similem rei nos videre patitur. Igitur quisquis volet non temere de Veterum sensis judicare, oportebit ut eò usque progrediatur, ut ea, sine peregrinarum Linguarum involucris, possit nuda introspicere.

41. Viri non indocti, sed qui nondum eò peritiæ pervenerunt, ut ne Linguas inter se taciti dum legunt comparent, facili in errorem delabuntur; à quo vix etiam possunt revocari, si ita fortè Interpretentur Veteres, ut sensum non ineptum eis tribuant, etsi non esse verum eorum sententiam certis argumentis, ex ingenio ipsius Linguae petitis, alii demonstrare queant; quod frequentissimè in Interpretibusprehendunt, quicumque non persunderit, hæc studia colent. Exemplum potuit esse *Ficinus*, in versione *Platonis*, ut antea ostendimus. Sed ut rem imperiis Græcæ Linguae probemus, proferemus & expendemus ex *Adelphi Terentii* Actis V. Scenam IV. cum duplici versione Gallica, altera viri, altera matronæ, utraque elegante, & quæ Gallis lectoribus merito placeat; sed ex quibus Terentianas videres nemo satis adsequatur, si nullo alio utatur adminiculo.

42. Ita ergo Terentianus Demea, suum & fratris Micio-
nis vivendi institutum describit :

*Numquam ita quisquam bene subductâ ratione ad vitam fuit,
Quin res, etas, usus, semper aliquid adportes novi,
Aliquid moneat ; ut illa quæ te scire credas, nescias,
Et quæ tibi putaris prima, in experiundo rapidies.*

Ita vertit Sanctalbinus : Jamais personne n'a si bien dis-
posé toutes choses, pour le reglement de sa vie, que les rencontra
differentes, l'âge & l'expérience ne lui apprennent quelque chose
de nouveau, & ne lui donnent quelque vue nouvelle, qui lui
fait reconnoître qu'il ne savoit pas en effet ce qu'il pensoit le
mieux savoir, & le porte à rejeter dans la pratique, ce qu'il
s'imaginoit lui devoir être le plus avantageux. Ita verò Anna
Fabra : Jamais personne n'a si bien réglé & supputé tout ce qui
regarde la conduite de sa vie, que les affaires, l'âge, l'exper-
ience ne lui aient encore appris quelque chose de nouveau, & ne
lui aient fait connoître, qu'il ne savoit rien de ce qu'il croioit
le mieux savoir ; & de manière que dans la pratique, on se voit
souvent obligé de rejeter le parti qu'on avoit regardé d'abord com-
me le plus avantageux.

43. Nihil dicam de multitudine verborum, quæ à Gallicè
scribentibus, & omnia exprimere studentibus vitari non po-
tuit ; quâ tamen tota oratio languidior fit. I. Observabo
utrumque sensisse quid sit subducere rationem ad vitam, unde
factum ut vocibus réglé & reglement usi sit, quia Galli dicunt
régler un compte ; sed metaphoræ rationem neuter exprimere
satis potuit, quia Gallicè scribentibus vix poterat servari.
Hic qui certum vitæ iter ingrediuntur, quod constanter té-
neant, tacitè conferuntur * cum homine qui opus, quale es-
set ædificium, aggredi cupit, & prius sumptuum rationem
subducit, ut sciat num iis ferendis sit. Quemadmodum enim
ejusmodi hominem plerumque res ipsa monet majores sumptus
faciendos esse, quàm existimaverat : ita etiam certum
vitæ institutum amplexo sæpe multa improvisa accidunt, quæ
id molestiis, de quibus non cogitaverat, quibusque adeo fe-
rendis paratus non erat, obnoxium esse ostendunt.

44. II. Verba quæ tibi putaris prima, ad sensum quod ar-
tinet, uterque non male expressit, sed neuter animadvertisse
videtur, quantum quidem ex ejus versione licet conjicere,
verbum putare hîc esse ab eadem translatione petitum, nempe,

* Vide hinc petitam Parabolam Luca C. XIV. 28.

à numérando. Nimirum, *putare*, quemadmodum Græcum *λογίζω*, significat & *existimare*, & *numérare*. Itaque Gallicè vertendum fuerat, *le porte à rejeter dans la pratique ce sur quoi il avoit d'abord fait son compte*. Sic apud Plautum, in Aulularia, Act. III. S. 3. vers. 53. *putatur ratio cum argentario*, hoc est, *initur*. Vide etiam Mostellarie Act. I. S. 3. vers. 141. & Nonium Marcellum. Hinc *computare*, *disputare*, & *supputare*, numerandi sensu.

45. Postea dicit Demea se re ipsâ reperisse,

Facilitate nihil esse homini melius, neque clementia.

Vertit Sanctalbinus: *qu'il n'y a rien de plus utile à l'homme, que l'accommodement & la douceur*. Melius Fabra: *que d'avoir de la complaisance & de la douceur*; nam nescio an umquam Gallicum fuerit *accommodement*, eo sensu. Attamen non est vox Gallica *complaisance*, hoc est, *obsequium*, sat commodâ ad exprimendam *facilitatem* morum, quæ est potius Gallicè *une humeur commode & civile*. Sat exemplorum suppeditabit Rob. Stephanus, in Thesaurio, si quis iis indigeat.

46. III. Paulò post Demea, de fratre Micionie: *omnes bene dicunt, amant, quod transtulit Sanctalbinus: tous le monde le benit*. Melius Fabra: *chacun en dit du bien, chacun l'aime*; nam *bene dicere*, apud Scriptores Ethnicos, non est quod Gallicè dicimus *benir*, hoc est, *fausta adprecari*, sed *laudare, dire du bien*. Quod non opus est probemus. Scio in Ecclesiastico stylo id significare quod Sanctalbinus voluit, sed Terentius non est Scriptor Ecclesiasticus. Præterea usus Gallorum, Latine non satis purè loquentium, eum fefellit.

47. IV. In sequentibus duobus versibus bis peccatum, eadem de causa, quod Gallica verba, quæ ex Latinis ortæ sunt, & vulgò iis respondere putantur, animo sese illico ingesserint Latina legentibus.

*Ego ille agrestis, sevens, tristis, parens, truculentus, senex,
Duxi uxorem, Quam ibi miseriam vidi &*

Vertit Sanctalbinus: *J'ai vécu comme un homme sauvage. Rectè. Fabra male, bon campagnard*, quod Latine dicas *rusticanum*, non *agrestem*, hoc est, *ἀγριον*. At pergit infelicitè Sanctalbinus, *criant & tempêtant toujours*, quibus vertit vocem *sevens*; feliciùs Fabra rude, hoc est, *χαλκός*, ut Latina vox in Veteribus Glossis vertitur. At uterque *tristis* male vertunt *triste*, cum debuissent *chagrin*; nam *tristis* hic in malam partem sumitur, estque homo inquinatus vitio, quod *tristitia* dicitur, hoc est, *humeur chagrinè*, non *tristesse*; quod ex Cicerone, & Tacito facile probare possemus, si necesse esset.

Truculentum

Truculentum Sanctalbinus male expressit voce *colere*, hoc est, iracundus; cum significet vultum asperum, *rebarbatif*, ut non male *Fabra*. Ambo *miseriam* putarunt esse *mifere*, cum significet laborem & molestiam, ut ex sequentibus liquet, ubi *Demea*:

—miseriam ego omnem capio, illa. potitur gaudia.

Hoc est, ut rectè *Fabra*: *toute la peine est pour moi, tout le plaisir est pour lui*; nisi quoddam *miseria* non laborem tantum sonat, sed molestum laborem. *Sanctalbinus*, nec satis *Gallie*, nec ad *Terentii* mentem: *Toute la misere est pour moi.*

48. Hinc satis liquet nos facillimè falli, dum *Veteres* ita legimus, ut eos non ex usu ipso Linguae, quâ usi sunt, sed ex collatione nostrarum, usûque scribendi, & interpretandi hodierno intelligimus. Ille demum, ut diximus, plenam ac perfectam cognitionem Linguae adsequutus est, qui cum libros eâ scriptos legat, non magis cogitat de verbis quibus eos interpretari nunc solemus, quàm si nondum hæc nostræ Linguae essent narræ. Sic si dubia sit significatio vocis *Gallie*, exempli gratiâ, *Gallus* de ea interrogatus non querit qui Latine exprimi possit; sed memoriâ duntaxat suam, & Linguae hodiernum usum consulit. Atque hæc de dissimilitudine Linguarum satis, superque.

CAPUT III.

II. *Voces variarum Linguarum, quæ planè inodivapæ videntur, non prorsus sibi invicem respondere.*

1. **VOCES** sunt plurimæ, quæ quia constanter solent adhiberi, ad aliarum quarundam potestatem exprimendam, & reverâ aliqua ex parte iis respondent, putantur temerè esse prorsus *inodivapæ*, cum magnum sit discrimen inter notiones, quæ iis significantur. Hoc autem minus advertitur, cum propter usum constantem, tum quia in Lingua, quâ utimur, nulla vox suppetit, quâ solâ accuratè vim alterius exprimamus.

2. In hodiernis Linguis, ut insigni exemplo rem demonstramus, priscas voces **אלהים** *Elobim*, *Deus*, *Deum* unicâ voce non possumus exprimere, licet vulgò adhibeantur voces *God*, aut *Godt*, *Dieu*, *Dio*, *Dios*. Voces enim hodiernæ significant, apud Gentes quæ iis utuntur, Naturam illam æternam à qua omnia

omnia creata sunt; quo fit ut unicum esse Deum dicamus, nec possimus eos ferre qui plures esse aiunt. Hinc quoque miramur Ethnicos tot vitia Dīs suis tribuisse, & innumera de iis dictitasse plene *ἀνίστα* cum notione illius Naturæ.

3. At Veteres suis vocabulis eadem notiones non subiecerant, quas nos nostris conjunximus. Græci & Romani Numen sine initio nullum noverant, neque de perfectissima ejus natura cogitabant; & ne Hebræi quidem voce *Elohim* Deum, quatenus est ejusmodi Natura, designabant, licet *θεοποιησιν* philosopharentur, ut exemplis ostendemus.

4. Philosophi quidem apud Ethnicos, præsertim Platonici, aliam Dei notionem fovebant, quam vulgus; nec de summo Deo interdum multo aliter quam Christiani loquebantur, sed usus Linguae a Philosophis non pendebat. Poetæ, qui antiquissimas Græcorum opiniones complectuntur, aiunt omnes suos Deos, quos *αἰὲν ὄντας* semper futuros vocant, cælo & terrâ esse prognatos; cælum verò ac terram posteriora *Chaos* faciunt, eorumque initia narrant, ut videre est ex initio *Theogoniæ Hesiodicæ*, *Metamorphoseos Ovidianæ* & *Apollodori* Lib. I. Apud Romanos, postquam Epicuræa Philosophia Proceribus placuerat, interdum negabant Deos homines fuisse; sed tunc non loquebantur ex opinione vulgi & Religione Majorum, sed ex Philosophicis dogmatibus. Ita Epicureus *Velleius* apud Ciceronem, an *Amphiarauus*, inquit, & *Trophonius Deus erit*? Nostri quidem publicani, cum essent agri in *Borgia* Deorum immortalium excepti, lego *Censoria*, negabant immortales esse ullos, qui aliquando homines fuissent. Ipse Cicero, iniquente * *Senatu*, acerrime invecus est in honores divinos, quos *Antonius* demulerat *Julio Cæsari*: *An me censor ait, quod vos inviti sequuti estis, decreturum fuisse, ut in cælestia cum supplicationibus miscerentur*, &c. ut decernerentur supplicationes mortuo? &c. Attamen *Romulus* homo fuerat, uno & reliqui omnes *Dii*, ut fatebantur ipsi Initiorum *Epoptæ*.

5. Græci *Θεῶν*, seu *ἑδν* vocabant præstantiorem Naturam humanâ, in qua præstantiore Natura varios gradus esse putabant excellentiæ; neque enim *ἡμίθεοι*, seu semideos aequabant Cælestibus Numinibus, ut notum est. Hinc divinum antiquissimi Poetæ vocant quidquid est eximium, in suo genere. Ita *Eustathius* † observat *τῶν θεῶν ὁ ὑπερβόλιος*, & *ὑπερβόλιος θεῶν λέγεται παρὰ τοῖς ποιηταῖς*, quidquid mirabile est & eximium divinum dici, apud Poetas; quod passim, apud Horne-

† De Nat. Deor. Lib. III. c. 19.

* Philip. I.

† In *Uliad*, p. 635. l. 14.

rum, observare est. Non necesse est Romanis immorari, quia Religionem suam Græcis debebant. Hi, ut obiter dicam, non modò divinos vocant eximios viros, sed etiam Deos. Cicero Lib. H. de Oratore, c. 42. *Quis ordo tibi placet, inquit Catullus, & quæ dispositio argumentorum, in qua tu mihi semper Deus videri soles? Vide quàm sim in isto genere, inquit, Catulle Deus, &c.*

6. Hinc obiter colligere est plurimos ex veteribus Christianis, qui contra Ethnicos scriplere, non satis prudenter egisse, cum definitâ voce *Deus*, hæud multò aliter quàm eam definitam, collegerunt Ethnicorum Numina Deos non esse, nam ex usu Græcæ & Latinæ Linguae poterant dici *Dii*, licet alio sensu quàm ea vox apud Christianos sumitur. Quidam præstantes viri potuerant post mortem, uti putabant Ethnicis, inter Naturas humanâ præstantiores versari, & iis similes fieri; quod non multùm abest à Christianorum placitis, circa statum piorum animorum post mortem. Hinc *Sextus Empiricus*, contra Mathematicos, pag. 60. Grammaticis & Idiotis (inter quos *Laërtius*) non immeritò prorsus indignatur, qui existimârunt *Empedoclem κατ' ἀθανάτιαν, & τὸ θεὸν τὸν ἀλλοῦ ἀνθρώπου ὑπερφύαν*, præ jactantia & reliquorum hominum contemptu, dixisse de se:

Χαίρει. ἔγω δ' ὑμῖν θεὸς ἀμείροτος, ἐκ ἑνὸς θνήσκω, &c. Valere, ego vobis *Deus immortalis*, non amplius *mortalis*, versor; quasi negasset esse se ejusdem naturæ, ac cæteri homines sunt, quod vix in tantum Philosophum cadit; cum propter similitudinem, quæ ei erat cum Diis præ cæteris, Deum se vocaret, ἐπεὶ μόνος καὶ ἀπὸν καὶ κατὰ τὴν φύσιν & ἀντιθέλωτος, quod solus mentem à vitio puram & imperturbatam conservasset: Pythagorei versus, qui aurei dicuntur, clauduntur simili loquutione: ubi, deposito corpore, in æthera liberum veneris,

Ἐσται ἀθάνατος θεὸς ἀμείροτος, ἐκ ἑνὸς θνήσκω,

Eris immortalis Deus, non amplius mortalis;

Hoc est, idè Creatori, ut exponit *Hierocles*, similis fies. *Epictetus* Enchiridii Cap. XXI. eum, qui nihil adpetat, ait futurum ἀξίον ἢ Θεῶν συμπόσιον, dignum Deorum convivium, sed eum, qui externa omnia despiciat, & μόνον συμπόσιον ἢ Θεῶν, ἀλλὰ & συνάρχοντα, futurum imperii eorum participem. Subdit: ἔτω ὃ ποιῶν Διογένης & Ἡράκλειτος & οἱ ὅμοιοι ἀξίως δεῖναι τε ποῦν & ἐλέγντο. Sic faciens *Diogenes* & *Heraclitus*, & similes merito divini erant & dicebantur. Legendum Θεὸς

dii,

dii, nam supra eos, qui accumbunt Deorum conviviis, non sunt θεοὶ divini homines, sed Dii soli. Vide Hieroclem, ad duos primos autem versus. Sic & Arcesilas Polemonem & Cratetem dicebat esse θεός τις, ἢ αἰψάνα τῷ χρεώῃ γινεσθαι Deos quospiam, aut aurei sæculi reliquias, ut auctor est Lærtius, Lib. IV. §. 12. Indidem exponendus Petrus 2. Ep. I. 4. ubi virtute nos dicit κοινωνῶν γενέσθαι θεῶν φύσις, divina naturæ participes fieri.

7. Apud Phœnicæas, quorum propria fuit Lingua Hebræica, **אלהים** Elohîm significasse videtur quidquid aliquo honore, quicumque sit, colitur. Apud Arabas, adhuc in usu Radix, est, unde ea vox orta videtur, **اله** Alaha, id est, coluit, adoravit. Israëlitarum qui eadem Lingua usi sunt, vocabantur idem nomine Elohîm, primò quidem Deum illum summum & unicum, deinde Angelos, postremò Principes, quorum exempla in Lexicis inveniuntur. Utebantur etiam voce Dei, ad alicujus rei ὑπεροχὴν significandam, ut ostendimus ad Genes. XXIII. 6. Itaque licet summum Numen **אלהים** vocetur ab Hebræis, attamen ea vox vi suâ denotat Deum, prout est colendus **σεβόμενος**, non Naturam perfectissimam. Hinc fit ut eodem vocabulo alia designent, in quibus ejusmodi natura à nemine esse credita est.

8. Cùm Judæi Græcè loqui cœperunt, voce θεός eadem significatione usi sunt, & quamvis acerrimè unitatem Dei contra Ethnicos defenderent, non dubitabant dicere plures esse Deos. Ita Paulus 1. Cor. VIII. 5, 6. Nullus est Deus alius, nisi unus; etenim etiam si sunt in cælo θεοὶ in terra qui dicuntur Dii, (ut reverà sunt, θεοὶ πολλοὶ Dii multi, θεοὶ Domini multi) nobis tamen unus est Deus, Pater ille ex quo omnia, & in quem sumus, &c. Supplevimus vocem reverà, quæ sanè hoc in loco debet suppleri, nisi frigidam & inutilem ταυτολογία in re clara hîc esse velimus. Quod cùm non sit verisimile, sensus Pauli erit: non modò esse qui dicantur vulgò ab Ethnicis Dii, sed etiam qui ita à Judæis & Christianis appellari queant, & sint reverà θεοὶ, hoc est, **σεβόμενοι**, honorandi, quique pro dignitate naturæ & muneris; at unicum esse summum, qui ut Creator & cæterorum omnium Dominus sit colendus.

9. Lux haud dubia affulgebit verbis Pauli, ex loco Philonis Judæi * è libro de Somniis, ubi de Genes. XXXI. 13. **Εγὼ ὦρα θεός ἐ ἐφ' ἑσέως σου ἐν τόπῳ θεῷ**, juxta Septuaginta Int. ego sum Deus tibi conspectus in loco Dei. Habetur melius in aliis versionibus in Bethel, quod est nomen loci; sed Philo, qui

* Ed. Græc. lat. Gen. p. 464.

Hebraicè nesciebar, ita de hisce verbis philosophatur, καὶ παρέλθεις ἢ τὸ εἰρημένον, ἀλλ' ἀκριβῶς ἐξέτασον αἱ δύο εἰσι θεοί. λέγεται γὰρ ἐγὼ εἰμι ὁ θεός ὁ ὁρθεὶς σοι, ἐκ ἐν τότῳ τῷ ἐμῷ, ἀλλ' ἐν τότῳ θεῷ, ὡς ἐν ἑτέρῳ: τί ἐν ᾧ λέγεται; ὁ μὲν ἀληθεὶς θεός ἔστιν, οἱ δὲ καταζηῆσαι γινόμενοι πλεῖστές. διὸ καὶ ὁ ἱερὸς λόγος ἐν τῷ παρῶντι καὶ μὴ ἀληθείᾳ διὰ τοῦ ἀρθεῖν μνηστικὸν εἰπόν, ἐγὼ εἰμι ὁ θεός. τὸν δὲ καταζηῆσαι χρεὶς ἀρθεῖν, φάσκον, ὁ ὁρθεὶς σοι ἐν τῷ τότῳ ἢ ΤΟΤ' ΘΕΟΥ ἀλλ' αὐτὸ μόνον, θεῷ. καλεῖ ἢ * θεὸν καὶ προσκύτας αὐτῷ νυκτὶ λόγον, ἢ διαδοκίμων ὡς καὶ διόντες τῶν ὀνομάτων: ne cursim prætermittas quod dicitur, sed diligenter expende, num duo sint Dii. Dicitur enim: Ego sum Deus ille qui tibi conspectus sum, non in meo loco, sed in loco Dei, quasi alterius. Quia ergo dicendum est? Qui verè est Deus (hoc est, cui id nominis eximio sensu & κατ' ἐξοχὴν convenit) unus est, qui verò abusive sunt, Dii, plures sunt. Ideò hoc in loco sacer sermo cum, qui verè est Deus, articulo O designavit. Ego sum ille Deus; cum perὸ qui Deus est abusive, sine articulo, dicens: conspectus tibi, non in loco Dei illius, sed tantum hoc, Dei. Vocat autem Deum antiquissimam ejus Rationem, nulla superstitione affectam circa impositionem nominum. Hinc manifestò videmus Judæos voce θεός intellexisse etiam Angelos, quippe naturas οὐρανόθεν, licet non habendas instar summi Dei.

10. Ita etiam loquuti sunt Patres Græci, ut Clemens Alexandrinus, qui de † Natura divina Christi verba faciens, his verbis utitur: τὴν πᾶσα ὑποτάσσεται σαρτιά Ἀγγέλων τε καὶ Θεῶν, huic totus submissus est exercitus Angelorum & Deorum. Hujus discipulus Origenes ex Philone videtur hausisse & hæc verba, hanc in rem eximia, ubi postquam dixit Deum Patrem designari articulo, addit: καὶ τὸ πολλὰς εἰσδόντας ἵνα εὐχαρίμενος ταρασσόν, ἐνλαβομένους δύο ἀναγορεύσαι θεούς, καὶ παρὰ τὴν πειρίπτωσιν ψευδῶν καὶ ἀσέβειαν ἀγγέλων, ἵνα ἀρνησάμενοι ἰδιότητι ἢ ἑτέραν παρὰ τὸν πατέρα, ἐμολογῶνται θεὸν εἶναι καὶ μὴ χεῖρ ὀνόματι παρὰ αὐτοῖς ἢν προσηγορευόμενοι. ἢ ἀρνησάμενοι καὶ θεότητα τῷ ἢ. τιδέντας δὲ αὐτῶν καὶ ἰδιότητα καὶ τὸ ἴδιον κατὰ πειρημάτων τυγχάνουσιν ἑτέραν τῷ πατρί, ἐκτεῦθεν αὐτῶν ὀνόματα: Et hinc solvi potest quod perturbat multos pietatem profitentes, dum metiuntur duos predicare Deos; & præterea eos qui incidunt in falsa & impia dogmata, vel negantes proprietatem Filii, (id est, existentiam propriam) diversam esse à

* Vitiòse legitur, & contra sensum Philonis & Sicut, cum articulo, ut cum ex hisce verbis, tum ex sequentibus apparet.

† Strom. VII. p. 702. Ed. Colen.

‡ T. 2. in Joan. Ed. Hurr. p. 46.

proprietate Patris, & facientes Filium à se predicari Deum no-
 mine tenus (Noctum perstringit qui aiebat Patrem & Filium
 esse nomina unius essentiae) vel negantes divinitatem Filii, &
 ponentes ejus proprietatem, & essentiam diversam esse definitione
 à Patris proprietate & essentia ; hoc est, aliter definiendam
 Filii existentiam & essentiam, quippe alterius speciei, subdit,
 Λατρίον ὃ αὐτοῖς ἔτι τότε μὲν αὐτόθεο ὁ θεὸς ἔτι, διότι καὶ ὁ
 πατήρ φησιν ἐν τῇ πρὸς τὸν πατέρα ἐκκλησίᾳ, ἵνα μὴ σκεπῇ σὶ τὸ μόνον
 ἀληθινὸν θεόν. πάντες γὰρ τὸ παρὰ τὸ αὐτόθεο μετοχῇ τὴν ἐκείνου
 θεότητῃ θεοποιούμενον ἐκ τοῦ θεοῦ, ἀλλὰ θεὸς κυριώτερον αὐ-
 λήγεται, ὅτι πάντως ὁ πρωτότοκος πάσης κτίσεως ἄτι πρῶτος τῷ
 πατρὶ & θεὸν εἶναι, ἀπόσεως τὴν θεότητῃ εἰς ἑαυτὸν, ἔτι τιμιώ-
 τερος τοῖς λοιποῖς παρὰ αὐτὸν θεοῖς ὧν ὁ θεὸς θεὸς ἔστι, καὶ τὸ
 λεγόμενον. θεὸς θεὸν κύριος ἐλάλησε καὶ ἐκάλεσε τὸν ἡν. δια-
 κονήσας τὸ γενέσθαι θεοῖς, ὑπὸ τῆς θεῷ ἀρρύσας εἰς τὸ θεοποιεῖσθαι
 αὐτοὺς ἀφθόγως &c. Dicendum est enim illis tunc illum Deum,
 cum articulo, esse eum qui est per se Deus. Ideo & Servator
 dicit in prece ad Patrem : ut cognoscant te qui solus es ille
 verus Deus. Quidquid verò est præter hunc, qui est per se De-
 us, participatione illius divinitatis Deum factum, non illum
 Deum cum articulo, sed Deum sine articulo magis propriè dicen-
 dum esse. Qua in re omnino primogenitus omnis Creatura, ho-
 norabilior est reliquis Diis, quippe qui primus est in eo quòd est
 apud Deum, & in se divinitatem traxit ; honorabilior, inquam,
 reliquis Diis qui sunt apud illum, quorum Deus ille Deus est,
 juxta id quòd dictum est : Dominus Deus Deorum loquutus
 est, & vocavit terram : cum illis dederit esse Deos, & hausserit
 copiosè ab illo Deo, quo eos Deos faceret. Scriptor Const. A-
 postolicarum Dei nomen tribuit Episcopo, Lib. II. c. 26. de
 quo ita loquitur : ἔτι ὑμῖν ὁμολογῶ θεὸς μετὰ θεοῦ, hic
 vobis terrestris Deus post Deum. Tum ei aprat Pl. LXXII. 6.
 Exod. XXII. 26. & dicit : ὁ ὃ ἐπίσκοπος προκαθίστα
 ὑμῶν, ὃς θεὸς ἀξίως τιμημένος : Episcopus enim præsit vobis,
 ut Dei dignitate cohonestatus. Gregorius Nazianzenus Sacer-
 dotem, Orat. I. p. 31. dicit, θεὸν ἐσόμενον καὶ θεοποιήσοντα,
 Deum futurum & Deos facturum. Oratione XX. p. 349. ita
 Basilium Arianismum repudiantem inducit : ὃ καὶ κτίσμα τι
 πρὸς αὐτὸν ἀνέχομαι. θεὸς τι κτίσμα τυγχάνων, καὶ θεὸς εἶναι
 κεκαλειμένος : neque sustineo adorare Creaturam, qui sum Dei
 creatura, & Deus esse jussus sum. Idem θεῶν vocat pīl amīni
 inusitatum motum Or. XI. p. 140. ubi dicit diem festum esse
 καὶ ἐν θεώσεως, ἥς οἱ μάρτυρες μαρτυροῦσιν, tempus divinitatis con-
 sequende, quam in rem martyres mediatorum munere funguntur.
 Oratione verò XXXIII. p. 410. ait sacra facientem Sacerdotem in
 sacra mensa μυσταγωγῶν τὸν θεῶν esse mystagogum divinitatis. O-
 rationis

rationis verò II. initio, solitudinem vocat *Ἰσχυρὸς*, Deum facientem. Ex quibus omnibus, aliisque similibus liquet vocem *Ἰσχυρὸς* non semper significasse, in Scriptis Veterum, ut in nostris hodiernis, unam illam Naturam à qua omnia creata sunt.

II. Hæc satis ostendunt voces hodiernas, quibus utimur ad vertendas voces *Elohim*, *Ἰσχυρὸς* & *Deus*, iis ad amussim non respondere. Hinc colligere est ex eo quodd vox Hebræica, Græca, aut Latina, unâ voce aliâ Linguae verti soleat, existimandum semper non esse voci Linguae exoletæ eandem prorsus subjectam fuisse potestatem, ac ei quâ illa hodie vertitur. Legentibus plura quotidie exempla occurrent, si modò moniti attendant.

CAPUT IV.

III.

Multa videri in versionibus Emphatica, quæ in ipsis Fontibus nullam Emphasin habent.

1. CUM Linguae discendæ operam dare incipimus, versione Linguâ notiori scripta indigemus; at si contingat nos nunquam posse ejus auxilio carere, multa errorum nobis imminébunt pericula, inter quæ hoc longè maximum est, ne putemus verba fontium eandem *ἑμφασιν* habere, ac in versione videntur. Sæpissimè enim contingit ut translationis vocabula nescio quam vim habere videantur auribus imperitis, quam non habent in ipso *Originali*, ut vocatur, textu, apud aures Linguae adsuetas.

2. Hebræi exempli causâ, passim conjungunt infinitivum verbo suo, quasi nomen. Ita dicunt *Moriendo moriens* מֹתָ מוֹתָ *moth thamouth*, pro *moriens morte*. Idem aut simile fuit idioma Atticæ Dialecti, quæ conjungebat verbis nomina affinia, ut *ἀγορεύς ἀγορεύειν* concionem concionari, Homeri Iliad. B. vers. 788. ad quem locum, *Homerum* Atticè loquentem esse observat * *Eustathius*, hisce verbis: Τὰ δ' ἀγορεύς ἀγορεύων Ἀττικὸν ὄν, ὡς καὶ τὸ βυλὴν βυλεύει. καὶ λόγον λέγει καὶ ὄλον τὸ παρ᾽ ἐπιθέσθαι τοῖς ῥήμασι τὰ ἐξ αὐτῶν ὀνόματα. Hæc autem conciones concionabantur *Atticum* est, ut *ὁ* consilium consulere, dictum dicere, *καὶ* universum addere verbis nomina ex iis derivata.

* Ed. Rom. p. 348. l. 29.

3. Hæc adjectio ejusdem verbi, aut nominis affinis, nullam habet in Hebraica, aut in Attica Lingua Emphasin. De Attica res nota est, nec minus certa erit de Hebraica, si quis expendat loca Scripturæ in quibus occurrit ea phrasis. Ita Gen. II. 16. *Ex omni arbore, ait Deus, hujus horti comedendo comedes*, hoc est, simpliciter comedas, ut apparet ex sequentibus, ubi de eadem re sermo est. Versu sequente *morte morieris* est simpliciter *moriens*, ut apparet etiam ex collatione locorum, in quibus occurrit.

4. Attamen Interpretes, qui in Scriptura passim querunt quæ in ea non sunt, nescio quam miram Emphasin in hac phrasi reppererunt; unde factum ut multi aut Linguae Hebraicæ ignari, aut non satis accurati Critici ambabus ulnis amplexi fuerint Augustini interpretationem, qui ita † comminationem mortis interpretatur. *Quicumque die ederitis ex eo, morte moriemini, non tantum anima mortis partem priorem, ubi anima privatur Deo; nec tantum posteriorem, ubi corpus privatur animâ; nec solum ipsam totam primam, ubi anima & à Deo & à corpore separata punitur; sed quidquid mortis est, usque ad novissimam, qua secunda dicitur, & quæ est nulla posterior, comminatio illa amplexa est.* Nescio an eadem causa alios impulserit, ut hæc verba interpretarentur, *mortalis eris*, contra usum constantem Hebraicæ Linguae; an vero, ut hanc comminationem opinionibus suis accommodarent.

5. Constans etiam est Hebræorum consuetudo, ut Eruditi observarunt, omnia ita Deo tribuere, quasi Deus ipse omnia efficeret, ne exceptis quidem malis actionibus. Queritur an illæ loquutiones habeant aliquam Emphasin, qualem videntur habere iis qui versiones tantum legunt, aut qui ex consuetudine hodiernarum Linguarum Hebræorum sermonem intelligunt. Alii negant, quodam in numero sumus; alii affirmant, usque à temporibus Augustini non pauci. Inde etiam colligunt Deum, quidemque boni, ipsum facere, & partem mali hanc minimam.

6. Primum contendimus ex ipsa phraseos ratione, nisi aliunde nobis de re constet, neminem posse colligere, veteres Hebræos voluisse Deum esse auctorem omnium malorum, æque ac bonorum. Ratio nostræ negationis hæc est, quod sint Scriptores in aliis Linguis, qui ita loquuntur, cum tamen nihil simile crederent. *Homerus* † passim omnia Deo tribuit, non minus mala quam bona. Dicit, exempli causa, He-

* Supplicabit. *Plura Sal. Clavus in Gram. Sac. Lib. 1. c. 2. p. 17.*

† De Cru. *Dei Lib. 1. c. 10.*

‡ *Vide Homerum Lib. 1. p. 52. c. 37.*

lenam impulsam fuisse à Deo, ut rem faceret intolerandam. Odyss. Ψ. 232. ἢ ὅτι οἱ ῥίξαι θεὸς ὥρσαν ἔργον ἀεικὲς. Si hæc & similia loca Homeri essent urgenda, sequeretur hominibus non esse imputanda mala quæ iis eveniunt, & ne vitia quidem, sed Diis; quod tamen non credidit, ut apparet ex hisce verbis, quibus Jovem graviter querentem inducit, apud Deos, Odyss. A. 32.

ὦ πόποι ὅσον δὴ νῦν θεὸς ἐροτοὶ αἰτιάσονται!
Ἐξ ἡμεῶν γὰρ φασὶ κακὰ ἔμμεναι. οἱ δ' ἔτι αὐτοὶ
Σφῆσιν ἀτασθαλίῃσιν ἑσθ' ἄλλοι μόνον ἀλγὸν ἔχουσιν.

*Pape! quantopere mortales Deos accusant!
Ex nobis enim aiunt esse mala, illi verò ipsi
Suis stultitiis, præter fatum, dolores habent.*

7. Itaque neque apud Scriptores Sacros, ex nuda phrasium consideratione, erui potest sententia, quam illis solent quidam tribuere. Atque hoc eò manifestius apparebit, si, ut cæteras rationes omittam, alia quæ apud eisdem Scriptores occurrunt, expendamus. Etenim passim inducunt Deum, quasi invitum plectentem homines, & agrè ferentem eorum crimina; quod esset longè absurdissimum si ipse eos ineluctabiliter eò impulisset, aut impulsisse crederetur. Ita Psalm. LXXXI. 13. postquam Deus beneficia sua in Israëlitas commemoravit; utinam, inquit, *populus meus obtemperasset mihi, & Israël in viis meis ambulasset!* Hinc liquet verba præcedentia: *tradidi eos duritiei cordis eorum, & ambulaverunt in consiliis suis*, non esse ita urgenda, quasi intelligeretur permisso efficax, ut loquuntur quidam Theologi.

8. Putant nonnulli magnam esse *ἐνέργειαν* in hisce vocibus apud Jeremiam XXXI. 33. *Ponam legem meam in medium eorum, & in corde eorum scribam eam*, quasi Deus veller significare se necessariò effecturum ut observaretur à populo suo Lex sua. Verùm tota verborum horumce *ὑποταγῆς* in eo sita est, ut hic sit eorum sensus, nempe, Deum effecturum ut Israëlitas tenerent Legem suam memoriter, nec monitore indigerent; quod liquet ex versu sequenti, ubi antecedentia mutatis verbis, more Hebræis consueto, in sequentibus repetuntur. *Nec docebit ultra vir proximum suum aut vir fratrem suum dicens, Cognosce Dominum, omnes enim cognoscent me, &c.*

9. Ita Paulus Rom. II. 15, verba faciens de cognitione Dei & virtutis, quæ potest solâ ratione, sine revelatione, colligi, ait *ἔργον νόμου γραπτὸν ἔχει ἐν ταῖς καρδίαις αὐτῶν*, nempe Ethnicorum.

Ethnicorum. Quæ voces aliud nihil significant, nisi sine doctore hæc disci, & memoriæ faciliè mandari; nec quisquam, ut opinor, adeò erit emotæ mentis, ut velit Paulum dixisse ab Ethnicis observatam fuisse Legem. Consuli potest ad eum locum *H. Grotius*, qui exempla similium loquutionum suppeditare poterit. *Æschylus*, in *Prometheo* victo, ita *Prometheum* alloquentem *Ionem* inducit p. 48. πολύδoron πλάττην φράσω, ἢν ἐγγράφῃ σὺ μνήμοσι δῖλοις φρενῶν. *Vagum errorem dicam, quem tu scribe in memoribus tabulis mentis*, hoc est, cujus tu memento. Scholiastes *Pindari* ad *Olympion*. *Oden X.* profert hunc *Sophoclis* versum, ex *Triptolemo*: Σὶ δ' ἐν φρενὸς δῖλοισι τὰς ἐμὰς λόγους, nimirum, scribere oportet. *Antisthenes* familiari commentariorum jacturam deslenti: ἴδεν γ', ἔφη, ἐν τῇ ψυχῇ αὐτὰ, καὶ μὴ ἐν τοῖς χάρταις γράφειν: atqui oportebat, inquit, ea in animo, non in chartis scribere. Ita quoque interdum loquebantur Latini. Apud *Terentium* * in *Andria*, cùm dixisset *Myfis*: *Unum hoc scio, meritum esse ut memor esses sui*, reponit *Pamphilus*, quasi indignans sibi in memoriam revocari quod altâ mente repositum gestabat:

Memor essem! ô Myfis, Myfis, etiam nunc mihi,

Scripta illa dicta sunt in animo Chrysidis,

De Glycerio.

Seneca pater, in *Præfatione* Lib. I. *Contr.* ubi de *Porcio Latrone*: In eo non tantum naturalis memoriæ felicitas erat, sed ars summa & ad adprehendenda quæ tenere debebat, & ad custodienda; adeò ut omnes declamationes suas, quasçunque dixerat, teneret. Jam itaque supervacuus sibi fecerat *Codices*. Aiebat se **SCRIBERE IN ANIMO**. Tot *Scriptoribus* Ethnicis *Judæum* unum adjiciemus, de eadem re loquentem, de qua *Jeremiæ* verba protulimus. Is est *Iosephus* Lib. II. in *Apionem* p. 1072. Ed. *Genev.* ἡμῶν ὁρτινῶν ἔτις ἔροιστο τὰς νόμους; ῥᾶον ἂν εἴποι πάντα, ἢ τὸνομα τὸ ἐαυτοῦ. Τοιγαυτὶν ἀπὸ τῆς πρώτης εὐθὺς αἰσθήσεως αὐτὰς ἐκμανθάνοντες ἔχομεν ἐν ταῖς ψυχαῖς **ΕΓΓΕΧΑΡΑΓΜΕΝΟΤΕ**: Si quem nostrum interrogaveris: quispiam de legibus, facilius omnes dixerit, quàm nomen suum; nam ex quo primum intelligimus, eas discentes habemus in animo scriptas. Ita idem *Scriptor* loquitur etiam *Antiq. Jud.* Lib. IV. c. 8. §. 12. Ed. *Oxonii* inchoatæ, ubi prolata lege, de *Lege* septimo quoque anno in sacra *Urbe* publicè legenda, ita pergit: Καλὸν γὰρ ταῖς ψυχαῖς **ΕΓΓΡΑΦΕΝΤΑΣ** αὐτοῖς καὶ τῇ μνήμῃ φυλαχθῆναι, ὥς μηδέποτε ἐξαλειφθῆναι δυναμένους: utile enim est animis inscriptas leges, &

* *Ant.* I. §. 6.

memorie servari; ut nunquam deleri queant. Paulò post: οἷτις νόμοι πολλὴν πρὸς ἀμαρτάνοντας ἔχουσιν παρρησίαν. ὥς προλαβόντων αὐτοῖς ἃ ποιοῦνται, καὶ ταῖς ψυχαῖς ἐγγραφεύσαντων διὰ τῆς ἀκοῆς ἃ κελεύουσιν. ὥς εἶναι διὰ παντὸς ἔνδον παρ' αὐτοῖς ἢ προαίρεσιν αὐτῶν: leges multam apud peccantes habebunt auctoritatem, quippe quæ prædicent illis quæ passuri sint, & quæ inscripserint eorum animâ per aures quæ jubent; ita ut semper sit intus apud ipsos earum voluntas.

Atque hoc in memoriam mihi revocat dictum Turcarum de Tartaris haud ineptum. † Aiunt reliquas quidem nationes scriptam in libris habere sapientiam, Tartaros libros suos devotasse; ideo in pectoribus eam habere reconditam, quam promant cum opus sit, & veluti divina fundant oracula.

10. Phrasis *aperire oculos* videtur vim quamdam habere plerisque qui non sunt idiomati sacrorum Librorum adfueri. At nihil aliud est, nisi facere ut aliquis quidpiam cognoscat, aut observet. Ita Gen. XXI. 10. dicitur Deus *aperuisse oculos* Hagaræ, ut videret fontem, hoc est, fecisse ut animadverteret. *Aperit oculos* Bahamo, Num. XXII. 31. ut videat Angelum; hoc est, facit ut eum animadvertat. Similiter Gen. III. 5. *aperientur oculi vestri*; hoc est, plurimarum rerum periti eritis; & versu 7. *& aperti sunt oculi amborum*, idem est ac si dixisset Moyses, ambo animadverterunt se esse nudos.

11. Eodem sensu occurrit Act. XXVI. 18. *Aperire oculos eorum, ut converterantur à tenebris ad lucem*. Sermo enim est de Paulo prædicatione suâ Ethnicorum errores tenebriosos expulsiuro, utque lucem Evangelii adspicere possent effecturo. Nec multum hinc abscedit sensus pharæos, quæ occurrit Lucæ c. XXIV. 45. *Aperuit eis mentem ad intelligendas Scripturas*. Evangelista enim nihil aliud vult, nisi Christum interpretationibus suis effecisse ut Apostoli intelligerent loca Scripturæ, quorum sententiam antea non adsequebantur. Idem Scriptor Act. XVI. 14. de Lydia dicit, *Dominum aperuisse ejus cor, ut attenderet illi, quæ dicebantur ei*. hoc est, divinâ providentiâ factum esse, quibuscumque tandem machinis usus sit Deus, ut Lydia attendere aurem præberet Paulo. Ita Plutarchus, in libello de audiendis Poëtis, pag. 75. Ed. Grotianæ, dicit lectionem Poëtarum: *προσπαροῦν καὶ προσκλίνειν τὴν εἰς τοῦ ψυχῆς τοῖς ἐκ φιλοσοφίας ἀπορίας*: *aperire & inclinare juvenis animum sermonibus Philosophicis*.

12. Viri doctissimi singularem Emphasin quæsiere in verbis minarum Moisaicarum, quæ exstant Levit. XXVI. 26.

Frangam vobis scipionem panis, quasi Deus minaretur se vim nutriendi panis detracturum, ut ad eum locum monuimus. At, ut ostendimus, hoc vult dumtaxat Deus, se effecturum ut penuria panis esset. Igitur Emphasis frustra quaesita hic est, nec scio an ejusmodi error Brinehodonis fabulae occasionem dederit. Eam narrat Callimachus Hymno in Cererem, atque ex eo Ovidius Metam. VIII. ille

Σχέτλιος, ὅσα πάντα, τόσων ἔχεν ἱμερος αὐθις.

Ἐκατα δαῖτα πίνοντο, δωδέκα δ' αἶον ἀφύοντο.

Miser, quo plura gustavisset, eo plurimum tenebatur desiderio. Viginti ministri epulam apparabant; duodecim vinum hauriebant.

Vel, ut verbis Ovidianis, rem exprimamus:

Appetit queritur jejunia mensis,
Inque epulis epulas querit, quodque uribus esse,
Quodque satis populo poterat, non sufficit uni,
Pis que cupit, quo plura suam demittit in alvum.

Fortasse hinc phnium ficta fabula, quod Poetae legissent, aut audissent *Erisichonem non potuisse satiari*, aut quid simile, quod ita interpretati sunt, quasi omnibus rebus affluentis famem nihil sedare potuisset, cum debuissent de frugum penuria intelligere.

Hinc denuo colligimus aures adsuetas Linguas hodiernis, facilem erroris occasionem præbere, dum quædam Emphatica videntur. & sunt in Linguis, aut hodie vigentibus, aut hodierno usu inter Doctos tritis, qualis est Latina; quam Emphasis olim non habuerunt apud Hebræos, Græcos, aut Latinos. Itaque cavendum est quàm maximè, ne ex hodiernarum Linguarum ingenio, de priscis judicemus; quod ut facilius caveri queat, nihil est ita de sensu ullius phraseos affirmandum, ut à sententia discedere non simus parati, nisi Linguae, de qua ageretur, multam operam dederimus, & Scriptorem cujus sensus quaeritur diligenter legerimus.

CAPUT V.

I V.

Plurima esse vocabula ambigua in omnibus linguis, cum ipsarum Linguarum inopiâ tum negligentia Scriptorum.

1. **O**PTANDUM esset Scriptores omnes cum Veteres, tum Recentiores, aut potius omnes homines ita constantes in sermone fuisse, ut vocibus semper easdem potestates subiecissent. Verum tantum abest ut constantes fuerint ut contra nihil sit loquentium usu inconstantius; atque hoc adeo in omnibus Linguis invaluit, ut accurati alioqui Scriptores ab ambiguitatibus sibi cavere vix queant; unde fit ut intelligendi difficultas non parum augeatur.

2. Observandum autem est vocabuli significationem mutari, non modò quando designat rem prorsus diversam, aut similem, sed non eandem; verum etiam ubi unam, eandemque notionem compositam, ad præcipuas ejus partes quod atinet, significat, at mutatis relationibus; seu quando notionis compositæ partes quasdam designat, ommissis aliis, aut etiam paulò plures complectitur. Vel minima additio, aut detractio mutat notionem, adeoque significationem vocabuli. Ita cum Judæi & Christiani de *Scriptura* loquuntur, convenit quidem iis de voce, non verò de significatione. Judæus enim intelligit solos Veteris Testamenti libros Hebræicos; Christianus verò addit libros Novi Testamenti, & interdum etiam Libros Græcos Veteri Testamento adjectos, qui vulgò Apocryphi dicuntur.

3. In re tam manifesta pauci quidem errant, sed occurrunt passim voces ambiguae, quarum variae significationes non ita notæ sunt. Ipsa illa vox *Scriptura* aliud interdum significat apud Apostolos, quàm apud Theologos hodiernos. Intelligimus enim hodie eâ voce Libros Sacros, sine additione ulla & per se intellectos; Apostoli autem eâ voce Traditionem in illis libris non comprehensam intelligunt. Hinc laudant quasi ex *Scriptura* quædam, quæ in ea non occurrunt, ut Matth. II. 23. Eph. V. 14. In Epistola *Barnabæ* laudantur etiam quædam ex Veteri Testamento, quæ nusquam exstant; nimirum

mirum, ex Traditione, Cap. VI. quasi ex Mose hæc affert de Hirco ἀποποιήσας: * Expuite in illum omnes & purgite & imponite lanam coccineam circa caput illius, & sic in aram ponitur, & cum ita factum fuerit, adducite qui ferat eum in eremum, &c.

4. Ambiguitates autem omnes oriuntur vel ex Linguarum inopia, quæ destituuntur vocibus necessariis, vel ex negligentia scribentium. Quando deest vox ad rem quampiam exprimendam, vox jam usitata, aliâ significatione, detorquetur in novam, per translationem. Interdum etiam uni voci variae prorsus affinguntur significationes, licet non desint quibus eæ res significantur. Dignus est Seneca, † qui hanc in rem audiat. *Ingens est copia, inquit, rerum sine nomine, quas non propriis appellationibus notamus, sed alienis commodatissimæ. Pedem & nostrum dicimus, & seci & veli & carminis; canem & venaticum & marinum & fidus. Quia non sufficimus, ut singulis singula assignemus; quoties opus est, mutamur. Fortitudo est virtus pericula iusta contemnens; aut scientia periculorum repellendorum, excipendorum, provocandorum. Dicimus tamen & gladiatorem fortem virum, & servum nequam, quem in contemptum mortis temeritas impulit. Parcimonia est scientia vitandi sumptus supervacuos, aut ars re familiari moderatè utendi; parcissimum tamen hominem vocamus pusilli animi & contracti, cum infinitum intersit inter modum & angustias. Hæc alia sunt naturâ, sed effecit inopia sermonis, ut & hunc & illum parcum vocemus; ut & ille fortis dicatur, cum ratione fortuita despiciens, & hic sine ratione in pericula excurrens. Sic beneficium est & actio benefica, & ipsum quod datur per illam actionem, ut pecunia &c. Horum exempla Lexica passim suppeditant, ut necesse non sit nos iis immorari. Quædam magni momenti monebimus potius, quæ ex Dictionariis cognosci non possunt.*

5. Primum est, haud semper facile esse dignoscere loquutiones metaphoricæ à propriis; quæ difficultas occurrit, ubi sermo est aut de rebus per se non satis notis, aut de vocibus rariùs usurpatis, & quarum origo non est manifesta. Ingens orta est concertatio inter Theologos quærentes, utrum voces λύτρον redemptionis pretium, ἀπολυτῶν redimere & ἀπολυτῶσις redemptio debeant propriè intelligi, ubi de Christi redemptione sermo est? Alii contendunt hîc ἀπολυτῶσιν esse † redemptionem, seu liberationem alicujus ab incommodo, λύτρον interce-

* Vide ad eum locum Hug. Menardum aliòsq; Int.

† De Benefic. Lib. II. c. 34.

‡ H. Grotius de Satisf. Ch. C. VIII.

dente. * Alii farentur quidem *λύτης* propriè significare *pretium quod ad redimendum captivum datur*, sed contendunt hic minùs propriè sumi pro facto, quo liberati sumus a peccato, non pro pretio soluto. Utrique agnoscunt quandoque hæc voces impropriè sumi, ubi de simplici liberatione agitur; at qui propriè hic intelligi volunt hoc nituntur argumento, quod sine necessitate non sit à proprietate verborum recedendum; hac autem in re nihil sit, quod ad metaphoricum confugere necessario adigat. Alii negant huic regulæ hic locum esse posse. "Nam, inquit, idè in re dubia, propria videtur sequenda significatio, potius quàm impropria; quod verisimilius sit propriè loquutum fuisse Auctorem, quàm impropriè. At si longè frequentior sit improprius vocabuli usus, apud aliquem Auctorem, quàm proprius, cessat illa ratio & contrarium potius videtur esse statuedum; atque ei, qui propriam significationem omnino urget, ratio afferenda, cur impropriam respuat, quæ adeo illi auctori sit familiaris. Præterea volunt rem ipsam necessariò requirere sensum metaphoricum.

6. Ut *ἁγία* agnoscatur solveretur ejusmodi difficultas, primò videndum esset quis sit ejus vocis usus, apud Scriptores Sacros; secundò, conandum esset rescire ex locis, ubi aliis verbis utuntur, quæ fuerit eorum hac de re sententia. Nam ad rem ipsam quod attinet, per se planè est ignota; neque possumus, in hoc negotio, Dei voluntatem aliunde quàm ex revelatione cognoscere. Revelationem autem oportet, ut sit clara, conceptam esse vocibus proprio sensu sumptis, ita ut hoc constet; alioqui tralatitiarum significatum non satis adsequimur, aut dum dubitamus propriane sint an improprie, necesse est sensus verus nobis sit dubius.

7. Secundò, si concedamus voces, aut phrasas esse metaphoricæ, superest dubium quidpiam, quod solutu facile non est. Nempe, per translationem vox usurpatur, aut quod res de qua usurpatur sit simillima rei ex qua desumpta est metaphora, aut quod aliqua tantum ex parte eam referat. Raro metaphora nititur plenâ similitudine, satis est modò intersit levis affinitas inter rem cui vox propriè convenit, & rem cui metaphoricè tribuitur. Itaque raro tralatitiæ voces totâ nativæ significationis amplitudine urgendæ sunt; quod facile est intellectui. At difficilissimum est scire, quousque vox aut phrasa metaphorica urgeri possit ubi is qui eâ usus

* F. Secinus & J. Crellius, quorum hunc vide, in Resp. ad Grotium.

est præsens non est ut interrogari queat, nec aliunde de ejus mente nobis constat.

8. Quæritur quid tunc temporis faciendum, ut veram vocis significationem, & quousque urgenda sit, possimus scire? Si utraque res, quæ, eâ voce exprimitur, sit notissima; ut dubium non sit, quin loquuto probè nota fuerit, possimus existimare illum eâ voce usum, propter similitudinem quæ in iis rebus ipsâ videmus; nisi orationis series ostendat eum aliquid singulare in mente habuisse. Si res sit ignota, vel obliqua aut loquenti, aut nobis, vix scire possumus, quantum sit metaphorice significationis amplitudo; seu quot notiones complectatur, & quatenus urgeri possit.

9. Exemplo res ut clarior fiat, Scriptores Sacri leges, quas Deus hominibus tulit, vocant *Fœdus* & *testamentum*, aut *testamentum*, per translationem; neque enim propriè Leges divinæ sunt fœdus, aut testamentum. Sicut, autem, *Livius*, Lib. XXXIV. c. 57. tria genera fœderum. Unum cum bello victis dicuntur leges; ubi enim omnia rebus qui armis plus potest dedita sunt, quæ ex iis haberi solent, quibus mulctari eos velit, ipsius jus atque arbitrium est. Alterum cum pares bello, æquo fœdere, in pacem amicitiam veniunt. Tertium cum qui hostes numquam fuerunt, ad amicitiam sociali fœdere, inter se jungendam cœverunt. Hi neque dicunt, neque accipiunt leges; sed victoris & victi est. Fœdus Dei cum hominibus simile est primo generi, cum Deus leges ferat, sed alio prorsus jure, nempe, creationis, & providentiæ quæ homines tutatur, & utilitatem populis utilitatem quærentis partes agit, potius quàm fœdus facientis; sed nec amittit jura Domini, ex quibus volentibus aut invitis imperare potest, pœnasque à contumacibus aut delinquentibus exigere. Itaque nemo ex voce *Fœdus*, quod & *testamentum* vertunt, colligat perfectam esse similitudinem inter Leges Dei & testamentum, aut fœdera, quod illa horum nomine insigniantur, aut si quid querat, in Legibus divinis, quod observavit in fœderibus ac testamentis; oportebit ut probe hanc metaphoricam appellationem nisi perfectâ similitudine. Quod cum fieri nequeat, hoc unum affirmare poteris esse aliquam inter eâ similitudinem, unde nata est similis appellatio. Non enim res tanta rei necesse est similis sit, sed ad ipsum ad quod conferretur similitudinem habeat oportet, quæ verba sunt Scriptoris ad *Iheronimum*, Lib. IV. c. 46.

10. Supererit cum querendum, quamam in re illa similitudo sita sit? Cum Scriptores Sacri nosset quidquid continebatur in fœderibus, & voluntatem etiam Dei, quatenus revelata

revelata fuit; ut sciamus quænam essent, & judicarentur ab iis similia inter leges Dei, testamentaque ac fœdera; illa sunt introspectienda, & videndum quidem primum quâ ratione Deus agat nobiscum, remotis, ut ita dicam, omnibus metaphoricis notionibus. Secundò, quærendum quid agant homines, ubi fœdera contrahunt. Tandem ex utriusque collatione, cognoscemus quæ sint in iis similia.

¶ 11. Hoc peracto, quæretur utrum is qui primus fœderis voce usus est, Moses putà, ea usus sit ad significandum esse similitudinem, quanta à nobis cernitur, inter leges Dei & fœdera; an verò in ea appellatione rationem tantum habuerit partis similitudinis, de cæteris quas deprehendimus, non cogitaverit? Partes similitudinis hæc sunt: 1. In fœdere sunt partes duæ contrahentes: ita & in Divinis Oeconomis: 2. In fœdere interdum est Mediator, sicuti in Divinis Pactis: 3. Sunt utrobique conditiones & promissa, ac minæ: 4. Quandoque in fœderibus fuere victimæ, nec Deus aliter cum Judæis & Christianis egit. Alia fortè adjici possent, sed dubia, cum Historia Mosàica horum tantum disertè meminerit. Ex plurimis locis, verissimum est Mosem ideò Leges Divinas fœdus appellasse, quòd hæc habuerint cum fœdere communia.

¶ 12. At perspicaciores Theologi hic non subsistunt. Aiunt enim in fœderibus tabulas, in quibus scribuntur Leges, sigillo muniti contrahentium; unde fit ut in Mosàico fœdere, quia Circumcisio *signum fœderis* vocatur aliquoties, dicant Deum hoc signo veluti fidem datam confirmare, & sese arctius obstringere ad præstanda promissa; hominesque vice versà obsequium, eâ ratione, solenniùs polliceri. At primum, hoc est discrimen, quod in fœderibus duo sigilla adhibeantur, ab utraque, nempe, parte suum; quod hic non fit, etenim unicum est *signum fœderis*, & quidem à Deo solo institutum. Secundò sigilla imprimuntur in tabulis fœderis, non in Fœderatorum corpore. Denique ea pars similitudinis inter divinis Oeconomis *signum* circumcisionem, & sigilla fœderum humanorum, nullibi urgetur, nec etiam ullâ allusione subinuitur. Itaque quando circumcisionem Deus vocat *signum fœderis sui*, Gen. XVII. et nihil aliud vult, quàm hoc signo Israëlitas ab omnibus gentibus distinctum iri, seu inde Dei fœderatos agnoscendos. Igitur hæc vox melius exponeretur Latina voce *testera*, quàm vocabulo *sigillum*; testera enim signum fuit quo loci socios, amici amicos dignoscebant. Lacedæmonii, apud Justinum, Lib. III. de sepultura solliciti priusquam prælium contra Messenios inirent, *testeras*, *inseculis suis* & *patrum nominibus*, dextro brachio deligant; ut si

omnes adversum praelium consumpsisset, & temporis spatio confusa corporum lineamenta essent, ex indicio titulorum tradi sepulture possent. Sed neque hæc metaphorica vocis $\pi\iota\tau\alpha$ signum explicatio nimium urgeri potest.

13. Hinc cognoscimus quæ tantâ subtilitate disputarunt multi de natura Sacramentorum, hoc est, rituum quorundam à Deo institutorum, statuentes eos ritus per omnia sigillis fœderum respondere, ea in auras abire omnia; nisi vocem signum necessariò in eum sensum urgendam esse probent; quod nemo hactenus fecit, neque ullus in posterum, ut opinor, præstabit.

14. Vox $\Delta\iota\alpha\theta\eta\kappa\eta$, uno in loco Novi Testamenti, nempe, Hebr. IX. 15, 16. sumitur pro Testamento; nam licet puriori quidem Hellenismo hoc significet, Alexandrini Græcè loquentes, ex quorum sermone Judææ incolæ, qui eandem Linguam didicerant, multa traxere) eâ utebantur, ubi alii Græci vocem $\Sigma\upsilon\theta\eta\kappa\eta$, id est, fœdus adhibebant. Scriptor autem Epistolæ ad Hebræos, qui puriore aliquantùm utitur stylo, alludit ad significationem Testamenti. Certè ut in Testamento, morte sequente, donatio rata sit; ita moriente pro nobis Christo, cœlo donati sumus. Hæc duæ solæ similitudinis partes inter rem, cui propriè convenit appellatio $\Delta\iota\alpha\theta\eta\kappa\eta$ testamenti, & eam cui metaphoricè aptatur eò in loco, urgentur. Nec si præterea possint inveniri quædam similia, inter Testamentum & Oeconomiam Evangelicam; idèd possunt, quasi Apostolicâ auctoritate nixa, urgeri. Attamen hoc Theologi non satis cauti, & cogitationibus suis nimium indulgentes factitarunt; ac consecratis inde deductis novas Institutionum Theologicarum methodos inædificarunt.

15. Quibus antecedentibus observationibus tertia addenda est; nempe, vocem unam, prout cum aliis variè construitur ac jungitur, varias induere significationes. Quod nisi attendè observetur ex eo quòd uno loco vox aliquid significet, & in certis circumstantiis, sæpè perperam colligemus, idem eâ ubique significari aut in locis ubi aliis vocibus conjungitur, & aliâ occasione adhibetur. Unum proferemus hîc exemplum, petîtum ex voce Hebræica $\pi\iota\tau$ rouach, Græca $\pi\upsilon\epsilon\upsilon\mu\alpha$ & Latina spiritus, quæ idem sonant & sunt, cùm apud Sacros Scriptores, tum apud Ethnicos $\pi\alpha\lambda\upsilon\sigma\eta\mu\alpha\iota$, pro occasionibus & vocibus quibus conjunguntur.

16. I. Hebræica vox pro vento passim sumitur, ubi conjungitur verbo flare, cùm agitur de tempestatibus, de navigatione, &c. Vid. Jerem. XLIX. 36. & Ezech. XLII. 20. &c. Idem significat $\pi\upsilon\epsilon\upsilon\mu\alpha$ in verbis Christi, Joann. III. 8. Spiritus ubi vult spirat, & vocem ejus audis, &c. Ita Columella, Lib.

III. c. 19: *Præstat eligere sationi silentis, vel certe placidi spiritus diem.* Præterea πνεῦμα pro secundo vento sumitur, adeoque pro fortuna. Apud Euripidem, in Hercule seguente:

Βίαν δὲ δρόσος μνηδὲν, ἢ πείσῃ λίαν
 Ὅταν θεῶι σοὶ πνεῦμα μεταβαλὼν τύχη.

Nihil vi feceris, aut nimium patieris, cum Dei tibi spiritus motus fuerit. Aura quoque, quæ vox est συνώνυμος, apud Latinos favorem passim sonat, ut omnes norunt. Hinc paulum deflexâ significatione, vaporem quemvis significat, & odorem, apud Lucretium, Lib. III.

— Bacchi cum flos evanuit, aut cum
 Spiritus unguenti suavis diffugit in auras.

II. Apud Latinos, significat Aërem, ut auctor est Plinius, Lib. II. c. 5. Proximum, spiritum quem Græci nostrique eodem vocabulo aëra appellant. Ita manifestò sumitur, apud Virgilium, anima Ecl. VI. 31.

Namque canebat uci magnum per inane coacta
 Somina terrarumque, animeque, marisque fuissent,
 Et liquidi simul ignis.

Hebræi quidem, si Lexicographis credimus, nullam vocem habebant, quâ aërem exprimerent, exceptâ voce *calum*; quæ præcipuè tamen eam aëris partem, quæ paulò superior est, significat; sed fortasse אֵר aërem interdum significat, eumque sensum sunt qui suspicentur inesse vocibus obscuris, quæ occurrunt, Gen. I. 2. Spiritus Dei ferebatur super aquas; adeò ut hoc velit Moses, terram aquis fuisse tectam, aquas aëre involutas; quæ fuit etiam Phœnicum Theologia, si modò eam rectè exposuit Philo Byblius, seu ex Sanctionibus, seu ex alio. Eusebius enim Præp. Evangel. Lib. I. c. 10. ita de ejus sententia loquitur: *ἐν τῶν δλων ἀρχῇ ἐποτίθεται ἀεὶς ζοῦς, ἢ πνοὴ ἀέρος ζοῦς, καὶ χάρις ζωοῦς, ἐπεὶ ὁ ἀεὶς: principium omnium ponit aërem tenebrosū & ventosū, seu spiritum aëris tenebrosi, chaosque turbidum & caliginē circumfusus.*

III. Passim apud tres, quas memoravimus, Gentes, voces allatæ *halitum* significant; neque in re notissima opus erit exemplis. Circumstantiæ locorum dumtaxat attendendæ sunt, & phrasæ in quibus occurrit, ut ducere, trahere, suspendere, elidere spiritum &c. Apud Hebræos, præterea spir-
 ritus

ritus oris non halitum modò, sed & loquelam significat, ut Psalm. XXX. 5. Verbo Domini cæli facti sunt, & spiritus oris ejus omnis exercitus eorum. Vid. Esai. XI. 4. 2 Thessal. II. 8.

IV. Quia autem, dum spiritum ducimus, adest corpori Mens nostra; seu quòd Veteres putarent Mentem haud ab- similem esse statui; vocibus iisdem, quibus statum, seu ha- litum significabant, designarunt Mentem, & præsertim tribus aliquoties allatis. Exempla ubique occurrunt. Vide Act. XIX. 21.

V. Propter eandem rationem, subinde spiritus vitam signi- ficat, seu eam dispositionem quâ corpus moverur, ac nutritur. Ita Paulus, Act. XX. 10. dicit ἡ ψυχὴ αὐτῆς ἐν αὐτῷ ὄναι, hoc est, vita ejus in eo est. Virgilius Eclog. IV.

O mihi tam longè maneas pars ultima vitæ,
Spiritus, & quantum sat eris tua dicere facta!

Hoc sensu sæpiùs apud Justinum occurrit. Illustrat locum Actorum, hic Livii Lib. XLII. c. 16. de Eumene lapidibus prostrato: Ad corpus Regi primò amici, deinde satellites ac servi concurrerunt, tollentes sopitum vulnere; ac nihil sentien- tem. Vivere tamen, ex calore & spiritu remanente in præcor- dis, senserunt. Nempe cordis palpitatio non cessaverat.

VI. Philosophi vocibus πνεῦμα & spiritus significarunt eam vim, quæcumque sit, quâ plantæ vivere, id est, ali & vigere putantur; seu tenuissimam auram eam crederent, seu aliud quidpiam. Ita Scriptor libri de Mundo πνεῦμα vocat τὴν ἐν γυμνοῖς καὶ ζωοῖς καὶ διὰ πᾶντων διηκουσάν ἡμυχόν τε καὶ ψυχὴν ὁσίαν, substantiam animatam, & genitalem, quæ est in plantis & animalibus, & per omnia sparsa. Vide & Theophilum Antiocenum, Lib. II. p. 67. Ed. Oxoniensis, ubi πνεῦμα vocat brutorum animas, mentem humanam, & materiam lucis, quæ ante Solem condita fuerat. Eodem sensu, sumi videtur נפש rouach, Pl. CIV. 25. ubi Pfaltes de plantis, non minùs quàm de animalibus, loquutus, subjicit: Ausers spiritum eorum, deficiunt, & in pulverem suum reuertuntur; mittis spi- ritum tuum, creantur, & innovas faciem terræ.

VII. Lexica quævis Hebraïca docebunt נפש pro affecti- bus animi passim sumi, ut spiritus Zelotypiæ, pro zelotypia, & alius spiritus, Num. XIV. 24. pro alia affectione; quâ ra- tione πνεῦμα sæpiùs sumitur in Novo Testamento, ut spiritus servitutis, spiritus adoptionis, &c. Latini spiritum ἐνικῶς & spi- ritus πλεθυντικῶς adhibent, ad significandam animi elationem, quorum exempla suppeditebit Rob. Stephanus. Apud Horatium, spiritus

spiritus avidus, Carm. II. Od. 2. est idem ac *aviditas divitiarum*; *spiritus hostiles* in Tacito Hist. Lib. IV. c. 57. est animi affectio hostilis. Affinis huic significationi est ea, quā indolem significat, ut Luc. I. 17. *Spiritus Eliæ*, hoc est, indoles quæ in eo fuit; & 1 Joan. IV. 3. *Spiritus Antichristi*. Ita cum Christus Apostolis exprobrat quod nescirent cuius spiritus essent, eos reprehendit quod ignorarent quamnam esse deberet affectio animi eorum, qui Evangelio inservituri erant. Sola etiam vox *רוח*, apud Hebræos, sine adjectivo, & substantivo, *iram* sonat, ut Jud. VIII. 3. de Ephraimitis, quos molli alloquio iratos placaverat Gideon: *remisit se spiritus eorum ab eo*; hoc est, eorum lenita est ira. Ei juncta vox *רע*, *malus* discordiæ significationem infert, Jud. IX. 23.

VIII. In Novo Testamento, peculiariter sumitur non pro Mente tantum, sed pro Mente opposita affectibus, ex corporeis rebus orientibus. Paulus præsertim voce illâ hoc sensu utitur, ut cum opponit, Rom. VII. & VIII. *carnem spiritui*, & dicit *vivendum esse secundum spiritum*, hoc est, secundum lumina Mentis affectibus solutæ.

IX. Hebræi spiritum vocant rem quamvis, aut incorpoream, aut saltem crassiori corpore non impeditam, Es. XXXI. 3. *Ægyptii homines, non Deus*; & *equi eorum caro, non verò Spiritus רוח ולא* *vlo rouach*.

X. Angelos seu bonos, seu malos, vocant iidem *Spiritus*; fortè quod crederent eos corpore indutos tenui auræ simili; neque enim putandum eos Angelos intellexisse, sine ulla corporis mistura, ut Philosophi hodierni. Putabant, ut passim liquet, cerni eos posse, sed corpora eorum tenuiora censebant, ut apparet ex dicto Christi: *Spiritus non habet carnem, neque ossa* Luc. XXIV. 37, & 39. quo ostendit se esse hominem, non Angelum.

XI. Deum quoque ipsum *Spiritum* vocabant, *Deus est Spiritus*, Joan. IV. 24. In Veteri Testamento passim *Spiritus Dei* pro Deo ipso sumitur, si credimus Lexicographis & Interpretibus. Sed licet id quod *Spiritus Dei* vocatur videatur esse ipse Deus, attamen qui eâ phrasi usi sunt videntur cogitasse de aliquo attributo divino, potiùs quàm de Deo ipso, qui *ratione*, ut loquuntur Scholastici, à suis attributis distingui potest. Hoc liquebit expendenti loca, in quibus ea phrasis occurrit; etenim nullus est, in quo commodius non possit exponi potentia divina, aut vis quædam oculis non conspicua.

XII. Theologi Christiani veteres & recentiores plurima horum locorum *Spiritui Sancto* aptabant, hoc est, tertiæ Sanctæ Triadis Personæ. Quo sensu passim in Græcorum & Latinorum Patrum, hodiernorumque Theologorum occurrit.

XIII. Sed nonnulli ex antiquioribus Christianis non hanc modò, quam tertiam dicimus, Personam *Spiritum Sanctum* vocarunt, sed etiam secundam, ut apparet ex hisce *Theophili * Antiocheni ad Autolycum* verbis, ubi περὶ τοῦ λόγου loquutus addit: ἔτι ὃν πνεῦμα θεῶ, καὶ ἀρχὴ, καὶ σοφία, καὶ δύναμις ὑψίστη κατήχεται εἰς τὰς προφῆτας: Hic ergo cum esset *Spiritus Dei*, & initium, & sapientia, & potentia altissimi descendit in *Prophetas*.

XIV. At præterea *Spiritus Sanctus* vocatur potestas miracula edendi, quorum multa in N. Testamento mentio; hoc est, divinæ potentiae effectus. Sumitur & pro *spiritu sanctitatis*, seu pro ea animi affectione quâ sancti sumus, & sanctè officiis à Christo præscriptis fungimur.

XVI. Apud *Hermam*, Apostolicorum temporum Scriptorem, *Spiritus Sanctus* sumitur pro mente humana, ut Simil. V. c. 7. Corpus hoc tuum custodi mundum atque purum, ut *Spiritus ille, qui inhabitabit in eo, testimonium referat illi*, &c. Si in futurum non maculaveris corpus tuum, & Spiritum, consortes sunt enim ambo, & alterutrum sine altero non inquinatur. In eadem similitudine, §. 5. mentem Christi vocabat bis *Spiritum Sanctum*, & de quovis homine ita loquitur: Accipiet mercedem omne corpus purum, ac sine macula repertum in quo habitandi gratiâ constitutus fuerit *Spiritus Sanctus*, hoc est, mens sancta.

XVII. Hæ sunt potissimæ notiones vocis *Spiritus*, prout cum variis jungitur vocibus, aut diversis occasionibus usurpatur. Ut verba perspicua rebus non notis lucem scenerantur: ita & res notæ vocibus ignotæ, aut ambiguæ significationis. Quod si res ipsa sit obscura, aut planè ignota, & vocabula quibus exprimitur ambigua; tum frustra simus, si nos eorum ope rem clarè intellecturos speremus. Præterea scire nos oportet quàm latè patuerit cognitio ejus qui loquitur; alioqui periculum est maximum, ne ex nostræ cognitionis modo de ejus cognitione judicantes in errorem delabamur. Si autem hoc etiam ignotum sit, & accedat ad ambiguitatem vocum, & obscuritatem ipsius rei; tum planè est *ἀδύνατον* intelligere quid voluerit Scriptor, quem legimus. Atque hoc sæpe in rebus, quæ sensus non afficiunt, evenit. Hinc conficiendus hic Canon: quando Scriptor quispiam, de re obscura verba faciens, utitur vocibus ambiguïs, nec aliunde nobis constat quousque ejus cognitio, in hoc negotio, porrecta fuerit, confugiendum esse ad *ἑρμηνείαν* tamquam ad anchoram sacram.

* Lib. II. p. 81. Ed. Oxon. in 12.

CAPUT VI.

V.

*Significationes vocum earumdem modo ampliores esse,
modo artiores.*

1. **UT** notiones compositæ plures aut pauciores habere possunt partes: ita etiam vocibus, quibus exprimuntur, amplior aut artior est significatio. Id contingit cum in sermonibus omnium Gentium, tum in unius ejusdemque Scriptoris libris, atque in colloquiis quotidianis. Hinc nascitur maxima intelligendi difficultas, quæ aliter superari nequit, quam cognitione opinionum eorum qui loquuntur, undecumque tandem hauriatur, atque acri attentione, qui consequentia cum antecedentibus, rebusque ipsis & dogmatibus loquentium diligenter comparentur. Nam cum loquela homini data sit, ad animi sensa exprimenda, Linguarum aut hominum vitio passim fit ut ex animi sensis, aliunde notis, verba sint intelligenda; quod exemplis clarius fiet.

2. Variæ Gentes & diversarum Sectarum homines utuntur voce *Justitia* aut aliis, quæ idem significare censentur, in aliis Linguis; sed omnes æquè amplam voci non subjecerunt potestatem: Cicero *Justitiam* * ita describit: *Justitiæ primum munus est ut ne cui noceat, nisi laessitis injuriâ; deinde ut communibus utatur pro communibus, privatis ut suis.* Alii brevius: *justitia est, quâ unicuique suum redditur.* Ut cognoscamus penitus quousque pateret notio virtutis, quam Romani *Justitiam* vocabant, observandum eam primum spectasse eos, qui non laessiverant injuriâ, seu publice, seu privatim. Itaque si quis laessivisset, poterat vir justus injuriâ sibi illatam privatim, privatis opibus ulcisci. Si quis prater populum Republicam læsisset, omnibus qui Reipublice membra fuerunt, post indictum per Recialem bellum; non modo licitum sed etiam præceptum fuit hostiles agros invadere, prædas agere hominum & pecudum, omnia igne & ferro vastare, non pro ratione injuriæ; quæ nunquam tam levis fuit, quin Populi Romani majestas læsa videretur, adeoque armis etiam in vastissimarum provinciarum innocuos incolas vindicanda. Si qui socios Populi Romani, armis ab

* Officior. Lib. I. c. 27.

hisce impetiti, quamquam iniquè, bello persequerentur, *aequum* censebat Populus Romanus sociorum hostes injuriam acceptam sibi condonare, nisi vellent in se Romana arma convertere; quamvis ab ullo simile quidpiam sibi imponi non parerentur.

3. Secundo, quod dicitur *suum* unicuique reddendum, non caret obscuritate; neque enim definierunt accuratè, quid unicuique *suum* dici possit. Itaque nec privati, nec populi probè nôrant quod ab se unicuique redditum oportuit. *Sua* videtur unicuique esse vitæ tranquillitas, & pacata facultatum fructio; saltem dum aliena jura, quæcumque tandem illa sint, non invadit. Hæc non diffiteantur Romani, sed si adjicias, eum cui *suam* tranquillitatem deberi fatebantur, dum ab eo laceffiti non erant, injuriam illis intulisse; jam verò negabunt se ullâ justitiâ teneri, ne eam tranquillitatem turbent.

4. Tertiò, ultioni modum statuendum à viro justo aiebant, seu illa ultio fieret ex Legibus, seu iis viis, quas impunè licuit ingredi. Verùm ita loquuntur, ubi sermo est de civibus Romanis, aut sociis; sed ad hostes quod attinet, nihil non licitum fuit, & summa sævitia virtutum etiam nominibus velabatur; * *auferre, trucidare, rapere falsis nominibus imperium; atque ubi solitudinem fecerant, pacem appellabant.* Neque hæc sunt dumtaxat Romani nominis hostium querelæ, habemus reum consententem Sallustium, cujus hæc sunt verba initio belli Catilinarîi, de priscorum Romanorum moribus, quorum laudes persequitur: *Furgia, discordias, simulates cum HOSTIBUS exercebant: cives cum CIVIBUS de virtute certabant.* Cùm hostibus nihil condonarent, in pace (domi) beneficiis magis quàm metu, imperium agitabant; & acceptâ injuriâ, ignoscere quàm persequi malebant. Hinc merito † Carneades omnibus populis qui florent imperio, & Romanis ipsis, qui totius orbis potirentur, si justii esse velent, hoc est, si aliena restituerent, ad casas fuisse redeundum, & in necessitate ac miseriis jacendum dictabat. Si Romani candidè interroganti respondere de *justitia* voluissent, fassi profectò essent, quod faciunt Athenienses apud Thucydidem Lib. V. *ὅτι δίκαια μὲν ἐν τῷ ἀνθρώπῳ λόγῳ ἔπ' ἑῶν ἀνάσσειν κείνεται, δυνατὰ δ' οἱ προύχοντες πειλάουσιν, καὶ οἱ ἀδυνάτοις συγχωρεῖσιν.* justa quidem ex hominum estimatione, ab equali utrimque necessitate dijudicari; superiores potentia sua uti, infirmiores verò concedere. Ejusmodi etiam *justitia* fuit

* Tacitus in vita Agricola. c. XXX.

† Lactantius Inst. Div. Lib. V. c. 16.

Alexandri Macedonis, qui *Muscano* bellum illaturus erat, quod alios Indos subigenti sibi obviam non processerat, se & ditionem suam dediturus, neque per legatos amicitiam petierat, neque dona miserat, neque quidquam ab Alexandro petierat; eique non pepercit priusquam cum ingentibus muneribus veniret, se & gentem dedens, καὶ ὁμολογῶν ἀδικεῖν, *fassus se injuriā affectisse Alexandrum*, cui nihil debebat: ὅπερ μέγιστον παρ' Ἀλεξάνδρῳ ἦν, ἡς τὸ τυχεῖν αὐτὸς τοῦτο. *quod maximum erat, apud Alexandrum, ad ea quæ quis petisset impetranda, hoc est, ut fateretur jure id deberi, qui nullis legibus tenebatur.* Hæc *Arrianus* Lib. V. p. 134. Ed. *H. Stephani*.

5. Igitur, quotiescumque apud Romanos Scriptores legimus quempiam *justitiæ* amantem fuisse, aut simile quid, semper intelligendum erga cives, & quidem non laceffentes. Nam justissimi Romanorum iniqui semper laceffentibus, iniquissimi Reipublicæ hostibus fuere; quod omnibus, qui eorum Historiam legerunt, notissimum est. Exemplo indubitato, hoc licet cernere in gladiatorum ludis, ad quos captivos damabant. Quid enim injustius, quam cæde hominum innocentium gaudere? Quid crudelius, quam cum voluptate promiscuas cædes spectare? At hoc Romanorum sanctissimi factirabant. Id spectaculi genus erat, quod omni frequentia atque omni genere hominum celebrabatur, & quo multitudo maxime delectabatur, ut docet *Cicero* in Orat. pro *P. Sextio*, num. 124. Verum tamen hoc spectaculo nimium gaudere interdum visi sunt viri Principes. Ita *Drusus* *Tiberii* Imp. f. vitio versum, quod cæde gladiatorum delectari videretur: Edendū Gladiatoribus, ait * *Tacitus*, quos *Germanici* fratris ac suo nomine obtulerat, *Drusus* præsedit, quamquam vili sanguine nimium gaudens; quod vulgus formidolosum & pater arguisse dicebatur. Consuli potest *Suëtonius* in *Claudio* & *Nerone*. Arbitratur, in Poëmata de Bel. Civili, inter ævi sui corruptelas hanc recenset:

————— premit advena classes
Tigris, & aurata gradiens vectatur in aula,
Ut bibat humanum, populo plaudente, cruorem.

Vide & *Senecam* Ep. 7. Lib. 1. Pulcrè ille Ep. XCV. seu Iib. XV. Homo, sacra res, homini jam per lusum & jocum occiditur, & quem erudiri ad inferenda, accipiendaque vulnus nefas erat, is jam nudus, inermisque producitur, satisque spectaculi in homine mors est.

* An. l. c. 76.

6. Eadem cautione utendum est, erga alias omnes Gentes, in quibus consuetudines aut leges vigent iustitiæ contrariæ. Quotiescumque laudatur inter eas natus, quasi iustitiæ addictus, excipienda sunt semper ea, quæ consuetudine Gentis abreptus contraria iustitiæ facit. Ita, apud Parthos, abjecti animi esse putabatur Vonones Romæ educatus, quod humanior illis esset. *Prompti aditus, obuia comitas, ignota Parthi virtutes, nova vitia*; & quia ipsorum moribus aliena, perinde adium pravis & honestis. Verba sunt Taciti An. II. 2. Egrege Sallustius, in Conjur. Catil. Catonem contra Cæsarem dicentem inducit: *Fam pridem equidem nos vera rerum vocabula amisimus, quia bona aliena largiri liberalitas; malarum rerum audacia fortitudo vocatur.*

7. Contrà, apud Novi Testamenti Scriptores, iustitia multò latius patet, etenim extenditur ad omnes omnino homines, cives, peregrinos, amicos, inimicos, quibus quod suum est tribuere jubemur; suum autem est, quidquid nobis ipsi tribui vellemus, si eorum loco essemus. Ideò quotiescumque de iustitia sermo est, intelligenda est virtus multò Romanâ iustitiâ amplior & nobilior. Vide *Heur. Hammond*, ad Matth. I. 19. Græci, nequiores alioquin in aliis quàm Romani, primùm conspecta ejusmodi spectacula horruerunt. *Livius* Lib. XII. c. 20. *Gladiatorum munus Romanæ consuetudinis primò majore cum terrore hominum infuorum ad tale spectaculum, quàm voluptate dedit; deinde sapius dando, & modò vulneribus tenuis, modò sine missione etiam, familiare oculis gratiungue id spectaculum fecit.* Ἀθηναίων στρατομένων χ' ἔχλον πρὸς Κορινθίους κατὰ κράτος θύαν μονομάχων, προσελθὼν Δημόναξ ὡς αὐτοῖς, μὴ περὶ τέρον, ἔρη, ταῦτα δ' Ἀθηναῖος ὑπερίστανε, ἂν μὴ τὸ ἐλεῖν τὸ βωμὸν καθέλναι: cum Athenienses consultarent, Corinthios imitati, de spectaculo gladiatorum constituendo, accedens ad eos *Demonax*: non prius, inquit, Athenienses hæc decernetis, quàm misericordiæ aram sustuleritis. Verba sunt *Luciani*, in *Demonactis* vita.

8. In iisdem libris, ἀγάπη amor, aut *charitas*, non minùs latè patet quàm iustitia, nec multùm ab ea differt. Etenim extenditur ad omnes homines, cujuscumque sint Gentis, ac Opinionis; quos proximos nobis esse Christus docuit, adeoque charitatis nostræ participes esse oportere ostendit. Charitas non spectat modò ea quæ ad hanc vitam mortalem, aut ad corpus; sed ea etiam quæ ad animum, & alteram vitam pertinent.

9. Attamen, apud varias Christianorum familias à multis sæculis usu receptum est omnia humanitatis jura iis negare, qui audent consecratis sententiis fidem derogare, eosque ex-

quisitis suppliciis & morte, cætera innocentissimos, plectere. Creditur illa immanitas nequaquam *charitati* repugnare; unde colligamus oportet eas familias voci *charitatis* tam amplam non subjecisse potestatem, ac olim Apostolos.

10. Igitur cum id genus Christiani *Sanctos*, quos vocant, nūperos laudant, ob summam charitatem, quā flagrant; intelligenda est non charitas Apostolica, quæ in Judæos ipsos incredulos & Samaritas ferebatur, sed charitas quæ ad *Hæreticos*, ut vocari solent, nequaquam porrigitur. Ita charitate, ac non Apostolicâ, flagrabat *Dominicus* ille novæ Monachorum familiæ Princeps initio sæculi decimi tertii, qui ob *charitatem* laudatur, & teste * ejusdem familiæ Scriptore, *predicans contra Albienſes in adiutorium sumpsit quasdam devotas personas, zelantes pro fide, quæ corporaliter illos Hæreticorum gladio materiali expugnarent, quos ipse gladio verbi Dei amputare non posset.* Hinc satis liquet charitatem, si quæ fuit in *Dominico*, multum ab Apostolica discrepasse.

11. Hinc colligere est diligenter esse cavendum, ne, quia intelleximus quæ sit definitio virtutis aut affectionis animi, certo nomine appellatæ, apud celebrem quempiam Scriptorem, idè putemus. quotiescumque id nomen occurrer, seu apud Scriptores alii Religioni addictos, seu etiam apud alios, qui eodem nomine censentur, idè nos scire quā ratione ubique sit intelligendum. Quod nisi caverimus, in gravissimas hallucinationes passim delabemur, & diversissimas notiones, ob communionem nominis miscebimus. Possemus ostendere non raro, in Ecclesiastica præsertim historia, ita peccatum, & quotidie peccari.

12. Exempla allata ex Gentibus integris, aut certè ingenti hominum numero petita sunt, sed sæpe evenit, ut Scriptores singularis vocem quampiam arctiori multò aut latiori sensu intelligat, quàm alii. Ita, apud Apostolum Jacobum, *fide* significat adſensum dogmatibus Religionis præbitum, etiam sine probis moribus; at, aliis in locis *N. Testamenti*, *πίστις* denotat universum præceptis divinis præbitum obsequium, tam in vita, quàm in persuasionem situm; alibi etiam alia, ut docebunt *H. Grotius* in Proœmio Ep. ad Romanos & *H. Hammondus* in Matth. VIII. 10. ad quem etiam vide addita nostra.

13. Imò in uno eodémque Scriptore, interdum elegantia est vocem eandem contiguo loco, sensu alio, arctiore aut latiore, ponere. Species est ea in re *ἀνταλλαξίας*. Ep.

* Antonin, in Chron. P. 3, tit. 23, l. 14, §. 2.

ἀντανάκλασις, ait summus * eloquentiæ Magister, ejusdem verbi contraria significatio. Cùm Proculeius quereretur de filio, quod is mortem suam exspectaret; & ille dixisset se verò non exspectare; imò, inquit, rogo exspectes. Verùm ubi manifesta est ἀντανάκλασις, res in proclivi est, at sunt loca, in quibus obscurior multò est; aut in quibus non Rhetoricâ figurâ mutatur vocis significatio, & datâ operâ, sed consuetudine quadam minùs accuratè loquendi. Ita Rom. IV. 9. *πίσις* est magnifica persuasio, de potentia & constantia divina, ab Abrahamo concepta; vers. verò 13. *πίσις* est Evangelium, aut obsequium Evangelio præbitum, cujus ope credentes, seu filii Abrahami in omnibus Gentibus fuere; aded ut dicere queamus ob fidem posteritatem spirituales Abrahami orbem terrarum possidere. Idem illâ voce significatur Cap. V. vers. 1. & alibi, in eadem Epistola. Præterea Cap. IV. 5. vox *πίσις* innuit oppositionem quamdam operibus legalibus, quasi *πιστεύειν* & *ἐργάζεσθαι* sint opposita. Vult eo in loco Paulus homines salutem non consequi Mosaicæ legis observatione, sed fide Evangelicâ; quæ docet præterita omnia in Legem peccata, imò & rituum neglectum, in posterum non effectura ut quis damnetur, si modo Evangelio credens eidem obsequatur.

14. Hinc videmus, in unius orationis contextu, vocem unam sæpe habere plures aut pauciores subjectas notiones. Manifestum enim est *πίσιν* Abrahami nihil esse, præter magnificam existimationem de Dei potentia, bonitate, & veracitate. Nec minùs perspicuum est, Paulum, ubi de Christianis loquitur, intelligere aut Evangelium, aut fidem Evangelio adhibitam; ex cujus vocis notione excludit tantùm obedientiam legalem, non Evangelicam.

15. Igitur non licet semper hujusmodi ratiocinatione uti: Vox quæpiam significat aliquid primâ, mediâ, aut desinente oratione; ergo eadem est ejus in omnibus orationis locis, in quibus occurrit, significatio. Scriptores enim passim aut incauti, aut datâ operâ, voci cuiuspiam in eadem oratione plures vel pauciores notiones subjiciunt, non monitis Lectoribus; aut, quod eodem redit, vocum significationem urgent non semper totam, sed tantùm quatenus hæc aut illa complectitur, licet quàm latè pateret vocum significatus in usu vulgari, non ignorarent. Atque hoc fieri certum est ab omnibus poenè Scriptoribus, si Geometras excipias, quibus non licet ab allata vocis definitione latum unguem discedere.

CAPUT VII.

VI.

Propriam vocum significationem cum tralatitia non esse confundendam.

PROPRIAM vocamus potestatem eam, quæ, ante omnes alias, est voci subjecta. *Tralatitia* verò est quævis alia, licet ad rem ipsam quod attinet coincidat cum propria. Ita vocis *mortalis* propria significatio est, quæ morti obnoxium significat; sed minus *proprie hominem* designat, quia homines morti obnoxii sunt. Sæpe tamen significat simpliciter hominem, non magis prout morti obnoxium, quam prout ratione utentem, aut ornatum quavis aliorum, quibus præditus est.

2. Exempli causa, *Tacitus* de Nerone, *Annal.* XV. 23. *Memo*, inquit, & *Verginio Rufo* *COSS.* natam sibi ex *Poppæa* filiam ultra mortale gaudium accepit, appellavitque *Augustam*. Licet mortale gaudium sit affectus hominis, attamen ita non vocatur *mortale gaudium*, quod hominis fuerit, sed quia fuit in *Natura* morti subjecta. Voluit indicare *Tacitus* *Neronem* læticiam maiorem testatum, quam quæ decuit morti obnoxium; qui non debet nimium lætari, ob natos liberos morti iidem obnoxios, quique adeo parentum non sunt proprii, sed iis fortè in breve tempus mutuo dati. Itaque incommode *Paraphrastes Gallus* nuperus interpretatus est hæc verba: *ultra humanam læticiam*. Hoc satis apparet ex sequentibus, ubi *Tacitus* de honoribus in infantem collatis: *quæ fluxa fuere, quantum intra mensem defunctâ infante*.

3. Eadem vox quandoque humanum genus, non prout est morti obnoxium, sed simpliciter homines denotat. Ita * *Claudius Quadrigarius* *Annal.* XIII. dixit concione dimissâ, *Mætelum in Capitolium venisse cum mortalibus multis*, quæ loquutio apud *Salustium* etiam occurrit. Scio quidem *ὑμᾶς* quamdam in illa voce, eo in loco, quæsitam; sed ea non ita urgetur, quasi de morte cogitarit *Quadrigarius*.

4. Sæpe in confundendis significationibus propriis & tralatijs peccatum cujus peccati ex celebri *Pauli* loco proferemus exemplum. *Galatas*, Cap. IV. 8. ita alloquitur: *ὅτι οὐκ ᾔδειν ἱδουλαῖς τοῖς μὴ φύσιν θεοῖς*, ignorantes Deum servi istis in, qui naturâ non sunt Dii. *Hugo Grotius*, post aliquot ve-

terres Interpretes, interpretatur: qui reipsa Dii non erant, quales certè fuere ii, de quibus Paulus loquitur. Verùm licet ab ipsa re non aberrer, à vi propria loquutionis multùm recedit. Quod ut animadvertatur, negante particulâ demptâ, quærendum est quid significetur vocibus *οὗσι θεοίς*. Hæc Phrasi nihil significari posset aliud, nisi is qui κατ' ἀντίθεσιν ad Ethnicorum Numina, dici à Judæis & Christianis quivir naturâ suâ Deus, non hominum institutione, vel opinione. Igitur ὁ *οὗσι θεοίς* est Numen quod hominum tantùm voluntate colitur, suâ autem naturâ divinum nihil habet. *οὗσις*, nempe, hîc opponitur *θείς*, aded ut ὁ *οὗσις θεός* idem sit ac *θείς θεός*. Ita dicebat Chrysippus in Libro *πρὸς καλῶς*, *οὗσι τὸ δίκαιον εἶναι, καὶ μὴ θείας naturâ esse justum, non institutione*, ut auctor est in ejus vita Laërtius.

5. Ne videamur divinare, exempla hujusce phrasæ proferemus, quæ rem extra dubitationis aleam collocabunt. *Ælianus Var. Hist. Lib. II. c. 19.* irridet Alexandrum, quod vellet, decreto Urbium Græciæ, Deus haberi: *γελοῖως γὰρ οὐ γὰρ ἀπερὺν ἐκ τῆς φύσεως ἐκείνης, ταῦτα ἐκ τῶ ἀνθρώπων αἰτῶν ἐκείνης ἐκέρδαιεν*: ridiculè, neque enim quæ à natura non habebat, ea ab hominibus petita adipiscebatur. Ethnici, qui suos Deos contendebant naturâ ejusmodi esse, non hominum voluntate in cælum sublato, dicebant eos esse κατὰ φύσιν, secundam naturam; Christianorum verò Deum, nempe, Christum, esse παρὰ φύσιν, præter naturam. *Æmilianus Ægypti præfectus* ita *Dionysium Alexandrinum*, aliòsque Christianos, apud *Eusebium Lib. VII. c. 11.* alloquitur. *Δεδούκασιν ἐξουσίαν ὑμῖν σωτηρίας, οἱ βέλοιδε ἐπὶ τὸ ΚΑΤΑ ΦΥΣΙΝ (Θεῶν δυνάμει) τρέπειν, καὶ θεὸς τὰς σὺνόντας αὐτῶν βασιλείαν προσκυρεῖν, ἐπιλαβέσθαι δὲ καὶ ΠΑΡΑ ΦΥΣΙΝ*: Domini potestatem vobis fecerunt saluti vestræ consulendi, si modo velitis converti ad (Numen) quod est SECUNDUM NATURAM, & Deos qui ipsorum imperium tuerentur adorare, eorum verò qui sunt PRÆTER NATURAM oblivisci. Cùm respondisset *Dionysius* se solum Deum omnium rerum opificem culturum, reponit *Æmilianus*: τίς γὰρ ὑμᾶς καλῶς καὶ ὁρῶν, ὅτι ἐστὶ θεός, καὶ κατὰ φύσιν θεῶν προσκυρεῖν; Quis verò vos prohibet & hunc, si Deus est, cum ijs qui NATURA sunt Dii, adorare? Eodem modo loquitur *Hierocles*, in LXXI Versuum *Pythagoricorum*, in hæc verba: *ἵνατι ἀθάνατος θεός. ὁμοιωμένον, αἶν, τοῖς ἐν ἀρχῇ καὶ ἰσῶν λιχθησιν ἀθανάτοις θεοῖς, ὅτι φύσει ἀθάνατος θεός*: Fies Deus immortalis, id est, similis factus ijs qui initio versuum dicti sunt immortales Dii, non naturâ Deus immortalis. Dein,

paginâ sequente, docens quâ illa ἀποθνήσκει fiat, ait Poëtam dixisse postmodum ἀμρσοτ, ἢ καὶ ἔτι θνητὸς, immortalis, neque amplius morti obnoxius, ἵνα καὶ ἀφάρεσιν τῶ θνητῷ ἢ θεοποιία ἡμῶν νοῦται, ἀτε μὴ φύσις μὴδὲ κατ' ἐσῖαν ἡμῖν ἐνυπάρχουσα, ἀλλ' ἐκπερκοτῆς καὶ κατ' ἐπίθεον ἐπαγομένη: ut, ejus quod morti obnoxium est ademptione, nos Deos fieri intelligamus, quippe cūm ea Divinitas nobis neque naturâ; neque essentiâ insit, sed progressu & profectu adventitia.

6. Non substituit error, in præpostera interpretatione vocularum ἢ φύσις, sed posito iis interdum significari reverâ, eam interpretationem aliò perperam transtulit. Paulus de Judaïca Gente loquens Ephel. II. 3. ἡμεν, inquit, τέκνα φτσει ὁργῆς, eramus naturâ filii iræ, ut & reliqui, nempe, populi. Ad hunc locum vir summus, modò laudatus, affert Gal. IV. 8. ut probet Paulum hoc velle, Judæos fuisse reverâ iræ filios. Sanè qui sunt φύσις τέκνα ὁργῆς reverâ sunt irâ digni, nec ad rem ipsam quod spectat, à sensu aberrarunt ii ex Veteribus, qui, ante Grotium, ita verba Pauli intellexerunt. At non est ea propria vocis significatio.

6. Ubi agitur de Gentibus integris, ut in loco Pauli allato, φύσις significat indolem Gentis. Isocrates vocat in Panegyrico Persas: ἀνθρώπους μάλιστα τὰς φύσεις διεφθαρμένους, homines indolis corruptissimæ. Scrip̃or libri de Eloquentione, qui Demetrio Phalereo tribui solet: φύσις, inquit, ἐβραχυλόγων οἱ Λακωνες, naturâ paucis loquebantur Lacones. Anonymus, apud Diogenianum in Βαρυδαίμων: Κρης ὑπάρχων καὶ φύσις πολυκίλ, cum esset Cretensis & naturâ varius. Sic Cicero Lib. I. in Verrem, num. 81. ait Lampſacenos homines fuisse & NATURA & consuetudine, & disciplinâ lenissimos. Pro L. Flacco, sic de Lacedæmoniis loquitur, num. 63. Adſunt Lacedæmonii, ejus civitatis spectata ac nobilitata virtus, non solum NATURA corroborata, verum etiam disciplinâ putatur. Sallustius initio belli Catilinarii, de priscis Romanis; Jus, bonumque apud eos non legibus, magis quàm NATURA valebat. Itaque Paulus hoc duntaxat vult, Judaicæ Gentis naturam, seu indolem fuisse nequissimam & irâ divinâ dignam; quod verissimum esse ostendit tota Hystoria Judaïca. Allata exempla satis demonstrant non in singulis modò, sed etiam in Gentibus integris, spectari φύσιν, seu indolem. Hoc experientia etiam docet, quod verbis Livii exprimemus, non ut ejus auctoritate, in re omnibus nota, utamur, verum ut Lectoris attentionem eleganti sermone nobis conciliemus.

* Tam civitatum, quàm singulorum hominum, inquirunt apud

eum R
cunde,
pronior
& sum
cunctat
gaverin
nia, &
finitim
natura

8. E
vama,
ner, q
est ne
quasi i
tenim
in aliis

9. T
mulieri
quit, J
asperna
sanctus
stes in
est cur
sus ide
in Par
Sanctus
horrore
manos
religioſ
libro,
gare n
iis in l
aetis D
ris ven
rabatur
ut veri
de nesc
vulgo
stea sub
que ig
Ignoran

* Cap.

† Cap.

‡ Cap.

eum Rhodii, mores (*ῥόδοι*) sunt: Gentes quoque aliæ iracundæ, aliæ audaces, quædam timidæ; in vinum, in Venerem priores aliæ sunt. Atheniensium populum fama est celerem, & supra vires audacem esse ad conandum; Lacedæmoniorum cunctatorem, & vix in ea, quibus fudit ingredientem. Non negaverim & totam Asiæ regionem inaniora PARERE ingenia, & nostrorum tumidiorem sermonem esse, quod excellere inter finitimas civitates videamur. Ita Judæis insita veluti erat à natura *σκληροκαρπία*, quam illis passim exprobrant Prophetæ.

8. Ex dictis apparet vocabula quædam esse quidem *ἰσχυρά*, ad præcipuas partes notionis eis subjectæ, quod attinet, quamvis in aliis partibus differant. Cavendum autem est ne, prætermisso discrimine, voces ejusmodi confundamus; quasi satis sit, si in præcipua significatione iis conveniat. Etenim misceremus notiones aliqua in re similes, sed diversas in aliis; unde parum accurata rerum nasceretur cognitio.

9. Tacitus, * in Germania sua, de honore, quem Germani mulieribus exhibebant verba faciens: *inesse quinetiam, inquit, sanctum quid & providum putant, nec aut consilia earum aspernantur, aut responsa negligunt.* Quæri potest quid voce *sanctus* hoc in loco significetur, & nuperus quidem Paraphrastes interpretatur *divinum*, quæ vox hoc in loco synonyma est cum voce *sanctus*, magna ex parte. Attamen quia prorsus idem non significat, sensum non adsequetur quicumque in Paraphrasi acquiescet, nec ulterius quidquam investigabit. *Sanctus* hinc significat *venerandum*, & quod *religioso quodam* horrore *prosequi par est*; nec aliud vult Tacitus, nisi Germanos credidisse in mulieribus esse nescio quid veneratione religiosa dignum, & quod futura prælagiret. Ita † eodem libro, ubi narrat Romanos Septentrionalem Oceanum navigare non ausos, ut quærerent, num aliqua Herculis vestigia in locis superessent: *Sanctius*, ait, *ac reverentius visum de actis Deorum credere, quàm scire*; hoc est, visum esse majoris venerationis ac reverentiæ, si crederetur potius quod narrabatur de Diis, quàm curiosius investigaretur navigatione, ut veritas inspectione comperta esset. Paulò post † loquitur de nescio qua quorundam Germaniæ populorum Dea, quam vulgò ferebant in lacu quopiam lavari coram servis, qui postea submergebantur, subditque: *Arcanus hinc terror, sanctæque ignorantia, quid sit illud quod tantum perituri vident.* Ignorantia sancta est quæ ex religiosa veneratione profiscitur.

* Cap. VIII.

† Cap. XXXIV.

‡ Cap. XL.

Hinc factum etiam ut *sanctus* verendum oris maiestate significaret, ut in hisce versibus *Ovidii Fastorum* Lib. VI. de Carmentis responsum editura :

*Vix illam subito posses cognoscere ; tanto
Sanctior, & tanto quàm modo major erat.*

10. In Translationibus omnibus periculum maximum est, ne proprias significationes cum tralatitiis, & synonyma ex parte, cum prorsus synonymis misceamus ; quia, ut alibi diximus, Linguis ita inter se non convenit, ut habeant voces planè *ισοδυναμους*. Hinc vel optimi Interpretes satis habent, modò voces quàm maximè significatione iis quas vertunt afines adhibeant ; alioqui si vim vocum, quas interpretantur, perfectè semper exprimere vellent, passim utendum esset circumloquutionibus ad voces singulas transferendas, quod esset molestissimum, & orationis seriem inturbaret. Verùm moniti Lectores caveant sibi oportet, ne nimium Interpretibus credant. Debent quidem translationes haberi adminicula, ad intelligendos Veteres ; sed non oracula, ex quibus de eorum sententia certò constet.

CAPUT VIII.

VII.

Plurimis vocibus esse obscuras notiones subjectas.

I. INTELLIGENDI sermonis difficultas non ex alia re major nascitur, quàm ex vocibus obscuræ notioni subjectis. Hinc passim contingit, ut videamur nobis perspicuè intelligere, quod non adsequimur ; aut frustra laboremus in quærendo quæ notio clara voce designetur, cum nulla clara notio ei sit subjecta. Horum quidem exempla afferemus in II. Sectione hujus Partis Secundæ ; verùm quædam etiam hîc observari queunt, quoniam res ad omnis pœnæ generis notiones pertinet.

2. Omnia, quæ nota nobis esse dicimus, non sunt tamen ex æquo nota ; quædam enim penitiùs, alia tantùm ἐξερσιτολῆς nota habemus. Hinc fit ut, cum de minùs notis loqui necesse nobis est, cogamur obscuris notionibus vocabula imponere. In sermone enim idem evenit, ac in Algebra, ubi quantitati aut planè ignoratæ, aut non distinctè notæ, cer-

tum

tum n
Artis a
ridiano
ma sur
suade
mina q
sibi effe

3. E
ces, V
tusquis
cùm e
aiunt
nimâ e
ore ha
dem p
vitam

4. C
ne & u
primù
sunt,
ti con
tiocina
certis
vitupe
rarum
statim
na sur
promp
quam,
eorum

5. I
tur la
guend
ab iis
ea ser
illæ n
fabant
lorum
is soni

6.
ubi v
ones,
rant,
est vo
quibu

tum nomen imponitur, ut A. B. &c. interea dum ex regulis Artis ad ejus cognitionem contenditur. Ita quoque in quotidiano sermone de innumeris loqui cogimur, quæ obscurissima sunt; quamvis Vulgus interdum notissima esse sibi persuadeat; qua in re differt ab Algebrae cultoribus, qui nomina quidem imponunt quantitatibus ignotis, sed quas ignotas sibi esse norunt.

3. Exempli causâ, nemo est qui non quotidie proferat voces, *Vita*, *Animal*, aliâsque ex iis ortas, aut similes; at quousquisque est, qui dicere queat quid animo sibi obversetur, cum ea vocabula pronunciat? Negant omnes lapides *vivere*, aiunt esse *inanimatos*; contrâ plantas *vitâ* frui, & belluas *animâ* esse præditas; at si quæramus à plerisque, qui hæc in ore habent, quid sibi velint, interpretari vix ac ne vix quidem possint. Attamen si ejuscemodi vocibus uti vetarentur, vitam sæpe in silentio degere cogerentur.

4. Cum adulti innumeris vocabulis hujus generis in sermone & usu quotidiano mentem suam exprimant; infantes, qui primùm loqui addiscunt, aut pueri, qui paulò provectiores sunt, hancce etiam consuetudinem à teneris unguiculis incauti contrahunt. Notiones quas ex occasione sensuum, vel ratiocinatione, seu attentione animi sibi comparant, indignant certis vocabulis, quantumvis obscuras. Arque hoc quidem vituperandum non esset, si modò scirent ea notionum obscurarum esse nomina; sed quia ita sunt iis vocibus adsueta, ut statim ac proferuntur, adsint animo notiones quarum nomina sunt; & viceversâ, ubi notiones animo obversantur, in promptu habeant vocabula quibus eas indigent; idèò, inquam, existimant se intelligere optimè quæ dicant, seu claras eorum animo suo obversari notiones.

5. Hinc nobis, ubi legimus Veterum Scripta, duplex nascitur labor, isque non adsueta molestissimus. Primò, distinguenda sunt vocabula, quibus subjecerunt potestates claras, ab iis quæ obscuras tantùm subjectas habuerunt. Secundò, ea sermonis eorum comparanda est consuetudo, ut obscuræ illæ notiones non clariores, non obscuriores quàm iis obversabantur, animo nostro præstò adsint, audito vocabulorum illorum sonitu, aut conspectis characteribus, quibus exprimitur is sonitus.

6. Tum demum eos à nobis intelligi existimare debemus, ubi vocabulis eorum lectis; eadem nobis obversantur notiones, seu claræ, seu obscuræ sint, quæ illorum animo aderant, eo tempore quo ea quæ legimus scribebant. Cavendum est vel maximè, ne eum putemus esse oportere verborum, quibus usi sunt, sensum, seu id eorum dogma, quod nos
maximè

maximè rationi consentaneum putamus; sic enim sæpissimè quod sentire debuerant, si quod dicebant rectè pensitassent, confunderemus cum eo quod reapse senserunt. Debebant, quantum fieri poterat, claras potestates vocibus tribuere; sed passim hoc neglexerunt. Itaque frustra conaremur id intelligere quod voluerunt perspicuè, cum nihil perspicui eorum menti sese objecerit.

7. In Theologia veterum Ethnicorum multa fuere, quæ verbis exprimebantur ejusmodi, quibus verisimile est eos nulum distinctum attribuisse significatum. A Tullo Hostilio dicuntur sana consecrata esse PAVORI & PALLORI, ob eam pugnam, quæ Fidenates & Veientes vicit. Cum in media pugna desertum se audiret ab exercitu Albanorum, * *in re trepida duodecim vocit Salios, sanæque Pavori ac Pallori.* Quæri potest an reverà Tullus existimaret Pavorem ac Pallorem esse Deos? an verò, illa delubra essent tantum monumenta, non tam Numinibus consecrata, quàm memoriæ posteritatis? Non videtur posterius, quo posset defendi stultum trepidi Regis facinus, hîc locum habere, quia vota in rebus trepidis concepta eo fine nuncupabantur Diis, ut adjuutores essent; quod ut celerius facerent, aliquid eis promittebatur. An ergo Tullus credidit, & clarè intellexit duo Numina esse quæ ita vocarentur, & metum hominibus injicerent? At hoc nullo alio ex loco Historiæ Romanæ, à Romanis creditum apparet, & nimis absurdum est; neque, ut opinor, annuisset Tullus, si quis ab eo petiisset, an crederet Pavorem & Pallorem esse Deos, seu Naturas quasdam humanâ præstantiores? Quid ergo tum animo versabar, cum votum adeò absonum conciperet? Nempe, nescio quid obscuri de Deo, quicumque esset, qui metum suorum pelleret, propitiando.

8. Idem Romani habebant, in mœnibus suis, sana *Mentis, Virtutis, Honoris, Pietatis, Fidei, Spei, Pudicitiae, Concordiæ, Pacis, Quietis, Salutis, Felicitatis & Libertatis.* Mihi non fit verisimile totidem Deos, claro animi adsensu, à Romanis esse creditos. Videntur potissimum voluisse commendare eas virtutes, vel res sanè quàm oprandas; licèt fortassè nescio quid obscuri, de Diis mentibus hominum illas virtutes ingenerantibus, aut beneficiis illis homines donantibus, animo versarent. Haud absimili modo mentem Romanorum *M. Tullius*, † in Libris de Natura Deorum, interpretatur: *Quidquid magnam utilitatem generi afferret humano, id non sine di-*

* T. Livius Lib. I. c. 27.

† Lib. II. c. 23.

vinum bonitate erga homines fieri arbitrabantur. Itaque tum illud quod erat à Deo natum, nomine ipsius Dei nuncupabant; ut cum fruges Cere rem appellamus, vinum autem Liberum, &c. tum autem res ipsa, in qua vis inest major aliqua, sic appellatur ut ea ipsa vis nominetur Deus, ut Fides, ut Mens, quas in Capitolio dedicatas videmus proximè à M. Emilio Scauro. Ante autem ab Atilio Calatino erat Fides consecrata. Vides Virtutis Templum, vides Honoris à M. Marcello renovatum; quod multis ante annis erat, bello Ligustico, à Q. Maximo dedicatum. Quid Opis, quid Salutis, quid Concordiæ, Libertatis, Victoriæ? quarum omnium rerum quia vis erat tanta, ut sine Deo regi non posset, ipsa res Deorum nomen obtinuit.

9. Credibile est priscos Romanos, nescio quid simile obscure cogitasse; & ipse Cicero fortè non parum impeditus fuisset, si ab eo quis quæsiisset quid intelligeret voce *Vii*, quam ait Deum nominatam? Nec rectè etiam faceret, ut opinor, quicumque notiones claras subesse crederet sequentibus verbis: Quo ex genere Cupidinis, & Voluptatis, & Lubentiniæ Veneris vocabula consecrata sunt, vitiosarum rerum, neque naturalium; sed tamen ea ipsa vitia naturam vehementius saepe pulsant.

10. In Philosophia quoque innumera sunt vocabula, quibus obscurissimam adjunctam esse notionem nemo dubitare poterit, qui vel aliquantisper expenderit. Si quis legat Aristotelis præsertim scripta Physica, facile animadvertet virum illum, quidquid ejus discipuli aut admiratores jactarint, non tam abscondisse datâ operâ obscuris verbis quod clarè intelligeret, quàm obscuras cogitationes obscure expressisse. Ita initio Lib. I. *πρωτῆς ἀποδοξας*, ait ita nos progredi solitos, in investigatione naturæ rerum, ut ab eis que sunt nobis manifestiora & clariora viam affectemus ad ea que sunt naturâ clariora & manifestiora. Primò voces *αὐτῆς* & *γνώσεμ* sunt relative, nec umquam proferuntur nisi ad aliquem, cui res est manifesta, respiciatur. Itaque nihil est quod possit dici *γνώσεμ* *αὐτῆς*, ut loquitur eodem in loco Stagirita. Deinde, si demus absolutas eas esse voces, hæc significabunt quæ simpliciora naturâ suâ sunt; atque ita eas voces, contra usum receptum, intellexisse videbitur Aristoteles; quo posito, hoc voluit, nos solitos à compositis ad simplicia progredi, unde colligit sibi etiam in Physicis ita incedendum, adeoque à principijs incipiendum. Si quis ab eo quæsiuisset, an principia rerum naturalium sint *ἡμῶν γνώσεμ*, quàm ipse res naturales? negasset sine dubio. Nam cum omnes, qui sensibus & ratione utuntur, aliquatenus nōrint corpora quæ nos undequaque ambiunt, paucissimi sunt, qui de principijs quibus

bus constant cogitent. Quare ergo ita Physicam suam orsus est, ut videatur contrarium ei quod sentiebat dicere? Nempe, quia non satis intelligebat quid diceret, & obscuras quasdam cogitationes obscuris verbis exprimebat.

11. Atque hoc quidem exemplum non selegimus, quasi eximium, sed quoddam librum aperientibus primum occurrerit. Ex mala autem Magistri consuetudine, obscuris acquiescendi ideis, & utendi stylo obscuro, omnes discipulos ejus obscuritas cogitationum ac styli, quasi contagio quædam, pervasit. Cum in Hispaniam ab Arabibus allata esset ejus Philosophia, circa annum Christi MCCVIII. indeque in Italiam ac Galliam venisset; ex ea nata est Philosophia Scholastica, unde prognata demum Scholastica Theologia; in quibus vix dixeris, resne, an verba sint obscuriora.

12. Verum non postremis duntaxat sæculis, Philosophia minus accurata innumeras voces obscuras in Theologiam Christianam invexit, ut cum sequente Capite, tum alibi ostendemus. Præter Philosophiæ obscuritatem, multum obfuit perspicuitati, secundo, tertio & quarto Ecclesiæ Christiænæ sæculis, ἡ δόξα^o eloquentia, quam cæco amore perique prosequabantur. Dum enim pluris faciunt figuratam & tumidam orationem, quàm simplicem & solâ perspicuam veritatis vi nitentem sermonem, innumèris vocabulis sine sensu proferendis sese adsuesecerunt. Exempli causâ, à tempore Augustini, vix ullâ vox frequentior fuit voce GRATIA, ubi sermo est de hominis ad saniozem mentem reditu, & vi cui is reditus debetur. Eâ tamen voce quid significetur, cum ab iis quaeritur, qui ea utuntur, nihil responsi perspicui ferre licet. Hinc factum ut in Gallia * Jesuita festivi ingenii, non inficetè dixerit, Gratiam illam divinam, quæ tantum strepitum excitavit in Scholis, & tam mirabiles effectus in hominum animis edit; Gratiam illam adeò efficacem, & suavem simul; quæ de duritie cordis, illas Arbitrii Libertate, triumphat, nihil esse tandem, præter NESCIO QUID. Nec certè ea vox usquam in Scriptura eo sensu legitur quamvis cæteroqui sit πολὺν^o. Ubi de Deo sermo est, χάρις^o gratia, ejus misericordiam, aut beneficium quodpiam significat, nusquam arcanum afflatum; quo sensu eam intellexit Augustinus, popularis sanè orator, sed Criticæ imperitus.

13. Itaque cum ejusmodi Scriptores legimus, & adfuerit perspicuis notionibus arque claro sermoni, nitimur definire voces quibus usi sunt; passim frustra laboramus, quia nullam claram potestatem subjecerant plurimis vocabulis. Nul-

* *δὲ χάρις* in Dialogo *de se ne sei quoz*.

la definitio vocis Gratia, quæ quadret in notionem *Augustini*, dari potest, præter hanc: *Est nescio quid, quo Deus, ex Augustini sententia, animos nostros ad pietatem ingluctabiliter flectit, idque ab omnibus cùm nostris ratiocinationibus, tum is quæ extrinsecus nobis obijciuntur distinctum.* Si nitaris / clariorem notionem adnectere voci *Gratia*, ea tua erit notio, non *Augustiniana*.

14. Optandum esset eos qui Lexicis conficiendis operam dant, certâ notâ distinguere vocabula obscura à claris: uti distinguunt barbara aut antiquata, ab usu meliorum sæculorum receptis. Illâ enim notâ monerentur tyrones, imò & sæpe provectiores, ne frustra laborarent quærendo claram significationem vocis, quam numquam obtinuit; nève suam ipsorum notionem cum Veterum norione confunderent.

CAPUT IX.

VIII.

Voces esse, quibus nulla subjecta est potestas.

1. **S**I contingeret Polonum & Gallum, vernacularum tantum Linguarum peritos, unâ colloqui, alterum Gallicè, alterum Polonicè; atque finito sermone, utrumque affirmare sibi eo colloquio satisfactum; non possent effugere, quin uterque insanus haberetur. At ausim dicere Philosophos & Theologos Scholasticos, summa cum laude, & eximie eruditionis fama, id *facitasse* non semel, aut iterum, sed *pueridisse*. Utantur enim passim vocibus, quibus obscuram notionem non subjiciunt, quod in antecedenti Capite observavimus, sed planè nullam; & tum quidem potissimum sese mirificè loquutos esse sperant, atque ab aliis censentur cùm ad raucedinem instar campanarum, sonitum sine mente maximum ediderunt. Cujus rei plurimæ sunt causæ, sed quarum duas potissimas dumtaxat attingemus,

2. Omnes, ut diximus, ab infantia adsuecunt voces proferre ad significanda multa, quæ obscurissimè norunt. Adde & pueros tunc putare se rem intelligere, quando nomen, quo designari solet, memoriæ mandarunt. Si puer aliquid videns, quod appellatum coram se non meminerit, quærat quid sit, docetur rei nomen: quo audito, rem credit sibi notam esse, cùm nomen tantum teneat. Exempli causâ, offeratur vas vitreum puero, quæratque quid sit? Reponitur

vas vitreum. Memoriae mandat hæc voces, neque quidquam ulterius exquirat; si verò ab eo postea quærat an sciat quid sit, illico regetur esse *vas vitreum*, & sibi rem notam esse existimabit, licet vitri natura ei sit penitus ignota.

3. Hinc factum ut quædam etiam, quæ oculis aut aliis sensibus non usurpamus, nominibus afficiamus, licet nusquam sint & propter nomina nota cognosci à nobis putemus. Cum quidpiam contingit, cuius causa prorsus ignota est, dicimus factum id esse CASU seu FORTUNA, & rem acu nos tetigisse putamus, cum tamen iis vocibus nullam subjecerimus notionem. Eleganter * *Democritus*: ἀνθρώποι, inquit, τύχης εἰδωλὸν ἐπλάσαντο, πρόβατον ἰδὺς ἀγνοίης: homines finxerunt idolum Fortune, propriæ ignorantie velamentum. Cicero in Topicis c. 17. de causis: Latent, inquit, quæ subjectæ sunt fortune, cum enim nihil sine causa fiat, hoc ipsum est fortune eventus; obscurâ quod † latenter efficitur. Hæc tamen non Poëtarum modò, sed Oratorum & Historicorum scatent Scripta; quæ proinde Periodis, sensu carentibus, referta esse agnoscamus necesse est.

4. Ipsi Philosophi iisdem vocibus passim usi sunt, & seriò Fortunam & Casum causas esse physicas contenderunt. *Aristoteles* ‡ enim, inter eas causas, enumerat ΤΗΝ ΤΥΧΗΝ καὶ ΤΟ ΑΤΤΟΜΑΤΟΝ, & hæc ita distinguit, ut dicat τύχην verari circa actiones Naturarum προαίρεσις facultate eligendi præditarum; τὸ αὐτόματον verò circa ea, quæ sunt facultate illâ destituta. Si quæras ab *Aristotele*, quid sint illæ causæ? pro definitionibus rerum, vocum definitiones profert, seu docet quâ occasione eas adhiberet; nempe, se solere iis uti, quando aliquid evenit in expectatum & cuius causa ignoratur. Exempli causâ, aliquis aliquid it, quò non solet alioquin ire, atque eo in loco accipit pecuniam, de qua ne cogitaverat quidem. Hoc dicit *Aristoteles* fieri κατ' τύχην; si verò lapis cadat, à nemine homine pulsus, & frangat aliquid, hoc fieri κατ' αὐτόματον ait.

5. Ne dubitaremus hoc magnum Philosophum, ut pleraque alia, vulgari sermoni inædificasse, hoc ipse significat initio Cap. II. ubi dicit, quæ fiunt semper, vel ut plurimum, ea Fortune non tribui, ἀλλ' ἐπειδὴ ἐστὶ τίνα ἀγνοεῖ καὶ παρὰ ταῦτα, καὶ πάντες ταῦτά φασιν εἶναι κατὰ τύχης, φανερόν ὅτι ἐστὶ τὴν ΤΥΧΗΝ καὶ τὸ αὐτόματον, sed quoniam fiunt quedam, quæ fiunt etiam præter ista, & omnes hæc dicunt esse à Fortune, manifestum esse Fortunam & Casum esse aliquid. Naturæ Genius non animadvertit vulgari hac phrasi nihil significari, sed inde at-

* *Apud Euseb. Præp. Evang. Lib. XIV. c. 27.*

† Ita lego, non qua.

‡ *Physic. Lib. II. c. 4, 5, 6.*

gumentum duxit ad probandum esse nescio quas Naturas, quæ esse nequeunt; nam ipse non adsentitur iis, qui dicebant Fortunam non inq̃dò esse ἀήλον ἀνθρώπινη διαβολή sed θεῶν τινος δαιμονιώτερον, divinum quidpiam, & humanā naturā superius. Atqui licet nescirent quid dicerent, tamen poterant videri Numen quodpiam nomine Fortunæ intelligere; quod Aristoteles improbat.

6. In Philosophorum accuratius loquentium scriptis τύχη fortuna & εἰμαρμένη fatum distinguuntur; hoc certa causarum series, quæ ineluctabilis est; illa inconstans & mirabilis dicitur. Attamen à multis priscis Scriptoribus confunduntur. Plurima Lucanus hujusce rei exempla, plurima alii passim Scriptores suppeditabunt. Duo tantum, quæ instar omnium erunt, proferemus. Lucanus ergo sic Thessalam veneficam loquentem inducit Lib. V. vers. 611. ubi à se Fata violari posse negat:

At simul à prima descendit origine mundi

Causarum series; atque omnia FATA laborant,

Si quidquam mutare velis.

— tunc Thessala turba fatemur,

Plus FORTUNA potest.

Curtius Lib. X. c. 5. §. 35. Cùm plurimum virtuti debuerit (Alexander) plus debuit FORTUNÆ; quam solus omnium mortalium in potestate habuit. Quoties illum à morte revocavit? quoties temerè in pericula vectum perpetuâ felicitate protexit? Vitæ quoque finem eundem illi, quem gloriæ statuit. Exspectare eum FATA, dum Oriente perdomito, aditòque Oceano, quidquid mortalitas capiebat impleret. Quàm hæ voces obscuræ sint, imò quàm nihil significant ut constet, claram aut aliquam notiopem sub iis latentem oportet queramus.

7. Apud Aristotelem, vocibus ΤΑΗ materia, ΦΥΣΙΣ natura, ΟΥΣΙΑ substantia, sæpe nulla videtur potestas affixa; quod haud difficile ostensu esset, nisi instituti nostri ratio obstarer. Ejus sectatores habent etiam multas ejusmodi voces, quales sunt Attractio, Antipathia, Sympathia, Antiperistasis, aliæque similes, quæ Qualitatum occultarum nomine continentur. Nam quando quidpiam oriri aiunt, à qualitate occulta, exempli causâ, quæ Sympathia dicitur; idem propè est ac si dicerent, manare id à causâ, cujus nullam notionem habent.

8. Quod non ignoscitur Philosophis, id multò minùs in Religione condonandum. At Romani non dubitârunt * templa

* Vid. Cicero, de Nat. Deor. Lib. III. c. 24. & 25. & Plinium Hist. Nat. Lib. I. c. 7.

Fortuna, & quidem *male* consecrare, cū interrogati non ausi fuissent seriū dicere se Numen cæcum, & varium, quodque omnia sūsq; deque haberet colere, aut esse Naturam ejusmodi divinam. Quid ergo voce *Fortuna* intelligebant? Nimirum, nihil, & perinde fecissent, si *NIHILO* fana & aras consecrassent. Quod & Græcorum nonnulli viderunt, teste vel *Philemone*, cujus hi Senarii ex incerta Comœdia supersunt:

Θὺκ ἔστω ἡμῖν ἰσοπέδια Τύχη θεός,
 Κὺν ἔστω, ἀλλὰ ταυτόματορ, ὃ μὲν
 Δ' ἔτυχ' ἰσάσθω προσαρξέμε Τύχην.

Profecto hominibus nulla *Fortuna* est *Dea*,
 Nulla, inquam, verūm quidquid temerè provenit
Fortune à nobis accipit vocabulum.

Pulcrè etiam hanc in rem *Plinius Hist. Nat. Lib. II. c. 7.* invenit inter has utrasque sententias (superstitionem & impietatem) medium sibi ipsa mortalitas Numen, quò minus etiam plana de Deo Conjectatio esset. Toto quippe mundo, & locis omnibus, omnibusque horis, omnium vocibus *Fortuna* sola invocatur. Una nominatur, una accusatur, una agitur rea, una cogitatur, sola laudatur, sola arguitur, & cum corvitiis colitur. Volubilis, à plerisque verò & cæca existimata, vaga, inconstans, incerta, varia, indignorūque faulrix. Huic omnia expensa, huic omnia feruntur accepta; & in tota ratione mortalium, sola utrāque paginam facit. Adeoque obnoxii sumus sorti, ut *Sors* ipsa pro Deo sit, quā *Deus* probatur incertus. Hinc non multum, ut opinor, abfuere, * qui auctore *Æliano*, in *Lib. de Providentia*, aras exercebant Anno, Mensi, Senectuti, Arti, Paupertati, imò & Morti, eis μέγας τῇ κοινῇ ἀναπαύλη, ἢ τὴν τῷ τελευτάῳ ὄρῳ, in honorem, communis quietis, aut extremi portus.

9. Omne quod honestum & laudabile esse dicebant reliqui Philosophi, id Epicurei cassum quiddam, & inani vocis sēno decoratum esse contendebant, ut plus semel docet † *Cicero*; nec multum à vero abfuisse videntur. Quid enim est τὸ καλόν, si res ipsas spectemus, in Ethnicorum plerorumque scriptis? Nihil prorsus. Erat tantum opinio quædam, in hominibus, quā honestum quidpiam esse existimabant, cujus rationem reddere non poterant. At à Christianis facildè honestum definitur, quod est humanæ societati utile, adeoque Deo ejus conditori ac-

* Citatur ab *Eustathio* ad *Dionysii Periegeta* vers. 45.

† *Inscr. Quæst. Lib. V. n. 73. & 119.*

ceptum. Epicuro, vice versa, exprobrabant alii Philosophi inanes voces, cum dicebat Deos (quos nomine ponebat, cum re sustulisset) habere quasi corpus & quasi sanguinem. Sic apud Cicero^m de Nat. Deorum Lib. I. n. 74. Cotta Vel-
leio: Corpus inquit, quid sit, sanguis quid sit, intelligo; quasi corpus & quasi sanguis quid sit, nullo prorsus modo intelligo — & ne tu quidem intelligis.

10. Ne Theologia Ethnica sola hisce virtutibus laboraret, operam dedere quidam ex Christianis, qui multos habuere sectatores. Eorum quæ dicunt nullam notionem habent, qui verba faciunt de corpore humano, aliquot pedes longo, quod tamen intra punctum continetur; de corpore unico quod multiplex simul est, & in variis locis unum; de corpore quod penetrat alia, ita ut eadem sit aliorum & ejus extensio, & simul diversa; de figura, pondere, colore, quæ nulli rei insunt, &c. De hisce in Scholis Hispaniæ, Italiæ, Galliæ, Germaniæ ita quotidie disputatur, quasi de re aliqua sermo esset; cum revera de nihilo loquantur, & hoc tantum obse-
vent, quod illa verba, quibus nihil significatur, certo quodam situ collocent, quasi aliquid significarent.

11. Haud aliter judicandum videtur de eorum sermone, qui narrant humanam naturam Divinitatis participem factam fuisse, & Divinitatem Humanitatis; illa enim mutua communicatio quæ litatum æquè intelligeretur qui diceret esse cir-
culum, qui ita cum triangulo conjunctus sit, ut circulus habeat attributa trianguli, & triangulum circuli.

12. Si quis quærat qui fieri queat ut qui ita loquuntur non animadvertant se sonos sine mente emittere, sed putent se ex-
imie loquutos, postquam multa talia effecerunt? Dux potis-
simum videntur esse causæ, quarum alteram supra attigimus. A teneris unguiculis, adsueta sunt ejusmodi vocabulis audien-
dis, & proferendis. Præterea ideò falluntur quod voces qui-
bus utuntur separatim intelligant, quo fit ut etiam conjunctas
intelligere sibi videantur cum tamen conjunctæ repugnantia
significent.

13. Iraque hoc est indubitatum, quicumque id profe-
runt quod repugnat, eos, licet voces quas usurpant sejun-
ctas intelligant, nullam tamen notionem, quæ toti oratio-
nis complexui respondeat, animo observantem habere. Atque
hoc multò sæpius evenit, quam vulgò existimatur; ut satis
animadvertent peritiores, qui aliorum sermones attendent.

14. Manifestum est loquelâ eos abuti, qui verba profe-
runt sine sensu; nec quisquam sibi sermonem ejusmodi expro-
brari, sine pudore, audiat. Sed quia plurimi in eo peccato
deprehenderentur sæpissimè, si verborum quibus utuntur ab

iis significatio quæreretur; hoc ne fieret inventa sunt alia vocabula, seu loquutiones, quibus ejusmodi inquisitio veluti propulsaretur. Philosophi Scholastici, ut jam monuimus, ubi quæritur à se, quid sit *Attractio*, aut *Sympathia*, reponunt esse *qualitates occultas*, quibus verbis qui interrogat arcetur, ne curiosius in illa inquirat. Responsio tamen hæc eodém reddit, ac si Philosophus reposuisset: *Equidem usus sum vocibus Attractionis, & Sympathiae, sed iis nullam notionem adjungo; ideoque frustra à me quæritur quid significant.*

15. Theologi, qui non minùs loqui amant quàm Philosophi, de iis quæ non intelligunt, sæpe æquè verentur simplici hujusmodi oratione uti. Itaque si quis quærat interpretationem multorum vocabulorum, quibus utuntur, non eodém sensu quo alii, regerunt sermonem esse *de re incomprehensibili*, ideoque à ratione humana non debere de ea, ut de cæteris rebus, judicium ferri. Qua sanè in re non falluntur, sed paulò simplicius si loquerentur, ita auditores suos compellerent: *Hactenus de re nobis ignota loquuti sumus, vocisque ideo adhibuimus quibus nullam subjecimus potestatem; itaque eas interpretari non possumus.*

16. At neque Philosophi, neque Theologi rem, ut est, profitentur, seu quia ipsi errorem suum non intelligunt, seu quia vulgus, quod simplicius multò agit, indignaretur tam prolixas passim orationes haberi de rebus, quas non magis perspectas habent, quàm reliqui homines, & tanto apparatu verborum, quasi sipario, tegi merum NIHIL. Hoc si vulgò notum esset, brevi magna Philosophiæ & Theologiæ Scholasticæ pars æterno damnaretur silentio, & argumentum innumerarum disputationum exaresceret; quod loquendi avidis & in illis tricis innutritis molestissimum accideret. Hanc in rem, memoratu digna sunt verba *Augustini*, * quibus persuadere quidem Ilectoribus vellet rem *ἀκαταληπτόν* intelligi, sed verba deesse Theologis, quibus quod intelligunt expriment; faretur tamen interea verbis eorum nihil dici: *Dicimus, inquit, unam Essentiam, tres autem Personas, quemadmodum multi Latini ista tractantes & digni auctoritate dixerunt; cùm alium modum aptiorem non invenirent, quo enunciarent verbum QUOD SINE VERBIS intelligebant. Reverà enim cùm Pater non sit Filius, & Filius non sit Pater, & Spiritus Sanctus ille, qui etiam donum Dei vocatur, cùm nec Pater sit, nec Filius, tres utique sunt. Ideoque pluraliter dictum est: Ego & Pater unum sumus. Tamen cùm quæritur quid tres? Magna prorsus inopiâ humanum laborat eloquium. Dictum est tamen tres*

* De Trinitate Lib. V. c. 9.

Personæ, non ut ALIQUID diceretur, sed NE TACE-
RATUR.

17. Oporteret Lexicographos, qui solent eas voces vocibus aliis sine sensu vertere, simili cautione uti ac erga obscuras; nimirum, observare has quidem voces sensu carere, sed adhiberi certis occasionibus, quæ etiam notandæ essent. *Transsubstantiatio*, exempli causâ, vox est quâ nihil significatur, sed quæ adhibetur à Pontificiis, ubi loquuntur de sententia sua circa præsentiam corporis Christi in Eucharistia. Similia dixeris de vocibus *Consubstantiatio*, *Communicatio Idiomatum*, aliisque id genus, & plurimis loquutionibus, in quibus occurrunt.

CAPUT X.

IX.

Loquutiones esse plurimas in omnibus Linguis anomalas, & parum accuratas, quæ nimium urgendæ non sint.

1. **O**PTANDUM quidem esset Linguas omnes constantibus quibusdam Regulis adedò adstrictas esse, ut ab iis discedere numquam liceret; atque eas Regulas rationi, & rerum naturæ semper consensuque esse, ita ut perpetuò ea orationis structura servaretur, quæ quàm optima ad rem perspicuè exprimendam esset. At cum Lingux usu & paulatim fuerint inventæ, & à plurimis usurpatæ, qui de Loquelæ fine numquam satis cogitarent, hinc natæ sunt innumeræ Anomaliæ, quibus orationis perspicuitas imminuta est. Usus qui pender, non à doctissimis & præ cæteris iudicio præditis, sed à multitudine potissimum, multa consecravit; quæ non adfectis negotiorum facessunt, & impediunt etiam ne ii, qui Linguis utuntur, animadvertant se obscure loqui.

2. *Anomalias*, ut ne obscuritate ipsi peccemus dum eam vituperamus, hic vocabimus non tantum formulas, quæ generalibus Grammatices Regulis repugnant, sed quæ obstant quominus res, de qua sermo est, clarè intelligatur; quæ quæ loquitur obliquiori & impropria utitur oratione, & quæ Regulis ægrè resolvi potest. Exempli causâ, Livius Lib. c. 42. *Moti, inquit, irâ numinis causam nullam aliam vanebant publicè, privatimque, nunc extis, nunc per aves* **CONSULTI**, quàm haud ritè sacra fieri. Vates non consuluntur extis & avibus, sed ipsi per exta & aves consulunt Deos, his

enim adspēctis quæ sit Deorum mens coniiciunt. Atque hoc ipsum voluit Livius, quod explicatius extulit *Curtius* Lib. VII. c. 8. *Qui post Darium victum ariolos & vates CONSULERE desierat, rursus ad superstitionem, humanarum gentium ludibria, revolutus Aristandrum, cui credulitatem suam addixerat, explorare eventum rerum sacrificiis jubet.* Similis est loquutio *vincere bellum, πόλεμον νικᾶν*, quæ cū alibi sæpe, tum *Polyani* Lib. I. C. XX. §. I. occurrit, neque enim vincitur bellum, sed homines qui bellant. *Νικᾶν ἀγῶνα* dicunt iidem Græci, ἀντὶ τοῦ νικᾶν τὰς ἀνταγωνισίας. Vide *Enchiridion* in *Enchir.* c. XXV. & alios passim.

3. Multa talia apud omnes Scriptores occurrunt, quæ eloquentiæ famam non minuebant apud Gentes quæ ejusmodi loquutionibus aduetæ erant; sed quæ nobis sæpe molesta sunt, & sæpe impediunt quo minùs sensum Veterum adsequamur, aut nimiam attentionem postulant. Fateor, ubi res aliunde nota est & clara, loquutiones anomalas parum negotii facessere, ut in exemplis allatis; sed ubi res obscurior est, ejusmodi sermonis anomaliz obscuritatem non parum augment. Quis intelligere posset *φάλαγγα δίκην* *fugere litem*, ut *φάλαγγα ἀνδροφονίας* *fugere litem cadū*, & brevius *φάλαγγα ἀνδροφονίας*, *fugere cadū*, significare simpliciter accusari, & accusari *cadū*, nisi ex innumeris exemplis, quæ assatim quivis præbent Lexicographi, res constaret? Sunt tamen & viri docti, qui in hac phrasi convertenda cespitarunt. Sic legem de provocatione ad Populum à Valerio Publicola latam, ἢ *ἡμῶν καὶ τοῦ ἰσθίου τοῦ φάλαγγα δίκην ἀπακαλεῖσθαι*, vertit R. Constantinus, crimen deprecantibus provocationem esse à consulibus ad populum, cū debuisset vertere *reis*, seu *accusatis*. Est locus apud *Plutarchum*, in vita *Valerii* p. 103. Ed. *Wechelianæ*.

4. Postquàm Linguz excoli cœperunt, institutz quidem Analogiz Regulæ sunt, ad quas pleraque exigi oportuit; sed ex Regulæ numquam omnes usûs anomalias delere poterunt; nam in quibuscumque consuetudo tam altas radices egerat, ut evelli non potuerit. Egregiè hanc in rem * *Quintilianus*: Non cū primū fingerentur homines, Analogia de-missa cælo formam loquendi dedit, sed inventa est, postquàm loquebantur; & notatum in sermone quid quomodo caderet. Itaque non ratione nititur, sed exemplo; nec lex est loquendi sed observatio, ut ipsam Analogiam nulla res alia fecerit, quàm consuetudo.

3. Si *ἀνολογίας* urgeremus, quasi loquutiones ex Analogicis Regulis intelligendas, difficultates maximæ nascerentur, & lites inter Eruditos non parvæ; quod experientia satis superque demonstravit, ut exemplis manifestius erit. Genes. II. 2. in Hebræicis legimus: *Et absolvit* (וַיִּבְרַח *vajechal*) *Deus die septimo opus suum quod fecit, & quievit die septimo ab omni opere quod fecit, &c.* Cum hoc in commate, ut & sequente, disertè affirmetur Deus septimo die quievisse, ideoque velle ut seriatim eo die observentur; Interpretes non parum impediti fuere, in interpretandis hisce vocibus, *absolvit septimo die*, quæ videntur significare Deum septimo die aliquid operis fecisse. Inde factum videtur, ut Samaritici Codicis exscriptores pro וַיִּבְרַח *sechibbhi* septimo, reposuerint וַיִּשְׁכַּח *schischi* sexto; quod sequuti sunt α' LXX, qui habent ἕκτῃ, nisi ipsi Samaritis faciem prætulerint. Recentiores verò Interpretes, nonnulli existimarunt rem confectam fore, si verbum וַיִּבְרַח *vajechal* verteretur, *& absolvarat*. Verùm licet hæc posterior versio nihil habeat Hebræicæ Grammaticæ contrarium, attamen eò confugere opus non est, quia etiamsi vertes *& absolvit*, idem tamen erit sensus. Multò etiam minùs necesse est quidquam immutare; quod à LXX. Inter. & Samaritis factum censemus, non ab Hebræici nostri codicis exscriptoribus; quia his nulla fuit causa mutandi *sextum* in *septimum diem*, quandoquidem ad perspicuitatem hoc nihil facit; alii verò mutare potuerunt, ut occurrerent difficultati, quæ inde nasci videbatur. Reverà si proprietatem sermonis spectemus, accuratius loquuntur qui *sexto die* à Deo absoluta sua opera dicunt. Sed in designatione temporis, non ita semper observatur *ἀνολογία*, quin sæpe rem referamus ad tempus, quod proximè id quo res facta sequutum est. Ita Exod. XII. 15. jubentur Israelitæ amovere, primo Azymorum die, fermentum domibus suis: *primo die cessare facietis fermentum ex ædibus vestris*. Attamen hoc oportuit factum, sub finem * decimi tertiæ diei, ante vespèram, quâ inchoabatur decimus quartus, qui fuit primus Azymorum, ut apparet ex vers. 18. & Judæorum usu. Similis est observatio A. Gellii Lib. VII. c. 2. ubi ait phrasibus *quoad vivet, quoad morietur, quoad Senatus habebitur, quoad dimittetur*, unum idemque tempus significari: *tempora enim duo, inquit, cum inter se opposita sunt atque coherentia, ut alterius finis cum alterius initio misceatur, non refert utrum per extremitatem prioris, aut per initium sequentis, locus ipse confinis demonstratur*. Hinc ante & post interdum,

* Vid. & Lightfootum de Mysterio Templi C. XII. §. 1.

in designando tempore, idem significant. *Lactantius* Instit. Divin. Lib. IV. c. 10. Christum ait *ante diem decimum Calendarum Aprilium* cruci affixum. Libro verò de Mort. Persecut. c. 2. *cruciatus est*, inquit, *post diem decimum Calendarum Aprilium*. Attamen, ut ad Geneseos locum redeamus, maluinus, omnibus diligenter expensis, vertere *intra septimum diem*. Vide quæ ad eum locum scripsimus.

6. *Matthæus* C. XXI. 7. ubi adventum Christi asinâ vecti Ierosolymam describit, ita loquitur de Apostolis eum in asinæ pullum injicientibus: *Adduxerunt asinam & pullum & imposuerunt iis (ἐπάνω αὐτῶν) vestimenta sua, & insidere fecerunt eum super iis, ἐπάνω αὐτῶν*. Cùm non verisimile sit Jesum utrique insedisse, & Evangelistæ alii ὄνασι tantum vectum esse doceant, Interpretes hic in varia abierunt. *Cantabrigiensis Paraphrasis Græco-Latina* habet singulari numero: *ἐπέθηκεν ἐπ' αὐτὸν (in pullo) τὰ ἱμάτια & ἐπεκάθισαν ἐπάνω αὐτῶν*. Syrus ita etiam legit, & vulgatus, in fine commatis, omittit αὐτῶν, vertitque *desuper*, sed in medio versu habet *imposuerunt super eos*; unde apparet in fine omissum αὐτῶν, propter difficultatem memoratam. Alii posterius αὐτῶν referunt ad ἱμάτια, sed obstat huic interpretationi prius αὐτῶν, quod ad asinam & pullum necessario referendum.

7. Verùm hæc sunt *ἐπαδοσθῶσεις & περιμηνεῖαι*, cùm hic sit mera ἀκνευλογία, quâ *Matthæus* nihil aliud voluit dicere, quàm quod alii. Similem prorsus habemus apud *Homerum* *Iliad.* K. 513 & 529. ubi de *Diomede* in unum ex equis *Rhesi* se subiciente: *Καταλίμωε δ' ἵππων ἐπέβησάτο*, statim verò equos conscendit, & rursus:

Τυδείδης δ' ἁμαρῇ δορὸν ἔναρα βροτῶντα
Ἐν χεῖρεσσι Ὀδυσῆϊ τίθη. ἐπέβησάτο δ' ἵππων.

Tydidēs cùm in terram desiliisset, sanguinea spolia in manibus Ulyssis posuit, conscenditque equos, cùm unum tantum conscenderit, Ulyssē alteri insidente.

8. Ex Grammaticis Regulis, pronomina demonstrativa plerumque ad id nomen debent referri, quod proximè antecedit; at nullus Scriptor adeò ejusmodi Regularum observans est, ut numquam eas violat. *Homerus*, *Iliad.* T. postquam retulit lamenra *Briseidis*, & aliarum Captivarum quæ fiebant

Πατρόκλῃ πῆρασιν, σφῶν δ' αὐτῶν κηδὲ ἐκάσῃ,

sub præextu desendi *Patrocli*, suas ipsarum miseras; illico subjicit vers. 303.

Ἄντῳ

Ἄυτῶν δ' ἀμφὶ γέροντες Ἀχαιῶν ἠγρέβοιτο,
 Λισόμενοι διαπύσαι, ὃ δ' ἔπειθε στυγίζων.

Senes Achivorum circa eum congregati erant, orantes jentaret, sed is suspirans negabat. At αὐτῶν non refertur ad Patroclum, de quo in antecedente versu, sed ad Achillem, cujus superius mentio facta fuerat. Idem observatum est à viris doctis in aliquot N. T. locis, ut Act. 10. 6. 1 Joann. V. 20. in voce ἔτθ, licet de posteriori loco sit orta controversia, quia volunt plerique inde probari Jesum Christum vocari τὸ ἀληθινὸν θεόν; negantibus cum H. Grotio Unitariis, ἔτθ referri ad proximè antecedentia verba. Ita usi venit, ut ea loca, quæ in controversiam non veniunt, melius intelligantur, quàm ea de quibus certatur.

9. Attici phrasin habuerunt, in eorum Scriptoribus frequentissimam, quæ tamen Analogiæ generali Linguae Græcæ videtur repugnare. Nempe, pro δίκαιόν ἐστι τὸτο πράττειν, quo etiam utuntur ut reliqui Græci, dicunt δίκαιοι ἐσμὲν τὸτο πράττειν, *justi sumus hoc facere.* Ita Criton, initio ejus Dialogi qui ejus nomine inscriptus est, dicit: δίκαιοι ἐσμὲν ὅτι πάντες σε κινδυνεύειν τῆτον τὸ κίνδυνον, *justi sumus, te servato, periclitari hoc periculum,* pro δίκαιόν ἐστιν ἡμεῖς, &c. Qui Platonem leget multa similia reperiet, & plura etiam apud Aristophanem; qui sermone quotidiano utentes inducens, non ita Regulas observat, quæ in colloquiis ejusmodi sæpe negliguntur.

10. Sæpe miscentur duæ phrasæ, adeò ut initio ab unâ facto, alterius pars subjiiciatur. *Homerus* * Iliad. B. ita Nestorem loquentem inducit:

Ἡμεῖ γὼ ἔν κατανεύσαι ἑξήμερα Κρονίωνα,
 Ἡματι τῷ ὅτε νηυσὶν ἐπ' ὠκυπέροισιν ἔβαινον,
 Ἄργεῖοι Τρώεσσι δόνον καὶ κῆρα δέροντες.
 Ἀσέβητων ἐπιδέξι, ἐνέσσημα σήματα φαίνων.

Dico enim verò annuisse præpotentem Saturnium, eò die quo naves celeres conscenderent Argivi, eadem & mortem Trojanis inscrites, fulgurans dexterâ, fâusta signa ostendens. Postremum verbum concepit, quasi in primo dixisset: κατέρειπε ἑξήμερος Κρονίων, cum quo conveniret ἀσέβητων; aut ita incepit, quasi dicturus esset ἀσέβητορτα. Eustathius quidem vult hunc locum esse σπλοικωρὰν, non verò σπλοικον, gen-

setque punctum post *οἰζόντες* collocandum esse & in quarto versu subintelligendum *ἦν*; verum alia ab * Eruditis alata sunt ejusmodi exempla, ex quibus liquet *Eustathium* frustra vereri ne *Homero* Solæcismus tribuatur. Nec dubito tamen, si per versuum leges licuisset, Librariorum aut Criticorum intempestivam diligentiam effecturam fuisse ut *Homerus*, aliisque Poëtæ, apud quos talia occurrunt, convenientius Regulis loquerentur. Multò rectius est, quod ad eundem locum observat doctissimus Grammaticus; Poëtam, nempe, ὃ ἔχει ἀρχαῖοντα, ἢ ἀμιμνήσκον ῥήτορα ἐπαγωγίον νομασὶν ἑαυτὸν ἀπαχολῶντα, ἢ τὸ καταλλήλῳ ἢ συντάξεως μὴ ὁδῶν φροντιστά, aut antiquo more loquentum, aut imitatum *Rhetorem* decertantem, qui cogitationibus occupatus non pro suis curat seriem constructionis.

11. Neque hæc inter Poëticas licentias numeres, cum elegantes Prose Scriptores haud rarò ejusmodi verborum structuris utantur. *Polyænus* Lib. I. c. 15. Θεόπομπον — τὴν τε αὖν ἱερὴν οἴαν, *Theopompus* urbem vacuum CEPIT, ἢ κατόπιν ἐμβάλλουσι τοῖς Μινωσίνσις. Et à tergo INVADUNT *Messenios*. Aut erat dicendum οἱ περὶ Θεόπομπον ἔλιν ἢ ἐμβάλλουσι, vel ἐμβάλλει post ἔλιν. Idem Scripor Cap. XVIII. οἱ πολέμοι τὸ λόγον εἰδότες, κοινὸν αὐτοῖς ἦν παράγγελμα ὃ μάλιστα ἀπέχεις Κόδρε. Hostes scientes hoc oraculum, publicum erat eis editum. Pro structura Grammatica, dicendum erat τοῖς πολέμοις εἰδόν, aut post id initium Periodi, quo usus *Polyænus*, κοινὸν ἔχον παράγγελμα, aut κοινῶς παρηγγελαντο. Similia ex eodem Scriptore loca ad hæc verba affert *Jf. Casaubonus*, qui verat credere hîc esse mendum, & meritò vult esse *ἡμα* quoddam, licet nequaquam *καὶν* *πρεπὲς* sit, ut ait vir summus, vel *Homero* teste. Idem præterea verè addit in *Æliani* Scriptis, oppidò quàm elegantibus, haud rarò talia observari. Dein duo loca *Æliani* proferet, quorum alter exstat *Var. Hist. Lib. II. c. 13.* alter *Hist. Animal. Lib. VII. c. 26.*

12. Simile quid occurrit apud *Virgilium* *Eclog. IV. 62.* ubi ita *Pollionis* filium compellat :

Incipe, parve puer, visu cognoscere matrem, &c.

Incipe, parve puer, QUI non risere pariter,

Nec Deus HUNC mensa, Dea nec dignata cubili est.

Oporteret aut CUI dictum, aut HOS. Nisi constaret à tempore *Quintiliani* † ita scriptum fuisse, in Codicibus

* *Daniel. Heinsii* Proleg. in *Exercitationes Sacras* p. 31. & seqq.

† *Inq. Crat. Lib. IX. c. 3.*

Virgilio, & Veteres Grammaticos circa loci sensum hæsitasse; vix etiam hic locus videtur manus Criticas evasurus fuisse. Ejus, ut & hoc obiter notemus, hic est sensus: "arride, puer, parentibus, quoniam inter Heroas olim futurus es; qui enim non arriserit parentibus, is neque conjugem Deam habebit, neque Dei ullius mensæ adhibebitur, quorum alterutrum priscis Heroibus contigit. Putabant enim Veteres risum maturum in infantibus prælagire aliquid magni. Plinius Lib. VII. c. 16. inter prælagia in infantibus observata hoc refert: *Risisse, eodem die quo genitus esset, unum*, inquit, *hominem accepimus Zoroastrem*, Similia quoque narrabantur de Cyro infante, qui ab Pastore regio ad uxorem delatus veluti ad notam allussit, ut loquitur Justinus Lib. I. c. 4. cujus hæc sequuntur verba: *tantusque in illo vigor, & dulcis quidam blandientis risus apparuit, ut Pastorem uxor ultrò regaret permitteret sibi, sive fortuna ipsius, sive spei sue puerum nutrire*. Nempe, risus Cyri magnum quidpiam portendere mulieri videbatur. Mensâ suâ Ixionem dignatus est Jupiter, unde *συμπότης Ἰωνος θεῶν* idem est Epicteto c. XXI. Enchiridii, atque ad Heroum dignitatem evehi. Hinc Pythagorei qui virorum præclarorum fato functorum animos in Heroum numerum referri censebant, teste Laërtio Lib. VIII. §. 31. suæ sectæ homines, quos cæteris omnibus haud parum antistare censebant, convivæ esse post mortem aiebant Plutonis & Proserpinæ; quod falsè rider Aristophon, in Pythagorista, Grotianorum Fragment. p. 843. ubi quempiam ex Inferis reducem inducit:

Ἔφη τε καταβὰς εἰς Νάρταν ὅτι κατω,
 Ἰδὲν ἐκάστος. Διαφύειν δὲ πάντοτε
 Τὰς Πυθαγορείους ὅτι νεκρῶν, μύνοισι δὲ
 Τύτοισι δὲ Πλάτωνα συγκατεῖν ἔφη.

Dicebat, cum descendisset in mansionem inferorum, vidisse se singulos, multum verò differre Pythagoreos à mortuis, solos enim illos dicebat Plutonis esse convivæ. Vide not. ad Scholiastem Luciani T. I. p. 31. Venus verò cubili dignata est Anchisen, Adonin, aliisque Heroas.

13. Lucæ C. XXI. 6. ejusmodi loquutio occurrit: *ταῦτα δὲ θεωρεῖτε, ἵνα ἴδονταί ἡμεῖς ἐν αἷς ἐν ἀρεθίσταις λίθῃσι λίθῳ, &c.* Hæc quæ videtis, venient dies, quibus non relinquitur lapis lapidi impositus, &c. Ubi nominativus *ταῦτα* nullum habet verbum quod sequatur. Ad quem locum consuli poterit Grotius. Sed plura ejusmodi Phrasium exempla suppediabit Sal. Glassius in Phil. Sacra Lib. III. Tract. I. Can. 28. licet

licet in eo erret quòd putet, initium phrasios absolute poni, & vim integri membri obtinere; ut Act. VII. 40. *Moses hic, qui eduxit nos de terra Egypti, nescimus quid factum sit ei.*

14. In numerum loquutionum mistarum referri possunt hæ Plantinæ, *facere patrem ne introeat*, pro *facere ut pater ne introeat*. Mostellar. Act. II. S. I. vers. 42. & * *absque eo fuisset, hoc fecissem, ἀντί τῆς, nisi is fuisset, hoc fecissem, aut, absque eo hoc fecissem.*

15. Fortè & quædam fuerunt in Linguis Græca & Latina alissque, constantis quidem usus, sed nullarum Regularum limitibus adstricta; quale est quòd in Gallica Lingua cernere est, in qua nulla regula proferri potest, quæ doceat quæ sint adjectiva substantivis præponenda aut postponenda. Sed illa ut plurimum nos latent, ut si Lingua Gallica perisset ex usu quotidiano, ne cogitaremus quidem de illà re, quam nos docuit usus,

Quem pene arbitrium est, & lex & norma loquendi.

Simile quidpiam in Græca Lingua fuit, si veteribus credimus Grammaticis. Photiana excerpta ex Helladio Bezzantino: *καλὸς καὶ ἀγαθὸς οἱ Ἀπικὸι λέγοντες, ἀγαθὸς καὶ καλὸς ὁ λέγων. καὶ τοὶ λέγοντες ἀγαθὴν τύχην, λέγουσι καὶ τύχην ἀγαθὴν: Attici dicunt καλὸς καὶ ἀγαθός, sed non ἀγαθὸς καὶ καλός, quamquam ἀγαθὴν τύχην dicant, & τύχην ἀγαθὴν.*

16. Si quis attentè Herodotum legat, multa in constructione anomalia occurrent. Exempli gratiâ, frequenter apud eum legas, *ἐμοὶ δοκέειν*, & *ὥς ἐμοὶ δοκέειν*, *mibi videri*, *ut mibi videri*, *ἀντί τῆς, ὥς ἐμοὶ δοκεῖ*, ut vulgò etiam loquuntur Græci. Nec dubito quin si semel aut iterum duntaxat eo usus esset Herodotus, nec alibi exstaret, id emendaturi fuissent Librarii aut Critici; verùm nimis frequens erat quàm ut casu factum videretur, ut sic in antiquis exemplaribus scriberetur, & alia erant infinita exempla cæterorum Græcorum Scriptorum.

17. Alia est phrasis, apud Græcos usitatissima, cujus exemplum est apud eundem Scriptorem Lib. IV. c. 163. ubi Infinitivus est loco Imperativi: *ὃν μὲν τοὶ παῖδες ἔτι κατέλθον εἰς τὸ πῶτον*, ad verbum, *tu quidem quietus esse redux in patriam*. Sic apud Homerum Iliad. I. vers. 255.

— σὺ δὲ μεγαλήτορα θυμὸν
ἴχνην ἐν στήθεσσι.

* Vide Int. Plauti ad Menæchmos. Act. V. S. 7. vers. 3.

Tu magnanimum animum habere in pectore.

Vide & vers. 281. Non potest subaudiri δὲ, oportet, quod alioqui subaudiri in ea phrasi solet, quia antecessit οὐ tu.

18. Poëtæ non rarò habent ejusmodi loquutiones. Sic Euripides in Hecuba, vers. 333.

Αἰ αἰ τὸ δῶλον ὅς καλὸν πεφύκειαι,
Τολμᾷθ' ἂ μὴ χεῖρ, τῇ βίᾳ νικώμενον.

Alh, ah, quàm malum est esse servum! sustinetur quod non oportet per vim visum. Ad quem locum, ita Scholiastes:

"Ὅμοιον τὸ δὲ Σοφοκλεῖ, οὐρ τοῦ ἐκείνου καὶ τοῦ ἐκείνου
Κρείωνος γὰρ ἦν δὲ καὶ μὴ δὲ ὡς ἡ ζωὴ τυφλός.

Ὅτι γὰρ ἐκεῖ δρεῖλων δεῖναι τὸ κρείττον δὲ τὸ ῥήματ', ἢ τὸ κρείττον μὴ εἶναι σὲ ἢ τῇ ζωῇ τυφλόν, ἢ τὸ τίθην δὲ τὸ ἐνδοματ'. ἢ τὰ καὶ ταῦτα, ἐφείκων τάχα τὸ πάντῃ καλὸν δὲ τὸ πεφύκειαι, ἢ τὸ τίθην δὲ τὸ ἐνδοματ'. Simile illi Sophocleo: Melius eras non amplius existens, quàm vivens cæcus; Quemadmodum enim ubi debebat jungere melius cum verbo, ut esset: melius erat non esse te quàm vivere cæcum, conjunxit cum nomine: ita & hic, cum deberet construere malum cum esse, construxit cum nomine. Talia multa ex Tragicis colligi possent.

19. In exclamatione hac quis Analogiam invenerit &

ὦ μοι ἐγὼ κακὸν! Hei mihi ego malorum;

Si detrahatur ἐγὼ, constat constructio, at ita frequenter occurrit apud Poëtâs Græcos & præsertim apud Euripidem, cujus hic est versiculus ex Hippolyto, 591.

20. Hæc satis superque sunt, ad ostendendam loquutionum ἀνωμαλίαν, quæ non parvum negotium facessit iis qui non sunt summopere exercitati in lectione Veterum; si quid præsertim occurrat, quod suâ naturâ obscurum sit. Nec dubito quin multa sint in Veteribus Codicibus, à Librariis emendata, quod non satis intelligerentur, quia de re alibi videbi-

CAPUT XI.

X.

**Ακυρολογία non debere cum tropicis vocibus aut figurata oratione confundi; neque ex ea Regulas confici posse.*

1. **P**RÆTER ea quæ Capite superiore notavimus, *ακυρολογίας*, alia sunt majoris momenti; quibus singulare Caput à nobis tribui oportere duximus. Primum est, viros eruditos sæpe improprium stylum, quasi tropicum, aut figuratum habere; ex quo errore fit ut quod per incuriam effusum est, id de industria dictum existiment, adeoque urgeant quod urgeri non debet. Ne in eundem scopulum impingamus, necesse est tropum, figuram, & *ακυρολογία*, accuratè definire.

2. Tropum definitur & *Quintilianus* *¶ Verbi vel sermonis à propria significatione in aliam, cum virtute, mutatio.* Vocem cum virtute idem significant ac *ὁν ἑμῶς*; unde colligitur est eam vocem tropicam esse habendam, quam selegit Scriptor, quod haberet vim majorem quam propria. Qui voluptatibus corporeis sunt dediti vocantur tropicè Porci, quæ vox id vitium plenius describitur, quam si eo infecti voluptatum corporearum nimium amantes dicerentur. Hinc etiam, Epicuri de grege porcus, est *ἡμῶς*, quàm si dicamus Epicuri in voluptate corporea felicitatem collocantis discipulum.

3. *Ακυρολογία*, quæ & *Κατάχρησις* vocant, † dicitur esse à Rhetoribus, quoties durius vocis alicujus significationem deflectimus ad aliam longè à propria recedentem. Ut autem durior sit deflectio, debet esse solito usui contraria; alioqui si usus vocem derorsit in alienam significationem à primigenia, id non amplius durè fit. Itaque non satis accurati sunt Rhetores, qui exempla *κατάχρησις* ex usitatissimis translationibus affertunt. Hisce rationibus moti *ακυρολογία* definimus, prout est tropis licitis & usitatis opposita, mutationem vocis, aut sermonis, à propria significatione in aliam, sine virtute. Ex hac definitione, negamus *ακυρο* esse tropum; quandoquidem tropus nullus est contra usum, aut sine *ἑμῶς* hujusmodi verò abusus vacuum hoc uno proprium sermonem superat, quod sic obscurior; cum enim ex solo usu de significatione vocum ju-

* Lib. VIII. c. 6. Instit. Orator.

† Vid. Vossij Instit. Orator. Lib. IV. cap. 12. §. 2.

dicemus, necesse est quæ ex usu colligi nequeunt, eas esse obscuras. Exempli causâ, si quis velit dicere sibi esse suum domesticum mactatum & sale conditum, & pro eo affirmet se habere aprum salsum; obscura & impropria erit oratio, at non tropica.

4. Schema, seu figura Rhetoribus est: Orationis forma, quæ ea alio quopiam modo, quàm propriæ significationis in alienam commutatione, à simplici ac communi usu immutatur in elegantiorē. Figurata est oratio hæc Theophrasti: *ὁ φιλονεικῶν κελνεῖν, ἀλλὰ κελνῶντα φιλεῖν*, non est tum deum iudicandum am amaveris; sed postquàm iudicaveris, amandum.

5. Est etiam *Ἀκυρον* quoddam figuræ oppositum, quo ita commutatur oratio, ut simplice sit minùs elegans & obscurior. Simplex hæc esset oratio: *ὁ πρῶτον κελνεῖν καὶ ἔπειτα φιλεῖν, καὶ ἔπειτα τῇ φιλίᾳ ὑπερῷ*. Oportet prius iudicare, dein amare; non iudicium ferre, post amicitiam contrariam. *Ἀκυρον* verò hæc esset: *ὁ δὲ ὁ φιλονεικῶν κελνεῖν, ἀλλὰ φιλεῖν κελνῶντα*. Hoc enim situ vocabulorum, à simplici abhorrente, fit sequentia tantùm obscurior, non elegantior.

6. Si autem contingeret aliquem ad eò esse verborum furorū indiligentem; ut simul voces usurparet *καταχρησάμενος*, seu contra usum, & orationis ordinem turbaret, is censeretur *ἀκυρολογίας* summum apicem cōsequutus. In hoc vitium, ex nimio grandiloquentiæ studio, delapsi sunt non rarò Poëtæ Dithyrambici, quos summo opere admirata est Græcia. Exemplum esse potest initium primæ Odyssiæ Pindæ, in Olympionica:

*Ἄλκιον καὶ ὕδαρ, ὃ δὲ
χρυσὸν αἰθόμενον πῦρ,
αἵ τε διαπρήψιν
καὶ, μέγαρον ἔξοχα πλέτα.*

5. *Εἰ δ' ἄεθλα γαγῶν
ἔλθαι φίλου ἕτορ,
μηκὶν ἀλὶς σκόπε
ἄλλο θαλπρότερον
ἐν ἀμείρᾳ φανόν ἄερον.*

10. *ἱρήμας δὲ αἰθέρος.
μὴδ' Ὀλυμπίας ἀγῶνα
φίεττον ἀνδρίσιν, καὶ τὰ ἔξῃ.*

Optima quidem est aqua,
Aurum verò, ardentis ignis
Instar, excellit noctu,
Eximie inter superbificas divitias,
Si verò certamina narrare

Gestis, & charum cor,
 Ne amplius sole contempleris.
 Aliud foventius, aut calidius
 Interdum lucidum astrum,
 Desertum per atherem,
 Neque Olympiæ certamine
 Præstantius dicemus, &c.

7. Primum verbum *διαπρίπης*, deigne noctu fulgente, non potest dici, nisi per abusionem; nam ea vox significat tanelum excellere; sed Pindarus ea hic usus est, quod conveniat divitiis & auro, ac possit propriè dici χρυσὸς. ἑξοχα πάλαι διαπρίπην aurum eximie inter divitias excellere. Ἄστρον quidem est etiam ἀστὴρ ὁ ἀστὴρ per abusionem dictum; sed quia frequenter hoc fit, novum videri nequit. At vox *δάλπνιτερον* est alieno loco, nam quæ stellæ die apparent præter Solem, Lunam & Luciferum, nullo modo *δάλπνιτερον* foveant aut calefaciant; quod sine dubio Pindaro ignotum non fuit.

8. Præterea ordo vocabulorum est adeo conturbatus, & oratio adeo hinc inde, ut sine paraphrasi à Syronibus intelligi nequeat Poëta. Scio eos qui omnia mirantur, quæ admiranda est Antiquitas, reposituros stylum hunc esse Dithyrambicum, qui talia ferat; quod ego quidem ultro confiteor; sed contendo esse hæc ἀκρολογία, quantumvis hisce Poëtis licitas, quas quo jure permiserint aut admirati sint Græci, nunc non inquirō. Nolim etiam hæc ita intelligi, quasi negarem subinde egregios sensus sub illis verbis latere, aut veræ laudi Pindari quidquam detractum vellem.

9. Secundum, quod hoc in Capite observavi dignum existimavi, est ex ejusmodi stylo certas Regulas consilari non posse; quibus significatio vocabulorum perspicue definiatur, aut orationis ordo certus statuatur. Hujus rei ratio est, quia nemo in ἀκροεῖα incidit arte, sed negligentia, quæ varia est, nec, quidquam constans habet; aut furore quodam poetico, qui negligentiae similis est; ac proinde non possunt certarum Regularum fundamenta præbere. Ex eo quod Pindarus hic voce *διαπρίπην* utatur, de igne verba faciens, malè collegeris eâ significari fulgere, quod nulla alia significatio igni nocte accenso accommodari queat, nam non ita pensitabat voces Pindarus. Perperam etiam collegeris Lunam & Luciferum esse stellæ quæ *δάλπνιτερον* Sole, quod idem dixerit nullum esse astrum *δάλπνιτερον* Sole, inter ea quæ interdum cernuntur; neque enim Poëta cogitavit esse quidem tres stellæ *δάλπνιτερον*, sed nullam earum Sole *δάλπνιτερον*. Spiritu poetico plenus vaticinatus est, non ad placidæ ratiocinationis

nis normam, sed pro æstu furoris quo rapiebatur. *Præcipitabat, ut verbis utar Petronii, liberum spiritum, ut potius furentis animi vaticinatio appareret, quàm religiosa orationis sub testibus fides; quod fieri ille volebat à Scriptore Belli Civilis.*

10. Hisce positis, si quem norimus Scriptorem, qui in singulis verbis sæpe sit ἀκυρολόγος, & in structura orationis Regularum negligens; eum oportebit fateri difficilem esse intellectu, nec ad certos quosdam Grammaticos, aut Criticos Canonas nimium exigendum. Qui studiosè Novi Testamenti libros legerunt, & præsertim Pauli Scripta, faciliè animadverterunt, ea scatere ἀκυρολογίαις, si umquàm hac de re seriò cogitârunt. Neque enim moror eos, qui non tam dicunt quod nôrunt; quàm quod, ex præconceptis eorum judiciis, esse deberet, ideòque omnia ad suos detorquent opiniones. Eò confidentiùs hac de re loquor, quòd possim doctissimos quosque Patrum Græcorum, de Idionico Apostolorum stylo loquentes, si velim, in medium adducere. Unum hîc, omnium vice, audiamus Eusebium, Hist. Eccles. Lib. III. c. 24. ubi ita de Apostolis: ἢ βίον ἀκρῶς καθαριμένοι, καὶ ἀρετῇ πᾶσι τὰς ψυχὰς κεκοσμημένοι, ἢ δὲ γλώτταν ἸΔΙΩΤΕΤΟΝΤΕΣ, τῇ γὰρ μὴν πρὸς τὴν σωτῆρα αὐτοῖς διδωρημένην θεῖαν καὶ παραδοξοποιῶν δύναμιν παρσύντες, τὸ μὴ ἐν πενιότητι καὶ τέχνῃ λόγων τὰ τῷ διδασκαλῷ μαθήματα προσδένειν ὅτι ἡδίστην, ὅτι ἰσχυρίαν: interprete H. Valesio: cum essent vitæ quidem ac moribus castigatissimi, & omnibus virtutibus ornati, sermone autem isorudes essent atque inculti; freti divina & mirifica virtute ipsi à Servatore concessa, artificioso verborum ornatu magistrî sui præcepta exponere neque noverant, neque item conabantur.

11. Hinc colligere est, non ex Rhetoribus esse explananda ejusmodi Scripta; si quæ enim occurrunt fortè figuræ, aut si qui sunt tropi, ex calamo Scriptorum sacrorum, de verborum delectu nequaquam cogitantium, sponte suâ fluxerunt. Toties in Rhetoricam peccant, ut satis appareat, non ex ficta quadam modestia, ut nonnulli volunt, se ἰδιώτας λόγων dixisse; sed ex rei conscientia. Cavendum etiam est ne quia alicubi, ut sensus constet, voci cuiquam tribuenda est significatio quædam, putemus inde Canonem confici posse eâ voce, apud Paulum, exempli causâ, hoc solere significari. Sic 1 Cor. XII. 12. hæc verba ὅτι καὶ ὁ Χεῖρς, ut constet comparisonis ratio, debent ita παραφραστικῶς exponi: ita quoque se habet Ecclesia Christiana. Attamen inde non poterit colligi, in stylo Pauli solere quandoque Χεῖρς significare Ecclesiam; nec Paulus rogatus an ea vox id significaret, dixisset se eam protestatem illi voci subjicere solitum esse. Est, nempe ἀκυρον, quod vitærenoluit, uri nec innumera alia; non vox certo animi judicio delecta.

12. Hujusmodi sermonem ut rectè ubique adsequamur, oportet nobis aliunde res de quibus loquuntur Scriptores esse notas, nosque scire quantum Scriptorum illorum cognitio paruerit; præter consuetudinem ejusmodi sermonis. Hæc autem subsidia cum nobis magna ex parte desint, non est sperandum singula quæque apud eos clarè posse intelligi. Generalis duntaxat, & obscurior notio ut plurimum suppetit, in qua acquiescamus oportet, quando ulteriùs progredi non licet. Cum verò singulæ voces, aut loquutiones non sint delectatâ operâ, nec aliis certa de causa prælatæ, non sunt nimium urgendæ, neque subtilioribus consectariis aptandæ. Quod si fieret, inanes multæ ex Scholastica Theologia eliminarentur opinioniones, atque exitiis controversiis finis imponeretur.

CAPUT XII.

XI.

Multa esse propter constructionem ambigua.

1. **N**ON uno loco, egimus de ambiguitatibus ex variâ & incerta significatione vocum nascentibus; sed alia supersunt non minoris momenti, ex structura orationis manantia. Si votis emendari præterita possent, optarem constantiores homines fuisse, & uni constructioni, aut unum, aut quàm paucissimos saltem sensus attribuisse. Sed quoniam hæc vota non modò in præterita, sed ne in futura quidem, vim ullam habent; nihil superest, nisi ut moneamus de ea ambiguitate Antiquitatis Studiosos. Cæterum sicuti in sermone hominis Regulæ non attendentis, mistæ loquutiones occurrunt, quales Capite X. vidimus: ita & ex simili incuria, nata est structuræ ambiguitas.

2. Possemus ex variis Linguis multa exempla congerere, & præsertim ex Latina, ambiguarum constructionis. Sed unicuique proferemus, quod ad plerasque Linguas pertinet, & latissime patet. Id petitum est ex conjunctione duorum Substantivorum, quorum alterum est in Genitivo, quâ constructione plerasque Relationes significamus; quarum aliquot partim aliis observatas, partim intactas recensebimus.

3. Genitivo ergo exprimitur *Relatio Totius ad Partem*; ut in hisce loquutionibus, *Caput Ecclesiæ, Fundamenta Ecclesiæ, Columnæ Ecclesiæ*. In prima loquutione, Ecclesiæ quasi corpus humanum

humanum consideratur, cujus membrum est Caput, licet præcipuum. In duobus reliquis Ecclesia edificio confertur, cujus partes sunt Columnæ & Fundamenta.

4. *Partis ad Totum*, ut *Corpus Christi*, cum de Ecclesia dicitur, nam Christus est pars, nempe, Caput; quod cum reliquis membris conficit totum illud Corpus, quod Ecclesia vocatur. Observandum tamen in ea phrasi interdum *Corpus* non pro integra Ecclesia, sed pro ejus, ut ita dicam, trunco, prout distinguitur à Christo capite, ἀντιστηνόμενος sumi; quo loco Genitivus designat *Relationem* partis ad partem. Ita sumitur ad Coloss. I. 24. ὑπὲρ τοῦ σώματος αὐτῆ pro corpore ejus, ubi corpus vocantur Christiani, excluso Christo.

5. *Partis ad Partem*, ut *membrum Christi*, nam Christus est pars corporis, cujus sunt membra Christiani. Ita Paulus prioris ad Corinth. VI. 15. Ἄν τις ἐκ τῶν ἐκείνων, inquit, corpora vestra esse membra Christi? Novi equidem eruditos viros hinc voce *Christi* intelligere Ecclesiam, sed ea interpretatio durior est.

6. *Subjecti ad accidens*, vel *attributum*; ut I. Cor. I. 21. μωλὴ τοῦ κηρύγματος, stultitia prædicationis, est stulta prædicationis, seu quæ hominibus stulta videtur. Gal. IV. 4. ἡλικία τοῦ χρόνου, complementum temporis, est tempus impletum. Ephes. IV. 29. οἰκοδομὴ χειρὸς, edificatio usus, est usus edificans.

7. Vice versa, *Accidentis ad subjectum*. Proverb. XXIX.

8. viri derisionis, sunt homines derisores. Esai. LII. 1. urbs sanctitatis est urbs sancta. Judæ commate 18. ἐπιθυμίας καὶ ἀπολαύσεως sunt cupiditates impie. Latini sic passim dicunt *virum bonæ indolis*, &c.

8. *Causæ efficientis ad effectum*, ut *Aeneis Virgilii*, *Orationes Cicéronis*, &c. Esd. I. 7. *Facultas Cyri*, Regis Persarum, est facultas à Cyro, Persarum Rege, concessa. Esai. LIV. 12. לְמֹרֵי אֱלֹהִים limmoudes elohim, διδασκαλὸς τοῦ θεοῦ, quæ locutio etiam occurrit Joan. VI. 45. dicuntur edocti à Deo. Matth. XXV. 34. εὐλογημένοι τοῦ πατρὸς sunt benedicti à patre.

9. *Effectus ad Causam*, ut *Creator mundi*, Luc. I. 69. Κεφαλὴ σωτηρίας est cornu, seu potentia salutem afferens, Rom. V. 18. δικαιοσύνη ζωῆς est justitia quæ vitam parit. In eadem Epistola, Cap. XV. 5. *Deus consolationis* & *patientie*, dicitur Deus qui utramque creat. *Anacharsis oleum* μανίας φάρμακον vocabar, quod eo uncti Athletæ insanorum instar in amicos pugnarent, auctore *Diogene Laërtio* Lib. I. §. 104. Nisi nota esset occasio, quæ ea voce usus est Scytharum sapientissimus, nemo non crederet *insaniæ remedium* vertendum, non *pharmacum*, quo ad insaniam adigerentur. Sic, apud *Lucianum* & *μαρποβίαις*, di-

citur panis hordeaceus haberi *ἔξυδερκίας φάρμακον*, apud Chaldaeos, *medicamentum quo perspicaciores fiunt*, non quo dematur perspicacia. At contrario sensu Sotioni, apud Stobæum Serm. CXIII. *παρμυθία* dicitur *φάρμακον ἀνίας μέγιστον*, maximum tristitiæ remedium.

10. *Causæ finalis ad effectum*; ut oves *μακτάtionis*, *ἀπὸ καταστροφῆς*, Psalm. XLIV. 23: Rom. VIII. 36. sunt oves ad *μακτάνδum* destinatæ. Ita & Matth. II. 8. *ἄστρον αὐτοῦ*, ubi sermo est de Christo Judæorum Rege, est stella eo fine in cælo accensa, ut significaret eum esse natum. *Virgilius* similiter dixit, Ecl. IX. 47.

Ecce Dionæi processit Cæsaris astrum,

hoc est, stella in eam finem lucens, ut honori Cæsaris consuleretur.

11. *Objecti ad rem quæ in id fertur*; ut Matth. X. 1. *ἐξουσία τῷ πνεύματι* potestas spirituum, id est, in spiritus agendi. Luc. VI. 12. occurrunt hæc verba: *ἔγ περνοκτάειν Ἰησοῦς ἐν τῇ προσευχῇ τοῦ θεοῦ*, in oratione Dei; hoc est, in precibus ad Deum fusis. Act. IV. 9. *ἔργασία ἀνθρώπου ἀδενῆς* est beneficium in hominem infirmum collatum. Marci XI. 22. *Fides Dei* est fides in Deum, Act. III. 16. *Fides nominis Ἰησοῦ* est fides in Jesum. Rom. III. 22. *Fides Ἰησοῦ Christi* eadem dicitur animi affectio, ut & *Fides filii Dei* Gal. II. 20. Potest huic Genitivi significationi addi ea, quæ designatur relatio objecti ad actiones mentis, ut *meditatio mortis*, *cogitatio belli*, &c. Plura ejusmodi exempla existant apud J. F. Gronovium ad Livii Lib. XXIV. c. 26.

12. *Rei, quæ objectum spectat, ad objectum*; ut Rom. XV. 13. *Εὐδὲς ἐλπίδος*, *Deus spei* dicitur in quo spes collocata est.

13. *Materiæ ad rem quæ eâ constat*; ut vas auri. Ita sumuntur tunicæ pellis Gen. III. 21. *Arca lignorum Gopher* Gen. VI. 14. & similia passim.

14. *Possessoris ad rem possessam*; ut *pecus Melibæi*, & innumera alia. 2 Sam. XII. 8. *Dedi tibi domum Domini tui & uxores Domini tui*, hoc est, quas possederat Dominus tuus. Huc etiam referri potest ambiguitas, quæ occurrit in titulo *Ethicorum Nicomacheorum* Aristotelis; cum enim *Ἠθικὰ Νικομαχεῖα* significare possint *Ethica à Nicomacho* scripta, æquæ ac ad *Nicomachum*, plurimi ea Nicomacho Aristotelis filio tribuerunt, inter quos Cicero Lib. V. de Finibus, c. 5. *Teneamus Aristotelem & ejus filium Nicomachum, cujus accuratè scripti de moribus libri dicuntur illi quidem esse Aristotelis, sed non video cur non potuerit patri similis esse filius.* Fuit & aliud opus Aristotelis inscriptum,

inscriptum Τέχνη Θεοδικτα, quod similem peperit errorem. Quintilianus Lib. II. Cap. 15. Non dissensit Theodectes, si e ipsius id opus sit, quod de Rhetorica nomine ejus inscribitur; siue, ut creditum est, Aristotelis. Valerius Max. Lib. VIII. c. 14. 3. Aristoteles Theodecti discipulo Oratoriæ artis libros, quos aderet, donaverat; molestæque postea ferens titulum eorum sic alii cessisse; proprio volumine, quibusdam rebus insists planius, sibi de his in Theodectis libris dictum esse adjecit.

15. Contenti ad continens; ut ἀλάστρον μύρον, vas unguenti Matth. XXVI. 7.

66. Individui ad speciem; ut fluvius Rhodani, oppidum Lugduni; ad quam phrasin etiam referendum monstrum hominis, hoc est, homo inter monstra recensendus,

17. Jussoris ad rem jussam; ut opera Dei, Joan. VI. 28. licet Grotius interpretetur opera grata Deo. Ita Rom. 1. 17. δικαιοσύνη Θεοῦ est justitia à Deo præcepta, non verò quæ à Deo efficitur, & ut Dei opus Deo placet, uti habet idem vir summus. Paulus ait vers. 16. se non erubescere Evangelium, cum sit virtus Dei in salutem omni credenti, Judæo primum, dein Græco, & postea subdit: Justitia enim Dei in eo revelatur, hoc est, justa præcepta Dei, justæ leges à Deo latæ: ex fide, in fidem; id est, quâ cognita, Judæi ex fide quam adhibebant Prophetis, atque Ethnici majoribus suis transferuntur ad fidem adhibendam Christo. Ita etiam sumitur Rom. III. 22. 23. & Jacob. I. 20. Atque inde per translationem, obsequium justæ Legi divinæ præstitum significat, 2. Cor. V. 21. & 2. Pet. I. 1. Si quis miretur ita nos hæc interpretari, meminerit frequentissimæ loquutionis, præcepta Dei; quâ aliud nihil significatur, nisi præcepta à Deo hominibus tradita.

18. Similitudinis rei alicujus cum alia; ut Esa. I. 10. Ductores Sodomæ, sunt proceres Sodomitis similes, & populus Gomorrhæ, est plebs similis Gomorrhensi. Jerem. XXII. 19. sepultura asini, est ei similis quâ sepeliuntur asini.

19. Affinitatis aut Consanguinitatis; ut Matth. I. 5. ἡ τῆς Οὐλῆς uxor Uriæ, & apud Virgilium, Hectoris Andromache. Plerumque, apud Græcos, in Genitivo ponitur parentum nomen; ut Πλάτων Ἀριστοῦ Plato Aristonis filius. Quamquam in eo non sunt constantes, etenim Ἀπολλόδωρος Ἀσκληπιδῆς non modò filius Asclepiadæ exponi, sed etiam pater, discipulus, amicus verti potest; qua de causa, inter eruditos non satis constat quæ conjunctio Apollodoro cum Asclepiadæ intercesserit, qua de re videndus Th. Gale, in Dissertatione Apollodori Bibliothecæ præfixa.

20. Genitivus rei affinis intendit, apud Hebræos, significationem, ut Ezech. XXXIX. 4. volucres avium, sunt omnis generis

neris aves. 2 Pet. II. 17. & Jud. vers. 13. *ζυφὸς τὸ σκότος* caligo tenebrarum significat densissimas tenebras. Apud eosdem Hebræos, sæpe idem substantivum repetitur, ut *vanitas vanitatum, canticum canticorum, sanctitas sanctificationis*, quibus summus gradus vanitatis, excellentia summa cantici & sanctitatis significatur. Apud eosdem, *Deorum Deus* est summus Deorum, seu eorum omnium, qui Dii vocantur; quem Platonici *ἀληθεῖα θεῶν* vocant, quod sit excellentiori modo Deus quàm alii, ut vidimus Cap. III.

21. Observare est etiam, hoc in loco, per hypallagen transponi substantiva, aded ut id in genitivo sit quod in nominativo esse debuit. Ita Ezech. XXI. 30. 34. *iniquitas termini* occurrit, *ἄντι τὸς terminus iniquitatis*, hoc est, dies, quâ iniquitati præstaturâ, impios Deus ulturus erat. Rom. IX. 21. *ὁ νόμος δικαιοσύνης* est pro *justitia legis*, ut apparet ex oppositione antecedentis versus, ubi dicuntur Gentes, *que non sectabantur justitiam, eam consequuti sunt*, cùm Judæi qui sectabantur justitiam legem, eam assequuti non sint. Apoc. XXI. 24. *ἔθνη τῶν σωζομένων*, sunt *σωζόμενοι τῶν ἐθνῶν servati ex Gentibus*.

22. Interdum & adjectiva loco substantivorum genitivum regunt, ut Prov. XIV. 1. *Sapientes mulierum*, pro *sapientibus mulieribus*, & apud Poëtas Græcos, *θεὰ θεῶν* divina Dearum, pro eximia Dea. Ejusmodi plurima sunt, apud Græcos, Hebræos, & Latinos.

23. Animadvertendum præterea est pronomina possessiva, loco horum genitivorum, passim poni. Ita Gen. XVI. 5. Sara loquitur de injuria, quâ ab Hagara affecta fuerat: *הַמֶּסְעֵי עָלַי* *hammasi halecha*, injuria mea super te, hoc est, injuria, quæ mihi fit, ad te etiam pertinet. Quam constructionem cùm ad animum non revocarent *οἱ* LXX. Vulgatus & tres Chaldæi Intt. sensum loci non assequuti sunt, qui tamen facillimus est. Itaque quæcumque dicta sunt de substantivis in genitivo casu, intelligi debent de Pronominibus Possessivis, quæ proinde memoratas relationes significant.

24. Hinc quantæ nascantur ambiguitates, ubi res ejusmodi phrasi expressa aliunde nota non est, facile est intellectu, præsertim accedente æstu controversiarum. Ita quæsitum, inter Theologos, quid significant Colos. I. 24. *τὰ ὑπερβλήματα τοῦ σώματος τοῦ Χριστοῦ*, & alii quidem contenderunt, illa *supplementa per passionem Christi* esse satisfactiones nescio quas Sanctorum; alii verò calamitates piorum, quæ Christo, qui in iis quasi in membris suis patitur, tribuantur. Cùm controversiâ de humanis satisfactionibus natâ, hic locus vexaretur, neutri videntur sensum ejus assequuti. Primum ergo *σώματος τοῦ Χριστοῦ* erant *afflictiones*, ad quas Christus Paulum Act. IX. 16. parare se voluit,

luit, nominis sui causâ ferendas. Itaque hic Genitivus designat *causam finalem*. Secundò *ὑπερήματα* sunt quæ Paulo, præter ea quæ jam passus fuerat, supererant ferenda ad mortem usque; hoc est, quæ tulit, ex quo primùm in vincula conjectus Romam abductus est. Deinde *ἀντανάληξ*, quo verbo hic utitur Paulus, significat *vicissim* nunc Christi causâ *patrior*: quemadmodum finilia olim pati coëgeram (est ea vis præpositionis *ἀντι*) alios, &c.

25. Alia haud absimilis est controversia inter Eruditos nata, de sensu phræseos *justitia Dei*, quæ occurrit Rom. I. 17. Alii volunt *justitiam Christi*, qui cum Patre *Deus est*, quæ nobis quasi nostra imputetur, intelligi; ut opponatur justitiæ hominum, quæ sita sit in observatione Legis per homines præstita. Alii justitiam *quæ à Deo efficitur*, & ut Dei opus Deo placet. Alii benignam illam Oeconomiam, quâ Deus acceptos habet ac remuneratur, quicumque fidem ac præcepta Christi amplectuntur. Alii justificationem, quæ à Deo proficitur, per fidem in Christum. Alii in præstandis promissis Dei fidem. Alii justitiam in puniendo sitam; & quid non? Quæ interpretationes ita pleræque à suis auctoribus defenduntur, ut æquæ verisimiles sint, nec quàm, cæteris missis, amplecti te oporteat satis liqueat. Atque hoc oritur ex ambiguitate constructionis.

CAPUT XIII.

XII.

Ut probè intelligatur Scriptor quivis, consuetudines, & opiniones popularium ejus esse tenendas.

1. ANTEA sæpiùs observavimus, ubi verba Scriptoris cujuscumque sunt ambigua, nisi aliunde nota sit ejus sententia, vix ea posse intelligi, si agatur res, quæ non fuerit semper omnibus æque perspecta. Nunc rem, quia majoris est momenti, pluribus persequemur.

2. Scriptores quidem, qui suæ ætatis, suæque Gentis historiam scribunt, rarò ejus exponunt opiniones & consuetudines; sed ad eas passim non modò clarè, sed etiam obscurè alludunt, & loquutionibus utuntur inde patis. Res adeò nota est, ut neque argumentis, neque exemplis indigeat; cum, vel aperto quovis Veteris Scriptoris Interprete, assatim

sefe sint præbitura. Monendum tamen duximus, ne omiffisse videremur, & eadem de causa, unicum proferemus exemplum.

3. Notum est Paulum * sæpe ad Græcorum ludos alludere; nulli tamen Interpreti, quem norim, observatum est Apostolum Rom. IX. 16. eò respicere, ubi dicit: *Non est volentis, neque currentis, sed Dei miserantis*. Nempe, in ludis, ubi cursu certabatur, præmium non erat *volentis*, sed celerius aliis *currentis*; at sunt quædam, quæ neque sunt *volentis*, neque *currentis*, hoc est, nitentis, quia ab industria humana non pendent; quod videtur παρομιμῶδης dictum de iis omnibus, quæ ne conatu quidem assequi datur. Hoc comprobatur versiculo incerti Poëtæ, qui in † Grotianis Excerptis exstat:

Ἀνὴρ ἀβουλῶς εἰς κατὸν μοχθεῖ τρέχων.

Vir inconsultus frustra laborat currens.

Fertur & dictum παρομιμῶδης, de iis qui conantur aliquid obtinere, sed non iis artibus quibus par est: Καλῶς μὲν τρέχουσιν, ἀλλ' ἐκτὸς τῆ ὁδοῦ: *bene currunt, sed extra viam*. Vult ergo Paulus, Judæos, licet maximè vellent esse populus Dei, & tales soli haberi niterentur; cupiditate, aut conatu non affequuturos quod quærebant; quia pender hoc ex arbitrio Dei, qui solus in populi sui jura, quoscumque vult, adlegere potest.

4. Ex eadem origine orta est phrasis, apud optimos Scriptores non infrequens, τρέχειν περὶ ἑαυτῶν. περὶ ψυχῆς, & plenius τρέχειν κίνδυνον ὑπὲρ τῆ ψυχῆς, *currere periculum pro anima*; manifesta enim est ad ludos allusio, de qua tamen si quis dubitaret, posset pertinaciâ suâ depelli, exemplo ex Dionysio Halicarnassæo, qui dixit ὑπὲρ τῆ ψυχῆς ἀγῶνα τρέχειν, *certamen currere de anima*. Phrascos hujulce exempla congestere D. Erasmus in Proverbiis, ad vocem *Discrimen*, ‡ Gulielmus Budæus in Comment. Græcæ Linguae, & Æmilius Portus in Lexico Ionico.

5. Quod dixi modò §. 2. de Consuetudinibus, id de Opinionibus dicendum, ad quas & clarè & subobscurè passim alluditur, & unde etiam variæ loquendi formulæ desumptæ sunt, ut omnibus notum est. Nec opus est ea de re quidquam afferri, præter ea quæ diximus P. I. C. I. §. 3.

* Vid. 1. Cor. IX. 24. Gal. V. 7. Coloss. II. 18.

† Pag. 927.

‡ Pag. 958. Ed. R. Stephani.

6. Verùm hîc aliud observandum, quod ita tritum non est, nec tamen exigui est in hoc negotio momenti. Nempe, quivis Scriptores solent opiniones eorum, de quibus loquuntur, & res gestas exprimere verbis & phrasibus Scriptorum ipsorum ævo usitatis & apud Gentem, cujus Linguâ utuntur, receptis; nullâ sæpe habitâ ratione sermonis eorum, de quibus scribunt. Nisi hoc ad animum revocarem, phrasæ variarum Gentium, & diversorum sæculorum confunderemus; dein etiam facillè opinionem Scriptorum iis tribueremus, quorum scripserunt historiam, & qui eadem fortè non senserunt.

7. Moses in Libro Geneseos, ubique utitur nomine Dei Hebræorum *Jehovah*, vel potiùs *Javoh*, seu ipse aliquid narret, seu inducat Deum loquentem; licèt Deus id nominis non gesserit, ante Mosi tempora, ut liquet ex Exod. III. 15. ubi vide quæ notavimus. Imò etiam, quando de Ethnicis loquitur, eodem modo rem exprimit, ac si sermo de Hebræis esset. Ita, XXXIX. 3. de *Potiphare Ægyptio*: *Et Dominus ejus vidit Javoh esse cum illo* (nempe, Josepho) *& omnia quæ gereret ab eo secundari*. Unde non sequitur à Potiphare agnitum Josephi Deum, sed tantùm Scriptorem Hebræum de homine Ethnico, Hebraicâ loquendi formulâ, verba fecisse.

8. Similiter 1 Samuel. XXIX. 6. *Achis Philisthæorum Rex* inducitur jurans per *Javoh*, more Hebræo. Qua de re hæc, quæ huc transferantur digna, notavit * *Lud. Capellus*: "Videtur potiùs jurasse per nomen Dei alicujus Philisthæorum, quæ jurandi ratio & formula, cum tam sancta Philisthæis esset, quàm erat Judæis ista, *vivit Jehovah*, inducitur propterea, in historica narratione, quasi usus esset istâ formulâ. Sic si quis vellet stylo Terentiano, aut Plautino, hoc est, merè Latino, Comœdiam scribere, cujus argumentum esset Historia aliqua sacra Abrahami, Isaac, Jacobi aut aliorum Vet. Testamenti Patriarcharum, si viros illos induceret jurantes *Mecaster*, *Edopol*, &c. non hoc vellet significare viros illos sanctos, aut usos esse vocibus illis, aut per Deos illos profanos Ethnicorum jurasse; sed hoc duntaxat vellet usos eos fuisse jurejurando communi inter Judæos tunc temporis, qualia fuerunt ista inter Latinos.

9. *Tacitus Hist.* IV. c. 81. narrat duos ægros monitu *Serapidis Dei Vespasianum* adiisse, cum *Alexandriæ* moraretur, ut ab eo curarentur; quod quomodo factum fuerit ubi narravit, ait se originem Dei Scriptoribus Romanis nondum celebratam ostensurum. Inde narrat quomodo *Ptolomæus Lagi* statuam illius Dei ex agro Sinopenfi, ad Pontum Euxinum, advehi in

* Not. Crit. in Exod. VI. 2.

*Ægyptum curaverit, templumque ei exstruxerit, loco ubi fuerat Serapidis & Isidis Sacellum. Igitur quod initio hunc Deum Serapidem vocavit, id fecit more ejus, temporis Ægyptiorum, qui antiqui apud se Numinis nomen imposuerant ignoto. hæc tamen in Ægypto Deo; & qui, diu postquam Serapis apud eos colebatur, eo advectus fuerat. Si more Græco loquutus esset ei Numinis Græci nomen imposuisset; nec deerant qui ita loquerentur: Deum * ipsum multi Æsculapium, quod medeatur corporibus agri; plerique Jovem, ut verum omnium potentem; plurimi Ditem Patrem, insignibus quæ in eo manifesta, aut per ambages conjectant.*

10. Idem Scriptor Hist. Lib. V. c. 5. dicit Judæos *non Numen intelligere, summum illud & æternum, neque mirabile, neque interitum; mox oblitus unitatis Dei Templum Judæorum intolentis, more Romano narrat, c. 13. expressis repente delubri fores, & auditam majorem humanâ vocem, excedere Deos, simul ingentem motum excedentium. Nempe, more gentili, de Judæorum Deo *ϑεοῦ τῶν Ἰουδαίων* loquutus est.*

11. Germaniæ Cap. IX. describit veterum Germanorum Religionem: & Deorum, inquit, maxime **MERCURIUM** colunt, cui certis diebus humanis quoque hostiis litari fas habent. **HERCULEM** ac **MARTEM** concessis animalibus placant; pars Suevorum & **ISIDI** sacrificat. Incantus Lector facile crederet, hisce animadversis, Germanos eosdem Deos, ac quos Græci colebant, habuisse; qui si nominibus quidem differerent, constare eadem fuisse Numina. Sed in eodem Opere, idem Tacitus testatur Germanos aliis nominibus usos, nec cum vicinis ulla habuisse commercia, aut exigua; nedum cum Græcis, à quibus proinde Religionem accipere non potuerant. Itaque memoratos Deos à Germanis cultos intelligendum est interpretatione Romanâ †, ut alibi loquitur Tacitus, de Suevorum Religione verba faciens: Deos, inquit, interpretatione Romanâ, Castorem & Pollucem memorant: hoc est, Deos quosdam, quos Romani judicant eosdem esse, ac Castorem & Pollucem.

12. Si quis quæsierit, unde nascerentur ex Romanorum interpretationes, sciat oportet Ethnicos confudisse Deos Regionum peculiares cum Diis Universi; ideoque facile credidisse, quos ipsi in patria colebant, eosdem cum aliarum Gentium præcipuis Diis, licet nomina non convenirent; quam in opinionem delabebantur facilius, si viderent statuas habere quid simile, aut non absimilia, aliqua ex parte, de utrisque Diis narrari. Tacitus, eodem in Libro, c. IX. postquam dixit à

* Ibid. c. 48.

† Ibid. c. 43.

Suevis Isidi sacra fieri, subjicit: unde causa *Et origo peregrino*
Sacro parum comperi, nisi quod signum ipsum in modum Liburne
figuratum docet advectam Religionem. Cicero de Nat. Deorum
 Lib. I. n. 81. *Jovem, Junonem, Minervam, Neptunum, Vul-*
canum, Apollinem, reliquos Deos eâ facie novimus, quâ pictores,
sculptoresque voluerunt; neque solum facie, sed etiam ornatu, etate,
atque vestitu. At non Egyptii, nec Syri, nec cuncta ferè bar-
baria. Hinc tamen Numen idem esse ac Isidem judicatum,
 quod Isidi sacrum esset navigium. Simili de causa Herculem
 à Germanis cultum existimarunt Romani, * eodem *Tacitus*
 auctore, cujus hæc verba sunt de locis ad Septentrionalem
 Oceanum sitis: *Ipsium quoniam etiam Oceanum illa tentavimus, Et*
superesse adhuc Herculis columnas fama vulgavit; sine adiis Her-
cules, seu quidquid ubique magnificum est, in clarissimam ejus
referre consuevimus. Quæ in memoriam revocant quod de
 Sebah-Abba Persarum Rege narrat *P. Kallensis*, in Itiner. Ep.
 "IV. Erhabado datâ. Is aiebat suum *Alim*, apud Christianos
 "etiam, sanctum haberi, eundemque esse quem Hispani
 "Sanctum Jacobum vocitarent, aut quem alii Christiani San-
 "ctum Georgium appellare solebant. Gladium enim, quem E-
 "quires S. Jacobi è collo pendentem gererent, esse invictum
 "illum *Alis* gladium; eos verò, apud quos S. Georgius diceretur
 "eum pingere similiter armatum gladio & lanceâ, & eum
 "equo pugnasse, strenuûmque militem fuisse narrare. Ex le-
 "yibus indicis, vir cæteroqui callidus, judicium ineptum de re
 incomperta ferebat; sed non ineptius, ac quæ de Numinibus
 alienis solebant ferre Græci & Romani.

13. Quia, apud Græcos, Deorum summus *Zeus* vocabatur,
 ideo Græcorum Historici, ubi loquuntur de Numine, quod
 apud aliam Gentem summum habebatur, id etiam *Δία* vocant.
 Ita † *Herodotus* postquam dixit à Persis neque statuas, neque
 templa, neque aras Diis consecrari quod non crederent eos
 ἀνθρωποειδίας, uti Græci, subjicit: οἱ δὲ νομίζουσι Διὸν καὶ
 θεὸν τὰ ὑψηλότατα καὶ ὑπερὶ ἀναβαίνοντες θυσιὰς ἔρδειν, καὶ
 κύκλον πάντα τὸ ὑπερὶ Δία καλέοντες: JOVI solent sacra
 facere in altissima montium ascendentes, ambitum omnem caeli
 JOVEM vocantes. Nemo non crediderit, his lectis, Per-
 sas eodem nomine summum Numen appellasse, quo Græci
 utebantur; nisi aliunde notum esset Linguam Persicam nihil
 habuisse commune cum Græca, Persarumque ac Græcorum
 mores fuisse planè diversos, ut apparet etiam ex ipso *Herodoto*.

* Ibid. c. 34.

† Lib. I. 31.

Similiter Deum Babyloniorum summum * vocat Δία Βάλλω *Jovem Belum*: nomine Chaldaico, quasi cognomine Διός intellecto; cum Βάλλω sit בעל *Beel* Chaldaicè, id est, *Dominus*, quod fuit Dei vocabulum, ut אדון *Adonis* apud Phœnicias.

14. Idem Scriptor Lib. II. ubi Ægyptiorum Religionem describit, eorum Deos nominibus Græcis vocitat, cum debuisset Ægyptiaca edere; ea tantum de causa, quod ex quibusdam indicis conjectaret eosdem esse Deos, qui iis vocabulis in Græcia appellabantur. Idem facit & *Diodorus* † *Siculus* & Scriptor elegantissimi libelli qui inter opera *Luciani* exstat, de *Dea Syria*. Barbara Numina Græcis vocabulis afficiunt, quod conjicerent eadem esse ac Græca, ex similitudine Historiæ, statuar, sacrorum, aut Templi. At, ut verbis *Ciceronis* utar, de N. D. Lib. I. n. 84. quot *boninum* linguae, tot nomina Deorum. Non enim ut tu *Velleius* (*Epicurei* nomen est, quem *Stoicus* Cotta illic alloquitur & confutat) quocumque veneris: sic idem in Italia *Vulcanus*, idem in Africa, idem in Hispania.

15. Quin etiam hodierni Scriptores Christiani, qui Asia aut Americæ superstitiones tradunt, more Christiano de iis passim loquuntur. Exempli causâ aiunt à plurimis coli DIABOLUM, quod parum cautos Lectores fallit, dum persuadet eos, de Spiritibus quibusdam in Creatorem rebellibus, eadem ac nos sentire, quod verum non est. Attendè enim legenti Recentiorum Asiatica Itinera, eaque cum Veterum narrationibus conferenti, liquebit plurimas Asiæ Gentes hanc etiamnum fovere opinionem, quæ Persarum, & Babyloniorum olim fuit. Credebant, nempe, duo esse Principia, unum Bonum, alterum Malum, utrumque summum ac æternum. ‡ Prius vocabant Chaldæi אורמזד *Oromaze*, id est, *lucem fulgentem*, aiebantque eum immensâ luce circumfusum. Posterius appellabant ארימאן *Ariman*, id est, *hostem hominum*, aut *astutum*, eumque ne noceret colebant.

16. Scriptores Latini, simili consuetudine, ubi de aliorum rebus gestis loquuntur, munera aliarum Rerump. nominibus Romanis peculiaribus appellant. *M. Cato* in *Originibus Annibalem Dictatorem Carthaginienfium* appellaverat, ut apparet ex *Gellio* Lib. X. 24. *Justinus* Lib. XIX. 1. *Hasdrubalem Dictatorem undecim triumphis quatuor* ait fuisse insignem. Idem *Annibalem* vocat *Carthaginis Consulem*, Lib.

* Ibid. c. CLXXXI.

† Biblioth. Lib. I.

‡ Vide *Pintarechum* in Lib. de *Iside & Osiride*.

XXXII. 2. ad quem locum adeundus *Bongarsius*, qui ex ejusmodi loquutionibus perperam collegit, apud Carthaginenses, similes Magistratus fuisse ac apud Romanos; cum nihil inde colligi possit, nisi, propter levem fortè similitudinem, nomina Romanorum munerum Pœnis Magistratibus fuisse attributa. Sanè apparet ex Livio *Dictatorem* Pœnum non fuisse tantæ auctoritatis ac Romanum, ex Lib. XXIII.

13. ubi dicit *Dictatorem* missum esse cum Magone in Hispaniam, ad conducendos milites. Idem testatur Lib. XXX.

7. Carthagine *Suffetes* velut *Consulare imperium* fuisse. Hi autem vocantur *bini Reges* à Cornelio Nepote, in *Annibale*; licèt id quod apud Latinos voce *Rex* significatur, ignotum esset apud Carthaginenses, quorum Respublica *Democratico-aristocratica* fuit, ut facilè ostenderemus, si res esset hujus loci.

17. Sunt igitur accuratè distinguendæ res ipsæ à stylo Historicorum; qui phrasibus sui ævi, aut suæ Gentis describunt res gestas, aut opiniones temporum & populorum, quorum sermo ac dogmata diversa planè fuere. Neque temerè ducenda sunt consuetaria ex stylo Scriptoris, de re prisca, aut ad aliam Gentem pertinente, loquentis; quasi ii de quibus loquitur, aut eodem modo mentem suam expressissent, aut easdem potestates subjecissent vocabulis, quibus uti solebant.

18. Oportandum quidem fuisset Historicos hæc communioribus expressisse verbis, non iis quæ fuerunt ita propria popularibus suis, ut similibus aliæ Gentes carerent; quale est verbum *Jupiter*, aut *Zeus*, quod significat hominem in Græcia tantum notum, & qualia sunt plerorumque Deorum Græciæ nomina. Sed quoniam factum id non est, Lectores oportet diligenter sibi cavere ab erroribus, in quos ejusmodi vocabula incautos conjiciunt; & si quid hodie scribere aggredimur, ita est loquendum, ut nullam errandi occasionem legentibus præbeamus.

CAPUT XIV.

XIII.

Diversas Sectas iisdem sæpe usas esse vocabulis, ad diversa prorsus dogmata exprimenda; & easdem, servatis iisdem vocabulis, lapsu temporis, sententiam mutasse.

1. **Q**UAM necessarium sit opiniones Scriptorum quos legimus scire, ut mentem eorum usquequaque intelligamus; etiam ex hoc colligere est, quod homines, opinionibus planè diversis, sæpe eodem utantur sermone. Si tunc ex uno, aut altero loco de sententia eorum iudicium ferremus, existimaremus eos similia sensisse, qui nihil simile cogitarunt.

2. Paulus, exempli gratiâ, ita loquitur Act. XVII. 27. *Deus longè non est ab unoquoque nostrum, in ipso enim vivimus, & movemur, & sumus, &c.* Significat, ut Deum agnoscamus, non esse procul querenda potentia ejus specimina, quoniam ei quidquid in nobis est debemus. Idem Eph. IV. 30. præter alia, monet Ephesios, *ne contristent spiritum sanctum Dei, in quo signati erant in diem redemptionis*; hoc est, ne peccatis suis efficerent ut, quod hospites offensi solent, eos desereret Spiritus Sanctus, quo veluti sigillo Deus eos ab aliis, adservandos in diem iudicii, secreverat.

3. At si quis lectis dumtaxat verbis Pauli, neque sensum satis attendens; legat hæc verba *Senecæ*, neque aliunde norint Stoicorum placita, credet facilè *ὁμοδοξον* hac in re fuisse Paulo *Senecam*: * *Non sunt, inquit, ad cælum elevande manus, nec exorandus edituus, ut nos ad aures simulacri, quasi magis exaudiri possimus, admittat; prope est ad te Deus, tecum est, intus est. Ita dico, Lucili, SACER intra nos SPIRITUS sedet, malorum, bonorumque nostrorum observator & custos; hic, prout à nobis tractatus est, ita nos ipse tractat.*

4. Qui non legerit integram *Senecæ* Epistolam credet se legere potiùs verba Christiani Apostolos imitati, quàm Philoſophi Ethnici. Ipse *H. Grotius*, Stoicorum Dogmatum parum memor, hæc non planè aliena à Paulinis iudicavit.

* Ep. XLII.

At qui leget sequentia *Seneca*, videbit sacrum istum spiritum, quem intra nos esse dicitur, esse ipsum animum humanum partem Animæ Mundi, seu Dei Stoicorum, ac proinde ipsum Deum; quam Stoicorum sententiam esse observavit rectè *Iust. Lipsius* in notis, & alibi etiam gravibus ostendit argumentis. Quod vel hæc verba *Seneca*, in eadem Epistola, latis probent: *Majore sui parte* (animus humanus) *illic est, unde descendit. Quemadmodum radii solis contingunt quidem terram, sed ibi sunt unde mittuntur: sic animus magnus & sacer, & in hoc demissus, ut propius divina nossemus, conversatur quidem nobiscum, sed hæret origini suæ. Illinc pender, illuc spectat ac nititur, nostris tanquam melior interest. Quis est ergo hic? Animus, qui nullo bono nisi suo nititur.*

3. Hinc colligere est, ut hoc obiter dicamus, non esse temerè conferenda Ethnicorum dicta, cum Sacrorum Scriptorum sermone; quandoquidem sæpe, ubi videntur eadem dicere, diversa proferunt. Atque hac in re passim peccavit *Joannes Pricæus*, qui immensam farraginem, etiam in rebus claris, locorum Veterum, ad Novum Testamentum illustrandum, congeffit. Nec tamen *H. Grotius* ejus culpæ prorsus immunis est, ut ex loco laudato satis liquet.

6. Videndum est priùs quàm diligentissimè, quem sensum phrasibus suis subjecerint Scriptores Ethnici, quem Hebræi ac Christiani suis; quo demum peracto, possunt invicem conferri. Interdum constabit ab Ethnicis mutuatos esse plurima Judæos, à Lagidarum & Seleucidarum temporibus, quâ occasione licebit utrorumque dicta comparare; ita tamen, ut alterius moniti memores simus; nempe, phrasès sæpe à primigenia significatione esse detortas, ab iis qui eas aliunde sumserunt, quod pluribus nobis illustrandum venit.

7. Olim inter Christianorum familias, etiam in iis in quibus dissentiebant & conflegebant acerrimè inter se, conveniebat tamen in eo quodd utraque contendendum pars libenter loquutionibus Scripturæ uteretur, quasi iis sua egregiè exprimeretur sententia. Cum *Ariani* sententiam suam, de creata Christi Divinitate, optimè exprimi censerent verbis hinc Pauli, *πρωτότοκος πάσης κτίσεως*, *primogenitus omnis Creaturæ*: iisdem *Homoousiani* haud illibenter utebantur, nec minùs contendebant τὸ *συναΐδιον* iis significari. Idem hodie fit inter contendentes Christianos, qui omnes pariter opiniones suas in Scripturis esse existimant.

8. Hæc exempla metum nobis injicere deberent, ne qua in re, licet veterum Christianorum vocabula retinuerimus, ab eorum sententia nec-opini recesserimus; nedum ut, quia phrasibus iisdem utimur, idè tantùm credamus nos cum illis
per

per omnia consentire. Loquutiones tot libris scriptæ, characteribusque oculos percellentibus notatæ, magnam mutationem pati nequiverunt; sed cum notiones sensus non feriant, harum mutationes in hominum animis potuerunt esse maximæ, lapsu temporis; neque vocum ambiguarum solo subdicio, licet harum sortem cognoscere.

9. Mutationes illæ notionum, servatis vocabulis, irrepere potissimum potuerunt, ubi res quæ his significantur obscuræ sunt, vocæque ambiguae. Exemplum proferemus ex re maximi momenti, quæ olim Christianos divisit, hodiæque lacerat, & ut sunt hominum ingenia, in posterum etiam in partes distrahet. Inter Christianos de natura, & distinctione duarum *S. Trinitatis Personarum*, ut nunc loquimur, Filii & Spiritus Sancti, concertationes fuere, ferè ex quo Apostoli fato functi sunt. Sed & ante & post Christum, Ethnici ipsi varia de tribus *Principiis* dixerant, sono certè à dogmatibus Christianis nequaquam aliena. Verùm licet iisdem vocibus plurima sæcula usæ sint, attamen sub illis vocibus latuit sat magna sententiarum varietas, ut singillatim ostendemus.

10. Primus omnium tria *Principia* distinctè constituit * *Parmenides*, & post eum *Plato*; qui an consenserint non liquet, quod *Parmenidis* nihil superfit. † *Plato* autem dixit primum esse *TO ON, AITION ΑΠΑΝΤΩΝ* *Ens, causam omnium rerum*; secundum verò *ΛΟΓΟΝ, Rationem* & *Rektoron præsentium* & *futurorum*; tertium denique *ΨΥΧΗΝ ΚΟΣΜΟΥ* *animam, sive spiritum mundi*. Secundum *Principium* à primo *genitum*, seu factum; tertium à secundo affirmat. Apparet attentè ejus *Timæum* legenti, eum per generationem intellexisse creationem, & passim confundere, *γενῆσαι, ποιῆσαι, τεκταίνεσθαι, μηχανῆσαι, δημιουργῆσαι, ἀπεργάζεσθαι*, &c. atque idem esse *αἰτίον* ac *πατέρα*, *causam* ac *patrem*.

11. *Philo Judæus* similia habet, & ait ‡ *Λόγον* esse *πρεσβυτάτον τῶν Ἀγγέλων*, & τὸ *Ἄνω* *πρωτότοκον ὄν*, antiquissimum Angelorum, & primogenitum Entis. *Platonici* verò *Ethnici Plotinus*, sermone codum usus est, præsertim *Enneade IX. Lib. V. à Cap. III. ad VIII.* ubi hac de re copiosè agit. Crediderunt illi unum esse summum Deum, Causam primam omnium; deinde duos alios inferiores Deos, à summo illo creatos, minúsque primâ Causâ perfectos.

12. *Joannes* porrò *Apostolus*, *Platonico* more, *Λόγον* vocat *Divinitatem* quæ in Christo habitavit, eisque similia tribuit ac *Philo*; creationem, scilicet, universi. Meminit etiam

* *Plotin. Ennead. V. Lib. I. c. 8.*

† *In Timæo, & Epist. II. & V.*

‡ *Vid. supra citatum locum C. III. §. 9. & Vitam Eusebii Cæsariensis.*

Πνεύματι Spiritus quem illi conjungit, ut ille secundo Principio subjunxit Animam mundi. Paulus vocat quoque eum, per quem omnia sunt facta, πρῶτότοκον πάσης κτίσεως primogenitum omnis Creaturæ. Denique occurrunt alia similia Platonici loquutionibus, in N. Testamento, quæ non memorabimus.

13. Queritur nunc an Joannes voce Λόγῳ idem planè intellexerit, ac Plato, ejusque Discipuli? anve Paulus πρῶτότοκον intellexerit quemadmodum Philo; Si quis affirmer, eundem erit in castra Arianorum, qui Divinitatem, quæ Christo adfuit, creatam è nihilo contendebant. Si neges agnoscendum erit, quod volumus, sub iisdem phrasibus, diversas sæpe latere sententias.

14. Propter rei difficultatem, & ambiguitatem vocum, æstuantes sequentium sæculorum Christiani in varias opiniones abierunt. Plerique tamen cum Platone loquuti sunt, & cum eo se sentire dixerunt; dum secundum Principium faciunt priori * οὐρανίου, coeternum, & quo non magis carere potest primum, quam Sol luce; quod tamen videtur contrarium esse Platoni, qui à primo creatum ait. Interea iidem, ex Judaïco loquendi more, unum esse Deum passim affirmant, quod etiam à Platónico dogmate abhorreere videtur. Attamen haud ab similia dixerat etiam Plotinus, etiamsi Platonis interpretem agit.

15. Dixit idem Platonici τρεῖς esse ὑποστάσεις ἀρχικάς tres esse hypostases quæ rerum omnium sunt Principia, & variâ ratione in iis posse considerari ταυτότητα indentitatem & ἑτερότητα diversitatem. Christiani quoque similia dixerunt, licet fuerint controversiæ de voce ὑπόστασις, quæ significat nunc accidens, seu τρεῖς ὑπάρξεις, modum existendi; nunc substantiam, seu rem ipsam, quæ certo modo existit, vel cui tamquam subiecto inest modus existendi. Tandem inter Græcos convenit ut dicerent τρεῖς εἶναι ὑποστάσεις tres esse modos existendi, μίαν ὑπόστασιν unam essentiam; inter Latinos, tres personas, unicam substantiam, seu essentiam; quâ phrasi etiamnum hodie utimur.

16. Platonici, in hisce rebus, usi etiam fuerant voce † ὁμοούσιῳ, quæ apud eos significat ὁμοφυῖ, ὁμογενῆ seu ejusdem speciei, aut simillime naturæ. Quam vocem adhibuit Nicæna Synodus, quæ definivit υἱὸν εἶναι ὁμοούσιον τῷ Πατρὶ, filium esse consubstantialem Patri. Hodie etiam plerique cum Synodo Nicæna se sentire profitentur, & eandem adhibent vocem.

17. Loquutiones autem quas attulimus §. 14, 15, 16. non uni inservire possunt dogmati exprimendo, unde dubium fit an

* Vide G. Bulli Defensionem Nicæna Synodi, Sæc. III.

† Vid. Vit. Eusebii Cæsariensis & G. Bulli Defens. Synodi Nicæna Sæc. II. c. l. §. 2.

qui iis olim usi sunt idem inter se sentirent; quamvis, omittis Platonis, Christiani soli considerentur. Imò Hugo Grotius eo processit, ut diceret * *sibi constare Patres in explicatione harum rerum plurimum dissensisse, etiamsi vocum quarundam sono inter se conveniunt.* Certè videntur Veteres inter se discrepasse, in plurimis, & Christiani omnes hodie multum abesse à sententia Synodi Nicænæ; licet plerique cum ea sentire sibi videantur, quod voces ab ea consecratas admittant.

18. Hæc ne temerè affirmasse videamur, primò observandum vocem *αἰδιος* æternus admodum esse ambiguam apud Veteres, in hoc negotio. *Αἰδιος* enim potest significare propriè dictam æternitatem, quæ omni, quomodocumque intelligatur, principio caruit, quâ ratione ex omnium consensu Pater dicitur *αἰδιος*. Sed alteram † habet ea vox significationem, quâ denotat quod fuit, antequàm mundus ac proinde tempus esset, quod vocant etiam Veteres *ἄχρονος* & *ὑπερᾶναιον*, sine tempore & supra tempus. Jam dubium est an Veteres, qui *ὑπερᾶναιον* dixerunt esse æternam, priori aut posteriori intelligendi sint sensu; an, nimirum, eam æternam, non minus ac Patris *ὑπερᾶναιον*, esse voluerint, an verò ita eam vocent, quod ante mundum fuerit? Atque hac in sententia videtur fuisse Tertullianus, qui contra Hermogenem Cap. III. & XVIII. ait *filium semper non fuisse, nec sine initio esse.* Idem videntur sensisse multi Patres Ante-Nicæni, qui paulò ante mundum genitum Filium volunt, licet *αἰδιος* appellent. Altera etiam est ambiguitas vocis *αἰδιος*, in hac re. Dici potest Divinitas Christi, quoad substantiam, seu essentiam, *αἰδιος* non minus ac Pater; aut quoad *subsistentiam*, seu modum existendi, propter quem Filius vocatur. Quidam ex Veteribus † aiunt substantiam ipsam Divinitatis Filii, *ἁγνῶτος* in Patre existentem, esse ipsi *συναἰδιος*; quod de *subsistentia* non affirmant. Quæ fuit Nicænæ Synodi sententia, unde factum ut damnaret eos qui dicerent *Filium non fuisse antequàm genitus esset*, licet definit *Filium esse Patri συναἰδιος*, quoad substantiam; exstebat nimirum Filius *ἁγνῶτος* in Patre, antequàm generaretur, ab omni æternitate; sed cœpit *γενῆτος* existere paulò ante creationem mundi, ex illorum Patrum sententia.

19. Secundò, cum Veteres dicebant Patrem & Filium Unum esse, latebat etiam in illa voce non levis ambiguitas, Aliquid enim dicitur esse Unum, quemadmodum Philosophi loquuntur, vel *Unitate numerica*, vel *Unitate specifica*. Ita

* Ep. ad Fraxem Ep. CLII.

† Vid. Epistolam Alexandri Alexandria Episcopi apud Theodorum Lib. I. c. 4.

† Vid. Ep. Eusebii apud Theod. Lib. I. c. 12.

Petrus est Unus, unitate numerica; *Petrus, Joannes, & Paulus* unus sunt unitate specifica. * Apparet ex Veteribus eos credidisse tres Naturas numero quidem diversas, sed unius speciei. Reverâ in sermone quotidiano, & apud Philosophos etiam, unum dicuntur quæ specie conveniunt; ut liquet vel ex *Aristotele* cujus observationes sæpe vulgari sermone nituntur, qui docet † λέγειν ἐν ᾧ ἡ οὐσία μία, μία ἢ συνεχής, ἢ εἰς 3, ἢ λόγῳ, dici unum, quorum essentia una est, una autem aut continuitate, aut specie, aut ratione.

20. Tertiò, ut *Plotinus* τρεῖς ὑποστάσεις agnovit, numero distinctas, hoc est, tres substantias cum variis proprietatibus, licet alioqui conjunctissimas: ita Christiani Veteres, qui eodem sermone usi sunt, non necessariò idem cogitarunt ac nos hodie, sed cum eo hæc in re consentire potuerunt. Qui unam εἰδὴν dicunt, τρεῖς τρόποι ὑπαρξεως id ipsum hisce verbis exprimere potuerunt; ut enim Humanitas, quæ existit separatim in Joanne, Petro & Paulo, est una; quæ in Paulo non differt ab eo quod est in Petro & Joanne, nisi τρεῖς ὑπαρξεως: ita tres Naturæ divinæ numero diversæ, sed specie eadem, differunt tantùm modo existendi.

21. Quartò, cum vox ὁμοούσιος, ex Platoniorum usu, significaret ejusdem speciei, & Synodus Chalcedonenſis statuerit Filium esse nobis ὁμοούσιον κατ' ἀνθρωπότητα, ut est ὁμοούσιος Patri κατ' ὁμοούσιον; nulla est ratio existimandi hac voce significatum fuisse unicam numero Essentiam Patris, & Filii. Nihil fanè occurrit in Disputationibus Homoiusianorum, quod suadere possit alia in re controversiam Arianam sitam fuisse, nisi quòd Ariani Essentiam filii parem non esse Essentia Patris contenderent: Homoiusiani verò paritatem propugnarent; ‡ quod Viri doctissimi copiose ostenderunt.

22. Ex hac vocum ambiguitate, colligere est potuisse facile fieri, quòd credidit *H. Grotius*, ut qui verbis consentire olim inter se videbantur, re ipsa dissentirent; utque servatis iisdem vocabulis, paulatim substituta alia fuerit potestas. Atque hoc eò facilius factum, in negotio de Unitate Dei, quòd persuaserit sibi posteritas consentisse Patres Ecclesiæ cum Hebræis, liqueret autem Hebræos unitatem Essentiæ divinæ numericam credidisse. Verùm uti Homoiusiani sub iisdem verbis, quibus Hebræi utebantur, aliam abscondebant sententiam, cum non auderent ab iis discedere: ita nostri hodie Theolo-

* Vide *St. Curcellan* Quatern. Diss. 1. §. 74. & seq. & *Vitt. Enschii*. † *Metaphys.* Lib. IV. c. 6. ‡ *St. Curcellan* in Quatern. Diss. 1. & *R. Cudworth* in libro Anglico inscripto: *the true System Intellectual of the Universe* Lib. I. c. IV. pag. 606. & seq.

gi à Patribus verba quidem consecrata retinent, sed alias iis subijcere potestates videntur.

CAPUT XV.

XIV.

Difficultatem intelligendi maximam interdum oriri ex Rhetorico stylo.

1. **G**RAMMATICI & Rhetores voces proprias vocant, ut omnes nōrunt, eas, quæ usurpantur pro nativâ significatione, quæ est illis usu attributa: tropicas verò, quæ ex nativâ significatione in aliam translatae sunt. *Moveri* propriè dicuntur *corpora*, quorum mutatur situs; *translatè animi*, cū quispiam in iis excitatur affectus. Cū autem nulli Linguae tot suppetant voces & loquutiones propriæ, quorū suppetere oporteret, ut omnia propriè exprimi quirent; est enim rerum infinitus numerus, vocum finitus; necessariò confugiendum fuit ad voces tropicas. Digna sunt, quæ huc transferantur, verba *Ciceronis* de Translationibus ex Lib. III. de *Oratore* c. 28. *Modus transferendi verbi latè patet, quem necessitas genuit inopiâ coacta, & augustiis, post autem delectatio, jucunditasque celebravit. Nam ut vestis, frigoris depellendi causa reperta primò, post adhiberi coacta est, ad ornatum etiam corporis sic verbi translatio instituta est inopiâ causa; frequentata delectationis — Translationes quasi mutationes sunt, cū, quod nō habetas, aliunde sumas. Exempli causâ, ad res ad animum pertinentes exprimendas, paucissimæ sunt voces, nativâ significatione adhibendæ; quia populus à quo potissimū paulatim Linguae auctæ, de rebus spiritualibus plerumque securus, de corporeis tantū sermones serit, aut spiritus corporibus similes putat. Hinc qui de rebus incorporeis verba faciunt, è corporeis peritas voces passim usurpare coguntur.*

2. Inde nascitur magna intelligendi difficultas, in rebus per se obscuris, quales sunt quæ ad spiritus pertinent. Cū enim *efflare animum* legimus, in Scriptore, cujus de animo sententiam aliunde cognoscere non possumus; quī scire liceat, utrū re ipsa crediderit animum esse statum, an verò tropicè eā voce utatur? Hodièque, cū multi negent in animo quidquam esse corporei; omnes tamen, Latine scribentes, ejusmodi loquutionibus usu consecratis utuntur, non minùs ac qui credunt mentem esse tenui auræ similem.

3. Verū cū Cap. V. egerimus de difficultate dignoscendū quò usque metaphorica loquutio urgenda sit, hac de re iterum

rum non agemus, ne repetendum sit quod jam dictum est. Observabimus potiùs, præter usum necessarium Troporum, propter Linguarum paupertatem, esse alios quosdam eorundem usus Rhetoricos, unde non exigua nascitur obscuritas. Scilicet, non modo ad mentem exprimendam, non occurrente aliâ voce, adhibentur, sed & ad ornatum orationis; ut notio vividior, aut elegantior, aut amplior in audientium aut legentium mente excitetur. Ita *Horatius* fulmen tropicè describit, hisce verbis: * *tremendo Jupiter ipse ruens tumulu*, ut excitet majorem fulminis notionem; nam aliquid amplius est intelligere *Jovem ipsum ruentem*, quàm telum ejus manu emissum.

4. Si sola veritas esset docenda, isque esset unus loquentium finis, uti par esset, universa eorum cura in eo sita esset, ut perspicuè loquerentur; quam in rem, quantum possent, vocibus uterentur propriis; sed ornatus orationis adhibetur ad delectandos auditores, vel legentes; aut eorum movendos affectus; eumque in finem non tropica modò, sed & figurata oratio inventa est. Quo fit ut Rhetores doceant non ubique adhibendum esse sermonem proprium, sed in iis dumtaxat Orationis partibus, ubi affectus non moventur. *In exordienti causa, servandum est ut lenis sit sermo, & usitata verborum consuetudo, ut non apparatus oratio esse videatur* †. In ‡ *Rhetorica Scholia Curii Fortunatiani*, parum quidem Latini Scriptoris, sed nequaquam inepti, pro tempore quo vixit, est hæc questio: *Propria verba, quæ partes orationis magis desiderant?* cui ita responderetur; *Principia & narrationes*; quia, nempe, neque in principiis, neque in narrationibus, moveri solent affectus.

5. Non est nostri instituti inquirere in originem affectuum, aut eorum explicare naturam. Paucula tantum indicabimus indubitata, quibus niteretur quod de difficultate intelligendæ figuratæ orationis dicemus. Cum ab iis qui nos educant, à prima infantia, excitentur & foveantur in nobis affectus; paulatim fit ut his nimium indulgere adfueri, nullâ re commoveamur, aut delectemur, nisi iis quæ affectibus blandiuntur. Cætera omnia videntur nobis rædiosa & insulsa; nec ea, nisi invitati, patimur. Hinc fit ut somnus nobis obrepit, ubi audimus paulò copiosius exponentes ipsam veritatem; sed, quæ per se apta non est ad creandam nobis admirationem, spem, metum, aut similem quempiam affectum ingenerandum. Imò veritates ipsas, quæ naturâ suâ nos percellere deberent, immoti sæpe au-

* Lib. I. Od. 16.
Ears.

† Scriptor ad Herenn. Lib. 1. c. 7.

‡ Lib. III. p. 71. Ed.

dimus; nisi ita describantur, ut aliunde in nobis creentur affectus. Quantumvis sit periculum, nisi quasi imminens à nobis spectetur, eo non percellimur, etiam moniti, si ea admonitio concepta sit verbis propriis. Oportet describi periculum figuratâ oratione, quâ affectus, re commoveri interdum nescii, verbis vehementius cieantur. Exemplum in Orationibus sacris cernere est, quæ licet admonitionibus summi momenti refertæ sint, somnum conciliant, nisi Rhetorum pigmentis ornatae prodeant.

6. Si porro quæramus rationem, ob quam figuris ita affici-mur, comperiemus eam ejusmodi esse ut obscuritatem necessariò pariat. Figuræ tantam vim argumento, quod iis exornatur, addunt, quòd audienti, aut legenti eam tantum ejus partem ostendant, quæ est omnium aptissima ad eum commovendum, amotis, aut potiùs tectis, quæ commotionem illam sistere possent. Si miles sit ad pugnam cohortandus, alto premuntur silentio horror mortis, qui naturâ omnibus inest, summa cautio quæ debet adhiberi, ubi de effundendo sanguine humano agitur, aliæque quæ viro sapienti tunc pensanda essent; sed ab infausis ejusmodi vocibus abstinetur, gloria militi proponitur è victoria colligenda, divitiæ è spoliis conficiendæ, præmia, honores, &c. quibus sit ut à prioribus illis animum avertat, & in hæc intentus, alacris rem per se onpium fœdissimam, determini carnificis munus obire in innocentes aggrediatur. Exemplo esse potest oratio Cæcinæ, apud Tacitum Ann. Lib. I. c. 67. ubi territis militibus difficultate itinerum, adverso prælio, jacturâ impedimentorum, metu imminentis hostis, ostendit unam esse in armis salutem, manendum intra vallum, dein erumpendum, illâ eruptione ad Rhenum perveniri; quòd si fugerent, plures sylvas, profundas magis paludes, sævitiam hostium superesse; at victoribus decus, gloriam, quæ domi chara, quæ in castris honesta. Subdit Tacitus eum reticuisse de adversis, aut præsentibus, aut futuris; ne, nempe, terror augeretur imagine præteritæ cladis, similisque in futurum timeretur.

7. Huic negotio aptare possumus, quod Cicero de Inventionem Lib. I. n. 24. ait observandum, si pro re turpi dicendum sit. Si causæ turpitudine, inquit, contrahet offensionem; aut pro homine, qui offenditur, alium hominem, qui diligitur, interponi oportet; aut pro re, in qua offenditur, aliam rem, quæ probatur; aut pro re hominem, aut pro homine rem; ut ab eo quod odit, ad id quod diligit auditoris animus traducatur. Hac enim arte fit ut auditor id tantum animo verset, quod non est turpe, cum de re turpi cogitare eum deberet. Idem, verbis honestis, res nequam quam honesta velatur.

8. Hac in re situm est universum pœnæ orationis figuratæ artificium; dum autem is, qui ejusmodi oratione utitur, conatur

natur animum legentium, vel audientium ad certam argumenti sui partem convertere, & utitur loquutionibus ex parte duntaxat veris, ægrè ut plurimum intelligitur. Notiones enim rerum, quæ nobis obversantur, comparamus cum ejus verbis, & cum videamus ea verba nonnisi partim notionibus convenire, hæremus dubii an rectè mentem Scriptoris intelligamus; seu an modum illum, quo nobis videntur vocabula convenire notionibus, urgere voluerit is quem legimus, vel audimus, an verò aliud quidpiam.

9. Exempli gratiâ, Hector, Iliad. T. 371. ita loquitur de Achille, quem formidabant Trojani, quòd neminem, cum eo congregiendi parem censerent:

Τὸ δ' ἵπῳ ἀντίθ' εἰμι, καὶ εἰ πῦρ χεῖρας ἔοικεν,
 Εἰ πῦρ χεῖρας ἔοικας, μὲν δ' αἰθρῇ σιδήρῳ:

Huic ego occurro, licet manibus igni simili,

Licet manibus igni simili, robore verò splendenti ferro.

Intelligimus quidem summam hoc velle Hectorem, se obviam iturum Achilli, quantumvis strenuo, quod volebat Hector à Trojanis intelligi. Sed præterea si singula verba excutiamus, ut accuratè nôrimus, quas notiones illis subjecerit Poëta, deprehendemus non levem esse difficultatem. 1. ἀντίθ' εἰμι an simpliciter significat *contrà ire*, an verò eà loquutione continetur *resistendi*, aut *aggrediendi animus*? 2. ἀντίθ' εἰμι ἔσθνε, solitus sum contra eum consistere, antehac contra constitui, vel illico hoc faciam, si necesse sit; vel decrevi facere, & certò faciam? 3. Quid est πῦρ χεῖρας ἔοικέναι, ἔσθνε manuum motu, celeritatè ignis æquare; an manu id præstare, quod ignis facit; an manus habere æquè formidandas, ac ignem? Alibi Poëta Menelaum inducit de Hectore dicentem, Ἐκ τῶς πυρὸς αἰὼν ἔχ' μὲν, Hector gravem vim habet ignis. Iliad. P. vers. 565. Passim etiã prælium incendio confert. 4. An Hector vult dicere re verà Achillem πῦρ χεῖρας ἔοικέναι, an verò quamvis manibus ignem æquaret, se non detrectaturum pugnam; nedum ut eum, qualis erat, fugeret? 5. Μὲν δ' αἰθρῇ σιδήρῳ simile, quantumvis re est? an in gravitate ictuum, an in amolientis illius pæcis, aut resistendo armis duritie suorum? 6. Denique αἰθρῇ ἔσθνε splendens gladius, aut quodlibet ferrum, adeò ut αἰθρῇ sit epithetum otiosum; an verò est *candens ferrum*, cui fignus sit aliqua in re Achilles? Quis dicet an Homerus omnes hæc χεῖρας in animo habuerit, an aliquot tantum, & quænam ex sint? Certè vix ipsum, si revivisceret, dicturum putem, ob rationes quas postea offeram. Attamen nemo est, qui non satisficiatur hisce duobus versiculis, & vim eorum non laudet, si modò Poëtarum Græcorum stylo adsuertus sit. Obversantur,

nempe, animo ferrum & ignis, duæ res efficacissimæ, quibus conferebatur Achilles, & illa ἀνὰ δὲ πλῶσι, εἰ πρὸς χεῖρας ἔοικα, quæ Hector significat se, licet probè intelligat periculum, audacter id subitum, ita animum legentium percellunt, ut in obscura fortitudinis notione adquiescant, nè cogitantes quidem de notionibus singulis vocibus adnexis.

9. Secundò, figurata oratio nos tantopere afficit, quòd rem exornando augeat, non ita quidem ut illico appareat eam augeri, occultius enim hoc fit; sed tamen ut ingerat animo nostro maiorem quamdam imaginem, quàm ea esset quæ ex simplici sermone nasceretur. Quoniam autem limites illius augmenti, ut ita loquar, vocabulis perspicuè non signantur; obscurum est quàm latè loquentis notio pateat. Cæterum augmentum intelligo, tam in scio rem, quàm in meliorem partem; & quod complectitur extenuationem, non minùs quàm exaggerationem.

10. Exempli gratià, *facere Deos* habet vim aliquam αὐξητικὴν, in hoc Epigrammate *Martialis*, Lib. VIII. c. 24.

*Qui fingit sacros auro vel marmore vultus,
Non facit ille Deos, qui colit ille facit.*

Propriè si loquamur, *facere Deum* est efficere, ut qui Deus antea non erat Deus evadat; quod non potest dici de statua; quæ non est Deus, postquam colì cœpit. Attamen videtur *Martialis* tropicè statuam vocare *Deum*; deinde *facere eam Deum*, esse ei statuæ honorem exhibere, qui solebat signis Deorum; vel consecratione efficere ut Deus, cui dedicata est, eam infideat; nam & * hoc, de statu is Deorum ritè consecratis, credebant Ethnici. Apparet quidem phrasi *facere Deum* plus dici, quàm reverà fieri credebatur *Martialis*; sed dubium est utra ex memoratis significationibus ei phrasi conveniat, & quousque pateat εἰσὶ καὶ τοῖς θεῶ, inhabitatio Dei, si ad posteriorem respexit.

11. Eadem occurrit difficultas, in loquutionibus metaphoricis Scripturæ, ubi Dii Ethnicorum dicuntur † esse meræ statuæ, sine sensu ullo. Nam Gentes omnes aut animos mortuorum hominum, aut dæmonas, aut sidera colebant, quorum vim nescio quam inesse statu is existimabant; non statu as ipsas, quasi eas solas Numina sua esse censuissent. Itaque oportet in ea figura Scriptorum sacrorum esse aliquam αὐξησης, nec facile est scire, quàm latè pateat; & utrum voluerint dicere, eos qui Numina in consecratis statu is colebant, æquè insanivisse, ac qui meros lapides coluissent; an verò vim illam divinam, quam

* *Arnob. cont. Gentes Lib. VI. p. 254. Ed. Par. 8. 1605. ubi vide notat Des. Heraldi.*
† *Psal. CXV. & CXXXIV.*

formiabant Idololatræ inesse statuis, nullam fuisse, ideoque universum eorum cultum in statua substitisse; an aliud quidpiam, cujus nobis in animum non venit? Quidquid id est, phrasin hancce ex Idololatrarum usu desumpserunt Hebræi, ut apparet ex oratione Labanis Gen. XXXI. 30. ubi statuas sibi subreptas Deos suos vocat. Ita cum Ap. Herdonius Capitolium, cum servorum & exulum manu, occupasset, dixit in concione P. Valerius Consul: *Jovem Opt. Max. Junonem Reginam, alios Deos, Deisque obsideri, Livio narrante, Lib. III. c. 17.* Ambracienses apud eundem queruntur, sublati à M. Fulvio Cos. Deorum signis, *simulacra Deum, Deos imò ipsos, convulsos ex sedibus suis ablatos esse, parietes, postesque nudatos. Quos adorent, ad quos precentur & supplicent Ambraciensibus non superesse.* Idem de Attalo, qui Romanis Idææ Matris simulacrum avehendum tradidit: *Is legatos comiter exceptos Pessinuntem in Phrygiam deduxit, sacrumque in lapidem, quem MATREM DEUM incolæ esse dicebant, tradidit, ac deportare Romam jussit. Lib. XXIX. c. II.* Hinc magnam invidiam subiit Scilpo Philosophus Athenis, unde & migrare jussus est, quod Minervam Phidiæ Deum esse negasset, quam historiolum habet *Diogenes Laërtius Lib. II. §. 116.*

12. Tertiò, cum multa fiat quæ, si penitiùs introspectantur, non apta sunt ad commovendos affectus, non modò eorum partem aliquam Auditoribus suis Oratores ostendunt dumtaxat, aliis silentio velatis; nec modò augent eam, quam spectari volunt, prout necesse esse judicant, sed quibuidam præterea vocibus generalibus, seu præstantiorem, seu tenuiorem notionem adjunctam habentibus, exprimunt; ne animus audientium, illo veluti phantasmate occupatus, rem accuratiùs expendat. Cum sub Tiberii principatu de cohibendo luxu ageretur, * *Gallus Asinius* orationem habuit, quâ ostendit, dum Imperium augebatur, auctas etiam esse privatorum opes, adeoque mirum videri non debere, si sumptus majores tolerarent. Eâ oratione factum ne Senatûs Consultum ullum fieret, hac de re, adscientibus ei Senatoribus: *Facilem ad sensum Gallo, ait Tacitus, sub NOMINIBUS HONESTIS, confessio vitiorum, & similitudo audientium dedit.*

13. *Augustinus*, & qui ejus de Gratia sententiam sequuti sunt, non modò quantum possunt impediunt, ne Lectoribus obversetur imago iniquitatis; quæ est in ferendis legibus, iis à quibus Deus scit eas non posse observari, non ipsorum culpâ, sed primi hominis, ob cujus peccatum destituti sunt omni virtute; deinde in eis æterno exitio damnandis, quod numquam poterunt vitare, quia necessario auxilio in eam rem carent, ob

* Tacitus Ann. II. 33.

Adami culpam; nec modò verbis amplificanti gratiam Dei erga pauculos Electos, quos salute donat; sed ubi contingit difficultates, quæ in eorum doctrina sunt, urgeri, tum verò omnia velant generalibus dictis, *non posse nimis deprimi hominem, & Deum contra extolli, Deum nemini debere gratiam, ejus judicium esse ἀνταληπτόν*, aliisque similibus. Qui generalium ejuscemodi responsionum involucria expendunt, vix ac ne vix quidem intelligere possunt quid sibi velint. Si enim responsa illa urgeant, sequetur, ut deprimatur homo, omnes ejus actiones Deo esse tribuendas, aded ut sit *subjectum*, ut loquantur Scholastici, *passivum*, in quod Deus quasi in lapidem agat; quod illi acerrime negant. Si verò non sint nimium illa urgenda, sequetur sine divinx gloriæ imminutione posse dici hominem aliquid agere, ac proinde non à Deo tantum moveri, sed aliquid viribus suis efficere, quod illi pariter negant. Atque hinc fit, ut quid sibi velint, generalibus illis loquutionibus, vix intelligi queat.

14. Certè Deus *nemini debet gratiam*, ut aiunt, sed hoc bene significat Deum, in poenam peccati Adami omnes homines spoliare justitiâ, quâ aliqui ornati essent, & propterea eos damnare? Sanè Deus etiam sibi, ut ita dicam, debet æquitatem, seu naturâ suâ est æquus, ideoque tale quidquam facere nequit.

15. Multa quidem sunt, in humanarum rerum administratione, *ἀνταληπτόν*, seu quorum rationem adsequi non possumus; sed hocine ejuscemodi est, ut ideo liceat quasvis iniquitates Deo tribuere, & postea se tueri frigida exclamatione? Si hoc ita se haberet, nullum non delictum, è Scriptura detorta deductum, defendi posset; quod *Augustini* tamen Discipuli ægrè ferrent.

16. Hinc Rhetores docent diligenter cavendum ne tropi ex re humili nimium, aut audientium aures offendente petantur. Cum addere debeant orationi majestatem, eam contra minuerent, si essent petiti è rebus humilioribus iis, à quibus petuntur voces propriæ. Efficerent ut res per se magnæ minores viderentur, earum loco substitutis minoribus imaginibus, quod scopo Oratoris adversatur; nisi, in contrariam partem, velle res magnas deprimere. *Quoniam*, ait summus & Orator & dicendi magister, *hæc vel summa laus est verbi transferendi, ut sensum feriat id quod translatum sit, fugienda est omnis turpitudine earum rerum, ad quas eorum animos qui audient trahet similitudo. Nolo morte dici Africanum, castratam esse Rempublicam; nolo stercus Curix dici Glauciam. Quamvis sit simile, tamen est in utroque deformis cogitatio similitudinis.* Vide & *Vossianus* Inst. Orat. Lib. IV. c. VI. §. 9. & seqq.

17. Quartò, ope figuratæ dictionis ubi semel commoti sunt affectus, non rigide is qui eloquentiâ dicentis perculsus est ejus dicta expendit. Observantur ejus animo, non plenæ & distinctæ loquentis notiones, sed earum dumtaxat partes aptiores ad eum commovendum; eæque sunt quibusdam additis imaginibus ornatae, quibus augentur; ac præterea accedunt generales quædam notiones quibus connectuntur; unde fit ut occupatus animus, atque affectu impeditus, in phantasmatibus illis acquiescat, & indignetur etiam iis, qui perspicuam explanationem eorum quæ admiratur flagitant.

18. Quando contingit ab homine, qui nunquam rem diligenter animo versavit, audiri Oratorem dicentem *rem esse nullam, quæcumque tandem sit, quæ à Deo non creetur, quandoquidem summa Dei perfectio postulat, ut solus sit summa omnium rerum causa*; is Orator facile in ad sensum trahit audientem; cujus cerebrum variis commovit tropis aut figuris, & cujus animo phantasma quoddam, quod significatur hisce generalibus vocibus: **CAUSA OMNIUM RERUM** objicitur, quo occupatus aliè convertere oculos nequit.

19. At sub iis vocibus latet quandoque hæc sententia, ipsam etiam cogitationum humanarum, quæ inter Entia recensentur, Deum esse auctorem; adeoque ipsam mentem humanam nihil quidquam agere, sed tantum agi, instar machinæ quæ nervis alienis movetur. Cum verò objicitur; Deum, hoc posito, malas etiam cogitationes injicere hominibus, denuo delabuntur ad abstractas & generales loquutiones; dicunt, nempe, posse spectari in cogitatione qualibet aliquid *physicum*, aliquid *morale*; prioris Deum esse auctorem, posterius, ubi sermo est de malo, esse nihil. Sic parum cautos occupant, notione abstractâ cogitationis, quæ potest sine vitio ac virtute esse, & de seclis cujuspiam seorsim spectari, in quo cogitationis vitium esse aiunt. Accedente dein figurato sermone, à Deo omnia pendere, ejus infinitæ *εὐπορίας* perfectionem esse ut omnia ejus ope fiant, nihil sine eo esse, aliqui creaturam ejus regimini eripi, & similibus; ita commovetur cerebrum auditorum, ut non videant Religionem omnem & societatem ipsam civilem radicibus evelli, fictâ illâ Numinis reverentiâ, & monentes etiam cum indignatione excipiant.

20. Qui sunt ejusmodi sermonibus adsueta non modò audientibus fucum faciunt, ne possint intelligere quid velint; sed semet ipsi deludunt. Hinc fit ut cum monentur, de sensu quem illæ loquutiones fundunt, negent se eum sensum agnoscere, si aliis verbis sit conceptus, licet sit prorsus idem. Quisquis affirmat Deum esse cogitationum omnium nostram auctorem; aded ut, sine ejus interventu, eoque, ut loquuntur,

quuntur, prædeterminante, nihil possumus cogitare, & vice versa co prædeterminante non possumus non cogitare quod vult; quisquis, inquam, talia affirmat, idem contendit Deum esse mali; non minùs quàm boni, auctorem. Attamen qui ita loquuntur hoc à se admitti acerrimè negant, &, ut puto, boni fide negant, quia rei perspicuè expressæ non adsentiantur; licèt sub involucribus abstractarum quarundam notionum, figuratis vocibus vestitarum, idem planè amplectantur.

21. Si quis dubitaret, an qui figuratâ oratione tantopere delectantur, affectibus præpediti sint; essent duntaxat rogandi, ut vocibus propriis, quoad fieri potest, mentem suam exprimerent. Tum ex illorum inanibus conatibus, & in figuram semper delabentibus appareret illos, præ commotione cerebri, nescire quid sibi velint. Nempe, de omnibus, qui nimium pigmenta Rhetorica deamant, idem dici potest quod ingeniosissimè de Poëtis *Socrates* in Apologia, apud *Platonem*, dicit: ἡ σοφία ποιεῖται, ἀλλὰ φθόγῳ τινὶ καὶ ἐκθυσιαζόντες. ὥσπερ οἱ θεοπαύτρεις καὶ οἱ χρυσοῦδοι: non arte, sed naturâ quadam & veluti afflatu faciunt ut divini & vates. Καὶ ὁ ἴστος λέγει μὲν πολλὰ καὶ καλά, ἰσάζει δὲ ἑδὲν ὅν λέγουσι: et enim hi dicunt multa & egregia quidem, sed nesciunt quid dicant. Reverâ orationes valde figuratæ non conscribuntur, sine commotione animi, parum apta ad investigationem veri, sed ad grandiloquentiam accommodatissima; ut experti sunt quicumque, furore illo Rhetorico deservescente, seriò cogitationes suas expenderunt.

22. Quintò, ejusmodi sunt nonnullæ figuræ, ut aliunde notum loquentis animum esse oporteat, si intelligi velit. Ad hæc pertinet *λιτότης*, quâ plus significatur quam dicitur. *Livius*, de *Polybio* verba faciens, *Syphacem*, inquit, in triumpho ductum *Polybius*, haudquaquam spernendus auctor, tradit. Lib. XXX.

45. *Fulvius Ursinus* censet tam tenue elogium ab invidia profectum, cum *Livius* pænè integros ejus describat libros. At *Isaacus Casaubonus* *λιτότης* esse acerrimè contendit, & plura ejus figuræ profert exempla. Plurima quoque habet *G. Vossius* Instit. Oratoriæ Lib. IV. c. X. §. 8. Sed res vix potest exemplis liquidior fieri, quia cum *λιτότης* frequentem esse constet figuram, non perinde constat de candore *Livii*; qui Romanos fortè ab lectione *Polybii*, ne ejus retegerentur furta, frigido elogio, detertere voluit.

23. Ejusdem generis *Ironia* est, quæ est oratio, quâ contrarium ejus quod volumus affirmamus, datâ operâ, sed non seriò. At quomodo intelliget Lector, vel auditor nos figuratè loqui, non simplici uti & seria affirmatione? Respondet *Quintilianus* *; aut pronuntiatione, aut personâ, aut rei naturâ. Nam

* Instit. Orat. Lib. VIII. c. 6.

si qua earum verbis dissentit, apparet diversam esse orationi voluntatem. Sed pronuntiatio ad auditorem tantum pertinet, nos verò de Lectore hinc agimus. Non diffitemur personam, aut rem, aut denique aliam circumstantiam persæpe clara esse Ironiæ indicia; sed loca sunt, in quibus nec personâ, nec ullâ aliâ circumstantiâ, Ironia fit manifesta.

24. Exempli causâ, *Æneidos* I. 41. Juno ita loquens inducitur:

——— *Mêne incepto desistere victam?*

Nec posse Italiâ Teucrorum avertere Regem?

Quippe vector satis! Pallâsne exivere classsem

Argivum, atque ipsos potuit submergere ponto

Unius ob noxam, &c.

Ast ego, quæ divum incedo Regina, Jovisque

Et soror & conjux, una cum Gente tot annos

Bella gero, &c.

Subinnuit *Servius* verba, quippe vector satis, Ironiam esse, quia dicere non possumus à Junone ignoratam vim fatorum. *Gerardus* verò *Vossius* * hoc exemplum proferit, ex quo constat in hac parte summos etiam viros decipi; atque neminem negaturum eum falli, qui naturam Junonis & Virgiliani loci consideret. At ego utroque considerato, Ironiam hinc esse omnino credo, nec aliud vult Juno nisi hoc: satis, quæ mihi à Jovē obijciuntur, cum de funditus perdenda Trojana gente loquor, vetari nequeo, ne quod cupio effectum dem. Nemo nescit Poëtas, postquam fata mutari non posse dixerunt, tamen præter fatum, ὑπὲρ μάγον, dicere multa contingere. Itaque *Virgilius* Junonem inducit, ita loquentem, quasi ei obijci nequeat fatum, ne faciat quod cupit. Vide versum 22.

25. Sed ut exemplum, ex re majoris momenti, proferam, verba sunt Dei Gen. III. 22. *En Adamus, instar unius nostrum: factus est, nunc autem, ne manum suam injiciat &umat ex arbore vite, vivatque in perpetuum, cavendum.* Quæritur, inter interpretes, utrum hæc sine figura intelligenda sint, an verò Ironiam, vel Sarcasmm hinc quærere nos oporteat. Posterius nobis vero similis videtur, ut in Commentario ad eum locum ostendimus. Non defuerunt tamen, qui aliter sentirent, quos consulere poterunt qui abundant otio; nam nobis satis est exemplum proposuisse, ex quo liqueret non semper Ironias à viris doctis intelligi. Qua de re adeundus etiam *Ger. Joân. Vossius*, loco quem antea indicavimus.

26. Sextò, huc quoque facit, quod assertit † *Cicero*, ut ostendat quid sit, quod omnes translatis & alienis magis dele-

* *Insp. Orat. Lib. IV. c. IX. §. 2.*

† *De Oratore Lib. III. c. 40.*

stantur, quàm propriis & suis; nempe, quòd singulis verbi
res, ac totum simile conficitur, hoc est, integra uno verbo simi-
litudò contineatur; cujus proinde partes omnes cognoscere
dilucidè non possumus, ut antea diximus. Præterea, eodem
iudice, delectatio illa oritur quòd omnis translatio, quæ qui-
dem summâ ratione est, ad sensus ipsos admoveatur, maxime ocu-
lorum, qui est sensus acerrimus. Hoc ipsum rem intellectu dif-
ficiliorem facit, nam dum nobis Orator in conspectu ponere
nititur, quæ videre non possumus, res diversissimi generis inter
se confert, ac proinde inter quas non nisi tenuis & obscura est
similitudo.

27. Profert ex veteri Poëta hæc verba:

—Vive Ulysses, dum licet,
Oculis postremum lumen radiatum rape,

quibus Ulysses quàm primùm vita uti, quæ ei brevis futura
erat, hortatur nescio quis. In iis hoc meritò observat Crys-
pus, aut Cicero potius, non dixisse Poëtam *cape*, non *pete*, quia
haberet moram sperantis diutius sese victurum, sed *rape*; quod
verbum est ad id aptatum quòd ante dixerat, *dum licet*. At
homini brevi morituro quid faciendum ut vitam rapiat? Quid
Ulysses, hac auditâ voce, in animo habuit? Scio equidem
quid responderi possit, sed nihil hîc obscurum, ac perturba-
tum admitto. Novi quoque Horatium, hæc fortè imitantem,
dixisse Od. XI. Lib. I.

—Sapias, vina liques, & spatio brevi
Spem longam reseces, dum loquimur, fugerit invida
Ætas; CARPE diem, quam minimam credula postero.

Hoc sensu, *rapere radiatum lumen solis* erit bibere & lætari, qua-
rum rerum modus non indicatur. Hi fructus sunt vitæ, qui
carpendi, imò *rapendi*, dum licet, nobis sunt, sed quâ ratione
& quo numero? Imitatus etiam est, ut hoc obiter dicam, ve-
rerem à Cicerone laudatum Poëtam Petronius in Satty. qui nau-
fragium facturum amatorem ita cum amasio colloquentem in-
ducit: *da oscula, dum licet, & ultimum hoc gaudium, satis properan-
tibus, rape*. Sic & Thalmudici, harum elegantiarum aliqui neg-
ligentiores: *השף דאכיל השף ואישתי רעדמא ראלינן מניה כהילולא רמי*;
; *rape & comede, rape & bibe*, nam mun-
dus hic, ex quo imus, nuptiali festo similis est. Vide Joan. Bus-
torfium in Lex. Rabb. ad radicem הלל.

CAPUT XVI.

XV.

Brevis Historia studiorum Rhetoricorum, quibus difficillimum cognitu factum est, quid cogitarint de pluribus rebus celeberrimi Scriptores.

1. **POSTQUAM** ostendimus quantas tenebras sermoni Rhetorica offuderit, ut constet etiam quam multi Scriptores figuratam dictionem simplici prætulere, ac proinde quanta sit difficultas in intelligendis Veteribus; hinc paucis studiorum Rhetoricorum historiam texemus.

2. Initio quidem, quo Græci habebant tractum, cui nomen fecerunt, cum durior adhuc vita esset, non videntur Rhetoricen coluisse. Fatendum tamen, apud eam Gentem, antiquissimam esse artem dicendi; quoniam *Homerus*, cujus ætas, propter antiquitatem, à bis mille annis ignoratur, summa fuit eloquentia; ex quo constat, etiam ante eum exultam fuisse dicendi artem. Verè *Cicero*, * *jam temporibus Troicis*, inquit, *tantum laudis in dicendo Ulyssi non tribuisset* *Homerus*, & *Nestori* (quorum alterum vim habere voluit, alterum suavitatem) nisi jam tum esset honor eloquentiæ; neque ipse *Poeta* hic tam idem (lego, item) ornatus in dicendo, ac plane orator fuisset. Cum autem ejus artis tanta esset vis, ut qui eam valebant ii innumera impetrare possent, quæ à minus eloquentibus non obtinebantur; tum in Reipublicæ administratione, ubi consensus Populi requirebatur; tum apud Judices, ubi causa dicenda erat; tum etiam apud quosvis alios, in quotidianis vitæ negotiis; plures eam excolere coeperunt, & *Corax* quidem † ac *Tisias* Siculi primi artis præcepta collegerunt & scriptis mandârunt, ut ex *Aristotele* nos docet *Cicero*. Neque existimandum est postea à bonis tantum esse traditam, virtus enim sola eloquentiam non parit; sed à malis etiam, quibus neque veritas, neque æquitas cordi erant. Atque hinc factum ut Rhetorica complecteretur, non modò artem defendendæ veritatis, aut tuendi juris; sed etiam cujusvis & veritatis, & juris oppugnandi.

3. Circa tempora Peloponnesiaci belli, quibus præstantissimi Rhetores apud Græcos floruerunt, vivebant ‡ *Leontinus* *Gorgias*, *Thrasinachus* *Chalcedonius*, *Protagoras* *Ab-*

* In Bruto c. 10. † *Cicer. de Orat. Lib. I. c. 40. & in Bruto c. 12.*
Cicero de Claris Orat. §. 8.

‡ Ex

derites, Prodicus Cejus, Hippias Eleus, aliique multi qui docere se profitebantur, errogantibus sanè verbis, quemadmodum causa inferior dicendo fieri superior posset; ita enim loquebantur. Protagoræ potissimum, qui volebat omnia esse vera, hoc est, id verum vocari quod unicuique videretur, fallacissima artis tribuit inventio. Πρῶτος ἔφη, verba sunt Laërtii Diogenis, αὐτὸς λέγων εἶναι πᾶσι πάντες πρῶτα ἀντικειμένους ἀλλήλοις: primus dixit duas esse de omni re rationes contrarias. Gorgias quoque se ad omnia de quibus quisque audire vellet esse paratum denunciabat. Postea verò vulgò hoc facere ceperunt, bodieque, ait * Cicero, faciunt; ut nulla sit res neque tanta neque tam improvisa, neque tam nota, de qua se non omnia que dici possunt, profiteantur esse dicturos. Contra hosce Rhetores, licet immeritò Socratem iis adgreget, imò eorum principem faciat, aculeatissimam Satyram edidit Aristophanes, in Nubibus. Eodem in numero erant Sophistæ, de quorum argumentis scripsit Aristoteles libros duos, & quorum ingenium † hisce verbis describit: ἐπεὶ δὲ ἔτι τις μᾶλλον πρὸς ἔργον τὸ δοκεῖν εἶναι σοφῆς, ἢ τὸ εἶναι καὶ μὴ δοκεῖν (ἔστι γὰρ ἡ σοφιστικὴ φαινομένη σοφία, ἥσα δὲ μὴ καὶ ὁ σοφιστὴς χρηματιστὴς ὑπὸ φαινομένης σοφίας, ἀλλ' ἐκ ἥσων) δῆλον ὅτι ἀναγκαῖον τέτοις καὶ τὸ σοφῶς ἔργον μᾶλλον δοκεῖν ποιεῖν, ἢ ποιεῖν καὶ μὴ δοκεῖν: quoniam quibusdam opere pretium majus est, si videantur sapientes, quàm si sint, nec tamen videantur (Est enim Sophisticè apparens sapientia, sed que ipsa non est; & Sophista n̄ qui lucrum querit ex apparente, non ex vera sapientia) perspicuum est necesse esse hos videri munere sapientis fungi potius, quàm eo fungi, nec tamen videri.

4. Iis, ut rectè ‡ Ciceroni observatum, sese Socrates opposuit, qui subtilitate quadam disceptandi, refellere eorum instituta solebat. Habemus quatuor Dialogos Platonis elegantissimos; nempe, Gorgiam, Hippiam, Protagoram & Euthydemum, quos Plato ex ore Socratis aut ejus nomine edidit, & quibus ii Rhetores pro merito suo ridentur. Verùm & Socrates & Plato frustra fuere, quandoquidem ab eo tempore Græcia id genus Rhetoribus semper abundavit. § Isocrates ipse, cujus indolem probabat Plato, orationes aliquot, ad exemplum Gorgiæ fecit, ubi summo vituperio dignos Helenam & Bysiridem ad cælum laudibus tollit. Certè cùm ob dicendi facultatem sæpe par, nonnunquam etiam superior videretur qui injustam causam defendebat, atque inde magna emolumenta, & salus interdum penderet; ceperunt bohi, ut se suosque defenderent, ejusmodi artem discere; mali verò utilita-

* De Oratore c. 22. Lib. I.
Lib. III. c. 16.

† Cap. 2. Lib. I.
a Sub finem Phædræ.

‡ Loco Laud. & de Ora.

tis causâ, ut prava facinora ruerentur, eidem totis viribus incumbere; denique tota Græcia, ipsique Philosophi, qui veritatis investigationem proficiebantur, certatim ad eloquentiam eniti.

5. Plerique hoc unum spectabant, ut facultatem acquirerent eleganter de quovis argumento, in utramvis partem, dicendi. Cum autem hoc multò magis ex consuetudine atque exercitatione penderet, quàm ex rerum ipsarum cognitione, & veritatis indagatiōe; non tantopere desudabant in acuendo iudicio, & cognoscendis disciplinâ, quàm in scribendis ac recitandis orationibus. Si quam Philosophiæ operam darent, id eo animo non faciebant, ut veritatem, si quæ ei inesset, cognoscerent; sed ut docti viderentur, & Philosophiæ spoliis ornarent orationes, apud iudices, aut apud Populum habendas. Addiscebant potissimum *Dialecticam*, quæ ars fuit disceptandi, & quidvis oppugnandi, aut defendendi, non minùs ac Rhetorica ipso fatente * *Aristotele*, cujus hæc verba sunt: ἡ *Διαλεκτική* καὶ *Ῥητορική* μόναι τὰ πάντα συλλογίζονται, ὁμοίως γάρ ἑστι ἀμφότεραι τῶν ἐναντίων: *Dialectica* & *Rhetorica*, solæ contraria concludunt, est enim utraque pariter contrariorum.

6. Non credebant in Orationibus nihil oportere proferri, quod verum non censeretur, & validis niteretur argumentis; satis habebant asserre verisimilia, nec eâ quidem verisimilitudine, quæ per se audientium animos percellit; sed quæ non esset peripicuæ ac manifestæ veritati contraria. Modò ne absurdus rationibus, & quarum infirmitas cuius illico appareret, uterentur, satis pulchrè dicere se existimabant. Hinc † *Aristotelis* libri duplicem scopum habere dicuntur, διπλὴ σκοπὸς, τὸ πιθανόν καὶ τὸ ἀληθές, probabile & verum. Δύο δὲ αὖτ *Laertius* πρὸς ἐκάτερον δύναμεσιν ἐχρήσατο, *Διαλεκτικῇ* μὲν καὶ *Ῥητορικῇ* πρὸς τὸ πιθανόν: duabus ad utrumque facultatibus usus est, *Dialecticâ* quidem, & *Rhetoricâ* ad probabile: ἀναλυτικῇ δὲ καὶ φιλοσοφίᾳ πρὸς τὸ ἀληθές: *Analyticâ* & *Philosophiâ*, ad verum.

7. Quicumque veteres Rhetoras legerit, non diffitebitur eos tantum τὸ πιθανόν spectasse; & sanè si quis paulò severius orationes Veterum quæ supersunt expendat, ubique ferè deprehendet eos usos argumentis πιθανοῖς, hoc est, levi verisimilitudine tinctis, eadem audaciâ, ac si comperta proloquuti essent. Ipsi cordatiores Philosophi fatebantur sua esse tantum probabilia, quam in rem notatu digna sunt ‡ *Platonis* in *Timæo* verba: εἰὰν μηδὲνδὲς ἦπὸν παρεχόμεθα εἰκότας λόγους, ἀγαπᾶν γὰρ, μνημονεύον ὥς ὁ λέγων, ὑμῶς τε οἱ

* *Rhetor. Lib. I. c. 1.* † *Diog. Laert. de Vita Arist. p. 319, Ed. H. Steph. Amst. L. V. n. 18.* ‡ *Ed. Ecim. p. 526.*

κεῖται πῶς ἀρδανὶν ἔχουεν. Consentum te esse oportet, si non minus probabiles, quàm quivis alius, sermones protuleris; memorem, & me dicentem, & vos, qui iudicabitis, naturâ tuâ manâ esse præditos.

8. Ea consuetudo acuendæ linguæ, ex quo semel radices inter Græcos egit, nunquam ex eorum animis evelli potuit. Semper fuere postea doctores qui artem loquendî profiterentur, licet eadem docendi methodo semper usi non sint. * *Quintilianus* auctor est fictas ad imitationem fori materias, apud Græcos, dicere, circa *Demetrium Phalerea*, institutum. *Cicero* verò se puero *L. Plotium* primum Romæ Latine docere coepisse affirmat, sed antea plurimi fuerant, apud Romanos, eloquentiæ studiosi, ut liquet ex ejus libro de *Claris Oratoribus*, quî à Græcis magistris instituti fuerant. At hinc perpetuò fuere Romæ dicendi magistri, & universa Juventus Romana certatim eloquentiæ operam dabat.

9. Erant autem variæ exercitationes. 1. Quædam verba-bantur circa † *Ethica* argumenta, & vocabantur *Ἰστοί*. Laudabatur virtus, vituperabatur vitium, aut vice versâ; unde nata *ἀντιρροαί* & *καταρροαί*, sic enim vocabant, *defensiones* & *confutationes*. 2. Seligebatur † interdum argumentum ex historiis veteribus, aut ex re si quæ fortè recens accidisset, laudandum, vel vituperandum; aut ubi quid suadendum, vel dissuadendum erat. Hæ exercitationes, *Ciceronis* tempore, *causæ* vocabantur. Ipse testatur se multum temporis § in *declamatione causarum* posuisse, quandoquidem id à se quotidie factum ait. Etiam cum *Cæsar* rerum potiretur, apud *Ciceronem* * *Hirtius* & *Dolabella* declamabant, licet Senatoria ætatem ætate. 3. Hæc exercitia postea † *Controversiæ* dicta sunt, sed immutata materiâ; cum enim antea ex vero eventu delinqueretur, tempore *Senecæ* Rhetoris, ficta argumenta electa sunt, quæ præberent occasionem dicendi mirabiliora, quàm quæ usu veniebant, quæ fallidiebantur quasi nimis confirmata. Atque hæc tractabantur, non modestâ eloquentiâ, sed tragico poenæ tumore.

10. " Tunc nihil ex iis quæ in usu erant audiebatur; sed
" piratæ, exempli causâ, cum catenis in litore stantes; & ty-
" ranni edicta scribentes, quibus imperent filiis ut patrum ca-
" pita præcidant; sed responsa in pestilentia data, ut virgi-
" nes tres aut plures immolentur; sed meliti verborum glo-
" bosi, & omnia dicta factaque, quasi papavere & salamo

* Lib. II. c. 4. † *Suetonius* de *Clar. Rhetor.* † Id. *Ibid.* & *Antist.*
al. de *Corrupta Eloquent.* § In *Bruto*, *Vid.* & *Ep.* ad *Fam.* Lib. XVI. Ep. 21.
* *Ep.* ad *Fam.* Lib. IX. Ep. 16. † *Seneca* in *Præf. Controvers.*

sparsa. Hinc meritò non obesa naris * Scriptor ex quo antecedentia verba desumpta sunt, aiebat adolescentulos, qui ejusmodi nugis imbiberentur, stultissimos in Scholis fieri. Quicumque exempla ejusmodi ineptiarum videre avebit, *Seneca* & *Quintilianus* Suasorias & Controversias adeat oportet. Temporibus *Trajani*, *Scholastici* vocabantur *Rhetores*, qui causas fictas perorare docebant, & ex tempore de rebus ejusmodi dicere semper parati erant. *Isaïum* sic describit *Plinius* Lib. II. Ep. 3. Dicit semper ex tempore, sed tamquam diu scripserit, &c. Poscit Controversias plures, electionem Auditoribus permittit, sæpe etiam partes. Surgit, amicitur, incipit. Postea : annum, inquit, sexagesimum excessit, & adhuc Scholasticus tantum est, quo genere hominum nihil aut simplicius, aut sincerius, aut melius. Nos enim qui in foro, verisque litibus terrimur, multum malitia, quamvis nolimus, addiscimus. Vide etiam notulas, ad *Hieroclium* Scholastici Facetias.

11. Hæc erant Juventutis potissima exercitia, & jam sub *Netone* adeò erant tumidâ illâ eloquentiâ veluti fasciati, ut in rebus foris eodem modo agerent, quod apparet ex prima *Persii* Satyra ; ubi præposterum eloquentiæ studium reprehendit, & hæc inter alia leguntur in *Pedium. Blefum*, sacrilegii & peculatus à *Cyrenensibus* accusatum :

† Nilne pudet capiti non posse pericula anno
Pellere, quin trepidum hoc optes audire decenter,
Fur es, ait *Pedio*. *Pedius* quid ? Crimina rasis
Librat in antisthetis, doctas posuisse figuras,
Laudatur, bellum hoc.

12. Vel hæc verba *Persii* ostendunt, illam eloquentiam à sapientioribus non fuisse laudatam. Idem colligere est ex † *Antonini* Imp. verbis, quibus sibi gratulatur, quòd à *Rustico* didicisset τὸ μὴ ἐκτραπῆναι εἰς ζῆλον σοφιστικόν, μηδὲ τὰ συγχεφὲν αὐτῷ διανοημάτων, ἢ προτραπτικὰ λόγια διαλέγεσθαι : non deflectere ad ambitionem sophisticam, neque ad scribendum de theorematibus, neque ad suasorias oratiunculas habendas. Sed ii ipsi, qui meritò tumidam eloquentiam sui sæculi reprehendebant, immeritò sanè stylum durum & difficilem intellectu affectârunt. Si alii studiosius æquo figuras & molliorem elegantiam captabant : hi non meliùs horridam nescio quam *Rhetoricam* inducebant, quâ veritas non magis innotescebat.

13. Hæc cum fuerint perpetua Græcorum & Romanorum studia, Scriptores Ecclesiastici primorum sæculorum, qui ea-

* *Petroneus*, initio Satyricæ.† *Sat.* l. 97.‡ *De Seipso* Lib. I. 4.

dem ratione ac Ethnici studia sua instituerant, eodem modo scripserunt ac Ethnici, & figurato stylo, plus quàm par erat, indulserunt. Cùm crederent quæ in rebus humanis hyperbolica forent & nimia, ea rerum ad Religionem pertinentium momentum & maiestatem vix satis exprimere, consuetudinem contraxerunt perpetuâ quadam declamatione utendi; adedò ut rarò ad se redeant, & simpliciter id quod volunt exprimant. Atque hinc, ut ex superiore Capite constar, non levis intelligendi nascitur difficultas.

13. Quamvis exemplorum nimia occurrat copia, quemvis ex Veteribus *Tractatoribus*, ut tunc loquebantur, aperienti, unum hîc apponemus ex * *Theophilo Antioceno*, quod Scriptorem illum legentibus nuper admodum occurrit. Hanc ergo rationem reddit, ob quam Deus conspicuus non est oculis nostris: "*Quemadmodum malum Punicum cortice involutum habet intus loculos complures pelliculis distinctos, & plurima grana inclusa: ita universa creatura à Spiritu Dei ambitur (ἡ χητὰ ὑπὸ πνέματι τοῦ Θεοῦ) & ipse Spiritus ambiens, cum Creatura, circumdatur manu Dei (ὁ Θεὸς χητὰ ὑπὸ χειρὸς τοῦ Θεοῦ.) Quemadmodum itaque granum mali Punici, quod cortice exteriori includitur, quæ extra corticem sunt cernere haud potest: sic nec homo, quem unâ cum universa Creatura manû Dei ambit, potest videre Deum. Quî potuit Ethnicus ejusmodi ratiocinationi cedere, qui nescivit quid sit Spiritus, aut manus Dei, & ambiri horum alterutro? Imò credibile est ipsum Theophilum non satis intellexisse quid sibi veller, illo nimium figurato sermone. Et ejusmodi quidem loquutionibus, scatent Scriptores Ecclesiastici.*

14. Interdum etiam ipsi Patres, vel maximè declamationi dediti, invehuntur in illam consuetudinem, ut Hieronymus. Ad alios enim Concionatores non respicit, quàm ad Christianos, cùm dicit in † *Lib. de Vita Clericorum ad Nepotianum: Ne quæras pueriles declamationes, sententiarum flosculos, verborum lenocinia, & per fines capitulorum singulorum acuta quædam breviterque conclusa, quæ plausus & clamores excitent audientium.* Si quis tamen dubitaret an hæc sit Christianorum eloquentiæ descriptio, eximeretur dubium, hæc ex eadem Epistola verbis: ‡ *Docente te, non clamor populi, sed gemitus scitetur, &c. Nolo te declamatorem esse & rabulam, garrulum sine ratione, sed mysteriorum peritum, & sacramentorum Dei eruditissimum. Verba volvere, & celeritate dicendi, apud imperitum vulgus, admirationem sui facere indoctorum hominum est.*

* *Lib. I. ad Antolichum p. 13. Ed. Oxoniensis.*

† *P. 12. Ed. Gryph.*

‡ *Id. p. 14.*

Attrita frons interpretatur scire quod nescit, & cum aliis persuaserit, sibi quoque usurpat scientiam. Præceptor quondam meus Gregorius Nazianzenus rogatus à me, ut exponeret quid sibi vellet in Luca Sabbathum ὁ ἄρεθρον, eleganter lussit; docebo te, inquit, super hac re in Ecclesia: in qua, mihi omni populo acclamante, cogeris introitus scire quod nescis, aut certe si solus tacueris solus ab omnibus stultitiæ condemnaberis. Qui fuerint antea plausus, aut potius tumultus in foro Romano, vide describentem Plinium Ep. XXXVIII. ubi postquam ostendit signo dato coortos esse plausus: Opus est enim signo, apud non intelligentes, ne audientes quidem; nam plerique non audiunt, nec ulli magis laudant.

15. Ex nimia in ἰσορροπία illa eloquentia exercitatione, idem quoque faciebant in suis disputationibus Christiani, quod in *Pedio* reprehensum vidimus; nempe, pro rationibus, candidisque responsis; figuras adversariis opponebant. * *Legimus, ait alibi idem Hieronymus, o eruditissimi viri, in Scholis pariter, & Aristotelea illa, de Gorgiæ fontibus manantia; simul didicimus plura esse videlicet genera dicendi, & inter cætera aliud esse ὑποκρίσεως scribere, aliud ὑποκρίσεως. In priori vagam esse responsionem, & adversario respondentem nunc hæc, nunc illa proponere; argumentari, ut libet, aliud loqui, aliud agere, panem, ut dicitur ostendere, lapidem tenere. In sequenti autem aperta frons, & ut ita dicam, ingenuitas necessaria est. Origenes, Methodius, Eusebius, Apollinaris multis versuum millibus scribunt adversus Celsum & Porphyrium. Considerate quibus argumentis, & quàm lubricis problematibus Diaboli spiritui contexta subvertant. Et quia interdum coguntur loqui non quod sentiunt, sed quod necesse est, dicunt adversus ea quæ dicunt Gentiles. Taceo de Latinis Scriptoribus Tertulliano, Cypriano, Minutio, Victorino, Lactantio, Hilario; ne non tam me defendisse, quàm accusasse alios videar. Tam apertè sophistice se adhibere profitemur, ut non modò à celeberrimis eloquentiâ & eruditione Scriptoribus factum id esse dicat; sed etiam, quæ est hominis confidentia, idem Paulo Apostolo tribuat: Paulum Apostolum, inquit, proferam, &c. Legite Epistolas ejus & maxime ad Romanos, ad Galatas, ad Ephesios, in quibus totus in certamine positus est; & videbitis eum in testimonio, quæ sumit de Vetere Testamento; quàm artifex, quàm prudens, quàm dissimulator sit ejus quod agit, &c. Heret in causa, caput omne quod tetigerit; tergum vertit, ut superet; fugam simulat, ut occidat.*

* In Apolog. contra Jovinian. pag. 106. Ed. Gryph.

16. Hinc fit ut, cū in Scriptis Patrum quærimus quid fenserint de dogmatibus obscuris, aut in controversiam vocatis, difficillimè invenire liceat quod ambiguitate careat, aut quod hyperbolicis loquutionibus non sit auctum. Hinc etiam factum ut simplicissimi primævi Christianismi ritus, fallaci pompâ verborum ornati, aut potius obruti, nescio quid *μυστικῶς*, & quod superaret naturæ ordinem, ab initio à Deo constitutum, habere primū vixi sint, & tandem in arcanas ceremonias sint mutati; unde absurda consuetudines deducta sunt, quibus haud parum corrupta est species Christianismi, primū nativā pulcritudine gratissima. Omnes satis intelligunt me loqui de Baptismo, & Cæna Dominica, nec opus est ut in Theologicam disputationem hîc digrediar.

17. Indidem fiebat ut ipsi olim Martyres, ejusmodi orationibus adfecti, ita apud Ethnicos loquerentur, ut intelligi non possent, & potè interdum insanire viderentur. Colligimus hoc ex *Antiph. hyp.* qui Lib. xi. §. 3. docet virum fortem oportere paratum esse mori, *μη χ' ἡλὴν παρὰ τὰ ξιν, ὡς οἱ Χριστιανοί, ἀλλὰ λελογισμένως, καὶ σμυνῶς, καὶ ὅτε καὶ ἄλλον πῦρ, ἀτεγγυγῶδες*: non ex simplici, quod Christiani faciunt, perturbatione, sed ex ratiocinatione, & graviter, & ut alios persuadere possis, sine tragico verborum apparatu.

18. Hoc ipsum exprobravit Christianorum Scriptoribus Porphyrius, supersticiosus quidem homo, & Christianæ Religionis infensissimus, sed longè doctissimus. Quærebatur Scripturæ Interpretes ἀνίγματα τὰ φανερώς λεγόμενα κομπάσοντας, καὶ ἐπιθεάσαντας ὡς θεοπίσματα πλήρη κρυφίων μυστικῶν. διὰ τὸ τυχερὸν τὸ κετικόν τὸ ψυχρὸν καταρρητίζοντας ἐπαγγέλλει ἐξηγήσασθαι: postquā ea quæ apertè dicta sunt æigmata esse jactabant, & quasi oracula plena occultis mysterijs veluti numine afflati dixerant, timore orationis judicio fascinato, expositiones suas protulisse. Certè (Ethnici non exaudient) fatendum Allegoricos Interpretes Scripturæ non immeritò ab eo carpi; neque hoc parum Religioni olim nocuit, & etiamnum nocet. Vide *Enseibium Hist. Eccles. Lib. VI. c. 19.*

19. Posterioribus sæculis, nulla fuit major scribentibus cura, quā imitandi SS. Patres; unde factum ut quod quicquid ingenio magis valeret, eò plures adhiberet figuras, nec umquam quidquam serio scriberet; quin quā maximè, seu in disceptando, seu in docendo, Declamatorem ageret. Ne ipsi quidem horridiores Scholastici, in sua barbarie, Rhetoricis pigmentis, pro modulo styli sui, carent. Nemo ferè videtur cogitasse de animi sui sententia quā simplicissimè exponenda, ut solā vi veritatis legentes in adfensum traheret; *πα*leras semper, & quæsitum aliunde ornatum in præteritorum
proximè

proximè sæculorum scriptis videas, non minùs ac in antiquioris ævi monumentis. Verùm hoc inter ea discrimen est, quòd sæculorum antiquiorum eloquentia modestior sit, & majorem sermoni Incem affundat. Faciliùs multò *Ciceronem* intelligas, quàm *Hieronymum*; *Hieronymum* verò faciliùs, quàm *Bernardum*.

20. Hinc jam apparet quanti momenti sint ea quæ de Rhetorico sermone in antecedente Capite diximus; quoniam ad omnia sæcula porriguntur, nec aut veteres aut recentiores satis cautè legere licet, nisi ea animo attentè versaverimus. Unum superest nobis monendum, ne dictis tribuatur sensus à mente nostra alienus. Nempe, colligere inde fortè quis possit omnem Rhetoricam à nobis damnari; eò quòd ob sit perspicuitati. Verùm eos tantùm reprehendimus, qui numquam simpliciter efferunt quod volunt, sed perpetuà quadam declamatione utuntur. Licitum credimus, postquàm quis rem sine figuris ac ornamentis clarè exposuit, ut meritò se à Lectoribus, vel Auditoribus intellectum existimare queat; si putet eos non satis commoveri simplici sermone, tum demum artem Rhetoricam adhibere. Commoveantur affectus ornatà oratione, per nos licet; sed priùs luce veritatis perfundatur animus auditorum, ut perspicuè intelligant quid agatur, & quare moveantur sentiant, non cæco motu percussì sint, neque sciant quæ de causa, ut passim contingit. Miratur enim plebs quotidie orationes sacras, quas non intelligit; & quo minùs intelligit, sæpe eò magis miratur.

Secundæ PARTIS SECT. Secundæ
FINIS.

ARTIS CRITICÆ

P A R S II.

De Vocum & Loquutionum significatione.

S E C T I O II.

In qua particulatim expenduntur Vocum & Loquutionum significationes.

C A P U T I.

De significatione vocum, quæ simplicium Notionum signa sunt.

1. **P**OSTQUAM ea monuimus quæ summatim, de omnium vocum & loquutionum generibus, moneri potissimum posse videbantur; deveniendum nobis est ad singula earum genera, ut quæ de singulis observatu digna occurrerent tradamus. Non necesse erit repetere hoc loco quæ de Notionum & Vocum generali divisione diximus, superioris Sectionis Cap. I. nec etiam singula genera philosophicæ subtilitate excutiemus, cum jam id à nobis factum sit, in Logicæ nostræ Parte I. Eò Lectores, si quid fortè hîc obscuri occurreret, amandamus, ne inutili repetitione sit hoc augendum volumen.

2. Nomina *notionum simplicium*, ut ab hisce initium faciamus, sunt dictiones omnes, quibus exprimere nitimur id quod fit in nobis, cum sensus nostri re quapiam quæ illis objecta est, sunt affecti. *Colores*, seu singulorum colorum nomina, *albus, niger, ruber, carneus, viridis*, &c. sunt ejusmodi vocabula. Quam in rem, dudum animadverterunt Philosophi nobis non posse constare, an alios de illis loquentes intelligamus. Nam convenit quidem nobis de nominibus, sed an sensu eadem animis nostris insint ignoramus. Exempli causâ, omnes qui Latine sciunt, cum intuentur herbam, aut arborum folia, in hoc consentiunt ut dicant esse *viridia*. Sed Caius non potest scire, an Titius eodem planè modo afficiatur, cum intuetur id quod *viride* vocat, ac ipse afficitur. Fortasse id quod

obverfatur

obversatur menti Titii, cum herbas aut folia adspicit, id ipsum est quod sentit Caius, quando nivem intuetur, licet uterque dicat illa esse *viridia*. Sæpe contingit unum eundemque virum ita affectos habere oculos, ut res eadem objecta aliter dextrum, aliter sinistrum percelleret oculum; unde intelligere licet posse fieri diversitate organorum, ut non eodem modo afficiamur rebus coloratis, quamvis iisdem nominibus utamur.

3. Si quis à nobis quærat quis sit color *cæruleus*, non possumus describere quid sentiamus, cum res quæ hoc colore tinctæ nobis obversantur; aut efficere ut sentiat idem plane ac nos, ita ut id à nobis effectum esse sciamus. Hoc unum possumus, nimirum, ei digito ostendere serenum cælum, aut mare placidum, aut quidvis aliud quod cæruleum vocare solemus. Quod si colorem cuiuspiam rei singularem, quam soli viderimus, & quæ ad manum non sit, exprimere conemur; quanta in difficultate versetur & ipsi per nos sentimus, & ex quæstionibus audientium facile animadvertimus. Tunc enim rerum nomina, quibus rebus inspectis, eodem modo affici solemus, coacervamus, nec nobis ipsi, nec audientibus satisfacimus.

4. Præter hæc quæ hominibus eadem Lingua utentibus, eodemque ævo & loco viventibus, quotidie contingunt, unde intelligere possunt, se nominibus quidem consentire, sed scire non posse an sibi de re conveniat; observatu dignum est, in libris Veterum, maximam in hoc negotio quandoque difficultatem intelligendi quid velint occurrere, non modò ob causam memoratam, sed quòd unum idemque nomen coloribus rerum, quibus diversissimè afficimur, imposuerint. Levis aliqua affinitas satis gravis causa eis fuit, cur eodem vocabulo illos appellarint; & cum definire non possint sensa hæc animi sui, illa nomina quandoque distinguunt, & quandoque miscent.

5. Exempli causâ, 1. *cælum cæruleum* vulgò vocant Latini, ut in Ennii verbis: *cæli carula templa*. 2. At iidem vocant antiquæ *cæruleos*. Silius Italicus Lib. II. sub finem;

Cæruleus maculis auro squalentibus anguis.

3. Virgilius Lib. III. *Æneidos*, vers. 65. *vittas funebres vocat cæruleas.*

— *Stant manibus aræ*

Cæuleis mæstæ vittis —

4. Idem vers. 194. ejusdem libri *imbrem cæruleum* his verbis describit:

*Tunc mihi cæruleus supra caput adstitit imber,
Noctem, hyememque ferens.*

5. At

5. At vers. 208. de mari:

Adnixi torquent spumas & cœrula verrunt.

6. *Æneidos* Lib. V. vers. 123. *Scylla*, navis *Cloanthi*, dicitur *cœrula*. 7. Libro verò VIII. ita describitur *Deus*, qui *Fiberi* præesse credebatur, vers. 33.

*Eum tenuis glauco velabat amictu
Carbasus.*

Ex vers. 64.

Cœruleus Tiberis, caelo gratissimus amnis.

8. Idem in *Ciri*, vers. 215. umbras noctis ita vocat:

*— dempta, subita in formidino, vires
Cœruleas sua fœta prius testantur ad umbras.*

9. *Horatius* verò *Epod. XVI.* *cœruleam* *Germanorum* pubem dicit:

Nos fera cœruleâ domuit Germania pube.

10. *Cicero*, in *Arateis*, vocavit *Astra cœrula*.

Cœrula vestigat finita in partibus astra,

si credimus nonnullis Editionibus, nam aliæ habent *austri*. 11. *Propertius* Lib. IV. *Eleg. 2.* *Cucumerem* vocavit *cœruleum*:

Cœruleus cucumis, tumidaque cucurbita ventre.

12. *Scriptor* consolationis ad *Liviam*, de morte *Drusi*, eo *Epitheto* mortem afficit, moribundi describens,

Lumina cœruleâ jam jam nasantia morte.

6. Intelligimus 1. quare cœlum *cœruleum* dicatur, quia si non afficit omnium oculos eodem modo; tamen est idem, & ab omnibus potest adspici. Hinc à multis Gentibus dicitur hodie *blavum*, sic enim *cœruleum* vertere possumus. 2. quare *cœruleum* serpentem dixit *Silius*? Voluitne dicere *arum*? An coloris, ut more nostro loquar, *blavi*, vel *blavastr*? Non modo profecto dixerit. 3. Cujus coloris fuerint *cœruleæ* vitæ, quibus erat cincta ara, in honorem *Polydori* structa, ambigunt, simili de causa, docti viri. Hæc *Servius* ad eum locum: *Cato* ait depositâ veste *purpureâ*, *fœminas* usus *cœruleæ* cum lugerent. *Veteres* sanè *cœruleum* nigrum accipiebant. *Vitis* autem *cœruleæ* in acerbo funere, præcipue filiorum familia abhiberi solebant. At *Ant. Thylesius* in Lib. de Coloribus Cap. I. Quoniam *cœrulei*, inquit, species est pænè nigra, ut quidam dicunt dicitur, eoque olim vestitu Græcæ mulieres amictæ utebantur.

cebant eorum funera, quorum in calum migrasse animas cærulei existimabant; idcirco pro tristi nonnumquam capitur, ut apud Virgilium puppis cærulea Charontis. Nunc non expendam utra sententia vero similior sit, satis est ad difficultatem digittum intendisse. 4. Imber cæruleus videtur esse nubes obscura, quales *νέφελος* à Græcis dicuntur; at color ille multum diversus, à colore coeli sereni. 5. *Cærulea æquora* dixit Virgilius & alii, innumeris locis, quo fit ut Neptunus ab Ovidio Mer. Lib. I. in descriptione Diluvii, dicatur *cæruleis*.

Cæruleus frater juvat anxillaribus undis.

Cui etiam oculi cæruleo colore pingebantur, ut docet Cicero Lib. I. de Nat. Deor. cap. 30. Nemo non crediderit colorem maris proprie cæruleum posse dici, si attendat ingentem copiam locorum, in quibus ita vocatur. Non potest tamen, si proprie loquutus est Cornel. Celsus Lib. VII. Cap. VII. §. 14. ubi de suffusione: *Si exigua suffusio est, si immobilis, colorem vero habet MARINÆ AQUÆ, vel ferri nitentis*—*spes superest. Si magna est, si nigra pars oculi, amissa naturalis figura, in aliam se vertit, si suffusioni color cæruleus est,*—*vix unquam succurritur.* Hic cæruleus color manifestè distinguitur à colore marine aque. 7. Sed navis Cloanthi quare cærulea dicitur? An blauo erat colore picta? Servius: aut nigra, aut alta carina. Omne enim altum nigrum est, ut scrupæa tuta lacu nigro, nemorūmque tenebris. Ineptæ est, sine dubio, posterior interpretatio; prior potest ferri, quia idem Charon, qui

—*ferrugineâ subvectat corpora cymbâ,*

Æn. VI. vers. 303. paulò post, vers. 410.

Cæruleam advertit puppem, ripeque propinquat.

Certe esse nigram navim necesse est, quia pice obducitur, nisi imponatur alius color, qualis est *cinnamitis*, ut undas marinas colore referat. Homerus ambiguo similiter Epithero vocat naves *νυκτοπόρος*, quæ habet proram cyaneam. Nam *νύκτωρ*, blauum & nigrum ex æquo sonat. 7. Si Tiberinus diceretur aut glaucus tantum, aut cæruleus, nihil mirum esset; at mirum colores misceri, qui distinguuntur ab aliis; ut à Celso vidimus distingui eos, qui misceri solent. Glaucus enim idem est ac castus, quandoquidem Minerva, quæ perpetuo Epithero *παιωνίης* dicitur, castis oculis pingebatur, ut auctor est Cicero de Nat. Deor. Lib. I. c. 30. Dicere licebit castos esse oculos Minervæ, cæculos Neptuni. Glaucus autem aut castus est color, quem viridastrium nunc vocamus. 8. Umbras nocturnas Jof. Scaliger existimat dici cæruleas, more Græcorum, qui *νυκτὶν ἰσχυρὰ* dicunt. Ac sanè tenebræ non omni luce destituta,

destituta, non multo aliter nos afficiunt, quam quæ cæruleo colore ad nigrum accedente tincta sunt. 9. Cærulea Germanorum pubes, dicitur, ut volunt Interpretēs ob oculos cæruleos, frequentiores inter Germanos, quam inter Italos. 10. Si Cicerō non dixit *ærulea*, at à *Virgilia* in Ciri, vers. 38. Sol & Luna dicuntur

Sidera cæruleis orbem pulsantia bigis,

ob colorem cœli, per quod feruntur. 11. Fateor me nescire quī *Propertius* *cæruleum* dicat cucumerem, seu cucumerem propriè dictum, seu melopeponem intelligamus; omnes enim, quos umquam vidi, sunt *virides*, aut *viridastri*, ut loquar hodierno more, vel *flavi*, vel misti his coloribus. *Blavos* numquam adspexi. Forte intelligit *cæstos*, hoc est, *viridastros*. 12. Denique in Conf. ad *Liviam* moti dici videntur *cærulei*, quod morientium color soleat esse lividus, hoc est, *blavus moriens*, ut nunc loquimur, vel *plumbeus*.

17. Unum ex coloribus exemplum addam ex *Homero*, quod etiam ostendet idē quod definiri nequeant, nasci maximam ambiguitatem & obscuritatem in vocibus, quibus significatur. Princeps Poëtarū vinum passim vocat *αἶνον* *οἶνον* quod possemus vertere *nigrum* vel *rubrum vinum*, quod, nempe, id vinum sit * *ἐμπικραμένον* † *οἶνον*, ἢ τοι μίλαν, ἢ ἐρυθρόν, specie ambusta, vel *nigrum*, vel *rubrum*. Sic vocat æs *lividum* *αἶνον* *χαλκόν* *Iliad.* Δ. 495. & alibi. At quo sensu mare vocabit † *οἶνον* *τὸντον*? *Nigrum*, nempe, vocat, inquit Grammatici. Esto, sed nigror ille maris non accedit ad nigrorem vini rubro colore saturiore tincti, sed potius ad nigrorem de cæruleo colore multum trahentem. Præterea vocat etiam boves *οἶνοδες*, cuius rei duplicem causam reddit *Eustathius*, † *οἶνοι οἶνοτες* *βόες* *ἢ μίλαντες*, *διὰ τὸ μίλαν* † *οἶνον* *λέγουσιν*, ἢ οἱ *πύρροι* *διὰ τὸ ἔχειν οἶνον* *τινα ἐρυθρόν* *αἶνα*: nigri boves quia vinum *nigrum* dicunt, vel rubri, quia vinum quoddam *rubrum* est. Sic videmus non levem hinc nasci ambiguitatem, in nomine coloris; quia nec boum, nec vini, nec maris semper idem est color; æque difficulter inter se possunt conferri.

8. Quod si possent colores, ut & ceteræ simplices notiones, definiri, more Philosophico; earum semel definitione certā constitutā, nulla amplius occurreret ambiguitas, quia idem vocabulum semper esset ejusdem notionis signum. Simili possemus observare, de variis rationibus quibus afficiuntur auditus, olfactus, gustus, & tactus; quas omnes quidem sen-

* *Eustathius in Iliad.* p. 131. Ed. Rom.

† *Iliad.* A. vers. 730. & passim.

‡ Pag. 1732. Ed. Rom.

timus, at aliis describere non possumus; quæ sit ut nesciamus, an, iisdem nominibus, idem alii ac nos significant. Sed quod diximus de colorum nominibus, ea erunt instar omnium, quæ hanc in rem dici possent; quia eodem modo de cæteris omnibus, quæ sentimus, est iudicandum.

9. Hinc quoque sequitur ut nesciamus, quid sit quod ab aliis, præsertim si eorum mores nobis sint ignoti, *bonum, gratum, iucundum, pulchrum*, in hoc rerum genere, vocatur. Ne enim repetam quod dixi de ratione, quæ quisque afficitur, quæ diversa esse potest, quamvis eodem nomine ab omnibus appelletur; pro consuetudinibus Gentium, magna est in significatione earum vocum varietas, quam vix adsequimur, quia definiri nequeunt ea quæ sentimus. Musicam, sive Symphoniam laudant nonnulli populi, quæ aliis summopere displicet. Seres dicuntur delectari genere Musicæ, planè diverso à Musica Europæorum, & egregiam * *Symphoniam* vocitare, quam nos *absentiam* esse diceremus. Igitur si quis Serum libros legeret, nec umquam eorum Symphonias audivisset, si laudatam videret Symphoniam quamdam; non intelligeret quid significarent voces, quibus eam in rem Seres uterentur; easque si ex usu & consuetudine suæ Gentis interpretaretur, gravissimè falleretur. Verùm missis Seribus, quotus quisque est qui legit scripta Græcorum & Latinorum, ubi passim occurrunt Symphoniarum laudes, vel conjunctus legitur tibiarius sonitus cum recitatione versuum in Comædiis, & Tragædiis, qui intelligat quid illa sibi velint? Profectò perpauca, vel subobscure, suspicantur quæ fuerit illa Musica; & viri doctissimi, qui multum operæ ac temporis impenderunt in illa indaganda, permulta se fatentur ignorare. Nimirum, quomodo cùmque soni describantur, non possunt satis intelligi nisi ab iis qui eos, aut similes aliquando audiverint.

10. Nemo non legit quæ Cicero sub finem libri, quem *Oratorem* inscripsit, habet de *Numero* illo oratorio; ausim tamen dicere innumeros esse, quibus inane videatur quod habet, idè tantum quod non audiverint umquam quemquam aut Poëtam, aut Oratorem, observatâ ratione numeri, legentem; aut quod in Linguis hodiernis, sive numeris adstrictam, sive solutam orationem spectes, nullum ejusmodi numerum observemus. At qui syllabarum singularum quantitatem (quæ eadem omnino est in prosa, ac in versibus) diligenter observabant & alios observantes audiebant, dispositione vocum, pro quantitate syllabarum, vehementer afficiebantur. † *Cicero* orationis numerosæ hoc exemplum C. Carbonis profert, qui in concione

* Vide Isaac. Vossium de Poëmatum cantu & viribus rhythmi.

† In Orat. c. LXIII.

dixit: O Marce Druse, patrem appello; tu dicere solebas, sacram esse Rempublicam; quicumque eam violavissent, ab omnibus esse ei poenas perfolutæ. Patris dictam sapiens temeritas filii comprobavit. Ut cetera omittam, ait Cicero hoc dicto (ultimæ vocis) tantum clamorem concionis excitatum esse, ut admirabile esset. Tum subiicit: Quæro nonne id numerus effecerit? verborum ordinem inani, fac sic: comprobavit filii temeritas: jam nihil erit, etsi temeritas ex tribus brevibus & longa est. Testor aures Lectorum, an tantum discrimen animadvertant, in his compositionibus verborum; ut propter priorem exclamare debuissent intelligant Populum Romanum, posteriorem tacitum audire?

11. At fortè dixerit quispiam, plerosque falem affici numerum versuum Græcorum & Latinorum. Verum hunc quoque numerum plerisque ignotum esse ostendit ratio recitationis, quæ ubique ferè nunc obtinet. Versuum enim numerus, cum sine dubio in quantitate syllabarum situs sit, à plerisque planè negligitur; quandoquidem voces non efferuntur, pro syllabarum quantitate. Græci versus si legantur, aut memoriter recitentur, ratio quidem habetur accentuum, qui ad versuum numerum nihil faciunt; negligitur verò quantitas syllabarum, quæ solâ versus constant. Quod cum omnes planè corrumpat, Iambicorum potissimum & Trochaïcorum versuum numeris ita noxium est, ut nihil differant à prosa, quando ita, ut dixi, leguntur. Eadem est ratio Latinorum versuum, nam licet in Latina Lingua accentus à nobis non pingantur, attamen constanter pronunciantur; nam omnes voces dissyllabas ita pronunciamus, quasi esset acutus in prima, quæcumque ceteroqui sit ejus quantitas. Sic *dabis*, cujus prima syllaba est brevis, non aliter pronunciat, ac *kavit*, cujus prima est longa. In trissyllabis verò vocibus, quarum duæ priores sunt breves, semper prima acuitur; ut, *câpere*, cujus primæ non minùs insistimus, quàm primæ verbi *câpere*. Præterea ita nunc pronunciamus ultimam syllabam nominum primæ declinationis, ut in recto non sit minùs longa quàm in secundo casu, ut *Musâ*, &c. O productum & O breve, in ultimâ syllaba, longum facimus. Addendæ sunt hisce elisiones, quas nullo modo observamus, & quibus neglectis, æquè absurdum sunt versus Latini, ac si in Gallicis syllaba, quæ elidi debet, planè pronuncietur. Quæ regulæ perpetuæ sunt, nec ulli exceptione laborant. At iis observatis, in lectione versuum planè corrumpitur numerus: quemadmodum perit, in Græci versibus, si accentuum rationem habeas.

12. Hinc fit ut multæ syllabæ breves videantur longæ, & quidem iis locis ubi necessario breves esse oportet; utque dup versus, ejusdem generis, diversum plane numerum ha-

bere videantur. Exempla quid velim ostendent. Itaque apponam versus *Catulli*, in quibus eas syllabas notabo accentu, quæ cum sint naturâ suâ breves, & tales sint necesse est in versu, tamen legendo producuntur.

Esi me adfiduo confectum curâ dolore,

Sevocat à doctis, Ortale, virginibus.

Nec potis est dulces Musarum expromere fatus,

Mens animi, tantum fluctuat ipsa mali.

In primo versu ultima syllaba vocis *curâ*, quæ brevis est, producit pronuntiatione; in ultimo verò ultima vocis *ipsâ*, & prima vocis *mali*; quo fit ut ultimus versus videatur esse alius generis ac secundus, in quo penultima vocis *virginibus* corripitur, & in quo tamen peccatur quod antepenultima producat. In Iambicis versibus lectis, prout nunc legi solent, idem usu venit. *Phaselum* Catullianum si quis legat, postquam legerit:

Ait fuisse navium celerrimus,

corruptâ, ut par est, penultimâ, sequentem versum legens eandem syllabam produceret:

Negre ullius natantis impetum trahis.

Quo fiet ut videantur esse versus diversi generis. Atque ex his facile est intellectu, plerosque dudum nescire quid sit numerus.

13. Igitur hinc sequitur non idem significare rectam pronuntiationem, & numerum, cum oratorium, tum poeticum, in ore nostro, ac in Scriptis Veterum. Quod nos plausu cohonestamus, illi pastoritiâ fistulâ exciperent; & vice versâ nobis alii pronuntiationi adfueris, quamvis absonâ, ludibrium deberet quisquis, prisco more, recitaret. Unde verò hoc factum? Nempe, quia, Linguarum hodiernarum consuetudine ita postulante, mutavimus pronuntiationem Linguae Latine, aut potius sensim mutatam à Majoribus nostris accepimus; quâ mutatione admissâ, necesse est ut numerum, de quo tam multa Veteres, planè ignoremus. Nomen est ejus quod sentimus, cum modulata ex arte oratio pronuntiatur; cujus nominis significationem melius adsequimur, auditâ rectâ recitatione, quam amplissimâ rei quam significat descriptione.

14. Cum legimus *tetrum* aut *gratum* odorem, nisi addatur ex qua re ille odor manaret, scire nullo modo possumus quis sit; quia ignoramus sæpe cujus rei odore homines delectentur. Idem de sapore dixeris, qui pro gustuum varietate laudatur, aut vituperatur. Exempli causâ, singe Hollandum & Siamensem in forum piscarium ire, Hollandumque incidere in pisces fluviales, per aliquot dies servatos; illico dicet eos scetere, & de-

& deterrimi saporis esse. Adsit hoc dicenti Siamensis olfactuque pisces; negabit esse *tetrum* odorem, & *grati* saporis esse, si coquantur, contendet. Adsuetus cibis, multo pipere & sale conditis, *insipida* vocabit; quæ alius sat lapida esse dicet, qui tanto pipere & sale in cibis uti non solet. Hic vice versâ, aromatibus præter modum condita contendet, quæ probè temperata illi videbuntur.

15. Finge tibi delicatam mulierem, carpentoque vehi solitam, incedentem pedibus, & quidem tenuibus calceis indutis, per viam paulò lapidosiorem, dicet *asperrimam* & *molestissimam* esse viam. Tum eandem calcet rusticus, qui soléat non modò pedibus incedere, sed & per loca aspera ac lapidosa, negabit eam viam esse *asperam*, aut *molestam*; imo verò sat *planam* & *commodam* iudicabit. Quod si uterque describeret iter quod fecisset, neque quidquam de alterutrius sorte, & ratione vivendi sciremus, quo modo possemus intelligere quid sibi vellent? Eadem diversis vocibus significarent, atque iisdem vocibus diversa. Nec dubium est, quin multa talia occurrant, in Veterum Scriptis; quæ moniti Literarum studiosi posthac animadvertent.

16. Ex hisce etiam colligere licet, nos non satis clarè intelligere posse quid significant voces, *pulcritudo*, *pulcher*, aliæque similes; quia sunt nomina notionum simplicium, quæ per sensus ad nos appellant; aut notionum compositarum, quæ ejusmodi notionibus simplicibus constant. Didicimus usu quid iis aut similibus nominibus vocetur, apud eos inter quos nati atque alti sumus, cùm videremus ea quæ pulcra vocarentur, non ex descriptionibus pulcritudinis. Quid verò alii iisdem appellationibus signare soleant vix intelligere possumus, nisi inter eos versemur; unde necesse est nos non satis intelligere quid velint Scriptores, temporum aut locorum intervallis à nobis remoti, vocibus quæ iis quas protulimus verti solent. Ac sanè constat experientia, non eandem formam omnibus Gentibus admirationi esse, & laudari. Quam in rem, ita Sextus Empiricus, contra Mathematicos, Ed. Genevensis p. 446. *Ἀνθρώποι συμφωνῶντες, εἰ τύχοι, καὶ τὸ εἶναι τινα σωματικὴν εὐμορίαν, καὶ τῆς εὐμορίας καλῆς γυναικὸς παρὰ τὴν ὁμοιότητιν, de formosa verò & pulcra muliere dissentiunt. Τὸ δὲ αἰθιοπῶν ἡ σιμωτάτην ἢ μελαντοτάτην προτινόντων. τὸ δὲ Πέρων ἢ χρυσοτάτην ἢ λευκοτάτην ἀποτινόντων. ἄλλοι δὲ ἢ μᾶλλον κατὰ τὴν ἡμετέραν καὶ χεῖρα πασσὼν καλλίονα λέγουσιν, proferente Æthiope eam quæ maximè sima & nigerrima est, Persæ verò eam probante, quæ est maximè adunco naso & candidissima; alio verò mediam, & ad figuram quod attinet & ad colorem, pulcherrimam omnium esse dicente. Alia exempla proferre possumus, sed hoc satis erit, ut quid velimus intelligatur.*

CAPUT II.

De nominibus Notionum Compositarum.

1. CUM notiones *compositæ* dicantur omnes, in quibus varias partes distinguimus; ut perfectè adsequamur quid significant nomina ejusmodi notionum, oportet nos ita pervidere omnes partes quibus constant, ut eas enumerare possimus. Alioqui si quæ pars nos fugiat, non possumus dicere nos plene intelligere quid ejusmodi nominibus significetur. Si in pyxide, aut in sacco varia essent clausa, ac nos perfectè scire diceremus quæ iis clauderentur; tum verò iis apertis, & oculis expostis omnibus quæ inerant, liqueret fuisse varia, de quibus nè suspicari quidem fueramus; nemo non diceret, nos frustra jactasse nobis notum fuisse quidquid sacco, aut pyxidi inerat. Eadem est ratio nominum, quibus *compositæ* notiones appellantur. Verùm quàm facile est scire quidquid pyxide, vel sacco clauditur; tam difficile est investigare omnes partes notionis *compositæ*, quæ verbo quopiam significatur.

2. Omnes notiones, quæ animo nostro obversantur, aut per sensus ad eum appulerunt, seu id semel contigerit, seu repetitis experimentis; aut meditatione, & commentatione ab animo nostro efformantur. Itaque ad hæc duo genera omnes *compositæ* notiones, adeoque nomina quibus significantur referri possunt. Corpora, eorumque qualitates videmus, aliisque sensibus percipimus; cæteræ verò incorporarum rerum notiones à nobis sunt meditandæ effectæ. Igitur sunt nomina corporum, & nomina rerum incorporearum, quibus significantur notiones *compositæ*.

3. In quolibet corpore, duo animadvertuntur, quorum alia ei corpori sunt communia cum omnibus aliis corporibus, alia sunt qualitates ei corpori peculiare. Itaque quisquis nomen corporis profert, eo nomine complectitur varia illa, quæ in corpore cernuntur. Verùm hoc in negotio magna occurrit difficultas, neque enim ex eo quod novi in quopiam corpore certum numerum qualitatum, sive communium, sive ei propriarum; idè sequitur omnes, qui nomen ejus corporis proferunt, notionem ejus habere æquè amplam, aut æquè arctam, ac mea est. Fortasse non novi quidquid illi animadverterunt; aut animadvertisse se putant in corpore, de quo loquuntur; aut etiam plura in eo animadverti, aut credo me deprehendisse, quàm illi. Igitur

tur cùm eodem nomine utamur, idè tamen eandem notionem eo nomine non significamus ; & dum ignoramus quàm latè pateat , aut quàm arcta sit aliorum notio, nescimus an nos omnino intelligant, anve ab iis probè intelligamur. Idem fit inter nos, ac si nummis quidem ejusdem nominis duo mercatores uterentur, eosque inter se permutarent; sed interea neuter sciret an metallum quo constarent, anve eorum pondera essent æqualia. Ut periculosum esset ejusmodi commercium, quia alter posset multùm amittere, dum lucraretur alter: sic & non leve periculum est, nè fallamur, dum de notionibus aliorum judicamus ex nostris, similisque prorsus eas censemus, dumtaxat quia eodem nomine appellantur. Hoc autem si verum sit de iis, qui inter se colloquuntur; multò verius est de Scriptis Veterum, iisque qui ea nunc intelligere nituntur.

4. Exemplo ut rem illustremus, ab antiquissimis temporibus notus fuit *Magnes*, ut nos docet *Aristoteles* de Anima, Lib. I. c. 2. *Ἐοικε δὲ Θάλῃς κινητικόν τι τὸ σιδηρὸν ὑπολαβεῖν, εἴπερ τὸ λίθον ἔρη σιδηρὸν ἔχειν, ὅτι τὸ σιδηρὸν κινεῖ: videtur Thales statuisset animam esse aliquid, cui vis movendi inest, quandoquidem dixit lapidem animam habere, eo quòd ferrum movet.* Pluribus etiam hunc lapidem descripsit *Plinius*, Histor. Naturalis Lib. XXXVI. Cap. 16. Si quis misceret notionem hujus lapidis, qualem nunc habent Philosophi, cum notione Veterum, existimaret Veteribus etiam notam fuisse qualitatē quā *Polos* suos ita dirigit, ut alterum semper Septentrioni, alterum constanter Meridiei obvertat. Quam tamen constat Veteribus ignoram fuisse.

5. Quia Veteres non modò eadem genera animalium viderant ac nos, sed & de iis ingentia volumina scripserunt, ut *Aristoteles*; quia plantas diligenter lustrarant, ut liquet ex libris *Theophrasti* & *Dioscoridis*, nè jam *Plinium* appellem; ideo tamen existimandum non est, iis eandem notionem obversatam esse corporis animalium, & partium quibus plantæ constant; quæ nobis, post Recentiorum pulcherrima inventa, obversatur. Ne singillatim loquar de iis quæ ignota antehac fuerant, certum est hæc eorum notiones obscurissimas & imperfectissimas fuisse, si cum nostris conferantur, vel ad solam rationem nutritionis animalium & plantarum quod attinet. Igitur quamvis iisdem vocibus hæc in re utamur, iis, cùm loquimur, subjecta est potestas multò amplior & clarior, quàm in Veterum Scriptis.

6. Si quis legerit & expenderit quæ Recentiores Physici de rerum universitate scripserunt, de magnitudine & distantia stellarum, deque amplitudine rerum naturæ; is demum intellexerit,

tellexerit, si modo intelligi potest, magnitudinem operum Dei; deque iis sentiet, prout tanto artifice dignum est, si humana imbecillitas nos umquam patitur digna Numine cogitare. At idem, si postea legat quæ Veteres plurimi de finibus *Mundi* scripserunt, mirabitur quæ potuerit fieri ut sapientes viri in tam absurdis cogitationibus adquiescerent. Videbuntur ei viri acutissimi pœnè hoc in negotio, delirasse. Exempli causa, *Aristoteles*, de cælo Lib. II. c. 4. ita loquitur de *Mundo*. Σφαῖρῆς ἐστὶν ὁ κόσμος ----- καὶ ἀκρίβειαν ἔντορον ὅτως ὥστε μὴδὲν μὴτε χειρόκμητον ἔχειν περὶ πλῆθος, μὴτε ἄλλο μὴδὲν ἢ παρ' ἡμῶν ἐν ὀφθαλμοῖς φαινόμενον: *Sphaericus est mundus & usque adeo rotundus, ut nihil illi conferri queat eorum quæ manu facta sint, neque aliud quidnam quod in oculis nostris versetur.* Facile esset talia multa congerere.

7. Qui, dum hæc legunt, subjiciunt voci κόσμος, *Mundus*, eandem notionem, quam recentiores Astronomi, non possunt, non ridere Veteres, qui similia affirmarunt. At meminisse eos oporteret Veteres *Mundum* vocasse spatium illud, quod hinc ad stellas porrectum est, neque stellas admodum remotas existimasse. Cum autem hæc in orbem circa terram sita viderent, idè crediderunt *Mundum* esse rotundum. Sed qui nōrunt Solem esse centrum, circa quod hæc nostra terra cum cæteris Planetis in orbem agitur; stellâsque alias totidem esse Soles, qui non magis moventur quàm hic noster, & immensâ distantia inter se divisi sunt; nec ullam esse rationem, cur putemus nos hinc profectos ad ultimum operum divinorum pervenire posse, si per totam æternitatem rectâ lineâ ad ulteriora feramur; qui, inquam, hæc nōrunt, non possunt capere quæ *Mundus* hic, quem animo ita contemplantur, rotundus dici queat. At, ut dixi, idem non intelligebant veteres, voce *Mundus*. Igitur cavere debemus ne notiones nostras mutuas veteribus demus, deinde ex notionibus illis de eorum sermone judicemus, ut passim fieri solet.

8. Si velimus eorum mentem adsequi, oportet veluti nostrarum opinionum oblivisci, & ad eos, ut ita dicam, rudes atque integros discipulos afferre; qui quærant quid Magistri illi veteres senserint, non quod sentire debuissent, ut scaperent. Non debemus eorum dicta cum ipsâ rerum, de quibus loquuntur, naturâ conferre, quatenus nobis nota est; nam, ut diximus, eorum cognitio amplior, aut tenuior esse potuit, quàm nostra; sed eos ex ipsis eorum verbis, quantum licet, interpretari. Si ex eorum oratione non possimus colligere, quæ fuerint omnes partes quibus notiones eorum compositæ constabant, de cæteris nihil est pronuncian-

dum; fatendum nos non planè adsequi quid sibi voluerint.

9. Manifesta hæc mihi esse videntur, cum ex re ipsa, tum ex superioribus exemplis; quibus similia innumera harum rerum studiosi observabunt, si attendant, dum Veterum Scripta legent. Attamen contrarium planè fit, nam ad lectionem Veterum accedimus ita animo affecti, ut parati simus iis omnia nostra dogmata, si vel minimùm per eorum verba licet, attribuere. Si quid omittunt, quod videatur pertinere ad perfectionem notionis, quam in eorum libris quærimus, id ex nostris observationibus, aut opinionibus supplemus. Quo modo pro sententiis Veterum, postea Systema quoddam doctrinæ habemus, quod partim eorum opinionibus, partim nostris constat additamentis.

10. Constitutis verò nonnullis dogmatibus, cum ex lectione Veterum, tum ex nostris supplementis, non hîc consistimus; sed consecraria innumera, cum proxima, tum remotiora; cum necessaria, tum verisimilia ex iis deducimus. Quæ omnia Veteribus tribuimus, quasi eorum notiones æquè latè patuissent ac nostræ, & consecraria illa infinita, quæ ex iis deducimus, pro suis agnitiuri essent, si reviviscerent.

11. Visne exempla ejus rei, in negotio maximi momenti, atque ad notiones præsertim incorporeas pertinentia? Veteres Christiani, qui per aliquot sæcula Platonici fuerunt, cum legerent Scripturam, ut ex ea Religionis Christianæ Systema quoddam colligerent, Platonicas suas notiones Scripturæ notionibus ubique miscuerunt, & quod in Scriptura non legebatur, quodque credi volebant, ex ea deduxerunt consecrariis, non ex uno fonte derivatis, sed ex Platone, & quæ ac ex Prophetis. Cum verò Occidentales Christiani Aristotelis Scripta terere, & admirari cœpissent; tum quoque cœperunt Peripatetica dogmata miscere cum Scripturæ decretis, atque ex illa mistura infinita consecraria deducere, quibus conflata est Scholastica Theologia. At nunc, variis in locis, ubi in pretio est *Ren. Cartesii* Systema Philosophicum, miscentur ejus opiniones cum iis quæ ex Prophetis & Apostolis discere licet; atque inde corpus ipsum Theologiæ, quasi ex sola Scriptura collectum, conficitur.

12. Quod Scriptura de Deo, ejusque natura, nos docet et Platone interpretati erant Veteres, ex Aristotele verò Scholastici, nunc ex Cartesio multi interpretantur; & ut præterita sæcula, pro ibrida illa Theologia, pugnarunt Scriptis, anathematibus, legibus, edictis, quasi pro mæris oraculis divinis: inveniuntur forte olim qui pro Cartesiano Christianismo, quasi pro aris & focis, decerent. Imò verò jam inveniuntur

sunt, in perspicacissimi hujus sæculi luce, qui invidiam facere nequissimè conentur iis, qui Apostolos ex *Cartesio* interpretari nolunt; eosque traducant, quasi negarent dogmata, quorum *Cartesianas* interpretationes repudiant.

13. Duo tantum alicujus momenti huic nostræ doctrinæ, de omnibus partibus notionis compositæ inveniendis in Scriptore, cui eam tribuere volumus, objici queant. Nimirum, I. quando sermo est de rebus; quæ Veteribus æquè videntur notæ fuisse, ac nobis; nullam videri satis gravem esse rationem, cur nominibus, quibus utuntur, non æquè amplam significationem subjectam fuisse suspicemur, ac nostris; sive cur non credamus totidem partes fuisse, in notionibus illis compositis Veterum, ac in nostris. Unde sequi videtur, eos debuisse de iis rebus ratiocinari, quemadmodum hodie solemus, atque ex iisdem notionibus eadem, ac nos, consectaria ducere.

14. Profectò si spectentur res, quæ ex quotidiana hominum omnium vita necessario cognoscuntur, & quæ semper eadem, per omnia sæcula, fuerunt; non dubitârim Veteribus eandem eorum ac nobis tribuere cognitionem, quæ ex quotidianis experimentis hauritur. Talia sunt *cibus, vestitus, mors, vita*, & alia innumera. Verùm ubi opus est ratiocinatione, ut notio quæpiam efformetur, præsertim si paulò plures propositiones complectatur ratiocinatio; non opinor tutum esse, Veteribus ea de re silentibus tribuere eandem notionem ac nobis; quia facillimè fieri potest ut illa ratiocinatione usi non sint, adeoque eam notionem non efformârint. Potuerunt Veteres de consecrariis, quæ deducimus ex iis quæ perspecta habebant, non cogitare; quod non intelligo dumtaxat de consecrariis verisimilibus, sed & de prorsus necessariis. Neque hoc potuit tantum fieri, sed etiam persæpe factum est, in rebus manifestis. Exempli causâ, nōrant & Veteres & proximè elapsa sæcula; nōrant, inquam, *sanguinem* esse liquorem, qui perpetuò è corde fluit ad extremos artus; sciebant, ut sanguis è vena commodè emittatur, vincendum esse artum, inter cor & extremitatem. Hinc, ut alia omittam, necessario, nisi mens læva fuisset, debuissent colligere esse in corpore nostro vasa per quæ sanguis ad extremos artus feratur; & alia, per quæ ad cor refluus actu redeat. Si res in se spectetur, & argumenta, quibus à *Guil. Harveio* confirmata est expendantur, cerè non tam videbitur fuisse perspicacis ingenii motum sanguinis in orbem invenire, quàm stupidi non vidisse. Attamen res ab omnibus ignorata fuerat. Non multò majoris negotii erat invenire *Antipodas*, positâ eâ cognitione Navigationis & Astronomiæ, quæ fuit à multis sæculis, apud varias Gentes,

M 3

quàm

quàm sanguinis reciprocum æstum ; ; & cùm primùm nonnulli Philosophi, aut Nautæ mentionem ejus rei injecerunt, omnes debuissent illico rem quasi verissimam agnoscere, & pudore suffundi, quòd citiùs eam non animadvertissent. Contrà omnino accidit, ut sannis, & probris, imò etiam anathematibus exciperentur, non à stultis, sed * ab acutissimis ac eloquentissimis sui sæculi viris, qui Antipodas primùm in lucem, per hoc nostrum Hemisphærium, proferre ausi sunt.

15. Hisce exemplis, manifestò liquet iis, qui *principia* ex quotidianis experimentis nòrunt, non satis tutò attribui cognitionem *consecratorum* necessariorum. Quod si in rebus sensus percellentibus, clara & facilia consecratoria homines non vident ; quid erit dicendum de rebus incorporeis ? Certè cautiùs in hac re erit agendum, neque quidquam affirmandum, de quo manifestò non constet. Quæ ratiocinatione colligimus ex enunciationibus, quæ apud Veteres leguntur, non sunt continuò illis tribuenda ; quamvis firmæ sint, & faciles ratiocinationes. Animus humanus non modò omnia non videt simul, sed persæpe etiam ea quæ videre posset non intueretur. Quandoque ante pedes posita negligimus, ut remotiora sectemur. Amplissimus hìc mihi sese aperit campus, in quem digredi possem, si vellem. Sed in arctiorem gyrum coercenda est oratio, & Lectoribus satius est relinquere quærenda quæ omitimus, quàm eos nimis exemplorum copiâ obruere.

16. II. Objici præterea possit, si admittatur quod diximus de non tribuenda ulla parte notionis compositæ Veteribus, cujus clara non sint in eorum Scriptis vestigia, præsertim in re paulò difficiliore ; inde sequi pauca eorum verba perfectè à nobis intelligi posse, cum pleræque ejusmodi notiones significant, nec proinde *adequatas* notiones eorum quæ docent comparari. Unde sequetur, multa, quæ credi vulgò solent ex contraria ratione interpretandi, dubia videri debere ; quod si verum esset multò minor utilitas nasceretur ex Veterum lectione, quàm à plerisque hæctenus creditum est.

17. Respondemus 1. verissimum esse multò pauciora intelligi, quàm Vulgus putat : 2. innumerarum opinionum, quæ apud Veteres fuerunt, *inadequatas* tantùm notiones posse comparari : 3. ideòque frustra sæpe in eorum Scriptis quæ solutiones controversiarum, quæ nunc exercent viros eruditos. Verùm tanti nostrâ non interest accuratissimè scire, quid per omnia voluerint Veteres ; cum ex potissimorum capitum cognitione colligere possimus omnia, quæ necessaria sunt ad

* Vide inter alios Augustinum de C. D. Lib. XVI. c. 9. & Lactantium Lib. III. §. 24.

bene, beatèque vivendum. Si tanta utilitas ex Veterum Scriptis non colligatur, quanta colligeretur, si quæcumque dicunt non obscurius intelligeremus, quàm ipsi intellexerunt; at iis utendum quàm maximè licet, sine errandi periculo; sat magna utilitas ea erit, ut granulari nobis debeamus, quodd eorum tot monumenta ad nos pervenerint. Multa fortasse, neque enim diffimulabo, comperiemus nos nescire, quæ scire nos antea putabamus; sed quid? an præstat opinari sibi esse nota, quæ re ipsa nota non sunt, quàm intelligere suam ignorantiam? Non opinor; imò verò, si Socrati credimus, humanæ sapientiæ apex in eo situs est, ut quàm ignari simus, probè cognoscamus; cui viro si quis adsenferit, iudicio suo meum etiam adscribat.

18. Si hæc probè intelligeretur interpretandi ratio, & in animum, ut par esset, demitteretur, non parum conferre posset ad trium gravissimorum malorum emendationem. Retunderetur primum superbia Criticorum, nata ex eo quòd putent se scire quod nesciunt, & quâ sæpe bonis literis aut invidiam, aut contemptum creant. Deinde mitigaretur ingenium Theologorum, qui intelligerent sæpe, si ad hanc normam rationationes suas exigerent, ex Scriptura nullo modo posse probari, quod in ea clarè haberi, ob Critices ignorantiam, existimant. Parcìus uterentur anathematibus, & dissentientes faciliùs ferrent. Denique errores orti ex temerariis consectariis deductis ex Scriptura, contra allatas Regulas explicata, agnoscerentur, atque ex Christianorum Theologia eliminarentur; quod optare hæcenus licuit, sed nescio an sperare umquam licebit.

CAPUT III.

De nominibus Substantiarum & Modorum.

1. **L**OGICÆ nostræ P. II. c. 3. ostendimus quàm sit obscura notio *Substantiarum* omnium, quæ quasi reverè sint spectantur; unde sequitur, earum nomina significare notiones obscurissimas. Nomine *Substantiæ* intelligimus naturam, quæ per se est, & cui insunt variæ qualitates, quas *Modos* solemus vocare. Sed quæ sit illa natura ignoramus, nisi quòd certas qualitates in ea simul esse cernimus.

2. Igitur quotiescùmque occurrit nomen *Substantiæ*, apud veterem Scriptorem, ante omnia intelligamus necesse est, illi ignotum fuisse obscurum illud *subjectum*, ut loquuntur Philosophi, cui insunt qualitates. Deinde quot in illo nòsser, vel esse putaret (nam hic, ubi de animi notionibus agimus, perinde est an sint, anve esse putemus) qualitates, plerùmque nobis ignotum esse; ac proinde an voci quàm legimus eandem subjiciamus potestatem, quàm subjecit is qui rei usus est. Exceptis enim *Substantiis* nonnullis, quæ omnibus ex æquo notæ, quotidianâ experientiâ, nec notiores sunt nunc quàm olim, aut fuerunt olim quàm nunc; dicere nemo queat, num Scriptor, quæm legit, idem prorsus intellexerit ac quod legentis animo obversatur. Quam in rem, in memoriam revocandum est quod Capite superiore dicebamus, de nominibus, notationum compositarum; nam *Substantiæ* quoque notio composita est, ut ex allata ejus definitione liquet.

3. Exempli causâ, *Deus* est nomen *Substantiæ*, quæ licèt singularis, nec cum ulla alia conferenda, spectatur tamen à nobis quasi *subjectum* quoddam, ornatum qualitatibus, quæ ejus *attributa* vocari solent. Quæcumque formetur Dei notio, est illa à *posteriori*, ut loquuntur Scholastici; nempe, si ex usu, nunc inter Christianos recepto, describatur, collectio præstantissimarum quarumque qualitatum, quæ nullo defectu finiri intelliguntur. At quamvis singulas illas qualitates, animo à cæteris sejunctas, & *abstractè*, ut loqui solent, spectatas intelligere possimus; attamen *subjectum*, cui insunt, adsequi non possumus; adeoque nomen Dei nomen est notionis obscurissimæ, etiam inter Christianos. Sed inter Ethnicos multò obscurior est, quippe apud quos, ut antea * ostendimus, nomen est Naturæ humanæ præstantioris, sed cujus quàm latè

* P. II. §. I. c. 3.

pateat præstantia non liquet. Erant enim illis varii ordines Deorum, quorum alii alii superiores esse credebantur. Invo-
cabantur

----- di, deæque, superi, atque inferi & medioximi.

ut ille loquitur apud *Plautum*, Cistellariâ Act. II. S. I. vers. 36. ad quem vide Interpretes, & eos qui de Diis scripsere. Colebantur & Dii mali, ne nocerent, qui, ut docebat * *La-
beo*, propitiabantur cædibus & tristibus supplicationibus; unde apparet quandoque, non dissidentibus ipsis Ethnicis, voces *Deus* & *Numen* significare Naturam hominibus quidem potentio-
riorem, sed nequaquam meliorem. Igitur non erat certa po-
testas his vocibus subiecta, & cum sermo sit de Naturis in-
conspicuis difficillimè scire licet quid sit earum nominibus pro
locis, in quibus occurrunt, intelligendum. Quousque enim
porrigebatur præstantia Deorum inferiorum, mediorum, &
superiorum? Nemo certè dixerit, nec Ethnicici ipsi figmentis
illis suis certos limites constituerant. Si sermo sit de rebus,
quæ oculis usurpari possunt, ea quæ de illis dicuntur compa-
ramus cum iis quæ cernimus; atque ex illa comparatione,
colligimus quid voluerit is, cujus verba intelligere conamur.
At rem inconspicuam, qualis est divina natura, non possumus
conferre cum nominibus, quibus vocari solebat. itaque nihil
obscurius est illis vocibus.

4. Possunt duorum ejusdem temporis, & gentis hominum
comparari sermones, qui planè contrarii erunt, de una eadè-
que illa Natura, à qua omnia regi consentient. Non possunt
de eadem tabula picta ita judicare, ut alter dicat in ea Ele-
phantem esse pictum, alter Hominem; at de Deo, quia in-
conspicuus est, æquè repugnantia affirmare possunt. Alter de-
scribet tibi Deum quasi hominum patrem, qui numquam eis
benefacere desinat, & peccantibus facile parcat, nec libenter
pœnas infligat. Sic de Deo loquetur Philosophus, ut omnes
nórunt. Contrà superstitiosus describet tibi Deum *ἀέκαστον*,
εὐμετέστονον, *εὐχεῖν πέδω δαγόν*, *ὄνι τοῖς τυχεῖσι πρῶτον*, *μικρο-
δυνον* * inconstantem, mutabilem, primum ad iram, vindictæ le-
vibus de causis cupidum, de minimis indignantem. Quæ verba
sunt *Plutarchi*, è libro de superstitione. Itaque licet ejus-
modi homines consentiant de voce *Deus*, & nonnullis Dei at-
tributis; in cæteris multum dissentiunt, nec idem vox *Deus* in
utriusque ore sonat. Si superstitiosus ex sua notione vocem
Deus interpretetur, in viri sapientis oratione, toto cælo erra-
bit; si sapiens, vice verâ, ex suo sensu, in superstitiosi verbis

* Vide Augustinum de C. D. Lib. I. c. 11. & alios. Adis & Plutarchum de su-
perstitiis.

eam intelligat, non minùs falletur. Igitur in hisce potissimùm rebus cavendum est, ne ex nostris notionibus verba Ethnicorum interpretemur.

5. Ad Christianos Scriptores ut redeamus, multi multa de creatione, cæterisque actionibus Dei scripserunt; sed fatendum est, ut nobis omnino constat rerum universitatis initium ad Deum auctorem referendum esse: ita rationis qua è nihilo creavit, seu actûs illius, qui *creatio* dicitur, nullam à nobis claram notionem formari posse. Sunt & alia *μυστήρια*, quæ à Theologis dicuntur de Deo, & quæ haud magis intelliguntur, ut facile possemus ostendere. Quando quispiam loquitur de actione rei corporeæ, in aliud corpus, illâ conspectâ intelligimus quid velit; sed quî possumus intelligere eos qui de actibus quibusdam divinis verba faciunt, quos nec nos, nec illi vidimus? Cùm sermo est de homine nobis simili, in cujus animo vel corpore quidpiam contigisse dicitur; ex nostra ipsorum experientia, quadam tenus saltem, suspicari possumus quid significetur. At quid intelligere possumus, ubi sermo est de Natura nobis dissimillima; & de qua ea dicuntur, quibus similia in nobis numquam experti sumus? Attamen si proferantur verba, ex Scriptoribus divinitus afflatis deprompta, non difficulter credimus iis subesse sensum quempiam quem ignoramus, quia spiritus divinus res divinas novit. Verùm cùm homines sine afflatu de ejusmodi rebus loquuntur, non modo non intelligimus quod dicunt, sed ne ipsi quidem sciunt quid sibi velint.

6. Nomina Substantiarum creaturarum esse pariter rerum obscurissimarum nomina, ex ipsarum consideratione ostendimus, loco Logicæ nostræ memorato; neque hîc quod illic diximus repetere necesse est. Ipsas Substantias non videmus, nec quid intelligant earum nominibus alii, præsertim quos interrogare non licet, scire possumus. Qualitates, ut dixi, quæ in iis intelligant nescimus. Cavendum ergo est, in interpretatione Veterum, ubi de hisce loquuntur, ne iis tribuamus quod ipsi intelligimus, pro eo quod illorum animis obversabatur.

7. Verùm non singulares dumtaxat Substantiæ considerantur, sed Substantiarum collectiones, quæ quò ampliores sunt, eò habent nomina obscuriora. Nomina sunt collectionum Substantiarum similium, ut *exercitus*, qui significat cœtum militum; *classis*, quæ est collectio navium; *urbis*, quæ est multitudo domuum, & similia innumera. Sunt quoque nomina collectionum Substantiarum dissimilium, ut *navis*, *domus*, &c. In hisce autem animadvertendum est spectari non nudas tantùm Substantias, sed innumeros etiam Modos, qui iis in-

est

esse intelliguntur; quo fiunt notiones ampliores, eadēque operā obscuriores.

8. Si vel ea nomina expendamus collectionum Substantiarum, quæ, exempli causâ, attulimus, quàm obscura sint ejusmodi vocabula facile animadvertemus. Scimus quidem *exercitum* esse multitudinem militum, qui sunt sub signis, & duci aut ducibus parent; satisque clara est ea notio, si ita *abstractè* consideretur. At si agatur de exercitu, non qui esse potest, sed qui est, ut claram ejus notionem habeamus, qualis necessaria est, ut de rebus ab eo gestis, aut gerendis judicare possimus; plura sunt cognoscenda, quorum serè semper maxima pars omittitur à Scriptoribus, qui ea voce utuntur. Scire, exempli gratiâ, nos oporteret 1. quot sint milites: 2. an sint veterani, an tyrones; equitēne, an pedites; seu quot fuerint utriusque generis; quo armorum genere instructi, & cui pugnæ rationi adfueri: 3. cujus sint gentis, & quomodo exercitati: 4. quàm animosi sint, aut quàm timidi: 5. an ducibus dicto audientes sint, an iis confidant, vel diffidant: 6. quis sit animus, quæ peritia, quæ potestas ducum: 7. quos habeant belli apparatus, & unde omnia exercitui & bello gerendo necessaria comparare queant: 8. qui sint iis socii, & quæ auxilia ab iis accipere possint, &c. Attamen plerique Historici, qui aut Rerum publicarum generales Historias, aut excellentium Imperatorum vitas scripserunt, ne quartam quidem partem earum rerum memorant; seu eas ipsi rescire non potuerint, seu cùm scirent, imperitiâ scribendi, dicere neglexerint; unde consequens est ut de præliis, victoriis, expeditionibus, itineribusque exercituum, & universim de eorum rebus gestis, non satis exploratò judicare possimus. Lege mihi Historicos omnes, quotquot sunt, Græcos ac Latinos; & comperies plerosque eâ omissione gravissimè peccasse, atque densissimas tenebras toti narrationi offudisse. Dicemus iterum aliquid hac de re, in Sect. 3. Part. III. hujus Opusculi. Atqui solet conferri Historia Picturæ, quasi, nimirum, res gestas populorum & virorum insignium oratione nobis pingeret, & spectandas posteris daret. Quis vero ferret in vultu hominis pingi dumtaxat oculos & nasum, omissis cæteris partibus? An judicium ullum posset ferri de pulcritudine totius vultûs, ex tabula, quæ dimidiam tantum ejus partem spectandam præberet? Attamen ita se gerunt plerique omnes Historici, ut ex iis, quæ modò dicebamus, liquet; & volumus de eventibus, quos eorum Historiæ complectuntur, certa judicia ferre! Verum, si sapimus, ex imperfectis ejusmodi descriptionibus, conjecturas tantum faciemus, quas nec accuratas, nec *adequatas* esse fatebimur, nec pertinacius æquo defendemus. Stultum
certè

certè esset ex tabula imperfecta, de tota re quæ pingitur sine provocatione ad ampliorem cognitionem, judicare velle.

9. Omnes putant se scire quid sit *classis*, & sæpe Historici maritimas copias eâ solâ voce describunt; omissis numero, magnitudine & forma navium, numero classiariorum & militum, aliisque circumstantiis, quas memoravimus, cum de *exercitu* loqueremur. Attamen absque accuratiore cognitione *classis*, *adequatum* nullum judicium de eâ ferre nobis licet. Idem dicendum de voce *urbs*, cujus domuum numerus & amplitudo reticetur, & quæ quot incolas habuerit, quæve divitias ignoramus; quod frequentissimè, inter legendum, contingit.

10. Quod si nomen collectionis Substantiarum proteratur, quæ complectatur diversi generis Substantias, innumeris *Modis* ornatas, nec aliter describatur; oportebit nos in obscurissima notione acquiescere. Exempli causâ, *navem* adduximus, quod nomen est machinæ lignæ ingenti numero partium, inter se compactarum, constantis; in qua sunt clavi, mali, funes, & cætera armamenta. Quia in Scriptis Veterum nulla est navis, præsertim longæ, descriptio accurata; permulta sunt in descriptione classium, & navalium præliorum, quæ nullatenus possumus adsequi. * *Florus* nos docet magnas classes à Populo Romano, brevissimo tempore instructas fuisse, eisque impositos & transvectos maximos exercitus, quod vix ac ne vix quidem intelligere possumus, ob causam memoratam. Scio esse permultos, qui Romanam Historiam legant, atque illa veloci lectione prætervolent, quasi nihil esset difficultatis; sed hoc ipsum ostendit Lectores persæpe acquiescere in obscurissima notione eorum, quæ maximè intererat scire; nec eo secius de aliis judicare, quam si accuratissimè omnia perlustrassent. Qui non satis intelligent quid velim, ii adeant * eos, qui de re nautica Veterum scripserunt; rem enim copiosius exponere, per institutam breviter, non licet.

11. Hisce de notionibus Substantiarum demonstratis, non opus erit, ut multis agamus de Modorum notionibus; quia ut monui, omnes Substantiæ spectantur, quasi Modis variis præditæ. Tria ergo dumtaxat animadversione digna proferemus: I. Si Modum unum *abstractè* consideremus, exempli causâ, figuram quamlibet, notio ejus nobis olversatur

* Lib. II. c. 2. quem confer cum Polybio Lib. I.

† Præsertim Joan. Schofferum & Marc. Meibonium.

summæ perspicuitatis; atque ejusmodi notionum nominibus utuntur Geometræ; sed de his intelligendis hoc loco non laboramus, nec ulla est certior via, quâ perveniatur ad intelligentiam Veterum qui de Geometria scripserunt, aut eam quandoque attrigerunt, quàm si ei disciplinæ operam demus.

12. II. Sunt etiâ nomina Modorum, non minùs perspicua attendentibus, sed quæ usu Vulgi ita ambigua facta sunt ut recentiores demùm Physici eam ambiguitatem animadvertierint. Nomina qualitatum, quæ *sensiles* vocantur, duo significant; quæ non possunt sine maximo errore misceri, & tamen à Vulgo miscentur. Exempli causâ, *lux, sonus, odor, sapor, calor*, &c. sunt ejusmodi nomina, quibus significatur cum id quod sentimus, quando animadvertimus *lucem, sonum, odorem, saporem, colorem*, &c. tum id quod est in corporibus lucidis, sonoris, odoratis, sapidis, & calidis. Quod sentimus est Modus nostræ Mentis; quod est in illis corporibus est eorû corporum Modus, isque planè diversus ab eo qui est in nobis. Verùm de his solent agere Physici, & nos diximus quod satis sit, Physicæ nostræ Libro Quinto. Itaque nihil ea de re addemus, cum præferim non soleant Critici in tam subtilem notionum divisionem, & considerationem descendere. Satis iis est, si modò possint Veteres interpretari, æquè clarè ac intelligitur vulgò sermo hominum, vernaculâ Linguâ utentium.

13. III. Innumera sunt vocabula, quæ significant non unum Modum, qui rebus extra nos positis, aut menti nostræ insit, quales sunt ii de quibus modò dicebamus, sed plurium Modorum collectionem; eaque vocabula difficilia sunt intellectu, quòd non sit facile omnes Modos, quos significatione suâ complectuntur, invenire; quia ii qui iis vocabulis usi sunt, ea numquam aut rarò sat accuratè definierunt, nec possunt nunc à nobis interrogari. Talia sunt nomina affectuum, Vitiorum & Virtutum. Hæc enim sunt dumtaxat varii Modi, qui nobis insunt, & quorum certis collectionibus certa nomina imposita sunt. Ut ergo accuratè intelligamus quid significant ea nomina, oportet nos scire quot varios modos complectantur, quorum si vel unus nos fugit dici non possumus ea nomina intelligere. Exemplis res li-
quidior fiet.

14. *Amor & Odium* affectus sunt, qui in historia humani generis, omnibûsque ferè omnium Scriptorum scriptis, utramque paginam faciunt. *Amor* vix potest ita definiri, ut una definitio conveniat omnibus affectibus, qui eo nomine vocantur, propter maximam eorum varietatem. Constat quidem quidquid eo nomine appellatur oriri ex re quapiam, quæ no-
bis

bis est voluptati, & in eam ferri; sed sunt diversissima ea, quæ nobis voluptatem creant, & diffidentes prorsus circumstantiæ affectuum, qui sub eo nomine continentur. Quæcumque nobis voluptatem creant ea *bona* vocamus, suntque aut corporis, aut animi, aut externa. Itaque hæc omnia bona amare dicimur; & pro variis circumstantiis, *amor* nomen est diversissimorum affectuum, sive diversis Modis constantium. Qui nisi diligenter distinguantur, non intelligimus eos, qui iis vocibus utuntur.

15. I. *Amor* significat eum affectum, quo duo sexus conjunguntur, matrimonii, aut etiam voluptatis causâ. Nihil frequentius, apud omnes Scriptores, & artem satisfaciendi huic amori scripsit *Ovidius*. Si sermo sit de amore licito juvenum, qui matrimonium spectant, in eo hæc consideranda veniunt: 1. est totius sanguinis quidam fervor: 2. voluptas animi in adpectu ejus qui amatur, & in sermonibus cum eo cædendis: 3. cupiditas eo potiundi, atque unâ vitæ transigendæ: 4. vota quibus amans optat omnia ei secunda accidere, & si quâ possit adjuvare, alacre, promptum ac profusum auxilium: 5. lætitia aut dolor, prout rebus secundis, aut adversis utitur: 6. egregia de eo opinio, sive corporis, sive animi dotes spectentur: 7. animus ad omnia obsequia paratissimus. Ad hæc omnia accedit amoris vehementia, quæ, pro temporum, rerum ac personarum circumstantiis, major aut minor est. Jam autem quis est, qui lectâ hac voce *Amor*, quomodo omnia illa se habeant accuratissimè nôrit? Nemo profectò, ideòque fateamur necesse est nos non plene adsequi narrationes, in quibus hæc vox occurrit; etiamsi summatim scimus, affectum quem descripsimus significari. Atqui sæpe, ut de historiis judicare possimus, multùm interest quàm accuratissimè omnia illa, si fieri possit, cognoscere. Si quis legat historiam belli, quod *Cæsar* Octavianus gessit cum *Antonio*, videatque hujus cladis causam referri ad amorem, quo Cleopatram deperibat; non satis intelliget, quâ amor cladis causa esse potuerit, nisi vehementiam ejus ex aliis circumstantiis historiæ cognoverit.

16. II. *Amor* passim etiam sumitur pro amicitia, quæ intercedit inter viros, qualis fuit inter *Ciceronem*, & *Atticum*; cujus gravissima indicia videmus, in illius ad hunc Epistolis, atque in vita *Attici* à *Corn. Nepote* conscripta. Nihil est in amicitia quod non sit in amore antea descripto; à quo si abstuleris ea quæ ad corpoream voluptatem pertinent, plenam habebis descriptionem amicitia. Itaque non opus est eam pluribus à nobis describi. Nisi hæc omnia attendamus, non intelligemus cur omnes, qui de Amicitia scripserunt, tantas laudes

laudes ei tribuerint ; quorum omnium instar esse potest Cicero, qui in libro de Amicitia, negat * *se scire, an, excepta sapientiâ, quidquam sit homini amicitia melius à Diis immortalibus datum* ; contenditque eos † *solem è mundo tollere videri qui amicitiam è vita tollunt.*

17. III. *Amor est parentum erga liberos, & liberorum erga parentes* ; qui amor, præter omnia quæ sunt in arctissima amicitia, conjunctionem sanguinis habet ; quâ fit vehementior inter eos amicitia, ita ut parentes liberos, liberi parentes omnibus aliis amicis longè anteponant. Qui non animadverterint quanta sit, & quàm justa conjunctio in hac amicitia, præsertim si, ut par est, mutua sit, numquam capere poterunt, cur tam multi parentes commodis liberorum, magis quàm suis, studeant ; cûrve existant exempla liberorum, qui libentissimè parentibus quæcumque ab iis acceperant, etiam vitam reddiderint. Qui cœlibes vitam egerunt non capiunt, cur parentes mortem liberorum usque adeo lugere soleant ; cur vero ? Quia numquam voluptatem illam senserunt, quæ amicitia inter parentes & liberos longè jucundissimus est fructus ; & quam sibi in æternum eripi sentire non possunt parentes sine gravissimo dolore. Numquam omnes illas notiones, quas *paternæ amicitia* nomen complectitur, attenderunt ; unde etiam sequitur, ut non satis intelligant quæ de hisce rebus à Veteribus scripta sunt.

18. IV. *Amor denique sumitur pro quavis cupiditate, ut amor regni, amor pecuniæ, &c.* quæ sunt circumloquutiones ambitionis, avaritiæ & aliorum affectuum ; quibus homines in bonum quoddam, aut quod bonum putant, feruntur. Eos non aggrediar describere, uti nec odium, cujus natura ex descriptione contrarii facilè intelligi potest. De omnibus summatim observandum eos solos, qui eorum naturam diligenter investigârunt, & varias partes, ut ita dicam, quibus constant discriminare possunt, adsequi quæ de illis passim dicuntur, & rationem effectuum, qui illis tribuuntur nosse.

19. Similia dicenda de nominibus *virtutum & vitiorum.* Sunt enim habitus animi, quibus homines convenienter rationi & naturæ suæ vivunt ; aut contrà leges, ex ratione & natura humana petitas, perfringunt ; quibus in habitibus, varia continentur. Nullus non Ethicæ scriptor hoc ostenderit, si audeatur. Attamen exemplum hîc addam, ut res manifestior fiat. *Iustitia* à ‡ Jurisconsultis definitur : *constans*

* Lib. de Anim. c. 6; † Ibid. c. 12. ‡ Inst. Lib. I. Tit. I. §. 1.

Et perpetua voluntas jus suum cuique tribuendi. Igitur in Justitia hæc sunt, 1. cognitio juris, quod est, aut naturæ, aut institutionis hominum: 2. peritia, quâ regulæ generales juris singularibus factis aptantur: 3. voluntas, quâ illæ regulæ non modò in se spectatæ probantur, sed & in usum revocantur, quotiescunque se dat occasio: 4. animus ita temperatus, ut non patiatur perturbatione ullâ sibi ex eam cognitionem ac voluntatem. Hisce continetur Justitia, quod ut melius intelligatur, sciendum *jus naturæ* vocari quidquid consentaneum est ac utile humanæ Societati, in quocumque sit statu; adeò ut eo posito atque observato, melius se habeant homines; contrà verò neglecto, aut violato, deterius. *Jus* verò *institutionis* est quod nititur legibus Reipublicæ, in quâ vivimus; quæ tamen leges non debent observari, si contingat *juri naturæ* esse contrariæ. Igitur *justitiâ* præditus is dicetur, qui legum omnium Reipublicæ, cum jure naturæ consentientium observans est, & præterea facit quidquid *jus naturæ* ab omnibus hominibus exigit.

20. Ejusmodi est justitia, de qua dixit Theognis:

Ἐν δὲ δικαιοσύνῃ συλλήβδην πᾶς ἀρετὴ ἴα,
Πᾶς δὲ τ' ἀνὴρ ἀγαθὸς, Κύρνε, δίκαιός τ' ἐών.

*Justitia una alias virtutes continet omnes,
Et quisquis justus, vir bonus ille fuit.*

Ea est Justitia Evangelica, de qua egimus superiore Sectione, Cap. VI. ubi nonnulla observavimus, quæ hic dicenda essent, nisi alio loco proponi debuissent. Nimirum, non apud omnes Scriptores, & omnibus in locis, æquè latè patet *justitia*, ut illic ostendimus.

21. Descriptiones vitiorum plurimas suppediabit Theophrastus, in Characteribus Ethicis; ex quibus liquebit, si quis cupiat scire quid eorum nominibus significetur, diligenter considerandas esse omnes partes, quibus potestates eis subjunctæ constant. Theophrastus enim non satis habet eas definire paucis verbis, sed præterea mores ejus, qui iis vitiiis inquinatus est, singulatim describit. Exempli causâ, non modò definit ἀρεσκειαν, ἐν τῷ δέξιν ἐκ ὅπῃ τῷ βελτίστῳ ἡδονῆς μέγιστον σκευαστικὴν congressionem quæ voluptatem creat, non in optimam finem; sed & copiosè describit, iis allatis quæ facit ἀρεσκίαν, sine quibus vix intelligeremus quis sit, nam parum accuratè est definitio, ut multæ aliæ, quibus utitur Theophrastus. Hoc exemplum profero, non quòd singula Capita ejus libelli non

non suppedient clara ejus quod dixi exempla ; sed ut animadvertat Lector quod, in hoc negotio, maximi est momenti ; nimirum, varias Gentes in hujusmodi nominibus varios Modos unâ junxisse, eisque collectioni certum nomen imposuisse, cui apud alias Gentes simile nullum est quodd non formarint notionem collectione eorundem Modorum constantem. Sic ἀρεσκεια non potest dici Latinè unâ voce ; significat enim id animi vitium, quo quis omnibus placere studet, etiam malis artibus ; quo vitio qui laborat dicitur ἀρεσκος. Isaacus quidem Casaubonus vertit blandum, & ἀρεσκειαν blanditiam ; quæ voces non multùm quidem à significatione Græcarum absunt, & significant vitium, quo laborat ἀρεσκος, nam eum Theophrastus omnibus adblandientem describit ; sed non æquant totam earum significationem. Etenim primò propriam potestatem vocis ἀρεσκος non exprimunt, quæ tamen exprimenda est ; cùm ex ea appareat quis sit scopus ejus qui hoc vitio laborat, & ea facit, quæ eum facientem describit Theophrastus. Hanc esse vim vocis, quam diximus, intelligere licet, ex verbis Pauli, Rom. XV. 1, 2, 3, & I Cor. X. 33. ubi ἀρεσκεν in bonam, partem sumitur, significatque nihil eorum omittere, quæ per virtutem facere liceat, ut omnibus placeamus, seu ut eorum benevolentiam nobis conciliemus. Secundò, ex ea descriptione liquet τὸ ἀρεσκεν ἔργον non esse tantùm ut aliis blandiatur, sed ut lautioris fortunæ, & liberalioris atque elegantioris ingenii videatur ; quod dimidiâ parte Capitis docet Theophrastus. Ἀρεσκον ergo sic descriperis : hominem qui omnibus placere studet verborum comitate, obsequio, cultûs elegantia, liberalitate, & sumptibus ; quibus verbis quæcumque habet Theophrastus complecti queas. Hinc in Onomastico veteri : Ἀρεσκεια hic placor, venustas. Ἀρεσκων, placitus, participium.

22. Sunt & alia nomina vitiorum, apud eundem Theophrastum, quæ unâ voce Latinâ exprimi nequeunt. I. Ἀδολεγία, quæ Garrulitas à Casaubono vertitur, est propriè, ut ex ipsius Casauboni commentario intelligere est, id vitium quo laborant homines otiosi, qui ἐν λέγειν ἤμενοι sedentes in taberna de rebus nihili per totos dies colloquuntur. Non diffiteor homines illos esse garrulos, sed hæc vox non satis latè pater, nam ἀδολεγία est inanis, atque otiosa garrulitas. II. Βδελυγία ille vertit obscenitatem, aut impuritatem, quas tamen voces non satis commodas esse faterur. Ac sanè βδελυγία vox est quæ ambitu suo multò plura complectitur, quàm voces Latinæ ; describitque hominem Theophrastus, qui nullâ ratione ducitur existimationis suæ, qui nihil pensi habet decorumne

an indecorum sit quod agit, aut dicit. Hæc autem latissime patent, ut & nomina multorum convitiatorum, quibus subjectas notiones enumerare difficillimum est. Hinc videre licet ipsum *Theophrastum*, postquam hanc, & similes voces defini- vit, in sequentibus ea dicentem quæ definitione nequaquam complexus erat. Caput τοῦ βδελυέας inchoat hisce verbis: *non est difficile βδελυέαν definire*, aitque esse παιδῶν ὀφθαλμῶν ἐπορεύεισιν, hoc est, ut habet *Casaubonus*, *jocum, ludumve evi- dentem nimis, ac flagitiosum*. Dimidiâ verò parte Capitis, describit hominem fraudulentum, nec quidquam turpe du- centem. Nec rarum est hoc, in hisce Characteribus. III. Ἀναδιότιαν *stupiditatem* esse putat *Casaubonus*, estque sine dubio ἀναιδής & *stupidus*; sed quæ illi tribuuntur à *Theophrasto* ostendunt esse etiam hominem, cujus animus perpetuò pe- regrinatur, neque umquam attendit id quod agit. Gallicè dixeris, *un hébété, qui est toujours distrait*. IV. Μεμψισία, non est satis rectè versum *querela*, vel *iniqua querulitas*; ali- quid addendum. Est enim animus suâ sorte parum contentus quo fit ut perpetuò fortunas suas queratur. Non opus est ut plura, ex *Theophrasto*, exempla proferamus.

23. Hinc colligere est, non esse facile non modò invenire voces aptas ad vertenda aliâ Linguâ nomina collectionum Modorum, sed ne quidem Modos omnes enumerare, qui continentur in ejusmodi collectionibus. Attamen ex iis vo- cibus, sæpe pendet totius orationis sententia. Quare decet literarum studiosos diligenter ea quæ antea dicta sunt atten- dere; ne intelligere sibi videantur quod non intelligunt, ut- que integras vocum notiones eruere addiscant, non in obscu- ris aut imperfectis adquiescant, quemadmodum vulgò fieri solet.

CAPUT IV.

De Nominibus Relationum.

1. **N**ON repetam hîc quod dixi *Logicæ Part. I. c. 4. de Relationibus*; addam tantum exempla, quibus probabo ex Veteribus, quæ illic rationibus philosophicis ostendi. Dixi nomina Modorum omnium, qui augeri & minui possunt, esse nomina Relationum; quæ cum sint infinita, diligenter cavendum ne absolute dici credantur, quæ tantum relatè dicta sunt. Hoc autem observandum, cum in nominibus adjecti- vis, tum etiam in substantivis & in verbis, integrisque Enun- ciationibus;

ciationibus; quæ veræ dumtaxat sunt relatæ ad nonnulla, non universim & absolute. Exemplis res clara fiet.

2. Dicebat Plato: τὰ πρὸς τὴν περιστάσει τινὸς ἐρμηνείας. εἶον πλεον τινός, καὶ τὸ δαπνον τινός, καὶ τὸ κάλλιον καὶ τὰ τοιαῦτα. τὸ τὸ πλεον ἐλάττωτός ἐστι μείζον, καὶ τὸ δαπνον τινός ἐστι. Quæ ad aliquid dicuntur (hoc est, quæ ad aliquid referuntur) aliqua interpretatione indigere, quale est majus aliquo & celerius aliquo, & pulcrius, & similia. Nam majus est majus minore, & celerius est aliquo celerius, &c. Pro comparativis, positiva μέγας, τὰχὺς, καλός, potuit afferre; hæc enim non minùs sunt ἤ πρὸς τι, quàm comparativa. Hinc maxima obscuritas in sermone, cum nesciamus quâ mensurâ, ut ita dicam, utatur is qui ejusmodi vocibus utitur; quis autem non innumeris in locis eas adhibet, cujusve opiniones omnes tam accuratè novimus, ut ex iis possimus perspicuè scire quæ sit illi mensura ejusmodi Relationum? Idèd hoc argumento utebatur junior Academia, ut nihil percipi posse ostenderet. Rerum natura, ait Cicero *, nullam nobis dedit cognitionem finium, ut ulla in re statuere possimus quatenus --- Nulla omnino in re minutatim interroganti, dives, pauper; clarus, obscurus; multa, parva; magna, parva; longa, breviora; lata, angusta; quanto aut addito, aut dempto, certum respondeamus non habemus. Sextus Empiricus Pyrrh. Hypot. Lib. I. de octavo modo, quòd cohibendum judicium ostendebant Academici: Ὁ γὰρ οὐκ ἐστὶν τρέπος (ἐποχὴς διανοήσι) ὁ ἀπὸ τῆς πρὸς τι, καθ' ὃν συνάγουμεν, ὅτι ἐπὶ πάντα ἐστὶ πρὸς τι, καὶ τὴν τινὰ ἐστὶ ἀπλῶς καὶ ἀπὸ πρὸς ἢ φύσιν, ἐρεξομεν. octavus est modus (cohibitionis judicii) ex relatis, secundum quem colligimus, cum omnia sint relata, quænam sint simpliciter & secundum naturam, nos assensum retenturos. † Verum hinc non sequitur nihil esse absolute & in se, sed tantum Modis, qui capiunt plus aut minùs, nullam esse certam mensuram constitutam, in animis hominum.

3. Idem aliis testimoniis probare pergemus. Cicero Tusc. Quæst. Lib. I. n. 94. Quia ultra nihil habemus, hoc longum ducimus; omnia ista, perinde ut cuique data sunt, pro rata parte à vita, aut breviora, aut longa dicuntur. Apud Hypocritam fluvium, qui ab Europe parte in Pontum influit, Aristoteles ait bestiolas quasdam nasci, quæ unum diem vivant. Ex his igitur quæ horâ octavâ mortua est, propectâ ætate mortua est; quæ verò occidente sole, decrepita; eo magis, si etiam solstitiali die. Confer nostram longissimam vitam cum æterni-

* Diogenes Laertius, L. III. §. 109. * Acad. Quæst. Lib. IV. n. 92. † Vide etiam qui idem habet contra Mathematicos. j. 303. & seqq.

tate, in eadem propemodum brevitate, quâ istæ bestiolæ, reperimur. Imò verò nostra vita nihil pœnæ erit æternitati collata.

4. Dignus etiam est auditu, hanc in rem, Seneca Ep. XLIII. sive Lib. V. Ep. 8. Quidquid inter vicina eminet, magnum est illic ubi eminet. Nam magnitudo non habet certum modum; comparatio illam aut tollit, aut deprimit. Navis quæ in flumine magna est, in mari parvula est; gubernaculum, quod navi alteri magnum, alteri exiguum est. Idem, aut alter Seneca, in Troade vers. 1014. idem ferè expressit, hisce verbis.

*Ferre, quam sortem patiuntur omnes, Nemo recusat:
Nemo se credit miserum, licet sit. :
Tolle felices, removeto multo
Divites auro, removeto centum
Rura qui scindunt opulenta bubus ;
Pauperi surgent animi jacentes.
Est miser nemo, nisi comparatus.*

5. Hinc perspicuè intelligere est omnes planè voces, quibus significantur Modi, qui augentur, aut minuuntur, esse *relativas*; quod & pluribus exemplis ostendimus, in Logica. Igitur quotiescumque nobis occurrunt hæ voces, oportet illico in animum revocare quis sit qui iis utitur, quo tempore, & apud quam Gentem vixerit. Quod nisi fiat, in similem errorem incideremus, ac qui audito certo *pedum* numero; qui agri modus esset, & indicaretur à viro, qui non diceret quo *pedum* genere, esset usus; illico arrepti *pedis* mensurâ, quam apud se haberet, vellet ad eum *pedem* alterius dicta exigere; licet breviorẽ aut longiorẽ *pedis* mensuram adhibuisset, prout apud varias Gentes varia est. Paria faciunt, qui ex notionibus suis *relativas* voces, ab aliis usurpatas, interpretantur.

6. Igitur quando laudatur, aut vituperatur quispiam, ante omnia quærendum, quis laudet aut vituperet, &, quantum liceat, investigandum quid senserit de virtutibus, aut dotibus quas extollit, deque vitiis in quæ invehitur. Si enim magnam, atque amplam notionem habeat virtutum, laudes illæ multò majores erunt: ut contra, si de iis tenuius & exilius sentiat, multò erunt minores. De vitiis paria sunt animadvertenda, in contrariam partem. Quærendum etiam quo tempore, & apud quos vixerint qui laudantur, aut vituperantur; nam pro temporibus & locis, crescunt & minuuntur probra & laudationes.

7. Exempli causâ, si quis apud Ethnicos, Græcos aut Romanos, dicatur *optimus*, *sanctissimus*, *innocentissimus*, atque *integerrimus vir* vixisse, quod apud utriusque Linguae Scriptores non rarò occurrit; intelligendum id erit, pro modulo illius ævi & illarum Gentium. Si Christiano more ejusmodi vocabula tunc interpretaremur, planè alios viros illos fuisse fingeremus, ac reverâ fuerunt. Quamvis enim nolim, quod nonnulli faciunt, nimium spernere virtutes Ethnicorum, aut etiam eas vitiiis accensere; attamen *bonitas*, *sanctitas*, *innocentia* & *integritas* Christiana, multo latius patent, quam apud Ethnicos patebant.

8. Hoc vel ex eo liquet, quòd laudatissimi illi viri, apud Ethnicos, eas virtutes dumtaxat erga cives, aut summum adversus socios exercerent; sed erga populos nullâ amicitia secum conjunctos, aut etiam hostes, omnia sibi licita esse putarent, ut ex eorum historiis satis apparet. Horum virtus tantò tenuior est Christianâ virtute, quantò toto orbe terrarum arctiores erant fines eorum patriæ, aut tractuum quos amici ac vicini iis populi infidebant; nam Christiana virtus planè ad omnes homines porrigitur. Scio Stoicos * haud absimilia dixisse iis, quæ de Christianæ virtutis amplitudine docemur; sed ex eorum formula nemo olim vixit, & virtutis naturam falsis aliis dogmatibus corrumpebant.

9. Ut majoris momenti exempla proferam, quod monuimus in memoriam etiam revocandum est, ubi laudantur qui sub Vetere Testamento vixerunt. Sic cùm David dicitur *homo secundum cor Dei*, 1 Sam. XIII. 14. præterquàm quod illic sermo est de Rege, regiæque adeò dotes spectantur; id non ita intelligendum est, quemadmodum intelligeretur de Christiano, qui ad Evangelii normam vitam exegisset. Militaris enim vita Davidis, cùm juvenis esset, multitudo deinde uxorum, & concubinarum, adulterium denique & homicidium, consistere non possent cum moribus viri, qui sub Evangelio diceretur esse *secundum cor Dei*. Non diceretur hodie vir, qui Davidis instar vixisset, *præcepta Dei observasse, sequutus eum esse toto corde, ut id tantum fecisset quod in oculis ejus rectum est*, quod legimus 1 Reg. XIV. 8. Sed illic potissimum ratio haberetur Idololatriæ, quam certè David diligentissimè vitavit; estque intelligendum encomium, pro modulo illius ætatis.

10. Similiter cùm præteritorum proximè sæculorum aut etiam paulò antiquiorum Scriptores promiscuè *ἀγαθός* & *σωτήρ* *sanctissimos* & *sapientissimos* vocant Ecclesiarum Christianarum Rectores, cùm singulos, tum etiam in Conci-

* Vide Ciceronem Offic. Lib. III. c. 7.

lia coactos, id est intelligendum pro capto sæculorum, & hominum; non interpretandum ex divino illo sanctitatis & sapientiæ exemplari, quod nobis præbuit Christus, & quod in Scriptis suis descriplerunt Apostoli. Quicumque Historiam Ecclesiasticam legerunt, dictaque & facta sanctissimorum & sapientissimorum virorum exegerunt ad normam Evangelii & rectæ Rationis, satis norunt quantum ab hac recesserint eorum sanctitas & sapientia. At qui non perpetuò ante oculos habent exemplar illud unicum, ad quod omnia sunt componenda, decepti ejusmodi vocibus eos venerantur, atque imitari per omnia conantur; qui certè neque veneratione, neque imitatione digni sunt, nisi quatenus cum Evangelii, Rationisque æterno virtutis exemplari consentiunt. Plura non addam, nam ferè præstat ea de re tacere, quàm nimis pauca scribere.

II. *Relativa* etiam sunt cùm nomina substantiva, tum etiam verba omnia quibus notioncs significantur, quæ augmentum aut diminutionem capiunt. Ejusmodi sunt nomina virtutum & vitiorum, & verba quibus vita ad virtutes exacta, aut vitiis contaminata signari solet. Ejusmodi sunt & omnia alia, in quorum significato varii veluti gradus distingui possunt. Exempli causâ, à Veteribus Romanis Oratores & Poetæ, quos illi primos habuerunt, aut qui non multò post primos floruerunt, summopere sunt laudati, quia nihil melius norant; qui tamen postea, melioribus natis, meritò sprete sunt. *Ennium* non modò laudavit ætas quæ eum vidit, sed & *Cicero* passim extollit; at ejus poemata, si cum *Virgilianis*, aliisque ejusdem ævi conferantur, quid sunt, præter *sterquilinia*? Verùm *Cicero* nihil Latine legerat, quod *Ennium* superaret. Quos plausus consequutus est *Plautus*, ab hominibus sui ævi? *Horatius* tamen, acerrimus harum rerum judex, hoc judicium de iis plausibus tulit:

* *At nostri proavi Plautinos & numeros &
Laudavere sales; nimium patienter utrumque,
Ne dicam stultè, mirati.*

De similibus laudibus, in priscum oratorem congestis, audiamus ipsum † *Ciceronem*, in *Bruto*: *Carbonem in summis oratoribus habitum scio; sed, CUM in cæteris rebus, tum in dicendo, semper quo nihil est melius, id laudari, qualecumque est, solet.* Exempla aliâ non proferemus, quia quæ de nominibus adjectivis diximus, ea facillimè substantivis & verbis aptari possunt.

* In *Arte Poet.*

† In *Bruto*, Cap. 86.

12. Unum præterea monebimus, quod ad omnis generis loquutiones pertinet. Nempe, innumeras Enunciationes, quæ generales & absolute primo intuitu videntur, esse tantum relative veras, adeoque ex tota sua amplitudine urgeri non posse. Iis passim utuntur Scriptores omnes, exceptis solis Geometris, five Mathematicarum rerum scriptoribus; qui nulla proferunt axiomata, quæ non debeant universim de omnibus quæ complectuntur intelligi, atque urgeri pro tota significatione quam verba, quibus constant, apud Geometras obinent. Sciunt quid velim quicumque, vel ab ipso limine, Mathematicas disciplinas salutârunt. Ex aliis dumtaxat Scriptoribus, *relativarum* Enunciationum exempla aliquot sunt nobis proferenda.

13. Moses, Gen. VI. 5. ita loquitur: *videbat Jehova vitia hominum in terris augeri, nec quidquam eorum animum, præter malum, cogitando quotidie effingere.* Hæc verba ita solent à nonnullis proferri, quasi hoc iis inesset axioma: *NIHIL quidquam hominum animus, præter malum, cogitando quotidie effingit;* quo perdita totius humani generis nequitia significetur. At ne quid dicam de hyperbole, quæ est in hisce verbis, ut in Commentario ad eum locum ostendi, loquitur Moses *relatè* ad ante-diluvianos homines, non ad omnes omnium ætatum mortales. Itaque quod *relatè* dicitur non debet *absolute* intelligi, quo sensu falsum esset; certum enim est innumeros pios quotidie multas sanctas cogitationes animo versare.

14. Psaltes Ps. XIV. 2. hæc habet: *Jehova è caelo despexit in homines, ut videret an sit sapiens, qui querat Deum.* Omnes defecerunt, unà corrupti sunt, nemo facit bonum, ne unus quidem. Hinc totius humani generis depravatio colligitur, quasi neque temporum, neque locorum rationem ullam habuisset Psaltes. Non diffiteor gentem humanam universam, excepto uno ejus redemptore, prolapsam esse & prolapsuram in peccatum. At Psaltes hæc non dicit, in humani generis concione, sed apud Judæos, in Chaldæa exulantes; loquiturque de iis qui injusto jugo Gentem suam premebant, nimirum, de Chaldæis; ut sequentia manifestè ostendunt, quod aliquando ad eum locum demonstrabimus. Nec certè ita quisquam loquatur, de *quavis* ætate, sine maxima hyperbole.

15. Esaias Cap. LXIV, 6. Omnes, inquit, *suimus instar immundi, & omnia nostra justa facinora instar vestis sordide, aut menstruatæ,* ut habet Hieronymus. Hinc quidam colligunt ipsa piorum omnium *κατορθώματα* esse peccato inquinatissima; cum Esaias de Judæis sui ævi loquatur, qui justa facinora fortasse scelera vocabant. Nam licet primâ personâ uratur, li-

quet eum nomine suo non loqui, sed nomine maximæ partis Gentis Hebrææ.

16. Paulus 2 Cor. III. 5. ita loquitur de eo quod antea dixerat, de Apostolatu suo: *Fiduciam autem huiusmodi habemus, per Christum, apud Deum; non quòd idonei simus per nos ipsos, ad cogitandum quidquam, velut ex nobis ipsis; sed quòd idonei sumus id ex Deo est, qui etiam fecit, ut idonei essemus ministri novi Testamenti.* Manifestum est Paulum dicere se non potuisse per se fieri Apostolum, sine revelatione & donis cœlestibus, quæ prædicationi suæ pondus adderent. At nullâ ratione habitâ loci, in quo hæc verba exstant, universale axioma hinc colligitur, quo significant nonnulli Theologi, post Adami peccatum, neminem hominem ullam cogitationem rectam animo versasse; nisi ope inusitatæ *Gratiæ*, quam Deus, præter ordinem Naturæ, nonnullis largitur. Quod dogma, ut verum statuatur, certè ex verbis Pauli probari nequit, quæ dicuntur *relatè* ad Apostolatam, cui idoneus à Deo factus erat, non à se.

17. Sexcenta possent proferri talia, quæ cùm *relatè* dicantur, divulsâ ab orationis contextu urgentur quasi *absolutè* intelligenda. Veteres Patres regularum Criticarum aut imperiti, aut negligentes, passim ita Scripturam laudant, habueruntque multos postea sequaces; ea, opinor, de causa, quòd multò facilius sit ejusmodi axiomata excerpere, quàm omnes omnium locorum circumstantias diligenter attendere, antequàm ex iis quidquam probare aggrediamur. Sciunt me verum dicere, quicumque Veteres *Tractatores* non prorsus oscitanter legērunt.

18. Hic etiam animadvertendum est, innumeras ubique occurrere loquutiones, quas, ut rectæ sint, satis est κατὰ τι, hoc est, *relatè* ad quamdam significationem esse veras. Igitur nisi Scriptoris scopus, & doctrina aliunde nota postulent phrasin, pro tota nativæ significationis amplitudine, urgeri; non facile ii sunt erroris inculcandi, qui *χαρὶς* dumtaxat aliquam, pro rei quæ agitur natura, urgendam censent. Non omnis sermo, ut jam diximus, est Geometricus; satis habent plerique, si nihil dixerint quod non sit aliquo sensu verum. Huc faciunt quæ diximus, superioris Sectionis Cap. V. Sect. 5. ubi egimus de tralatitiis vocibus & loquutionibus non nimium urgendis; ut necesse non sit nova nos huc exempla congerere.

19. In omnium Scriptorum interpretatione, pluries in hæc regulas est peccatum; at cùm nullum esse oporteret librum, ad cuius interpretationem adhiberetur par ἀκριβὴς κερτὶς, ac ad explanandos Libros Sacros; nescio quî factum sit, ut in his illustrandis certissimi quique Criticorum canones conculcarentur,

rentur. Ex qua re innumeræ *παρερμηνείαι* natæ sunt, easque sequuta numerosissima errorum & controversiarum propago. Eruditos & veri amantes viros decet hisce malis remedium quaerere, & laboranti Christianismo sedulo atque animosè medicinam facere.

CAPUT V.

De rerum Concretarum & Abstractarum nominibus.

1. **QUÆNAM** *Concretæ* & *Abstractæ* notiones dicantur, non opus est ut doceamus; nam præterquàm quòd res vulgò nota est, de ea egimus *Logicæ nostræ* P. I. c. 6. Haud magis necesse est de nominibus *Concretarum* notionum agere, cùm huc pertineat quidquid antea de nominibus *Substantiarum* diximus. Sed sunt, de nominibus *Abstractarum* notionum, nonnulla observatu digna.

2. Nomina notionum *Abstractarum* ferè sunt substantiva, formata ex adjectivis. Sic à *divinus* fit *divinitas*, ab *humanus* *humanitas*, à *pius* *pietas*, à *sanctus* *sanctitas*, &c. Nomina enim hæc sunt *Abstractarum* notionum, cùm in se spectantur; notionem *subjectorum*, quibus inhæreant, nullâ admistâ. Usque adeò usitata sunt ejusmodi vocabula, ut vix ulla frequentius, in omni sermonis genere, occurrant.

3. Hinc factum ut antiquissimi Græcorum Poætæ, cùm sæpissimè viderent adhiberi nomina *Abstracta*, nec aliter quandoque homines loqui, ac si credidissent esse *Naturas* quasdam, quæ seorsim essent, quæ iis nominibus designarentur; occasionem arripuerint earum notionum in personas mutandarum. *Hesiodus* in *Theogonia*, vers. 120. inter antiquissimos Deos, proximè post *Chaos* & *Terram* memorat *Amorem*.

Η' δ' *Ερως ὅς κ' ἄλλους ἐν ἀθανάτοισι θεοῖσι.

Et amor qui pulcherrimus est inter immortales Deos, &c.

Sic & *Aristophanes*, in * *Avibus*, facit *Amorem* patrem Deorum.

Πέττερον δ' ἐκ ἧν γένε' ἀθανάτων, πέν *Ερως συνέμιξεν ἅπαντα.

Præus non erat genus immortalium, quàm Amor omnia miscuisset. Indidem prognatæ sunt *Θείας*, *Justitia*, *Μνημοσύνη*, *Memoria*, *Ἔρως*, *Cupido*, *Θάνατος*, *Mors*, *Μέδεια*, *Fatum*, *Κῆρ*, *Parca*; & alia id genus Numina, quæ in sequentibus memorat *Hesiodus*. Postea ad imitationem ejus *Poëtæ* & aliorum, non raro, apud *Ethnicos*, nomina notionum Abstractarum facta sunt nomina Deorum. Exempla sat multa congeessimus, quamvis in aliam rem, superioris Sectionis Cap. VIII.

3. Sic *Plato* & *Platonici*, cùm loquerentur de *Ideis*, quo nomine significabant, ut videtur, Abstractas omnium rerum notiones, * quæ divino intellectui obversabantur, antequàm quidquam crearet, sic interdum loquebantur, quasi ejusmodi notiones naturæ quædam seorsim existentes fuissent. Quo factum ut *Aristoteles* aliisque illas *Ideas* existimarint esse, ex *Platonis* sententia, substantias quasdam.

4. Mentem *Platoniorum* ita expressit *Cicero*, in † *Oratore*: *Phidias* cùm faceret *Jovis* formam, aut *Minervæ*, non contemplabatur aliquem à quo similitudinem duceret; sed ipsius in mente infidebat species pulchritudinis (*ἰδέα τῆ καλότητος*) eximia quædam, quam intuens, in eaque defixus, ad illius similitudinem artem & munus dirigebat. Ut igitur in formis & figuris est aliquid perfectum & excellens, cujus ad cogitatam speciem imitando referantur ea, quæ sub oculos ipsa cadunt: sic perfectæ eloquentiæ speciem animo videmus, effigiem auribus querimus. Has rerum formas appellat *IDEAS* ille non intelligendi solum, sed etiam dicendi gravissimus auctor & magister, *Plato*; easque gigni negat & ait semper esse, ac ratione & intelligentiâ contineri. Debuisset tamen addere *Cicero* eas ideas perpetuò *Dei* intellectui obversari, & ad earum exemplar omnia fuisse à *Deo* formata. Similiter *Plutarchus*, in :: *Quæstionibus Platoniciis*, ait *Platonem* μαγευεῖν ματαιὰ καὶ ἰδέας, τὰ νοητὰ τῶν αἰδουτῶν, ὡς περ εἰκόνας, καὶ ἐμπαίστεον τῶν ὁρίσθης: intelligibilia esse sensilium exemplaria & ideas, quasi imaginum, aut expressionum.

5. At quia dicebant *Δευσεργόν* sive creatorem mundi ad idearum exemplar omnia formasse, hæcque esse essentias omnium rerum, quæ, ut etiamnum sentiunt *Philosophorum* scholæ, sint æternæ & immutabiles; idem existimârunt alii *Platonicos* Substantias esse credidisse, à *Deo* sejunctas. Quod confutare aggredditur *Aristoteles* *Metaphys.* Lib. XII. c. 5. ubi vult eos, qui defendunt ideas, *χρολογείν καὶ μεταφορὰς λέγειν ποιητικὰς*, inania loqui, & figuras poeticas proferre. Rationibus autem variis eas

* Vide *Platonem* in *Phædro* p. 346. & *Timæo* p. 526. Ed. Gen. Ficini & *Philonem* *μετὰ* *χρυσόπολιν*.

† *Capp.* 2. & 3.

· p. 1091.

oppugnat, & inter alia hæc habet: *δὲξεν ἂν ἀδύνατον ᾗς εἶναι τὴν οὐσίαν, καὶ ἢ οὐσίᾳ. ὥστε πῶς ἂν αἱ ἰδέαι οὐσίαι τῶν περὶ γινώσκων ᾗς εἶναι* videatur etiam fieri non posse, ut seorsim sit essentia & id cuius est essentia. Igitur quomodo ideas, quæ sunt essentie rerum, seorsim essent? Sic & alii ita intellexerunt Platonem. Plutarchus, de placitis Philos. Lib. i. c. 3. de Principiis: *Σωκράτης Σωφρονίσκου Ἀθηναίου, καὶ Πλάτων Ἀεΐωνος Ἀθηναίου. αἱ γὰρ πρὸς παρτὸς ἑκατέρω δόξαν. Τρεῖς ἀρχαί, τὸ Θεὸν, τὴν ὕλην, τὴν ἰδέαν (λέγουσι).* Ἐστὶ δὲ Θεὸς ὁ νῦν, ὕλη δὲ τὸ ὑποκείμενον πρῶτον γένος καὶ φθορᾶ, ἰδέα δὲ οὐσία ἀσώματος ἐν ταῖς νοήμασι καὶ ταῖς φαντασίαις τῷ Θεῷ. Socrates Sophronisci F. Atheniensis, & Plato Aristonis F. Atheniensis (eadem enim utriusque sunt de Universo sententia) tria principia, Deum, Materiam & Ideas esse dicunt. Est autem Deus mens, materia verò subiectum primum generationis & corruptionis, idea denique essentia incorporea in intellectiōibus & imaginatiōibus Dei. Capite verò X. ubi de Ideis: *Ἰδέα, inquit ex Platonis sententia, ὅτι οὐσία ἀσώματος, αὐτὴ μὴ ὑφ' ὧς ὅσα καθ' αὐτὴν, εἰκονίζουσα δὲ τὰς ἀμόρφους ὕλας, καὶ αἰτῖα γινώσκων τῶν δόξαν. Σωκράτης καὶ Πλάτων ᾗς εἶναι τὴν οὐσίαν τὰς ἰδέας ὑπολαμβάνει, ἐν ταῖς νοήμασι καὶ ἐν ταῖς φαντασίαις τῷ Θεῷ, τέστι τῷ νῦν, ὑφ' ὧς ὅσα.* Idea est essentia incorporea, per se ipsa subsistens, informans materias formâ destitutas, & causa cur hæc appareant. Socrates & Plato sejunctas à materia essentias statuunt, in intellectiōibus, & imaginatiōibus Dei, hoc est mentis subsistentes.

6. At Platonici recentiores queruntur Platonis mentem in alienum sensum torqueri, contenduntque * aliud nihil Magistrum illum suum voluisse, nisi Deum apud se intellexisse quid esset factururus, antequàm facere aggredieretur id quod creavit. Certè hæc videtur ejus fuisse sententia, sed nec ipse, nec ejus discipuli excusari possunt affectatæ obscuritatis, in rebus magni momenti. Ex hujusmodi sermone factum, ut Ideas, aut notiones Abstractæ tractu temporis in personas mutatæ sint, etiam apud alias Sectas. Dum res vulgò notas dicunt, vocabus & loquutionibus planè insolitis, aut etiam somnia mera oraculorum ritu profundunt, incautos Lectores fallunt, ceteris bilem, aut risum movent.

7. Hoc tamen fatendum, etiam in aliis rebus, usu receptum esse, ut res ipsæ abstractè spectatæ, à rebus consideratis, quasi existentibus, veluti distinguantur in sermone. Passim dicimus essentias, aut naturas rerum, nec aliter nos loqui patitur usus; attamen fallaces sunt ejusmodi loquutiones, quia naturæ, aut essentie rerum sunt res ipsæ; ita ut naturam rei dicere perinde ferè sit, ac si dixeris rem rei, si sensum potiùs quàm sonum verborum attendas. Scio Metaphysicos solere dicere hæc in-

ter se distingui *ratione* ; sed est perinde ac si dixeris non distinguere, nisi *relatione* quadam, quam fingit animus distinguens sed quæ nullam rei mutationem affert.

7. Abstractæ notionis nomina sunt *Fortuna*, *Sors*, *Maies*, attamen vulgò quasi persona quædam habebatur, cùm ei vota nuncuparentur, & sacra fierent. Unde verò hoc ortum? Nimirum, Poëtæ & Philosophi ita de ea loquebantur, quasi de persona quadam, ut passim videre est. Exempla peti poterunt ex iis, quæ attulimus superioris Sectionis Cap. IX.

8. Ex huiusmodi loquutione, quâ res veluti à se ipsa, mutatione nominis, distinguitur, natus est jocularis error viri doctissimi, certè multæ lectionis, *Casp. Barthii*, qui in animadversionibus in *Rutilii Numatiani Itinerarium*, vers. 328. *Numen Junonis* distinxit ab ipsa *Junone*. Totum locum adscribere non pigebit, & particularim ad examen revocare. "Diis etiam ipsis, inquit, peculiaria *Numina* & *Genios* quosdam adscripsisse Idololatrias, de eorum libris, etsi vulgò non cognitum, disci tamen potest. Sic in priscis Inscripti- onibus, *Genius Plutonis* deprehenditur. Sic *Jovialem Genium* legimus, apud *Arnobium* Lib. III. quem ille mirificè urbanitate, ut est talium doctissimus, *villicum Jovis* appellat. Sic de aliis Diis, alii.

9. I. Debuisse vir eruditus proferre Inscriptionem, in qua *Genius Plutonis* ab ipso distingueretur, quasi Numen quod coli à Plutone oporteret, non quasi Genius à Plutone missus; neque enim hoc illi facile accredimus, qui in sequentibus locis usque adedò hallucinatus est. II *Genius Jovialis* non est, apud *Arnobium* Numen quod Jovi esset Genii loco, sed nomen Laris domestici idedò sic dicti, quod à Jove datus familiæ crederetur. *Arnobius*, sub finem Lib. III. memorat sententias Theologorum Ethnicorum de Penatibus, atque inter alia hæc habet. *Idem (Nigidius) in Libro sexto exponit. Et decimo, disciplinas Etruscus sequens, genera esse Penatium quatuor, Et esse Jovis ex his alios, alios Neptuni, inferorum tertios, mortalium hominum quartos, inexplicabile nescio quid dicens.* Hinc liquet *Genium Jovialem* posse dici Genium à Jove progenitum, aut missum, qui enim alii sunt Genii Jovis, quàm à Jove aut orti, aut venientes? Ita verò pergit *Arnobius: Cæsius Et ipse assurgens Fortunam arbitratur, Et Cererem Genium Jovialem, ac Palem, sed non illam feminam, quam vulgaritas accipit, sed masculini nescio quem generis, ministrum Jovis ac villicum.* Hic Pales, non *Genius Jovialis*, dicitur Jovis villicus.

"10. Numina autem, ait *Barthius*, Diis quædam singularia, & ab reliqua eorum essentia velut separata, adscripta nos
"nunc

"nunc demonstrabimus. Sic non de se, sed de suo Numine,
"loquitur Juno, in Æneide septima :

"—Quod si mea Numina non sunt

"Magna satis, dubitem haud equidem implorare quod
"usquam est.

"Apuleius Lib. VI. de Venere : totum per orbem anxiam disqui-
"sitione tuum vestigium furens animi requirit, teque ad extre-
"mum supplicium expetit, & totis Numinis sui viribus ultio-
"nem flagitat. Ut sit Numen quædam veluti anima Deo-
"rum illorum. Eodem libro, idem Scriptor : ad istum mo-
"dum supplicanti, statim sese Juno, cum totius Numinis sui
"angusta dignitate, præsentat. Hinc eruditè inter Deos, &
"Numina eorum, distinctionem facit Arnobius Lib. VII. in
"Protopopœia bovis ad Jovem : Numquid aliquando tuos ludos
"minis sanctè, diligentèrque perfeci ? Numquid aliquem præ-
"sulem, tuum Numen qui offenderit, aut te traduxi ? Aut te
"aut Numen tuum.

11. At, mi Barthi, Numina Junonis sunt ipsa Juno ; quem-
admodum natura aëris est ipse aër, quamvis distingui vi-
deatur verbis. Talia infinita sunt, in omnibus Linguis, ubi
res, per abstractionem spectata, à se ipsa veluti distinguitur.
Sic manifestò intelligendi Virgilius & Apuleius. Arnobii
pravam editionem sequutus es, sic enim * in melioribus
leguntur ejus verba : numquid aliquem præsulem, tuum numen
qui offenderet, ante traduxi ? Sig. Gelenius, infelix Criticus,
hunc locum corruerat, quia non intelligebat ; at tuum erat
Barthi, ei non credere.

12. Pergis tamen, & "Dii ipsi, inquis, suis aliquando
"Numinibus aras instituerunt. Solinus Cap. II. suo quoque
"Numini idem Hercules instituit aram, que maxima, apud
"Pontifices, habetur. Locus est Capite I. nec procul ab ini-
tio, sed suo Numini idem est ac sibi. Sic de Caligula Suetoni-
us Cap. XXI. paria faciente ; Templum etiam Numini suo
proprium, inquit, & Sacerdotes, & excoGITatissimas victimas
instituit. Cætera non sunt digna, quæ pluribus confuten-
tur.

13. Cavendum est igitur nè, quia Abstractæ notiones
nominibus substantivis exprimuntur, & quandoque de iis
ita loquimur, quasi seorsim essent à rebus, à quibus sunt
animo sejunctæ, eas putemus esse aliquid à rebus illis
diversum. Nec ea cautio inutilis debet censeri quod nemo

peccet in ejusmodi rebus. Allata enim exempla sæpe in iis peccatum ostendunt, quibus alia etiam multa possemus addere & copiosius, prout digna fortè essent, explanare; quæ brevitati studentes aliquot indicabimus paucis, & explicabimus. Nomina notionum Abstractarum sunt *Patria, Senatus, Synodus, Ecclesia* & similia; quando distinguuntur ab ipsis hominibus, quibus constantur *Patria, Senatus, Synodus, Ecclesia*, ut sæpe fit in omnibus Scriptoribus. Sumus autem usque aded illis nominibus adfueri, ut videamur nescio quas naturas animo intueri, cum ea vocabula proferuntur, distincta ab hominibus.

14. *Mori pro patria* pulcrum erat, quia eâ voce intelligebant nescio quid, quod sanctum habere, & revereri decebat. Sed re ipsâ quid erat patria Atheniensis, exempli causâ, aut Romano? Si solum intelligas, Italia, & Attica; pro quibus cur pulcrum sit mori, nulla ratio est, potiùs quàm pro Africa, aut pro Asia. Non magis enim ad te pertinet gleba, in qua natus sis, quàm alia quævis in qua commodè vitam degere queas; stultumque aded est mori pro agello in occalum, aut in septentriones spectante, potiùs quàm vivas in alio, qui magis ad orientem solem, aut ad meridiem verget. Si homines malis, quæ fuerunt Respublicæ Atheniensis & Romanæ, præter societates latronum, si eas probè introspiciamus? Itaque qui pro iis moriebatur, latro erat, qui pro latronum globo vilem animam profundebar. At notio Abstracta, cui detracta sunt quæcumque offendere possent, nescio quid amabile & reverendum animo offerebat.

15. Si civem Romanum audiamus dicentem * *Senatum esse principem salutis, mentisque publicæ; † summum Populi Romani, populorumque gentium omnium, ac Regum concilium, ‡ orbi terrarum præsidens*; quis non, ex ejusmodi descriptione magnificè de Senatu Romano judicet? Quis non credat Senatores Semi-deos fuisse æthereis sedibus delapsos, ut fessis humanæ gentis rebus, subvenirent, pacemque & orium, unâ cum justitia, per omnes terras, confirmarent, ac bonis ubique contra improbos auxilio, essent? At si Censores sedeamus, atque ad eam animo conceptam notionem, Senatum legere velimus; vix unum atque alterum Senatorem reperiemus, in quem magnifica illa notio quadret. Homines sunt aut ambitione occæcati, aut libidinosi, aut avari; aut tribus illis vitiis simul laborantes; aut ignavi, aut timidi, aut imprudentes, aut iniqui, aut superbi; uno verbo pœnè totus Senatus nequissimorum hominum cœtus. Verùm à re ipsâ

* Cicero de Har. Resp. c. 27. † Pro Demo. c. 28. ‡ 2 Philip. c. 7.

nomine Abstractæ notionis prolato, avertitur animus, convertiturque ad imaginem inanem, inter Ideas Platonicas volitantem, quam stultè miratur.

16. Si aurem præbeamus viris, quorum alioquin auctoritatem spernere, nequaquam possumus, de Synodis veteribus loquentibus, nobis magnificè oratione describent *ἀγίας καὶ οἰκουμενικὰς συνόδους πατέρων, συναθροισθείσας ἐπὶ τῇ βασιλείᾳ τοῦ μεγάλου βασιλέως, καὶ ἱσαποστόλου* * sanctos & œcumenicos cœtus afflatorum divinitus patrum, congregatos in regiam magni Regis, & Apostolis equiparandi. Quis, auditis his & similibus verbis, religioso quidam horrore & corpore & animo non contremiscat, ac paratus non sit oracula ejusmodi cœtus avidis auribus excipere, haud aliter ac si cœlo ipso emitterentur? Verùm hæc est, (quis crederet?) Abstracta notio Synodorum, quæ in conspicua Idearum Republica coguntur; non imago earum, quæ inter miseros mortales olim congregatæ fuere. Reges ignari (non legent hæc Muhammedani, nec Ethnici, sed ii quorum scire interest, quo fiet ut verum apertè proloquar) Reges, inquam, ignari nec inter bonos principes numerandi, convocarunt Græculos, qui linguæ acuendæ per totam vitam operam dederant, rerum ipsarum ignaros, contendendi studiosos, perpetuis rixis inter se divisos, & bardos aliquot homines ex occidente, rudiores quidem illos, sed non meliores; iique post pudendas contentiones, obscurissima quædam dogmata, verbis sæpe parum aptis, auctoritate suâ firmant; quæ stupidi populi sine examine adorent, quasi divinitus accepta. Non ficta me loqui nōrunt qui Synodorum historias legerunt; nec certè vanus erat * qui dixit.

Οὐδέ τί περ συνόδοισιν ὁμόθρονοι ἐσσομ' ἔγωγε,
 Χινῶν ἢ γερῶν ἀπειτα μαρναμένων.
 * Ἐνθ' ἔεις, ἔνθα μὲν τε καὶ αἶψα κρυπτὰ πάροιθεν,
 Εἰς ἓνα δυσμενέων χῶρον ἀγειρόμεθα.

Numquam ego sedebo in Synodis anserum aut gruum, temerè pugnantium. Illic contentio, illic rixa, & probra antea latentia favorum hominum in unum locum collecta.

17. Visne aliam notionem Abstractam? Lege quæ de Ecclesia *representativa*, ut solet vocari, à plurimis olim & nuper

* Gregorius Nazianzen. *Carm. X.* cuius vide etiā *Ep. LV, LXV, LXXI, LXXII & LXXIV.*

scripta sunt ; illâ nihil sanctius, nihil doctius, nihil amantius veri excogitari potest. Sed cave ne Abstractæ notioni similem ullam in rerum natura quæras, nisi frustra esse velis. Si rem in qua reperiri oporteret, quod tantis laudibus ornatur, inspicias ; delaberis fortè ad opinionem *Gasp. Scioppiii*, insignis Grammatici, qui Ecclesiam *representativam* definiebat *mandram*, sive *gregem*, aut *multitudinem jumentorum*, sive *asinorum* ; & benignè atque amicè loquutum esse judicabis, quodd *ferarum* non dixerit.

18. Sed vereor ne à Criticis investigationibus ad graviora sensim deflectere videar. Itaque hic gradum sisto, Lectorémque, monitum ne notionibus Abstractis facilè credat, dimitto. Hæ nobis res, non quales sunt, sed quales esse deberent describunt ; neque, sine stulticia, statuere possumus res ita se habere, ut eas animo fingimus, quia ejusmodi esse par esset.

CAPUT VI.

De Notionum Singularium, Particularium & Universalium nominibus.

1. ANTE omnia, Lectori nostro notum esse statuimus quod docent Dialectici, de Enunciationibus *Singularibus*, *Particularibus*, & *Universalibus* ; alioquin esset repetendum quod de iis in Logica diximus. Quamvis autem tria genera sint Enunciationum, prout *Subjectum* est Singulare, Particulare, aut Universale, Logici de Enunciationibus singularibus eadem tradunt ac de Universalibus ; eo quodd perinde sit, quæcumque sit amplitudo *subjecti*, modd universum intelligatur. At Critici necesse habent de nominibus trium harum notionum seorsim agere, quia non habent eadem de omnibus monenda.

2. *Singularium* notionum nomina sunt, quæ res singulares significant, ut *Socrates*, *Alexander*, &c. At in significatione horum nominum, quandoque magna est difficultas, cum ea nomina notiones compositas significant. Idem enim nomen nunc complectitur quidquid est in re quam significat, nunc partem dumtaxat, nec semper eandem. Exempli causâ, ubi sermo est de homine quopiam, triplici illo sensu nomen ejus sumitur. Dicemus *Socratem* primum *Athenienses* docuisse verè philolophari ; qua in loquutione intelligemus integrum *Socratem*, animo & corpore constantem. At dicemus *Socra-*

tem esse mortuum, ad corpus, nimirum, quod attinet; quem, si de ejus animo cogitemus, negabimus esse mortuum, immortalémque esse contendemus; quemadmodum ipse de se loquebatur morti proximus. Cum enim * Crito eum rogasset, quí vellet sepeliri: ἢ πεῖθω, ἢ φη, Κεῖταινα ὡς ἐγὼ εἰμι ἔτι ὁ Σωκράτης ὁ νυνὶ διαλεγόμενος, καὶ διατίθων ἕκαστα τῶν λεγομένων ἀλλ' οἰσται με ἐκεῖνον εἶναι ὃ ὀλεται ὀλίγον ὕστερον νεκρόν: non persuadeo, inquit, Critoni me esse hunc Socratem, qui nunc disputo, Ἐ singula dicta dispono; sed opinatur me illud esse, quod paulò post videbit cadaver. Itaque Crito rogare debuisset, ex sententia Socratis: Διήλωμεν δὲ τίνα πρόπον τὸ νεκρὸν; quomodo sepeliemus cadaver tuum? nam Socratem volebat ille animum suum vocari, at vulgus aliter loquebatur.

3. Quam in rem hoc quoque observandum, si velimus ejusmodi loquutiones, cum apud Veteres occurrunt, intelligere, sciendum esse quæ sit eorum de immortalitate animi sententia. Si enim Platonius dicat *mortuum esse Socratem*, de corpore ejusque conjunctione cum animo loquetur, atque intelligi se volet. Si verò Epicureus eadem loquutione utatur, integrum hominem intelliget. Quod monitum ad omnia pertinet, quæ pluribus partibus constant, & de quibus non consentiunt homines.

4. I. Enunciationes *particulares*, vel nomina notionum particularium, eadem ferè de ratione, sunt obscura. Nam quidam, aliqui, plurimi, multi, & similia, quæ indicia haberi solent hujusmodi notionum, hoc unum certè significant, id quod dicitur non posse omnibus tribui, de quibus sermo est; at de quibus & de quanto numero dicatur, nullo modo docent. Si dicam exempli causâ: *multi Ethnicorum olim intellexerunt Religiones populorum*, inter quos nati, educatique fuerant, *falsas esse*; propterea nemo intelliget quos Ethnicorum designare velim, nec sciet quantum esse putem eorum numerum.

5. II. Vox *multus*, aliæque id genus, quæ non certum numerum significant, cum per se obscuræ sunt, quia nescimus quibus limitibus contineantur notiones quas significant; tum etiam quia sunt *relative*, & relationem signant plerumque; ignoram. Hoc inde liquet, quòd de una eadémque re possint contrariæ voces adhiberi. Exempli causâ dixi *multos Ethnicorum scivisse Religiones suas patrias esse falsas*; nunc verò dicam, *paucos Ethnicorum intellexisse Religionum suarum errores*, neque hæc Enunciatio minùs vera habebitur.

* In Phædone, p. 401. Ed. Gen. Ficini.

Nempè, *paucos* eos dico, cùm eos conféro cum ingenti multitudine eorum, qui cæco errore abducti Religiones illas verissimas esse crediderunt; *multos* verò si comparentur cum pauculis, quales essent aliquot decades.

6. Passim autem ejusmodi Propositiones particulares occurrunt, quas accuratè intelligere non licet; quia quas & quot particulares notiones complectantur, scire non possumus. Iis etiam ita adfueti sumus, ut libenter in obscura illa notione adquiescamus, nec quidquam ultra quæramus; quamvis quandòque possemus quærendo accuratius rem cognoscere. Quod idè fieri videtur, quòd plerumque numerorum, qui vocibus *pauci* & *multi* designantur, proportionem rescire non liceat. Vide, si vacat, quæ scripsimus ad Gen. XXXVIII. 12. Idem dicitur de vocibus *major* & *minor*, quæ invicem referuntur, & quæ incertissimæ sunt significationis; quia plerumque nescimus, quantò pars quæpiam dicatur *major*, aut *minor*; nec quantus sit numerus partium, quæ inter se conferuntur. In Tit. de Verborum significatione §. 136. hæc leguntur: *major parte anni possedisse quis intelligitur, etiam si duobus mensibus possederit, si modò adversarius ejus, aut paucioribus diebus, aut nullis possederit.* Nimirum *major pars* non refertur ad reliquas anni partes, sed ad tempus, quo possedit adversarius; quod nemo possit ex iis verbis divinare, nisi rem aliundè nôrit.

7. III. Verùm *major* etiam nascitur obscuritas ex Enunciationibus, in quibus vox *multi* non modò obscuritate quam diximus laborat, sed & novâ ambiguitate, nam videtur sumi *ἀντὶς omnes*. Exempli causâ, Ita loquitur Christus Matth. XXVI. 28. *Hic est sanguis meus Novi Testamenti, qui pro multis effundetur, in remissionem peccatorum.* Qui volunt Christum mortuum esse pro omnibus hominibus, verba *ἀντὶ ΠΟΛΛΩΝ* urgent, quæ non possunt concoquere exponi hisce, *ἀντὶ ΠΑΝΤΩΝ*. At alii observant eundem, qui sanguinem suum effudit *pro omnibus* rectè dici sanguinem effudisse *pro multis*, quia *amnes* complectuntur *multos*; atque in hoc quidem loco, H. Grotius intelligit eos cùm ex *Judeis*, tum ex *gentibus*, qui fœderis condiciones amplectuntur. Crediderim potius *multos* dici, ut opponatur multitudo ingens totius humani generis, paucitati Judæorum. Verùm hoc colligendum, non ex hoc loco, sed ex aliis.

8. Ac sanè videmus quandoque *omnes* & *multos* promiscuè sumi, sed posterius adhiberi, quando respicitur paucitas, prius in absoluta loquutione: *Igitur*, ait Paulus, Rom. V. 18. *sicut per unius delictum venit peccatum in OMNES (εἰς ΠΑΝΤΑΣ) in condemnationem: sic & per unius justitiam, justitia venit*
in

OMNES (ἐς ΠΑΝΤΑΣ) homines, in justificationem vitæ: sicut enim per inobedientiam unius hominis, peccatores constituti sunt MULTI (ΠΟΛΛΟΙ) ita & per unius obedientiam, iusti constituentur MULTI, ΠΟΛΛΟΙ. Manifestum est multos & omnes, hoc in loco, ἐν τῷ ὅλῳ poni, quasi idem significantia.

9. Hinc intelligere possumus inania esse varia, quæ Interpretes nonnulli, cum Judæi, tum Christiani, colligunt ex Dan. 12. 2. nisi aliunde comprobentur. MULTI (רבים rabbim) ex dormientibus in pulvere terræ, excitabuntur; hi ad vitam æternam, illi verò ad opprobria & contemptum æternum: Judæi, qui credebant bonos dumtaxat resurrekturos, voce multi sententiam suam defendere conabantur. Dixerunt, ait R. D. Kimchi ad Esa. XXVI, 19. Magistri nostri, quorum memoria sit benedicta, mortuorum resurrectionem esse iustorum, non impiorum; idque apparet ex hoc versu Isaïæ, ubi dicitur מְתֵיחָא mthecha, mortui tui, scilicet, vivent. Similiter ex Daniëlis prophetia, qui dixit וְרַבִּים & multi; nempe, evigilabunt. At posito hîc de resurrectione, ex grammatico sensu, agi; vox multi opposita quidem est paucis, sed non omnibus. Eadem de ratione, frustra etiam sunt, * qui hinc probari statuerunt, inter eos qui resurgent in vitam æternam, eosque qui excitabuntur ut pœnas dent, esse mediam quamdam conditionem; idè tantùm quòd multi dicantur, non omnes.

10. IV. Igitur diligenter distinguendæ sunt Enunciationes, quæ particulares videntur, ob nomen quod particularem notionem significare solet; ab iis, quæ verè & naturâ suâ sunt particulares. Sæpe enim, sub particularis notionis signo, latet notio universalis, ut ex allatis exemplis satis liquet. Verùm sunt quoque particulares Enunciationes, sine ullo signo, ex quo de earum amplitudine judicare liceat. Exempli causâ, vicia frequentia in quapiam Gente ita ei tribuuntur ut, si verba sola spectemus, scire nequeamus qui & quot eorum incusentur. Dixit Epimenides de Cretensibus, quod dignatus est Paulus repetere,

Κρήτες ἀεὶ ψευδῆ, κακὰ βέλεια, γαστέρες ἀργαῖ.

Cretes semper mendaces, mala bellua, ventres pigri.

Si omnes planè Cretenses, sine exceptione, eâ indole fuissent, res posset etiam eo modo exprimi. At in tota Gente, non

* Vide Rob. Bellarmin. de A. G. & S. P. Lib. V. l. c. 1. & 3.

est, credibile nè unum quidem eorum vitiorum fuisse immunitatem. Itaque est particularis Enunciatio, quâ significabat *Epimenides* vitia illa frequentissima fuisse inter Cretenses, aut pleròsque iis fuisse inquinatos. Talia multa possent proferri, qualia aliud agentes congeffimus superioris Sectionis Cap VII. §. 6.

11. Ut ad notiones *universales* veniamus in Enunciationibus universalibus probè conceptis nulla est, ad verba quod attinet, obscuritas; qui enim, de omnibus rebus, de quibus loquitur, quidpiam affirmat, sine exceptione ulla, modò verbis utatur perspicuis, facillimè intelligitur; cùm exceptiones, ut vidimus, soleant obscuritatem parere. Ejusmodi sunt axiomata Geometrarum, quæ nullis planè exceptionibus laborant; ejusmodi hoc est, *omnes homines esse mortales*, & similia.

12. Sed præter illas Propositiones, aliæ sunt quæ, licet universalibus prorsus verbis conceptæ sint; tamen universales non possunt dici, nisi certo sensu, & quæ Interpretibus negotium facessere solent. I. * *Integrè loquimur*, ait Augustinus, cùm de aliquo *literarum magistro*, dicimus: omnes iste hic literas docet; non quia omnes discunt, sed quia nemo nisi ab illo discit, quicumque ibi literas discit. Igitur subintelligendum, qui hic literas discunt. Sic Psalm. CXLV. 14. *Sustentat Deus omnes cadentes & erigit omnes incurvos*; nempe, qui ad ejus auxilium, ut par est, confugiunt.

13. Ubi sermo est de re clara, facillè videmus, quid Enunciationi desit, & suppleri oporteat; at in re obscura, aut quæ in controversiam venit, rei obscuritas, aut Interpretum affectus, magnas concertationes creat. Exempli gratiâ, postquam in partes irum est, inter Theologos, de Divinæ misericordiæ amplitudine, dum alii volunt Deum omnibus suppeditare quæ ad salutem consequendam necessaria sunt, paratùmque esse omnibus ignoscere, si modò talentis cœlestibus rectè utantur; alii verò contendunt Deum non nisi paucis velle ignoscere, quibus solis suppeditavit ea, sine quibus ad meliorem frugem nemo potest redire; postquam, inquam, ea de re disceptari cœpit Enunciationum universalium sensus in controversiam quoque est vocatus.

14. Locus est vexatus à Theologis 1 Tim. II. 4. *Deus OMNES homines salvos fieri vult, & ad cognitionem veritatis venire*; de quo ita Augustinus, Enchir. ad Laurentium Cap. 103. Cùm audimus, inquit, & in sacris literis legimus, quòd Deus velit omnes homines salvos fieri; non tā-

* De Prædest. Sanct. c. VIII.

men idē debemus omnipotentissimæ Dei voluntati aliquid derogare ; sed intelligere quod scriptum est , qui vult omnes homines salvos fieri ; tamquam diceretur , nullum hominum fieri salvum nisi quem ipse salvum fieri velit . Non quod nullus sit hominum , nisi quem salvum fieri velit ; sed quod nullus fiat , nisi quem velit , & idē sit rogandus , ut velit , quia necesse est fieri si voluerit . De orando quippe Deo agebat Apostolus , ut hoc diceret . Sic enim intelligimus id , quod in Evangelio scriptum est : qui illuminavit omnem hominem ; non quia nullus est hominum , qui non illuminetur ; sed quia nisi ab illo , nullus illuminatur . Similia & alibi habet .

15. Dubium certē non est , quin Enunciationes universales quandōque ita intelligi debeant ; sed circumstantiæ loci ostendunt , Propositionem Pauli planē esse universalem . Cū enim Apostolus hortetur Christianos , ut pro omnibus hominibus precentur , & præsertim pro magistratibus , quia gratum hoc est Deo , qui omnes homines vult salvos fieri , necessariō hīc vox omnes eodem sensu sumi debet ac in superioribus , hoc est , prorsus universaliter . Absurda alioquin esset hæc ratiocinatio : orate Deum servari omnes omnino homines , nam quicumque servantur , illi non sine Deo servantur . Præterea certum est affirmantem Pauli Propositionem posse in negantem converti , quæ sit ejusmodi : *Deus non vult ullos perire , sed omnes venire ad cognitionem veritatis ;* nam hæc Enunciatio est Petri 2 Ep. III. 9. nisi quodd pro cognitione veritatis , habet *penitentiam* . Negans autem Propositio non potest ita exponi , ut ab Augustino est exposita affirmans . Itaque & apud Paulum debet esse Propositio , quæ sit prorsus universalis .

16. II. Sunt præterea Enunciationes universales , si verba attendas , quæ ad rem ipsam quod attinet , particulares sunt ; quia , nimirum , hyperbolicæ cū sint , pro parte totum dicere videntur . Exempli ejusmodi loquutionum attulimus ad Genes. VI. 3. ubi vide à nobis dicta . Sed & nonnulla alia non abs re erit addere . Sic Joan. III. 32. *Testimonium ejus* , ait Christus de se , *nemo admisit* , hoc est , perpauci . Apostolus verò Philip. II. 21. *Omnes* , inquit , *querunt quæ sua sunt* , non *quæ sunt Christi Jesu* , hoc est , plerique . Quod facit Regula Juris : *Refertur ad universos quod publicè fit , per majorem partem* . De div. Regg. Juris §. CLX.

17. Similiter omnes homines , totūque orbem vocant frequentissimè Scriptores Ethnici , Gentes aliquot vicinas , aut intra Imperii Romani fines degentes . Sic Isocrates , non procul ab initio Panegyrici : ὁμολογῶ , inquit , de Atheniensibus verba faciens , ὅτι πᾶσιν ἡμῶν πασιν ἀνθρώποις εἶναι ὁμο-

μαστὶν · In confesso est urbem nostram esse, apud omnes homines, celeberrimam. Fragmentum de Bello Civili :

Orbem jam totum victor Romanus habebat.

Vide Luc. II. 1. & ad eum locum Intt. Possent & ex Linguis hodiernis exempla adjici, nisi res manifesta esset.

18. III. Aliæ sunt Enunciationes universales, quæ potiùs omnia aut pleraque genera rerum, de quibus sermo est, quàm singulas significant. Sic Matth. IV. 23. Christus dicitur *sanasse omnem morbum & omnem languorem in Populo*; hoc est, omnis generis morbos. Ita Act. X. 12. memoratur *linctum cælo demissum, in quo erant omnia quadrupedia & serpentina terræ & volucra cæli*; hoc est, omnis generis animalia. Sic & Virgilius :

† Nec verò terræ ferre omnes omnia possunt.

Qualia innumera possent proferri.

19. Hinc Theod. Beza, ὑποθέσας δαλεῶν, ut solet, in versione suâ, ita transtulit locum Pauli 1 Tim. II. 1. *Adhortor ut fiant deprecationes pro----- quibusvis hominibus, pro Regibus & quibusvis in eminentia constitutis*; nam hoc----- acceptum est Deo, qui vult quosvis homines servari. Debuisset eodem jure vertere 2 Pet. III. 3. *nolens quosvis homines perire, sed quoslibet ad penitentiam venire*; quod cum fieri nequeat, nec illud factum oportuit. In hac ratione Critica hîc adquiescimus, nec ad Theologicas delabemur.

20. IV. Denique videntur esse loquutiones universales, quæ non nisi cum exceptione sunt intelligendæ, quamvis non exprimatur. Sic Matth. XVII. 11. Christus aptat Joanni Baptistæ vaticinium Malachiæ, de quæ eo dicit, ἀποκαταστήσας πάντα, *omnia restitutum fuisse*; quâ voce non intelligit quæcumque restitutione indigebant in humano genere, aut etiam inter Judæos, sed quæ pertinebant ad munus Joannis; de quibus adevundi Interpretes, atque inter alios Henr. Hammondus, cum iis quæ adjecimus ejus Adnotationibus, 1 Joan. II. 20. ita alloquitur Christianos Apostolus : *vos unctionem habetis à Sancto, & nōstis omnia*; quæ, nimirum, Christianos scire oportet, & præsertim quæ de antichristis antea dixerat.

21. Ex hac observatione, intelligendus locus Rom. XI. 36. *Ex ipso, per ipsum & in ipsum sunt omnia*; nempe, omnia dona, quæ huic aut illi pro arbitrio largitur, non quæcumque

eveniunt; quis enim aufit dicere vitia, & scelera ex Deo, *per Deum, & in Deum esse?* Profectò nemo, qui non desipiat. Sic & Ephes. I. 11. *Operatur, inquit Paulus, omnia, secundùm consilium voluntatis suæ;* & ejusdem Cap. vers. 23. *omnia in omnibus adimplet;* hoc est, omnia quæ facere in negotio salutis Dei est; neque enim aut malum operatur, aut credit loco nostro, aut judicat in nobis.

22. Hæc de Enunciationibus *Singularibus, Particularibus & Universalibus* animadvertenda habebamus, magni, nisi fallor, momenti ad intelligenda ejusmodi notionum nomina; aut minimùm ad vitandos errores, qui ex perperam intellectis oriri solent. Ubi non licet fugientem veritatem adsequi, errorem saltem vitare licet, quod tunc temporis loco inventæ veritatis nobis esse debet.

CAPUT VII.

De Notionum Clararum & Obscurarum nominibus.

1. **D**UO ad hoc Caput pertinentia, cùm jam alibi sint à nobis pertractata, non necesse erit hic repeti, *Logicæ nostræ* P. I. c. 9. egimus de notionibus *claris & obscuris*, eademque operâ ostendimus quæ sint clararum, quæ obscuriorum notionum nomina. Hujus verò Criticæ nostræ superiore Sectione, Capp. VIII, & IX. multa exempla congeessimus vocum obscurarum, aut etiam nullam subjectam notionem habentium. Hinc possumus colligere clara esse nomina omnium simplicium notionum; earumque ex compositis, quarum omnes partes enumerare possumus. Contrà verò obscura sunt nomina, quibus aut nulla est subjecta potestas, aut cujus singulas partes non possumus ordine recensere. De claris, nihil est quod hic animadvertamus, ubi nec memorabimus, quæ Dialecticus de notionum obscuritate dicere posset; quia hoc in loco, non de rebus, sed de rerum nominibus agere instituimus. Verùm cùm maximi sit momenti, ut probè intelligantur Veteres, secernere posse voces obscuræ significationis, ab iis quæ claras habent subjectas notiones, rem hic novis exemplis illustrabimus; ex quibus liquebit maximas, excultissimas atque antiquissimas Gentes vocibus nonnullis frequentissimè esse usas, quarum obscurissima fuit, & fortè etiam aliquando nulla planè significatio.

2. Vix ullæ voces frequentius occurrunt in Græcorum & Romanorum monumentis, iis quæ *munditiem, ac immunditiem, e. s. q.*

variorum, ut postea videbimus. generum significant. Græci passim loquuntur. *οὗτοι τῶ κοινῶν καὶ βεβήλων*, & *οὗτοι τῶ μολύνειν ἢ τοι μαιίνειν*, plurimasque adhibent voces ex hisce derivatas, aut compositas. Latini similiter habent quæ subinde narrent de rebus, aut hominibus *impuris*, vel *immundis*, vel *profanis*, de quæ pollutionibus, aut *profanationibus*, aliisque similibus. Utrique sæpissimè verba faciunt de *sordibus*, quibus contaminari censentur quæcumque eas tangunt. Si contraria significantes voces spectes, utramque etiam apud illos paginam faciunt voces *ἀγνός*, & *καθαρός*, earumque derivata, apud Græcos : ut nomina *purus* & *mundus*, vocæque affines, apud Latinos. Atqui omnium horum vocabulorum non solum ambiguus, sed & non rarò obscurissimus est, aut nullus significatus.

3. J. *Mundities* aut *immundities*, proprio, & nativo significatu, ad res corporeas spectat. Nonnulla sunt, quæ *immunda* dicuntur, ob singularem naturam, quæ iis inesse creditur. Exempli causâ, pleraque quæ foetent, eò quod sint corrupta, *immunda* vocantur. Fimus dicitur *immundus*, ejusque contactu *foedari* dicimur. Si ejusmodi vocibus ea dumtaxat, quibus læduntur sensus hominum, intelligerent qui iis olim usi sunt, aut qui eas etiamnum usurpant (nam & nos ita loquimur) nihil esset quod de ejusmodi loquutionibus diceremus, præter ea quæ antea de nominibus notionum simplicium observavimus. Sed hodie, cum de rebus eo sensu *immundis* loquimur (credibile autem est Veteres similia cogitasse) de sensibus nostris non cogitamus, sed de nescio qua *immunditie* ; quam quasi *absolutam* qualitatem spectamus, & quam credimus inesse rebus *immundis*, à quibus propterea abhorremus. Sumat quisque experimentum hujus rei, & si in se ipse descendere nolit, ab alio petat quid ejusmodi vocibus intelligat, eumque eò adigat ut eas clarè definiat. Tum demum intelliget plerosque homines nescire quid dicant, cum de *immunditie* loquuntur. Imò verò multi sunt, qui ferinam foetentem in deliciis habent, atque avidissimè comedunt ; quam alii si vel digito tetigissent, foedatos se, & ablutione indigere judicarent.

4. Contrà *munda* & *pura* dicuntur, quæ neque ipsa sensus offendunt, neque sunt contaminata, attractu eorum quæ per se *immunda* esse existimamus. Vestes, exempli causâ, *munda* aut *pura* sunt, quæ nullâ re, postquam à fullone allatæ sunt, contaminatæ fuerunt. *Sordere* verò dicuntur, atque *immunda* esse eæ, quibus contrarium quidpiam accidit. Scimus quid hæc sibi velint, cum intelligimus quid sit *immundities*, de qua antea diximus ; alioqui priori ignorato, posterius etiam ignoremus necesse est.

3. II. A rebus corporeis eæ voces ad animum sunt translatae, animusque *purus* dictus, qui non est vitio ullo, aut singulari quopiam scelere, de quo sermo fit, attaminatus; contra *impurus* quisquis est aut vitiis, aut peccato quodam inquinatus. Hinc Latini *impurum* & *impiatum* hominem nequam & improbum vocant, quemadmodum Græci ἀγθαπν. Hæ harum vocum significationes claræ sunt, si modò perspicuum est quid sit vitium & virtus; quod certè clarum esse potest, sed omnibus sine dubio non erat olim, uti nec est hodie.

6. III. Verùm quicquid est obscuritatis, in memoratis significatibus vocum, quibus *mundities*, aut *immundities* signatur, id nihil est, præ eo quod nunc dicam. Veteres, nimirum, passim neque corporis propriè, neque animi ratione habitâ, *impurum*, aut *pollutum* dicebant in sacris, eum quem sacra atrectare aut iis adesse nefas erat, eo quòd *impuratus* haberetur. Quod si sacra faceret, hoc in statu, ea Numini displicere arbitrabantur. Exempli causâ, manibus illotis, quanvis cæteroqui nullæ sordes iis adhærerent, immolare victimam non licebat, imò ne quidem templa ingredi. Immundi similiter erant, qui cadaver attigerant, aut etiam propius ei adfuerant, qui puerperam inviserant, qui surgebant è lecto, antequàm abluisent, qui ὀνειραγμὸν passi erant, qui cum uxore concubuerant. Immundæ erant mulieres omnes, tempore κατὰμνήων, aut λοχίων. Hæc omnia sigillatim probari necesse non est, cum partim sint notissima, & partim à nobis in *Commentario in Pentateuchum* probata, ubi primùm de ejusmodi pollutionibus sermo fuit. Sunt præterea qui hac de re datâ operâ scripserunt, qui, si necesse sit, * adiri poterunt.

7. Jam quæro, quid menti eorum obversaretur, qui dicebant hominem esse pollutum, nec sine purificatione posse ad sacra accedere, qui cadaver humanum atrectasset, aut etiam homini morienti adfuisset: quòd si, pollutione illâ neglectâ, è vestigio Templum adiisset, aut rem divinam fecisset, nec preces, nec victimam Deo placere potuisset; imò verò fuisse ingratiſſimas, quæcumque cæteroquin hominis virtus esset. An ex eorum sententia adhærebat aliquid corpori, aut animo ejusmodi hominis, extracto, aut conspecto cadavere, quod, licet ignoraret, ea vitia ret? Non puto, nec, ut opinor, credebant qui hominem finestatum purè sacra facere posse negabant. Certè apud illos pollui non censebantur Sacerdotes, qui non modò contrectabant cadavera victimarum, sed etiam iis intestina, & stercora, ad sanctissima altaria, è ventre exiehebant. Quid ergo è conspecto cadavere humano potuit in

* Vide Joan. Lamijerum, de Lustrationibus Veterum C. XVI. & seqq.

spectatores subito transire, quod eos impuraret? Quid etiam fuit in rebus merè naturalibus, & in quibus nihil est quod hominem deteriozem aut meliorem reddat, quo quisquam Deo, naturæ rerum auctori, minùs acceptus fieret? Cur Templum à funestato, si id illico ingrederetur, *βεβηλωμένον, κοινωθέν, profanari, ac pollui* credebatur? Cur redeunti è macello patuere Sacraria, quæ claudebantur homini, in cuius gremio homo, dum ei vulnerato, aut subito casu perculso opem, ut par est, ferre nititur, mortuus fuerat? Non quæro hîc quæ esse potuerit ratio hæc primùm instituentibus, cur ejusmodi doctrinam de *pollutionibus* animis hominum inferere cuperent; anve aliud quidpiam significarent, quàm quod primo intuitu videtur. Hoc unum scire velim quid cogitarent populi, qui attactu cadaveris hominis, non vituli, aut agni *pollui* se putabant, & dictitabant? Quam subiciebant ei voci, similibusque potestatem? Profectò nullam; nec aliud respondere potuissent, nisi se à Majoribus ita accepisse, hominem funestatum tactu, aut conspectu cadaveris humani esse *pollutum*; hoc est, se à teneris hanc opinionem imbibisse, ad sacra accedere non debere, & dici solitos ejusmodi homines *pollutos*; sed rationem rei, ac significationem ejus vocis & similium sibi esse ignotas.

8. Attamen hac positâ opinione, quasi certissimâ, & readmissâ quasi perspicuâ, innumeri ritus erant quibus homines hoc, aut aliis similibus modis *polluti* purgabantur, aut expiabantur, & multi quidem ludicri. Non modò aquâ, eaque purâ abluebantur, sed cæterorum elementorum ope, aut etiam animalium, plantarum, & fossilium lustrabantur; quorum lustrationum exempla affatim congesserunt * viri eruditi, quorum labore effectum est, ne nobis necesse sit ulla huc convehere.

9. Quid verò erat *purgare*, aut *lustrare*, hoc mystico significatu? Quæ intelligebatur mutatio fieri in homine, qui è domo funesta egressus manus abluebat, aut aquâ lustrali adspargebatur, aut simile quid faciebat? Corpus mundius non fiebat, quod fœdatum nemo dixerit, eò quod accessisset ad cadaver; nec animus etiam, qui cadavere nequamque pollutus fuisse censerî potest, purgabatur. Quid ergo significabatur voce *purgare*, aut *lustrare*? Ritum celebrare, cui cur hoc nomen esset impositum nesciebant.

10. Horum meminisse oportet fidum Interpretem, qui non Judicem agit Veterum, aut indagatorem veri, sed tantùm fungitur interpretandi munere; quod totum in eo situm est, ut doceat quæ cogitarint Veteres, seu obscura ea sint, seu

* Vide Lamegerum, Cap. XVIII. & seqq.

clara, non quæ cogitare debuerint, ut quid dicerent intelligerent. Hoc verò neglecto, sæpe videmus viros doctos omnes ingenii nervos intendere, atque omnem lapidem movere ut sub verbis nihil significantibus, aut obscurissimas notiones exprimentibus, inveniant perspicuas & firmas ratiocinationes. Attendant studiosi, & multò plura exempla harum rerum, inter legendum, invenient, quàm vulgò persuasum est.

11. Hæc cum sint manifesta, nihil, quod in ratiocinatione nostra carpi possit, video. At unum hoc objici queat, nostrum esse ostendere qui factum fuerit, ut Judæi veri Dei cultores ita etiam loquuti fuerint, & similes ritus habuerint. Hoc verò paucis verbis potest expediri; nempe, inanes per se ritus à Deo nequaquam primùm esse institutos, sed cùm populus Hebræus esset illis dudum adfuetus, Deum leges suas ejus ingenio attemperasse; quod cùm alii, tum etiam nos ostendimus in *Commentario nostro in Pentateuchum*. Ac sanè hoc liquabit; si reputemus, apud Ægyptios, quorum Regnum Hæbraicâ Republicâ multò antiquius fuit, talia usitata fuisse, diu antequàm nasceretur Moses; ut nos ipse docet, cùm ait jam à tempore Josephi Ægyptios non sustinuisse convivari cum peregrinis, ne, nimirum, polluerentur. Vide Gen. XLIII. 31. & quæ illic notavimus. Græci etiam & Romani, antequàm noti essent illis Judæi, ejusmodi opinionibus credulitatem suam addixerant. Nec certè incommodos & inutiles, cùm ad vitam, tum ad virtutem quod attinet, ritus instituisse umquam Deus, nisi invenisset Judæos iis adedò addictos, ut ex eorum animis nullis novis legibus revelli possent. Possumus ergo, sine ulla vel minima divinæ majestatis imminutione, dicere Deum cum pueris, ut ita dicam, balbutiisse, quando de pollutionibus, ex more recepto, loquutus est. Possumus institutores primos ejusmodi rituum ridere, & ostendere eos inanis verbis plebi imposuisse.

12. Certè plerique Patres, qui adversus Ethnicos scripserunt, ita eorum ritus oppugnârunt, ut simul ostenderint, si Judæis Deus eos imposuit, id nequaquam factum fuisse, ob eorum rituum præstantiam; sed propter Judæorum perversam indolem, qui meliora repudiaturi erant. Eam in rem, multa habet Scriptor *Constitutionum Apostolicarum*, qui certè laudari potuisset, si suo ipsius nomine proferre ea maluisset quæ Apostolis, vix excusandâ fraude, tribuere conatus est. Pauca tantùm, de *pollutionibus*, excerpemus. Ita ergo, apud eum, Apostoli Lib. VI. c. 27. quod inscribitur *de observationibus Judaicis & Ethnicis*, mulieres & viros alloquuntur: μελέτα τὸς αὐτῶ νόμος, μὴ ἐν παρατημένῃ, μὴ καθαρίσιν φυσικῶν, μὴ μίξιν νέμμεων, μὴ τοκετὸν, ἢ ἀποβολὴν, μὴ μῶμον σάματος. ἐπὶ πᾶσι τοῖς

τοιαῦτα παρατηρήματα ΜΩΡΩΝ ΑΝΘΡΩΠΩΝ ἘΦΕΤΡΕΜΑΤΑ
 ΜΑΤΑΙΑ, καὶ οὐκ ἔχοντα. ὅτε δὲ κῆδος ἀνθρώπου, ὅτε ὄσση
 νεκρῶν, ὅτε μνήμα, ὅτε τοιόνδε βρώμα, ὅτε ὀνειρωγμὸς μᾶναι δύναι-
 ται ἀνθρώπου ψυχῇ. ἀλλὰ μόνη ἀτέλεια ἢ εἰς Θεόν, καὶ παρὰ νομὸν, καὶ
 εἰς τὴν πλησίον ἀδικίαν· *meditare etiam leges illius, nihil observans,*
non purgationem naturalem, non copulationem legitimam, non
partum aut abortionem, non corporis maculam, siquidem huiusmodi
observationes sunt **HOMINUM STULTORUM**
INVENTA INANIA, & ratione carentia. Neque ve-
 rò hominis funus, atque ossa mortui, neque sepulcrum, neque
 certus quidam cibus, neque nocturnum seminis profluvium polluere
 animum hominis possunt; verum sola impietas in Deum & ini-
 quitas, & erga proximum injustitia. Vide & Cap. XXX.

CAPUT VIII.

De Notionum Adequatarum & Inadequatarum nomi- nibus.

1. **O**MNES, ut rectè summus Orator, *trahimur & duci-*
mur ad cognitionis & scientiæ cupiditatem, in qua ex-
cellere pulcrum putamus. Cognitionis autem est duplicis generis,
 alia enim est accurata, omnēsque rei cognitæ complectitur
 partes; alia vero minùs perfectæ, & quæ ad nonnullas dum-
 taxat pertinet. Cùm infinita sint, quæ non nisi posteriori mo-
 do cognoscimus, nec etiam aliter cognoscere possumus; at-
 tamen perpetuâ quadam siti laboramus perspicierendarum rerum,
 quas natura ipsa nobis occuluit.

2. Sæpe etiam, quæ est humani ingenii aut cæcitas aut su-
 perbia, nobis ea penitus nota esse putamus, quæ partim dum-
 taxat novimus. Tum verò, cùm de iis rebus loquimur, vo-
 cibus utimur, quæ sæpe plus significant, quàm intelligimus;
 & aliorum etiam scripta legentes eorum dictis tribuimus sen-
 tentiam multò ampliorem ac pleniorē, quàm umquam eor-
 um animis obversata est. Hinc fit ut ab eorum sententia aut
 penitus aberremus, aut partim deflectamus; dum vocibus,
 quæ *adequatas* notiones significant, usos eos esse perperam cre-
 dimus. Igitur interest eorum, qui Veterum Scripta intelligere
 cupiunt, probè distinguere nomina *adequatarum* notionum à
 nominibus, quibus *inadequate* tantum rerum notiones sub-
 jectæ sunt.

3. I. Docuimus, *Logicæ* P. I. c. 10. adæquatas esse omnes notiones simplices; ideoque harum nominibus subesse adæquatas notiones. Adæquatæ pariter sunt notiones Modorum *abstractè* spectatorum; cum simplices sunt, aut etiam compositi, si omnes partes nôrimus; & nomina, quibus significantur, nomina sunt notionum adæquatarum. Fingimus etiam ipsi varias notiones, quibus animus addit, aut detrahit quidquid vult; quod non sint imagines rerum, quæ extra nos sunt, sed mera nostra figmenta; quibus in notionibus cum sit nihil, nisi quod volumus, non mirum si sint adæquatæ, ac proinde si idem de earum nominibus, ac de superioribus feratur iudicium. Notionum ergo adæquatarum nomina sunt calor, frigus, dolor, voluptas, &c. *rotunditas, triangularis, quadrata figura*, aut ex iis mista, &c. *Centaurus, Chimæra*, &c.

4. II. At si deveniamus ad Substantias, quas spectamus ut re ipsâ existentes, tum demum scire non possumus an nobis obversentur notiones earum adæquatæ; imò verò, si rem paulò diligentius expendamus, nobis constabit inadæquatæ esse, * quod alibi demonstravimus. Igitur quotiescumque occurrent nomina Substantiarum, aut rerum quarum partes sunt Substantiæ, certum hoc haberi debet, ea esse nomina notionum inadæquatarum. *Deus, homines, corpus, spiritus, animal, planta, lapis*, &c. nomina sunt ejusmodi.

5. III. Præterea ipsi Modi, cum sermo est de Modis re verâ existentibus in Substantiis, aut qui fuisse statuuntur, si præsertim res agatur in qua multæ sint circumstantiæ, ipsi, inquam, illi modi hominibus numquam omnes innutescunt; ideoque, nomina & loquutiones, quibus describuntur eventus, sermones, aut alia quæ narrantur, sunt notionum inadæquatarum appellationes. Exempli causâ, *viçteria Cesaris de Pompeio, sermones Socratis in carcere*, vocabula sunt rerum inadæquatè notarum.

6. Hinc varia maximi momenti consectaria deducere licet. Primum enim hinc sequitur, cum Scriptorem legimus de Substantia quadam aut de eventu multiplicibus Modis constante, loquentem, nos non posse plenam notionem rei de qua agit ei tribuere. Secundo, si integram notionem ejus rei non habet; non posse ex ejus dictis ea colligi, quæ ut colligi queant, necesse est rem penitus esse notam. Tertiò, ex notione nequaquam perfecta sæpe nasci maximas difficultates, quæ ex eo Scri-

* *Logicæ* P. I. c. 10.

ptore neutiquam solvi possunt. Denique nihil rutilius esse, in ejusmodi rebus, quàm cohibere judicium, cum de re ipsa, tum de sententia Scriptoris, quem legimus. Verùm hæc sunt paulò pluribus illustranda.

7. I. Prima omnium Substantiarum est *Deus*, ad quem id nominis singulari quodam sensu pertinet. Scimus à posteriori, ut Philosophi loquuntur, nihil perfectionis inesse creaturis, quod illi non insit; nam à fonte nihil potest manare, quod in eo antea non fuerit. At nemo mortaliū adæquatam notionem ejus perfectionum umquam sibi effinxit. Itaque quæcumque sit Scriptorum, qui de divina natura scripserunt, sapientia; nihil adæquati de æterna illa Substantia ab iis expectandum est. Quotiescumque occurrit vox DEUS, tenendum semper est nomen esse notionis, quæ pro Scriptoris ingenio, aut sapientia, plura aut pauciora complectitur attributa; sed quæ Archetypum ipsum neutiquam æquat.

8. Imò verò, cum sermo est de aliis Substantiis, seu spirituales illæ sint, seu corporeæ, nomina quibus appellantur sunt vocabula parum integrarum notionum: *Mentis humana* quid sit nescimus; *Corporis* intima natura, & humanæ quidem singularis dispositio; exceptis iis quæ oculos aut solos, aut instrumentis adjutos percellunt; nobis ignota est. Minus novimus cæteros spiritus, cæteraque corpora. Itaque quoties de illis agunt Veteres, toties fatendum est eos uti nominibus inadæquatarum notionum.

9. Quod si sermo sit de actionibus Dei, aliarumque intelligentium Naturarum; aut si res, de quibus loquuntur, multiplices circumstantias complectantur, interventumque variarum causarum; tum verò rerum compositarum inadæquatas dumtaxat notiones, singulis ferè vocabulis, significant. Similis est eorum sermo tenuissimis illis picturis, quæ quasi in recessu cernuntur, & offerunt quidem nobis varia spectanda, sed propter tenuitatem ac distantiam imperfecta, ac evanida rerum majorum vestigia. Qui loquuntur *πρὸς τὸν Θεὸν ὑποστάτων, θεὸς ὁ παντὸς οὐρανοῦ καὶ γῆς, καὶ τῶν ἐν τοῖς οὐρανοῖς πνεύματων ἀγίων*, & de aliis id genus, multum abest ut adæquatas notiones verbis suis subijciant. Qui Historias narrant, quamvis copiosè omnia persequantur, quatenus licet, innumeras circumstantias, aut notas, aut arcanas necessariò prætermittunt, ex quibus sæpe eventus pependerunt. Hæc non dico, quasi vitio veram Theologiam aut Historicis, quòd pleniores iis non fuerint notiones; multa enim sunt, quæ plenius nosse non poterant; at

ii digni sunt, qui reprehendantur, qui imperfectas notiones cum adæquatis miscent, volúntque in Veterum Scriptis ea reperire, de quibus numquam cogitarunt.

10. Si eâ quâ par est attentione & reverentiâ expendamus quæ Apostoli habent de Jesu-Christo, faciliè intelligemus eos non putasse *merum* esse *hominem*, quandoquidem ei mundi * creationem tribuunt; eosque errare, qui similia sentiunt; sed de ratione, quâ æternum Numen cum Jesu homine conjunctum sit, tacent; quo credibile sit arcanum illud iis, in terris agentibus, nondum revelatum fuisse. Sciverunt certè Christum esse Deum & Hominem, atque ita de eo loquuti sunt; sed modum rei ignorasse videntur, adeò ut possimus meritiò suspicari inadæquatam eis hujus rei fuisse notionem. At Religionis Christianæ, sequentibus sæculis, Interpretes temerè statuentes ex verbis Apostolorum pleniorẽ rei notionem colligi posse, quàm reverã potest, modum ejus conjunctionis definire aggressi sunt, & nomen ei imponere; unde natæ olim *Eutychianorum*, *Nestorianorumque* & aliorum concertationes; quæ nec hodie sopiæ sunt, nec potuerunt aut possunt ex solis Apostolorum scriptis componi; quia Theologi nesciunt in notionibus inadæquatis acquiescere, quamvis pleniores ex Scriptura colligere nequeant. At si quod obscurius docent Apostoli, obscurè intelligere satis habuissent, nec ulterius progredi voluissent; nulla fortè umquam diffidia hac de re orta fuissent, aut faciliè saltem composita.

10. II. Geometræ, qui omnia sua deducunt ex abstractis, adæquatisque notionibus, in quibus nulla est obscuritas, facillimè à Lectoribus attentis intelliguntur. Nihil illis tribuitur, quod non agnoscant, & cujus omnia necessaria consecutaria amplecti pro suis parati non sint. At cum res, de qua incidit sermo, *inadæquatè* nota est, nec vocabulis signatur, quæ totam ejus naturam complectantur; cavendum ne contrarium statuamus, ut sit, atque hinc deducamus inania consecutaria. Hinc natæ tot controversiæ de Veterum sententia, ad res divinas, spirituumque & mentis humanæ naturam quod attinet. Plenas, nimirum, notiones earum rerum illis tribuimus, quas plenè nullus mortalium umquam novit. Igitur, si sapimus, nihil ex eorum dictis colligemus, quod pateat amplius quàm eorum inadæquatæ notiones. Si velimus eorum esse discipuli, in ejusmodi notionibus est acquiescendum, nec ulte-

* *Joh. C. I. 10, 14. ubi vide à nobis notat.*

rius quidquam quærendum. Alioqui si ope consecratorum pleniores, quàm illi, adipisci notiones nitamur; dum statuimus eos adæquatarum notionum nomina protulisse; ab eorum sententia sensim recedemus, nec minus peccabimus; ac si quis ex summa non integra rationem inire institueret.

12. III. Maximæ difficultates in hisce rebus, necessariò nascuntur ex imperfectis notionibus, præsertim si eas perfectas judicemus: quemadmodum innumeræ oriantur, in calculo summarum, quas non nisi ex parte nosceremus. Rationes varias in concordiam numquam redigere possemus, quæ fortè tamen consentirent; ut facilè animadverteremus, si integræ summæ nobis essent notæ. Nomina inadæquatarum notionum, quibus usi sunt Veteres, occasionem suppeditant innumeris quæstionibus, quas ipsi Scriptores non attigerunt, nec licet ex ejusmodi nominibus solvere. Quot possunt quæri de sententiis Veterum, cum rectè, tum secus de rebus divinis sentientium, quæ ex illorum verbis solvi nequeunt? Quas tenebras nobis offundunt, cum volunt id quod sentiunt efferre? Nòrunt quàm verum sit quod dico qui legerunt quæ, de *Nicenis* controversiis, scripta sunt à viris doctissimis *Dionys. Petavio, Steph. Curcell.co, Pet. Dan. Huëtio, Rod. Cudwortho* & nuper à *Georg. Bullo*. Ad finem hujus Opusculi properantibus non licet accuratiùs rem exponere. Similia possumus dicere, de plerisque Historiis, ex quarum narratione oboriuntur quandoque tenebræ, nullà luce ingenii discutiendæ; quia, ab Historicis, licet vera dicentibus, quidquid oportebat dici non est scriptis mandatum; quòd eos fugerit longè maxima pars rerum, quarum historiam scribere aggressi sunt. Exemplo *Q. Curtii*, sequentis Criticæ nostræ Partis Sectione tertià, rem comprobata dabimus. Interea cavendum à peccato nimis frequente, quo de eventibus judicamus ex imperfectissimis historiis; quasi omnia essent complexæ, quæ ad rationes & causas eventuum pertinent. Peccatum hoc committitur præsertim ab Historiarum Ecclesiasticarum Interpretibus, qui passim ex mutilis ac mancis narrationibus, consecraria colligunt; quasi nihil esset omissum, aut quasi perspicuum esset id jure factum quod probant, injuria verò quod ipsis displicet. Hinc postea miræ nascuntur repugnantia, quas frustra tollere nituntur.

13. IV. Manifestum est ex antecedentibus, in retexenda Veterum de rebus, quas ex parte tantum nòrant, sententia, eos occurrere nodos, qui vix ac ne vix quidem solvi

à nobis possint. Quid ergo superest faciendum, nisi ut cohibeamus iudicium? aut si iudicemus, ut meminerimus nostra iudicia niti obscuris nominibus aut descriptionibus inadæquatarum notionum; ideoque conjecturas potius esse, quam res compertas, nec proinde invitis aliis obtrudenda, nec facile damnandos aliter sentientes, aut acerbius traducendos. Res sunt per se obscuræ, nec nisi partim notæ, eæque verbis nequaquam clavis expressæ. Neque verba, rebus collata, clariora fieri possunt; neque ex verbis, interdum parum aptis, lux ulla rebus affertur. Mirum esset, nisi quis in tantis tenebris erraret; at quod majus est errandi periculum, ed nos errantibus oportet esse æquiores.

SECUNDÆ PARTIS CRITICÆ

FINIS.

P

JOANNIS CLERICI

A R S

CRITICA,

I N Q U A

Ad Studia Linguarum Latinæ, Græcæ,
& Hebraicæ via munitur; Veterum-
que emendandorum, & Spuriorum
Scriptorum à Genuinis dignoscendo-
rum ratio traditur.

VOLUMEN SECUNDUM.



L O N D I N I,

Apud Robertum Clavell, Timoth. Childe, & Andr. Bell,
MDCXC VIII.

ARTIS CRITICÆ

PARS III.

*De Emendatione locorum corruptorum, de Libris
supposititiis à veris dignoscendis, ac Judicio
de stylo & charactere Scriptorum ferendo.*

SECTIO I.

De Emendatione locorum corruptorum.

CAPUT I.

De Origine Mendorum.

I. **S**I Deo Optimo Maximo visum fuisset antiquissimo-
rum mortalium ita afflare animos, ut inter ea quæ
invenerunt vitæ utilia ac necessaria, fuisset pulcherri-
ma artium mechanicarum Typographia; non modò innu-
mera Veterum monumenta, quæ ob paucitatem exemplarium
interciderunt, manibus nostris nunc tererentur; sed illa eti-
am, quæ vim verustatis omnia perdentis effugerunt, ad nos
multò emendatiora pervenissent. Cùm enim olim, dum
libri manu describerentur, singula exemplaria non aliter pos-
sent emendari, quàm si à viro docto & diligente accuratè
legerentur, quod longum erat, & difficile; nunc unus atque
alter, iteratà unius exemplaris lectione, millena aliquot ex-
emplaria emendare facillè possunt. Sed quoniam, ut ille ait,
* nullum habemus in præterita jus, præterquàm oblivionis, iis
missis quibus remedium nullum asserre possumus, videndum

* Plinius Lib. II. c. 7.

nobis superest, num sit ars aliqua quâ possimus loca Veterum in mendo cubantia dignoscere, ab iis quæ sana sunt, & veram in ea lectionem revocare. Hoc certe profitentur CRITICI à se fieri posse, atque hæc in re, potissimum artem suam sitam esse dicunt, nec dubium est, quin sæpissimè id præstiterint quod polliciti erant, & sanitatem innumeris locis ægris restituerint.

2. Quod illi factitârunt id, in hac Criticæ nostræ Parte ad certas Regulas revocare, & in artis, quoad licebit, formam redigere, consilium nobis est. Ut autem tutiorem viam ineamus, quâ possimus pervenire ad cognitionem veræ lectionis locorum corruptorum; quærendum, ante omnia, quibus potissimum modis corrumpi potuerint. Cognitâ enim, morborum causâ & origine, facilius & certius curari poterunt.

3. Menda ergo quatuor causis originem suam debent, LIBRARIIS, CRITICIS, IMPOSTORIBUS & VETUSTATI, quæ omnia paulatim atterit. I. LIBRARIORUM incuriâ, aut imperitiâ, pleraquæ sine dubio menda irrepserunt, quæ nos nunc exercent; cum enim hi plerosque libros describerent, ab iis longè maximam mendorum segetem provenire necesse fuit. *Incuria* peccata tot & tanta sunt ut difficillimum sit sibi ab ea cavere. Novit enim quisque, si quid exscribat parum attentus, non modò se affinia vocabula, dum animus peregrinatur, miscere; sed diversa planè scribere, detrahare, addere, & nescio quot peccata admittere, quorum rationem ipse postea reddere non posset, nedum ut alii eam deprehendere queant. *Imperitia* quoque in describendo, si magna sit, ut sine dubio magna sæpissimè fuit in Librariis, monstra etiam mendorum peperit; cujus exemplorum ingentem copiam omnes MSS. Codices, omnes Criticorum libri suppeditant.

4. Sed variis modis imperiti, aut indiligentes Librarii in errorem delabi potuerunt; quos indicasse, quoad licebit, inutile non erit. Cum alii dictarent, alii scriberent, ab utrifque varia provenire potuerunt menda. Ut à *distante* incipiam, ille, licèt statuamus emendato Codice esse usum, si non fuit satis peritus, sæpissimè decipi potuit, dum non bene legit, quæ bene scripta erant. Cum enim manu exararentur omnia, multique sine dubio non pulchrè pingerent literas, ut hodie fit, loca fuere, in quibus legendis homines rei aut Linguae non satis periti cespitare potuerunt. Voces affines, aut similes literas faciliè miscebant. Si vox quæpiam bis repeteretur, & fortè ad eam usque vocem, ubi primum occurrebat, dictâssent, sæpe fiebat ut omisis interjectis, ea quæ vocem secundò repetitam sequebantur priori proximè subjicerent:

jicerent; aut etiã integros versus, aliud agentes, omitterent. Præterea dictantis, & festinantis, lucri causâ, vox non semper fuit satis clara, aut pronuntiatio satis distincta; ita ut scribentes, licet attentis, quid dixisset, non satis intelligentes scriberent quod sibi audivisse videbantur, affinesque sono literas, syllabas, voces confunderent. Vocabula varia, apud Græcos præsertim, aut eodem, aut poenè eodem modo pronuntiabantur, quamvis diversissima, ut postea ostendemus; eaque à scribentibus, aut imperitis, aut parum attentis, facile poterant misceri; cum præsertim celeritè scribentibus, & sequentia attendentibus, non satis esset temporis ad videndum, utrum vox, quam scripserant, loco conveniret, aut ad interrogandum dictantem.

5. Præterea cum *dictans* videret sæpe, in margine exemplaris, quo utebatur, quiddam scriptum; poterat suspicari, verba esse à Librario festinante omiſsa, quæ Criticus ad oram postea scripſisset; præsertim si commodè possent inseri, ita ut orationis series iis nequaquam turbaretur. Attamen ejusmodi verba sæpe interpretationes sunt Grammaticorum, aut eorum qui Codicibus illis usi erant; quo factum, ut tam sæpe Critici querantur in contextum orationis admissa *glossmata*.

6. Dubium non est quin Librarii, qui vitam tolerabant quæstu, quem in describendis libris faciebant, pluribus simul dictarent, ut unâ operâ plura haberent ejusdem operis exemplaria; sed fuerunt etiam sine dubio pauperiores, qui vendebant ea quæ ipsi ex libris, nemine dictante, *descripserant*; quâ in re, eadem serè irrepere potuerunt menda, quæ vitio *dictantis* debentur. Præterea dum integra commata, aut etiam integras periodos legunt ac postea scribunt, festinandi causâ; quid mirum, si quidpiam omittunt, aut synonymas voces pro aliis scribunt? quod in omnibus veteribus Scriptoribus animadvertent, quicumque varias lectiones è veteribus MSS. Codicibus collectas, paulò attentius expendent. Innumera sunt ejusmodi, in variis lectionibus Veteris Testamenti, ex Versione LXX. Intt. & Novi, ut omnibus liquebit, ex inspectis collectionibus editis. Postrenis præsertim sæculis, quicumque imperiti veteris orthographiæ, ex antiquis Codicibus quidpiam describebant, facile falli poterant, dum alias esse voces putarent, quàm reipsâ erant.

7. Hanc in rem observandum non semper, apud omnes Gentes, eandem fuisse rationem pingendorum characterum, aut accentuum adscribendorum. Apud Latinos antiquissimis temporibus, character erat majusculus, qualis in veteribus

Inscriptionibus etiamnum cernitur; nisi quod figuræ literarum calamo tam eleganter pingi non solerent, ac scalp. Deinde invaluit scriptura, quæ *Langobardica* dicitur, rotundior & similior huic nostræ, quæ hodie utimur. Hæc exarati sunt plerique omnes MSS. Codices, qui extant in Bibliothecis, perpauci vetustioris illo Romano. Creditur ita dici ea Scriptura, quod MSS. plerique ejus ævi, quo *Langobardi* Italia potiebantur, eo characterum genere sint conscripti.

8. Sunt in veteribus, seu majusculis literis, variae sat similes, præsertim si parum eleganter pingantur; quæ non difficulter à Librariis rerum ipsarum imperitis, nec vocum significationem tenentibus, misceri potuerunt. Cujus rei ratio, in emendationibus, maxima habenda est. Similia animadvertenda, de literis *Langobardicis*. Sæpe factum ut menda irreperent in Codices Romano veteri characterē scriptos, quæ in *Langobardicos* transfusa sunt; deinde & nata nova eorum progenies, ex *Langobardica* scriptura; quibus mendis plurima loca usque adeo depravata sunt, ut in integrum restitui nullâ ingenii ope possint.

9. Græcorum etiam characterum aliqua videtur esse facta mutatio, nam cum antiquissimi quadrati essent, quales in Inscriptionibus visuntur, postea inter scribendum videntur rotundiores esse facti. Sed præterea accentus & spiritus, qui in antiquissimis Codicibus nulli erant, in recentioribus sunt additi; unde nata etiam nova menda, dum hæc perperam appinguntur.

10. Apud Hebræos, ante tempora captivitatis *Babylonicæ*, in usu erat id literarum genus, quod à Phœnicibus acceperant, & quod vulgò *Samariticum* vocatur, eo quod id servarint *Samaritæ*. Deinde is character in *Assyriacum* mutatus est, in Captivitate, ut demonstrant viri doctissimi, & potissimum *Lud. Capellus*, in *Diss. de Literis Hebræorum*. Cum Hebræorum Librarii, aut *Scribe*, homines essent, quemadmodum Græcorum & Latinorum, menda similia admittebant, ut postea liquidò ostendemus.

11. Verùm aliud animadvertere licet, in Codicibus antiquissimis, cum Græcis, tum Latinis, quod & in Hebræicis fuisse, ante *Massoretharum* tempora, nonnulli Judæi fatentur; voces, nimirum, nullis interstitiis sejunctas, nec ullis interpunctionibus separatas esse; aut minimum, quàm plurimas ita conjunctas, quasi essent una vox; quo factum ut non modò falsis interpunctionibus, ab hominibus non satis peritis, corrumperetur postea sensus; sed etiam ut syllabæ conjungerentur, quas divelli oportebat; aut contra divellerentur, quæ

quæ conjungendæ erant. Hinc intelligere licet, munus *Agnosce*, temporibus illis, non fuisse indocti prorsus hominis, cum ejusmodi Codicibus utebantur; nam ex tempore orationem interpositis moris dividere, cum divisa in Codice non esset, cujusvis certe non erat.

12. Ad hæc omnia, si accedat incuria *distantis*, aut *seribentis*, aut utriusque simul; potuit alter dictare quod cogitabat, non quod erat in libro, aut alter scribere id quod animum ejus vocabat; quod nobis contingit, cum animus distrahitur variis cogitationibus. Indidem provenire poterunt variae lutationes ac transpositiones, sequentium ætatum Criticis crucem fixuræ.

13. Præterea & hoc sæpe accidit, ut à festinantibus Librariis per compendium multa scriberentur, omisiss aliquot syllabis, quæ Lectori conjiciendæ relinquebantur. Hæ vero vocum contractiones sæpe male à Librariis aut Criticis intellectæ pepererunt maxima menda; cum in nominibus appellativis, tum etiam in propriis.

14. Antiquissimis temporibus, cum literarum studia in Græcia atque in Italia etiamnum florent, Librariis passim solum aut Criticis Imperiis, vel æquo audacioribus poterant imputari omnia menda; sed cum barbaries Orientem, sub Imperatoribus Christianis, jam invasisset, & crevisset mirum in modum Monachorum numerus; hi cœperunt veteres libros in Monasteriis exscribere, cumque plerique homines indocti essent, præsertim ad humaniores literas quod attinet, quippe in legendis Liturgiis potissimum occupati, menda innumera admittebant. Quod fiebat in libris Græcis, inter Græciæ & Asiæ Monachos, idem faciebant in Occidente alii Monachi, ad libros Latinos quod spectat. Hinc sic ut perpatiti sunt Græci, aut Latini Codices MSS. qui non scateant mendis; præsertim qui complectuntur res non ita vulgo notas.

15. Igitur cum antiquissimi Librarii parum emendatæ Codices describerent, iique Codices postea in manus Monachorum ignariorum inciderint; quid mirum, si depravatiissimi pervenerunt in manus nostras? Cum autem inventa est Typographia, viri docti, pro illo ævo, qui ex MSS. primum typographicis literis descripta eviderunt Veterum monumenta, persæpe nimis ingenio suo indulserunt, in emendandis quæ vitiosa ipsis videbantur; unde nata in Editionibus, ex primis illis expressis, nova menda; quæ nonnisi inspectis denno Codicibus MSS. hoc & præterito sæculo, tolli à viris doctis potuerunt. Sed & horum multi imperitiâ, aut audaciâ nimia, quæ conjecturas suas, quasi exploratas lectiones, in Veterum contextum admiserunt, eorum Scripta conspurcârunt;

ne jam loquar de Typothetarum mendis, quæ vix possunt omnino vitari.

16. II. Quot & quanta orta sint ex Librariorum aut indiligentia, aut imperitia menda satis, ut opinor, liquet ex superioribus. Hæc cum CRITICI animadverterent, hoc in se laboris susceperunt, ut exemplaria optimorum quorumque Scriptorum manu suâ emendarent; cum in gratiam amicorum, tum etiam lucelli causâ, quod exemplaria ab eruditissimis Grammaticis emendata majori pretio emerentur. Sed cum hi Critici non omnia æquè intelligerent, nec ex æquo omnes iudicio valerent, sæpe quæ emendatione indigebant, quasi sana prætervolârunt; ut contra violentas manus attulerunt iis, quæ rectè posita erant. Quæ omnia exemplis postea comprobabimus.

17. III. Sed & homines nequam, quos non Criticos vocaverim, cum Critica nequaquam uterentur, sed FALSARIOS, datâ operâ, varia in Veterum scriptis mutaverunt, aut iis detraxerunt, vel adfuerunt, aut legentes fallerent. Quod in antiquitatibus Ethnicis rarius contigit, in quibus operæ pretium non erat fallere; sed in Ecclesiasticorum Scriptorum antiquissimis monumentis, quæ contententes Christiani in suas partes trahere conabantur, frequenter accidit; ut in hujus Operis Præfatione jam monuimus, & aliis exemplis manifestis postea ostendemus.

18. IV. Ad hæc omnia accessit VETUSTAS, quâ factum, ut antiquissimæ membranæ & chartæ laceræ, vel ita situ affectæ, ut literæ sæpe deletæ essent, ad posteros pervenerint. Hoc modo, sine culpa ulla Librariorum, Criticorum, aut Falsariorum, plurimæ lacunæ in Veterum Scriptis factæ sunt, quæ sæpe nullo ingenio expleri possunt; aut si non incommodè expleantur, desiderium tamen in nobis verorum Scriptoris verborum relinquunt. Exempla rem postea clariorem efficient.

CAPUT II.

In quo Mendorum antiquitas, Veterum testimonis, exemplisque demonstratur.

1. **QUAMVIS** quæ à nobis superiore Capite dicta sunt certissima sint, ut cum ex ipsa re constar, tum exemplis postea liquebit; attamen quia multi de sinceritate atque integritate Codicum sacrorum & profanorum judicant, qui non tam ratione moventur, quàm exemplis, & præsertim auctoritate; age, superiora, hoc etiam modo, extra omnem dubitationis aleam collocemus.

2. Ut à veteribus Hebræis initium faciamus, ab iis Libros Sacros non satis diligenter servatos esse, si dixerò, nihil dicam quod non facillimum sit crediri, ob frequentes eorum ad Idololatriam defectiones, quibus fiebat ut Prophetarum Scripta negligerent. At ipsa historia sacra rem, sine ulla consecratorum ope, nos docet, cum narrat Librum Legis qui in Templo adservabatur, & septimo quoque anno publicè legi debebat, diu delituisse; nec, inventus cum fuisset, sine admiratione, à Rege aliqui pio, Josia, fuisse lectum. Vide 2 Paral. XXXIV. 15. Si Rex, quem ex Lege oportebat ejus exemplar habere, quod quotidie lectionaret, nullum habuit, non est credibile vulgò prostitisse ejusmodi libros emendos, aut describendos.

3. Quodd si, stante ac florente regno Judaïco, tam negligentes fuere Judæi Legis suæ, cum non modò deberent ejus exemplaria plurima habere, quæ diurnâ ac nocturnâ manu versarent, sed etiam facile possent; non est verisimile eos, non modò accisis suis rebus, sed planè profligatis, cum in alieno solo, procul à patria, duram & inopem vitam agerent, majorem curam adhibuisse, ut multos ac emendatos haberent Codices; aut curâ suâ efficere potuissent, quod, stante Republicâ, à viris piis fieri non potuerat. Imo verò multi Patres credidere libros sacros, in Captivitate Babylo-nica, planè intercidisse. Duorum dumtaxat testimonium proferemus. Prior erit *Clemens Alexandrinus*, Stromat. * Lib. I. quem credibile est hoc habuisse à Judæis sui ævi: Κἀν τῇ Να-
 ῶν ἱερῶν αἱ χυμάλωσις, διαρθαρεισῶν τῶν γραφῶν, καὶ τὸς Ἀρταξέρ-

ἔκ τῶ Περωὺν βασιλείας χρόνους, ὅτε πᾶντες Ἐσδρας ὁ Λαΐτης ὁ ἱερεὺς γινόμενος, πᾶσι τὰς παλαιὰς αὐθις ἀναγινόμενος περιεργαζομένους γενοίς etiam in captivitate Regis Nabuchodonosor, cum periissent Scripturæ, Esdras Sacerdos, temporibus Artaxerxis Persarum Regis, afflitus omnes veteres iterum renovans prophetarum Scripturas. Idem antea * dixerat, sed paulò obscuriùs. Scripserat Synopses, quæ extat in secundo Athanasii volumine, in Synopsi. Lib. XII. qui est Esdræ: Ἰσραῖται δὲ καὶ τὸ πρὸς τῷ Ἐσδρα, ὅτι ἀπολογιζομένων τῶν βιβλίων, ἐξ ΑΜΕΛΕΙΑΣ τῶν λαῶν, καὶ διὰ τὴν πολλοχρόνιον ἀιχμαλωσίαν, αὐτοὺς Ἐσδρας φιλόκαλος ὢν, καὶ ἐνυπνίου, καὶ ἀναγνώσεως, ἐρύλαζε πάντα καθ' ἑαυτὸν, καὶ λοιποὺς περὶ νεύου, καὶ πᾶσιν ἐκδίδουκε, καὶ ὅπως διασώζεται τὰ βιβλία. παρταρ ὁ hoc de Esdra, cum periissent Biblia **NEGLIGENTIA** populorum, & propter diuturnam captivitatem, ipsum Esdræ, cum esset rerum honestarum studiosus, bonæ indolis, & lector, servasse omnia apud se, & postea protulisse, ac omnibus edidisse, quo pacto servata sint Biblia. Similia possent ex † Chrysostomo & Theodorito proferri.

4. Quæ non assero, quodd credibile mihi fiat Esdræ ex memoria, aut afflatu restituisse omnes libros veteres, sed quia videtur omnino hæc historia orta esse ex aliqua vera narratione. Nimirum, corrupti erant Libri Sacri, negligentia populorum & longinquitate temporum; eosque Esdras recehissit, quatenus licuit. Hæc enim est opinio vulgò inter recentiores Judæos recepta. Elias Levita, in Præf. tertia sui *Massoreth hammassoreth* fol. 44. Ed. Seb. Munsteri, ita eam exponit בְּנִיחַת רִאשׁוֹן הָאֲבָדוֹ רַבּוֹתוֹ in Captivitate prima, perierunt plurima exemplaria, distrahta sunt, paucaque incorrumpta manserunt, & præterea qui noverant biblicos libros mortui erant; ut coactus fuerint Esdras & Consilium ejus reformare coronam secundum veritatem suam, & emendare libros. Vide & sequentia.

5. Verùm antiquiores Judæi, post hæc etiam tempora, non satis emendatos fuisse libros suos fassi sunt; fortè propter negligentiam eorum, qui postea vixerunt. Ita Demetrius, apud Aristæam p. 13. Ed. nupera Oxoniensis, de libris Judæorum, qui in Bibliotheca Alexandrina deerant, Ptolemæum alloquitur: Τὸν νόμον τῶν Ἰουδαίων βιβλία, οὐκ ἐτέρεσι ὀλίγοις ποῖν, ἀπολάττει τυχόντες Ἑβραϊκοῖς γεγραμμένα καὶ φωνῇ λεγόμενα. ΑΜΕΛΕΣΤΕΡΟΝ δὲ καὶ αὐτοῖς ἀρχαῖς ΣΕΣΗΜΑΝΤΑΙ, καὶ διὰ τὸν χρόνον παραπίπτει, σπονδίας δὲ βασιλικῆς ἢ τέτυχε. Διὸν δὲ ἐστὶ καὶ ταῦτα ὡς παλαιὰ ὄντα σιμειωμένα. legis Judaicæ libri, cum paucis quibusdam aliis, desunt. Dicuntur enim esse Hebraicis

* l. 329. † Homil. VIII. in Ep. ad Hebr. ** Præfat. in Contac.

literis & linguâ ; sed negligentius, nec ut merentur, exarati, sicut ab intelligentibus perhibetur. Regia enim providentiâ nondum iis contigit. Oportet autem ut & illi sint, apud te, diligenter descripti. Hæc pœnè verbatim repetit Josephus Ant. Jud. Lib. XII. c. 2. habetque etiam : *οπουμένης αὐτῆς ἡ ἐκείνων ἐκείνων* contigit eos negligentius, quàm oportuit, exarari ; nam pro *ἐκείνων*, quod nihil hic significat, legendum *ἐκείνων* oportebat, quod respondet *τοῖς ἑστέον* Aristes, quod quandoque significat promereri. Hanc etiam Historiam præstare nolim, sed hoc saltem hinc apparet, ante versionem LXX. Intt. non solitos esse Judæos, magnâ diligentia, Codices Sacros describere.

6. Neque hoc figmentum esse, aut Hellenistæ Judæi vanam opinionem, ostendit ipsa LXX. Interpretum Translatio ; ex qua manifestò liquet eos usos non esse exemplari emendatissimo, aut accurate descripto. Frequenter enim falluntur, dum aliter legunt, quàm oportet, aut affines figurâ literas miscent ; ut cùm in *Critica Sacra*, tum in *Notis Criticis*, multis ostendit Lud. Capellus, & nos quoque, in Commentario in Pentateuchum, non rarò demonstravimus. Scio aliter sensisse Joan. Buxtorfium, virum Rabbinicâ eruditione instructissimum ; sed in rebus Criticis planè hospes fuit, & ab omnibus pœnè Interpretibus cùm Veteris, tum Novi Testamenti dissentit.

7. Cum autem Judæi, aliquot pōst sæculis, animadverterent circumferri Codices non satis emendatos ; quæsitis antiquissimis, sed exiguo numero, ex iis Massoram conflarunt, atque descriptum iri posthac Codices sacros decreverunt ; quod quando & quomodo factum sit docuit is, quem modò laudavimus, Lud. Capellus in *Arcano punctuationis*, ejusque *vindicis*. Idem etiam ostendit non aliter judicandum de Judæorum Criticis, quos illi *Massorethas* vocant, quàm de aliis ; adeoque illorum judicium posse à quovis viro erudito iterum ad examen revocari.

8. Samaritæ etiam, qui Pentateucho veteribus, ut antea diximus, Hebræorum literis exarato utuntur, passi sunt in suum Codicem plurima menda illabi ; ut exemplis postea ostendemus, & passim obiter demonstravimus, in Comment. in Pentateuchum. Habuerunt quoque illi suos Criticos, qui plurimos locos aut emendârunt, aut emendare conati sunt ; sed & nonnullos corruperunt, ut exemplis postea liquebit.

9. Nunc ad Græcos libros veniendum est, eosque cum sacros, tum profanos ; & à posterioribus quidem initium faciemus, quia minis est, ad eos quod attinet, difficultatis.

Nemo

Nemo est cui sanum sit incipit, qui re ipsâ spectatâ, in dubium revocare possit, num facile potuerit fieri ut menda admitterent Græcorum Librarii, ob rationes, quas superiore Capite attulimus. At si umquam inspexerit manu scriptos Græcos Codices, etiam optimæ notæ, & antiquissimos; aut quoque virorum eruditorum, qui illustrandis veteribus Scriptoribus Græcis operam dedere, Scripta nonnulla legerit; non modo potuisse fieri, ut multa menda irrepsérint in MSS. Codices, sed reverâ irrepsisse illico fatebitur. Qui hæc in animum revocare neglexerit, nec umquam considerârit, & tamen volet de iis quæ diximus judicare, is non rationibus, sed helleboro indigebit.

10. Afferam tamen duo loca doctissimi Geographi Strabonis, ex quibus apparebit novas non esse de corruptelis Librariorum querelas, & quantam diligentiam solerent Græci adhibere, nè iis fallerentur. Igitur ille Lib. XIII. p. 419. ubi agit de Aristotelis & Theophrasti libris, deque mendis quæ vetustate & malorum Criticorum operâ, in illos irrepsérant, pergit his verbis de Librariis loqui: βιβλιοπῶλαι πινες ἸΡΑΦΕΥΣΙ ΦΑΥΛΟΙΣ, χαμένοι, καὶ ἀντιβάλλοντες, ὅπως καὶ ὅτι τῶν ἄλλων συμβαίνει τῇ εἰς πρᾶξιν γεγραμμένων βιβλίων, καὶ ἐνθάδε, καὶ ἐν Ἀλεξανδρίᾳ. Multum etiam hanc in rem & Roma contulit— & Bibliopole quidam LIBRARIIS MALIS usi, neque conferentes (descripta exemplaria cum Archetypis) quod & aliis accidit libris, qui vendendi causâ scribuntur, & hæc (Roma) & Alexandria.

11. Cum Strabo de Nilo scripturus esset, & conquisivisset eos qui ante ipsum de eo flumine egerant; invenit, inter alios, Eudorum & Aristonem Peripateticos; sed exemplaribus suis satis fidere non audebat, ut testatur, nisi eos cum aliis contulisset; quæ tamen cum non posset reperire, eos Scriptores inter se contulit. Ἐγὼ γὰρ, inquit, σπορέμεν & ἀντιγράφω εἰς τὴν ἀντιβωλὴν, ἐν δατίῃς δάτεσσιν ἀντίβαλον. ego igitur destitutus exemplaribus, ad collationem faciendam, alterum cum altero contuli. Qua in re, Geographus propriis utitur vocibus. Glossæ Veteres: ἀντιβάλλω βιβλία, confero. Ἀντιβάλλω recognosco.

12. Proprium hoc munus fuit Criticorum, quod necesse fuit, inter Græcos, exerceri, ex quo lectitare antiquiorum monumenta, cum aliqua voluptate, cœpere; nam ejusmodi lectionis studiosis nihil antiquius est, quàm ut habeant emendata exemplaria. Certè nulla est voluptas legentium ea quæ non intelliguntur, aut quæ nescimus an edita sint eo modo, quo à nobis leguntur, ab eo qui primus ea scripsit. Sic cum Alexander secum ferre statuisset Iliadem, quasi τὴν πολέμειον ἀρε-

ἀρετῆς ἐφόδιον, virtutis bellicæ viaticum, ἔλαβεν Ἀριστοτέλης διορθώσαντες, ἢ ἐκ τῆ νάρθηκος καλῶσιν, accepit ab Aristotele, qui emendārat, quam ex narthecio vocant. Fuit, nimirum, ejusmodi editio, quam ita vocabant, quia exacta dicebatur ad id exemplar, quod Aristoteles emendārat, quodque Alexander in narthecio circumferre solebat.

13. Hinc factum ut multi crediderint Aristotelem primum Criticam invenisse. Dio. Chrysostomus Or. LIII. de Hom. Ἀριστοτέλης, ἀφ' ὧ φασὶ κετικὴν τε καὶ γραμματικὴν ἀρχὴν λαβεῖν, ἐκ πολλοῖς διαλόγοις περὶ τῆ ποιητικῆς διέξεισι, δαυμάζων αὐτὸν, ὡς τὸ πολὺ, καὶ τιμῶν. Aristoteles, à quo aiunt Criticam & Grammaticam initium cepisse, in multis Dialogis de Poëta agit, eum summo opere miratur, & magni facit. Sed ante hæc tempora, fuerant qui Homeri lectione delectarentur, & qui proinde emendata ejus Poëmatum habere exemplaria conarentur. Itaque antiquiores videntur fuisse Critici, licet eorum nomina ad nos non pervenerint. At ab ætate Aristotelis, cœpit hæc scientia florere, * potestque ab illo veluti διαδοχῇ Criticorum, non secus ac Philosophorum, tradi. Sed nunc id non agimus, ut Criticorum Historiam texamus; satis nobis erit, si ipsam Artem illustrare, aliqua ex parte, possumus.

14. Liquet ex superioribus Eruditorum hanc non fuisse novam querelam, de negligentia aut imperitia Librariorum, à quibus Ethnicorum Græci Codices descripti sunt. Cum verò ab iisdem, aut similibus Librariis describerentur Exemplaria Versionis LXX. Interpretum, & Novi Testamenti, non erit mirum, si dicamus ab iis similia in sacris admixta peccata. Neque enim putandum est homines lucri cupidos majorem curam adhibuisse in describendis Libris Sacris, quàm profanis. Imò verò quo plura vendi poterant horum exemplaria, quàm illorum, postquàm nomen Christianum crevit; eo plures, imperitioresque Librarii, aut Monachi ei rei operam dabant, & magis festinabant. Inanes non esse has conjecturas, manifestò ostendunt Codices MSS. Veteris & Novi Testamenti, quorum nullum invenire licet, qui non scateat mendis. Cave autem putes, postremis dumtaxat sæculis, ita se gessisse Librarios; jam enim ab antiquissimis temporibus, similia questi sunt Patres.

15. Eorum aliquot loca sunt hîc à nobis afferenda, in eorum gratiam qui cum numquam eos legerint, de hoc negotio, ex metaphysicis quibusdam notionibus judicare aggrediantur. Sic ergo Origenes, vir non modò sui sæculi

* Vid. J. Vossium in Aristarcho Lib. I. c. 6.

doctissimus, sed & corruptorum Codicum emendator, in Comment. in Mathæum p. 439. Edit. Huërianæ, laudato loco è Pl. CXVII. Hebraicè: *δὸς μοι τὸ ὑπὸ Ἑλλήνων συνεχῶς γραφόμενα τὰ εὐαγγέλια, καὶ εὐδὲν τὸ διδαντὸν, συγκαταχῶς ἐς τοὺς κτλ.* & τόπον ἔχουσιν αὐτὰ ἀπὸ προσημεινῶν ἑαυτοῦ. Evangelia, à Græcis dialecti (Hebraicæ) ignavis frequenter exscripta, corrupta esse mihi videntur in hoc loco, in iis quæ habebantur ex memorato Psalmo. Idem Comment. in Joannem, p. 151. *Οὐ καταφεροντὶ ἐν τῇ περὶ τὰ ὀνόματα ἀκριβοῦς τῇ ἀπαρξαμένης βεβαιότητι συνῆσαι τὰ ἄγία γράμματα. τὸ μύνηται ἡμετέρας ἐς τοὺς ἑλληνικοὺς ἀντιγράφους τὰ περὶ τὰ ὀνόματα πολλὰ καὶ, καὶ τῶν τῶν ἐν τις περὶ ἐν τοῖς εὐαγγέλοις: contemnenda non est accurata circa nomina diligentia, ei qui volueris probe intelligere sanctas literas. Peccatum quidem frequenter fuisse, in Evangeliiis, ad nomina quod attinet, in Græcorum exemplaribus, facillè quis hinc persuaदेatur.*

16. Sed est utroque illo loco insignior alius, in Comment. in Matt. p. 381. ubi suspicatur hæc verba Matth. XIX. 19. *& diliges proximum tuum, sicut teipsum*, addita fuisse Evangelistæ, quod an verum sit nunc quidem non quæram, nec rationes Origenis expendere aggrediar. Tum verò subjicit: *πολλὴ γέγονεν ἡ τῶν ἀντιγράφων διαφορὰ, εἴτε ὑπὸ βιβλιοφύλακων τινῶν γραφῶν, εἴτε ἀπὸ πόλεως τινῶν μοχθηρῶς τὸ διορθώσεως τῶν γραφόμενων, εἴτε καὶ ἀπὸ τῶν αὐτοῖς διακρίντων ἐς τὴν διορθώσιν προσθέντων ἢ ἀφαιρῶντων.* magna fuit exemplarium discrepantia, sive propter negligentiam quorundam librarium, sive propter audaciam quorundam male corrigentium quæ scripta erant sive etiam propter eos qui in correctione quæ sibi videntur addunt, aut detrahunt.

17. Hæc ille, de Novo Testamento, de Vetere verò ita: *Τὴν μὲν ἐν τοῖς ἀντιγράφοις τῇ παλαιᾷ διαθήκῃ διαφωνίαν, διὸ διδόντῃ, εὐεργετῶν ἰασαμένῃ, χρησιμὴν χρησάμενοι τῇ λοιπῇ ἐκδοσεί. τῇ καὶ ἀμφιβαλλομένων καὶ τοῖς ἐβδόμηκοντα, διὰ τῇ τῶν ἀντιγράφων διαφωνίαν, τῇ κρίσιν ποιησάμενοι ὑπὸ τῶν λοιπῶν ἐκδοσέων, τὸ συνῆδον ἐκείναις ἐφυλάξαμεν, καὶ τὰ ἐξῆς discrepantiam verò, quæ occurrebat in exemplaribus Veteris Testamenti, Deo favente, invenimus quæ sanaremus, reliquis editionibus usi, unde iudicium ferremus; nam cum iudicassetus de iis, quæ dubia sunt apud LXX. Intr. propter varietatem exemplarium, ex cæteris editionibus, servavimus id in quo consentiebant, &c.*

18. At diligentia Origenis non obstitit quo minùs paulò pòst Lucianus & Hesychius similes recensiones instituerent, ob mendorum multitudinem & editionum varietatem. Operæ pretium est audire quæ de Luciano habet Suidas:

ἄλλας : τὰς ἱερὰς βίβλους θεασάμεν· ὅ· πολὺ τὸ νόθον εἰσδεξαμένας, τὰ καὶ χρόνῳ λυμνησμένα πολλὰ τ' ἐν αὐταῖς. καὶ τ' συνεκὲς ἀφ' ἑτέρων εἰς ἑτέρας μεταθέσεως καὶ μὲν τοὶ καὶ πρὶν ἀνδρώπων πονηροτάτων, οἳ τὰ ἑλληνισμῷ προεῖχοντο, παρεστῆσαι τ' ἐν αὐταῖς θεασάντων ἦν, καὶ πολὺ τὸ ὑβδηλικὸν ἐνσκευασμένων, αὐτοὺς ἀπάσας ἀναλαβὼν ἐκ τ' ἐβραϊδ' ἐπαγασάτο γλώσσης, ἣν καὶ αὐτῇ ἐς τὰ μάλιστα ἦν ἀκριβοῦς, πόρον τῇ ἐπαγορῶσει πλείον ἐισενεγκάμεν· hic cum animadvertisset sacros libros multa adulterina recepisse, quod tempus in illis multa depravasset, & propter continuam ab aliis in alia translationem. Quin etiam cum improbiissimi quidam homines, qui Hellenismo favebant, eorum sensum pervertere voluissent, & multa adulterina in eos introduxissent, ille omnes libros assumptos ex Hebraica Lingua restituit in integrum, eā accurate percognitā, & multo labore in emendatione collocato. Vide eundem in voce νοθεύ; unde liquet hæc petita ex Symeone Metaphrasæ, in Martyrio Luciani. Fortasse, ut suspicantur viri docti, & Origenes, & Lucianus, & Hesychius corruerunt ipsi non raro LXX Int. dum Codices corruptos emendare nituntur. Verum hoc ad nostrum institutum nihil facit, qui hoc unum hic agimus ut ostendamus, ab antiquissimis temporibus, multa à Librariis in Sacris Libris corrupta fuisse; quod ex allatis locis liquet.

19. Possemus hisce adjungere plurima Hieronymi loca, ex quibus idem comprobaretur. Sed in re clara temperandum est Stylo, possintque Lectores ejus prologos adire in varios Scripturæ libros. Videantur præsertim prologi in libros Paralipomenon, & in quatuor Evangelia. Sed & postea nonnulla ex eo loca proferemus. Aliorum quoque Patrum testimonia adjicere liceret, sed profectò & res ipsa & quæ jam dicta sunt, ac dicentur satis haberi debebunt, aut nescio quid sit satis.

20. De Codicibus Latinis similia dici posse, ac de Græcis, nemo negaverit; & similiter corrupta esse docent omnes omnium Gentium Critici, qui MSS. Codices tractarunt. Duo dumtaxat loca Veterum, alterum Livii, alterum Ciceronis proferam; ex quibus liquebit, quàm antiqua sint menda, & quantæ ea de re fuerint dudum Eruditorum querelæ. Livius Lib. XXXVIII. c. 55. indicatā, ex Val. Antiate, summā auri & argenti, quam Antiochus dedisse dicebatur L. Scipioni, & quæ falsa videbatur: Mulum, inquit, librarii mendum, quān mendacium Scriptoris esse. Cicero verò Ep. ad Quintum fratrem Lib. III. Ep. 5. De Latinis verò (libris, quos sibi comparari cupiebat Quintus) quo me verum nescio, ita mendose & scribuntur & veneunt.

21. Hinc factum ut eruditi Grammatici gloriam, saltem apud posteros, nacti sint, ex collatione veterum librorum, diligentique eorum emendatione; ut *Valerius ille Probus* cuius meminit *Suëtonius*, in libro de Illustribus Grammaticis, c. 24. *Legerat in Provincia*, inquit, *quosdam veteres libellos, apud Grammatistam, durante adhuc ibi antiquorum* (Codicum, ut videtur) *memoriâ, necdum omnino abolitâ, sicut Romæ* (ubi libri recens exscripti præferebantur veteribus.) *Hoc cum diligentius repetere, atque alios deinceps cognoscere cuperet; quamvis se contemni, magisque opprobrio legentibus, quam gloria & fructui esse animadverterat, nihilominus in proposito mansit; multaque exemplaria contracta emendare, ac distinguere, & adnotare curavit, soli huic, nec ulli præterea Grammatices parti deditus.* Alii similia fecerunt, quorum nomina collegit *Jo. Ger. Vossius* in *Aristarcho*, Lib. I. c. 6.

22. Hæc cum ita sint, nemo, qui non sit in Veterum lectione planè hospes, negare sustinuerit, posse in eorum Scriptis superesse menda, imò permulta re verâ etiamnum iis inesse; ac proinde antiquitatis studiosis utilissimam eam esse Criticæ partem, quæ de emendatione agit. Aliorum, qui nihil legunt præter Systemata Theologica, aut ejusmodi libros, & de hisce rebus ex præconceptis temerè opinionibus judicare audent, suffragia nihil moror. Neque illi hæc legent, neque nos eorum Scripta evolvemus; sed juventuti, quæ ab illis decipi potest, succurrendum judicavimus.

CAPUT III.

De Mendis ex imperitia Dictantis ortis ; I. quòd literarum ductus non adsequeretur.

I. **Q**UÆ antea diximus, de variis rationibus, quibus menda nasci potuerunt, ea nunc sunt exemplis illustranda ; qua quidem in re, nobis facilius esset modum excedere, quam intra modum manere, si vellemus exempla congerere ex Scriptis Criticorum superioris aut hujus sæculi, apud quos innumera omnium generum exstant. Sed hanc nobis legem imposuimus, ut aut antiquiora duntaxat, aut à nobis animadversa proferamus, & paucis contenti simus. Antiqua exempla non modò probabunt quod volumus, sed & auctoritate eorum à quibus ea accipiemus iis, qui quàm maximè *πιστευόντες*, nihil tamen nisi antiquitatem crepant, os occludent. In nostris verò, si peccemus, venià digniores erimus, quia conjecturas tantùm proferre nos profiteamur. Fortè (nam & hoc monendum) contigisse posset, ut conjecturæ hæc nostræ, ab aliis Criticis essent quandoque occupatæ ; ut accidit sæpè viris eruditis, ex quo Critice colitur, ut similia inscii protulerint. Neque enim semper plures editiones consulere potuimus, aut omnes Criticorum commentarios evolvimus, vel omnium olim lectorum recordamur. Itaque si quid hic occurrat ab alio præceptum, non minùs nostrum est ; quàm ejus qui præcepit, quicumque sit. Si quis tamen felicius fortè conjecturæ gloriolam alii tribuere malit, id æquo animo seremus, & nobis occinemus illud Homericum

Τῆτλαθι δὴ κερδὴν, καὶ κύντες ἐν ἄλλο ποτ' ἔτλης.

Cum verò ab initio hujus Opusculi Linguas Latinam, Græcam & Hebraicam conjunxerimus, ex tribus illis Linguis exempla petemus. Sequemur autem ordinem, quem antea Cap. I. in originibus mendorum adsignandis observavimus ; incipimusque proinde à mendis, quæ ex vitio *Dictantis* orta sunt.

2. I. Cum nec omnes Librarii, aut quicumque exemplar, ex quo dictabatur Opus quodpiam, scripserant, satis eleganter literas pingerent, & vetustas ductus earum partim delere potuisset ; non mirum est, si qui dictabat quandoque malè legeret, & perperam quidpiam efferrer. Tria ejusmodi erroris exempla proferemus, ex Præfatione C. Plinii Secundi, in Historiam Naturalem ; quamvis possent etiam tribui auri *Scribentis*, fatear enim persæpe non unam posse esse unius mendi originem. At nobis satis est, in re ejusmodi, si

ea menda, non sine verisimilitudine, ex priorē fonte manare potuisse judicentur. Quod & de cæteris exemplis, postea proferendis, semel dictum esse volumus.

3. In * Parisiensi Editione, aliam enim non inspexi, ita loquitur Plinius, de suis collectaneis : *Viginti millia rerum dignarum cura* ——— *ex lectione voluminum circiter duum millium, quorum pauca admodum studiosi attingunt, propter secretum materie, ex exquisitis auctoribus centum, inclusimus triginta sex voluminibus*, ABJECTIS rebus plurimis, quas aut ignoraverant priores, aut postea invenerat vita. An ergo Plinius quæcumque priores ignoraverant, aut quæ vita invenerat, post illorum ætatem, abiecit ; ut nihil prorsus diceret, nisi quod ante ipsum literis mandatum esset ? An timuisset sibi vitio verti, si quid scriberet, quod in priorum monumentis dudum non legeretur ; cum id laudari soleat, in omnibus Scriptoribus, & maximopere omnes facere nitantur ? Non opinor, imò verò contrarium liquet ex hoc opere, ubi innumera * suo ævo reperta memorat] quæ à nemine fortè umquam scripta erant. Itaque lege ADJECTIS, atque intellige eum adjecisse iis, quæ antea scriptæ fuerant, res plurimas, quas aut ignoraverant priores, aut postea invenerat vita. Fortè dictantem affinis figura B & D in literis Romanis decepit, quæ, ductu interiore literæ B deleta, non multum abijt à figura τδ D.

4. In sequentibus verbis mendum etiam esse videtur, haud multò minus manifestum : Nec dubitamus, inquit, multa esse, quæ nos præterierint. Homines enim sumus, & occupati officiis ; subcistrisque temporibus ista curamus, id est, nocturnis, ne quis vestrū putet HIS cessatum horis. Dies vobis impendimus, cum somno valetudinem computamus. Frigidum omnino est illud : nequis vestrū putet his cessatum horis ; legendumque prorsus videtur SUI S, ita ut Plinius hoc velit : nequis vestrū putet, ut hæc scriberem, me cessasse ob officio, quod suis horis à me expectare potuit, scitote me nocturno tempore hæc scripisse. Plinius ita tempus suum descripserat, ut nec amici queri possent suas horas, quas, nempe, officiis ipsis exhibendis impendere eum oportebat, in studiis ab eo collocari. Horæ illæ, quæ hic spectantur, erant hora, exempli gratiā, salutorum magistratuum, aut magnatum, & hora quæ causæ dicebantur, de quibus Martialis Epig. Lib. IV. Ep. 8. ubi curas totius diei describit.

* Anno 1685. in usum Delphini.

† Scripsit sine dubio primus, quæ habet Lib. XVIII. c. 20. de Treverico agro.

*Prima salutantes, atque altera distinet hora,
Exercet rancos tertia caussidicos.*

Vide *Plinium* juniorem in Ep. V. Lib. III. ubi de vita avunculi sui, quæ *Epistola* mirè hæc ejus verba illustrat.

5. Est in eadem præfatione tertius locus, in quem mendum irrepsit, ut videtur, eodem modo; idque eo facilius, quòd Librarii vocem non assequerentur: ubi ita *Plinius*, de historia à se scripta: Nos quidem omnes, patrem te fratremque diximus, opere justo; temporum nostrorum historiam orsi, à fine Aufidii Bassi. Ubi sit ea quæres? Jam pridem peracta SANCITUR. Conjecit nuperus editor *Plinii* sarcitur, quod interpretatur, revocatur, retractatur, accuratius eliminatur. Certè is videtur esse oportere sensus *Plinii*; sed sarcire hoc non significat. Malim SARRITUR, voce petità è re rustica, & quæ significat sarculo noxias aut inutiles herbas revellere; ita ut velit *Plinius*, se perfecisse quidem historiam, sed eam veluti sarrientiam, hoc est, inutilibus aut falsis circumstantiis liberandam. De sarritione ipse multis egit Lib. XVIII. Capp. 21. & 26. Novam fateor esse metaphoram, sed similes passim, & audaces etiam in *Plinio* leguntur.

6. Ut exempla nonnulla è Græcis afferamus, mihi videtur locus *Platonis*, initio *Phædri*, eodem modo corruptus, quòd literæ in media voce dictantis oculos fugerint. Postquam *Socrates* explicuit fabulam de *Orithyia* à *Borea* rapta, quasi septentrionalis venti impulsu delapsa & mortua esset, subjicit: ἐγὼ δὲ, ὦ Φαίδρε, ἄλλως ἰδοὶ τὰ τοιαῦτα χαίεντα ἢ ἔμεναι· λίαν γὰρ δεινὸν καὶ ἐπιπικρὺν ἀνδρὲς, κατ' ἄλλο ἰδοὶ ἔσθ' ἐν, ὅπ' εἴ' αὐτῷ ἀνδραγαθὸν γὰρ, τὸ δ' Ἰπποκονταύρων εἶδος ἐπαπορρώσας, καὶ αὐτὸς τὸ δ' Χιμαιρεας, καὶ ἐπιπρὸς δὲ ὄχλος τούτων Γεργύρων καὶ Πηγάων καὶ ἄλλων ἀνυχάνων πλήθος τε καὶ ἀπείρα τετραπόδων τινῶν εὐσεων. αἷς εἰ τις ἀπῶν περὶ εἶδος καὶ τὸ εἶδος ἕκαστον, αὐτὸς ἄγροικόν τινι σοφίᾳ χρῶμεντο, πολλὰς αὐτῷ χεῖρας δένει· ego autem, ô *Phædre*, ingeniosa quidem illa existimo, sed hominis laboris patientis, nec valde felicitis, non alia de causa, quàm quòd ei postea necesse sit formam Centaurorum, ut ὁ *Chimære*, emendare. Confluit ὁ turba ejusmodi *Gorgonum* ὁ *Pegasorum*, ὁ aliarum quæ esse nequeunt cum multitudine, tum absurditate monstrorum naturarum. Quibus si quis non credens diligentiam adhibeat, ut singula, quemadmodum par est, interpretetur, RUSTICA quapiam sapientia usus, otio nimium indigebit. Neminem esse puto, qui intelligat cui usui sit rustica sapientia, ad inveniendum fabularum latentem sensum, & absurdas narrationes ad rectam rationem ac verisimilitudinem argutâ interpre-

terpretatione revocandas. Certè Stoici aliisque Philosophi, qui talia aggressi sunt, non verebantur ne propterea rus redolerent. Plato ipse quandoque idem facit, & antea hæc interpretamenta *χαρίστια* vocat, hoc est, ingeniosa & scita. Contra *ἀγροῦχος* illepidum & parum scitum sonat. Sed legendum *ΑΓΡΕΤΙΚΗ* *τινὶ σοφίᾳ*, venatoriā quādam peritiā; quā, nimirum, vir sagax evanida verī vestigia sequutus id à fictionibus poetiis secernat. Tralatio sensu *ἀγροῦχος* Græcè & *venari* Latine significat diligenter & sagaciter querere, ut quavis Lexica docebunt. Eodem etiam tralatio significatu non raro occurrunt *ἐνεγών* & *ἐνεύω*, quæ propriè sonant *venari*. Cicero ait *physicum esse venatorem, speculatoremque naturæ*. *Ἀγροῦχος* in vetere Onomastico vertitur *captiosus*, hoc est, capiendi cupidus & peritus; quo factum ut *Eustathius* Dianam vocet * *ἀγροῦχιν*, quemadmodum observavit *Henr. Stephanus*, qui nullum aliud exemplum vocis affert. Vox est, fateor, paulò rarior, sed analogicam esse *ἀγροῦχος*, à venatore, nemo negarit; & ideo quia rara est, deletis mediis literis, à dictante legi non potuit, & itaque in aliam absonam mutata. Eā tamen etiam utitur *Scholias* *Pindari*, ad *Pyth. Od. IX.* ubi *ἀγροῦχος* interpretatur *τὴν ἐνεγῶν καὶ ἀγροῦχιν*, vocibus prosæ Scriptorum, cum *ἀγροῦχος* sit tantum Poetarum.

7. Insignem locum *Theophrasti* in *Charact. Cap. III.* de Adulatione, omiſſā in medio literulā corruptum, emendabimus, ubi describens adularorem: *Fam vero*, inquit, interprete *Casaubono*, si aliquid dicat ille (cui adulator vult blandiri) *silentium omnibus imperare, καὶ ἐπαινεῖν ὃ ἀκούει, & laudare invitum*. Quod frigidum est; & locum hic non habet, quo factum ut *Casaubonus* suspicatus sit legendum *ἀκούει* audiente, vereritque in os laudare. At legendum *ἀκούει*, tacentem. Non modò silentium imponit aliis, si loqui velit, & loquutum laudat adulator, sed etiam non loquutum, quasi silentium illud esset prudentiæ indicium. Vox *ἀκούει* eo sensu frequens est, apud *Homerum*. Ejusmodi adulationis exemplum accipe ex *Ovidio*, *Ponticorum Lib. II. El. 5.* ubi ita Germanico adularatur:

*Dumque silens adstat, status est vultusque deserti,
Spemque decens, doctæ vocis, amictus habet.
Mox, ubi pulsa mora est, atque os caeleste loquutum,
Hoc Superos jures more solere loqui.*

8. Alterum locum ejusdem Scriptoris emendabimus, in Charactere τῷ ἀρέτῃ, hoc est, hominis qui urbanitate, & cultus, vitæque elegantia omnibus placere nititur. Mendum inde ortum, quod initium vocis, aut non satis eleganter scriptæ, aut vetustate fugientis oculos, assequutus non sit qui hunc libellum dictabat. Ait ergo Theophrastus, Cap. VI. ejusmodi hominem ἐ longinquoire spatium salutare ἔ virum appellare præstantissimum; tum subdit καὶ θαυμάσιος ἱκανὸς ἀμφοτέρω τῶν χειρῶν μὴ ἀφιέναι, quod vertit Casaubonus: fortunamque ejus admirari soleat, ἔ utraq; manu prehensens non dimittat. Sed de fortuna ἔ prehensione nihil Theophrastus, nec vocem ἱκανὸς expressit Casaubonus. Sensum tamen partim vidit. At legere debuit: καὶ ἀσπασίος ἱκανὸς ἀμφοτέρω τῶν χειρῶν μὴ ἀφιέναι, ἔ complexus diu utraq; manu, nondum dimittat. Hanc nostram emendationem iterum Homerus confirmabit. Sic ille Odyss. γ. vers. 35. de Nestore & Pylis, hospites Telemachum & Mentorem excipientibus.

Οἱ δ' ὡς ἐν ξείνους ἴδον, ἄλλοισι ἵλθον ἅπαντες,
Χερσὶν τ' ἡσπάζοντο, καὶ ἐδιδάδαζον ἀναγών.

Illi igitur, ut viderunt hospites, confertim omnes venerunt
Manibus verò amplexabantur ἔ jubebant sedere.

Docet Eustathius idem esse ac περιπλέκεσθαι, circumfundere brachiis.

9. Hisce exemplis, à Latinis Græcisque Scriptoribus, Hebraica nonnulla, prout pollicitus sum, adjiciam. Deut. XXXIII. 23. Moses ita Nephthalin alloquitur: O Nephthalis, qui satur es favore, plenus benedictione Jehovæ, occasum ἔ meridiem (מִן הַמָּזְרִיחַ jam vedarom) posside. At Nephthalitæ obtinuerunt agros in septentrionali Chananæ tractu sitos, nec in ejus tractus occidentali parte, nam eam habuerunt Aseritæ. Viri docti ita interpretantur, Nephthalitæ habuisse agros ad occasum & meridiem spectantes, si compararetur eorum situs cum situ urbis, quam Danitæ nonnulli ad Jordanis fontes occuparant. Danitis autem Moses, in proximè præcedentibus verbis, bene adprecatus erat. Si omnis Tribus Danitica iis sedibus consedisset, posset hæc interpretatio ferri; sed perpauca illi Danitæ à Mose illic non respiciuntur, ut ostendimus ad eum locum. Itaque legendum videtur, non, ut est in nostris Codicibus, מִן הַמָּזְרִיחַ sed מִן הַיָּם jam merom, mare merom, hoc est, lacum qui ita vocabatur, & cinctus maxima ex parte fuit Nephthalitarum agris. Vide quæ illic notavimus. Facillimè potuit

71 misceri cum D, si ductus literarum minùs accurati erant. Fateor, in Assyriaca seu Judaïca Scriptura, majorem esse ductuum similitudinem, quàm in Samaritica sive Phœnicia; sed in hac etiam literæ, minùs bene scriptæ, præsertim in nomine proprio, facillè potuerunt legentem fallere; & posset fieri ut Samaritarum Critici ex Judaïco Codice suum emendassent.

10. Ad eandem mendorum classẽ referri possunt multa nomina propria Hebraïca, quæ in versione LXX. Intt. male scribuntur: cùm non ipsis Interpretibus qui legere poterant Hebraïcè, sed Græcis Librariis solis tribui queant. Sæpe hac de re queritur *Origenes*, sæpe *Hieronymus*. Cùm nempe, nomina propria minùs claris ductibus essent exarata, nec à Græcis Librariis legi possent, ea mirum in modum mutarunt. Non possunt enim mendii suspecti esse Hebraïci Codices, qui semper eodem modo habent ea nomina scripta, & ut debent scribi ex ingenio Linguae Hebraïcæ. Illustriora duo satis erit protulisse, nam ex minus notis innumera possunt exempla colligi, ut sciunt omnes, qui varias lectiones Versionis LXX-Viralis & *Josephi* inspexerunt. Josua, qui dicitur, in Judaïcis & Samariticis exemplaribus, *filius Nun*, à LXX. Intt. constanter vocatur *filius naui*. Sed omnino videntur scripsisse NATN, cujus vocis cùm posterius N non satis accuratè pictum esset, mutatum in H à Librariis; quod mendum cùm in aliquot antiquissima exemplaria, Alexandrinæ fortè Bibliothecæ, admissum esset, per reliqua omnia recentiora propagatum est.

11. Nec mihi possum persuadere Prophetam *חבקוק* *habakkouk*, dictum à Linguae Hebraïcæ peritis *אַחַבְקֻק*, quemadmodum vocatur in Codicibus LXX. Intt. Scriplerant omnino illi ABBAKKOTK, sed tam barbarum nomen fortè nec sine liturâ scriptum in Archetypo, aut non satis eleganter, non assequutus Librarius legit AMBAKOTM. Sic nomen proprium ABILIOC, secundi Alexandriae Episcopi, mutatum in MILIOC, ut observat *Joan. Bap. Cotelarius* in Constitut. Apost. Lib. VII. c. 46. num. 21. in Ed. Amstelodamensi. Si invertatur, nempe B, ut sinister ductus fiat superior, & deleantur aliquantùm hemicyclorum mediæ partes, fit M. Eandem literam facies, si K uno atque altero ductu augeas.

12. Cùm jam ad Typothetam missa essent superiora, inspexi in Bibliopolio Editionem Dalecampianam in 8. ut vocant, & vidi rectè in ea scriptum esse, in loco primo *Plinii* antea allato, *adjectis*. Itaque *abjectis* mendum erit aut Editoris, aut Typothetæ Parisiensis, quod tamen in Erratis omissum.

omissum. Nihilominus scripta mutare nolui, quòd exemplum non multò minùs appositum sit, ad ostendendum errare posse Librarium, dum malè legit. Quidni enim contigerit Librario quod viro erudito, Joanni Harduino, contigit? Præterea hinc discet Lector non esse semper elegantibus & ornatis editionibus credendum; sed si quid certò scire velimus, ἀντιβολὴν esse instituendam.

CAPUT IV.

De Mendis ex imperitia Dictantis ortis; 2. quòd affines figura literas, ductùsque similes miscuerit.

1. DICTANTEM fallere potuit, ut modò videbamus, ductuum & literarum affinitas; neque hoc tantum factum in nominibus propriis Linguae Librariis ignoræ, qualia proferebamus, sed & in notiore Lingua, vocibusque frequentissimis, cujus rei exempla passim suppeditant Critici. Conferant studiosi harum rerum Glossaria Latino-Græcum, & Græco-Latinum H. Stephani, postea à Bon. Vulcanio & Car. Labbeo edita, innumeræque exempla in iis invenient ejusmodi hallucinationum. Nos pauca ex iis quæ observavimus atque ex optimis Scriptoribus, omisis alienis, proferemus. Sed & subinde conjecturas nostras ex Glossariis illis confirmabimus; quia in iis menda manifestiora sunt, cum ob ordinem *Alphabeticum*, tum etiam ob additam interpretationem Græcam, aut Latinam.

2. Affinis est figura literarum N & M, præsertim si scribentis incuriâ aut pennæ errore superior pars dextri ductus ἢ N aliquantum inflectatur ad inferiorem, aut simile quid accidat. Idèd quandoque mixtæ sunt. *Glossæ* Veteres: *Capreus*, *rimus* (lege *prinus*, aut *rinus*, hoc est *Caprinus*, repetitâ ex antecedente voce syllabâ *ca*) αἰρεῖσθαι. Infrâ *caprina*, αἰρεῖον, αἰρεῖα. In iisdem *Glossis*, aliisque Veteribus libris est *collimare* συλλεῖν, quæ vox suspecta est nonnullis, qui putant ubique scribendum *collineare*, à *linea*, quod in *Glossis* proximè sequitur. At alii volunt dici *collimare*, quòd id fiat *limis* oculis. Alterutra opinio erit vera, hinc sequetur N pro M, aut M pro N plurimis in locis scriptum fuisse. Sic *Livius* Lib. II. c. 58. ubi describit contumaciam exercitus *Ap. Claudio* ægrè parentis, quòd hic se plebis Romanæ inimicum profiteretur: Si citius agi vellet

vellet agmen, tardius sedulo incedere; si adhortator aperiri adesset, omnes sua sponte MOTAM remittere industriam. Imò verò NOTAM, ita ut liquidum esset data opera, non naturâ, segnes esse, quod alioqui nota esset eorum industria. Sic Nepos in Cimone Cap. III. Confestim NOTÆ ejus virtutis desiderium consequutum est. Gaspar Scioppius, cui debemus ex parte dispositionem hujusce Sectionis Criticæ nostræ, animadvertit etiam in Critica sua sæpe N & M misceri.

3. Sed & alterum exemplum ex eodem Scriptore addemus. Ita ille loquitur Lib. X. c. 25. Inde nusquam stativa Romanis fuere; negabat (Q. Fabius Consul) utile esse uno loco sedere exercitum; itineribus ac mutatione locorum, NOBILIOREM, ac salubriorem esse. Scribo MOBILIOREM, hoc est, *ῥηγιώτερον*, mutatione enim locorum non fit nobilior exercitus, sed mobilior; quia adfuerus itineribus facilius movetur, quàm qui in præditiis torpescit. Curtius Lib. IV. c. 14. §. 16. ita loquentem Darium inducit: nostrum mobile & expeditum agmen est, illius præda grave.

4. Vice versâ, apud Sallustium, in Bello Catilinario, occurrit mobilitas pro nobilitate, ut ante nos animadvertit G. Scioppius in Critica. Nonnulli, ait Sallustius, equites Romani qui, præsidii causa, cum telis erant circa adrem Concordiæ, seu periculi magnitudine, seu animi mobilitate impulsæ, quod studium suum in Rempublicam clarius esset, egredienti ex Senatu Cæsari gladio minitabantur. Postrema verba ostendunt nobilitate veram esse lectionem. Cæteroqui mobilitas animi inconstantiam significat, cujus inculari non poterant hi equites, qui antea nec amici Cæsari, nec infensi Reipublicæ fuerant. Igitur hic intelligenda ea animi affectio, quæ nobiles viros deceret. Sic Medea, apud Ovidium, Met. Lib. VII. non procul ab initio, de Jafone:

—Sed non is vultus in illo,
Non ea nobilitas animo est, ea gratia formæ,
Ut timeam fraudem, &c.

Idem Lib. 2. ex Ponto Elegiam II. ita orditur:

Maxime, qui tanti mensuram nominis impleas,
Et geminas animi nobilitate genus.

3. Quod ſi M & N miſcentur, multo facilius M & IN vel NI. confundi potuerunt, quod reverà contigiffe aliquot exempla offendunt. *Gloſſæ* veteres habent: *Abſtenis*, *νυκαλις*, *ὁ ἀπὲς τοῦ οἴου*. Primum, pro *Abſtemius* ſcriptum *Abſtemis*, ut eſt in Cod. S. Germani, deinde *Abſtenis*. *Livius* Lib. I. c. 29. ubi deſcribit quâ ratione Romanorum Rex Tullus Albanos Romam tranſtulerit, poſt ſupplicium de *Mettio Suffetio* ſumptum, dum Albanus exercitus inermis ab Romanis armatis cingeretur. *Inter hæc*, inquit, *jam præmiſſi ALBANI erant equites qui multitudinem traducerent Romam. Legiones deinde ductæ, ad diruendam urbem.* Non ea erat ſtultitia Tulli, ut Albanos equites mitteret, ad delendam ſuam ipſorum patriam, & ſuos invitos Romam ducendos. Intellige ergo equites Romanos, & lege *ALBAM*. Certè *Dionyſius* Halicarnaſſæus huic noſtræ emendationi manifeſtò faver, hoc enim ipſum ita deſcribit, *Ant. Rom. Lib. III. p. 172. EN ὃ ὃ ταῦτα ἐγένετο χρόνῳ, Μάρεϋ Ὀρεῖτις ὁ ἐπικρατής κ' ἡ ὀπλίτων βία ἡ καὶ αἵρεσις ἡ Ἀλβανὰς τὰς τοῦς διανύſας ἡ ὅθεν ἡ καταλαβὼν πύλας τε ἀλλείους ἡ τὰς ἀφύλακτον ἀπὸ τῶς γίνεται ἡ πόλεως κ' αἰετ'.* inter hæc *M. Horatius præmiſſus cum delectis, ad diruendam Albam, celeriter conſeſſo itinere portas patentes & incuſtodita mania occupat, facileque urbē poſitur.*

6. Planè mihi perſuaſi *Laſtantii* Lib. II. in præſatione, pro IN poſitum eſſe *M. Geſtio* enim, inquit, *Constantine Imp. convictis MANIBUS, & hominum impiâ vanitate detrita, ſingularis Dei aſſerere majeſtatem.* Nam legendum omnino videtur *INANIBUS*, nempe, *Dii*, qui rectius opponuntur ſingulari Deo, quàm *manes*; etſi non diſſiteor *Laſtantium* offendiſſe Deos Ethnicorum eſſe *manes*, id eſt, homines mortuos.

7. Aperiam hîc ſuſpicionem de loco celebri *Terentii*, quem ſimiliter corruptum opinor. Is eſt in *Phormione* Act. II. S. I. verſ. 75. *Demipho*, auditis filii nuptiis ſe abſente factis, ſtomachans inducitur hiſce verbis:

---non, non ſic futurum eſt, non poteſt.

Egône illam cum illo ut patiar nuptam unum diem?

Nihil ſuaue MERITUM eſt.

Adi, ſi liber, Interpretes fruſtra in hiſce poſtremis verbis inſudantes; tum verò cum iis quæ legeris confer hanc noſtram conjecturam: *Nihil ſuaue, NI CITUM eſt*; hoc eſt, ut beneficium ſuaue non eſt, niſi citò fiat: ſic nec ultio grata eſt, niſi cita ſit. Hæc egregiè concordant cum ſuperioribus,

rioribus, in quibus Demipho negat se vel unum diem passurum filio nuptam esse Phanium; habentque aliquid παρρησιασ, quod Græcè non malè dixeris: ἡδὺ μὲν, εἰ μὴ ταῦ.

8. Græci Librarii similia frequenter peccârunt, ut viri docti ostenderunt. Unum atque alterum exemplum proferam, & prius quidem ex *Arriano* Lib. VI. p. 132. Edit. *H. Steph.* Sic loquitur de temeritate Alexandri: καὶ μέγας τε τὸ ἐν τῷ μάχαις, καὶ τὸ ἐρωτοῖ τὸ δόξης, καὶ παρρησιασ ἈΛΛΗΣ πρὸς, ἐξηπλώμενος, ὁ καρτερός ἢ ἀπέχεσθαι τὸ κινδύνου. fortitudini in præliis, & amoris gloriae, tamquam alii cuidam, temperare nescius non poterat abstinere a periculis. Manifestum quidem mendum est, nam ἄλλης nihil hoc in loco sonat; sed quid scripserit Arrianus non ita liquet. Attamen scribendum crediderim ΟΑΚΗΣ, hoc est, attractioni, quæ * de vi quadam, quâ veluti pondere trahimur ab iis quæ sunt indoli nostræ consentanea. Primum K reflecto dextro cornu visum est esse A, deinde cùm ὅλλης nihil significaret, mutatum in ἄλλης, quæ Græca quidem vox est, sed hoc in loco sensu caret.

9. Alterum erit ex Constitutionibus Apostolicis Lib. II. c. 20. ubi de officio Episcopi, inter alia habetur, τὸ καὶ ἀγμένον ἐν ἀμαρτίας εἰς ζωαίαν ὁ δὲ ΕΠΙΔΕΝΝΟΝ, διὰ παρρησιασ νουθεσίας, vertit *Joan. Bap. Cotel.* peccatis fractum, ut in via claudicet, vinciens per exhortationem consolatoriam. Attamen, in indice, retinuit eam vocem, quæ Græca non est, & quæ sine dubio est pro ΕΠΙΔΕΣΜΩΝ, ligans. Sic in loco *Ezechielis* XXXIV. qui affertur ejusdem libri Cap. XVIII. σιωπευομένων ὁ κατεδέσχετε, fractam ovem non ligasti. Sic & Cap. XLI. eadem de re: μὴ μόνον τέμνων ἢ καίων, ἢ ξηρία προσφέρων, ἀλλὰ καὶ ἐπιδεσμῶν, καὶ μοτῶν, καὶ ἐπὶ γλυκερά φάρμακα ἐπιλασγὰς, καὶ καταβρέχων λόγοις παρρησιασ non solum secans, aut urens, aut sicca & mordacia remedia adhibens; verum etiam alligans, & linimentum indens & immittens pharmaca lenia, & detergentia, ac irrigans verbis consolationis.

10. Apud Hebræos, valde affines sunt literæ כ & כּ beth & chapb, י & י, gimel & nun, ו & ו, zayin & vau, ש & ש, daleth & resch, nec multum inter se differunt צ & צ, tsade & hajin. Itaque mirum esset numquam inter se à Librariis mistas. Certè sunt exempla cùm in Judaïco, tum in Samaritico Pentateucho, ex quibus liquet Librarios sæpe eos confudisse. Sic Gen. X. 4. qui dicuntur in Judaïcis

* Vide *Henr. Stephani*, ad hanc vocem.

exemplaribus דודנים *dodanim*, in Samariticis, ut & 1. Paral. I. 7. dicuntur דודנים *rodanim*, quam posteriorem lectionem veram judicavit *Sam. Bochartus*. At nos priorem, non sine gravi ratione, prætulimus. Sic Gen. XLIX. 10. pro דגליו *raglau*, pedibus ejus, Samarita habent דגליו *daglau* vexillis ejus, quod melius visum viro doctissimo *Jobo Ludolfo*, ut testatur in singulari Diatriba, quam de hoc loco edidit. Neque nos ab hac sententia abhorremus, quamvis cæteroqui Judaicum Codicem Samaritico præferamus. Possent & alia plura exempla proferri, sed nos indicem variarum lectionum non scribimus, & allata quod diximus satis confirmant.

10. Potuissimus etiam in aliis Linguis similes alias inter se literas conferre, ut fecit *G. Scioppius*, in sua *Critica*; sed necesse esse non judicavimus, cum paucis exemplis res æquè demonstraretur ac pluribus, præterquam quod & alia in sequentibus afferentur.

CAPUT V.

De Mendis ex Dictantis negligentia ortis, 3. quod omiserit quæ erant inter eandem vocem repetitam, aut in alio verborum situ.

1. **DUM** varia Opuscula, quæ cum Gallicè, tum Latine ab hisce duodecim annis edidi, ipse corrigerem in speciminibus, quæ madidà à prelo ad me afferebantur, sæpissimè animadverti Typothetam omisisse quæ erant inter eandem vocem interposita, si repeteretur in altera linea; aut etiam, sine ulla ejusmodi occasione, voces aliquot præterisisse. Non semel hoc in animum revocavit quæ legeram, apud viros eruditos, de omissionibus in Veterum monumentis, quas eodem modo contigisse credibile est. Qui dictabat, nimirum, quandoque aliud agens, amotis oculis à libro ex quo dictabat, cum oculos denuò ad exemplar suum converteret, & incideret in vocem ad quam dictasse se sciebat, ab illa iterum incipiebat dictare, non animadvertens eam repeti, adeoque mittebat quidquid intercesserat. Poterant & innumera alia intervenire, quæ, dum interpellarent dictantis animum, faciebant ut quidpiam omitteret.

2. Liv. Lib. X. c. 14. ubi describit acerrimum prælium à Romanis cum Samnitibus commissum; ait Q. Fabium Maximum Consulem, cum vidisset ne vim quidem Equitum quidquam profecisse, ratione grassandum esse ratum; itaque jussisse Scipionem legatum hastatos primæ legionis subtrahere ex acie, & ad montes proximos, quàm posset occultissimè, circumducere. In medio verò pugnæ ardore, *improvisa*, inquit, *ex montibus signa clamorque sublatus non vero tantum metu terruere Samnitium animos.* Lego non vero tantum **MOTOS** metu terruere Samnitium animos. Hoc vult Livius, Samnites & adversus legiones, & adversus incitatas turmas immotos sterisse, quamvis verà esset metuendi causa; nec tantum timuisse, quantum falso illo metu pauculorum hastatorum. *Motos* videtur omissum, quia dictabat, animo non satis attento, aut errantibus oculis, hanc vocem miscuit cum sequente *metu*. At sensus eam aut similem requirit, nam frigidum est dicere signa Romana in montibus prospecta terruisse Samnites, *non tantum vero*, sed etiam falso, *metu*. Quis credat Livium, Scriptorem nequaquam languentem aut frigidum, præsertim in pugnarum descriptionibus, ita loquutum? Profectò hoc noluit, sed Samnitium animos non usque adedò motos fuisse signis infestis legionum, aut equestri procellâ, quæ eorum ordines turbare conatus erat Fabius, quibus non sine ratione terreri potuissent; quàm falso illo metu, quem pauci hastati iis iniecerunt. Hoc sequentia ostendunt: nam & Fabius Decium collegam appropinquare exclamavit, & pro se quisque miles adesse alterum Consulem, adesse legiones gaudio alacres fremunt; errorque utilis Romanis oblati fugæ, formidinisque Samnites implevit, **MAXIME TERRITOS** nè ab altero exercitu integro, intactoque fessi opprimerentur.

3. Omissionis insigne exemplum proferemus ex Theophrasti Characteribus, ex similitudine duarum vocum orta, quam mirum est Is. Casaubonum supplere non potuisse, cum sit res facilis & clara. Locus est Cap. XV. in ἀνακρίσεις Characterē. ὅτι οἱ ἄλλοι λέγουσι ** πίκης ad verbum: pluvie Jove, dicere (soler). suave astrorum putat, quia & alii dicunt ** pice. Describit Theophrastus hominem, qui adedò vecors est, ut nesciat pœnè quid dicat, & contraria iis quæ videt blateret, quasi deliraret, sicut antecedentia legenti liquebit: Igitur suppleverim: ἡ δὲ γὰρ ἄσπερον φασὶ καὶ τὰ κτλ Αἰθρῶν AN νομίζουσιν, ἢ ἢ ἢ αἱ οἱ ἄλλοι λέγουσι ΜΕΛΑΝΤΕΡΑΝ πίκην jucunda est astrorum lux; & serenam noctem putare, quam
alii

alii dicunt pice atriores. Quatuor priora verba omissa videntur à dictante, qui vagantibus oculis miscuit vocem ΑΙΘΡΙΑΝ cum ΑΣΤΡΩΝ, & cum: καλὸν dictasset ad vocem ἀστρον, prætervolvit interjectas dictiones. Illis corruptis, cætera minùs foris eleganti manu scripta facillè posteriores exscriptores sefellerunt, cum sensus eos non juvaret.

4. Ut supplementi nostri singulas partes confirmemus, postquam vidimus mentionem fieri *plucentis Jovis*, facile est intelligere ei opponi serenum cælum, & quidem, si de nocte sermo sit, ut est hîc sine dubio, nisi astra interdiu fulgere putemus, ἡδὲ γὰρ ἀστρον, *jucundum astrorum* Quid tandem? Φῶς, *lumen*. At qualem noctem esse oportet, ut lux astrorum fulgeat? Nimirum, αἰθρίαν, *serenam*, nam αἰθρῆ Ζεὺς opponitur τῷ ὕοντι. Theocritus Idyll. IV.

Ὡς Ζεὺς ἄλλοτε μὲν πέλει αἰθερῶ, ἄλλοτε δ' ὕει.

Jupiter interdum serenus est, interdum verò pluit.

Pro νομίζε scribere necessariò oportet νομίζειν, ut εἰπεῖν, nam solet hæc omnia Theophrastus infinitivo exprimere, subintellectis vocibus λεωνός, aut οἶος. "Ἠλίνα legimus, pro vocibus nihili ὅππῃ δὴ καὶ, ita postulante orationis serie.

Denique μελαντέραν supplevimus, ob vocem πίονος, cum ex ipsa rei natura, tum quia Græci ita loqui solebant. Sic Homerus de pastore tempestatem prospectante, Iliad. β. vers. 275.

Ὡς δ' ὅτ' ἀπὸ σκοπῆς εἶδεν ἦτορ αἰπὸν ἀνὴρ
Ἐρμόμανον καὶ πόντον, ὑπὸ ζεφυροῖο ἰωῆς,
τῷ δ' αὖ τ' ἀνέσθεν ἐὼπι μάλαν ἱερον, ἥντε πίονα,
βαίνεταί.

Quemadmodum à specula videt nubem pastor, venientem per mare à Zephyri flatu, eique stanti procul nigra ceu pice apparet.

Sic loquuntur & Latini, ut Ovidius in Ep. Leandri ad Hætonem:

*Ipsa vides cælum pice nigrius, & freta ventis
Turbida, pæque cavae vix adeunda rates.*

Alia exempla quærent, & invenient quibus vacabit.

5. Alterum etiam *Theophrasti* locum obiter supplebimus, & Cap. XXVIII. in fine characteris ὁψμαθῆς, ubi legimus: ὁ ψμαθῆς, ἐν τῷ βαλαρείῳ πυνναῖ & ἔδραν ἐρέπον. Legendum ὁ ψμαθῆς, & quasi luctans, nates in balneo subinde vertit. Luctando, nempe, necessariò totum corpus contorquebant, atque hinc inde cum reliquo corpore nates ἔσπερον; at in balneo nihil cogebar, & turpe erat. Absurdè *Casaubonus*: idem luctans & in balneo lavans nates subinde agitat indecenter. Et enim senes non luctabantur, nec qui luctabantur poterant à torquendis natibus abstinere.

6. Omissionis, ex repetitione eorumdem vocum nata, exemplum memorabile animadvertit *Hieronymus*, in versione LXX. Intt. Jerem. Cap. XXX. 15. Sic habent verba Prophetæ, ex translatione *Hieronymi*. 14. Omnes amatores tui obliti sunt tui, teque non querent; plagà enim inimici percussit te, castigatione crudeli; PROPTER multitudinem iniquitatis tuæ, dura facta sunt peccata TUA. 15. Quid clamas super contritione tua? insanabilis est dolor tuus; PROPTER multitudinem iniquitatis tuæ, dura facta sunt peccata TUA. In quæ verba ita scribit *Hieronymus*: Quòdque sequitur: quid clamas super contritione tua, &c. in LXX. non habetur; videlicet, quia secundò dicitur, propter multitudinem, &c. & qui scribebant à principio additum putaverunt. Hinc discere est exemplaria Græca, quæ hunc versum habent, eum ex alia editione habere.

7. Eadem prorsus de causa, in ipso Textu Hebraico, Joel XXI. 36, & 37. in antiquis multis exemplaribus, deerant. Enumerantur illic asyla è variis Tribubus, & versus quidem 35. ita definit: urbes quatuor, Hebraicè, ערים ארבע Sequatur verò, ut res ipsa ostendit, & liquet ex 1. Paral. VI. 78, 79. Et de Tribu Ruben, Betser & ejus suburbana, & Fabesa & ejus suburbana, Cademoth & suburbana ejus, Mophabath & suburbana ejus, urbes quatuor ערים ארבע. Quarum duarum postremarum vocum repetitione, factum est ut Librarii versus 36, & 37. omiserint. Massora eos desideratos ostendit, in antiquis Codicibus, ut & R. D. Kimchi; nec eos verterat olim *Hieronymus*; ut liquet ex antiquissimis ejus versionis exemplaribus. Attamen esse oportere locum Paralipomenon indicatus, & versio LXX. Intt. ostendunt, ut rem ipsam attingam. At possunt esse loca hiulca, ab antiquissimis temporibus, simili de causa, quorum tamen hiarum deprehendere aut supplere aliunde non licet.

CAPUT VI.

De Mendis ortis ex imperitia aut negligentia Dictantis;

3. quod male pronuntiaret.

I. **M**ALA Dictantis pronuntiatio plurima Menda parere potuit, & reverà peperit, quod multis rationibus contingere potuit, quarum præcipuas aliquot hîc indicare satis erit. I. Dictantes sæpe miscebant vocales inter se & consonantes, ut cum Hebræis Grammaticis loquar, ejusdem organi. II. Fines vocum non satis distinctè pronunciabant, nec à sequentibus satis dictando seungebant, quò factum ut literæ ultimæ, aut primæ vocum omitterentur, aut non satis clarè à scribingibus audirentur; vel etiam separabant syllabas conjungendas. III. Aspiraciones quandoque omittebantur, aut addebantur.

2. I. Tribus verbis hîc dicendum est, in eorum gratiam qui Hebræicè nesciunt, non in Hebræica tantum in Lingua, sed & in reliquis omnibus, literas posse in certa genera dividi, pro organis, quibus potissimum efferyntur. Gutturales dici possunt A, E, I, O, U, Y vocales, cum aspiratione H; Labiales sunt B, F, M, P, PH, V; Palatina C ante A & O, G, J, K, Q; Dentales, D, L, N, T & TH; Linguales R, S, Z, X, C ante E & I, & T ante L. Quemadmodum autem, apud Orientales, sæpe misceantur literæ ejusdem organi: idem tiam inter pronuntiandum fit, apud alias Gentes, quamvis forè paulò infrequentius. Exempli causâ, apud Latinos, sæpe miscebantur B, F, P & V, inter pronuntiandum, ut cum ex MSS. Veteribusque Editionibus, tum etiam ex mendis apparet. Dicitur Joan. Passeratius, Professor olim Regius Eloquentiæ, in Academia Parisiensi, vir elegantissimi ingenii, hæc & similia ostendisse, in libello de Literarum inter se cognitione ac permutatione, quem videre non contigit. Sed dignus lectu quin sit non dubio, cum viri, eruditionem & judicium reputo. Fertur etiam varia hanc in rem animadvertisse Gul. Camerius, in Syntagm. de Ratione emendandi Græcos Auctores, quem neque etiam vidi. At varia hanc in rem video habere G. Scioppium, in Criticâ.

3. Edidit ut antea diximus, Henr. Stephanus, ad calcem sui Thesauri, Glossaria; ex quibus atque Isidori Glossis, in
R nostrum

nostrum usum, plurima exempla collegimus permutationis literarum sono affinium, sive *eiusdem organi*; ex quibus exemplis, paucula tantum proferemus. Primum quidem vocales, & diphthongi cum in Latinis, tum etiam potissimum in Græcis, passim miscentur, quod facillimum sit unam pro altera, titubante lingua, efferre; aut, aute non satis attentâ, audire. Exempli gratiâ, A est pro A E, in his verbis: *Abaci delphici*, *Ἀβᾶκι δελφικά*, & *Ἀβᾶκι δελφικά*. Legendam *delphis*, & *Ἀβᾶκι δελφικά*. * Nam *abaci* est in Genitivo, etiam apud *Juvenatem*, Sat. III. vers. 24. ubi vide Scholiastem. Est pro E, in his verbis: *Fantaculum*, *Ἀντακίον*. *Fanto*, *Ἀντακίον*. Est pro I, in *Instata*, *Ἰνστάτα*, *superari*, *ὑπερβαίνειν*, nam legendum *Ἰνστάτα* ex Cod. S. Germani; & in *Monaror*, *Μονάρων*, ubi idem Codex docet legendum *monitor*, ut & res ipsa. Est pro O, in *Despalat*, *Δεσπότης*, pro *despoliat*. Est pro U, in *Pallatus*, *Παλατίον*, legendum enim *pullatus*. Similia, de singulis vocalibus & diphthongis Latinis, possemus proferre.

4. Non minor est confusio in Græcis, imò major, quod soni trium vocalium, & plurium diphthongorum non multum, in Græca Lingua, diversi essent. H, nempe, I, & T, sono valde erant affinia; diphthongi que, A I, A T, E I, E T, H T, O I & T I pœnè idem sonabant auribus parum attentis, aut si minus distinctè pronunciarentur. Hinc fit ut & inter se, & cum tribus memoratis literis, misceantur, in antiquissimis MSS. A I saepe quòque confunditur cum E, non secus ac A E apud Latinos. Qui tractarunt Codices MSS. norunt verissimum esse quod dico. MS. Codex *Alexandrinus* Bibliothecæ, qui in Bibliotheca Regia Londinensi servatur, & antiquissimus fortè est omnium MSS. Codd. qui extant, aut saltem inter antiquissimos, ejusmodi mendis passim laborat, ut testati sunt qui t Oxoniæ Librum Psalmorum, ex eo Codice, ediderunt. Sed & aliquot exempla ex Glossis sunt addenda.

5. H Frequenter scribitur pro I. Sic *Abbatissa* veritur *Ἀββατισσῆς*, pro *Ἀββατισσῆς*, nam prius Cœnobii præfectum, vel Abbatem significat. Circus dicitur esse avis *μεγαλειόνης* & *Εὐχλῆς* ἢ *ὄντις* *Μεγαλειόνης*, *μεγαλειόνης* Scylla Nisi (legendum Nio) *Μεγαρενσίαν* Regis. Pro T similiter occurrit, ut *Asperserit* *προσκέλησθαι*, pro *προσκέλησθαι*. Ad limina, *Ἰνδοί* pro *Ἰνδοί*. I vice versâ loco H legitur, ut *Praeli*, *πρὸς* pro *πρὸς* *Ἀντρουρε*, *ὀμνῶντας*, pro *ὀμνῶντας*. Nuptiles (L. *Nuptiles*) *γαμῶντες*, *γαμῶντες*. T cum I miscent Grammatici, cum *πρὸς* idem ac *πρὸς* esse censent. *Phavorinus*: *κῦρ*, *κῦρ*.

* Sic emendatum postea vidi à Jean. Meursio, in *Lexico Græco-barbar.* in vi
Ἀβᾶκι δελφικά. 4. Anno 1678. *Ἀβᾶκι δελφικά* in *Ἀβᾶκι δελφικά*
Ἀβᾶκι δελφικά. 4. Anno 1678. *Ἀβᾶκι δελφικά* in *Ἀβᾶκι δελφικά*
Ἀβᾶκι δελφικά. 4. Anno 1678. *Ἀβᾶκι δελφικά* in *Ἀβᾶκι δελφικά*

ὄγκος, χόρημα, βάθος, πλάτος, σῶμα, moles, spatium, profunditas, latitudo, corpus. Idem: κῆτος ὑπὸ τοῦ κῆτος (lege κῆτος) τὸ πλάτος. ὡς τ' ἑμπαλιν ὑπὸ τ' ἰσημι εὐλῶς ἢ εὐλῶς. Adi & Etymologicum Magnum, in Ἀλμυρὸς quod dicitur ὑπὸ τ' ἀλμῆς pro ἀλμυρῆς. Vide quoque quæ habet in Ἄλως, & in Ἀγρυτα.

6. Plura harum mutationum exempla congeſſit vir doctus J. Rod. Wetſtenius, in Orationibus de Pronunciatione Linguae Græcæ; ut vidi, cum ſuperiora jam eſſent ſcripta. Idem etiam multis oſtendit Diphthongorum eſſe frequentiſſimam confuſionem; quo fiet ut ne actum agamus, cum præſertim ſit de re noſtra ſi conſularur, quoniam ea quæ dicta ſunt, de confuſione vocalium & diphthongorum, parim nituntur ea ſententia de illarum pronunciatione, quam propugnat vir eruditus.

7. Apud Orientales, literæ, quæ gutturales dicuntur, & quas nonnulli ſuſpicati ſunt vocalium loco olim fuiſſe (quibus tamen non adſentior) paſſim etiam inter ſe miſcentur, ut docent Grammatici, ſine dubio ob ſoni affinitatem. Idem oſtendunt de literis quieſcentibus, quarum duæ ſunt etiam gutturales. Animadvertere hoc licet, non modò in Judaico Codice, in quo eadem voces, non ſemper uno modo ſcribuntur; ſed etiam ex Samaritici cum eo collatione. Exempli gratiâ, & ה, in fine verborum quieſcentes, ſæpe miſcentur, ut בִּיה & בִּיה, פֶּלֶה & פֶּלֶה, קֶרֶה & קֶרֶה & ſimilia. Sed & quæ ſcribuntur per נ in Judaico Codice, leguntur exarata per ה in Samaritico & vice verſâ, imò etiam per ה & per י. Non exigui eſt momenti hæc diligenter obſervare, in Linguis Orientalibus; quia ſæpe ex ea animadverſione pendet cognitio ſenſus locorum, qui fruſtra alioqui quæritur. Sic & oſtendimus ad Gen. XXXVI. 24. ex collatione Codicis Samaritici cum Hebraico, יִמִּיִּם in eo loco debere legi *hemim*, non *hajjemim*, cum Samaritæ habeant יִמִּיִּם *emim*; quo poſito, nulla ampliùs eſt difficultas, in eo loco, qui omnes Interpretes exercitos habuit.

8. Indidem etiam intellexi, quod me fugerat cum ederem Commentarium in Exodum, & quod etiam fugit Edm. Caſtellum, virum doctiſſimum, quid ſentiant Samaritæ de coloribus lapillorum pectoralis Aharonis. Interpres Samariticus primum ordinem lapillorum his nominibus exprimit: סָמֹק סָמֹק סָמֹק סָמֹק *samok, samak, samakmak*, hoc eſt, rubrum, rubicundiorum, rubicundiſſimum, ſecundum verd hiſce: הַכֹּחַם הַכֹּחַם הַכֹּחַם, *hhachom, bhacham, bhachamecham*, quæ

nomina quid significarent tum demum vidi, cum in animum venit Samaritas pro סמס, quod apud Chaldaeos, sonat *niger fuit*, dicere סמס, quodd frequentissime ס & ה confundant. Tertium ordinem vult lutei coloris fuisse, quantum ita exprimit עמר ואבר עמר *bavar, abar, habarbar*, quod verbum idem est ac Chaldaicum חור *bhour*, albus fuit, nam miscuntur ו & ה. Observandum, in hisce vocibus, etiam confundi ו & ס, & ו, cum ב. De re ipsa alibi agemus.

9. Non multò minus miscuntur, in aliis Linguis, consonantes ejusdem organi à Librariis, ob soni affinitatem; quod videtur potissimum ortum ex parum accurata dictantium pronuntiatione, & quod exemplis est demonstrandum. Sed ne, in re clara, æquo longiores simus, unius tantum organi consonantes, inter se comparabimus. Diximus labiales esse B, F, M, P, PH, & V consonantem; constat autem innumeris exemplis, eas à Librariis permixtas fuisse.

10. B loco M positum est, in voce *submanum*, in Glossis: Κεραυροχόλον ἀπὸ τοῦ φωτὸς νυκταεινόν, *fulgur submanum*. Dicebant Romani *summanum* * Plinius auctor est à Romanis *fulmina diurna tributa Jovi, nocturna Summano*. Similia docet Festus, in *Provorsum*. Igitur verè † Cl. Salmasius emendandum censuit *summanum*. At Glossarum scriptor, cum legisset *submanum*, credidit compositum esse ex *sub* & *man*, perperam, unde τῶν τοῦ φωτὸς vertit.

11. Salmasius, in Solinianis Exercitationibus, non semel animadvertit frequentissimum esse .i. Latinis Librariis M & B invicem permutare, in scribendo. Exempla autem hæc profert. Apud Arnobium, *formas* pro *Phorbas*; *Cumanum*, pro *Cubabo*; *Mascauda*, *bascauda*; μύσανξ, βύσανξ; μάσα, βάσα quibus infinita alia similia esse ait.

12. Idem vir summus * animadvertit Librarios sæpe confundere B cum P; quo intellecto, felicissimè emendat *Ju- stini* locum Lib. XLIV. c. 1. de fluviis Hispaniæ: *plerique etiam divites auro, quod in paludibus vebunt*. Legit *balucibus*, quæ vox auri ramenta sonat, ut ostendit. Idem mendum etiam sustulit, in hac ipsa voce, apud *Martialem* Lib. XII. Epig. 57. ubi legitur:

*Illic paludis malleator Hispanæ
Tritum, nitenti fuste, verberat saxum.*

* Liv. lib. c. 53. † In Solin. pag. 804. Ed. Voss. .i. Pag. 264. & 923. notis
biquis Cui. L. * Pag. 156. Col. L.

Emendandum liquet *baluch*, ut jam ante *Salmasium*, viderat *Turnebus*. Sic quoque populi *Thraciæ*, qui *Herodoto Briantes* dicuntur, sunt *Plinio* & *Solino Priantes*. In *Glossis*: *Capura*, *ἐμπαλῶν*, pro *ἐμπαλῶν*, quod *lucrum* sonat.

13. Nihil est frequentius * in MSS. quàm confusio B & V consonantis. Centies occurrit in *Veteribus Glossis*, ubi legas *Beneditorem*, *Benenum*, *Berbenam*, *Berbicem*, *Bibium*, *Cabernum*, *Cabillationem* *Ablatibum*, *Abum*, &c. Hinc emendandum viderunt viri docti locum, in *Isidori Glossis*, ubi ita legimus: *Nibita*, *agua ex nubibus facta*. Manifestò legendum: *nivata* *agua ex nivibus facta*. Quin & B, pro U vocali, in prioribus illis *Glossis*, legitur. *Abetuarium*, *ἐβητωριον*, pro *Auetuarium*. Primum e, mutatum fuit in u, *avetuarium*; deinde *Dictator* librarius, *Valconico* more, pronuncians V. instar B fecit *abetuarium*, ut sæpe ex uno mendo natum alterum.

14. F pro PH frequenter occurrit, ut in *Glossis*, *Epifonema*, *Filosofia*, &c. & P pro F, ut in iisdem: *ἔαυθεῖα*, *pucatrix*, ubi legendum *fucatrix*, ut rectè conjecit *Bon. Vulcanius*; *sulpor vivum*, *θεῖον ἄπυρον*, id est, *sulfur vivum*. Sic & passim scribitur *triumphus* pro *triumfo*, quod est à *τελαφεῖν*, ac proinde debet scribi *triumfus*; cum φ non sit in Græca voce, neque sit Latina Litera. Sic in *Pandectis Florentinis*, constat scriptum esse *triumfator*; nec desunt *Inscriptiones*, in quibus similis orthographia cernitur. Antiquissimi Romani dicebant *triumpum*, mutato B in P. Sed tempore *Ciceronis*, mutata jam erat pronuntiatio, ut liquet ex *Oratoris* C. 48. Simili de ratione, scribendum videtur *trophæum*, aut *trofæum* τρῶφαιον, non *trophæum*, quod neque Græcum, neque Latinum est. Malim more Græco *trophæum* scribere, cum *Glossographo*, *Vetustisque Codicibus*, & *Inscriptionibus*, quemadmodum etiam censuit *G. Joan. Vossius*, in *Etymologico*.

15. M pro B occurrit in *Glossis*, ubi est *Ummilicus*, *ἐμπαλῶν ἀνθρώπου*. *Ummo*, *ἐμπαλῶν*. Hæc permutatio frequentissima est in *Etymologiis*, verum hîc non spectamus mutationes literarum *Etymologicas*; sed quæ natæ sunt ex *Librariorum dictantium mala pronuntiatione*.

16. P pro B non raro legitur, ut in *Glossis*: *χρῆμα ἢ ἀγρῶν*, *ciparius*, pro *cibario*; *σκοβα*, *κοσμητικῶν*, pro *Scopa*; *Calpitur*, *ἐκαπατῶ* pro *calbitur*, aut *calvitur*. Scriptum etiam pro V consonante, ut *Impastis* (id est, *investis*) *impubes*, *ἀφθορῶν*. *Passacriarium*, *ὁδία*, pro *Vas aquearium*.

* Vide *Jos. Scaligeri Conject.* in *Varren.* p. 38. Ed. Paris. anni 1565.

17. Quemadmodum B ponitur pro V, sic & V pro B. *Glossæ veteres*: *Acerva uva, ἄμραξ. Acervatio, σφοδρότης. Acervitai, σφιγμός. Acervo, σενοποιῶ. Acervus, δένος. Caccavum, χύμα. Valbus, ἄλλοθ. Valbutio, ἄλλίζω. Vitumen, ἀσφαλτθ. V etiam occurrit pro F, in iisdem *Glossis*: *Vita Deum Immortaliū. Ἰ ποτοι, ἐκείνους ἀρχαῖν, ὡς καί των. Scripserat Catō fidem Deum immortalium, vel, prob fidem, &c. Sed pro F auditum est à Librario V. & pro D in sequente syllaba T, unde factum *vitem*; quod cū planè absurdum esset, ab indocto homine mutatum in *vita*, quia videbat in Scriptura per Deum *vivum* jurari. V pro P quandoque etiam legitur, ut *Stivo, στίβαζω, pro stipo.***

18. Hæc exempla satis ostendunt literas ejusdem organi facile inter se misceri à Librariis; nam quod de *labialibus* demonstratum est, id de cæteris quoque literarum classibus facile posset ostendi. Quin etiam *Gasp. Scioppius in Art. Critica, & Claud. Dausquius Lib. I. Orthographicorum*, satis exemplorum suppeditabunt, si necesse sit; quamvis non satis attenderint literarum affinitatem, & aliam methodum sint sequuti. Igitur non modò in inquirenda vocum origine, ratio habenda est literarum affinium; sed etiam in investiganda vera lectione locorum corruptorum, cū constet eas à Librariis tam frequenter inter se misceri.

19. II. Ad alterum *dictantium* vitium transimus, quo fiebat ut finem vocum non satis distinctè pronunciarent, unde orta sunt gravissima menda. Nam aut literæ propterea omisse sunt à scribentibus aut junctæ voces, quas oportebat separari. Contrariò prorsus errore, dum moras interponunt dictantes, ubi non oportuit, sejunctæ sunt syllabæ, quas conjungi necesse erat. Quarum depravationum exempla aliquot more nostro, colligemus.

20. Quisquis *Glossaria*, quæ diximus, evolver, frequentissimè videbit in ultima syllaba à Librariis erratum; quod ortum aliundè esse non videtur, nisi ex dictantis vitio. Manifesta ejusmodi menda innumera observant viri eruditi, quorum conjecturæ ad calcem Labbæanæ Editionis adjectæ sunt. Duo tantum exempla illinc proferemus, ex quibus liquebit literam voci ereptam, ut vicinæ adderetur, aut prorsus omissam, *Herbasinaria, ῥοδιδάπν. Bon. Vulcanius rectè conjecit herba asinaria, ex Lib. XI. Apuleianæ Metamorphosei. Igitur A secundæ vocis elisum est, ob antecedentis terminationem in A, permistam cum initio sequentis. Detracta est litera posteriori voci, in hisce: *Profundum, βύθρον, βάθν, βουδ, ubi legendum βαθύ, ἀβυσσος.**

21. Detractione literulæ eaque planè necessaria, medicina fieri potest loco Julii Cæsaris, qui Interpretibus hætenus crucera fixit. Legitur Lib. IV. de Bello Gallico, C. XVII. ubi descriptionem pontis, quem Rheno imposuit, ita claudit: Nihilò secius publica ad inferiorem partem fluminis oblique adigebantur, quæ pro pariete subiectæ & cum omni opere conjunctæ, vim fluminis exciperent. Non capiunt Interpretes quæ sit inferior pars fluminis, cum liqueat intelligi partem fluminis quæ erat supra pontem; in qua, ut solet fieri, collocari oportebat publicas vim fluminis excepturas. Sed legendum flumini, & intelligenda inferior pars non fluminis, sed pontis, quæ opponitur superiori, de qua Cæsar, in proximè antecedentibus verbis, loquutus erat: hæc directâ materiâ injectâ continebantur, ac longuris eratibusque consternebantur; quæ superiori parti pontis imposita erant. Sic & antea inferioris partis pontis meminit. Refellit Interpretes, quod verbum adigere soleat conjungi cum præpositionibus ad, vel in, sequente accusativo. Sed & quandoque cum dativo construitur; quod aliquoties apud Plinium, in Naturali Historia, observare licet. Certè ejusmodi verba utraq; illâ constructione gaudere solent, ut adfigere aliquid alicui rei, & ad aliquam rem, aliæque similia.

22. Restitutione literulæ, emendabimus locum Theophrasti, in Characterè ἀνθρώπων, Cap. XV. Describit hominem usque aded bardum, ut non attendat quod agit, & absona passim loquatur & faciat. Inter alia, hoc de eo habet: Τα παῖδιά σου παλαίον ἀγυρὰν, καὶ προχάζειν, καὶ εἰς κοπότας ἐμβάλλειν. Vertit Is. Casaubonus: Puerulos quin etiam suos, ut ludâ se exerceant, & cursu contendans usque ad fatigationem, cogere solet. Sed ἀγυρὰν ἐμβάλλειν εἰς κόπας, numquam fuit, numquam erit, cogens usque ad fatigationem. Sed legendum Εἰς Σκοπὸς in scopos jacere; nempe, lapides, aut tela. Posterius Σ propter prius excidit. Describit Theophrastus summam hominis ineptiam, qui cogit puerulos ea facere, quæ nimis libenter faciunt, & quæ alii parentes nè nimium faciant impedire solent, quod est bardi. Primum est παλαίον ludari, quod pueruli inter se nimis frequenter facere amant, & quandoque non faciunt sine periculo, dum ceteraneos solo gravius allidunt. Alterum est προχάζειν, quod non est currere, sed trocho ludere; de quo ludo, vide Jos. Scal. ad hæc Dionys. Caton. trocho lude, ἀλέωνι fuge. Est puerilis ludus, cujus sunt pueri omnes avidiores, & à quo sunt sæpe deterrendi. Miror hoc fugisse virum summum, cum certum sit puerulos cursu exerceri non solitos, sed adolescentes dumtaxat. Tertium est εἰς σκοπὸς βάλλειν, lapides aut tela in certum scopum jacere, quod

quod etiam nimis quàm frequenter faciunt pueri. Character est infani eos id cogere facere, à quo potius sunt revocandi.

23. Dux voces ex una, vitio dictantis, factæ duplex præterea mendum in loco Terentiano, nisi vehementer fallor, pepererunt; de quo postea mira scripserunt viri eruditi. Est versus 46. Scenæ II. Act. IV. Adelpiorum, ubi Syrus simulans se scire ubi si Micio, locum Demeæ indicat, & postquam per multas ambages eum circumduxit, tandem in fabrica esse dicit; Demea vero quærit quid ibi faciat, respondetque Syrus:

Lectulos in sole ilignis pedibus faciundos dedit.

Ad quem locum Donatus: in urbe convivium in sole & in umbra, pro conditione temporis, instruebatur. Adrianus vero Turnebus Adversar. Lib. I. c. 18. In sole autem, inquit, quod Athenis vere interdum & æstate sub sole & die convivere solebant. Debit potius dicere in sole hunc convivatos, cum sol et tempestate gratissimus sit, & facile toleretur; sed non tam solos nepotes de die convivari solitos, nec senem temperantiorum sustinuit eorum ordini adscribere. At hoc debuerat illum, in viam revocare, & suspectum ei hunc locum facere; præterquam quod lectuli, in eum usum destinati, non dicerentur magis lecti in sole; quàm alii lecti in umbra; quæ enim Latinitas hæc est: dare faciundos lectulos in sole, pro eo quod est, dare faciundos lectos in quibus accumbas, cum in sole repulari libebit? Deinde quare oportebat lectorum, in quibus in sole accumbabant, ilignas esse pedes, potius quàm ex alio ligno? Legendum omnino

Lectulos ILLEIC SALIGNIS pedibus faciundos dedit.

Servus nequam, dum quærit quid respondeat instanti Demeæ, quod primum occurrit arripit, & salignos etiam pedes dicit, ut risum excitet, nam nonnisi pauperiores solebant uti eo ligno in pedes lectorum; nec senex dives propter rem tantillam tam procul ivisset, aut in fabrica sedisset, ut eos videret fieri. Sed quo ineptiore dolo fallit Demeam, qui sibi acutus videbatur, eo majorem risum spectatoribus movet. Certè antecedentia non sunt acutiora, & Demea, si sapuisset, facile fraudem animadvertisset. Vidit tamen viles

* Vide Frid. Taubmannum, ad Asin. Plauti. Act. IV. S. 2. Vers. 16.

lectos dici, cum responderit : *ubi potetis vos ?* nempe, ſervi, quos nemo dixerit interdium menſæ accubiſſe. At ſiebatntne, inquires, lecti *ſalignis pedibus ?* Quidni, cum ſalices plurimæ adhiberentur *agricolarum ſupelleſtili*, ut loquitur *Plinius*, Lib. XVI. c. 37 ? Ided *Ovidius* deſcribens conviviũ *Philemonis & Baucidis Metam.* VIII. hæc habet :

— *In medio torus eſt de mollibus ulvis.*

— *Impoſitis lecto, ſpondiæ, pedibusque SALIGNIS.*

Verũ unde ortum in *Terentiano* loco mendum ? Nitiſum, ex mala pronunciatione Librarii ſcriptum primũ videtur *ſal lignis*, dein ex *ſal* factum eſt *ſol* ; ac tandem, ut aliqua eſſet conſtructio, *illic* mutatum à Critico in præpoſitionem *IN* & ſcriptum *in ſole ilignis*.

24. Contrà, in eadẽ Comœdia, Act. V. S. VII. verſ. 16. duæ voces in unam conjunctæ, cui præfixa litera ex antecedente, ſed malè lecta, graviffimum mendum peperit, quod Criticos omnes fruſtra exercitos habuit. Ita loquitur *Demea* de ſumptibus, quos à fratre ferri oportere videbat, tractatũ ad illum *Soſtrate* familiã :

— *turbam domum,*

— *adducet & ſumptum admittet ; multa. Quid mea ?*

— *Ego ſepidus in eo gratiam ; jube nunc jam*

— *Dinumeret illi Babylo viginti minas.*

Nec quid referendum ſit illi, nec quis ſit *Babylo*, nec quæ rationis ſeries expedire poſſunt viri docti ; quos adibit Lector, tædioſum enim eſſet eorum inanes diſputationes huc transferre. Paucis potiùs quid ſentiam dicam, quod ſi audacius videbitur, at ceritẽ egregium parit ſenſum, cum nullus ſit in aliorum interpretamentis. *Demea* ergo alloquitur hũc *Æſchinum*, ut in antecedentibus, & cogitans de paupertate totius familiæ *Pampbilæ*, quam *Æſchinus* domum ducturus erat ; quæ vix patiebatur ut ſumptus ullos facerent, qui tamen aliqui erant neceſſariõ faciendi, auctor eſt filio ut à *Micione* jubeat iis, quibus ea familia conſtabat, viginti minas numerari. *Viginti* autem *minas* dicit, quia reſpicit ad parem ſummam, quam à *Micione* numerari curarat *Æſchinus* *Sannioni*, & quã *Cythariſtriam* amicam fratri emerat ; ut ſibi ſimili pretio uxorem redimere videatur, nedum ut dotem ab ea accipiat, quam tamen neceſſariam antea judicarat *Demea*.
At ergo :

— jube

— jube nunc jam

Dinumerent illis AB ILLO viginti minas.

Pro *dinumeret*, in plurali numero legimus *dinumerent*, quia deest nominativus. Quid autem sit *numerare ab aliquo* omnes norunt; nempe, alicujus pecuniâ solvere. Quod si quis ignorer, adeat *Rob. Stephanum*, ad præpositionem *ab*. Valeat ergo fictitius *BABYLO*; quam vocem perinde esse ac *Babylonium* qui dixit primus, & significari Micionem putavit, quod *Babyloniorum* luxum æquaret, is

— jungat vulpes, & mulgeat hircos.

Vel pueri sciunt *Babylonium* hominem non magis *Babylonem* posse dici, quam *Romam* hominem *Romanum*. Ethnica sunt, ut docet *Stephanus*, βαβυλωνίος & βαβυλωνίς, non βαβυλων, quod esset contra omnem analogiam. Scriptum erat *ILISABELO*, quia Veteres literas duplices non scribebant, & cum *I* & *S* propriores æquo essent, videbatur esse *B* cujus superior pars oculos fugeret, unde natum *BABILO*, ex quo factum postea *BABYLO* ab Criticis.

Fateor esse senarium hypercatalectum pro senario, sed notum est *Terentium* & alios Comicos miscere passim ejusmodi versus. Nec quisquam dixerit durum esse illi *ab illo*, repetitione syllabæ *IL*, talia enim nequaquam vitant Comici. Visne exemplum, ab ipso *Terentio*? Lege versum 86. Scenæ 2. Act. I. *Hecyræ*:

Disjunxit illam ab illa, postquam & ipse se.

25. III. Dictantis vitio factum esse diximus, ut adspirationes omitterentur, aut detraherentur; cujus vestigia, in omnibus pæne veteribus Codicibus, animadvertuntur. In *Glossis* legimus, *abena*, *abilis*, *aborreo*, *era*, pro *habena*, *habilis*, *abhorreo*, *hera*; & vice versâ, *abominor*, *harena*, *hostium*, *huber*, pro *abominor*, *arena*, *ostium*, *uber*, & multa similia.

26. Dictantis culpâ, an scribentis nescio, factum est, ut omitteretur adspiratio apud *Terentium*, in *Andria*, Actus II. Scenæ II. vers. 33. quâ omisâ, sensus & Latinitas vitiantur. Ita loquitur *Charinus* adolescens: *liberatus sum bodie*, *Dave*, tuâ operâ; respondet verò *Davus*: *ac nullus quidem*, hoc est, & quidem non, quod Latinum non est, in eo situ verborum. Itaque alii fecerunt, *at nullus quidem*; sed *at quidem non melius*

ius non dicatur. Legendum HAC nullus quidem, hoc est hac quidem operâ meâ, nullus liberatus es; quasi subinnuat gloriosus servus posse se eum liberare, si id operam det. Similis loquutio apud Plautum, in Pseudolo Act. I. S. I. vers. 102. Spero alicunde hodie me bonâ operâ, aut HAC meâ, tibi inventurum esse auxilium argentarium.

27. Contrâ, apud eundem Plautum in Amphitruone Act. II. Scen. II. vers. 137. est adspiratio, ubi nullam esse oportuit. Cùm Amphitruo cum uxore aliquamdiu jam contendisset, mirarique se dixisset qui se donatum aureâ paterâ sciret, addit. Quid hoc sit HOMINIS! ubi legendum ominis; erant enim quæ videbat & audiebat Amphitruo portentosa, poterantque facîle in omen verti. Ut scribi vidimus, in Glossis, abhominor, nihil vetat quin hic scriptum sit hominis, ארד תר ominis.

28. Antequam ad alia transeamus, duo exempla ex Hebraïca Lingua proferemus, ex quibus liquebit Librarios Judæos similia peccâsse. Apud Mosē, excepto uno loco Deut. XXII. 19. pro נערה nabarah quod puellam sonat, ubique in Judaïcis Codicibus, resecto ה, scribitur נער nabara. Quod non aliunde ortum videtur, quam ex vitiosa distantis pronuntiacione, qui ultimam syllabam non satis distinctè pronuntiabat. Certè perpetua atque indubitata Hebraïcæ Linguae analogia postulat scribi נערה ubique, & sic in Samaritico Codice scribitur. Exstat Exod. VIII. 9. infigne exemplum, ex quo constare potest Librarios miscuisse literas ejusdem organi, ubi pro eo quod vulgò diceretur: התבאר עלי hithbaer elai, scriptum est: התפאר עלי hithphaer balai, sine mutatione sensûs, hoc est, significâ mibi. Quæ tamen mutatio sefellit recentiores Interpretes, ut ad eum locum ostendimus.

CAPUT VII.

De Mandis oris ex imperitia Dictantis ; 4. dum Glossemata in margine scripta in seriem orationis inferi.

1. **Q**UI vetustos Codices versarunt, plurimos potuerunt videre, in quorum oris adnotata erant vocum, aut locutionum difficultium explicationes. Sæpe etiam inter ipsas lineas sunt Scholia, cum contigit à Librariis inter eas satis amplum spatium relinqui. Hæ autem interpretationes duplici mendorum generi occasionem præbuerunt. Quandoque enim Librarii crediderunt iis Glossematibus significari, omissum in orationis serie id quod complectebantur, cum incolam constructione ac sententiâ potuerunt inseri ; adeoque purpuræ optimorum Scriptorum centones Grammaticorum aduerunt. Quandoque etiam perperam rati sunt Grammatici ea Glossemata non esse, sed veras lectiones margini à Critico illitas, & in orationis contextum recipiendas ; quo factum ut eliminatâ priscâ lectione, novam intruserint, quæ veteris dumtaxat explicatio erat. Utriusque generis mendorum exempla quædam primum profertemus, tum verò, quæ glossemata à vera lectione secerni soleant ostendemus.

2. Sichemenes ita alloquitur filii Jacobi, Gen. XXXIV. 15. *Hæc lege vobis obsequemur (וְהָיָה) si fueritis sicut nos, aded ut vobis omnis masculus circumcidatur.* Ita habent codices Hebræici, at LXX. Intt. sic verterunt : *ἐὰν τέτω ὁμοιοθεύσῃτε ὑμῖν, καὶ κατακοιήσομεν ἐν ὑμῖν, ἐὰν γέννηθῇ ὡς ἡμεῖς καὶ ὑμεῖς, ἐν τῷ ἀπισμυδῆναι ὑμῶν πᾶν ἀστυνὸν.* hæc lege similes fitemus vobis, & habitabimus inter vos, si & vos sitis instar nostri, in circumcisione omnium vestrorum masculorum. Sic legitur hic locus, in antiquissimis Codicibus Vaticano & Alexandrino. Atqui manifestum est duplicem esse interpretationem vocis וְהָיָה, quarum altera margini illita fuerat primum, deinde irrepsit in orationis contextum, ut ad eum locum diximus. Significavimus etiam ad Gen. XLVI. 20. quæ illic in versione eorumdem Interpretum leguntur & Codicibus Hebræicis desunt, videri à margine in textum translata fuisse, similiâque animadvertimus ad Exod. XII. 40. & alibi.

3. Talia etiam occurrunt in Codice Samaritico, quæ non infæquenter in Comment. in Pentateuchum notavimus, & diximus quidem ſimile eſſe Gloſſema Exod. XII. 40. in hoc Codice ac in verſione LXX-Virali. Verum non modò is Codex addit varia, interpretationis cauſa; ſed etiam voces quaſdam habet, loco earum quæ leguntur in Judaico Exemplari. Quæ in re, ſæpe mihi viſi ſunt veteres lectiones Moſi creptæ, ut novæ iis ſufficerentur. Sic Gen. XXIX. 15. ita Potipharis uxor ex Judaico Codice loquitur de Joſepho: *ut audivit me vocem tollentem & clamantem, reliquit veſtem ſuam apud me* (לְיָצֵא עִלָּי) *fugit, & egreſſus eſt foras.* Ad explicandum vocem לְיָצֵא, videtur in antiquo Samaritarum Codice fuiſſe, in ora, לְיָצֵא in manu mea, ut ſignificaretur voce clariore idem intelligendum hîc, ac verſ. 12. in quo hæc vox occurrit. Lex extat Exod. XXI. 20. Cùm quiſpiam ſervum ſuum, aut ſervam baculo ſerierit, & ſub manu ejus interierint, ultio ſumatur, נַקַּם נַקַּם nakem jinnakem. In Samaritico Codice, eſt מוֹת יוֹמָת morte morietur, quæ eſt interpretatio verborum, quæ leguntur in Judaicis Codicibus. Talia multa in eo Codice animadvertimus, & protulimus in Commentario noſtro in Pentateuchum. Vix crediderim ullum Samaritam Criticum uſque adeò audacem fuiſſe, ut Moſem emendandum, ſine neceſſitate cenſuerit. Probabilius multò mihi fit Samaritas gloſſemata marginis credidiſſe varias eſſe lectiones, quas ſubinde ut veriores loco Judaicarum, amplexi ſint. Plurima exempla indicavimus, in Indice Commentarii noſtri.

4. Suſpikor etiam ingentem varietatem, quæ fuit olim in Codicibus Græcis & Latinis Novi Teſtamenti, partim indidem eſſe ortam, quòd ii qui iis utebantur, aut ex ingenio interpretationes ſcribebant in marginibus, aut etiam ex aliis locis Novi Teſtamenti, præſertim in Evangeliiis, quæ inter ſe ita conferri volebant, aut alterum ex altero intelligi. Poſtea verò homines imperiti Gloſſemata miſcuerunt cum veris Apoſtolorum verbis, ſive illa varias lectiones, ſeu emendationes ex antiquioribus Codiçibus eſſe cenſuerint. Nè quis à nobis fingi putet quæ de varietate exemplarium diximus, audiat Hieronymum, è præſatione in Evangelia: *Magnus, inquit, hîc in noſtris Codicibus error inolevit, dum qued in eadem te alius Evangeliſta plus dixit, in alio, quia minus putaverint, addiderunt. Vel dum eundem ſenſum alius aliter expreſſit, ille qui unum è quatuor primum legerat, ad ejus exemplum cæteros quoque aſtimaverit emendandos. Unde accidit ut apud noſ miſta ſint omnia, & in Marco plura Lucæ atque Matthæi; ruſus in Matthæo, plura Joannis & Marci, & in cæteris reliquorum,*
quæ

quæ aliis propria sunt, inveniantur. Cujus confusio-
nis exempla, quæ etiamnum sunt in Codicibus nostris, ob-
servarunt Des. Erasmus & Th. Beza, in adnot. in Novum Te-
stamentum.

5. Nunc videndum qui Glossema possit à prisca lectione
dignosci. I. Cum sint duo genera Glossematum, quorum
unum additur veteri lectioni, alterum verò ei ejectæ substi-
tuitur, non eodem modo internoscuntur. Igitur à priori
genere Glossematum ut incipiam, adjectum esse primum do-
cet res ipsa; quando, nimirum, re paulò obscurius expressa,
aut voce vel loquutione, cujus significatio sciolos, vel impe-
ritos fugit, videmus, præter necessitatem & consuetudinem
Scriptoris, idem illico aliis verbis exprimi. Insignis Glos-
sematis, ut dudum animadverterunt viri eruditi, exemplum
exstat, apud Plautum, in Aulular. Act. IV. S. VII. Vers. 14.
ubi ita Eunomia filio:

*I hac intro mecum, gnate mi, ad fratrem mecum,
Ut isthuc quod tu me oras efficiam tibi,
Ut isthuc quod me oras impetratum ab eo auferam.*

Manifestum est hic esse Glossema, cum nulla sit aut necessi-
tas, aut elegantia in hac repetitione, *quod tu me oras efficiam
tibi, impetratum ab eo auferam*; nempe, à fratre. Attamen
MSS. Joach. Camerarii, & Palatini quatuor habebant: *Ut
isthuc quod me oras efficiam tibi, impetratum ab eo auferam*, qua-
si esset unus versus; atque ita antiquissimæ Editiones. Duo
verò MSS. Palatini omittebant, *impetratum ab eo auferam*.
Utrum Glossema erit? nempe, versus 14. *ut isthuc quod tu
me oras efficiam tibi*; nam hæc verba nemo umquam inter-
pretatione indigere judicare potuit. Sed Grammaticus in
imperitiorum gratiam iis interpretatus est hæc: *impetratum
ab eo auferam*; quæ interpretatione indigere videbantur,
quia non est sermo de re, quam Eunomia ablatura esset, sed
de uxore, quam avunculum cedere filio suo volebat. Igitur
quando duorum quæ idem significant, & quorum alterutrum
Glossema esse necesse est, unum obscurius, alterum verò cla-
rius est, dubium non est quin clarius sit Glossema obscu-
rioris.

6. II. Glossemata possumus etiam agnoscere 1. in Arche-
typo ex MSS. Codicibus, in quibus id dumtaxat habetur
quod obscurius est, omisso interpretamento clariori; 2. aut
in Translatione ex Archetypo, in quo semel exstat, quod bis
est in Versione; sed & interdum 3. ex antiquiore Translati-
one cognoscere licet Glossemata, quæ irrepperunt in recentio-
res

res Codices. 1. Sic Marc. X. 6. ita loquitur Christus *ἀρχὴν κόσμου*, ab initio creationis masculum & feminam fecit eos; ex plerisque Codicibus; at Codex antiquissimus T. Beza omittit vocem *ἀρχὴν*, quæ addita videtur, ut melius intelligeretur *ἀπ' ἀρχῆς*. 2. Hieronymus ex Græcis exemplaribus Latina olim emendavit, ut testatur in Præfat. in IV. Evang. ubi sic confutat eos qui consilium ejus carpebant: *Si latinis exemplaribus fides est adhibenda, respondeant quibus; tot enim sunt exemplaria pænè, quot Codices. Sin autem veritas est querenda de pluribus, cur non ad Græcam originem revertentes, ea quæ vel à vitiosis Interpretibus malè edita, vel à præsumptoribus imperitiis emendata perversius, vel à librariis dormitantibus, aut addita sunt, aut mutata corrigimus?* 3. Glossemata ex antiquioribus Translationibus cognosci posse idem testatur, in eadem Præfatione. Prætermitto, inquit, eos Codices, quos à Luciano & Hesychio nuncupatos, paucorum hominum asserit perversa contentio; quibus utiq; nec in Vet. Instrumento, post Septuaginta Intt. emendare quid licuit, nec in Novo profuit emendasse, cùm multarum Gentium Linguis Scriptura ante translata doceat ea falsa esse, quæ addita sunt. Hæc additamenta erant, ut ex reliqua Præfatione liquet, Glossemata singulis Evangelistis, ex aliis addita, quæ ex præcis Translationibus cognosci poterant. Sic vocem *ἀρχὴν*, in loco Marci antea laudato, Syrus Interpres non habet; unde colligere est Glossema esse, versione Syriacâ recentius. Plura hac de re non addimus, quia in sequente * Capite iterum dicemus quæ ad eam pertineant.

7. III. Glossemata verò, quæ sira sunt in vocibus, quæ antiquioribus loco pulsus successerunt, possunt duntaxat agnoscì ex antiquis Codicibus, in quibus verus lectio appareat. Tum eam distinguere licet à Glossemate aliorum Codicum, aut Editionum, eodem indicio, quod antea signum esse diximus recentioris lectionis, unà cum vetere exstantis. Nimirum, si Codex quispiam inusitatorem & minùs claram vocem aut loquutionem exhibeat, quam alii (si modò proba sit, & cum Scriptoris stylo consentiat) illa plerumque vera lectio est; quia cùm nulla fuerit ratio quare clara lectio in obscuriorem mutaretur, obscuræ clara substitui potuit, ob rationes quas attulimus. Sic cum viri docti animadverterint, apud Cornelium Nepotem, Miltiadis, Cap. IX. alios Codices habere: *in Miltiade erat cùm summa humanitas, tum mira COMITAS, ut nemo tam humilis esset, cui non ad eum aditus pateret; alios verò COM-*

MUNITAS, mihi dubium non est quin prius sit glossa posterioris; quia cum vocis *comitas* notissima sit significatio, non ita vulgò notum est voce *communitas* significari eam mentis affectionem quæ civem Reipublicæ, qualis erat Atheniensis, decet, & quâ sibi cum aliis civibus communia omnia esse patitur. Vide quæ habet de hac voce J. F. Gronovius, ad Terentii Heaurontum. Act. V. S. I. vers. 39. à quo mirum est non esse allatum locum hunc Cornel. Nepotii.

CAPUT VIII.

De Mendis à negligentia Scribentis ortis ; 1. Quod quæ cogitaret, non quæ audiret, scriberet ; 2. Quod perperam audiret.

1. VIDIMUS potissima Mendorum genera, quæ et *Dictantis* incuria aut imperitia oriri potuerunt ; neque enim omnia observasse nos putamus, qui latissimè patet hoc argumentum, si alius quisquam, novimus. At satis nobis est, summa rerum capita in hoc Opusculo attigisse. Nunc ad id Mendorum genus veniemus, quod *Scribentibus* tribuendum videtur. Nec dubium est quin multa sint exemplaria descripta à Librariis, aut aliis, qui eam artem non profitebantur, non tam vicio *Dictantis*, quàm *Scribentis* mendosi.

2. I. Certè cum qui scribit aliud agit, quod sæpe potius contingere, facillè sit ut quæ cogitat, non quæ dictantur, scribat. Innumera menda, quæ cernuntur in MSS. aliunde orta non videntur, sed ea potissimum quibus voces idem, aut affine quidpiam significantes miscentur ; vel mutatur ordo orationis, transpositis verbis ; vel vocalæ quædam non proprius necessariæ sensui adduntur, aut detrahuntur. Scribentes enim non modò verba, sed etiam sensum attendunt, & à longa scriptione, sæpe fit ut hujus ratio major habeatur, quàm verborum. Si præsertim qui dictabant, lucri causa quam maximè poterant festinarent, ut sine dubio sæpe factum est ; nihil mirum si vocalæ sæpe minus necessarie Scribentibus omittebantur, aut miscebantur synonymæ.

3. Quisquis expendet variarum lectionum Syllogas, quæ in pluriimos Scriptores ediderunt viri docti innumera talia deprehendet. Sed inspiciantur potissimum variæ lectiones Novi Testamenti, quæ hoc demum sæculo, præeunte doctissimo & optimo viro Steph. Curcellæo, diligentius collectæ sunt, quàm umquam antea fuerant ; atque exemplorum major suppetec copia quàm quisquam non expertus credere possit. Ut tamen

rem Lectoris oculis subijciamus, nonnullas ex variis lectionibus Cap. XX. Actorum Apostolicorum huc transferemus.

Vers. 1. προσκαλεσάμεν Θ. Tres Oxonienses Codices habent, μεταπελάμεν Θ, quod idem planè sonat.

Ibid. ἀσπαόμεν Θ, cum salutasset. Alexandrinus & octo alii Codices habent ante has voces, καὶ παρακαλέσας consolatus; Græco-Latinus, πολλά παρακαλέσας, multis consolatus.

Ibid. πορευθῆναι in Aoristo. Alexandr. & alii quatuor Codices, πορεύεσθαι in præsentī.

Vers. 3. μέλλοντι ἀνέλκεσθαι, navigaturo. Codex Bodleianus, μέλλον ἀλκεσθαι abducendum, malè sine dubio. Non moror Claromontanum, cum ab omnibus aliis Codicibus nimium diversus abit, ut hoc in loco; quia paraphrasin potius, quam varietatem lectionis exhibet. Sed obiter hîc monebo cavendum esse, nè hujuscemodî Paraphrases miscamus cum exemplaribus bonâ fide & verbo tenus descriptis.

Vers. 4. Vocî Σάπας Θ addunt Codex Alexandrinus, Græco-Latinus, & aliquot alii Πύρρος, Pyrrhi, nempe, filius. Legitur etiam in Latino Interprete. Πρό Σάπας Θ, alii Codd. habent, Σωσίπας Θ. Æthiops Int. legit Πέτρος Θ, perperam.

Vers. 5. Οὐ περὶ προσελθόντες, hi cum præviissent. Alexandrinus Cod. habet ἔτι δὲ, alii προσελθόντες cum advenissent.

Ib. ἡμεῖς, nos; nempe, expectârunt, Paulum & Lucam, aliosque itineris comites. Alii Codd. αὐτὸν, illum, scilicet Paulum, quod sapit manum Criticam.

Vers. 6. Ἀρχὴς ἡμερῶν πέντε, & διεγίλαμεν, &c. intra dies quinque, ubi commemorati sumus, &c. Codex Bodleianus habet: ἀπὸ ἡμερῶν, à diebus, &c. & ὅτε pro &.

Vers. 7. συνηγμένον τῷ μαθητῷ τοῦ κλέσαι, &c. congregatis discipulis ad rumpendum, &c. Alexandrinus & aliquot alii: συνεγμένον ἡμῶν κλέσαι, congregatis nobis ad rumpendum. Ita etiam Syrus, Arabs, Latinus & Æthiops, Interpretes.

Vers. 8. ἦσαν συνηγμένοι, erant congregati. Alexandrinus & alii, præter memoratos Interpretes, ἦσαν ἐρίπαι. Sunt & qui omittant συνεγμένοι, quæ vox facilè subintelligitur.

Vers. 13. καθήμεν Θ, sedens. Alexandrinus & alii, καθέζεμεν Θ, quod est idem.

Vers. 13. προσελθόντες δὴ τὸ πλοῖον, progressi ad navem. Alexandrinus, προσελθόντες cum pervenissetis ad navem.

Ib. εἰς τὴν Ἀσσον, in Assiam. Codex Bodleianus, δὴ τὴν Ἀσσον. Alii Oxonienses Νῆσον Insulam, quod Librarius aut Criticus non intelligeret Ἀσσον esse nomen proprium loci, & crederet mendosè scriptum Ἀσσον pro τῇ, pro νῆσον. Sic &

versu 14. Syrus & Arabs Interpretes habent mendosè
 ΘΙΘΗ *thesos*, misto A cum Θ, quod facillè fit, si contigerit
 crura τῷ A ex inferiori parte paulò propiora esse quàm oportet.

Vers. 15. Καὶ μέναντες ἐν Τρογυλλίῳ, & cum mansissemus apud
 Trogyllium. Desunt hæc in Codice Alexandrino, unòque ex
 Bodleianis, nec lecta sunt à Latino Interprete. Habent illi
 codices in sequentibus verbis, τῇ δὲ ἐχμῆν.

Vers. 18. ὡς ὃ παρεγένοντο πρὸς αὐτὸν εἶπεν αὐτοῖς, cum ad
 eum venissent, dixit illis. Codex Alexandrinus, qui mutilus
 videtur vers. 15. hic est auctior tribus verbis, nam post
 αὐτὸν habet : ὁμῶ ὄντων αὐτῶν, cum unà essent. Eadem tamen
 etiam exhibet Græco-Latinus, & alii nonnulli ὁμοθυμαδὸν,
 unanimiter. Sic & Vulgatus : Et simul essent. At nec Arabs,
 nec Syrus Intt. nec alii veteres Codices ea verba agnoscunt.
 Sed cum nulla fuerit addendi ratio, fuit aliqua detrahendi;
 quodd, nimirum inutilia judicarentur, & sapere Glossema.
 Verùm cum superiora verba nequaquam obscura sint, non
 opus erat Glossemate. Itaque retinendâ censuerim, ut infi-
 nitas alias repetitiones, aut voces non necessârias, quas nemo
 umquam circumcidendas putavit.

Vers. 19. Δεξιὼν τῷ Κυρίῳ μὲν πάσης, &c. serviens Domino, cum
 omni, &c. Duo Oxonienses Codd. addunt, μεθ' ὑμῶν, serviens
 Domino vobiscum, cum omni, &c.

Ibid. πολλῶν δακρύων, multis lacrymis. Alexandrinus aliq;
 omittunt πολλῶν, nec legerunt Latinus ac Syrus Intt. Addi-
 tum videtur, ut plenior esset oratio, quia antecedenti sub-
 stantivo suum etiam erat Epitheton.

Vers. 23. διαμαρτύρεται, Alexandrinus Codex : διαμαρτύρετό μοι,
 mihi testatus est. Est præterea levis mutatio, in ordine ver-
 borum. At non modò Claromontanus, sed alii etiam Codi-
 ces addunt huic versui : μοι ἐν Ἱεροσολύμοις, quæ verba legit
 & Latinus Int. qui habet : tribulationes Hierosolymis me ma-
 nent. Videtur tamen esse Glossema, quod potuit addi,
 quasi circumstantia necessaria hic prætermisâ, cum nulla esset
 detrahendi ratio.

Vers. 24. ἑδνὸς λόγον ποιῆσαι, ὃ δὲ ἔχω ἢ ψυχὴν μου πῶσαι.
 Alexandrinus transponit ποιῆσαι & ἔχω, ut sit unum pro altera.

Ibid. διαμαρτυράω, testari. Addunt Græco-Latinus & alii
 Codd. Ἰουδαίοις καὶ Ἕλλησι, Judeis & Græcis.

Vers. 25. βασιλείαν τοῦ Θεοῦ, regnum Dei. Deest Θεῷ, in quibus-
 dam Codd. & pro eo est Ἰησοῦ, in Græco-Latino.

Vers. 26. καθαρός ἐγὼ, mundus sum. Græco-Latinus & tres
 Oxonienses habent pro ἐγὼ, verbum εἰμὶ, quod est conveni-
 entius Græcæ Linguæ, ut altera lectio Hebraicæ. Fini ver-
 sūs addunt aliquot Codices ὑμῶν, à sanguine omnium vestrum.
 Sic & Syrus.

Verf. 28. ἡ ἐκκλησία τῷ Θεῷ, *Ecclesiam Dei.* Habent Alexandrinus, Græco-Lat. & tres Oxonienses, τῷ Κυρίῳ, *Domini*, nempe, Jesu; alii eodem sensu τῷ Κυρίῳ καὶ Θεῷ, *Domini & Dei.* Posteriores hanc lectionem sequitur Arabs, priorem Syrus. Existimat *H. Grotius* veram lectionem esse κυρίῳ, sed facilem lapsum fuisse in compendiosa Scripturā διὰ pro κα. Non negaverim sanè fieri sæpe potuisse, ut miscerentur hæc compendia; sed cùm hic locus sit ex iis, quibus in controversiis suis maximè olim usi sunt Nestoriani & Eutychiani, non tam incuriæ Librariorum has varietates tribuerim, quàm Theologorum consilio, qui ex alterutra parte conati sint Paulum suum facere.

Ibid. διὰ τῷ ἰδίῳ αἵματι, *proprio sanguine.* Alexandrinus transponit hoc modo; διὰ τῷ αἵματι τῷ ἰδίῳ.

Verf. 29. ἐγὼ γὰρ οἶδα τὸ τοῦτο, *ego novi hoc.* Τὸ τοῦτο omittunt Alexandrinus Codex & alii, ut minùs necessarium.

Verf. 31. ἐναέλασον, *unumquemque.* Nonnulli Codd. addunt ὑμῶν, *vestrùm.*

Verf. 32. ἐποικοδομήσαι, *superstruere;* καὶ δοῦναι ὑμῖν κληρονομίαν, *in pœis, &c.* Εἰ dare vobis hereditatem inter, &c. Alexandrinus habet, οἰκοδομήσαι καὶ δοῦναι ἡ κληρονομίαν αὐτῷ ἐν τοῖς, *adificare & dare suam hereditatem inter, &c.* Sic etiam Codex Græco-Latinus & Bodleianus.

Verf. 33. Ποστὶς δὲν δὲ addit Bodleianus & Græco-Latinus, ὑμῶν, *nullius vestrùm.*

Verf. 34. αὐτοὶ δὲ γινώσκετε, *vos nistis,* MS. Alexandrinus, αὐτοὶ οἶδατε, *vos scitis.*

Ibid. ἀνπλαμβάνετε ἢ ἀδινέντων, *adjuvare infirmos.* MSS. Alexandrinus, ἢ ἀδινέντων ἀνπλαμβάνετε: ubi E scriptum mendosè pro ΑΙ. ob rationem allatam Cap. VI.

Verf. 35. Κυρίῳ Ἰησοῦ. Deest in Alexandrino vox Ἰησοῦ.

Ibid. Μακάριόν ἐστι δοῦναι μᾶλλον ἢ λαμβάνειν, *beatum est dare magis quàm accipere.* Traniponit Codex Alexandrinus, μᾶλλον δοῦναι ἢ, ut Latinus: *magis dare quàm.* Vertendum crediderim: *beata res est potius dare, quàm accipere;* quasi diceret Christus: homines vulgò putant beatos esse, qui multa ab aliis accipiunt, pauca reddunt; at si beatos dicere oportet eos qui dant atq; accipiunt terrenas opes, eos potius beatos dixerim qui dant.

Hæc satis supérque ostendunt quàm sæpe scribentes nonnulla omiserint, verborum ordinem mutarint, & miscuerint synonyma. Quæ quidem ut plurimum non mutant sensum, sed tamen non levem interdum mutationem in eopariunt, ut apparet ex verf. 28. Est interea cur Deum lau-

demus, quod noluerit fidem nostram pendere ex uno aut altero loco, aut ex aliquot vocolis, in quæ mutatio irrepere potuit, negligentiam aut nequitiam Librariorum, vel Theologorum. In iis quæ necessaria sunt, sat magnus est Còdicum consensu, ut omnem dubitationem nobis eximat. Verùm hæc non sunt hujus loci.

4. II. Facillimè etiam contingere potuit ut Dictantem, clara licet voce legentem & rectè pronunciantem, parum attentis Scribentes non satis audirent, ita ut aliter scriberent quàm dictabat. Innumera certè menda hinc orta esse videntur, ut faciliè intelligent, quicumque variarum Lectionum Syllogas paulò diligentius lustrabunt, aut Criticorum Commentarios legerint; nec necesse est, multis exemplis, rem comprobare. Aliquot tamen, more nostro, proferemus, eademque operà loca optimorum Scriptorum hætenus à viris doctis intacta, quoad quidem intelligere licuit, corrupta esse ostendemus, atque emendabimus.

5. Cicero * Lib. III. de Oratore Cap. 12. *Quare Cotta noster, inquit, cujus tu illa lata, Sulpici, nonnumquam imitaris, ut Iota literam tollas & E plenissimum dicas, non mihi oratores antiquos sed mæssores* **VIDERIS** *imitari.* Imò verò **VIDETUR**, alloquitur enim Crassus Sulpicium, qui aderat, non Cottam, qui non aderat, & de quo Capite antecedente. Aderat quidem C. Cotta adolescens, at non L. Cotta, de quo hic loquitur, qui Catuli grandioris jam natu sodalis erat. Sed cum præcessissent TU, tria que verba in secunda persona, & C. Cotta adesset; Scribens, pro *videtur*, audivit *videris*.

6. In eodem libro Cap. XVIII. ita loquitur Crassus de Stoicorum stylo: *Orationis genus habent fortasse subtile, & certè acutum; sed ut in Oratore, exile, inusitatum, abhorrenti ab auribus vulgi, obscurum, inane, jejunum; ATTAMEN* *ejusmodi, quo uti ad vulgus nullo modo possit.* Si attamen proximè subjiceretur primo periodi membro, & quidem voci *acutum*, nihil esset quod nos in hoc loco moraretur; aperta enim esset oppositio styli Stoicorum cum eo, qui coronæ acceptus esse possit. Sed in eo ordine verborum, legendum omnino est **AC TANDEM**, pro quo à dormitante Librario auditum *attamen*. Vitiis Stoici styli enumeratis, omnia paucis verbis complexurus, *ac tandem*, inquit, *ejusmodi quò uti ad vulgus nullo modo possit.*

7. Nescio an typographicus error haberi debeat locus Actionis I. in Verrem, ubi hæc leguntur, Cap. VI. *Quæ res primò, Judices, pertenui nobis argumento, judiciòq; par-*

* Ut Edit. Fabr. voluerit in 4. & usperà Crameriana in 12.

facta est; sed certum est legi oportere indicio. Simile peccatum est Lib. I. in Verrem. C. L. sed, in Gronovianis erratis, quasi typographicum notatum. Miror hunc locum industrii viri diligentiam fugisse.

8. Libro IV. in Verrem, Cap. II. ita loquitur Cicero de honore quo Senatores Romani ab exteris nationibus excipi solebant. *Ecquæ civitas est, non in provinciis nostris, verùm in ultimis ARATIONIBUS, aut tam potens, aut tam libera, aut etiam tam immanis ac barbara; Rex denique equis est, qui Senatorem populi Romani tecto ac domo non invitet?* Lege NATIONIBUS, pro qua voce Librarius audivit arationibus; quia in antecedente Oratione frumentaria, hanc vocem sæpius scripserat. Verum hic inepta est, & Cicero paulò post, pro ultimis arationibus, habet exteras nationes. Sic Cap. XXVIII. in exteris nationibus, usque ad ultimas terras pervagatum est; & Cap. XXX. *Quemadmodum hoc accepturas nationes exteras, quemadmodum huius tui facti famam in regna aliorum, atque in ultimas terras perventuram putasti?* Si & Ubii, apud Casarem de Bel. Gal. Lib. IV. c. 14. dicunt tantum esse nomen apud Germanos, atque opinionem exercitus Romani, & novissimo prælio facto, etiam ad ULTIMAS Germanorum NATIONES, uti opinione & amicitia Populi Romani tuti esse possent.

9. Oscitantia etiam Scribentis Librarii, factum esse puto ut vox nihili legatur, apud Lactantium Inst. Divin. Lib. V. c. 12. ubi de persecutionibus Ethnicorum: *Cur tam crudeliter sapiant, nisi quia metuumt, ne in dies invalescente iustitia, cum Diis suis NARINOSIS relinquantur.* Sic audiit, pro *araneosis*, hoc est, circaquos absentibus Sacerdotibus aranæ suas operas conficerent. Irridet Ethnicorum Deos, quorum simulacra indigebant operâ hominum, ut ab iis aranæ arcerentur; quæ, relictis eorum sacris, Tempia & statuas telis suis implerent; & quas ædificari ac Sacerdotes deicere solebant.

10. Unum Theophrasti locum duplici hic liberabo mendo, utroque, ut videtur, ex oscitantia Librarii dictantem perperam audientis. Sic ille loquitur Cap. XXVIII. in *ὀψιμαθίας* caractere *αὐτοὶ τῶ ὀψιμαθῆς· εἰς ἀγρόν ἐρ' ἵππε ἀλλοτρίῳ ὀχόμενοι, αἶμα μελετῶν ἀττάζειν, καὶ πᾶσιν ἢ κεφαλὴν κατακτείναναι.* Vertit Casaubonus: dum rus pergit, alieno equo vectus, simul obvios salutare meditatur cadens verò caput deturpit. Quenam est illa salutandi meditatio? & quidem ex equo? An aliis verbis salutabant equitantes, aliis pedibus incedentes? Non opinor. Sed fortè qui equo infidebant, ut conjectat

Casaubonus, certos gestus habebant, quibus utebantur in salutaris obviis. At nunc quidem hoc fit, quia inflexo corpore salutamus, & detracto Capitis integumento; verum olim nihil simile, cum verbis tantum salutarerent, ut *χαῖρε Θι-φρῆς*. Legendum est, *ἰππάζειν ὃ μελετᾷ ἰππάζειν* est *se exercere equitando*, ut faciunt qui eam artem discunt, dum in varias partes equum convertunt, calcaribusque & freno adigunt ut variis modis subsiliat, tum etiam ut concitatus currat. Sic apud *Xenophontem*, *ἰππικὴν μελετώντες*, in arte equitandi se exercentes, & alia, quæ *H. Stephanus*, alique Lexicographi suppeditabunt; nam res est manifesta & frequens.

11. Dum autem *ὄψιμαθ'ς* ab equo vehementius concutitur, tandem cadit, *ὥστε κεφαλὴν κατεγῆαι* ut caput frangat, non *καταγῶναι* deturpet, ut frigide *Casaubonus*, ex hac lectione Vet. Cod. *κατεγῆαι*. Qui cadit ex equo concitato, non modo sibi deturpat caput, sed plerumque lædit, & sæpe frangit. Fortè legendum etiam *κεφαλῆς*, sic enim loquuntur Attici. *Aristophanes* in *Acharensibus*, Act. V. S. I.

Καὶ ἡ κεφαλὴ κατέγει ὑπὲρ λίθον πικρὸν.

Fregit caput in lapidem incidens,

Ubi Scholiastes, ex Grammaticorum canonibus, ut ait, interpretatur *partem capitis*, non *totum caput*. Idem in *Vespis* p. 533. Edit. Majoris Genevensis :

*Ἀγὼς Συβαρίτης ἐξέπεσεν ἐξ ἄρματος,
καὶ πῶς κατέγει ἡ κεφαλὴς ὑπὲρ σφόδρα.*

Vir Sybarita excidit ex curru, & sibi magnam capitis partem fregit?

Idem contingere dicit Theophrastus senī, qui graviore ætate discit equitare, & quidem equo, cui non est adfuerus, & dum it in villam. Certa mihi videtur conjectura, & quam, si necesse esset, aliis locis firmarem.

CAPUT IX.

De Mendis ex imperitia Scribentis ortis, 2. dum non adsequitur Orthographiam, aut antiquiores literas.

1. **Q**UOD in hodiernis Linguis animadvertimus, intra tria aut quatuor sæcula, mutationem sat magnam factam esse, cum in Orthographia, tum etiam in ipsarum literarum figura; idem veteribus Linguis olim accidit, ut antea partim animadvertimus, unde etiam plurima menda orta sunt. Quod hic paulò plenius persequemur, & aliquot exemplis illustrabimus.

2. I. Ut ab Orthographia incipiamus, certissimum est, jam apud antiquiores Latinos, non semper eandem fuisse; nec opus est rem hic demonstrari, quandoquidem de industria id dudum à viris doctis, diligentèrque & copiosè factum est. Legenda hac de re quæ habent *Quintilianus Institut. Oratoriarum*, Lib. I. Capp. 4, 6, & 7. & *Marius Victorinus* initio operis de Orthographia, & ratione carminum. Inter recentiores verò adiri præ cæteris à tyronibus potest *Claud. Dausquius*, initio prioris voluminis Orthographicorum. Exemplum dumtaxat unum proferam ex *Cicerone*, ut eum obiter illustrem. Sic ille, in *Oratore*, Cap. XLVIII. Ego ipse, cum scirem ita majores loquutos esse, ut nusquam, nisi in vocali, adspiratione uterentur, loquebar sic, ut pulcros, Cetegos, triumphos, Carraginem dicerem; aliquando, idq; serò, convitio aurium, cum extorta mihi veritas esset, usum loquendi populo concessi, scientiam mihi reservavi. Orcivos tamen & Matones, Orones, Cæpiones, sepulcra, coronas, lacrymas dicimus, quia per aurium judicium semper licet. Burrum semper Ennius, numquam Pyrrhum. Vi patefecerunt Bruges, non Phryges, ipsius antiqui declavant libri. Nec enim Græcam literam adhibebant, nunc autem etiam duas. At hoc videtur factum, non tam ad vitandam literam Græcam, quam quia Macedones, quorum dialectus cum victoriis per totam Græciam, ante Ennii tempora, sparsa fuerat, ut ostendit *Claud. Salmassius* in *Comment. de Hellenistica*, ita vulgò loquebantur. Hoc nos docet auctor *Etymologici Magni*, in voce Ἀφροδίτη. τὸ Β πρὸ Φ αὐγχεὺς ἐστὶ δῆλον ἐκ τῆς Μακεδνῆας μὲν τὸ Φίλιππον Βίλιππον καλεῖν, καὶ τὸ βαλαχρὸν Βαλαχρὸν, καὶ τὸς Φρύγας Βρύγας, καὶ τὸς ἀνέμους διὰ

τὸ εὐστὰν εὐστὰς ὄντας βούκτας. * Alii similia animadvertunt.

3. Verùm Cicero miram Orthographiæ anomaliam, eodem loco, memorat: *Et cùm Phrygum, & Phrygibus dicendum esset, absurdum erat aut tantum barbaris casibus Græcam litteram adhibere, aut recto casu solum Græcè loqui; tamen & Phryges & Pyrrhum, aurium causâ, dicimus.* Ex hisce vocibus intelligere est, Ciceronis ævo, dici solitos *Phryges* & *Pyrrhus*, cum in aliis casibus, Enniano more, pronunciarent *Brugum*, &c. *Burri*, &c.

4. Hæc & similia multa, quæ congeri possent, qualia plurima collegit Cl. *Dausquius*, Critico debent esse notissima, si velit cum laude artem Criticam exercere. Acutè † Criticus emunctæ naris, in Epistola, in quâ profert vetus monumentum, initio hujus sæculi Romæ effossum, amicam monet ad emendationem tot errorum, quibus hodièque scatet *Plautus*, fons ille genuinae, puræq; Latinitatis, nihil utilius esse, quam eam tabulam ante oculos habere; ut, ubi quid in *Plauto* occurrit, quod suspicionem mundi habeat, statim tibi dica quam ratione illud, aut illud *Plauti* eos scribebatur? Quæ forma litterarum erat? quæ literæ interdum mittebantur?

5. Non procul erit nobis ejus rei quærendum exemplum, cum Cap. VI. §. 24. emendaverimus conclamatum *Terentii* locum, qui depravatus fuerat, partim eò quòd literas * duplices antiquissimi Romani non scriberent. Nempe, pro illis ab illo factum est illi *Balyo*, quia scriptum fuerat *in abilo*. Deinde quia Critici judicarunt hic ad luxum civium *Metropoleos Chaldaici Imperii* respici, pro I scripsere Y, & *Babylonem* in hunc locum invexere.

6. Veteribus usitatissimum erat præpositiones verbis compositis præfigere, sine mutatione, quæcumque litera sequeretur; non eas emollire mutatione, ut solemus. Sic in *Glossis* scriptum *Adclivis, Adsaber, Inprobare, Iremercabilis, Adcelero, Obsensus, Obpono*, &c. Idem factum in inseparabili præpositione CON, ut *Conlacrymo, Conlactaneus, Conlapsus, Conlatio, Conlaudo, Conloco*, &c. pro quibus, nos N mutamus in L, *Collacrymo, Collactaneus*, &c. Vetus illa orthographia passim, in antiquis Codicibus cernitur. Quòd cùm ignorarent Monachi, qui *Lactantium* nobis, Latinorum Patrum terfissimum, descripserunt, absurde loquentem virum disertissimum induxerunt, in eleganti *Libello de Opificio Dei*.

* Vide *Eustathium* in *Homer.* p. 1614. Ed. Rom.

† Tan. *Faber* Ep.

Lib. II. c. 22.

Adi. *fructus*, cl. 2. *Dausq.* Critic. Princ. §. II.

Ait † tantâ temeritate homines exstitisse, qui vulgò Philosophi nominantur, ut ea quæ abstrusa prorsus atque abdita Deus esse voluit, scrutarentur, ac naturam rerum cœlestium, terrenarumque conquirerent; quæ à nobis longè remotæ, neque oculis **CONTRACTARI**, neque tangi manu, neque percipi sensibus possunt. Scripserat Lactantius **CONLUSTRARI**, sed imperiti exscriptores, cum crederent scribi **COLLUSTRARI**, non agnoverunt hoc verbum in hoc loco, mutaruntque in *contractari*. Quo absurdius nihil fingi potuit, cum *conlustrare* oculis non modò proba sit loquutio, sed etiam *Ciceronis*, quem imitari nititur *Lactantius*. Scribitur autem hæc vox, etiam in *Glossis*, eò, quem diximus, modo: *Conlustrat, συμπελεχεῖ*. *Conlustrō, συμπενοῶ, συμπελεχμαί.*

7. II. Verùm non modò tenendum quæ fuerit Veterum Orthographia, ut varia menda inolita in eorum libris retexamus, & feliciter emendemus; sed & probè sciendum quibus characteribus usi sint, idque diligenter ad animum est revocandum. Nemo dubitat quin Latini literas suas Græcis debeant, sed initio literæ Latinæ multò similiiores erant Græcis, quam postea fuerunt, ut constat ex antiquissimis Inscriptionibus & Nummis. Exempli causâ P Latinum ferè scribebatur ut Π Græcum, nisi quòd crus dextrum brevius esse soleret; quo factum, ut celeritatis causâ angulus rectus qui eo crure, & superiore lineâ constat, in hemicyclum tandem mutaretur. Cernere hoc licet, in monumento de quo antea diximus, aliisque antiquissimis Inscriptionibus.

8. Quod cum ita sit, & constet Græcos suum *Sigma* nunc ita pinxisse ut Σ, nunc verò ut C, crediderim etiam Latinos, antiquissimis temporibus, posteriori hac figurâ interdum esse usos, quamvis exempla in Inscriptionibus, aut in Nummis non animadverterim. Itaque, quemadmodum quandoque Græca legentes Latini imperitiores S & C miscuerunt: sic, & in Latinarum vocum lectione, similiter erratum. In *Glossis*, legere est **BOCLUCA**, pro **BOS LUCA**, ἐλεφαντ*, notum enim est Romanos, cum primùm vidissent Elephantos, eos *Boves Lucas*, seu *Lucanos* dixisse. In iisdem *Glossis*, **BOSBUC** est pro **BOS**, βῦτ. Sed est alius insignior locus, in litera C, ubi legimus *Cana, παναχαια Θεός, παλιδ.* *Cana* à *Canus* est παλιδ; sed *SANA* à *Sanus* est *Panacea Dea*, *Æsculapii filia*. Attamen

† Pag. 778. Edit. Oxoniensis, ex Theatro.

* Vide Pijini Hist. Nat. Lib. VIII.

c. 6. & ad eum Inst.

utrumque sub eodem titulo latet, quod in priscis characteribus Latinis S quandoque ut C pingeretur. Non dubito quin ex antiquissimo Scriptore Latino hanc significationem vocis *Sana* hauserit *Glossograpus*, aut ii quorum industria illi præiverat, quicumque fuerint. Certè in Scriptoribus, quæ ad nos pervenerunt, quoad equidem novi, ea vox non existat; potuit tamen rectè dici *Sana* Dea, quæ sanaret, ut *Suada* quæ suadet, *Panda* à pandendo, *Horta* ab hortando, *Deverra* à deverrendo; & similes.

9. Credibile est in Veterum Scriptis, cum majusculis literis scribendi consuetudo paulatim inolefceret, sæpe à Librariis recentiori characteri aduetis peccatum esse, dum ambiguas ejusmodi literas legere nesciunt; quas postquam semel pro captu suo, characterè Langobardico expresserunt, menda consensu Manuscriptorum Codicum ita exaratorum consecraverunt. Poteest, ut videtur, exemplum ejus rei è *Terentio* proferri ubi Librarius expressit perperam figuram C literâ S, cum debuisset eam servare. Locus est *Adelphorum*, Act. V. S. 7. vers. 19. ubi mendum est, quo structura planè turbatur. Auctor est *Demea* filio, ut, missâ inani pompâ, inorto maceriam jubeat dirui, & illac sponsam, matrem & familiam omnem transducatur in ædes *Micionis*. Cum adfentiretur *Æschinus*, tum verò *Demea*, *Syre*, inquit, cessas ire, & facere? Nempe, diruere. At *Syrus*: quid ago? quid me jubes facere; nam, proximè antecedentibus verbis, alia nonnulla dixerat *Demea*, quibus factum erat ut ne à *Syro* intelligeretur. Tum *Demea*: dirue (maceriam) tu *ILLAS*, abi, & traduce; hoc est, tu *Syre*, dirue, tu verò *Geta*, illas abi & traduce; quorum verborum ordo est, ut aiunt, abi, & traduce illas; sed quis hanc trajectionem verborum ferat, in Comico æquè tereso, ac *Terentius* est? Certè *Dithyrambici* est Poëtæ, non *Terentii*. Lege: tu (*Geta*, nimirum) *ILLAC* abi & traduce; hoc est, cum dejecta à *Syro* erit maceria, illac tu abi domum, & per eandem viam traduce sponsam & totam familiam. Vult *Getam* quam brevissimâ viâ domum ire, ne mora ulla sit. Qui veteres Codices *Terentii* describebant videntur C interpretari, quasi esset S, cum esset tertium Alphabeti elementum.

10. Quod si hæc menda non videantur ex figura illa literæ S nata, quod tamen verisimillimum est, confugiendum erit ad similitudinem ductuum; si eorum aliqua pars deleta sit vetustate, aut à Librario non satis absoluta. Si enim inferior hemicyclus literæ S oculos fugiat, quod supererit simillimum erit literæ C. Sic pro *BOS*, potuerit fieri hoc; & pro *SANA*, cana. Vice versâ, si inferioris partis literæ C par-

C particula reflecteretur, potuit faciliè haberi S, ut pro ILLAC fieret illas.

11. Characteribus Romanis quadratis successerunt, ut antea diximus, Langobardici rotundiores; quorum etiam consideranda similitudo, cum locus quispiam mendii est suspectus, ut divinare possimus quomodo antea scriptum fuerit, & quid mendo occasionem præbuerit. Etsi exempla attulimus Cap. IV. quæ huc referri possunt, nihil vetat unum atque alterum hic addi, quo res manifestior fiat; potest enim multò facilius atque evidentiùs probari exemplis, quam ratiocinatione. Igitur ex Plauto unum, ex Terentio verò alterum proferemus.

12. Est locus Plauti conclamatus, eò quòd pro *ui* legatur *u*, pro *n* scriptum sit *r*, *os* pro *am*, & *a* pro *o*. Truculenti Act. I. S. 1. Dinarchus adolescens describit quæ sint in amore incommoda.

*Non omnis ætas ad perdiscendum sat est
Amanti, dum id perdiscat quot pereat modis.*

Tum interpositis octo versibus, quibus describit varias amantium calamitates; addit, ex MSS. Camerarii:

*Primum dum miror annua; (aut miros annuus) is primus boluist,
Ob eam, tres noctes utor. Interea loci
Aut ara, &c.*

Illud *ob eam* docere potuit Criticos legendum, in antecedente versu, *duim minam, annuo*; hoc est, primum rogat sibi *dem minam*; *annuo* daturum, & re ipsâ do; *ob eam, tres noctes utor*. Cum Librarii legissent *dum* pro *duim*, quod est veteri more * pro *dem*, mutarunt *minam* in *miror*, & *annuo* in *annua*, quæ nihil quidem significant, sed speciem constructionis præbent. Nimirum, corruptâ utrâ voce *dum* in *dum*, antiquiores librarii sensum nequaquam adsequuti, duas sequentes non satis elegantè scriptas legere non potuerunt, aut ductus fortè non satis integros supplere; ut solet fieri, cum ex superioribus sententia clara est. Postea Critici locum frustra tentârunt, ut liquet ex editione F. Taubmanni, & Lugdunensi, in qua sunt inanes conjecturæ duorum, in Republica Literaria, absque controversia summorum virorum, Claud. Salmasii & Joan. Fred. Gronovii.

* Tam *duim* quàm *perduim*, Anular. Act. IV. S. 6. vers. 6.

13. Locum in *Terentiana Eunuchō*, ob levem depravationem, non intellexere Interpretes, quos equidem vidi, nam omnes consulere nec possum, nec vacaret, si possem. Ea depravatio orta est, ex eo quod ex n, producto ad superiorem partem crure dextro, errante calamo, factum est d. Legat Lector, si vacat, Actūs IV. Scenam 7. ab initio ad vers. 24. ne quod habet *Terentius* nobis narrare hīc necesse sit. *Thais* exprobranti militi quod ipsi ante oculos amatorem suum adduxisset, *Chremetem*, nimirum, qui aderat, responderet: quid cum illo agas? quod hīc caret sensu. Lege **QUIN** cum illo agas; quibus verbis significat à milite ea de re cum *Chremete*, qui præsens erat, agi oportere, non secum; quia res *Chremetis* agebatur, cum sororem operā *Thaidis* invenisset, eaque de causa eum ad militem venire iussisset, & illinc, simul ac *Chremes*, se subduxisset. Sic in eadem Scena vers. 41. *quin abeamus*, pro imò abeamus, & sexcenta similia. Hæc cum non animadvertissent nonnulli Interpretes, verba, quid cum illo agas, tribuerunt Militi. Sic *Anna Fabra*, erudita matrona:

THRASO.

— rogitas?

Que mī ante oculos coram amatorem adduxti tuum!

Quid cum illo ut agas? & cum illo etiam te subduxti mihi.

At apparet, ex *Donato*, verbis illis præfixum fuisse nomen *Thaidis*. Præterea ut, contra veterum Codicum fidem, hic infarcitur, ante *agas*. Sic sæpe locus non intellectus, ob mendum, novo mendo corrumpitur. Imò verò ex ipsa versione Gallica liquet vīn inferri loco, sic enim vertit: *Me le demandez vous, vous qui à mon nez m'avez amené votre galand, & qui vous êtes dérobée de chez moi avec lui? Pour qu'il les affaires donc, je vous prie?* Nani non est inversa hæc translatio, alia de causa, quam quia verba *Thrasonis* hæc omnia esse non possent, si ordo hic servatur. Vertendum erat, hoc modo. **THRASON.** *Me le demandez vous, vous qui avez amené votre galand en ma présence?* **THAIS.** *Que ne vous adressez vous à lui même.* (En montrant *Chremes*) **THRASON.** *Et qui vous êtes retirée secrètement de chez moi, avec lui?* Simile mendum suspicor esse apud *Plautum*, in *Bacchidibus*, Act. I. S. 1. vers. 7. ubi cum *Bacchis* dixisset: *misereus nihil est quam mulier*: suggerit *Pistoclerus*: quid est d'cis dignius? quod interpretantur, merito mulieres esse dignas miseriis, quas queruntur, nihil enim iis dignius esse. Quis sensus quidem est, sed interrogatione huiusmodi vix exprimitur.

exprimatur. Itaque legerim QUIN esse dicis dignius, nempe, miseriis omnibus; ita ut adolescens emendet sermonem meretricis. Usus hunc particulæ quin si quis ignoraret, intelligi posset ex Casinæ. Act. III. S. 4. ubi duodecies repetitur, in paucis versibus.

14. Ut à Latinis ad Græcos transeamus, duplici etiam caractere habemus MSS. Codd. Græcos, quorum vetustiores exarati sunt caractere grandiori & quadrato; alii verò rotundo & minori, qualis est is, quo nunc vulgò utimur. Magni autem est momenti, in originibus mendorum inquirendis, conferre inter se literas; cum per sæpe menda ex similitudine majuscularum orta, vix ex minuscularum ductibus oriri potuerint, & vice versâ. Itaque qui legunt Scriptores Græcos, iis characteribus, quibus nunc solent edi, sæpe non adsequuntur quæ literæ tam diversæ misceri potuerint.

15. Exempli causâ, Α, Δ, & Λ in majusculis literis facile misceri potuerunt, difficilius in minusculis α, δ, & λ. Si enim lineola media Α deleatur, aut non satis plene scribatur, videbitur esse Λ: ut contra si quid incidit inter crura posterioris, credetur esse Α litera Δ, si infima lineola pauld attollatur, potest fieri Α; si non plene exaretur, videbitur esse Λ: ut si fortè quid incadat inter infima crura hujus, credetur esse Δ, quemadmodum etiam Α, si media linea nimium deprimatur.

16. In Glossis legimus: Gibus (lege gilbus) γιβς, pro ΓΙΑΒΟΣ. Steludio, σταυκιον, pro ΧΑΜΟΤΑΚΙΟΝ. Setosus, δασις, pro ΔΑΣΙς. Fastidium, λειψμα, pro Fastigium, Λειψμα. Harum literarum permutationem frequentem esse observavit * Claud. Salmasius, emendatque, ex hac observatione, Dioscoridis locum Lib. V. c. 146. ubi, pro Πλαγιοπόλεως, legit Παλαιοπόλεως, additque notum esse Græcè intelligentibus Α & Α sepe invicem mutari in eorum scriptura. Alibi, postquam egit de variis sententiis Geographorum, de situ populorum Arabiæ, qui Catabanes dicebantur, animadvertit mendosè eos à Dionysio, vers. 978. dici ΚΑΤΑΒΑΝΕΣ. * Scriptum erat, inquit, ΚΑΤΑΒΗΝΟΙ, nam Α & Α sepe invicem permutantur; unde postea, adjecto Ε, fecerunt ΚΑΤΑΕΗΝΟΙ, quod copiosius prebat. Suspiciatur etiam fluvium, qui in Oxum à Plinio & Solino labi dicitur, à Ptolomæo non Δαργιδον, sed Δαργιδον dictum; * ut Δ & Α, inquit, sæpenumero confunduntur.

* Pag. 778. Ed. Vitræus. col. 2.
col. 1.

† Ibid. p. 352. col. 2.

* Pag. 153.

17. Ut liquidius appareat quanti sit momenti, omiſſis figuris librorum editorum, antiquas attendere, duo exempla addemus quatuor aliarum literarum; quas ante aliquot ſæcula miſtas fuiſſe conſtat, & quæ tamen in rotundiori charactere vix poſſunt miſceri. Θ & Ο facillimè miſceri poterant, ſi media lineola τῷ Θ fortè abraſa eſſet, aut guttula atramenti in Ο delapſa. *Galenus* in Lib. VI. Epidemiorum: Ἐπεὶ δ' εἴσιντε καὶ τὴν ἀμυν σφάλλον, πλὴν βέλτιον εἶδεν τοὺς εὐλόγον πρὶ ἀρχαίαν γραφὴν, εἰ μὲν σπεῖλαιεν ἐκείνῳ ἐξ ἡμετέρας, μὴ διανοήσιν δὲ ποτε τὸ τοιοῦτον, πιδανὴν τὴν ἐπὶ ἀνέροσιν αὐτῶν ποιήσας, καθάπερ ὁ Ἡρακλείδης ἐν τῷ δατέρῳ τῷ δὲ δημίων ἐποίησεν; καὶ τὴν λέξιν ἐκείνῳ ἢ γράψας. Περὶ δ' τὸ Ἀφροδίσιον αἱ Οὐραὶ ἔβλεπον. Ἐπειδήπερ τοῖς ἐξεγνημένοις τὴν Οὐρὰν γραφὴν, ἀπιδανὸς εἶρε, τάχα, φησὶ, Οὐραὶ μὲν ἢ γράμμιον, διὰ τῷ Θ, τῇ μέσῃ δ' γραμμῇ ἐν αὐτῇ διαφθαρσίῃ ἐδύξεν ὁ βιβλιογράφος Οὐραὶ γράφει. Quandoquidem in utroque aliquando falluntur, multò melius mihi viſum eſt ſervare veterem ſcripturam, & ſemper quidem conari eam interpretari; ſi verò aliquando id præſtare non poſſem, ejus correctionem probabilem facere: ſicut *Heraclides* in ſecundo Epidemiorum fecit, in ea ſermonis parte ubi ſcriptum: Ad *Aphrodiſium* αἱ Οὐραὶ ſpectabant: nam cum interpretantibus ſcripturam Οὐραὶ, improbabiliter dictum eſſe videatur fortè, inquit *Heraclides*, Οὐραὶ ſcriptum fuit per Θ, cum verò media linea in litera Θ deleta fuiſſet, credidit *Librarius* Οὐραὶ ſcriptum fuiſſe. Similiter vir eruditus conjecit indicem libri, qui inter *Ethica Democriti* Opera recenſetur à *Diogene Laërtio*, non debuiffe ita concipi, ἐπισημάτων ἢ οἰκῶν, ſed ἐπισημάτων ἢ οἰκῶν. Vide *Æg. Murgium*, ad Lib. IX. §. 46.

18. Notum eſt * à *Plin.* ſæpiſſimè exſcribi *Dioſcoridem*, quem etiam interdum imperitè ab eo converſum oſtendit ſummus Criticorum *Claud. Salmaſius*. Locum nunc proferam ex quo liquebit ambiguis, ductibus literarum majuscularum fuiſſe deceptum. Eum ſuppeditabit idem, quem laudavi, Criticus. Sic *Dioſcorides* deſcribit *Glycyrrizam* Lib. III. c. 7. Ἔσθ' ἡ δαμνίσκος ῥαβδος ἔχον διπλήεις, καὶ ὅς τὴν φύλλα πικρά, εἰκοῖτα Σ ΧΙΝ Ω Ι, ἀπὸ καὶ κελεύει ἀφαιρῆναι. τὸ δ' ἀνδρὸς ὑακίνθου ὁμοίον, καὶ τὸς ἡ πλατάνου σπυρίων ὑακίνθου. Intergrum locum deſcripſi, ut liqueret *Plin. Dioſcor.* interpretem agere. Sic loquitur Lib. XXII. C. 9. Sine dubio inter aculeata eſt (*Glycyrriza*) foliis *ECHINATIS*, pinguibus, radicis gummoſis, fruticosa, binum cubitorum altitudine, flore hyacinti, fructu pilularum platani magnitudinis. Jam audi *Salmaſium* *: *Plinius*, inquit, legit εἰκοῖτα ἐχάνω vel ſuis oculis

* Vide *Præf.* ad *Exercit. Plinianum* in *Solinum*, & ad Lib. de *Homonymiis* *Hylet* *Iatricæ*.
† P. 129. col. 1.

malè usus, vel alienis malè credulus, vel certè visio corrupti exemplaris seductus. Vetustissimum Bibliotheca exemplar *xxx* disertè scriptum præfert. In aliis antiquis & grandioribus literis Gracis, nulla ferè discretio est inter E & Σ. Utraque siquidem semicirculi figurà depinguntur. Exiguo tantum apice, qui medio ferè ponitur, distingui solet Ε-ϰαδν, sic facilè subrepere Plinio potuit ε-ϰν pro ϰν.

19. Hæc vir summus, quæ mihi in memoriam revocant salubre rei Criticæ monitum, quod omnes qui ex Codicibus MSS. edunt, aut denuo emendant Veteres, in animo scriptum habere oporteret. Hoc, nimirum, est; debere eos diligentissimè describere Manuscriptos suos Codices, & illorum Characterum Specimen quodpiam æri incisum edere, ut Lectores possint integrum Alphabethum cernere; quo cum antiquitatem Codicis intelligant, tum etiam de locis corruptis judicare possint. Sæpe enim non licet viris doctis eos MSS. adire, seu ob distantiam locorum, seu ob præsectorum Bibliothecis invidiam, aut inhumanitatem, seu ob alia impedimenta, quæ memorare nihil attinet. Sæpe tamen contingit, ut qui MSS. Codd. non viderunt eruditione multum superent eos, quibus illos Codices evolvere licet; quo fit ut multa felicissimè emendent, quæ alios fugerunt. Plura autem sine dubio & certius peccata retererent, & emendarent, si liceret ex forma ipsa Characterum conjecturam facere. Vixit olim in Anglia vir eruditus *Patricius Junius*, qui primus edidit Epistolam *Clementis* Romani, ex antiquissimo illo MS. Alexandrino, quem nè dignatus quidem est describere, cum hoc magni interesset. At tum vivebant extra Angliam plurimi, qui *Junio* haud paulò doctiores erant, & qui ex descriptione, qualem diximus, multa colligere potuissent, quæ vir bonus non potuit; qui quàm magnus Theologus fuerit nescio, sed perquàm modicè in rebus Criticis versatum fuisse, ex ejus Præfationibus & Notis, facile intelligent omnes qui eas legent. Interea grato in eo nos animo esse oporteret, qui quod potuit præstitit, si descriptionem Codicis, quo usus est, excipias.

CAPUT X.

Distinctionum omissionem multa Menda peperisse.

NEMO nescit longè maximum esse intelligendi auxilium, quod petitur ex accurata distinctione vocum, Periodorum, Commatarum, & Colorum, qualem in libris potissimum, qui à sesqui-sæculo eduntur, cernimus; ut jam taceam alia quæ de accentibus, & majuscularumque & minuscularum literarum distinctione inventa sunt. At veteres Librarii, ut norunt qui MSS. Codices antiquiores viderunt, hæc omnia sæpe negligebant. Grammaticorum aut Criticorum munus erat exemplaria, quæ recensebant distinguere. Hæc primum probabimus, deinde exempli aliquot mendorum indidem notarum addemus.

Constat ex Inscriptionibus antiquissimisque MSS. plurima olim scripta, sine ullis prorsus distinctionibus; esse additum punctum, post omnes voces, aut post singula dumtaxat clausulas. Sunt enim plurimæ Inscriptiones, sunt Codices non pauci, sine ullis punctis, aut distinctionibus; sunt in quibus singula verba puncto distinguantur; sunt denique in quibus periodi, aut longiores phrasæ distinctione quapiam sejunguntur. Certum tamen est non parum ad intelligentiam facere, non modo periodorum distinctiones, sed & cæteras omnes, quæ postea sunt inventæ, ut ostendemus.

3. De Inscriptionibus nihil dicam, quia in Collectionibus Jan. Gruteri, & aliorum singulæ pænè paginæ exempla suppeditabunt, aut etiam *avro-sia*. Exstat verò, de Pandectis Florentinis, testimonium Ang. Politiani, *Miscellaneorum* Cap. XLI. Volumen ipsum, inquit, Justiniani *Digestorum* seu Pandectarum, dubio procul archetypum, in ipsa Curia Florentina à summo Magistratu adservatur, magnæque veneratione, quamquam rarè id etiâque ad funalia ostenditur. Est autem liber haud quora spoliis prædæque Pisana portio, sæpe à Consultis citatus; majoribus characteribus, NULLISQUE INTERVALLIS dictionum, nullis item compendiariis notis; quibusdam etiam, saltem in præfatione, velut ab auctore planè, & à cogitante, atque generante potius quàm à librario & exceptore indutis, expunctis ac superscriptis; cum Græca Epistola, Græcæque etiam pulcherrimo Epigrammate, in prima fronte. Id Epigramma sub-

subjicit, dein ita pergit, ut scias non ex aliorum narratione hominem loqui: Cujus tamen voluminis legendi ac versandi per otium, mihi est uni facta copia, Laurentii Medicis operâ.

4. Similia animadvertere licet in Græcis Codicibus, non eorum dumtaxat, qui prosâ oratione usi sunt, sed etiam Poëtarum. Idem Politianus Cap. LVIII. *Sibyllini versus*, inquit *nunc quoque, apud Zosimum, vetustissimis quidem codicibus, citra ulla fastigia (hoc est, sine distinctione versuum) qualésque de industria subjecimus, reperiuntur.* Inepti homines, qui præsuere editioni *Miscellaneorum Politiani*, qualis habetur in Tom. I. *Theauri Critici Jani Gruteri*, eos versus distinxerunt, & interpunxerunt, ut solent hodie, ita ut sibi constare *Politianus* non videatur; sed sunt adeundæ antiquiores Editiones. Certè jam olim ita descriptos Sibyllinos versus colligere est ex *Suida*, in voce *Sibylla*: ὅτι ὁ οἱ σὺροι αὐτῆς ἀτελεῖς καὶ ἀμετροὶ εὐείσκηον, καὶ τὸ προφήτιδος ἔστιν ἡ αἰτία, ἀλλὰ τὰ ταχυγράφων ἢ συμπροσπάντων τῇ ῥῆμει τῷ λόγῳ, ἢ καὶ ἀπαιδωτων γενομένων καὶ ἀπείρων γραμματικῆς. quòd versus ejus imperfecti, & sine metro inveniuntur, ejus rei causa non est Prophanis, sed notarii, qui impetum sermonis sequi non poterant vel qui ignari fuerunt, aut imperiti Grammaticæ.

5. Sine distinctionibus aiunt esse antiquissimos illos Codices, ex quibus edita est Romæ versio LXX. Intt. ut & Alexandrinum; quod non modò de distinctione commatum, qualis nunc habetur, sed de omni prorsus distinctione intelligendum. Primus Libros Sacros interpungere aggressus Hieronymus. Sic ille, in Præfatione in Josuam: Monemus Lectorem, ut sylvam Hebraicorum nominum, & distinctiones per membra divisas diligens Scriptor conservet, nè & noster labor & illius studium pereat. In Præfat. in Paralipomena: quod nunc DABRE JAMIM, id est, verba dierum interpretatus sum, idcirco feci ut inextricabiles moras, & sylvam nominum, quæ Scriptorum confusa sunt vitio, sensumque barbariem apertius & per versuum cola digerere; mibimet ipsi & meis, juxta Ismeniam, canens, si aures jurde sunt cæterorum. In Præfat. in Ezechielem: Legite & hunc, juxta translationem nostram, quia per cola scriptus & commata, manifestiorem legentibus sensum tribuit. Quartum etiam ejus locum, hæc de re, postea proferemus.

6. Observavit vir eruditus, quamquam sæpe æquo acrior, & affectu peccans, Joân. Morinus, in Exercit. XVII. Operis de Hebræi, Græcique textûs sinceritate, * Antiquos tam Græcos, quàm Latinos, continuâ literarum serie scripsisse, nullis super aut inter verba distinctionibus, aut accentibus adscriptis. Tum

verò, ejusmodi, inquit, adhuc visuntur multi Codices, cum Græci, tum Latini. Hoc modo Græcè scripta sunt majoribus, seu uncialibus literis, in Regia Bibliotheca S. Gregorii Nazianzeni opera. Epistolæ S. Pauli Græcè & Latine, majoribus literis descriptæ eodem modo, conservantur in fratrum Puteanorum Bibliotheca, aliique Codices alibi exstant, antiquum scribendi morem retinentes. Magna Pars librorum, qui ante centum, supra mille annos, scripti supersunt, est istiusmodi.

7. Fatendum tamen est, ante hæc tempora, interpunctionem inventam fuisse, quâ non modò vocabula singula, interpositis punctis, secernerentur, sed etiam cola & periodi. Certè verba διαίρεσις & interpungere hoc significatu non potuerunt usurpari, nisi res inventa fuisset; nemo enim rei, quam non novit, nomen excogitaverit. Est insignis, hanc in rem, Aristotelis locus, quem sub finem hujus Capitis proferemus, ubi eo sensu occurrit vox διαίρεσις. Cicero * videtur significare suo tempore, in Orationibus, id jam fuisse observatum. Clausulas, inquit, atque INTERPUNCTA verborum animæ interclusio, atque angustia spiritûs attulerunt. Perspicuum est eum agere non modò de clausularum, seu finium periodorum distinctionibus, sed & de colorum; quid enim essent interpuncta verborum, præter membrorum interpunctiones? At paulò antea negat, inquit, hoc Veteribus fuisse usitatum: † Versus, inquit, Veteres illi in hac soluta oratione propemodum, hoc est, numeros quosdam adhibendos nobis esse putaverunt. Interspirationis enim, non defatigationis nostræ, neque LIBRARIORUM NOTIS, sed verborum & sententiarum modo, INTERPUNCTAS clausulas in Orationibus esse voluerunt. At hoc vult Cicero, veteres Rhetoras voluisse, non tam notas Librariorum, quàm divisionem colorum & sententiarum, spectari in interspirationibus; unde liquet, eas notas non fuisse inusitatas. Justus quidem Lipsius, * in Epistola, in qua de Interpunctione agit, prolato posteriore loco Ciceronis, & priore dissimulato, ait eum altroveorsum duci planissimè posse; quasi dicat Veteres idèò non usurpasse in clausulis interpuncta, nè ea potius quàm modum & modulum, in verbis, considerarent. Sed Cicero non dixisset Veteres noluisse interspirationes esse, pro interpunctionibus & notis Librariorum, si nullæ fuissent, sed fuisse ignotas, nec interspirandi ulla habuisse eos indicia, præter sententiam verborum, & constructionis perfectionem. Res est clara, sed in Hieronymi locum, quo mirum in modum

* De Oratore L. 3. c. XLVI. † Ib. c. XLV. * Cent. 3. Miscell. Ep. XXXIX.

confirmatur. Ita loquitur in Præfatione Esaiæ: Nemo cum Prophetas versibus viderit esse descriptos, metro eos æstimet apud Hebræos ligari, & aliquid simile habere de Psalmis vel Operibus Salomonis; sed quod in Demosthene & Tullio fieri solet, ut per cola scribantur & commata, qui utique prosa & non versibus conscripserunt: nos quoque utilitati legentium providentes, interpretationem novam novo scribendi genere distinximus. Ut, nimirum, Rhetores solebant in gratiam Discipulorum interpungere Scripta Oratorum, ut intelligerent adolescentes ubi essent moræ interponendæ: ita etiam Hieronymus fecit, in usum eorum, qui legebant Scripturam. Quid velit autem Hieronymus, videre licet in eleganti Editione Canonis Hebræici, quam curârunt nuper Lutetiæ Benedictini Monachi. Scripsit etiam * Claud. Salm. in Bibliotheca Regis Galliæ, exstare Codicem Tusculanarum Quæstionum, manu exaratum satis magnæ vetustatis, in quo non ordine continuè, sicut in aliis tralatitium est, libri descripti feruntur; sed saltuatim per inæquales periodos, eo prorsus modo, quo Biblia sacra videmus.

8. Ad hoc interpunctionis genus crediderim respicere Senecam Ep. XL. sive Lib. V. Ep. V. ubi ostendit virum gravem non decere nimis celerem orationem; eosque castigat qui, uno veluti spiritu, quæ pronunciabant recitare videbantur. Q. Haterii cursum, inquit, suis temporibus oratoris celeberrimi, longè abesse ab homine sano volo. Numquam dubitavit, numquam intermisit; semel incipiebat, semel desinebat. Quædam tamen & nationibus puto magis, aut minus convenire. In Græcis, hanc licentiam tuleris; nos etiam cum scribimus, INTERPUNGERE consuevimus. Hæc M. Ant. Muretus & Just. Lip. intelligunt de interpunctione post singula verba; & Muretus quidem, omnia, inquit, scribebant Veteres iis litterarum formis, quas hodie majusculas vocamus. Neque ulla ferè erant inter singulas voces intervalla. Punctis interjectis, vocem à voce distinguebant, hoc modo: QUAMQUAM. TE. MARCE. FILI. Non nego ita persæpe esse factum, idque ex Veteribus monumentis liquet, sed semper non puto. In hoc Senecæ loco, ubi de Oratore sermo est, videtur interpunctio per cola, & periodos significari; in iis enim locis interspirare oportet Oratorem, non post singula verba, aut ubicumque visum fuerit. Puncta, qualia memorat Muretus, hunc tantum usum habebant, ut nè voces miscerentur; non ut docerent, ubi interspirandum, aut mora interponenda esset.

* Prælegem. in Solinum, sub finem.

9. Sed & in instrumentis publicis ac privatis, Jurisconsulti solebant diligenter interpunctiones curare, ut significat Cicero in * Oratione pro Murena, ubi ita de Jurisprudencia: *Primum dignitas, in tam tenui scientia, quæ potest esse? Res enim sunt parvæ, propè in singulis literis, atque I. N. TERPUNCTIONIBUS verborum occupatæ.* Ad quæ verba ita Lipsius, in Epistola memorata: *Locus alter dicat, Juris interpretes in minutis occupari, scrutari in Contractibus apices literarum, & puncta verborum; quia nempe, ambigua sæpe hæc ista & ad anteriora aut sequentia ducenda.* Id enim eveniebat in illis solitariis punctis, quæ verba, ut dixi, singula non membra, aut sensus, secernebant. Atqui ex omissione ejusmodi puncti, non magna nascitur ambiguitas, nec additione tollitur; sed subinde maxima est, nisi partes orationis distinguantur, quod cavere conabantur Jurisconsulti. Nulla est ars, in interpungendis singulis verbis, iis qui Linguam tenent; sed est aliqua in dividendis apud membris & periodis, cum & permultos in ea re peccare videamus, cumque plurima loca propterea non intelligantur, in Scriptis Veterum. Itaque capienda sunt verba Ciceronis, de hac posteriori interpunctione; & ita capit vir eloquentissimus Alonius Palearius, in Oratione in † L. Murenam, quam Ciceronianæ pulcherrima æmulatione opposuit. Dignus est locus, qui legatur.

10. Sed Lipsium ex ipso Lipsio confutemus, cum præsertim hoc ad nostrum institutum pertineat. Franc. Raphelengium de MS. suo Codice Tragediarum Senecæ, ita monet: *Illud te moneo, interpunctiones & discrimina esse; quorum cum in ejusmodi subtilioribus Scriptoris GRANDE MOMENTUM sit, tu vide ut concinnes.* In monitis, quæ præfixit suis Politicis, ita alloquitur Lectorem: *Ut distinctiones observes, id est, in fine cujusque clausule cola posita, semicola, puncta aut bipuncta.* Nam pro his, sententia tibi tota terminanda est, scilicet aut sustentanda. In Introductione verò ad Senecam: *Alterum, inquit, quod à me propriè imputo, est interpunctio, & sensuum, verborumque distinctio; quæ confusa, aut indecora antea in Seneca — Præter lucem sententiæ, quam largiter infudimus, faciem eloquentiæ reddidimus, uberis illius & profluentis.* Si tanti momenti sit interpunctio, quali nunc utimur, an credibile est vereres Jurisconsultos, quorum erat cavere nè qua in Contractibus esset ambiguitas, aliud nihil curasse, nisi ut singula vocabula essent

* Cap. XI. † Pag. 25. Editio nuper Amstelædamensis. †: Præf. Anim. in eas Tragedias.

punctis divisa; quod maximas ambiguitates ex oratione nequaquam exterminat; præsertim, cum jam inventæ à librariis essent notæ, quibus verba & clausulæ interpungebantur, ut ex *Cicerone* ostendimus?

11. Ejusmodi interpunctionem intelligi à *Suëtonio* crediderim, ubi dicit à *Valerio Probo* multa exemplaria distincta fuisse. Locum * antea attulimus, nec repetere necesse est. Similem laborem suscepit *Nicanor*, Grammaticus *Alexandrinus*, sub *Hadriano*, qui varios libros scripserat περὶ στυμῆς καὶ ὅλων, de interpunctione universè, & περὶ στυμῆς παρ' Ὀμήρου & Ὀδύσσειας Καλλιμαχίου de interpunctione apud *Homerum* & *Callimachum*; qua de causa *στυματίας*, quasi *Interpunctio*, dictus erat.

12. Quæ cum ita sint, satendum interpunctionem Veteribus non fuisse ignotam; at nec minus certum fuisse neglectam, ut antea ostendimus. Certè in Græcis & Latinis Scripturæ Codicibus, ante ævum *Hieronymi*, planè ommissa fuerat. Quâ omissione, lectio distincta Scripturæ difficilis fiebat, nec committi publicè poterat hominibus profus indoctis. Ac sanè *Cassiodorus*, Præf. in divinas & lectiones, observat *Hieronymum* simplicium fratrum consideratione pellectum, in prophetarum præfatione dixisse, se propter eos qui distinctiones non legerant apud Magistros secularium literarum, colis & commatibus translationem suam, sicut hodie legitur, distinxisse. Quod nos quoque, subjicit *Cassiodorus*, tanti viri auctoritate commoti, sequendum esse judicavimus, ut cetera distinctionibus ordinentur --- Reliquos verò Codices, qui non sunt tali distinctione signati, Notariis, diligenti tamen curâ sollicitis, relegendos atque emendandos reliqui.

13. Cum ergo Scriptores non distinxissent ut plurimum Scripta sua, ea cura ad alios devoluta est, seu Grammaticos, seu Notarios, ut loquitur *Cassiodorus*, hoc est Librarios Grammaticis multo imperitiores, qui per sæpe malè distinxerunt quæ non satis adsequebantur. Proferebamus modò verba *Lipsii*, *Senecam* malè habitum ab iis querentis, & inter ea, quæ præstitit in Editione *Senecæ*, interpunctionem non ultimo loco ponentis. Aliquot tamen exempla subjiciemus.

14. Ita loquitur *Crassus*, apud *Ciceronem*, Lib. III. de Orat. C. 13. Prætereamus igitur præcepta Latine loquendi, quæ puerilis doctrina tradit, & subtilior cognitio, ac ratio literarum alit, aut consuetudo sermonis quotidiani ac domestici libri confirmant, ac lectio veterum Oratorum ac Poëtarum. Sic

* Cap. II. §. 21. † Vides & Cap. XII. ejusdem operis, 1

lego in duabus Editionibus, quæ sunt ex Gruteriana expressæ; alias consulere nunc non vacat. At sine dubio *domestici* debet sejungi à sequente voce *libri*. *Quotidianus ac domesticus sermo* dicitur, quem habemus cum iis quibuscum vivimus, cujus non semel meminit *Cicero*, in his libris, & cujus mentionem fecerat in superioribus verbis, ubi de *Lælia*. At *domesticos libros* nescio an ullus umquam dixerit. Est ergo interpungendus locus, hoc modo: *domestici, libri, &c.* hoc enim vult *Cicero*: *præcepta Latine loquendi alit cognitio literarum, aut consuetudo sermonis domestici, confirmant libri, &c.*

15. *Liv. Lib. III. C. 11.* ita describit *Cæsonem Quintum*: *Ferox juvenis, quâ nobilitate gentis, quâ corporis magnitudine ac viribus. Ad ea munera data à Diis, & ipse addiderat multa belli decora, facundiamque in foro; ut nemo, non linguâ, non manu promptior, in civitate haberetur.* Ita hic locus vulgò interpungitur, ex qua interpunctione dici posset *nemo non manu promptior fuisse Cæsonem*, nam *promptior* conjungitur cum *manu*; quod menti *Livii* planè contrarium est qui, *Cæsonem* quemquam *manu promptiorem fuisse* negat. Itaque sic interpunge: *ut nemo, non linguâ, non manu, promptior, ut promptior conjungatur cum nemo; nam ordo est: ut nemo haberetur promptior in civitate, non manu, non linguâ.*

16. At, inquires, an hoc est tanti? Ego verò nihil sperni debere puto, quod ad perspicuitatem orationis conferat; & ut aliud nihil esset interpunctionis cura negligi non deberet. Sed præterea viri docti sæpe delusi, omissione distinctionis, voluerunt violentas manus inferre Veterum Scriptis. Exemplum suppeditabit *Dion. Lambinus Lib. I. de Oratore C. 59.* ita loquitur *Antonius*: *Quid est Oratori tam necessarium, quàm vox? Tamen, me auctore, nemo dicendi studiosus, Græcorum more, & Tragædorum voci serviet, qui & annos complures sedentes declamitant, &c.* In his verbis mendum esse credidit *Lambinus*, quòd deesset distinctio, quæ * de causa, invitis libris, legit, *Græcorum more, Tragædorum voci serviet, &c. deletâ copulâ; quasi, nempe, voci conjungendum esset cum Tragædorum.* Sed ita interpungendum: *nemo dicendi studiosus, Græcorum more & Tragædorum, voci serviet, &c.* ordo est: *nemo voci serviet, more Græcorum & Tragædorum, qui annos, &c.*

17. Imò verò interpunctio vitiosa fecit ut, in locis Scripturæ, ea interdum quærentur, quæ iis inesse nemo somniasset, si rectè interpuncta fuissent. Hæc sunt verba *Pauli*

* Vide *Jan. Gruterum, ad hunc locum.*

1 Tim. III. 15. Ἐὰν ᾖ βροῦνῳ, ἵνα εἰδῇς πῶς δὲ ἐν οἴκῳ θεοῦ ἀναστρέφεται, ὥτις ἐστὶν ἐκκλησία θεοῦ ζῶντος, σῦλς καὶ ἰδραῖωμα τῆς ἀληθείας. 16. Καὶ ὁμολογούμενος μίχα ἐστὶ τὸ τῆς εὐσεβείας μυστήριον. 15. Si autem tardavero, ut scias quomodo oporteat te in domo Dei conversari, quæ est Ecclesia Dei vivi. Columna & firmamentum veritatis. 16. Et manifestum magnum est pietatis mysterium. Post ζῶντος vivi debet esse πλεῖα σγμὴ, hoc modo: quæ est Ecclesia Dei vivi. Columna & firmamentum veritatis, & manifestum magnum est, &c. ita ut summa Evangelicæ doctrinæ, quæ sequitur dicatur esse Columna, &c. non Ecclesia. Rem non probabo, quia dudum probata est à pare nobilium Athletarum Sim. Episcopo Institut. Theolog. Lib. I. S. I. c. 8. & Joan. Camerone, cujus rationes vide in Myrothecio. Adversatur quidem iis H. Grotius quod illud π, quod ponitur ante τῆς εὐσεβείας μυστήριον, ostendat novum esse sensum, non titularum cum sequentibus continuationem, & illud μυστήριον, poni subjectivè, non predicativè, ut loquuntur Scholæ. Sed vir summus non vidit ordinem verborum hunc esse: τὸ τῆς εὐσεβείας μυστήριον ἐστὶ σῦλς καὶ ἰδραῖωμα τῆς ἀληθείας, καὶ ὁμολογούμενος μίχα, Mysterium pietatis est columna, &c. Quod si attendas, suo sibi gladio confoditur vir maximus; qui si in Hollandia scripsisset suas Adnotationes, aliter fortè sensisset.

18. Libri VIII. Constitutionum Apostolicarum Cap. 46. ita definit: Igitur etiam Philippus & Ananias non se ipsi constituerunt, sed electi sunt, ἐπὶ τοῦ Χριστοῦ τοῦ ἀρχιερέως ἀσύγκειτος Θεοῦ. Si comma ponas, post ἀρχιερέως, vertes cum Joan. Bapt. Cotelerio Pontifice, Deo incomparabili. Sin verò, sic interpreta- beris: pontifice maximo Dei incomparabilis, ut sine dubio vertendum, cum Christus alibi sæpe, & in hoc ipso Capite, dicatur ἀρχιερέως Θεοῦ. Scriptor hic si voluisset quod habet Corol. interposuisset conjunctionem καὶ, præsertim in fine orationis. Præterea homo Arianus, ut multis ex locis liquet numquam Christum vocasset ἀσύγκειτον Θεόν, incomparabilem Deum. Titulus is erat solius Patris, ex Arianorum sententia.

19. Non hodie, atque heri Critici animadverterunt interpunctionem non levi esse ad intelligendum subsidio. Aristoteles ipse, qui Criticæ conditor perhibetur, questus est Heracliti Scripta, ideò esse obscura, quod difficulter interpungi possent. Sic loquitur Rhetoricorum Lib. III. c. 5. Ὅπως ὃ δὲ ἐναντιῶντος εἶναι τὸ γεγραμμένον, καὶ εὐφρασκεν, ἐστὶ δὲ τὸ αὐτὸ, ἔμπρ οἱ πολλοὶ σύνδεσμοι ἔκχεον, ἐπὶ δὲ μὴ ῥαδίον ΔΙΑΣΤΙΞΑΙ, ὥσπερ τὰ Ἑσχαλείτε. τὰ δὲ Ἑσχαλείτε διαστῆσαι ἔργον, διὰ τὸ ἀπλὸν εἶναι ποτίρω πρόσκει, πρὸς τὸν ἑρῶν, ἢ τὸ ἀπὸ τῶν ὄντων, οἷον ἐν τῇ ἀρχῇ αὐτῶ τὸ συγγραμμάτων, οἷον δὲ, τὸ λογικὸν τὸ δὲ ἐόντος αἰεὶ

αἰεὶ, ἀξύνετοι ἄνθρωποι γίνονται. ἄδελον γὰρ τὸ ἀεὶ, πρὸς ὁποτέρῳ διαστῆσαι. *Omnino oportet autem facile legi & proferri posse quod scriptum est. Est verò ejusmodi id quod multæ conjunctiones non continent, & quod non facile est INTERPUNGERE, ut scripta Heracliti. Nam scripta Heracliti interpungere operosum est, quia incertum utri vox conjungenda, an priori, an verò posteriori, ut in principio ipsius libri; ait enim: rationis hujus quæ est semper imperiti homines nascuntur; incertum enim est illud semper utri interpunctione conjungas.*

20. Ex hoc loco tria colligere licet, 1. *Aristotelis ævo ignotam non fuisse interpunctionem, quamvis non semper adhiberi soleret; ut apparet ex eo quòd nomen ejus inventum esset, nam διαστῆσαι non est propriè voce distinguere, sed σνμαῖς punctis: 2. non fuisse tamen semper adhibitam, cùm Heracliti Scripta non essent interpuncta: 3. facillimè posse à sensu Scriptoris abire, qui cum interpungunt, nisi sint homines attenti & rei & Linguae periti.*

21. Cùm Accentus & Spiritus Græcorum videantur ideo partim figuris expressi, ut faciliùs verba nequaquam interpuncta distinguerentur; hîc possemus agere de mendis, quæ orta fortè sunt ex mala Accentuum ac Spirituum positione. sed cùm multò rariora sint ejusmodi peccata, nec sæpe sensum mutant, uno aut altero exemplo contenti erimus. *Homerum Iliad. Ψ. vers. 28. inducit Nestorem metam describentem, dicentemque esse lignum siccum.*

Ἡ δρυς, ἢ πύκνις, τὸ μὲν ΟΥ καταπίθεῖ ὄμβρῳ.

Cùm neque Accentus olim essent, neque Spiritus fuerunt qui dicerent legendum &, & vertendum, ubi illud quidem corrumpitur pluviâ; ac sanè certum est utrumque illud lignum, sed præsertim piceæ, pluviâ putrefieri. Alii verò contendunt legendum, ut hodie legimus, &, non corrumpitur pluviâ, hoc est, non tam citò, si siccum sit, quod antea dixit *Homerus*. Ambiguitatem illam notat *Aristoteles* de Poëtica Cap. XXV. aitque *Hippiam* Thasiam ex Prosodia ambiguitatem sustulisse; nempe sine circumflexo scribendo. At idem de Argument. Sophisticis Lib. II. c. 3. ait perpauca sophismata posse ex accentibus seu in scribendo, seu in loquendo nasci; utiturque iterum eadem ambiguitate voculæ ΟΥ. Quod non est ita capiendum, quasi non sint multæ voces, quæ mutatis spiritibus & Accentibus, diversa non significant; sed quòd ipsa pronuntiatio, si loquatur quispiam, aut series orationis, in scriptione, satis ostendat quomodo sint voces illæ intelligendæ. Sunt enim plus quàm ducentæ, quæ solent sub-

subjici Lexicis, pro accentuum & spirituum varietate varia significantes.

22. Ubi verò, in Scriptis, series orationis certam significationem non postulat, ibi nascitur ambiguitas, quæ Accentus & Spiritus adscribentibus erroris causa esse potuit. Sic Marci XI. 13. dicitur Christus *vidisse à longe ficum habentem folia, & venisse si quid forte inveniret in ea, & cum venisset ad eam, nihil invenisse præter folia, ΟΥ ΙΔΕΝ ΚΑΙ ΕΣ ΣΥΚΩΝ.* Queritur hîc, an ΟΥ sit negativa, an verò affirmativa, quia utrimque sunt difficultates. *Dan. Heinsius*, non infimi sublellii Criticus, censet legendum οὐ, hoc censu ubi enim erat tempestas ficuum; atque his nititur rationibus, 1. quodd Evangelista numquam dixisset Christum ivisse quæsitum ficus, si forte essent, tempestate quâ nondum erant, cum Christus falli non potuerit: 2. quodd Christus non damnâset arborem, eod quodd alieno tempore non habebat ficus. At alii objiciunt potissimum ordinem verborum, qui hîc deberet esse, si *Heinsii* vera esset conjectura: *venit si quid forte inveniret in ea, ubi enim erat, tempestas erat ficuum; & cum venisset ad eam nihil invenit, præter folia.* At similis planè trajectionis exemplum extat, in hoc evangelio Cap. XVI. 3, 4. *Et dicebant adinvicem, quis revolvat nobis lapidem ab ostio monumenti; & respicientes viderunt revolutum lapidem. Erat quippe magnus valde.* Manifestum est quatuor hæc postrema verba oportere subungi voci *monumenti*; neque enim mulieres dicuntur vidisse revolutum lapidem, quia magnus erat, sed quæzivisse quis sibi eum revolveret, eâ de causâ. Verùm hanc litem nostram non facimus, & nonnulla ad loci hujus intelligentiam concessimus, in additamentis ad *H. Hammondi* Adnotationes.

23. Locus hic postularet ut ostenderemus, pro more nostro Hebræica cum Latinis & Græcis conjungendi, antiquissimos Hebræos caruisse etiam distinctionibus; ac proinde potuisse Massorethas, qui distinctionum notas invenerunt, ea in re peccare. Verùm hoc ipsum colligere est ex eo quod ostendimus, *Hieronymum* primum in Cola, & Commata divisisse Libros Sacros; si enim Septuaginta Intt. in suis Codicibus simile quidquam invenissent, sine dubio rem commodissimam non neglexissent; *Hieronymusque* se, aut illorum auctoritate, aut saltem Hebræorum defendisset, contra eos qui id carpebant. Imò verò Hebræicas distinctiones sequutus esset, quod nequaquam fecit. Sed hæc de re multis egerunt viri doctissimi, *Lud. Capellus* in Arcano Punctuationis, & *Joan. Morinus* in Exercitationibus Biblicis; quorum rationibus qui non permoventur, ii Criticæ numquam litârunt. Duo ex-

epula

empla distinctionum, à Massorethis non bene collocatarum, attulimus in Indice in Pentateuchum, Gen. XXIII. 18. XLIX. 4. ad quæ vide, si lubet, quæ scripsimus.

CAPUT XI.

Ex compendiarie scriptura multa esse nata Menda.

1. QUI versarunt veteres Codices, sæpe animadverterunt Librarios, sive ex festinatione, sive ex prava consuetudine, pro integris vocibus, aut earum initium dumtaxat, puncto addito, scripsisse; aut syllabas in media voce omisas, impositâ lineolâ, supplevisse, aut etiam nullum compendiarie scriptionis indicium addidisse. Hinc factum ut Librarii, aut etiam Critici, qui ea compendia non adsequebantur, male quod deerat suppleverint, aut integrum putârint quod mutilum erat. Huc etiam referri possunt numeri, in quos irrepsere menda, quia literis, vel notis Arithmeticis descripti erant; in quas menda irrepsere facillè potuerunt, quæ admissa numquam fuissent, si integris vocibus expressi fuissent numeri. Horum omnium exempla aliquot sunt in medium profertenda.

2. Sunt nomina propria, quæ eâdem syllabâ inchoantur, inter se mista; quod fieri non potuisse videtur, nisi quia Librarii festinantes syllabam unam, aut alteram, vel secundæ literam scribebant, addito puncto, pro integro nomine. Exempli causâ, variarum sententiarum fragmentis, quæ cum apud *Joan. Stobæum*, tum alibi exstant, præfixum olim fuit aut subjectum $\Phi\lambda$. quod cum non assequerentur aut Librarii aut Grammatici, ex eo compendio fecere nunc *Philemonem*, quod nomen est celeberrimi Comici æmuli *Menandri* nunc *Philistionem*, quod est nomen Pantomini qui sub Augusto vixit; nunc *Philetam*, qui Elegias & Epigrammata scripsit.

3. Græculus qui concinnavit comparisonem *Menandri* & *Philemonis* quam primus edidit *Nic. Rigaltius*, tum auctiorem reposuit *Jan. Rutgersius*, *Philistionem*, non aliâ de causâ, pro *Philemone* auctorem variarum sententiarum fecit; ut iudicarent tres cœvi Critici, non è vulgo, qui eam comparisonem notulis illustrârunt. Primus est *Rutgersius* Var. Lect. Lib. IV. c. 12. cujus hæc sunt verba: *Horum nominum confusio inde videtur orta, quod auctoris nomen primis tantum literis designatum erat, hoc modo: PHIL. unde hæsitans Librarius*

bravius nunc Philemon, nunc Philistion, nunc Philetas fecit, quod apud Stob. cum p.ane perpetuum est. Alter est Dan. Heinſius, qui ita Ruſgerſum alloquitur: Que Philiftioni adſcribuntur hic, adſcribenda Philemoni verè ſimul, atque acutè obſervatum eſt à te, frater juncundiſſime, idque ex errore literarum eſſe natum; quòd Philiftion, Philemon, & Philetas iſſdem primis elementis ſcriberentur, velut ipſe iſ locus, qui divitiarum atque paupertatis comparationem habet, perperam Philetæ à Stob. eo adſcribitur. Horum judicio ſuffragium ſuum adſcribit H. Grotius * in notis ad excerpta ex Menandro.

4. Hac ex conſuetudine Librariorum, natum eſſe ſuſpicor mendum, quod à multis ſæculis inſedit Act. VII. 16. ubi Abrahamus dicitur emiſſe ſepulchrum à filiis Emmor patris Sichem, cùm à Jacobo ab iis agrum emptum liqueat ex Gen.

XXXIII. 19. Scriptum fuiſſe videtur emptoris nomen, hoc compendio IAB. quod erat interpretandum Ἰακώβ, at exſcriptor credidit eſſe initium vocis ABPAAM, ſeu deletum eſſet I. lapſu temporis, ſeu mendosè additum judicavit. Itaque ſcripſit Ἀβραάμ, quem in errorem facilius incidit, quòd reverà Abrahamus emiſſet ſepulchrum, ſed alibi, & ab aliis, ut docet Moſes Gen. XXIII.

5. Certum eſt ejuſmodi compendium ſæpe in MSS. inveniri, quo primæ & ultimæ literæ conjunguntur, cujus exem- plum ex H. Grotio attulimus Cap. VII. §. 3. Sic † viri docti animadverterunt in MSS. Diogenis Laërtii Lib. IX. §. 10. Leucippum vocari Μήλιον, qui Clementi Alexandrino, & Epiphania dicitur Μελίσιϑ. Compendii cauſa, ſcriptum videtur Μλιϑ, unde alii Melium fecerunt, alii Mileſium. Sic & Diagoras, qui Melius à plerisque dicitur, & fuit Chryſoſtomo in Hom. IV. in 1. ad Corinthios eſt Mileſus.

6. Similiter in vita Dinarchi, à Dionyſio Halicarnaſſeo Scripta, laudatur Δῆμος ὁ Μάγνης, ὃς ἔδοξε γένεσθαι πολυτίμων, ἐν τῇ περὶ τῶν ὁμονύμων πραγματείᾳ, Demus Magnes, qui Polyhiſtor exiſtimatus eſt, in opere de homonymis. Legendum ait Iſaac. Caſaubonus: Δημήτριϑ; quo nihil certius, cum Diogenes Laërtius Demetrium Magnetem, pluſquam quindecies laudet, in opere de Homonymis, aliſque; Demum verò Magnetem nemo. Addit Caſaubonus: Error natus eſt ex compendio ſcripturæ, tales ſunt in bonis ſcriptoribus inſiniti. Non modò compendium ſcripturæ fuit, ſed nulla planè ejus nota adſcripta videtur; quam ſine dubio animadvertiſſet vir doctiſſimus Pet. Viſtorius, qui eum libellum Dionyſii primus è MSS. Codicibus edidit.

* Pag. 989. † Vide *Æg. Menagii obſervationes*. *. In not. ad Diog. Laërt. Lib. IX. §. 80.

7. Idem *Casaubonus*, eodem loco, existimat indidem factum esse, ut pro *Socrate* apud *Diogenem* loco indicato, legamus *Socratem*, in primo de *successione*; sed crediderim potius *Librarium* non satis attentum, pro nomine minùs noto *Socrati*, audisse celeberrimi Philosophi appellationem, eamque pro altera scripsisse; quod peccatum nimis quàm frequenter à Criticis admissum constat, ut postea ostendemus.

8. Compendiaria scriptura peperit mendum in *Liv. Lib. XXXVII. c. 24.* ubi narrato initio pugnae navalis Rhodiorum cum Annibale, quam non sine tumultu inierant Rhodii, ita pergit: *Sed momento temporis & navium virtus, & usus rei maritimæ terrorem omnem Rhodiis dempsit.* Miror viros doctos non vidisse legendum **NAVALIUM**, nempe sociorum, ut solet loqui *Livius*, hoc est, *remigum*. Nemo *navibus* tribuerit *virtutem*, & *usum rei maritimæ*; nec dixeris *naves* metonymicè sumi pro *navalibus*, nam possit fortè hoc fieri, si vox sola sit; sed non cum adjunctis, quæ nonnisi hominibus convenient, qualia hic occurrunt.

9. Inter compendia scripturæ, referri possunt, ut diximus, numeri non integris vocibus sed literis, aut notis descripti, in quibus sapissimè peccatum esse conqueruntur passim Critici; præsertim cum de annis Olympiadum, aut urbis Condita loquuntur. Facile esset ingentem copiam locorum excubere, nec difficile est intellecta literis aut notis non satis eleganter pictis legentes sapissimè falli potuisse. Observabo dumtaxat videri etiam veteres Hebræos literis numeros expressisse, unde nata *ἐναγλιόντες*, quæ sunt inter *Chronologias Librorum Regum & Paralipomenon*. Si enim integris vocibus scripsissent, numquam futura fuissent hæc discrepantiæ. Scio viros eruditos * omnem movere lapidem ut eas tollant; sed palam est eos operam plerumque ludere, si inter se eorum interpretamenta conferantur. Maluerunt, nimirum, Rabbini credere, hominibus vanis; quàm oculis & rationi, quæ docebant menda esse Librariorum. Nam quod dicunt timere se nè, si fateantur menda esse in Veteris Testamenti Libris, actum sit de ejus auctoritate; id primum est proderè eam auctoritatem, quam se defendere proficuntur, non quoddam compertam habeant, sed quia ita expedit; non amore & fiducia veri, sed quia ita consueverunt. Deinde quod omnes fatentur de Novo Testamento, qui id Græcè legerunt, & editiones hodiernas cum veteribus Codicibus contulerunt, ut ostendimus Cap. VI. & postea etiam pluribus confirmabimus;

* Vide *Salom. Glossium Lib. I. Philologia Sacra, & contra sententiam delatiss.* v. 79. *Luc. sum Comment. in Hist. Eccl. Lib. I. num. 28.*

quodque à nemine judicatur auctoritatem Novi Testamenti minuire; id, quia ita volunt Rabbini, contendere contumeliosum esse Veteri, & periculosum; Judæi est, non Christiani; imò, ut verum dicam, stulti, aut hominis nequam, qui aut judicat de eo quod nescit, aut contrà quàm credit loquitur. Hoc paulò acrius dicendum fuit, ut homines imperiti, aut mali desinant tandem fictà pietate suam imperitiam aut nequitiam tegere, & Christianam Religionem Judæis atque Atheis prodere, dum eam defendere videri volunt.

10. Hæc cum ita sint, proferam insignem locum Danielis, in quo peccatum fuisse necessariò oportet in numeris; quod facile fieri potuit, si literis notarentur, multò difficilius si integris vocibus. Angeli verba ad Danielelem, anno tertio Cyri Persarum Regis, habita, ut liquet ex Cap. X. 1. hæc sunt Cap. XI. 2. *Ecce adhuc tres Reges stabunt in Perside & quartus amplioribus opibus ditabitur, quàm omnes, & cùm inva-
luerit opibus suis, concitabit omnes contra regnum Favianis.* 3. *Exsistet autem Rex potens, & amplam habebit ditionem, facietque pro arbitrato suo.* 4. *Cùm verò exstiterit, conteretur regnum ejus, & dividetur in quatuor ventos cæli, non verò posteris ejus, &c.* Regnârunt ordine, post Cyrum, Cambyfes, Smerdis Magnus, Darius Hystaspides, & Xerxes. Hic est quartus à Cyro, in quem primâ fronte quadrare videntur quæ habet Prophe-
ta; fuit enim potentissimus Persarum Regum, qui hæctenus fuerant, & omnes populos imperii sui contra Græcos concitavit: ut nôrunt omnes, qui non sunt in hisce rebus planè hospites.

11. Attamen alium designari necesse est, quia Angelus loquitur de duratione Imperii Persici, deque numero Regum, qui post Cyrum regnaturi erant. Hoc ex ejus orationis initio apparet: *tres Reges stabunt A D H U C in Perside, & quartus, &c.* tum etiam ex vers. 3, & 4. ubi de Alexandro everfore Imperii Persici. Absurdum itaque esset dicere *tres adhuc futuros Reges, & surrecturum quartum*, atque in illo consistere, quasi esset ultimus, post quem novem regnârunt; ac, prætermisissis illis, ad everforem ejus imperii subitò transire; clarè enim Alexander describitur vers. 3, & 4. & successores ejus in sequentibus. Respondet quidem Hieronymus, in hunc locum, *non curæ fuisse spiritui prophetali Historiæ ordinem, sed præclara quæque perstringere.* At curæ esse debuit Angelo, durationem Imperii Persici revelaturo, numerum integrum Regum post Cyrum regnatorum edere; nè hiulcum esset vaticinium, & suspectum apud posteros, præsertim Ethnicos, fieret, quasi ab homine imperito historiæ Persicæ fictum. Hugo verò Grotius existimat mentionem fieri

fieri Xerxis, ut appareat, *non sine causa probabili, Alexandrum postea ivisse in Persas.* Verùm hac responsione non magis satisfiit iis, quæ modò dicebamus, quàm Hieronymianâ. Quartus ergo ille Persarum Rex, qui potentissimus omnium describitur, & dicitur concitaturus omnes contra Græcos, aut regnum Favanis, est Darius Codomannus; qui & ditissimus fuit, cùm ad eum congestæ per multos annos Persicorum Regum Gazæ pervenerint; & omnibus Imperii Persici viribus, cum Alexandro conflixit. At quomodo potest hîc dici quartus, cum inter Cyrum & illum duodecim Reges fuerint, apud Persas?

12. Hæc cum videret Joannes Lightfootius, diligens quidem Rabbinicorum Scriptorum lector, atque excerptor, sed qui Magistris illis sæpe multò acutior non est, ed devenit ut diceret * “fuisse tantum quinque Persarum Reges, Cyrum, nempe, & post illum quatuor; unde facile est colligere, ut putat, quantopere à vero calculo aberraverint Historiæ Ethnicæ, quæ in Persico Regno quatuordecim successivè Reges enumerant, & ducentos ei durationis annos tribuunt. Nesciebat bonus vir accuratam singulorum illorum Regnorum Chronologiam tradi, & à Græcis res gestas eorum ita narrari ut suas cum illis conjungant; quod potuisset ex Seth. Calvisio aut Dionys. Petavio discere, qui accuratissimi Chronologorum cluent, ut alios innumeros omittam.

13. Ita verò habent verba Angeli Hebraïce: **חנה עוד שלשה מלכים עימדים לפרס וחרביעי יעשיר עושר גדול מכל וכחוקתו בעשירי יעיר הכל את מלכות יו:** Aliquando conjecimus post vocem שלשה *quatuor* excidisse vocem עשר *decem*, & post רביעי *quartus* vocem עשירי *decimus*; mendûmque ita irrepsisse, ut primum Librarius omisisset עשירי, ob similitudinem vocis sequentis יעשירi *discescit*; unde postea factum esset, ut עשר *decem* deleteretur, quia *quartus* non potest sequi *decimum tertium*. Nunc verisimilius videtur numeros scriptos fuisse literis & prius quidem fuisse י hoc est, 13. posterius vero יד hoc est, 14. Facillime enim fieri potuit ut י literarum minima, aut utrobique exciderit simul, aut primum in alterutro loco, quo factum fuerit, ut & in altero deleteretur.

14. Sensus est perspicuus & certissimæ Chronologiæ Græcorum consentaneus: *Adbuc tredecim Reges stabunt in Perside; numerato, nempe, ipso Cyro, qui diu post hanc prophetiam superstes fuit; & decimus quartus amplioribus opibus ditabitur quàm omnes, &c.* qui est, ut diximus, Darius Codomannus,

* In Descr. Templi Jerosolymitani. C. XL. Sess. 1.

qui decimus quidem tertius est, si numeres à Cyro, sed decimus quartus, si à *Cambyse* patre Cyri; qui *Cambyfes* Rex Persarum fuerat, ante Cyrum. At cum hujus, in sola Perside, regnum oblitteratum fuerit, amplissimo per totam Asiam imperio Cyri filii; illo omisso, Cyrum quasi primum Persarum Regem numerarunt. Attamen cum res tempore Danielis notissima esset, non mirum est *Cambysem* primum Regem ab Angelo numerari. Idem etiam *Xenophon* initio vitæ Cyri, Lib. I. Πατρις αὐτοῦ ὃς λέγεται Καμβύσης, Περσῶν βασιλεύς. Patre dicitur *Cambyse* Persarum Rege. En igitur nomina quatuordecim Regum Persarum: 1. *Cambyfes*, pater Cyri; 2. *Cyrus*; 3. *Cambyfes*, filius Cyri; 4. *Smerdis* magus; 5. *Darius Hystaspides*; 6. *Xerxes*; 7. *Artaxerxes longimanus*; 8. *Xerxes II*; 9. *Sogdianus*; 10. *Darius nothus*; 11. *Artaxerxes Mneumon*; 12. *Artaxerxes Ochus*; 13. *Arses*; 14. *Darius Codomannus*. Sic videtur numerasse *Hieronymus*, qui ita confutat eos, qui *Darium* ab *Alexandro* devictum quartum vocari putabant: *Frustra igitur quidam, Darium Regem quartum vocari putabant: Frustra igitur quidam, Darium Regem quartum qui ab Alexandro superatus est, scribit; qui non quartus, sed quartus decimus, post Cyrum, Persarum Rex fuit.*

15. Attamen quamvis hæc conjectura verisimillima videatur, nolim propterea quidquam, in ipso contextu Danielis, mutari; nè quis putet me velle manus violentas sacris paginis inferre. At nihil vetat quo minus, in Commentariis Criticis, hæc & ejusmodi aliæ conjecturæ eruditorum examini proponantur. Quæsi verit fortè quispiam quæ fiat ut conjiciamus, quod est nunc integris vocibus scriptum, id olim literis, seu arithmeticis notis, signatum fuisse? Verum jam hoc indicavimus, cum diximus facile mutari potuisse singulas literas, difficilius verò integras dictiones. Quod cum animadvertissent *Massorethæ*, integris dictionibus expresserunt numeros, quos in Codicibus suis invenerunt. Indidem, partim saltem, videntur esse ortæ discrepantiæ, quæ sunt inter Codices Judæorum, Samaritarum & Septuaginta Interpretum, in annis antiquissimorum patriarcharum. Non diffiteor posse & nonnullas alias ejus rei rationes afferri, atque à viris doctis allatas; sed huic etiam, inter alias, locum esse verisimillimum est.

CAPUT XII.

De Mendis ex incuria Librariorum natis.

1. **C**UM omnia Mendorum genera, quæ antea descripsimus, possint dici orta ex negligentia Librariorum, quamvis variæ iis peccandi occasiones fuerint; non opus erit multum immoremur, in ostendendo Librarios etiam peccasse, sine ulla ejusmodi occasione peccandi, merâ incuriâ. Attamen quia facilius intelliguntur offendere, & cespitare qui per loca aspera aut lapidosa ambulant, quàm qui per plana & æqualia iter faciunt; non erit prorsus inutile meræ incuriæ, & quæ nihil causari possit, paucula exempla huc collegisse.

2. Est egregius locus *Ciceronis*, * in Oratore, in quo quàm necessaria sit Oratori Historiæ cognitio docet; sed ita corruptus, ut verba nonnulla intelligi nequeant. Quovis quidem pignore contendere ausim, à summo Oratore scriptum non esse quod nunc legimus; ac fateor mihi non ita liquere, qui possit ei medicina fieri. Tentandum tamen est, dignus enim est locus, qui memoriter teneatur; quod fieri nequit, nisi sensus aliquis ei insit. Hæc ergo sunt ejus verba: *Nescire autem quid, antea quàm natus sis, acciderit, id est semper esse puerum. Quid enim est ætas hominis, nisi memoria rerum veterum cum superiorum ætate contextitur? Quomodo differant res veteres à superioribus non intelligo, cum superiora dicantur quæcumque sunt præterita, adeoque non minus vetera, quàm proximè, ut ita dicam, superiora. Videtur omnino hoc velle Cicero, nihil esse vitam hominis, ad comparandam prudentiam, si ea tantum teneamus quæ vidimus, & ab oculatis testibus audivimus; sed oportere ea, quæ tempore nostro contigerunt, cum superioribus, veteribusque contexi, ut seriem totius historiæ animo comprehensam teneamus. Verum ut hoc diceretur, oporteret scribi: Quid est enim ætas hominis, nisi memoria rerum* **NOSTRARUM** *cum superiorum ætate contextitur aut recentiorum, loco superiorum; sed prius magis placet. Certè non idem dicas, si dixeris res superiores cum veteribus contexere. Vita hominis, sine lectione, aut cognitione eorum quæ, antequam natus esset, contigerunt, eum tantum instruunt cognitione rerum suæ ætatis ex quibus magna prudentia comparari nequit. At si cum iis quæ nobis accidere meminimus, sive cum memoria rerum nostrarum jungamus superiora omnia, quoad licet; tum verò ex cognitione tot eventuum, causarumque, quibus factum ut contigerint, prudentiores multo fieri possumus, nisi iudicium finis destituti.*

* Cap. XXXIV.

3. Ex simili incuria, prognatum est grave mendum, quod est in pulcherrima oratione M. Porcii Catonis, apud *Livium* Lib. XXXIV. c. 2. quâ invehitur in luxum nimium matronarum: *Majores nostri*, inquit, nullam, ne privatam quidem rem, agere faminas, sine auctore, voluerunt; in manu esse parentum, fratrum, virorum; nos, si Diis placet, jam etiam Rempublicam capessere eas patimur, & foro quoque & concionibus & comitiis immiscere, &c. Date si aenos impotenti naturæ & indomito animali, ET sperate ipsas modum licentiæ facturas NISI vos faciatis. Aut legendum, NEC sperate, nisi, &c. aut, & sperate——UBI vos FECERITIS; ac sanè Fr. Modius testatur Codicem Moguntinum habere feceritis. Festinanter hunc *Livii* locum exscribentes ultima verba ita descripserunt, quasi pro ET antecessisset NEC.

4. Non alia de causa, factum puto ut in Veterum Scriptis tot occurrant luxationes, seu transpositiones, quibus corrumpitur series orationis. Exempli causa, in *Versione LXX.* Interpretum Cap. XXV. *Jeremiæ* vers. 14. ad finem Capituli LI. omnia sunt perturbata, si cum Hebraicis componantur, ut liquebit insipientibus Polyglotta. Si diligenter considerentur Hebraica, apparet facile ea esse recto ordine, quemadmodum leguntur in Codicibus Hebraicis, quibus utimur, & quemadmodum ab *Hieronymo* lecta fuerunt. At quid factum ut ita Prophetæ membra luxarentur in Græcis, rationem nullam comminisci possum, præter Librariorum negligentiam; aliter enim habuisse Codices Interpretum Græcorum quam nostros, aut *Hieronymianos*, persuadere mihi non possum, quamvis quid occasionem illi incuriæ præbere potuerit nesciam. Conjicere tamen fortè quis possit ab Interpretibus Græcis, in sejunctis primùm schedis, scriptas singulas visiones, aut vaticinia de variis Gentibus, quæ iis Capitulis continentur; deinde alicujus incuriæ, perturbatas fuisse illas schedas, nec in ordinem ab imperitis Linguæ Hebraicæ potuisse restitui, proindeque sic perturbatas ad posteros pervenisse. Sed sunt variae luxationes inter versus, quibus ea conjectura aptari non potest; nec satis credibile est Interpretes ipsos unum librum, in varias veluti laceratum schedas, edidisse. *Hieronymus* sibi etiam eam perturbationem displicuisse ait, in prologo in *Jeremiam*, sed causa ejus quæ fuerit non docet: *Ordinem*, inquit, *visionum*, qui apud Græcos & Latinos omnino confusus est, ad pristinam fidem correximus. In præmio verò Commentariorum, in eundem Prophetam: *Libellum autem Baruch*, qui vulgò Editioni LXX. copulatur, nec habetur apud Hebræos, & Ἰδὲ ὕστερον *Epistolam Jeremiæ* nequaquam censui differendam, sed magis

Jeremie ordinem LIBRARIORUM errore confusum, multaque quæ desunt ex Hebræis fontibus digerere, ordinare, diducere ac complere; ut novum ex veteri, verumque, pro corrupto atque falsato, Prophetam teneas. Alia exempla, ex eadem Versione, proferri possent; sed hoc adedò insigne est, ut aliis opus non sit.

5. At viri eruditi, qui Lutetiæ nuper *Hieronymum* edidere, in ipso *Hieronymo* luxationem memorabilem animadverterunt. Ita ille præfationem de Omnibus Libris Veteris Testamenti orditur: *Viginti & duas literas, esse, apud Hebræos, Syrorum quoque & Chaldeorum Lingua testatur, quæ Hebrææ magna ex parte confinis est; nam & ipsi viginti duo elementa habent eodem sono, sed diversis characteribus. Samaritani etiam Pentateuchum Mosi totidem literis scriptitant, figuris tantum & apicibus discrepantes. Certumque est Esdram Scribam, Legisque doctorem, post captam Jerusalem & instaurationem Templi, sub Zorobabel, alias literas reperisse, quibus nunc utimur; quum ad illud usque tempus iidem Samaritanorum, & Hebræorum characteres fuerint. In libro quoque Numerorum, hæc eadem supputatio, sub Levitarum ac Sacerdotum censu, mysticè ostenditur. Et nomen Domini tetragrammaton, in quibusdam Græcis voluminibus, usque hodie antiquis expressum literis invenimus. Sed & Psalmi XXXVI, & CX, & CXI, & CXVIII, & CXLIV, quamquam diverso scribantur metro, tamen ejusdem numeri texuntur Alphabetis. Verba: & nomen Domini tetragrammaton, &c. necessariò subjungenda iis quæ dicit *Hieronymus*, de veteribus Hebræorum characteribus; tum verò antecedentia: in libro quoque, &c. subjicienda sunt, hoc ordine: quum ad illud usque tempus iidem Samaritanorum & Hebræorum characteres fuerint. Et nomen Dei tetragrammaton, in quibusdam Græcis voluminibus, usque hodie, antiquis expressum literis invenimus. In libro quoque Numerorum. Attamen triginta quatuor Codd. MSS. à Monachis Benedictinis inspecti, verba *Hieronymi* eodem ordine legenda exhibent, ac vulgatæ editiones. Sed res ipsa ita esse legendum, uti conjecerunt, in iis omnibus Manuscriptis Codicibus, ostendit.*

6. Cùm apud me hujusmodi luxationis rationem quærerem, si quæ fortè posset inveniri; hoc in animum incidit, Librarium, ex cujus vitioso Codice descripti sunt omnes quos habemus, aut ii ex quibus dictati sunt, duos versus, seu lineas, omisisse: & nomen Dei, &c. ad invenimus; subjecisseque superioribus In libro quoque, &c. Deinde cùm animadverteret à se eos omisos, jam scriptis duobus sequentibus, eos his subjunxisse; potiusquàm de-

leret superiora, ne liturâ ejusmodi pretium exemplaris sui minueret. Vel, si ea conjectura non placet, *Hieronymus* ipse cùm margini adscripsisset quæ de nomine Dei haber, subjungenda iis quæ dixerat de literis Samariticis, ea periodus est sequenti à Librariis perperam subjecta. Ejusmodi notarum margini additarum, deinde in contextum Hieronymianæ orationis illatarum, suppeditabunt ejus editores in Prolegom. Cap. III. §. 6. Quibus fit ut in posteriore conjectura adquiescam, quamvis illi Monachi, nihil addiderint de ratione luxationis memoratæ.

7. *Josephus Scaliger*, in Prolegomenis Notarum suarum in *Manilium*, ait in tertio Libro “ se quinquaginta quatuor versus, loco suo motos, materiâ ipsâ & tenore sententiæ ita postulantibus, suis sedibus reddidisse; quæ sanè, inquit, est luculenta emendatio, quâ lux reddita nobilissimæ disputationi, quæ in illa versuum & sententiarum permissione à nemine intelligebatur. Eam verò trajectionem integrarum disputationum, ex sectione contigisse animadvertimus; quâ homines imperiti carmen *Manilii* in Capita secuerunt, cùm auctor perpetuum Epos texuisset. Gemblacensis sanè Codex longè plura præfert Capita, quàm vulgatæ editiones. Atque adeo perturbatio versuum magna ex parte nihil aliud est, quàm illorum Capitum seu sectionum inter se commutatio. Cùm autem omnia *Maniliana* exemplaria scripta non magnam vetustatem præferant, & ex uno vetustiore Archetypo propagata sint; si quis quærat ab Archetypone illæ sectiones sint, an recentioris temeritatis; nihil aliud ad hoc respondemus, quàm si vetustissimæ sint, hoc mirum non videri, cùm in multis vetustis Scriptoribus ejusmodi luxationes deprehendantur. Hæc ille, quæ an satis firma sint qui volent scire, locum *Manilii*, & ejus notas expendant. Satis nobis est viri summi testimonium de luxationibus attulisse. Sequentia tamen ejus verba huc etiam transferre non piguit, nec ea legisse quemquam poenitebit.

8. “ Aliquot, inquit, luxationes proferre possemus; unâ contenti erimus, quæ est X. *Æneidos*, ubi *Mezentius* comparatur apro venatorum telis, & latratibus canum laceffito. Versus hi sunt loco moti:

“ Ille autem impavidus partes cunctatur in omnes,
“ Dentibus infrendens, & tergo decutit hastam.

“ Reponendi enim post illum,

“ *Sed jaculis, tutisque procul clamoribus instant.*

“ Illa Virgiliiana luxatio adeò vetusta est, ut à veteri Interpretate agnoscat. Dicemus igitur *Virgilium* ita scripsisse, quia omnes vetustissimi Codices ita habent, & omnibus Codicibus hodiernis antiquior Servius ita legebat?
 “ Non sanè, si quid sapimus.

9. Locus *Virgilii*, * ne quæstioni sit, hic est:

*Ac velut ille canum morfu de montibus altis,
 Actus aper —————
 ————— postquam inter retia ventum est,
 Substitit, infremuitque ferox, & inhorruit armos;
 Nec cuiquam irasci, propiusve accedere virtus,
 Sed jaculis, tutisque procul clamoribus instant.
 Haud aliter justæ quibus est Mezentius iræ,
 Non ulli est animus stricto concurrere ferro,
 Missilibus longè & vasto clamore lacesunt.
 Ille autem impavidus partes cunctatur in omnes,
 Dentibus infrendens, & tergo decurrit hastas.*

Manifestum est duos postremos versus ad aprum, non ad Mezentium pertinere, ac proinde debere proximè sequi eum, quem dixit Scaliger; qui si semper æquè feliciter conjecisset, numquam audacioris Critici notâ inustus fuisset.

10. Eodem in loco: “ ejusmodi, inquit, multas trajectiones in *Tibullo* & *Propertio* notavimus. Sed & de *Tibulliano* jam antea *Lilius* monuerat. Trajectionibus etiam laborare credidit *Dan. Heinsius* Artem Poeticam *Horatii*, ad quam ad-eundus est, neque enim mihi persuasit. Dum *Scaligerum* sequitur, passibus non semper æquis, multa mihi quidem frustra moliri videtur; quamvis cæteroquin ejus meritis nihil detractum velim.

11. Sed tempus est imponendi finem iis, quæ dicenda habebamus de Mendis, quæ Librariis tribui possunt; nec quàmquam addemus, si modò quæstioni, quæ hanc rem proponi potest, satisfecerimus. Antea diximus Criticos aut Grammaticos solitos esse recensere exemplaria, eaque emendare, postquam à Librariis perscripta fuerant; quod cum ita sit, videtur veteres codices emendatiores esse debuisse, & quæri possi-

cur aliter se res habeat? Verùm quæ de recensione diximus, ea ad pauca exemplaria pertinent; Librarii enim sumptui parcentes, & quàm primùm venales libros exponere studentes, non curabant eos emendari, quod Cap. II. variis Veterum testimoniis probavimus. Præterea, in hoc ipso Capite, aliam rationem subinnuimus, quam hîc eximii Critici * M. Anton. Mureti verbis exprimemus: solebant, inquit, homines imperiti, qui avorum aut proavorum nostrorum temporibus, victum sibi describendis libris quæritabant, quæ perperam scripserant non delere; ne libros suos multis lituris deformatos minus vendibiles redderent, iterumque totas paginas describere cogerentur; sed iis, ut erant, ommissis, cætera persequi. Atque ea res innumera- bilem errorum copiam, in omne Scriptorum genus, invexit.

12. Quin etiam homines imperiti, hoc est, plerique à quibus libri emebantur, non solebant tam quærere an emendatos emerent, quàm an pulchrè atque eleganter descriptos. Sæpe autem factum ut minimè omnium eruditi καλλιγραφία excellerent, adeoque ut maximam mendorum copiam in exempla-ria sua admitterent; quæ, ob causam allatam, emendari nolebant. Dudum hac de re questus est Hieronymus, cujus hæc sunt verba, ex Præfatione in novam Translationem Jobi ex Hebraïca veritate: Habeant, inquit, qui volunt veteres libros, vel in membranâ purpureâ, auro, argentiâque descriptos, vel uncialibus, ut vulgo aiunt, literis onera magis exarata, quàm codices; dummodo mihi meisque permittant pauperes habere schedulas & non tam PULCHROS codices, quàm EMENDATOS. Monent Monachi Benedictini duos aut tres MSS. Codd. habere initiales, & quidem eodem, ut aiunt, sensu; qua in re graviter falluntur, nam uncialibus litera sunt majusculæ quævis non initiales; qualibus, ut dixi antea, integra volumina scribebantur, & quales hîc intelligit Hieronymus; ut liquet ex eo quod iis descriptos Codices vocet onera, quia non poterant illis literis, in exiguis membranâ, integra Biblia scribi. Fortè Monachi, qui initiales pro uncialibus scripserunt, crediderunt Hieronymum spectare consuetudinem initialium literarum majori formâ, & elegantius scribendarum quàm cæterarum, imò auro, & pigmentis ornandarum; quæ consuetudo ab aliquot sæculis usitata est. At Hieronymus de integris libris loquitur, nec umquam omnes majusculæ literæ dictæ sunt initiales ab Hieronymo, aut à quoquam non prorsus barbaro: Sed ad Hieronymum ut redeamus, ita etiam loquitur in Præfatione ad Jobum, è Græco versum & emendatum: Tanta est vetustatis consuetudo, ut etiam confessa plerisque vitia pla-

ceant; dum magis PULCHROS habere maluit Codices, quam EMENDATOS.

13. Idem quoddam parum diligenter Librarii hac in re versarentur, idem Hieronymus, in Præfatione in Ezram; si qui, inquit, fratrum sunt, quibus nostra non displicent, his tribuatur exemplar, admonentes, ut Hebræa nomina, quorum grandis in hoc volumine copia est, distinctè & per intervalla transcribant. NIHIL enim proderit emendasse librum, nisi emendatio, Librarium diligentiam, conservetur. Quod sæpe homines lucri cupidi, & pessimæ quandoque fidei negligebant, in maximum legentium detrimentum.

14. Sed & graviore multo obtestatione libris adiciebatur, quibus rogabantur Librarii, ut maximâ fide & curâ eos describerent. Ejusmodi erat quam Libro suo, de Ogdoadæ, addiderat Irenæus, ut docet Eusebius Hist. Ec. Lib. V. c. 20. Ὁρξίζω σε ὃ μεταγενεσάμενον τὸ βιβλίον τῆτο, καὶ τὰ κατὰ ἡμῶν Ἰησοῦ Χριστοῦ, καὶ καὶ ἐνδοξὴ παρουσία αὐτοῦ ἡς ἔρχεται κείναι ζῶντος καὶ νεκροῦ ἵνα ἀντιτάξῃς ὁ μεταγενεσάμενος ὁπρὸς τὸ ὅρκιον τῆτο ἡμῶς μεταγενεσάμενος. καὶ θῆσιν ἐν τῷ ἀντιγενεσάμενῳ. Adjuro te, qui transcripsisti hunc librum, per Dominum nostrum Jesum Christum, & per gloriosum ejus adventum, in quo judicaturus est vivos & mortuos; ut conseras quod transcripsisti, & diligenter emendes ad exemplar ex quo transcripsisti; inque adjurationem istam similiter exscribas, & codici tuo inscribas.

Quam formulam Eusebius in Chronicon situm transtulit, vertitque Hieronymus. Similem etiam præfixit Rufinus Origeni libris à se versis; qualis adhibita quoque est à Valente Amrocheno. Sunt & * qui velint vers. 18. & 19. Cap. ultimi Apocalypseos id genus adjurationem esse, sed Joannes illic non scribentem, verum audientem alloquitur: *Contestor ego omni audienti*, &c. Posset tamen de audiente Librario hoc quoque intelligi, qui veteretur ne quidquam scribat, præter id quod sibi dictari audit; at præstitisset monere dictantem, à quo maxima fraus poruit oriri.

15. Crediderim eam obtestationem non tam ad Librarios pertinere, quam ad Impostores, de quibus postea agemus. Eodem etiam spectat, ut videtur, similis adjuratio, cujus meminit Aristæas, in Hist. versionis LXX. Interpretum, ad quos Demetrium hanc orationem habuisse ait: ὅπως διαμνησθῆται, καὶ καὶ πᾶν ἡκεισθῆναι, καλῶς ἔχει ἵνα διαμνησθῆται ταῦτα ὅπως ἔχοντα, καὶ μὴ γίνεσθαι μνησθῆναι δια-

* Vide Grotium & Hammondum ad hunc locum.

σχευή. πάντων ὃ ὀφρωνησάντων, ἐκέλευσε διαρξασθαι καθὼς αὐτοῖς
 ἔθ' ὅστιν. οἷτις διασκέδασε περσθεῖς, ἢ μεταφίρων τι τὸ σόφο-
 λον ἢ γεραιμίνων, ἢ ποιούμεν' ἀφείρισιν. καλῶς τὸτο περ-
 σοντες, ἵνα διὰ παντὸς αἰῶνα καὶ μένοντα διαφυλάσσεται: quo-
 niam bene & sanctè versa sunt, atque accuratè per omnia; par-
 est ut hæc permaneant ita ut se habent, neve ulla fiat mutatio.
 Omnibus ad hæc adclamantibus, inquit, iussit ab iis dirè devo-
 veri, quicumque mutasset additione, aut traiectione ullà, vel
 detractiōne; rectè ita facturis, ut perpetuò æterna & stabilia ser-
 ventur. Sed quamvis hæc ad falsarios, aut interpolatores po-
 tissimum spectent; nihil vetat quin ad negligētiōres Libra-
 rios etiam referantur.

CAPUT XIII.

De Mendis ex Criticorum temeritate, aut imperitiā
 otis.

1. **SI** primi subsellii Criticorum libri referti sunt querelis,
 de negligentia aut imperitiā antiquorum & recentiorum
 Librariorum, quemadmodum satis ostendimus: non minus
 in sui ordinis viros invehuntur, queruntur enim doctissimi
 quique subinde, audaciā atque incitiā Criticorum, multis
 locis antea sanis illata esse gravissima vulnera. Sed & iidem
 Critici sæpe abjudicāunt loca veteribus Scriptoribus, quæ il-
 lorum reverā erant, quia perperam ea Scriptoribus illis indig-
 na judicabant; quod nesciremus, nisi ab aliis ea Criticorum
 facinora castigata fuissent. Quorum omnium nonnulla exem-
 pla sed vetera potissimum, proferemus, quæ sine invidia
 in medium adduci possunt; consulendum est enim auribus
 imperitorum, quas, ut ille ait, mordaci radere vero non est
 consilvis.

2. *Plutarchus*, in Libro de audiendis Poëtis, hos versus
 * *Homeri* profert, ubi *Phoenix*, ut iram *Achillis* leniat, narrat
 a se nimiam irā commoto patrem suum propemodum esse inter-
 fectum.

Τὸ μὲν ἐγὼ βέλδωσιν κατακτάμεν ὀξείῃ χαλκῷ.
 Ἀλλὰ τις ἀθανάτων πῦρσεν χόλον, ὃς ἐνὶ θυμῷ
 Δίμῃσι δῖκῃ φάτιν, καὶ ἐνέειδα πολλὰ ἀνθρώπων,
 ὧς μὴ πατροφόνος μετ' Ἀχαιοῖσιν καλεοίμην.

* *hæc dicitur videntur, post vers. 459. Iliad. A.*

*Eripere huic vitam ferro fulgente parabam :
Iram nescio quis fregit Deus, & mihi vulgi
Objecit voces animo & convitia fame,
Ne patris occisor Grajūm sermone notarer.*

Tum subjicit : ὁ μὲν γὰρ Ἀείσαρχος ἐξῆλε ταῦτα τὰ ἔπη τοῦ
Κηθεύς : Aristarchus cum perhorruisset hos versus, eos sustulit.
At male, judice Plutarcho, cujus hæc sequuntur verba : ἔχῃ δὲ
περὶ τὴν καὶ τὸν ὀρθῶς. τὰ Φοίνικος τὴν Ἀχιλλεῖα διδύσκοιτο
οἷον ὅτιν ὀργῇ, καὶ ὅσα διὰ θυμὸν ἄνθρωποι τολμᾶσι, μὴ χρονο-
λογισμῶν, μὴδὲ πενθόμενοι τοῖς παρερηγόσι. καὶ γὰρ τὴν Μελέαχρον
ἐπισημαίνει τοῖς πολίταις ὀργιζόμενον, εἴτα περὶ ὀργῆς. ὀρθῶς
τὰ πάθη ψέγων, τὸ δὲ μὴ συνακολουθεῖν ἀλλ' ἀντιτάττειν, καὶ
κατὰ τὴν καὶ μετανοεῖν ἐπαινῶν, ὡς καλὸν καὶ συμφέρον : atque
rectè habent pro tempore, Phœnice Achillem decente qualis sit ira,
& quæ homines per iram audeant, dum non utuntur ratione, ne-
que parent monentibus. Etenim Meleagrum inducit civibus in-
dignantem deinde placatum ; rectè vituperans affectus, ἵσχυρα
non obsequi, sed resistere, & dominari, & respicere laudans,
quasi honestum & utile. Integrum locum descripsi, ut liquer-
et ab Aristarcho perperam esse resectos hosce versus ; qui ta-
men à Codicibus nostris, neglectâ Plutarchi admonitione,
etiamnum absunt. Verùm quamvis Homerus non satis pro-
vidè loquentem induxisset Phœnicem, non erat Critici id
juris in ejus versus sibi adsumere, ut obelo jugularer, quos
non utiles juventuti putabat. Eadem operâ debuisset delere
alios innumeros, in quibus turpia multa de Diis habet, Pla-
toni meritò improbatos. Critici munus in eo tantùm est situm,
curare ut emendatè legantur quæ Veteres scripserunt ; non,
ut utilia tantùm dixissè videantur, efficere.

3. Aristarchum tamen fortè defendere quispiam aggrediatur,
eò quod hosce versus Homeri non esse crediderit, quia Phœ-
nicem prudentem senem numquam ita induxisset loquentem,
quasi à parricidio revocatus esset, dumtaxat rumoribus,
quos de se futuros esse noverat, si paterno sanguine manus
cruentaret ; non metu Numinis, aut impietate facinoris. Ve-
rùm si omnia sint rescanda, quæ ad rectam rationem exacta
ab ea norma aberrare deprehenduntur, longè plura erunt ;
nec Poëtæ tanta aut diligentia, aut sapientia sine ratione tri-
buenda. Propter ejusmodi emendationes, Arato quærenti
πᾶς τὴν Ὀμήρου ποιήσιν ἀσφαλῶς κτήσασθαι, quomodo Poëmata Ho-
meri tuto nancisci posset ? respondissè fertur Timon Philiasius,
εἰ τοῖς ἀρχαίοις ἀντιγράφοις ἐντυγχάνοι, καὶ μὴ τοῖς ἡδὴ δι-

αὐτογράφοις

ὑπομνήσεις si in antiqua exemplaria incideret, non verò in jam correctâ. Diogenes Laërtius, Lib. IX. §. 113.

4. A. Gellius, in Noctibus Atticis, plura nobis servavit exempla Criticorum, perperam quæ non intelligebant emendantium. * Cum scripsisset Cicero, in Oratioe. V. in Verrem: † hanc sibi rem sperant præsidio futurum, erant, ut testatur Gellius, Critici, qui in extremo verbo mendum esse putabant, debuissè enim scribi futuram, non futurum; neque dubitabant quin liber emendandus esset, ne, ut in Plauti Comœdia mœchus, ita in Ciceronis oratione solœcismus esset manifestarius. At quantum illi errarent ostendit Gellius, ex libro Tironis curâ descripto, qui etiamnum exstabat & sermone viri docti, cujus nomen reticet. Idem ille vir in oratione, quæ est de imperio Cn. Pompeii, ita scriptum esse à Cicerone dicebat, atque ita ipse lectitabat: ‡ quum vestros portus, atque eos portus, quibus vitam ac spiritum ducitis, in prædonum fuisse potestatem sciatis; negabátque solœcismum esse in potestatem fuisse, ut vulgus semidoctum putat.

5. Quia amaror, pro eo quod Græci dicunt πικρότης, temporibus, quibus Lingua Latina corrumpi cœperat, minùs usitata vox erat, versus ex Georgicis § Virgilii plerique omnes sic legebant:

*At sapor indicium faciet manifestus, & ora
Tristia tentantum sensu torquebit amaro.*

Hyginus * tamen, non ignobilis Grammaticus, in Commentariis, quæ in Virgilium fecerat, confirmabat non hoc à Virgilio relictum, sed se invenissè in libro, qui fuisset ex domo, atque familia Virgilii amaror. Quod probat etiam Gellius, qui si periisset, aut hoc non observasset, error quem memorat etiamnum hodie Codicibus nostris insideret.

6. Sunt duo alia Virgilii loca, quorum idem † Gellius frustra antiquissimas lectiones scriptis mandavit, aliæ enim hodie in exemplaribus nostris cernuntur. Postquàm observavit nomina facies & dies, habuissè olim in genitivo facies & facii, dies & dii, ait se facillè iis credere, qui scripserunt idiographum librum Virgilii sese inspexisse, in quo ita scriptum esset:

‡ Libra dies, somnique pares ubi fecerit horas;

* Noct. Attic. Lib. I. c. 7.

† Cap. LXV.

‡ Pro L. Manilia. C. XII.

§ Georg. Lib. II. vers. 246.

* Noct. Att. Lib. I. c. 21.

† Lib. IX. c. 14.

‡ Georg. Lib. I. vers. 208.

id est, *horas diei, somnique*. Addit, sicut hoc in loco *dies* à *Virgilio* scriptum videtur : ita in illo versu nihil dubium esse, quin *dii* scripserit pro *dies* :

* *Munera, letitiámque dii* —

Quod imperitiores *Dei* legere, ab insolentia, scilicet, vocis istius abhorrentes. Scio quid viri docti, contra *Gellium*, de hoc loco scripserint ; at nec quod objecerunt viro doctissimo latuit, nec sunt ejus ponderis ut testimonium ejus elevent. *Letitia dii*, aut *dies* sunt cibi, quibus læta illo die Trojani agitentur convivium ; quod posset pluribus probari. Priori verò loco, nihil est quod dubiam facere possit lectionem *dies*.

7. Dixerit fortè quispiam illa non esse tanti, cum aut nullo modo, aut perparum mutant sententiam Poëtæ ; verum hæc ostendunt, ab antiquissimis temporibus, à Criticis sæpe mutata esse quæ non intelligebant, quod unum hoc in loco spectamus. Præterea non est cur credamus, dumtaxat in rebus exigui momenti, à Criticis ea quæ non adsequebantur esse perperam emendata ; per omnia librorum genera, eodem modo grassati sunt. Audiamus *Hieronymum*, de iis qui Novum Testamentum ante ipsum tractarant. Sic loquitur de Librariis, qui Criticorum munere, non exscriptorum, defuncti sæpe sunt, ad Cap. II. Matthæi : In Bethlehem Judææ. Librariorum hic error est, putamus enim ab Evangelista primum editum, sicut in ipso Hebræico legimus, Judææ, non Judææ. Quæ est enim aliarum gentium Bethlehem, ut ad distinctionem ejus Judææ hic poneretur ? Judææ autem idcirco scribitur, quia est & alia Bethlehem in Galilæa. Lege librum Jesu filii Nave. Denique & in ipso testimonio, quod de Michææ prophetia sumptum est, ita habetur. Sunt etiamnum Codices MSS. in quibus legere est *Iudææ*.

8. Eiusdem *Hieronymi* hæc verba sunt, ad Matthæi Cap. III. *Porphyrius* istum locum *Marci Evangelistæ* principio comparat, in quo scriptum est : Initium Evangelii Jesu Christi, filii Dei, sicut scriptum est, in *Esaia* Propheta : ecce mitto Angelum meum, ante faciem tuam, qui præparabit viam tuam. Vox clamantis in deserto, parate viam Domini, rectas facite semitas ejus. Cum enim testimonium de *Malachia*, *Esaia*que contextum sit, querit quomodo velut ab uno *Esaia*, exemplum putemus adsumptum. Cui *Ecclesiastici* viri plenissime responderunt. Nos autem nonnen *Esaia* putamus additum SCRIP-

TORUM (Criticos agentium) vitio, quod & in aliis locis probare possumus. At in plerisque hodiernis Codicibus, legimus *ἐν τοῖς προφήταις*, qua de re adeundi Interpretes.

9. Nescio an Hieronymus respexerit ad Matth. XIII. 35. ubi ita habet: ut impleretur quod dictum est per prophetam, aperiam, &c. Hoc testimonium de LXXVII. Psalmo sumptum est. Legi in nonnullis Codicibus, & studiosus Lector fortè reperiet id ipsum in eo loco, ubi nos posuimus, & Vulgata habet Editio: ut impleretur quod dictum est per prophetam, dicentem; ibi scriptum: per Esaiam prophetam dicentem. Quod quia minime inveniebatur in Esaiâ, arbitror postea à PRUDENTIBUS viris esse sublatum. Imò verò imprudentibus, & audacioribus Criticis, quos monere oportuisset ita legendum sibi videri, non ex ipso Evangelistæ contextu vocem, quam in suis Codicibus invenerant, eliminare. At hodie ne unum quidem exemplar nomen Esaiæ habet, certè nullum in variis lectionibus profertur. Pergit verò Hieronymus: sed mihi in principio videtur sic editum: quod scriptum est per Asaph prophetam, dicentem. Septuagesimus enim septimus Psalmus, de quo hoc sumptum est testimonium, Asaph propheta titulo inscribitur.

10. Hac de re, copiosius agit in Comment. in Psalm. LXXVII. quamvis enim in eo opere multa possint esse, ut iudicavit Erasmus, ab Hieronymo aliena, non dubito quin hæc à manu Hieronymi sint profecta. Dicitur in Matthæo: hæc facta sunt, ut impleretur quod scriptum est in Asaph propheta. Sic invenitur in omnibus veteribus codicibus; sed homines ignorantes tulerunt illud. Denique multa Evangelistæ usque hodie ita habent; ut impleretur quod scriptum est per Esaiam prophetam, &c. Hoc Esaias non loquitur, sed Asaph. Denique & impius ille Porphyrius proponit adversum nos hoc ipsum & dicit: Evangelista vester Matthæus tam imperitus fuit ut diceret: quod scriptum est per Esaiam prophetam, aperiam, &c. Ergo simpliciter dicamus, quomodo illud in Evangelio scriptum est. Sic scriptum est, in Matthæo & Joanne, quod Dominus noster hora sexta crucifixus sit. Hoc videtur esse diversum, sed non est diversum. Error SCRIPTORUM (imo Criticorum) fuit; sed multi episcopus Græcum & putarunt esse Γ: sicut & ibi error fuit Scriptorum, ut, pro Asaph, Esaiam scriberent. Scimus enim quia prima Ecclesia de imperitis congregata fuit Gentibus; Ergo cum legerent in Evangelio: ut impleretur quod scriptum est in Asaph propheta; ille, qui primus scribebat Evangelium, cepit dicere, quis est iste Asaph propheta? Non erat notus in populo & hoc fecit ut dum errorem emendaret, faceret errorem. Nolim quidem præstare quasi vera

vera quæcumque hic habet Hieronymus, aut alius ex Hieronymo; sed hinc colligere licet, quâ ratione multa menda, in omnis generis libros, irrepsent.

11. Pergit verò hisce verbis: Dicamus aliquid simile, & in alio loco secundum Matthæum, quando Judas retulit triginta argenteos, & noluerunt accipere sacerdotes, nec mittere in Carbonam, quoniam erat pretium sanguinis; & emerunt inde agrum figuli, in sepulturam peregrinorum, &c. Ut impleretur, inquit, quod scriptum est in Jeremia propheta. Requistimus in Jeremia propheta, & hoc penitus invenire non potuimus, sed invenimus illud in Zacharia. Videtis ergo, quia & hic error fuit, sicut ibi.

12. Si verum esset quod perhibetur à Massorethiis, à Scribis varia loca Veteris Testamenti esse emendata quemadmodum dicunt; non dubitarem eas correctiones inter inanes Criticorum conjecturas referre. Sed videtur esse merum figmentum, * ut illi ipsi, qui quàm maximè favent Massoræ, ostenderunt. Itaque eas emendationes missas facimus. Verùm certum est in Samaritico Codice plurimas esse, quatum exempla quærantur in Commentario nostro in Pentateuchum. Nonnulla insigniora in Indice notavimus.

13. At numquam usque adedò grâssata est Criticorum audacia, quàm quando, inventâ Typographiâ, ex MSS. Codicibus Veterum monumenta typis excudj cœpere. Editores enim, homines persæpe indocti, non modò manifesta menda corrigere aggressi sunt, sed & quæcumque non intelligebant, ea pro arbitrio mutabant, & nullo habito Manuscriptorum Codicum discrimine, mendosissimos sæpe exprimebant. Cujus rei exempla animadvertent innumera, quicumque primas editiones conferent cum accuratioribus, quæ postea prodire, vel etiam cum MSS. Codicibus. Habemus antiquissimam editionem Pauli Orosii Basileensem, sine indicio anni; sed quam faciliè apparet prodiiisse, diu ante finem decimi quinti sæculi. Ea collata olim fuit cum MS. Bibliothecæ publicæ Genevensis, à patruo meo Doct. Clerico. Ex hac nonnulla proferam exempla, ex quibus licebit intelligere quodnam esset ingenium Criticorum illius ævi.

14. In præfatione, ita loquitur de Ethnicis Orosius: Qui cum futura non quærant, præterita autem obliviscantur, nesciant, præsentia tantum tempora, veluti malis extra solium INFESTISSIMA, ob hoc solum quod creditur Christus, & colitur Deus, insamant. Sic habet MS. Genevensis, sic edi-

* Vide Sal. Glasium Phil. Sac. Lib. I. P. 2. Sect. 1. Art. 3.

tio Moguntina ab *And. Schotto* recensita. At Basileensis Criticus edidit *infectatissima*, quod crederet dici Latine *tempora infectata malis*, non *infecta malis*, qua in re gravissime erravit.

15. Ait paulò post *Orosius*, id sibi muneris ab *Augustino* impositum, maxime CUM reverentiam ejus, perficiendo adversum hos ipsos Paganos XI. libro (de Civitate Dei) insistentem (quorum jam decem orientes radii, mox ut de specula Ecclesiastica claritatis elati erant, toto orbe fulserant) levi opusculo occupari non OPORTERET. Sic habet MS. & Mog. Editio; at Basileensis oportet, omisâ sine dubio lineolâ, quæ scripturæ compendium significat, qualibus scatet hæc Editio, ut pleræque veteres. Quod noto, quia ex compendiis, ut antea vidimus, multa sunt nata menda.

16. *Orosius* suâ ait scrutatione claruisse, regnasse mortem a vidam sanguinis dum ignoratur Religio, quæ prohiberet à sanguine; tum ita pergit in Basileensi Editione: *istâ illucescente, illam conspexisse; illam concludi, cum ista jam prævalet, illam penitus nullam futuram, cum hæc sola regnavit.* Manifestum illucescente esse pro illucescente, at Mog. Ed. habet, *conlucescente*. Pro *cum ista*, quod est in utraque Editione, MS. Codex habet *dum ista*; qui & ante penitus addit *jam*, nescio an melius. At pro *regnabit*, habet *regnavit*, ut & Mog. Editio, melius sine dubio.

17. Paulò inferius habet Basileensis: *futuras angustias, quales ante non fuerant Dominus — prædixit.* MS. Codex: *quales non ante fuerint*, & Ed. Mog. *ante non fuerint*. Credidit Criticus verbum substantivum posse tantum referri ad tempora, quæ antecesserant prædictionem Christi; cum omnia tempora, ad implementum usque prædictionis, effluxura etiam complectatur. Cum verò Caput I. incipiat in Ed. Moguntina ab hisce: *Et quoniam omnes*, &c. in Basileensi, initium ducit ab hisce, quæ paulò post sequuntur: *Ego initium*, &c. cum hac inscriptione: *De miseria hominum per peccatum ab initio.* Nec inscriptiones Capitulum, in sequentibus, nec divisiones sunt similes.

18. Cap. I. Pro *delibatis*, quæ lectio est MS. Codicis & Mog. Editionis, & manifestò genuina est, habet Basileensis absurdè, *deliberatū*. *Initium miserie hominis ab initio peccantis hominis ducere institui, paucis dumtaxat, dissidemque breviter deliberatis.* Nescivit quid esset *delibatis* qui huic editioni præfuit, cujus nomen postea dicam.

19. Editio Basileensis: *Quapropter res ipsa exigit ex his libris, quam brevissime vel pauca attingere, qui originem mundi*

mundi loquentes, præteritorum fidem annunciatione futurorum, & post subsequâ probatione, fecerunt. Editio verò Mog. & MS. Codex: contingere eorum qui, &c.

20. Editiones habent: Si divinâ providentiâ, quæ sicut bona, ita pia & iusta est, agitur homo. At MS. quæ sicut pia, ita & iusta est. Quæ lectio magis arridet, quia pia opponitur iustæ non bonæ, significatque beneficam ac misericordem. Sequentia manifestò hanc confirmant, ubi MS. Genevensis & editio Moguntina habent, Sicut piè gubernari egenum opis oportet: ita iustè corripì immoderatum libertatì necesse est. At Basileensis perperam gubernare, & immoderata habet, quod Criticus nesciret Latinam esse constructionem immoderatum libertatis.

21. Pro numerosiora monstrabimus, quod est in Editionibus, habet MS. Codex monstravimus, melius, quia respicit Orosius ad id quod, hoc ipso Capite, dixit. Antea jam vidimus permutationem literarum B & V. §. 16. In eodem Codice, post pertulisse, minio scriptum est: Explicit Prologus, incipit Liber primus Pauli Orosii Presbyteri. Unde colligere est divisiones Editionum recentiores esse; ac sanè rectius finitium Libri ipsius, à vocibus: Dicturus igitur, &c.

22. In sequentibus: In quantum ad cognitionem vacare sufficere, conflictationesque generis humani, & veluti per diversas partes, ardentem malis mundum, face cupiditatis incensum à specula ostentaturus necessarium reor, &c. Ita legimus in MS. Codice, & Editione Basileensi; cùm Lud. Laurius observer MSS. omnes & editiones tueri vocare, acceptamque fert Palmerio emendationem vocare, quam postulat sensus.

23. Hinc apparet esse in editione Basileensi bona mista malis, ex cujus & MS. Genevensis collatione, possemus multò meliorem Orosium dare, si esset ullum ejusmodi labori pretium. Nihil præterea addam, præter Græcæ vocis corruptionem, quales frequentissimè * in Codicibus Latinis occurrunt. Capite igitur II. in descriptione Asiæ: Ad meridiem succedit Babylonia, deinde Chaldaea, novissimè Arabia Eudæmon, quæ inter sinum Persicum & sinum Arabicum, &c. Sic habent Codex MS. & editio Moguntina; at Basileensis editor, cùm nesciret quid significaret Eudæmon, edidit: novissimè Arabia, ea demum inter sinum Persicum. Quod, nisi exstarent alii Codices, mendosum esse non illico intelligeremus.

24. Critici nomen, ex versibus finì additis, cognoscere licet, sed quo cognito non multò ipse notior erit:

* Vide exemplum supra Cap. IX. §. 8.

Ut ipse titulus margine in primo docet,
 Orosio mihi nomen est.
 Librariorum quidquid erroris fuit
 Exemit ÆNEAS mihi;
 Meque imprimendum tradidit non alteri,
 Leonarde, quam soli tibi;
 Leonarde nomen hujus artis & decus,
 Tuæque laus Basileæ.
 Quod si situm orbis, sique nostra ad tempora,
 Ab orbis ipsa origine,
 Quisquam tamultus, bellæque & cædes velit,
 Cladēsque nosse, me legat.

Ad me quidem quod attinet, tam scio quis fuerit ille Æ-
 neas, quam si sibi *ÆTIV* nomen à parentibus impositum
 dixisset.

25. Quandoquidem verò modò dicebamus vocem Græ-
 cam in Latinas perperam ab homine ignaro mutatam fuisse;
 non erit extra rem, si majoris etiam flagitii Librariorum me-
 minerimus, qui voces Græcas quas legere non poterant planè
 omittere solebant, quandoque relicto spatio, quandoque nullo.
 In omnibus poenè libris Latinis, quibus Græca admista sunt,
 talia cernere licet. Unum exemplum addam ex *Hierony-*
mo, ut uno verbo interpreter quod Parisienses *Benedictini*
 adiequi non potuerunt. Sic alloquitur *Hieronymus* Sophro-
 nium, in Præfatione Psalterii, juxta Hebræicam veritatem:
Quod opusculum meum si in Græcum, ut polliceris, translu-
teris & doctissimos quoque viros testes imperitiæ meæ facere
volueris, dicam tibi illud Horatianum: in sylvam ne ligna
feras. Testantur *Benedictini*, in antiquioribus Codicibus
 nonnullis, post *transluleris* esse tria verba Græca, in aliis
 nullum spatium, nec literam ullam Græcam. Verba au-
 tem Græca ita habent: ΑΝΤΙΦΑΟΝΙΚΩΝ ΤΟΒΑ-
 ΙΑ CΤΡΟΤCΙΝ, quæ videntur quidem *Benedictini*
 ita legenda: ἀντὶ ποίνων τὰ βὰτα οὐραν, sed absurdè ver-
 terunt: coram palmis ramos palme trahunt. Vertendum,
 pro dactylis ramos trahentibus, quod egregium hoc in lo-
 co sensum habet; obscurè enim & eleganter *Hieronymus*
 illud Græcis, qui versionem tantum LXX. Interpretum
 hujus libri legebant, quam tacitè confert ramis fructu de-
 titutis, quales sunt rami palmarum, Hebræicam verò ve-
 ritatem fructui; quem dum Græci se decerpere putabant,
 frustra erant, & steriles dumtaxat ramos vellebant. Non
 mirum est in regione palmifera fuisse proverbium ex pal-
 me

mæ natura deductum, quod non intellexere Librarii Latini, aut quodd Græcè nescirent, aut quodd naturam palmæ ignorarent, quam *Plinius* ita describit Lib. XII. c. 4. *Coma omnis in cacumine, & pomum est, non inter folia hoc ut in cæteris; sed suis inter ramos palmitibus racemosum, utraque naturâ uvæ atque pomi.* Hinc intelligere licet quare is, quem spes frustratur hiantem, dicatur pro dactylis, trahere ramos palmæ. Non opus est probemus *polyxas* dici non modò arbores, sed & earum fructus, cum quævis Lexica hoc doceant. Igitur rectiùs fecissent editores *Hieronimi*, si verba Græca in contextum orationis recepissent; quæ quodd non intelligerent, temerè repudiârunt. At sunt MSS. inquit, ex quibus absunt. Verùm cum omissionis causa ea sit quam diximus, nulla addendi ratio erat aliis Librariis; adeoque temerè detracta multò verisimilius est, quàm perperam addita. Objiciunt iterum illi, sententiam perfectam esse, sine verbis illis Græcis. At hac ipsa de causa refecari potuerunt, addi vix potuerunt.

26. Possemus plurima exempla erratorum, à Criticis recentioribus commissorum, huc congerere; sed nimis quàm frequentia sunt, & postea nonnulla afferentur. Itaque huic Capiti finem imponemus,

CAPUT XIV.

De Mendis, quæ Impostoribus tribuenda.

1. PRÆTER menda, quæ

— aut incuria fudit,

Aut lubrica parum cavit natura —

sunt plurima quæ Librarium, vel potius Falsariorum nequitia debentur; qui homines cum vellent ea esse in Veteribus quæ non erant, mutarunt, addiderunt, detraxerunt, prout visum est; quibus fraudibus, imperitis Lectoribus fucum fecerunt. Facillimum fuit malæ fidei Librariis, aut aliis hominibus exemplaria quæ describebant vitare, eaque quasi emendatiora & quasi ex antiquioribus Codicibus descripta venditare. Eæ fraudes, si non illico multum nocerent, at sequentibus sæculis exitiales esse poterant; cum à quibus Codices descripti essent ignoraretur, & crederentur emendatiores. Non semper facile erat eos conferre cum vetustioribus Codicibus, qui perpaucorum manibus versabantur, aut quos emendatiores esse certo constaret. Non semper facile erat fraudem dignoscere, nec si res eruditioribus, & Critices peritioribus subolebat; idem ab aliis indoctis, & à Critica alienis, intelligi poterat. Hic non loquimur de integro opere cuiuspiam Scriptori falso adscripto, aut planè interpolato, vel prolixiore quopiam loco aucto, minuto, aut depravato; quæ de re agemus, in sequente Sectione; sermo nobis est de mutatione, additione aut detractone paucularum vocum; quæ Codicum corruptelæ, nonnisi à peritioribus, deprehendi possunt; & aciem Criticorum, quamvis perspicacium, sæpe fortasse fugiunt.

2. Licet Veteres non dicerent disertè, à fraudibus ejusmodi cavendum esse; attamen fallendi facilitas, & hominum nequitia nos satis monerent, non facile Codicibus quibuscumque esse fidem habendam. Sed antequàm ad rem ipsam veniamus, ad testimonium unum atque alterum ex Veteribus citabimus, & primum quidem Eshnicos, deinde

etiam Christianum; ex quibus apparebit imprudenter eos facere, quicumque inexplorato iter faciunt per Antiquitatis, ut ita loquar, regiones; cum persæpe, dum putant se in amicorum veri ditione versari, ubi nihil est quod timeant, in latentes nequissimorum Falsariorum insidias delabantur.

3. Cum maxima esset *Homeri* inter Græcos, ab antiquissimis temporibus, auctoritas, si quid ex illo probari posse videbatur, id satis luculentè demonstratum habebatur. Ideoque fertur *Solon* versum ei addidisse, ut ostenderet *Salaminem* insulam esse ditionis Atheniensium: οἱ μὲν ἔν πολλοί, inquit *Plutarchus*, * τῷ Σόλωνι συναγωνισαῖς λίγυσι † Ὀμήρῳ δόξαν. ἐμβάλλοντα γὰρ αὐτὸν ἐπὶ τοῖς νεῶν κατὰ λόγον, ὅτι ‡ δίκης ἀναγνώνας,

Αἶας δ' ἐν Σαλαμῖνι ἄγαν δουκάδεα νῆας,
Στῆσι δ' ἄγων, ἐν Ἀθηναίων ἱσχυτο φάλαγγες.

Plerique ajunt favisse *Soloni* opinionem *Homeri*; illum enim inseruisse versum in Catalogum navium, & legisse in judicio:

Bis sex adductas *Ajax* *Salamine* carinas
Vinxit, *Athenarum* quæ castra habuere phalanges.

4. Cum *Solon* additione peccasset, exemplum proferam hominis detractioe peccantis. Is fuit *Athenodorus* Stoicus, Pergamenæ Bibliothecæ præfectus. Auctor est *Diogenes Laërtius*, † in *Zenone*, ubi postquam dixit ab hoc Philosopho artem amatoriam conscriptam, subjicit: ἀλλὰ καὶ ἐν ταῖς διατριβαῖς παρεπλήσια γράφει τοιούτοισι τινα ἐκ τῶν κακῶν. ἀλλὰ καὶ Ἰσίδωρος πρὸς Περغامεῶν. ὅς καὶ ἐκτραυθήσεται φησὶν ἐκ τῶν βιβλίων τὰ κακῶς λεγόμενα ὅσα τοῖς Στωϊκοῖς ὑπ' Ἀθηνόδωρου τῷ Στωϊκῷ, πεισθέντι † καὶ Περγὰμιν βέλτε βίβλῳ. εἴτα ἀντιτιθεῖναι αὐτὰ, φερεθέντι τῷ Ἀθηνόδωρῳ, καὶ κινδυνεύσαντι ‡: similia item scribit in diatribis. Hujusmodi quædam sunt apud *Cassium*, itemque apud *Isidorum Rhetorem Pergamenum*, qui etiam rescita ait ex libris quæ male dicerent Stoici, ab *Athenodoro* Stoico, cui commissæ erat bibliotheca Pergamena; deinde rursus inserta eadem

* In *Solone* p. 83.

† *Lib. VII. §. 34.*

esse, deprehenso ac periclitante Athenodoro. Digni certè erant, qui id flagitium admittebant, Falsariorum pœnas luerere.

5. Hæc ostendunt, inter Ethnicos, non infrequentes fuisse ejuscemodi fraudes; & utinam idem flagitium objici non posset Christianis! Sed veri amantibus fatendum, nihil esse quod, hac in re, exprobremus Ethnicis, quod de nobis acriùs dicere nequeant. Non modò inventi sunt Falsarii, qui sceleratas manus Scriptis piorum virorum, qui dudum mortui erant, inferre sustinuerint; sed, ne quid impudentiæ deesset, viventium etiam scripta adulterare auli sint. De se ipso, testis fide dignus est Dionysius Corinthiorum Episcopus, qui vixit sub finem secundi sæculi, & ita apud * Eusebium loquitur: ὁπισθὰς γὰρ ἀδελφῶν ἐξωσάντων μὲ γράψαι ἔγραψα. καὶ ταύτας οἱ τοῦ διαβόλου ὑπόφωλοι χιζανίων γαμήρικαν, ἀ μὲν ἐξαιρῶντες, ἀ δὲ προσθέντες. οἱς τὸ καὶ κείται. ἔθαυμαζόντες δὲ καὶ τῶν κυριακῶν βιβλίων τινες ὁπισθίσκηνται γράφων, ὅποτε καὶ ταῖς ἐτοιμαῖς ἀποβιβάσκειν: Epistolas scripsi rogatus à fratribus. Sed illas ministri quidam Diaboli chizaniis impleverunt, quædam ex illis expungentes, quædam adjicientes. Quos certe manet fœnalis illa sententia, v. e. vobis. Non mirum igitur videri debet, si Domini Scripta quidam adulterare aggressi sunt, quandoquidem adulterarunt quæ talia non sunt.

5. Nunc inventâ typographicâ arte, cùm Scriptor quispiam sua ipse opera edit, centena aliquot simul emittuntur exemplaria; quæ ipso invito corrumpi nequeunt, & ad quæ Lectores provocare possunt; sed cùm scriberentur Libri, pauciores primùm edebantur, quos pauci videbant, & qui interciderere faciliè poterant; ita ut ingens semper esset fenestra depravationi aperta. Præterea ea sunt hodie editionum, & temporum indicia, vix ut viri literati falli in editionibus possint; illo verò tempore, unde prodiiissent libri, & à quibus Librariis, paucis pòst annis, vix resciri poterat. Itaque conferentibus Libros inter se non semper facile erat dijudicatu, utri majori fide descripti deberent judicari. Opus erat interdum magnâ diligentia & magno acumine, ut spuria à genuinis secernerentur; qua in re, nobilissimus Critices usus, summæque ejus præstantia elucet.

* Hist. Eccles. Lib. IV. c. 23.

6. Exemplum proferam, ex Epistola S. Barnabæ, à viris doctis nondum antehac, quod sciam, animadversum. Exstat Cap. XII. ejus Epistolæ, ex divisione J. B. Cotelærii. Ἐπὶ ἔν, inquit, μέλλουσιν λέγειν, ὅτι ὁ Χριστὸς υἱὸς ἐστὶ Δαβὶδ. φοβούμενοι καὶ συνιδόντες τὴν πλάνην τῆς ἀμαρτωλῶν, λέγει. Ἄπειν ὁ Κύριος τῷ Κυρίῳ μου, καθύπερθε δεξιῶν μου, ἕως ἀνδρῶν τὸς ἐχθρούς σου ὑποπόδιον τῆς ποδῶν σου. Καὶ πάλιν λέγει αὐτῷ Ἡσαΐας ἔπειτα Κύριος τῷ Χριστῷ μου Κυρίῳ, ἔκροτήσας τὴν δεξιάν σου ἐπὶ τοὺς ἐπαυλοῦσαι ἔμπροσθεν αὐτοῦ ἔθνη, καὶ ἰσχύον βασιλεῖαν διαρρήξαι. Ἰδε πῶς λέγει Δαβὶδ αὐτὸν Κύριον καὶ υἱὸν δευ; quoniam ergo dicturi erant Christum esse filium Davidis, veritus est intelligens errorem peccatorum dicit: dixit Dominus Domino meo, sede à dextris meis, donec ponam inimicos tuos scabellum pedum tuorum. *Esaias verò ita loquitur: dixit Dominus Christo meo Domino, cujus apprehendi dexteram, ut obediant coram eo gentes, & fortitudinem regum dirumpam. Vide quomodo David eum Dominum vocet est Dei filium.*

7. Integram hanc citationem Esaiæ insertam esse huic Epistolæ, ab alio, hæc ostendunt. Primum est, quòd legendum in ea sit Κύριε, Cyro, non Κυρίε Domino; cum in Hebraïcis sit כְּרוֹשׁ Ichorech, & alia exemplaria LXX. Int. habeant Κύριε. Græci & Latini Patres, Hebraïcæ Linguae ignari, potuerunt, hac in re falli, atque ex mendo Librarii mirifica argumenta ducere; sed Barnabæ Cyprio, & Linguae Hebraïcæ perito tale quid excidisse, sine maxima ejus contumelia, credere non possumus. Alterum est, quòd insertionis alienæ indicium sit in sequentibus verbis: Ἰδε πῶς λέγει Δαβὶδ, ex quibus liquet à Barnabæ solum Davidem laudatum in superioribus fuisse. Alioqui dixisset, πῶς λέγουσι Δαβὶδ καὶ Ἡσαΐας. Sensit hoc auctor priscæ versionis, qui ut malè coherentia Barnabæ verba melius fluerent, novâ interpolatione priorem fraudem occultare conatus est, hoc modo verbis postremis immutatis: *Videte quomodo illum PROPHETÆ dominum, non tantum filium dicunt.*

8. Possemus exempla ex aliis Scriptoribus Ecclesiasticis addere, verum de iis agemus in sequente Sectione, ubi de insignioribus interpolationibus. Hoc loco, de tribus celeberrimis locis Josephi, nonnulla monebimus. Origenes Lib. I. & II. * contra Celsum & in † Matth. XIII. hæc verba

* Pag. 35. Ed. Cantab. & p. 69.

† Pag. 223. Ed. Iluetiana.

tribuit, *Iosepho*: Ταῦτα δὲ συμβέβηκεν Ἰουδαίῳ κατ' ἐπι-
 κτησιν Ἰακώβῳ τῷ δικαίῳ, ὃς ἦν ἀδελφὸς Ἰησοῦ τῷ λεγόμενῳ Χει-
 σῷ. ἐπειδὴ περ δικαιοτάτον αὐτὸν ὄντα οἱ Ἰουδαῖοι ἀπέκτειναν:
 Hæc autem contigerunt *Judæi*, in ultionem *Jacobi* justī, qui
 erat frater *Jesu* dicti *Christi*; quoniam eum, cūn justissi-
 mus esset, *Judæi* interfecerant. At in exemplaribus nostris
Iosephi, nusquam exstant; unde * viri docti colligunt hunc
 locum ē *Iosephi* libris esse erasum à *Judæis*, cūm præfer-
 tim *Eusebius* Hist. Eccles. Lib. II. c. 23. eadem illa verba
 proferat. Si vera hæc est conjectura, insignis hæc erit
 fraus *Judæorum*, qui locum abraferint. At si contrarium
 statueretur, nempe, locum hunc additum à malè sano *Chri-*
stiano fuisse, & sefellisse *Origenem* ac *Eusebium*; doli ma-
 li reus esset *Librarius Christianus*. Alterutrum eligatur, no-
 bis perinde est; qui fraudes, à quocumque ortæ fuerint, æ-
 què execramur.

9. Attamen, ne quid dissimulemus, credibilius nobis vi-
 detur *Origenem* incidisse in Exemplar *Iosephi*, à *Christia-*
no quopiam auctum allatâ periodo; quàm eam à *Judæis*
 postea fuisse, in omnibus exemplaribus, expunctam. Ita
 sentiendi has potissimùm rationes habemus. Primùm verifi-
 simile non est *Iosephum* hominem *Judæum* tanti fecisse mor-
 tem hominis *Christiani*, ut, inter potissimas *Ierosolymitani*
 excidii causas, ejus cædem recensuerit. Quòd si nec ma-
 le sensisset de *Christianis*, & ejusmodi sceleris eam calami-
 tatem ultionem esse credidisset, potius *Christi* ipsius cæ-
 dem memorasset, quæ haud paulò majoris erat impietatis
 facinus. Sensit hoc partim *Origenes*, debuissetque propte-
 rea suspectum habere locum. † Καὶ τοίγα ἀπιστῶν Ἰησοῦ, ὃς
 Χριστῷ, ζητῶν τὴν αἰτίαν τῆς ἡμῶν Ἱεροσολύμων πτώσεως, καὶ τὸ
 καὶ καθαρεύσεως. Διὸν αὐτὸν εἰπεῖν ὅτι ἡ κατὰ τὸ Ἰησοῦ ἐπιβλη-
 τίμων αἰτία γέγονε τῷ λαῷ, ἐπεὶ ἀπέκτειναν τὸν περὶ τὸν νόμον
 Χριστόν. ὁ δὲ καὶ ἄπειρ ἄκων ἐμακροῦν τὴν ἀληθείαν γινώ-
 μινός, φησι ταῦτα συμβέβηκεν τοῖς Ἰουδαίοις κατ' ἐπιβλησιν
 Ἰακώβῳ, καὶ τὰ ἐξῆς: Quamvis fidem *Jesu*, ut *Christo*, non
 habens, dum querit causam *Ierosolymitani* excidii, Templique
 demolitionis (cūm debuisset dicere insidias *Jesu* structas cau-
 sam fuisse horum populo *Judæorum*, quoniam *Christum* à *Pro-*
phetis prædictum interemerant) quasi invitus, haud procul à

* P. D. Hætius Dem. Evang. Prop. III. §. 10.

† Pag. 35.

veritate discedens ait hæc contigisse Judæis, in ultionem Jacob. At *Josephus* non credens Christum esse Messiam, adeoque Pseudopphetam eum habens, non potuit dicere, propter Pseudopphetæ discipulum occisum, deletam fuisse Jerosolymam: Qui nihil dixerat de ipso Jesu, ut existimabat *Origenes*, is multò minùs de ejus discipulo loquutus esset. Certè nullum est, apud *Josephum*, vel minimum hujus lacunæ vestigium, quo credibile fiat, hoc eraso, quidquam deesse orationi *Josephi*. Denique quis credat Judæos à temporibus *Origenis*, quibus Christianum nomen ubique sparsum erat, & quibus jam Bibliothecas adornare sibi Christiani cœperant, ut docet * *Eusebius*, ex omnibus Codicibus potuisse ea verba ita expungere, ut nullus eorum qui ad nos pervenerunt integer sit? Certè credibile est Librarios Christianos, non Judæos qui librorum Græcorum numquam studiosi fuerunt, nec Ethnicos à quibus spernebantur Judæi, exscripsisse *Josephum*; illi autem numquam hunc locum omisissent, si in suis Exemplaribus eum reperissent. Imò verò ex auctoritate *Origenis* suo loco potius reposuissent, si aptum ullum apud *Josephum* invenissent.

10. At eum locum, inquit vir doctissimus, “† quoniam tam apertè & fidenter usurpant *Origenes* & *Eusebius*, cùm ille disputaret adversus Ethnicos, uterque “verò in media Judæorum colluvie scriberet, & eum “præterea designat ‡ *Hieronymus*; minimè credi potest “vel confictum ab iis fuisse, vel ab aliis, vel omnino “suspectum fuisse & dubium. At *Origenem* sequutus est *Eusebius*, ut solet priores, *Eusebium* *Hieronymus*, ne inspecto fortè quidem *Josepho*. Ideoque hi tres testes ad unum redeunt. Non equidem puto *Origenem* finxisse, sed vitato codice usum nihil vetat, quin fateamur. Numquam fuit tam diligens, ut nihil proferret nisi exploratum. Fortè etiam memoriæ plus æquo confidit, & quod nusquam legerat citavit. At facere non debuit. Fateor, sed an homines etiam eruditi semper abstinere ab iis, à quibus eos abstinere satius erat? Annon Veteres passim infirma argumenta, ex supposititiis libris petita, proferunt fidentissimè, quasi res clara esset? Testes sunt fictitiæ *Sibyllæ*;

* Lib. VI. c. 20. *Hist. Eccl.*

† P. D. *Huetius*, *Ibid.*

‡ *Catal. Script. Eccles. in Josepho & Jacobo*,

& tot alii libri passim à Clemente Alexandrino, aliisque laudati. Igitur non est ex ἀκρίβεια, quā Veteres plerique caruerunt, ratiocinandum. Hæc si expendantur, per se concident quæcumque similia, hanc in rem, habet vir eruditissimus.

11. Alter locus legitur etiamnum apud * *Josephum*, cujus hæc sunt verba, postquam dixit Ananum juniorem Sadducæum fuisse, & Synedrium, non expectato Albino, convocasse, ita pergit: καὶ παρὰ τὸν αὐτὸν καὶ ἀλλοτρίους τῶν ἀρχιερέων Χριστῶν, ἰδὼς δὲ τὸν νόμον αὐτοῦ καὶ τινὰς ἱερεῖς, οἱ παρενομινοῦντες κατηγεῖαν ποταμὸν, παρὰ τὸν Ἰησοῦν: statutioneque coram eo fratrem Jesu, dicti Christi, (nomen ei erat Jacobo) & quosdam alios; eos accusatos perfracta legi, tradidit lapidibus obruendos.

12. Sunt quoque rationes sat graves, quæ persuadeant hæc fuisse interpolata, & scripsisse dumtaxat *Josephum*, καὶ παρὰ τὸν αὐτὸν τινὰς, καὶ οἱ παρενομινοῦντες, &c. statutioneque coram eo nonnullos, & accusatos perfracta legi, tradidit lapidibus obruendos. Primum, hic locus non videtur, tempore *Hegesippi*, fuisse in *Josepho*; hinc enim potius narrationem mortis Jacobi desumpisset, quàm ex ineptis narrationibus, quas ex eo habet *Eusebius* Lib. II. c. 23. Hist. Eccles. Similia dicenda de Clemente, qui Hypotypof. Lib. VII. dicebat ex *Hegesippo* Jacobum καὶ τὸν πτερυγίον περικλυτὸν, καὶ ὑπὸ κραφίος ζύλου πληγῆτα ἐς θάνατον: ex templi lorica præcipitatum, & à fullone ligno ad mortem percussum. Secundò, qui fidem habent narrationi *Hegesippi*, eos oportet aut *Josephum* falsi arguere, aut suspectum habere hunc locum, quo res publicè Jerosolymæ gesta, adeoque notissima aliter narratur; ut mirari subeat ab *Eusebio* *Josephi* & *Hegesippi* verba allata, eodem Capite, nec eum tentasse ea in concordiam redigere, aut alterutrius narrationis fidem in dubium non revocasse. Tertiò, non est credibile *Josephum* Judæum, ut jam diximus, tanti fecisse mortem Episcopi Christiani, sine dubio, ex opinione Judæorum, παρενομινοῦντες, ut eam quasi grave crimen Ananî memoraverit. Palam enim docebant Christiani, illo tempore, liberè versandum esse cum Ethnicis incircumcisis, & ceremoniarum legalium nequaquam observantibus; eosque non minùs mundos esse, ac Deo gratos, si ex norma Evangelii viverent, quàm si Mosaiicos omnes ritus ob-

* Ant. Jud. Lib. XX. c. 8.

servarent; quæ erat sine dubio *παρενομία*, ex sententia Phariseorum, ac *Josephi*.

13. Tertius locus est Antiquitat. Jud. Lib. XVIII. c. 4. ubi *Josephus*, si exemplaribus nostris credimus, disertè loquitur de Christo. Non repetemus quæ de eo dixit vir acutissimus † *Tan. Faber*, qui integrâ Epistolâ à Christiano confictum esse locum demonstrare aggressus est. Si ille rem acu tetigit, habemus hîc insigne exemplum interpolationis indignæ Christianâ Religione; quæ firmioribus nitiur fundamentis, quàm ut ejusmodi fraudibus indigeat. Contrâ si * vir celeberrimus, qui locum *Josephi* genuinum esse contendit, & contra aliter sentientes probare conatus est, audiat, singularis nequitiae Judæorum hic locus nobis exemplum præbet. Objectionibus enim, plurimos è priscis Christianæ Religionis propugnatoribus, tam valido testimonio causam suam numquam esse tutatos; non *Iustinum*, non *Tertullianum*, non *Origenem*, non alios plerosque; quod fecissent utique, si vel cognita ipsis fuisset ista *phor*, vel pro legitima eam habuissent; hæc, inquam, objectionibus responderet, "causas, nempe, fuisse
"dolos Judæorum, qui ex pluribus eam libris extri-
"verant, jam inde à primis, post *Josephum*, tempori-
"bus.

14. Ad rem, quam hîc agimus, nihil interest utra harum sententiarum verior habeatur; sed ingenuè profitebimur nos *Tan. Fabri* adsentiri, post lecta quæ contra eum dixit vir, cujus multijugem eruditionem cæteroqui suspicimus. Nihil quidem est quod addamus *Tan. Fabri* argumentis, sed non difficulter nobis videmur confutare posse, quæ illi opposita sunt, quod tamen non faciemus. Unum dumtaxat hîc animadvertendum esse censemus; nimirum, incredibile planè esse exemplaria *Origenis* habuisse locum priorem de Jacobo, antea allatum, qui in nullis nostrorum compareret; caruisse verò hoc, de Christo, testimonio. Qui enim unum abradere potuerant, alterum etiam abraisissent. Non minùs mirum, in iis exemplaribus, qui habent locum de Christo, deesse verba ad Jacobum spectantia, quæ prima expendimus. Si dixeris relictum fuisse in exemplaribus *Origenis* locum de Jacobo, quippe minoris momenti; expunctum verò eum, in quo de Christo sermo erat, quo Judæorum pertinacia jugula-

† Lib. I. Ep. 44.

* P. D. Huetius Prop. III. §. 13.

batur; quæram quî factum ergo sit, ut in sequentium sæculorum exemplaribus, in quibus verba de Christo leguntur, nusquam inveniantur quæ primo loco protulimus de Jacobo? Si hæc deleta fuerant, multò potiori jure illa expuncta fuissent. Vix quoque crediderim ullos fuisse Librarios Judæos, qui Græcos libros Christianis, aut Ethnicis venderent; certè non fuit eorum moris describere Gentilium scripta, nec propter *Iosephum*, & perpauco alios Judæos, qui Græcè scripserant, videntur illi librarias officinas instituisse. Multa verò exemplaria corrumpere vix quisquam poterat, nisi Librarius.

15. Nec est putandum defuisse inter Christianos, ex quocumque grege fuerint, qui ejusmodi fraudes admitterent. Exempla aliquot ex Novo Testamento proferemus. locorum manifestò interpolatorum, in plurimis saltem Codicibus; ex quibus judicare licebit, non unum fuisse Falsarium, inter eos qui Codices Sacros olim describebant; quamvis nequaquam passa fuerit divina Providentia, eorum depravationes Religioni nocere.

Matthæi C. III. 11. Joannes Baptista ait se baptizare aquâ, in poenitentiam; sed eum, qui post ipsum venturus erat, baptizaturum *ἐν πνεύματι ἁγίῳ καὶ πυρὶ*, *spiritu sancto & igne*. Veteres omnes Translationes & optimi Codices ita legunt, attamen laudantur aliquot MSS. Codd. in Oxoniensi Editione, à quibus voces *ἐν πυρὶ* absunt. Cum non intelligerent quid hæ voces vellent, nec eas viderent expressas Marc. I. 8. & Joan. I. 33. delendas eas temerè homines non bonæ fidei judicarunt. Forè &, ut suspicatur *H. Grotius*, Hæretici nonnulli, qui igne baptizabant, occasionem huic depravationi præbuerunt.

Marci Cap. XVI. Quamvis veteres Translationes, antiquissimique Codices & Patres, hoc Caput integrum habeant, ac laudent; sunt nonnulli Codices, in quibus totum deest, aut saltem à vers. 9. quod se animadvertisse ait *Gregorius Nyssenus*, ut observavit *H. Grotius*; qui rectè judicat hanc omissionem tribuendam exscriptoribus, qui in hac parte Marcum cum Matthæo in concordiam non posse revocari existimarunt. *Hieronymus*, in Ep. ad Hedybam, similiter animadvertit à plerisque hoc Caput non admitti, & adjectitium haberi, quòd diversa narret à reliquis Evangelistis. Hoc verò falsum esse ostenderunt viri doctissimi, ut nulla sit ratio de Evangelistarum consensu dubitandi.

Ibidem vers. 2. pro ἀνατείλαντ' ἡλίου, ortho sole, MS. Codex R. Stephani habuit ἔτι ἀνατείλαντ'. Gregorius Nyssenus, in Serm. de Resurrectione: ἔτι τοῖς ἀκριβετέροις ἀντιγραφοῖσι ἐμφέρεται: adhuc in accuratioribus exemplaribus exstat. Sic legit etiam Eusebius, in Demonst. Evang. Lib. X. c. 8. Alii verò Codices, & veteres Translationes omittunt eam particulam, unde colligere est interpretationis gratiā additam.

Ibidem. Vers. 8. In Codice, qui laudatur in Edit. Wecheliana, adduntur hæc versui octavo, atque ita definit hoc Evangelium: πάντα δὲ τὰ παραγγελλόμενα τοῖς θεοῖς καὶ Πέτρῳ οὐτόμας ἐξήγγειλαν. καὶ δὲ ταῦτα καὶ αὐτὸς ὁ Ἰησοῦς ἀνατολῆς καὶ ἀρχὴ δύσεως ἐξατίσκει δὲ αὐτῶν τὰ ἱππὶ καὶ ἀσφαρτῶν κρηγυμα καὶ αἰώνιου σωτηρίας: omnia mandata Petro paucis nuntiavit. Post hæc verò & ipse Iesus, ab oriente usque ad occasum, nuntiavit per eos sacrum & incorruptum præconium eternæ salutis.

Ibidem. Vers. 14. Hieronymus Lib. II. adversus Pelagianos: In quibusdam exemplaribus & maxime in Græcis Codicibus, juxta Marcum, in fine ejus Evangelii scribitur. Postea cum accubuisse, &c. Et illi satisfaciebant dicentes; sacrum istud iniquitatis & incredulitatis substantia est, quæ non finit per immundos Spiritus veram Dei apprehendi virtutem. Idcirco jam nunc revela justitiam tuam. At neque Versiones, neque Codices ulli superstites huic additamento favent.

Lucæ Cap. II. 33. Καὶ ἦν Ἰωσήφ καὶ ἡ μήτηρ αὐτοῦ. Erant Ioseph & mater ejus. Sic Alexandrinus & plerique Græci Codices, sic Syrus & Arabs. At Vulgatus: & pater ejus & mater, quam lectionem confirmant aliquot Græci Codices. De hac Hieronymus, contra Helvidium: Tu licet, mirā impudentiā, hæc in Græcis Codicibus falsata contendas, quæ non solum omnes præter Græciæ tractatores in suis voluminibus reliquerunt; sed nonnulli quoque & Latinis, ita ut in Græcis habentur, adsumpserunt. Non immerito conjecit Erasmus, mutatum id à quopiam, qui vereretur Iosephum vocare patrem Iesu.

Ibidem. Cap. XIX. 41. Καὶ ὡς ἤρουν, ἰδὼν δὲ πόλιν καὶ κλαυσὶν ἐπ' αὐτῇ & cum adpropinquasset, conspectā urbem, illam deflevit. Cum nonnulli lacrymas Christo indignas judicarent, rescuerunt hunc verum. Eriphanius in Anchorato num. 31. Ἀλλὰ καὶ ἔκλαυσεν κατὰ ἐν τῷ χρῆστι Λαζάρῳ ἐν ἀγγαλίῳ, ἐν τοῖς ἀδωρθώτοις ἀντιγράφοις, καὶ κίχρη) τὴν μαρτυρίαν. ὁ ἀγιος Εἰρηναῖος ἐν τῷ χρῆστι αἰγίπτιον, πρὸς δοκίμους καὶ Χριστῶν

τὸ κεῖν περικείμεναι λέγοντας. ὀρθόδοξοι δὲ ΑΦΕΙΑΟΝΤΟ τὸ ἥτων φοβηθέντες καὶ μὴ τοῖσιν αὐτῷ τὸ τίλαθαι, καὶ τὸ ἰχυρότατον: Sed & ploravit exstat in Evangelio secundum Lucam, in exemplaribus non emendatis, (imò non corruptis) & usus est hoc testimonio Sanctus Irenæus, in opere contra Hæreses, ad eos refellendos, qui Christum specie tenuis fuisse dicebant. Orthodoxi verò SUSTULERUNT vocem, veriti, nec intelligentes ejus finem & summam vim. Habent tamen omnes nostri Codices, & antiquissimæ Translationes. Vide H. Grotium, ad hunc locum.

Ibidem. Cap. XXII. 43, 44. "Ὁρθὴ ὁ αὐτὸς Ἄγγελος ἐκ τοῦ ἐνὶ οὐρανῷ αὐτῶν. Καὶ γυνέμενος ἐν ἀγωνίᾳ ὑπερτίσσειν ὁρμήσκει. ἔκρητο δὲ ὁ ἰδῶς αὐτοῦ, ὡς δὲ ὀρθοὶ αἵματός κατακαλυνόντες ἐπὶ τῇ γῇ: Apparuit autem ei Angelus de cælo confortans eum, & cum esset in agonia, intentius orabat; erat autem sudor ejus, quasi grumi sanguinis descendentes in terram. Hæc, quæ sunt in omnibus nostris Codicibus, priscisque Translationibus, ait Hieronymus Lib. II. contra Pelagianos, in quibusdam exemplaribus, tam Græcè, quàm Latini, inveniri; ex quibus verbis liquet, si modò accurate loquutus est Hieronymus, ex plerisque abfuisse. Similia habet Hilarius Lib. X. de Trinitate. Falsarii, qui pro sua imperitia, historiam Christi emendabant, hæc sustulerant, quasi indigna Christo, quæ tamen cæteri Christiani genuina esse agnoverunt. Quæ narrabantur de nonnullis Martyribus, qui, quasi alienatâ mente, nec cruciatus ullos patiente, illudebant carnificibus, effecerant ut extremum illud Christi certamen imperiti homines non satis concoquerent. At multò major est constantia ejus qui sui compos, & acerrimis doloris ac ignominie stimulis confusus, constanter virtutem ac veritatem tueretur; quàm ejus, qui instar furchtis clamat, se nihil sentire doloris, & ridet, si vera quidem sunt quæ narrantur, in mediis flammis, aut in candente crate. Verùm hæc non sunt hujus loci.

Joannis Cap. VII. 8. ita loquitur Christus: ὑμεῖς ἀνέβητε εἰς τὴν ἑορτὴν ταύτην. ἐγὼ ἔτι ἀναβαίνω: vos ascendite ad hoc festum, ego nondum ascendo. A versione Vulgata abest nondum ἔτι, sed in cæteris Translationibus, est particula similis significationis. Plerique etiam Codices nunc habent ἔτι. Attamen tempore Porphyrii, in plerisque videretur omissa hæc particula fuisse. Hieronymus, Lib. II. contra Pelagianos: Iturum se negavit, & fecit quod prius negaverat. Latrat Porphyrius, inconstantie ac mutationis accusat, nesciens omni: scandala ad carnem esse referenda. Vide, ad hunc locum, Theod. Beza.

Ibidem.

Ibidem. Cap. VIII. 3. & seqq. ad 11. habetur historia adulteræ, de qua vide quæ adjecimus *H. Hammondi* adnotationibus.

Actorum Cap. XX. 28. est insignis lectionis varietas, de qua jam diximus Cap. VIII.

Epistolæ ad Romanos C. V. 14. ait Paulus mortem regnasse ab Adamo usque ad Mosem *ὅτι ἡ ΜΗ ἀμαρτία νομίται ὅτι τῇ ὁμοιωματι ἡ παρὰ ἑαυτοῦ Ἀδάμ* : etiam in eos qui NON peccaverant ad similitudinem transgressionis Adam. *Origenes* observârat, in multis Codicibus, non esse negativam ; atque ita legendum contendit *Hilarius Diaconus*, cujus Commentarii perperam *Ambrosio* olim tribuebantur. Rectene an secus, nunc non quæram, sed digna notatu verba ejus adscribam, ubi ita loquitur contra eos, qui Græcos Codices, in quorum plerisque erat negatio, quasi emendatiores Latinis, ei objiciebat : Sic præscribitur nobis de Græcis Codicibus, quasi non ipsi ad invicem discrepent. QUOD fecit studium contentions. Quia enim propriâ quis auctoritate non potest uti, ad victoriam, verba Legis adulterat, ut sensum suum quasi verba Legis adserat ; ut non ratio, sed auctoritas præscribere videatur. Constat enim hoc, per quosdam Latinos, de veteribus Græcis transcriptos olim Codices, quos incorruptos simplicitas temporum servavit & servat. Postquàm autem concordia, animis dissidentibus & hæreticis proturbantibus, contorqueri quæstionibus cepit, MULTA IMMUTATA sunt ad sensum humanum, ut hoc contineretur in * Literis quod homini videretur, unde & ipsi Græci diversos Codices habent. Hoc autem verum arbitror, quando & historia & ratio & auctoritas observantur. Nam hodie, quæ in Latinis reprehenduntur, sic inveniuntur à Veteribus posita, *Tertulliano*, *Victorino* & *Cypriano*. De varietate lectionis, in Pauli loco, adeantur *Des. Erasmus* & *Theod. Beza*, qui acerrimè in virum se doctiorem invehitur.

Ibidem, C. IX. 5. Christus dicitur *ὁ ὢν ἐν πάσῃν ὁμοειδὲς διλογητὸς εἰς τὰς αἰῶνας*, qui est super omnia Deus benedictus in sæcula. Observavit dudum *Erasmus Cyprianum*, adversus Judæos Lib. II. c. 6. & *Hilarium* in Psalmum CXXII. omittere vocem Deus, nec *Chrysostomum* videri eam legisse. *H. Grotius* iis addit Syrum Interpretem, qua in re fallitur. Sive autem deleta, sive addita fuerit datâ operâ hæc vocula, Falsariorum hoc fuit facinus ; qui aut noluerunt sibi Paulum adversari, aut sententiam pro se

* Vide, ut desse sacris, aut sanctis

ferre voluerunt. Existimavit Erasmus interpunctionem hic esse mutandam, at temerè, qua de re postea aliquid dicemus.

1. Epistolæ ad Timotheum Cap. III. 16. in plerisque nostris exemplaribus Græcis, legimus hodie Θεὸς ἐφανερώθη ἐν σαρκί, Deus apparuit in carne. Sed pro voce Θεός, Latinus Int. & Syrus legerunt ὁ, confirmantque eam lectionem Claromontanus Codex, & alius in Oxoniensi Editione memoratus. Erasmo videtur additum Deum adversus Hæreticos Arianos; Bezae verò sublatum fuisse ab iis qui vel Deitatem Christi, vel utriusque naturæ unionem, jam inde ab ipso conceptionis momento, negabant. Non inquiram, uter melius coniecisse videatur; sed si quis addiderit quod in Codicibus suis non inveniebat, aut detraxerit quod in iis legebat, confirmandæ opinionis suæ causâ, eum Falsarium fuisse, ex omnium suffragio, pronuncio.

1. Epistolæ Joannis Cap. IV. 3. legimus in exemplaribus Græcis, consentientibus Syro & Arabe Interpretibus: πᾶν πνεῦμα, ὃ μὴ ὁμολογεῖ Ἰησοῦν Χριστὸν ἐν σαρκὶ ἐληλυθότα, ἐκ Θεοῦ ἔκ ἐστι: omnis Spiritus qui non fatetur Christum; qui in carne venit, ex Deo non est. At Vulgatus habet: Omnis Spiritus, qui solvit Jesum, ex Deo non est; itémque Irenæus, Lib. III. c. 18. Tertullianus Lib. V. contra Marcionem Cap. 16. & alii. Socrates verò Hist. Eccles. Lib. VII. c. 32. sic de Nestorio, deque hoc loco scribit: ἠγνόησεν ὅτι ἐν τῇ καθολικῇ Ἰωάννης ἐγγέγραπτο ἐν τοῖς παλαιῇς ἀντιγραφαῖς, ὅτι πᾶν πνεῦμα ὃ ἂν εἴπῃ ὅτι Ἰησοῦς, ὁ ἐκ Θεοῦ ἔκ ἐστι. Ταύτην γὰρ ἡ διάνοιαν ἐκ τῆς παλαιῆς ἀντιγραφῆς ὡς ἐπὶ οἱ χαλεκοὶ ἀπὸ τῆς οἰκονομίας ἀνθρώπων βλαβέμενοι ἡ διέκρισις διὰ καὶ οἱ παλαιοὶ ἐρμηνεύει αὐτὸ τὸ ἰσομήναιτο, ὡς τινες εἰν παλιόγραφοντες ἡ διέκρισις, λέγειν ἀπὸ τῆς Θεοῦ ἡ ἀνθρώπων διέκρισις: ignoravit in catholica Joannis Epistola, ita scriptum esse, in antiquis exemplaribus: Omnis spiritus, qui Jesum solvit non est ex Deo. Hanc enim sententiam è vetustis exemplaribus sustulerunt ii, qui ab hominis dispensatione divinitatem separare studebant. Quamobrem & prisci Interpretes id ipsum observarunt; fuisse nimirum, quosdam, qui hanc Epistolam DEPRAVARINT, hominem à Deo sejungere cupientes. Est & alia lectio hujus loci, ex Codice Alexandrino: πᾶν πνεῦμα, ὃ μὴ ὁμολογεῖ Ἰησοῦν, ἐκ τῆς Θεοῦ ἔκ ἐστι: omnis spiritus qui non fatetur Jesum, ex Deo non est. In partes eunt Interpretes, de vera hujus loci lectione; & contendunt eam lectionem, quam non probant, esse depravationem.

Ibidem.

Ibidem. Cap. V. 7. 8. ita legimus in Codicibus nostris, ex recentioribus MSS. Ὅτι τρεῖς εἰσιν οἱ μαρτυροῦντες ἐν τῷ ἁερανῷ, ὁ πατήρ, ὁ λόγος, καὶ τὸ ἄγιον πνεῦμα. καὶ εἰσι οἱ τρεῖς ἐν εἰσι. καὶ τρεῖς εἰσιν οἱ μαρτυροῦντες ἐν τῇ γῇ, τὸ πνεῦμα, καὶ τὸ ὕδωρ, καὶ τὸ αἷμα. καὶ οἱ τρεῖς εἰς τὸ ἐν εἰσι; nam tres sunt, qui testificantur in cælo; Pater, Ratio, & Spiritus Sanctus, & hi tres unum sunt. Et tres sunt qui testificantur in terra, spiritus & aqua & sanguis, & hi tres in unum consentiunt. At MS. Alexandrinus habet tantum: Ὅτι τρεῖς εἰσιν οἱ μαρτυροῦντες, τὸ πνεῦμα καὶ τὸ ὕδωρ καὶ τὸ αἷμα, καὶ οἱ τρεῖς εἰς τὸ ἐν εἰσι. Ita etiam verustiores alii omnes Codices Græci, ita Syrus, Arabs, Æthiops, & ipse Latinus interpres, in antiquissimis Codicibus. Præcis Libris si insint verba, quæ in Editionibus nostris leguntur, sunt addita margini, non in ipsa orationis serie, & quidem recentiore plerumque manu. * Ita multi Patres legerunt, ut monuerunt viri doctissimi ad hunc locum, quod pluribus probare non opus est. H. Grotius conjicit ex additamento Ariani cujuspiani esse, quod præterea legitur in nostris Codicibus; alii volunt in iis casu esse omissa, quæ sunt inter voces οἱ τρεῖς εἰσιν οἱ μαρτυροῦντες, propter eorum verborum repetitionem, quod sæpe factum antea ostendimus; sed obstant voces ἐν τῇ γῇ, quæ sunt post hæc verba vers. 8. Volunt quidem viri eruditi eas primum scriptas fuisse, sed postea deletas, cùm sensu carerent. At primum, est conjectura quæ nullis nititur Codicibus; nulli enim laudantur ubi sint voces ἐν τῇ γῇ, omisiss testibus cœlestibus. Deinde, poterat dicere Joannes tria Christo testimonium exhibere in terra, tacitè hoc opponens variis cœlestibus testimoniis, quæ Pater ei præbuerat, nec causa ulla erat eorum verborum delendorum. Tertiò, nullo modo credibile est hæc verba delituisse in perverstitis quibusdam Codicibus per aliquot sæcula, dum Arianorum controversiæ vigerent, & agitentur à viris † doctissimis, qui omnia vetera monumenta curiosissimis oculis lustrabant, si quid in iis occurreret, quo causam suam tueri possent; donec extinctâ propemodum Arianorum sectâ, in lucem proferrentur. Quæ cùm ita sint, fateor me non videre quâ fide, aut quo jure possint vetustiores Codices ex recentioribus emendari? An ita postulat orationis series? Ne-

* Omisso minores varietates, quas vide in Oxon. Ed. & apud Ric. Simonium in H. C. N. T. de Textu Cap. XVIII. & diss. de MSS. N. T. sub finem.

† Scio proferri locum unius Cypriani, sed ex eo nihil posse colligi egregie ostendit Ric. Simonius; quod non illibenter agnosco, qui gratias habeo verum docentibus, quicumque sint.

quaquam. Non pluribus rem persequemur, quia à viris doctissimis copiosissime pertractata est.

Unum dumtaxat addemus exemplum insignis fraudis, hanc in rem. Cum, nimirum, deessent, in antiquioribus Latinis exemplaribus, verba quæ antea attulimus, non modò à Theologis illata sunt recentioribus MSS. sed & antiquiores interpretes malæ fidei sunt incusati. Quod ut aliqua cum veri specie, quæ nulla erat, fieri posset, fictus est à pio, scilicet, impostore Prologus in septem Epistolas Canonicas, in quo ita Hieronymus loquens inducitur: *Quæ si, ut ab eis digestæ sunt, ita quoque ab Interpretibus fideliter in Latinum eloquium verterentur, nec ambiguitatem legentibus facerent, nec sermonum sese varietas impugnaret; illo præcipue loco de unitate Trinitatis, in prima Joannis Epistola, positum legimus. In qua etiam ab infidelibus Translatoribus multum erratum esse fidei veritate comperimus; trium tantum vocabula, hoc est, aquæ, sanguinis & spiritûs in sua editione ponentes; & Patris, Verbiq; ac Spiritûs testimoniis omittentes; in quo maxime & fides Catholica rebotatur, & Patris & Filii ac Spiritûs Sancti una divinitatis substantia comprobatur. Ne quisquam suspicaretur Prologum non esse Hieronymi, additum est in ultima Periodo nomen Eustochii: Sed, tu virgo Christi Eustochium, &c. Hunc autem Prologum esse confictum probavit Ric. Simonius in Hist. Critica Textûs N. T. Cap. XVIII. quamvis in nonnullis erraverit, si stemus fide Monachorum Benedictinorum, qui nuper Hieronymum edidere. Ipsa tamen in re ei assentientur, quamvis ubicumque possunt eum admordeant, & errorum loci suspectissimi acriter defendant. Vide quæ habent in adnotationibus ad eum Prologum, & adi etiam Simonium, qui conjicit scholion è margine in textum irrepsisse.*

Epistolæ Judæ vers. 4. in Editionibus, ita describuntur Heretici quidam Apostolicorum temporum: *ὁ υἱὸς τοῦ Θεοῦ, καὶ ὁ κύριος ἡμῶν Ἰησοῦς Χριστὸς ἀνθρώπου*: *solum verum Deum, ac Dominum nostrum Jesum Christum negantes.* Sed in Alexandrino Codice non est vox Θεός, uti nec in duobus T. Bezae, nec in quinque aliis, in Oxoniensi Editione memoratis. Non legit eam Latinus Interpres. Sive datâ operâ detracta fuerit hæc vocula, sive addita à Theologis; quicumque sint, & quacumque de causa; illa quidem fraus est, indigna bonis viris, & veri amantibus.

Ultimo loco memorabimus novam interpunctionem, quam in MS. Codice invenit olim Claud. Sarravius, Senator Patiensis, & quam his verbis proferit, in Epist. CLXXVI.

“Codex

“Codex est venerandæ antiquitatis, qui Scripturæ speciem præfert ultra octingentos, vel etiam mille annos exarata.
 “Locus autem habetur Apocalypf. C. XIX. 10. & vulgò ita legitur: *σύνδουλός σου εἰμὶ καὶ τοῖς ἀδελφοῖς σου τοῖς ἔχουσιν τὴν μαρτυρίαν τοῦ Ἰησοῦ. τῷ Θεῷ προσκύνησον.* Codex vero, quem jam verso, legit in hunc modum: *σύνδουλός σου εἰμὶ καὶ τοῖς ἀδελφοῖς σου τοῖς ἔχουσιν τὴν μαρτυρίαν. Ἰησοῦ τῷ Θεῷ προσκύνησον.* Quæ lectionis varietas non est nihili.
 “Nempe, vertendum esset, ex hac interpunctione: *conseruus tuus sum & fratrum tuorum habentium testimonium. Jesum Deum adora*; non, ut omnes Interpretes, *testimonium Jesu. Deum adora.* Sed hanc esse veram interpunctionem ostendunt sequentia, & perpetuus Apostolorum stylus. Quo factum ut nemo alius tale quidquam somniarit. Hoc in memoriam mihi revocavit duas interpunctiones ab *Erasmo* excogitatas, ad Rom. IX. 5. *Ex quibus est Christus secundum carnem, ὁ ὢν ἐπὶ πάντων Θεὸς εὐλογητὸς εἰς τὰς αἰῶνας; qui est super omnia Deus benedictus in secula.* Vellet aut *τελείαν ἡγμὴν* ante ὁ poni secundum carnem. Deus, qui est super omnia, benedictus in secula; nempe, fit; aut post *πάντων*, hoc modo, *qui est super omnia. Deus benedictus sit in secula.* Sed ut Græculus, à quo descriptus erat liber *Saravii*, invito Joanne, voluit nomen *Dei* Domino Jesu tribuere, ita &, invito Paulo, eum titulum Christo detrachere conatus est *Erasmus*. Utriusque conatus, inter depravationes, ex æquo haberi possunt; nisi quoddam venia dignior est *Erasmus*, quia conjecturam tantum in Adnotationibus proposuit; locum verò, in Translatione sua, non secus ac alii, interpretatus est.

16. Hæc sunt depravationum manifesta, nisi fallor, exempla; quæ tamen, ita rem administrante Divinâ Providentiâ, neminem fallere possunt, nisi qui sponte falli velit; cum antiquissimi Codices, & priscæ Translationes, & Scripta veterum Patrum satis ostendant quæ sit vera locorum, in nonnullis Codicibus depravatorum, lectio; ne jam & doctrinam & stylum Apostolorum memoremus. Non est Religio Christiana res obscura, & cujus necessaria capita obiter tantum attingantur in Apostolorum scriptis, aut diffculter ex aliis colligantur; ex quo intelligere licet, malâ manu, difficillimè eorum ullum ex hominum memoria deleri potuisse. Non moror hic crassas Marcionitarum & aliorum depravationes, quæ statim resectæ sunt, & unâ cum illis meritò irritæ atque explosæ interierunt.

CAPUT

CAPUT XV.

De Mendis à Vetustate ortis.

1. CUM Vetustas inscripta marmorì atque æri monumenta innumera, aut prorsus absumferit, aut partim deleverit; nemo mirari possit, cur in libris, in membrana aut charta descriptis, sint vel plurium vorum vel aliquot litterarum lacunæ. Negligentiâ Librariorum atramento non bene temperato utentium, aut etiam eorum qui libros, magno licet ære emptos, interdum non satis diligenter adservant, aliisque ejusmodi casibus, factum est ut in antiquissimis MSS. multa loca defint, ac plurimæ voces mutilæ cernantur, & quæ cupidissimè legeremus ea avidos oculos nostros fugiant. Quicumque Bibliothecas MSS. Codicibus instructas lustrarunt, faciliè innumeros in iis vetustatis, omnia absumentis, morsus animadverterunt; & frequentes sunt virorum doctorum acerbissimæ, ac inanissimæ querelæ, cum à MSS. suis destituuntur, in iis locis, in quibus maximè eorum operâ indigebant.

2. Exstat hanc in rem historia, apud Strabonem, * digna quæ huc transferatur, quamvis paullo prolixior sit locus. Postquam ergo dixit ab Aristotele bibliothecam traditam esse Theophrasto, à Theophrasto verò relictam Neleo, ita pergit: ἡ δὲ εἰς Σαῦλον κομισθεὶς τοῖς μετ' αὐτὸν παρῶντων ἰδιώταις ἀνθρώποις, οἱ κατέλαβον οὐκ ἔχον τὰ βιβλία, ὅς' ἐπιμελῶς καίμεναι ἐπειδὴ ἡ ἰδιότης τὴν σπουδὴν τῶν Ἀτταλικῶν βασιλέων, ὅφ' οἷς ἦν ἡ πόλις, ἡ τῶν βιβλίων εἰς τὴν κατεσκευασμένην ἐν Περγᾶμι βιβλιοθήκῃ, ἣν οἱ ἔκριναν ἐν διασκευῇ. ὅπερ δὲ νοτίως καὶ σπητῶν λακωνῶν καὶ ἑσπερίων ἀπὸ τοῦ οἱ ἀπὸ τοῦ γένους Ἀπυλλίωνος τοῦ Τηίου πολὺν ἀργυρίου τὰ τῶν Ἀεσοντίων καὶ τὰ Θεοφράστου βιβλία: Hic libri Scepsin transactos posteris suis reliquit, indoctis hominibus, qui incurie positos sub clavibus habuerunt. Cum verò intellexissent studium Attalicorum Regum, quibus Scepsis parebat, conquirentium libros ad instituendam Pergami Bibliothecam; sub terra suos, in fossa quadam, occultaverunt. Hunc verò & blattis vitiatos, serò tandem qui ex ea erant super, Aristotelis, Theophrastique libros Apelliconti Teio, magna pecuniâ, vendiderunt. Videntur timuisse Nelei heredes, ne Reges Pergameni sibi thesaurum illum eriperent,

* Lib. XIII. p. 419. Ed. Casauboniana Grenevensis.
Tom. II.

nullo persoluto pretio; quo metu factum est, ut eum terræ crediderint, sicut aurum solent avari; donec emtorem invenirent, qui sibi certam pecuniæ summam numeraret. At illâ cautione factum est, ut libri utriusque Philosophi vitati fuerint; fieri enim non potuit ut blattæ pergamenas non perfoderent; utque humor, atramento diluto, litteras & voces plurimas non deleret. Perpaucos quidem fuisse crediderim, qui ejusmodi thesauros in Græcia, aut in Italia defendere cogerentur; sed in Bibliothecarum forulis jacentia volumina non minus cœli humor, ac blattæ, tineaevæ corrumpere potuerunt; si forte, ut fit, ædes non satis diligenter tectæ essent, aut si libri rarò inspicerentur. Sæpe nata ex ejusmodi casibus lacunæ, nullo modo expleri potuerunt; aut si expletæ sunt, errante explentium acumine, vetusto Scriptori voces tributæ sunt, quibus usus non fuerat.

3. Factum id in *Aristotelis*, *Theophrasti*que operibus, docet in sequentibus *Strabo*, hisce verbis: ἢν δὲ ὁ Ἀπελλίων φιλόσοφος μᾶλλον ἢ φιλόσοφος. διὰ καὶ τῶν ἐπανόρθωσιν τῶν βιβλίων, εἰς ἀντίγραφα καὶ ἀντιγράφα τὴν γεγραμμένην ἀναπληρῶν ἐκ αὐτοῦ, καὶ ἐξέδωκεν ἀμαρτυρῶν πλήρη τὰ βιβλία: *Erat autem Apellion potius librorum studiosus, quam Philosophia; itaque erosarum particularum querens instauratorem, in nova libros transtulit exemplaria, lacunas non recte implens, ediditque libros mendorum plenos.* Paullo post, postquam dixisset veteres Peripateticos difficulter philosophatos, quod carerent libris *Aristotelis* & *Theophrasti*, subdit: τοῖς δὲ ὕστερον ἀφ' ἐκείνων τὰ βιβλία ταῦτα προσελθόντων, ἀμεινον ὡς ἐκείνων φιλοσοφεῖν καὶ ἀρρετιτελεῖσθαι, ἀναγκαῖον ἐστὶν μὲν τοῖς ταῦτα πολλὰ εἰκότως λέγειν, διὰ τὸ πλῆθος τῶν ἀμαρτυρῶν: Posterioribus, ex quo hi libri fuerunt ediri, facilius fuit philosophari & *Aristotelem* auctorem sequi; quamquam, ob mendorum multitudinem, cogebantur multa conjiciendo dicere.

4. Ejusmodi ad nos pervenit *Epistola Clementis Romani*, in qua *Patricius Junius* voces deperditas, ut loquitur, & litteras vetustate excisas, interstitiis accuratissime dimensu supplevit, supplementaque mino exprimi curavit; ut facili ab iis, quæ in MS. Codice comparent, secernerentur. Eadem postea uncinulis clauferunt *J. B. Corclarius* & *P. Colomesius*, in hujus *Epistolæ* editionibus, quas diu post *Junianam* emiserunt. Nemo negarit quin ut plurimum non male suppleverit vir eruditus, cum paucae desint litteræ, & loca multa ex *LXX.* Interpretibus proferantur.

5. Attamen in prima periodo gravissime offendit, habet enim: [Χάρις ὦ] μὴ καὶ εἰρήνη ἀπὸ παντοῦ [κατά] τοῦ θεοῦ, διὰ τοῦ Χριστοῦ, πληθυνθεῖν, [ἐφ' ὃ] μὴν ἰδὲ καὶ ἐπ' ἀλλήλους: hoc

est, illo interprete: *gratia vobis & pax ab omnipotente Deo, per Jesum Christum, in vobis singulis, ET mutuò erga vos invicem multiplicetur.* Qui postrema verba solæca sunt, in Græcis & Latinis, sensuque carent. Conjicit in notis ἰπ' ὑμᾶς ἰδίως, absurdè. At qui accuratius inspexerunt Codicem Alexandrinum viderunt in eo legendum esse potius: [Διὰ] ἰ σφιδύς καὶ ἐπ' ἀλλήλους γινόμενας ἡμῶν συμφορὰς καὶ [παρὰ] πόσεis: Propter subitas & alias super aliis, quæ nobis contigerunt, calamitates & casus adversos, &c. ita ut hæc sint initium periodi.

6. Sed miror subjecta verba non fuisse emendata, cum sententia ipsa sat manifesta ad veram lectionem deduceret: ἀδελφοὶ βραδέιον [δυσσ] ἰ ζομεν ἐπισερχὸν πεποιθ [χάν] αὶ περὶ ἡμῶν ἐπιζητούμενον [πα] ε' ὑμῶν τραυματίων: vertit Junius: *fratres dilecti postulatis vestris tardius nos animum adjecisse veremur*; legitque βραδέιον. At supplementum vocis δυσσίζομεν durum est & coactum, nec sensum expeditiorem facit, præterquam quòd vox rarior est. Sed Junius ait se vestigium minutissimum Ὡ O ante I vidisse. Cotelærius verò vertit: *fratres, tardius videmur convertisse animum ad eas res, quæ à vobis quesitæ sunt.* In margine suspicatur pro δυσσίζομεν, legendum *εὐμίζομεν*, judicamus, quod non debuit vertere videmur. Legendum erat βραδέιον [δυσσ] σμεν, hoc est, sero videbimur ad animum revocasse, ut βραδέια ἐπισερχὸν, sit sera consideratio. Vestigium Ὡ O & I sequens sunt sine dubio crura vicina Ὡ K & H. Sensus est perspicuus, & series orationis clara: Propter subitas, & quæ alia super aliis nobis contigerunt calamitates, & casus adversos, fratres, serius videbimur ad animum revocasse quæ rogaveratis.

7. Permulti alii sunt veteres Scriptores, in quibus lacunæ sunt, quæ nonnisi ope meliorum MSS. Codicum farciri possunt, nec opus est nos exemplis afferendis immorari. Hoc potius monebimus, cum à Librariis spatium semper relinqui oportuisset vacuum, pro numero litterarum, aut vorum, quas in MSS. deesse, ex litterarum forma, intelligere poterant, sæpe eos nullum reliquisse, ne mutila exemplaria spernerentur, & minoris emerentur; aut summum exiguum admodum, qualia videmus Asterisco in editionibus impleri. Sæpe etiam fugientes litterarum ductus, & partim deletos legere ac supplere infelicitè tentarunt. Vice versâ, aut Librarii aut Critici, ubi nulla erat, lacunam esse perperam suspicati sunt, & locis integris Asteriscum, seu omissionis notam, apposuerunt. Tria Ciceronis loca, hanc in rem, proferemus.

8. Præterea est in V. Verrina*, ubi de supplicio capitis quod à civibus Romanis sumserat Verres: *Paullo ante, iudices, inquit, in morte miseria atque indignissima navarchorum, lacrymas non tenebamus, & recte ac merito miseriâ sociorum commovebamur; quid nunc in nostro sanguine tandem facere debemus? Nam civium Romanorum sanguis conjunctus existimandus est; quoniam id & salutis omnium ratio & VERITAS omnium postulat.* Omnino videntur hic tres primæ litteræ vocis deletæ, adeo ut maneret VERITAS; ex quo, omiſſâ lacunâ, factum est VERITAS, sed legendum erat SECURITAS. Nempe, ut securi omnes essent cives Romani, & negotia sua tato per universum Imperium gererent, nulli Magistratui Populi Romani licitum esse debuit cives in Provinciis agentes securi percutere. Res est clara, quam miror à *Jano Grutero* non esse animadversam; qui, ut solet, libros suos hic frustra memorat, cum res ipsa elamet.

9. Alter est in somnio Scipionis, † ubi postquam hæc verba Africani ad se protulit: *Dictator Rempublicam constituas oportet, si impias propinquorum manus effugeris.* Hic, ait Cicero, cum exclamasset Lælius, ingemissentque ceteri vehementius; quæso, inquit, ne me à somno excitetis, & PARUM REBUS, audite cetera. Hæc carent sensu, licet sint in omnibus MSS. exceptis duobus, in quibus, si *Ald. Manutius* credimus, legebatur *pax sit rebus*, quod melius non est. Vestigia veterum litterarum legerunt Librarii, ut potuerunt. Crediderim, donec melius quid edocear, lectum olim fuisse HIS PAVORIBUS: ne me, inquit, à somno excitetis his pavoribus, quia amici Scipionis pavidis animis exceperant quod de propinquorum insidiis sibi metuendis dixerat, atque exclamaverant. Poppæa in *Octavia Seneca* vers. 733.

Tandem quietem magnus excussit pavor.

10. Tertius locus est mutilus, si stemus Criticorum judicio; quem propterea necesse est totum proferri, ut intelligere queamus an in eorum sententia sit nobis adquiescendum. Sic ergo Cicero, Lib. I. De finibus Bon. & Malorum, c. 16. *Justitia restat, ut de omni virtute sit dictum, sed similia ferè dici possunt. Ut enim sapientiam, temperantiam, fortitudinem, copulatas esse docui cum voluptate, ut ab ea nullo modo nec divelli, nec distrahi possit: sic de justitia judicandum est, quæ non modo nunquam nocet cuiquam, sed contra semper alit ali-*

* Cap. LXVII.

† Cap. II.

quid tum vi suâ atque naturâ, quod tranquillet animos; tum
 spe nihil earum rerum defuturum, quas natura non depravata
 desideret. Quemadmodum temeritas & libido & ignavia sem-
 per animum excruciant, & semper sollicitant, turbulentaque
 sunt: sic ** cujus in mente consedit, hoc ipso quod adest, tur-
 bulenta non potest fieri, &c. Alii ediderunt hunc locum cum
 Asteriscis, alii nescio quæ suppleverunt. Sed delendi sunt
 Asterisci, & intelligenda *justitia*, de qua in superioribus. Fe-
 cessit Criticos, quod non animadverterint sic, quando res
 contrariæ comparantur, & antecessit quemadmodum, signifi-
 care idem ac *contra*. Perinde est ergo, ac si Cicero dixisset:
CU M temeritas & libido & ignavia semper animum excru-
 ciant, & semper sollicitant, turbulentaque sunt: *CONTRA*
justitia, cujus in mente consedit, eo ipso quod adest, turbulenta
 ea mens non potest fieri, & si verò molita quâpiam est, quam-
 vis occultè fecerit, nunquam tamen confidet id fore semper oc-
 cultum. Vir, nimirum, justus potest, perturbatione quapi-
 am animi, transversus agi, ita ut ad occultum facinus adduci
 se patiatur. Sed postea, sedato affectu, redux justitia eum
 docet quid timendum sit ejusmodi facinore inquinatis.

11. Verum ut ad vetustatis menda redeamus, sacri ipsi
 Hebræorum libri vim ejus senserunt; nec intercessit Divina
 Providentia, quominus nonnulla minus necessaria, longin-
 quitate temporis, vitiarentur. In ipsi Novi Fœderis Tabu-
 lis, simile quid contigit. Ut *ὁ δὲ πρῶτος ἀδελφός*, Homérico mo-
 re, progrediamur, dubium esse nequit, quin in tertia Tes-
 saradecade progenitorum Christi, Matth. I. 12. & seqq. desit
 unius nomen. Cum enim Evangelista moneat vers. 17. tres
 esse eorum Tassaradecadas, quarum primæ ultimus est Da-
 vid, secundæ Jechonias, supersunt tantum in ultima trede-
 cim nomina, etiam comprehenso Christo. Si locus ullus in-
 teger ad nos, Librariorum diligentia, pervenire debuit, is
 certe erat; quia Evangelista numerum progenitorum Chris-
 ti, in tres classes tributorum, indicarat. Attamen ea Evan-
 gelistæ cura non obstitit quominus, ab antiquissimis tempori-
 bus, hic omitteretur ~~per~~ un nomen; quod videtur ortum ex
 lacuna exemplaris venerandæ antiquitatis, quam sequentium
 astatum Librarii explere non potuerunt.

12. Lacunam esse liquet Gen. IV. 8. ex Samaritico Codi-
 ce, Versione LXX. Intt. & nota Massorethica, qua de re vi-
 de notata à nobis ad eum locum. Sed proferemus hic aliud
 exemplum Psalms, dentibus ævi multò magis vitiati. Con-
 siderantur Psalmi XIV; & LIII. manifestum erit unum eum-
 demque esse Psalmum, si comparentur quinque primi versus
 & ultimus Psalmi LIII. cum quatuor primis Psalmi XIV. qui

non differunt, nisi perpaucis & exigui momenti varietatibus. At magnum est discrimen inter versum 4. & 5. Psalmi XIV. & 6. Psalmi LIII. Quæ verò ejus rei causa est? Nimirum, vetustas, quæ tria verba deleuit ex Psalm. XIV, & sex alia vitiavit; quo factum, ut verba ejus Psalmi careant sensu, & hiulca sint, cum Psalmi LIII. verba sint integra & pulcherrimam fundant sententiam. Hæc primum apponam distincta in versiculos, qualibus olim constabant Cantica Hebræorum, ut aliquando copiosius probabimus. Sic ergo habet Psalmus LIII. vers. 6.

שם פהרי פחד
לא חיה פחד
כי אלהים פור עצמות
חנה הכישה
כי אלחים מאסם
מי יתו מאיו יצועת :

*Ibi pavore trepidabunt,
Ubi non erat timor,
Quia Deus dissipabit ossa
Obsessoris tui; pudore eos afficies,
Quia Deus eos repudiavit.
Quis dabit è Sione salutem?*

Psalmus est in Babylonica captivitate scriptus, ut ex ultimo versu liquet, in quo Psalter Babyloniorum cladem vaticinatur & liberationem Hebræorum, quam propiorem esse optat. Quarto versu, legendum הַבִּישׁוֹתָם *hebischotham*, hoc est, *pudore eos afficies*, ob rationes Grammaticas & metricas, quas hoc loco non dicam. At Psalmi XIV. ita hic locus exprimitur :

שם פחדו פחד
כי אלהים ברור צדיק
עצת עני תבישו
כי יהיה מחסהו
מי יתו מציו יצועת :

*Ibi pavore trepidabunt,
Quia Deus in generatione justa;
Consilium pauperis pudefacietis,
Quia Jehova fiducia ejus.
Quis dabit è Sione salutem?*

1. Hic ommissus secundus versiculus, qui legitur in versione LXX. Intt. 2. sequentia verba mirè corrupta sunt, nam pro *וְיִפְחָדְדַּי בְּיָמָיו* *dissipabit ossa*, est *וְיִפְחָדְדַּי בְּיָמָיו* in generatione *justa consilium*; pro *וְיִפְחָדְדַּי בְּיָמָיו* *obsessoris tui*, pudore eos afficiet, *וְיִפְחָדְדַּי בְּיָמָיו* *pauperis pudescietis*; denique pro *וְיִפְחָדְדַּי בְּיָמָיו* *Jehova fiducia ejus*. Hebraice scientes facile in hisce verbis animadvertent litteras ejusdem organi esse mistas; atque hinc fortè depravatio loci coepit, dein non satis integris ceterarum litterarum vestigiis, Librarii sensum quem non inveniabant fecerunt. Quæ nisi ita se habere viderentur, facile crederem secundum versiculum ommissum fuisse, ob repetitionem vocis *וְיִפְחָדְדַּי* *phahhad*, cujus modi omissionum exempla attulimus Cap. V.

13. Non opus est plura idgenus depravationum exempla proferre, cum res sit manifesta; sed Criticos meminisse oportet, ut diximus, sæpe esse lacunas, ubi nulla sunt in Codicibus earum vestigia, & vice versa. Res est in periculosissimo emendandi studio, nisi dextrè eo utamur, maximi momenti.

CAPUT XVI.

Leges emendandi.

MEMORATIS potissimis generibus mendorum, quibus sententia veterum Scriptorum corrumpitur, & demonstratis præcipuis rationibus, quibus ea menda irrepere potuerunt; nihil nobis agendum superest, nisi ut monemus Criticum omnium eorum, quæ memoravimus, quam periculosissimum esse oportere, eaque animo obversantia perpetuo habere; ut, quotiescumque postulabit usus, viis indicatis ad mendorum originem pervenire queat, eaque feliciter corrigere. Nos digitum duntaxat ad fontes intendimus, ceteraque judicio ac diligentia Studioforum permittenda duximus. Præterea nostra hæc Ars statuit variarum rerum cognitionem aliunde esse petendam; eam ipsa non tradit, quippe finibus quibus circumscribitur exclusam. Exempli causa, ars est singularis dignoscendæ ætatis MSS. Codicum, neque eorum characteribus judicandi; quæ, si pro dignitate tractetur, justo volumini argumentum præbeat, * de qua ta-

* Nonnulla hac de re habet Joah. Mabillonius, de *Ra Diplomatica* lib. I. sed quæ copiosius excuti Studioforum interesset.

men nemo seorsim sat studiosè egit. Quibus ad manum sine Bibliothecæ MSS. Codicibus refertæ, eos id laboris suscipere oporteret; nam, sine ingenti Codicum copia, & diuturna eorum tractatione, nihil, quod sit operæ pretium, hac in re præstari potest. Igitur hoc onere in otiosos Bibliothecarum custodes rejecto, summam tantum rem attigimus, & potissima characterum discrimina breviter perstrinximus; satis esse ratj, si litterarum studiosis in animum revocaremus, quod à multis planè negligitur.

2. Hoc vero in loco, rectæ emendationis Leges feremus, quas ita æquas visum iri confidimus, & usque adeo rectæ rationi, rerumque naturæ consentaneas; ut, sine intercessione, apud Populum Eruditorum, perferri eas posse speremus. Quod tamen ut facilius fieri queat, singulis breves interpretationes atque exempla cum malè tentatarum emendationum, tum etiam necessariarum subjiciemus; neque enim invito cuiquam eas obtrudere cupimus.

3. Prima ergo, quod felix faustumque sit Reipublicæ Litterariæ, hæc erit: **SI QUID MUTETUR, MUTATIONEM RES IPSA, ORATIONISVE SERIES, STYLUSVE SCRIPTORIS POSTULATO.** Hæc Lex æquè pertinet ad emendationes ex MSS. Codicibus haustas, quam à conjicientibus inventas; sunt enim passim in MSS. Codicibus, sive à Criticis, sive à Librariis, aut cuicumque tandem casui debeantur, gravissima menda; quæ pro vera lectione, manifestò repugnantè sententiâ, aut Linguae ingenio, aut scriptoris stylo, stultum esset obtrudere; & quæ, in re clarâ, ne memorari quidem necesse est.

4. Igitur si quid occurrat, quod à Linguae ingenio, stylove Scriptoris prorsus non abhorreat, nec à sententia, serie orationis sit alienum; nulla est causa cur, consentientibus Manuscriptis omnibus Codicibus, veteribus Editionibus, Translationibusve, quidquam mutetur; præsertim si mutatio paullo major sit. Alioquin latissima corruptionibus aperiretur fenestra, si ut Scriptor paullo elegantius, ex Critici judicio, aut accuratius loqueretur, liceret, omnibus reclamantibus Codicibus, quidlibet mutare. Quam legem, cum in eam permulti Critici passim peccent, vix ullus, ex Criticorum acutiorum numero, frequentius perrupit doctissimo viro *Tam. Fabrâ.* Quem præ ceteris appellamus, non quod ejus laudibus quidquam detractum cupiamus, qui permagni cum semper fecimus; sed quia utilius est ejusmodi peccata ex viro doctiore petere, & quem imitari possint studiosi quam ex infirmi subfellii Critico, qui cum acutioribus deridiculus sit, nemini exemplo esse potest.

§. *Ovidius Tristium* Lib. II. aliorum exemplis scripta sua amatoria excusans hæc habet, inter alia multa idgenus, de Mimis :

*In quibus assidue cultus procedit adulter,
Verbâque dat stulto callida nupta viro.
Nobilis hæc virgo, matronâque, virque, puérque
Spectat & ex magna parte Senatus adest.
Nec satis incestis temerari vocibus aures,
Adsuescunt oculis multa pudenda pati.
Cumque fefellit amans aliquâ novitate maritum,
Plauditur, & magno palma favore datur.*

Tum verò sequitur :

*Quoque minus prodest, POENA est lucrosa Poëta,
Tantâque non parvo crimina Prætor emit.*

Tam. Faber Lib. I. Ep. 37. contendit neminem, qui ultimi Distichi versum priorem intelligat, reperiri posse: neminem, qui vitium lectionis vel fuerit subodoratus, unquam reperi- tum fuisse; & postquam alia ejuscemodi præfatus est, ut fi- nem faciat, ut ipse loquitur, *καταστὰς τὸν*, audaci conjecturâ legit :

Quaque mihi pœnâ est, fraus est lucrosa Poëta,

ut dicat *Ovidius*, quæ res Mimographis lucrosa solet esse, eam sibi pœnæ fuisse. Non diffitemur sensum hunc ineptum non esse, & *Ovidio* dignum; sed est & alius non minus com- modus, atque ex quo licet verba, quemadmodum leguntur in omnibus MSS. Codd. & Editionibus, interpretari. Ni- mirum, ut Gallica vox *peine*, quæ est ex Latina pœna deri- vata, significat & laborem & supplicium: sic etiam Latina, non supplicii modo significatu: qui frequentissimus est, sed & laboris apud Veteres occurrit. Hoc vult ergo *Ovidius*, *que la peine la moins utile, est celle qui rapporte le plus de pro- fit au Poëte*. Intelligit, nempe, Mimos, qui jocosas & sæpe amatorias historiolas complectebantur, & qui tamen carò à Prætoribus quandoque emebantur, ut ludis scenicis populi gratiam ambirent. Videbimur fortè, primâ fronte, temerè & Gallica Lingua Latinam interpretati; sed audiat ipse *Ovidius*, sui optimus interpres, in Epigrammate præfixo Libris Amorum :

*Qui modò Nasonis fueramus quinque libelli,
Tres sumus, hoc illi pratulit auctor opus.
Ut jam nulla tibi nos sit legisse voluptas,
At levior dentis POENA duobus erit.*

Manifestum est postremum versum verti Gallicè oportere : *mais vous aurez moins de peine, le nombre étant diminué de deux.* Scio & in *Casare* me animadvertisse eundem alicubi voci *pœna* significatam esse tribuendum, sed locus non occurrit. Igitur erravit vir doctissimus, qui existimavit rem ipsam postulare locum *Ovidii* mutari ; cum sensus ejus sit commodissimus, qualis à nobis antea expositus est.

6. Tentemus vèro nos emendationem proferre, quam res ita postulet, ut nullâ ratione aliter constet sententia. Est locus non modò obscurissimus, apud *Virgilium*, sed etiam absurdus, prout nunc legitur ; qui propterea à nemine, quod sciam, intellectus est. Exstat IV. Georgicorum, incipitque à vers. 286. ubi ita Poeta *Ægyptum* describit :

*Nam quâ Pellai gens fortunata Canopi
Accolit effuso stagnantem flumine Nilum,
Et vehitur pictis circum sua rura phaselis,*

Quibus in versibus omnia clara sunt, sed sequuntur hæc verba :

*Quâque pharetrata vicina PERSIDIS urget,
Et viridem Ægyptum nigrâ sæcundat arenâ,
Et diversa ruens septem discurret in ora
Usque coloratis annis devexus ab Indis.*

An ergo *Persidem* vicinam *Ægypto* credidit *Virgilius* ? Quamvis alibi in Geographicis peccarit, non credo tamen, in tam insignium regnorum & usque adeò remotorum sit, peccare non indoctum Poetam potuisse. Deinde quænam hæc est structura, quâ *vicinia Persidis urget* & *sæcundat viridem Ægyptum nigrâ arenâ*, &c. ? Manifestum hæc posteriora verba referenda esse ad Nilum, ideoque repetendum fuisset & quâ. Sed nomine usus erat *Virgilius*, quo superiorem *Ægyptum* significabat, vero quidem illo, at quod, cum vulgo ignotum esset, à Librariis in notius mutatum est. Legendum omnino :

*Quâque pharetrata vicina Pathyridis urget
Et viridem Ægyptum, &c.*

Pathyris est Thebais, quæ Hebræis dicebatur *Pathros*, quod efferunt LXX. Intt. *Pathros* & *Pathros*. Hinc in ea *Plinius* memorat *Phaturitem* Nomum, & *Ptolemæus* urbem *Pathyrin*; ut copiosè docet *Sam. Bochartus*, in *Phalego* Lib. IV. c. 27. Hanc oram vocat *Virgilius pharetraram*, quia horum tractuum incolæ multum utebantur arcu, quod plurimis testimoniis demonstravit idem vir summus, Capite antecedente.

7. Hac posita lectione, omnia plana sunt. Nilis non modo inferiorem Egyptum rigat, sed etiam vicina *Phryidis* loca urget, hoc est, exundantibus aquis premit, & arctiora facit. Sic *Lucanus*, de portu Herculeo, Lib. I. vers. 406.

*Quaque sub Herculeo sacratiss nomine portus
Urget rupe cavâ pelagus.*

Idem *viridem* *Aegyptum* *nigra* *arenâ* *fecundâ*, hoc est, vi-
rentem pascuis & arboribus *Aegyptum* limo nigro fecun-
dam reddit. Idem *discurrit in septem ora*, sive ostia. Idem
devexus *fluit usque coloratis Indis*, hoc est, usque ab *Ethi-*
opum sole adustorum agris; nam constat *Veteres Indiam*
vocasse interiorem *Aethiopiam*. Vide *Socratem Historie*
Eccles. Lib. I. c. 19.

8. *Tam. Faber* Epist. Critic. Parte II. Ep. ultimâ, esse luxa-
tionem existimat in Cap. X. Epistolæ ad Romanos, rem
edoctus à *Steph. Gausseño*, vultque versum 17. transferri
post 21. quod sit hæc totius orationis conclusio : *Æge n' m'ia*
de d'œm's, &c. *Ergo fides ex auditu est*. At orationis series
non eò spectat, quò putat vir doctus, neque enim Paulus
hoc probare nititur, quod nemo negabat, nemo negare po-
terat, *fidem*, nempe, esse *ex auditu* ; sed hoc se concedere
ait, ideòque *Æge* vertendum est hoc in loco *cerrè*, ut ad
eum locum observavit *Hugo Grotius* ; cujus adnotationes
consultas esse oportuit, si non à *Fabro*, qui fortè rarius hu-
iusmodi libros inspiciebat, saltem à *Gausseño*, qui Theolo-
giæ operam eo tempore dabat, & Professor postea Salmu-
ni fuit.

9. Ex additamentis nostris ad *H. Hammondi* Adnotationes in Novum Testamentum, quandoquidem nondum lucem conspexerunt, * quamquam sudant sub praelo, hac transferemus conjecturam de loco obscuro 1 Cor. V. 12. ubi post-

* *Menſe Novembri An. 1696.*

quam Paulus dixit se non vetuisse quominus Corinthii ver-
farentur familiariter cum Ethnicis, sed tantum cum iis qui
Christo nomen cum dedissent, moribus eum abnegabant, ait:
Τὶ ὃς ποὶ καὶ τὸς ἔξω κείνῃ; ὃ καὶ τὸς ἔσω ὑμεῖς κείνῃ; τὸς δὲ ἔξω
ὁ Θεὸς κείνῃ. καὶ ἐξαγῆτε τὸν πονηρὸν ἐξ ὑμῶν αὐτῶν. *Quid enim*
mibi ὅς εὖς qui foris sunt *judicare*? *nonne* eos qui intus sunt
vos *judicatis*? qui vero sunt foris *Deus* *judicat*; & *tolleris*
malum ex vobis ipsis. Veterum Codicum, Translationum,
& Interpretum auctoritas, quæ varia hic nobis proponit, ip-
sæque adeò orationis series satis ostendunt esse aliquid hic
corruptum; quod facillimè intelligent quicumque *Grotium*
& *Hammondum*, ad hunc locum, consulent. Nemo intel-
lexerit hanc constructionem, τί μοι κείνῃ; nam quod dicunt
esse, *quid* ad me attinet *exteros* *judicare*? id sine exemplo
similis loquutionis affirmant. Præterea conjunctio καὶ, quæ
intercedit, durissimam facit orationem; quæ de causâ deest
in Codice Alexandrino, & omiſsa est à Syro & Latino In-
terpretibus. Attamen est temerè reſecta, potestque ad ves-
tigia veteris lectionis nos deducere, quæ hæc fuisse videtur:
τί γὰρ μοι καὶ τοῖς ἔξω; καὶ μενοῦν γε τὸς ἔσω
ὑμεῖς κείνῃ. τὸς δὲ ἔξω ὁ Θεὸς κείνῃ. καὶ ἐξαγῆτε τὸν πονηρὸν:
Quid enim mibi & iis qui foris sunt? *At* vos quidem *judi-*
cate eos, qui sunt intus; eos vero, qui sunt extra, *Deus* *judi-*
cat; & *tolleris* *malum* e vobis. Primo, phrasis est Scripto-
ribus Sacris frequentissima: *quid* mibi & tibi; quæ perin-
de est ac: satage rerum tuarum, meas ipse curabo, ut liquet
ex Matth. VIII. 28. Joan. II. 4. Sensum hunc hic esse oportet:
meum non est curare Ethnicorum mores, qui nondum
Evangelio crediderunt. Deinde ex καὶ μενοῦν γε non difficul-
ter factum κείνῃ ὃς, quia in sequentibus verbis bis occurrit
verbum κείνῃ. Particula μενοῦν γε est particula adversativa,
quæ non infrequenter utitur Paulus. Vide Rom. IV. 20. &
X. 18. Phil. III. 8. Planissimus autem est sensus, cum vul-
gatæ lectionis interrogatio durissima sit, & ab hoc loco ali-
ena: *annon* vos *judicatis* de iis, qui intus sunt? Si dixisset
Paulus: non meum est de iis, qui inter vos sunt, *judicium*
ferre, *annon* vos de iis *judicatis*? esset sensus aliquis, quam-
quam alienus ab hoc loco, & lenius fluere oratio; sed,
prout jacet, series verborum impeditissima est. Tercio, quod
sequitur, τὸς δὲ ἔξω, de extraneis vero, ostendit antecedere
debuisse, cum hic sit manifesta τὸ ἔξω καὶ τὸ ἔσω oppositio,
MEN, seu QUIDEM; quod continetur in καὶ μενοῦν γε,
nam μενοῦν idem est ac ὡς ὅτι; imò vero ita scribendum es-
set, *judice* *H. Stephano*. Quarto, καὶ ἐξαγῆτε conjungitur
manifestò cum κείνῃ, *judicate* & *tolleris*. Verba interpo-
lita

sita non sunt, ut nonnulli volunt, parenthesi claudenda; quia membrum hoc: *de extraneis verò Deus judicat*, opponitur; ut dixi, antecedenti, non per parenthesin inferitur.

10. *Tam. Faber* Ep. XXI. Secundæ partis, existimat in mendo cubare locum 1 Cor. C. VIII. 10. *ἐὰν γὰρ τις ἰδῇ σε, πρὶν ἔχοντα γνάσσειν, ἐν εἰδωλείῳ κατακείμενον, ἢ ἢ συνείδησις αὐτοῦ αἰσθάνῃ* ΟΙΚΟΔΟΜΗΘΗΣΕΤΑΙ εἰς τὸ εἰδωλολάτρευσεν: si quis enim viderit te, cognitione præditum in Idoleo accumbere, nonne conscientia ejus, qui infirmus est, edificabitur ad edendum ea quæ sunt Idolis mactata. Scilicet, ut rectè observat, *edificare* alibi nusquam legitur, nisi ubi de virtute sermo est, ita ut *edificare* quempiam ubique sit eum in studio virtutis confirmare. Hinc colligit à Paulo eam vocem hic usurpari non potuisse, ubi de vitio sermo est; ideòque legit *ὁδοποιήσῃς*, in viam inducetur, nam *ὁδὸς* quidem tam in deteriorem partem trahitur, quàm in meliorem.

11. Ingeniosam hanc esse conjecturam, ut sunt pleræque viri doctissimi, nemo negaverit; at priusquàm locus mutatus censeatur, videndum quæ sit propria, quæ tralatitia significatio vocis *οικοδομεῖν*, tum quæ huic loco conveniat, anve uspiam simili sensu occurrat. Quod ubi fecero, liquebit locum hunc perperam suspectum haberi. Primum *οικοδομεῖν*, *edificare*, propriè est jactis fundamentis structuram imponere; unde factum ut tralatitio significatu dicatur de animi profectu ad virtutem quod attinet, possitque perinde dici de animi depravatione; adeò ut *edificare* aliquem, significet virtutes ejus, aut vitia augere. In propria vocis significatione, aut in ejus ad alium significatum translatione, nihil est quod posteriori usui repugnet. Secundò, vocis hæc media significatio, quæ tam de vitiorum, quàm de virtutum augmento, intelligitur, huic loco optimè convenit. Aliud enim non vult Paulus, nisi hominem infirmum & imperitum, auctoritate & exemplo doctioris, audaciam sumpturum, & frequentius ac liberius sacris illis conviviiis, quæ in Idoleis celebrabantur, adfuturum. Tertio, verbum Hebraicum *בָּנָה* *banah*, hoc est, *οικοδομεῖν* in conjugatione passiva de malis æquè ac de bonis occurrit, eo quem diximus sensu. Sic Malach. III. 14, 15. inducit Deus Israelitas dicentes: Inane est Deum colere; quid emolumenti nobis fuit, quòd observaverimus id quod observari vult, & quòd coram Jehova Deo exercituum tristes incessemus? Nunc verò beatos predicamus superbos; imò facientes iniquitatem *בָּנִים* *nibnou*, *edificati sunt*; imò tentaverunt Deum, & incolumes evaserunt. LXX. *ἄνοικοδομοῦνται πεινῶντες ἀνομίᾳ*, hoc est, improbitas eorum aucta est rebus secundis, eo quòd neglectis Dei præceptis, felici-

feliciores ipsis bonis fuerunt. Simili planè metaphorâ, & quidem in sequiorem partem, usus est *Plautus* in *Trinumm*, mo *Act. I. S. 2. vers. 95.*

----- dare te in manus
*Argentum amanti homini adolescenti, animi impoti,
 Qui EXÆDIFICARET suam inchoatam ignaviam?*

Hæc, nisi fallor, fatis ostendunt stylum Pauli non postulare ut quidquam hic mutetur.

12. Igitur fixum & ratum nobis sit oportet, nullam admittere emendationem, quasi certam; quæ non sit prorsus necessaria, hoc est, quam non res, non orationis series, non stylus Scriptoris, qui emendatur, poscat; ita ut tria illa simul mutationem efflagitent, aut ea duobus, vel uno saltem requiratur. Quæ si diligenter observentur, non faciliè, nisi imperiti, aut legum spretores qui imperitis deteriores sunt, manum medicam sanis locis admovebunt. Sarta tecta antiquorum lectionum auctoritas, nemine eam temerè violante, sic manebit.

13. Secunda Lex hæc erit: OMNIS EMENDATIO LINGUÆ INGENIO, AUT SCRIPTORIS STYLO CONSENTANEA ESTO. Ad superiorem Legem, diximus Scriptoris stylo efflagitari oportere emendationem, quam neque res ipsa, neque orationis series commendant. Quæ Lex si æquissima est, quod in dubium revocari posse non videtur, sequetur nihil reponi oportere in oratione veterum Scriptorum, quod consentaneum non sit ingenio Linguæ, quâ usi sunt, aut singulari illorum stylo. Unde intelligere licet à nemine periculosam hanc emendandi artem exerceri oportere, qui longam & diligentem operam non posuerit, & in addiscendis Linguis, & in cognoscendis singulorum Scriptorum stylis; quod tamen non obstitit quominus multa temerè sint mutata, aut mutatione digna iudicata à viris doctissimis; at nimia ingenii sui fiduciâ fretis.

14. Sic *Jos. Scaliger* frustra voluit emendare *Maro. IX. 49.* πᾶς γὰρ πνεὺς ἀλυσίστου, omnis igne salietur, quasi legendum esset πᾶσα πνεὺς, quod respondeat voci Hebraicæ *ischek*, quæ significat oblationem igne absumendam. Vox Græca non est, quod ei merito viri doctissimi objecerunt. Ac fingi, inquit, potuit, ut exprimeretur Hebraica. Atqui fingi, necesse non erat, cum usitatissima vox, quæ Hebraice tota vis accurate exprimeretur, non deesset; quam *mus Scaliger* memoriam, quæ pollebat tenacissimâ, illico nos suppe-

suppeditasse. *Ἐπιτυες* Græci, quasi *ignitam*, ejusmodi oblationem vocabant. Nihil dicemus de sensu loci, quem explicare conati sumus in additamentis *H. Hammondi* adnotationum.

15. Ante aliquot annos, lis nobis intercessit cum viro docto *Joan. Harduino*, cui elegantem *Plinii* editionem debemus, de ejusmodi emendatione. *Plinius* Hist. Nat. Lib. XXXV. c. 11. inter nobiles pictores, ita de *Alcimacho* loquitur: *Alcimachus Dioxippum* (pinxit) qui *pancratio Olympica*, citra pulveris tactum (quod vocant *aconiti*) vicit. *Cœnus Stemmata*. *Claud. Salmasius*, in *Solinianis Exercitationibus*, conjecit *Cœnus Scammata*, sed emendationis suæ nullam rationem reddidit. *Joannes* verò *Harduinus* utramque lectionem repudiat, quod neque pictoris nomen sit *Cœnus*, nec satis idoneum picturæ, quale hic requiritur, argumentum *Stemmata*, & multò minùs *scammata*. Legit ergo *coniti Nemeæ*, & bellè ludum ludo, victoriæ victoriam opponi censet. Cum *Olympiis*, inquit, *Nemeæ* confert, & *facili ac sine pulvere* victoriæ alteram laboriosius comparatam. Non dicam hanc emendationem nimium recedere à vestigiis veteris scripturæ; coronas seu *Stemmata* esse aptum picturæ argumentum; *Cœnum* verò esse nomen Græcum, quo vocari potuerit pictor minùs celebris, qui corollarum tantum pingendarum arte excelluerit, ac proinde ab alijs non sit memoratus. Non dicam, tam audacem conjecturam in contextum orationis recipi non debuisse. De sola voce *coniti* loquar, quam Græcam esse negavi; quod & etiamnum pernego, nec *Harduinus* potuit probare.

16. Dixeramus rectè facturum fuisse virum doctum, si protulisset Scriptorem Græcum, qui dixisset *κονιτι*, nam quamvis utantur Græci voce *ἀκονιτι*, sine pulvere, idèò non sequi usitatam fuisse simplicem *κονιτι*. Eodem sensu, dicunt Græci *ἀνιδρωτι*, sine sudore; *ἀμαχτι*, sine pugna; *ἀναιμαχτι*, sine sanguine; sed nemo dixit, *ιδρωτι*, *μαχτι* & *αιμαχτι*. Reposuit ille exstare hanc vocem in *Etymologico Magno*, ubi ratio originis vocis *ἀκονιτι* ita redditur: Ἀπο τῆς κόνις κονιτι, & ἀκονιτι, ἀνδὸς ἀκονιτι & ἀκονιτι. Respondimus ex eo loco *Etymologici* colligere non posse virum eruditum *κονιτι* unquam in usu fuisse. Solere, nimirum, *Etymologos*, ut rationem derivationis clariorem reddant, fingere alia vocabula quæ nunquam usitata fuere. Satis habere eos, si modò ea vocabula, quæ sunt veluti derivationis gradus, sint analogica; quamvis non rarò etiam parum consentanea sint analogiæ. Rem esse notissimam omnibus, qui *Etymologica* tractarunt. Protulimus etiam multa exempla vocum compositarum ex *A* privativo;

privativo; quæ cum sint usitatissimæ, nullas tamen habent Græci simplices usitatas. Vide in eo *Etymologico* voces ἀάρετος, ἀνάρητος, ἀνέστην, ἀνέστατος, ἀνοία, ἀπύτος, ἀπότης, ἀπύωτος, ἀπύωτος, ἀπύωτος, ἀπύωτος, &c. quorum simplicia nunquam usitata fuerunt.

17. Satiùs multò fuisset in Pliniano contextu veterem lectionem retinere, cum MSS. nulli proferantur, qui eam repudient, conjecturam vero in emendationibus modeste proponere. Cænus potuit, ut dixi, esse pictor, qui pingendis stemmatibus, seu coronis floreis famam sibi compararit; aut, si non fuit, feratur potius fictitius Cænus quàm novâ corruptione adulteretur Pliniana oratio.

18. Ut ad Criticum, à quo jam aliquot exempla ἑξῆς θώσαν sumsi, redeam; locum ille *Lucretii* corruptum denò corruptum conatus est, non incitiâ quidem, aut quòd eum Poëtam non legisset studiose, quem notis egregiis illustravit; sed festinatione fortasse aliquâ, aut nimîâ emendandi cupiditate. Quærit *Lucretius* Lib. VI. quare autumnò frequentiora sunt tonitrua, & ita orditur, in vulgatis Codicibus:

*Autumnòque magis stellis fulgentibus alta
Concussitur cæli domus undique, totâque tellus.*

In animadversionibus ad Phædri Lib. III. primum emendare conatus est hunc versum, deinde etiam in *Lucretianis*; nam emendationes, quas eximias putabat, non uno in loco solebat proferre vîr doctissimus. Quærit meritò à Lectore quid hoc sit, *domus cæli & tellus concussitur stellis fulgentibus*? Nec minùs rectè respondet, præter sonum & sublimitatem verborum, nihil quidquam frugis esse. Tum pro *stellis* legit *telis*, & *tela fulgentia* interpretatur fulmina. At in ea voce non est mendum, sed in voce *alta*, pro qua, auctore ipso *Lucretio*, legendum *apta*. Est ea vox a veteri verbo *apo*, vel *apia*, hoc est, alligo, vinculis comprehendo, de quo vide quæ collegit *Ger. Joan. Vossius*, in *Etymologico*. *Lucretii* tantum, & *Virgilii* loca proferemus. *Lucretius* erga ita Lib. II.

*Quod quoniam docui pergam connectere rem, quæ
Ex hoc apta fidem ducat.*

Quem versum paulò post repetit. Sic & Lib. V.

----- Nil ladit veste carere
Purpurea, atque auro signisque ingentibus aptas

Hoc est; cui adnexa sunt, vel intexta ingentia signa. Alia loca vide in Indice Gifaniano. Sed de cælo, hoc ipsum verbum adhibuerat *Ennius*, qui id vocaverat *stellis ardentibus aptum*, quod tribus in locis imitatus est *Virgilius*:

Axem humero torquet stellis ardentibus aptum.

Versus est 482. Libri IV. *Æneidos*, qui & VI. & XI. repetitur. Dubium nullum esse potest, quin ita sit legendum apud *Lucretium*, qui non dicit quidem quâ re concutiat *domus cæli*; sed tonitura facillè omnes intelligi sentiunt.

12. Emendabimus hîc locum *Lactantii* Inst. Div. Lib. III. c. 17. depravatam ab imperitis, quod *Lactantiano* stylo parum essent adfuerit. Quilibet eum Scriptorem edere cum aliqua laude volet, non minus *Ciceronem* legat oportebit, & melioris ævi Scriptores, quàm ipsum *Lactantium*; eos enim perpetuò imitatur. Exemplum manifestum hîc dabimus, in vocula depravata à Theologis, qui *Lactantium* ediderunt, quod boni viri parum essent purioris Latinitatis periti. Constat *Lactantius* hanc ratiocinationem *Epicuri*: *Quando nos sumus, mors non est; quando mors est, nos non sumus. Mors ergo nihil ad nos.* Postquàm ostendit *Lactantius* mortem non esse miseram, sed aditum ad mortem, qui propterea timetur, ita pergit: *Quid, quod totum illud argumentum falsum est, quia non intereunt anima?* *VERE*, inquit, nam quod cum corpore nascitur, cum corpore intereat necesse est. Verba hæc postrema *Epicuri*, quomodo voce verè cum superioribus connectantur, nemo intelligat. Itaque *Sext. Betuleius* legit, *intereunt verò*, inquit; quod admittendum censet *Oxonien*sis editor. Addit *Bodleianum* & *Cottonianum* Codices habere *verum*, quæ etiam lectio, eo iudice, stare potest, si intelligatur *Lactantius* responsionem hanc, sub *Epicuri* persona adornare, qui *verum* putavit animas interire. At hæc lectio Codicum, & conjectura *Betuleii* inanes sunt. Legendum verò, quod *Monachi* exscriptores *Lactantii*, nesciverunt initio orationis poni, æquè ac post aliam vocem; quod exemplis *Ciceronis* & *Terentii* comprobari potest. Illud vero perinde est ac affirmatio, seu imò verò, quod optimè convenit huic loco, ubi loquitur *Epicurus*. *Terentius* in *Adelphis*, Act. III. S. 4. Vers. 23.

-----D E. An quidquam est amplius?

H E. Verò amplius.

Cicero Tuscul. Quæst. Lib. II. c. 11. M. Fuisse sepe credo, cum Athenis esses, in Scholis Philosophorum. A. Verò ac libenter quidem. Idem de Divinat. Lib. I. c. 46. L. Flaccum flaminem Martialem ego audiui, cum diceret Cæciliam Metelli, cum vellet sororis sue filiam in matrimonium collocare, exisse in quoddam sacellum, ominis capiendi causâ, quod fieri more Veterum solebat. Cum virgo staret, & Cæcilia in sella sederet, neque diu ulla vox exstitisset, puellam defatigatam petiisse à matertera, ut sibi concederet paullisper in ejus sella requiesceret; illam autem dixisse: vero, mea puella, tibi concedo meas sedes.

20. Tertia Lex hæc est: RATIO DEPRAVATIONIS, SI FIERI POTEST, REDDITOR. Cum, nimirum, videmus qui fieri potuerit ut locus depravaretur, aut quid Librarios aut Falsarios eo adducere potuerit, ut locum depravarent, facilius intelligimus corruptum esse, & quæ emendatio adhiberi possit. Contrà si intelligere nequeamus, quare in certum modum deformatus fuisset locus quispiam, nisi depravatio manifesta sit, vix eam cernimus, & de emendatione multo magis laboramus. Attamen eæ occurrunt quandoque depravationes, quarum vix ulla ratio reddi potest. Harum exempla attulimus Cap. XII. corruptionum verò, quarum aliqua sequi, ut ita dicam, possumus vestigia, reliquis Capitibus, si à tertio numeres. Itaque vix opus est ut alia, ad suadendam hanc Legem, proferamus. Attamen duo quam brevissimè proponemus.

21. Capite XII. Sect. 2. adduximus locum Ciceronis de Historia, in quo pro voce *veterum*, legendum esse *nostrarum* contendimus, nec mutamus sententiam; sed rationem, seu occasionem depravationis, cujus in animum non venerat, cum illa ederentur, hic trademus. Videtur primum oscitans Librarius, pro *nostrarum*, scripsisse *vestrarum*, ob soni & significationis affinitatem, aut etiam ob similitudinem ductuum. Sic observavit G. Scioppius, in MSS. Codicibus Plauti, nos, vos, vestrum & nostrum sæpissimè misceri. Cum vero vocis *vestrarum* nullus esset sensus, hoc in loco, Grammatici ex ea fecisse videntur *veterum*, quod tam manifestò ineptum non est.

22. Egregiè, si quid judico, probarunt doctissimi Critici Joan. Frid. Gronovius & Joan. Georgius Grævius, mendosum esse locum Ciceronis Officiorum Lib. I. c. 1. ubi filium à Cratippo Peripatetico Philosophiam discitem ita alloquitur: Sed tamen nostra leges, non multum à Peripateticis dissimilia; quoniam utrique & Socratici & Platonici esse volumus. Legit Gronovius, utrumque, & Grævius censet pro Socratici, scri-

scribendum Stoici. Sed quomodo hæc irrepere potuerint menda non docent; quod hoc modo factum crediderim. Librarius primum scripserat: *utrumque* & STCI & PTCI * *esse volumus*, quæ compendia perperam alii intellexerunt; dein *utrumque* mutatum in *utrique*, quia mentem Ciceronis ita ceperunt, quasi hoc vellet: & Peripateticos, quorum doctrina imbuebatur ejus filius à Cratippo; & Academicos, quos ipse sequi solebat, velle esse & Socratis & Platonis discipulos. Quod alienum tamen est ab hoc loco, ubi de se tantum loquitur Cicero, ut rectè animadverterunt viri docti. Verum ut pro *Socratici*, legendum esse *Stoici*, meritò censet Grævius: ita & alterum compendium explicaverim *Peripatetici*. In hisce enim libris, Cicero ubique est aut *Stoicus*, aut *Peripateticus*, nusquam Academicus, aut *Platonici*, quod perinde habetur. Fatetur ipse non multò post, † *sequi se*, hoc quidem tempore, & in hac questione, potissimum *Stoicos*, & *Panetium* Stoicum passim laudat. Ideoque *Stoicos* primos appellavit. Tantum abest ut præcepta ulla à suis Academicis desumat, ut vereatur ne cui inconstans videatur, quod Dogmaticorum placita in hoc libro sequeretur. || *Occurritur*, inquit, nobis, & quidem à doctis & eruditis, querentibus, satisne constanter facere videamur, qui, cum percipi nihil posse dicamus, tamen & de aliis rebus differere soleamus & hoc ipso tempore præcepta officii persequamur. Nec aliter ei objectioni respondet Cicero, nisi se quæ sibi probabilia videantur, sequi; quæ contrà, improbare; hoc est, se hîc sequi Stoica dogmata, quod in rebus Ethicis probabiliora viderentur. Plinius ipse mentem suam interpretatur †† alibi, ubi hæc verba leguntur: *Erit autem hac formula Stoicorum rationi, disciplinæque maxime consentanea; quam quidem his libris propterea sequimur, quod, quamquam à veteribus Academicis, & à Peripateticis vestris, qui quondam iidem erant, quæ honesta sunt anteponuntur iis, quæ videntur utilia; tamen splendidius hæc ab iis differuntur, à quibus quidquid honestum est, idem utile videtur: nec utile quidquam, quod non honestum; quam ab iis quibus honestum aliquid non utile, aut utile non honestum.* NOBIS autem nostra Academia magnam licentiam dat, ut, quodcumque maxime probabile occurrat, id nostro jure liceat defendere. Igitur in hisce libris, Cicero non vult esse Academicus, quasi Academicorum singularem doctrinam tueatur; sed Stoicus, quorum dogmata, cum bona Academiae pace, hic tradit.

* *Exempla compendiarie scripturae vide Cap. XI. † Ibid. Cap. II. Vide & Lib. III. c. 4. || Lib. II. c. 2. †† Lib. III. c. 4.*

23. Igitur cum Cicero ait, *nostra leges*, non intelligenda sunt Academica, quæ nusquam in præceptis ejus comparent, & quæ dicere non potuisset *non multum à Peripateticis dissidentia*, aut * *iis finitima*; sed *Stoica*, quæ in hoc libro sequitur, pro suo, ut putat, jure, proptereaque sua ea vocat: *Antiocho olim † Ciceronis familiari non immerito Stoici visi sunt cum Peripateticis re concinere, verbis disceptare*; sed toto cœlo diversi erant ab Academicis. Cum & Stoici & Peripatetici certas atque æternas leges esse putarent, quibus virtutis natura continetur; quod ubique in libris de Officiis ponit Cicero, quod nulla esse possit præceptio, nisi hoc statuatur; Academici contendebant hæc omnia pendere ex hominum institutis, quæ varia sunt. || *Carneadis* notissima est disputatio de Justitia, quam Romæ habuit, cum Legatus ad Senatum ab Atheniensibus missus esset. Ejus disputationis, ut docet *Lactantius*, hæc summa fuit: “ Jura libi
“ homines, pro utilitate, sanxisse; scilicet varia, pro moribus,
“ & apud eosdem, pro temporibus, sæpe mutata;
“ jus autem naturale esse nullum; omnes & homines & alias
“ animantes ad utilitates suas, naturâ ducente, ferri; pro
“ inde aut nullam esse Justitiam; aut, si sit aliqua, summam
“ esse stultitiam, quoniam sibi noceret, alienis commodis
“ consulens. His certè nulla est cum Ciceronianis affinitas. Quæ paullo pluribus ostendenda fuerunt, ut apparet necessitas emendationis nostræ, in loco Ciceroniano, ne quis existimaret Academicorum doctrinam Peripateticæ finitimam esse.

24. Quartam hanc Legem, ut audaciæ Criticorum frænum injiciatur, sancendam esse censeo: NE ULLA EMENDATIO A LECTIONE VETERUM CODICUM NIMIUM RECEDITO. Quam legem nisi sibi latam esse intelligant Critici, nihil non audebunt; nullus enim modus erit conjecturis, si voces vocibus substituatur dissimillimæ. Loca plurima ex æquo varias voces, ac sententias admittunt; quæ erunt planè alienæ a mente Scriptorum, si nulla ratio habeatur veteris scripturæ.

25. Exemplum insignè violatæ hujus Legis a viro docto protulimus Sect. 15. & sequentibus. En alterum ** *Tan. Fabri*, qui corruptum censet locum *Ovidii*, Eleg. IV. Lib. III. Tristium, ubi agit de præcepto Sapientum, quod ita exprimit:

* Lib. II. c. 2. † Vid. Lib. I. De Nat. Deorum. C. 7.
|| Institut. Divin. Lib. V. c. 15. ** Lib. I. Ep. 37.

*Crede mihi; bene qui latuit bene vixit, & infra
Fortunam debet quisque mittere suam.*

Tum hæc substituantur exempla :

*Non foret Eumedes orbis, si filius ejus
Stultus Achilleos non adamasset equos;
Nec natum in flamma vidisset, in arbore nati,
CEPISSET genitor si Phaethonta Alexops.*

Existimat pro cepisset, legendum flexisset, id est, à sententiâ deduxisset, à proposito avertisset, detorsisset. Verum ductus litterarum CEP & FLEX nimium differunt, & conciliat ex editione Heiniana in MSS. legi cepisset. Ac sanè ita postulat sententiâ, hoc enim vult Ovidius, Meropem non satis amplâ dignitate ornatum visum fuisse filio Phaethonti, superbiâ & ambitione perduto. Sic Alexandrum non capiebat Macedonia, imò ne terrarum quidem orbis. Cum dominasset Bucephalum, ita eum alloquutus dicitur Philippus :
*Ω παῖ, ζητεῖς σπαιτῶ βασιλείαν ἱσθῆν. Macedonia enim se non capit. Simili sensu de Clodio Cicero, in || Miloniana : capere ejus amentiam civitas, Italia, provincie, regna non poterant. Metaphora est à nimis angusto vase deducta, fateorque eam aptius de locis usurpari, quam de hominibus; attamen Ovidius ea, paullo fortasse durius, usus est, cum loqueretur de patre quo major sibi videbatur filius. Sed non sunt omnes paullo duriores Metaphoræ, etiam in aureæ ætatis Scriptoribus, pro mendis habendæ.

26. Idem † Lib. I. de Arte Amatoria versum, contra Codicum omnium consensum, mutare aggressus est, exiguâ similitudinis litterarum ratione habitâ; at, nisi fallor, infelicitèr. Docet Ovidius potius esse promittendum, quam dandum, his verbis :

*Si dederis aliquid, poteris ratione relinqui;
Præteritum tulerit, perdideritque nihil.*

Posteriore versu quidquam significari negat, & ita emendari jubet;

Nam pretium tulcrit, reddideritque nihil.

* Plutarchus in Alexandro. || Cap. XXXII. † Lib. I. Ep. 52.

Verum fallitur, hoc enim vult Poëta: cum acceperit quid quid potes dare, te non sine ratione relinquet, quia præteriti temporis dona acceperit, nec in futurum quidquam perdiderit; quando nihil erit quod des amplius, ut faciliè intelliget.

*At quod non dederis semper videare daturus,
Sic dominum sterilis saepe sefellit ager.*

Sequentia idem comprobant, quæ, si de re honesta sermo esset, pluribus persequeremur.

27. Lib. II. ejusdem Operis, ita legimus in editione Heiniana:

*Sis licet antiquo Nireus adamatus Homero,
Naiadumque tener crimine raptus Hylas.*

At Criticus noster * scribit *laudatus Homero*, quod *Homerus* Nireæ *laudare* quidem, sed multo antiquiorem *amare* non potuerit. Verum improprie loqui potuit *Ovidius*, nec, ut tollatur ἀκρολογία, a lectione Codicum usque adeo abeundum est. Si omnes loquutiones minus propriæ essent ex optimorum Scriptorum monumentis exterminandæ; infinitis propemodum locis, contra omnium Codicum fidem, vis esset afferenda. Nullus enim est Scriptor, qui non saepe potuerit aptius loqui, quam loquutus est: seu incuriâ ita mentem expresserit, seu animo laboranti commodior alia, ut sit, loquutio non occurrerit.

28. Antea sat multa exempla congeffimus conjecturarum, quibus quam minimâ mutatione locis obscuris, aut manifesto depravatis medicina facta est. Eas autem omnium optimas & certissimas esse judicamus, ex quibus omnium minima mutatio facta est. Unum atque alterum exemplum hic addemus, *Plauti Casinâ*, Act. III. S. 3. nequissimus senex ita fodatalem non meliorem alloquitur:

*Nunc amici, nunc inimici sis imago, Alcesime,
Mibi sciam; nunc specimen spectitur nunc certamen cernitur.*

Manifestum est *Stalimonis* hanc esse mentem: tempus advenisse, remque incidisse, ex quibus intellecturus erat an *Alcesimus* amicus sibi reverâ esset, an vero inimicus. Sed *inimici imago* non est *inimicus*, ut *amici imago* non est *amicus*;

* Lib. I. Ep. 54.

nam ut diceretur *imago amici* qui se amicum fingeret, quamvis esset inimico animo : ita *imago inimici* vocaretur, qui simularét se inimicitias cum aliquo exercere, licet ei amicitia conjunctus esset. *Imago inimici* opponitur vero inimico : ut *imago amici* vero amico Legendum igitur puto :

Nunc amicúſne, ánve amici sis imago, &c.

Hoc est, utrúm verus sis amicus, an fictus. Homo ineptus, qui non intelligebat quid sit *amici imago*, & credebatur inimicum tantum opponi amico, mutavit *amici* in *inimici*.

29. Alterum exemplum dabimus ex Comico Græco. *Aristophanes* in *Concionatricibus*, ita inducit *Praxagoram* describentem lucernam, in loco obscuro lucentem. Sunt primi *Comœdiæ* versus, in quibus duo sunt crassissima menda; quæ tamen nullo negotio tolli possunt, & miror à *Tan. Fabricio* non fuisse sublata.

Ὁ λαμπρὸν ὄμμα τῷ τετραλάτῳ λύχνῳ,
κάλλιν ἐν εὐστόποιον ἐξητημένον.

Vertit vir doctissimus : *O lucidum jubar lychni rotâ figulinâ elaborati, tenebrosis in locis apprimè expetitum.* Legit, nempe, *ὁστόποιον*, sed nullum exemplum profert ullius Scriptoris, qui usus sit ea voce, quam frustra in Lexicis quæras. Deinde *κάλλιν* ἐξητημένον Græcum non est hoc sensu, quis enim unquam dixit *κάλλιν* pro *apprimè*, aut *στέδον*? Retinenda est vox *ὁστόποιον*, & vertendum, *in locis conspicuis*; quia lucernæ suspenduntur in edito quopiam loco, qui ex toto conditi cerni queat, ut earum lux ubique spargatur. Tum *ἐπὶ τῷ ἐξητημένον* legendum *ἐξασπόμενον*, quod æquè commodo sensu verti queat *accensum*, aut *suspensum*, nam utrumque significat *ἐξάπτουαι*. Posterius tamen malim, ut dicat *Praxagora* : *o jubar pulchrè suspensum in editis locis.*

30. Pergit vero, his verbis :

Γωὰς τε γὰρ σὰς καὶ τῷ χάς δουλίσουμιν.
Τετχὼ γὰρ ἐλαθεὶς καεσμένης πυρὸς ἀπὸ
Μυκτῆροι λαμπρὸς ἢν τιμὰς ἔχεις.

Originem enim tuam, fortunâſque exponemus, nam rotâ ductus, ô lychnè, figuli labore, unoquoque in naso splendidos solis honores habes. At quodnam hoc monstrum est? Lucerna quæ habet honores solis; vel, ut vir doctissimus, solem imitatur *uno quoque in naso*! An ergo naso videbant olim Athenien-

ses? Lege *μυχῶσι*, hoc est, in *abditis penetralibus*, in quibus lux solis non cernitur; qua voce utitur postea Comicus, sed obscenioris sensu. In ejusmodi locis, quales erant fornices meretricum, lucerna obtinet honores solis, quia ejus vice fungitur. *Hesychius*, atque ex eo *Phavorinus*: *Μυχῆ, αἱ καταδύσεις, οἱ ἐνδότες καὶ ἀπόκρυφοί τῶποι*. Ejusmodi erunt *κατωπύλαι*, seu penetralia in quibus cubabant Patres & Matres familias. *Homerus* *Odyss.* Γ. vers. 402. de Nestore:

Αὐτὸς δ' αὖτε καὶ δὲ μυχῶ δῶμα ὑψαλόῳ,
τῷ δ' ἄλοχ' ἔσποινα λέχ' ὄρεσσε καὶ δῖνῃ,

Ipse verò dormivit in recessu domus alta, eique uxor hera lectum paraverat & cubile. Ad quæ verba, observat *Eustathius* *Homerum* vocare τῷ ἐνδότε, δάλαμον καὶ μυχὸν δῶμα, interiorē partē thalamum & recessum domus.

31. Hisce ad illustrationem quartæ Legis congestis, ad quintam deveniendum est, quæ ita habet: MSS. CODD. NON SUSPECTI ALIIS PRÆFERUNTOR. Duo sunt quæ MS. Codicem commendant, antiquitas & Librarii, à quo fuit descriptus, Criticive, à quo emendatus, fides & peritia. Antiquissimi Codices ceteris meritò (nisi quid obstet, de quo postea dicemus) præferuntur, cum quod scripti sint temporibus, quibus plures erant Linguae peritiores; tum etiam quod minus inquinati sint, imperitiâ vel malâ fide Librariorum, aut Criticorum. Ea enim, proximè præteritis sæculis, utrorumque fuit incertitia; ut si ferè sint corruptissimi Libri, qui per plurium manus ad nos pervenerunt: haud aliter ac aqua, per plurimos rivos derivata, fonte ipso impurius est. Librarii verò & Critici fides & eruditio faciliè apparent, ex ipsis Manuscriptis, si à viris non proflus imperitis tractentur. Sunt enim multò emendatiores libri, qui eorum curâ descripti, atque emendati sunt.

32. Igitur malè de re litteraria merentur, dèque Lectoribus suis, qui antiquissimos Codices non sequuntur, potius quam recentiores. Cujus rei insigne exemplum attulimus ex Cap. V. 1. *Epist.* Joannis, antea Cap. XIV. ubi verba de Testibus Cœlestibus, quæ absunt ex vetustissimis Codicibus, in plerisque editionibus leguntur, & propugnantur à Theologis Criticæ imperitis, aut qui quærunt quod optant, in Libris, non quod iis inest.

33. Suspectos esse oportet Codices, qui nimium à ceteris omnibus recedunt, præsertim in locis, in quibus est aliqua

difficultas ; cum mutandi rationes fuerint, nullæ verò scribendi ea quæ in aliis MSS. Libris comparent. Exempli causâ, Codex ille Græco-Latinus Novi Testamenti, qui *Th. Beza* fuit, aliquæ similes qui in Bibliothecis visuntur, licet antiquissimi, suspecti sint necesse est ; quia sunt in illis clara audaciorum mutationum vestigia. Genealogiam Christi, ut unum hoc exemplum afferam, quæ est Matthæi Capite I. totam refinxerunt ii, à quibus primum scripti sunt, ex Luca, contra reliquos omnes Codices & Interpretes, qui eam habent, qualem nos hodie. Nemo dubitare queat, quin imperiti & audaces homines Matthæum corruerint, ut eum in concordiam cum Luca redigerent ; cum nulla fuerit aliis ratio aliam fingendi genealogiam, apud Matthæum, ab ea quæ erat apud Lucam. Præterea passim illi Codices abeunt à ceteris, ut loquutiones sint puriori Hellenismo magis consentaneæ, quod sexcentis locis probare possemus. At nemo dixerit Græcos Librarios styllum Apostolorum nimis ἐλλανιστοῦ, studio complexisse Hebraïsmis, quos ignorabant sed malè sani Græculi potuerunt, ut auribus suorum consulere, Hebraïsmis Hellenismos substituisse. Igitur hi aliquæ Codices, in quibus frequentes sunt ejusmodi loquutiones, malas manus experti judicari à nobis debent.

34. Suspecti quoque debent esse ii Codices, si qui sint, qui, certum in finem laudantur, à viris de quorum fide non satis constat, præsertim si sint manifesta depravationis indicia. Dicitur * *Petrus Fagiarus Veleſius*, Marchio Hispanus, contulisse sexdecim Codd. Græcos, quorum octo ajunt fuisse in Bibliotheca S. Laurentii, in Hispania. Illi autem ita consentiunt cum Vulgata versione Latina, ut in omnibus locis, in quibus a ceteris Codicibus recedit, ei adstipulentur ; imo vero habeant additamenta quædam, quæ videntur ex Latinis versâ. Sic Apoc. IX. 11. habet Vulgata : *habebant supra se Regem, Angelum Abyssi, cui nomen Hebraice Abaddon, Græce autem Apollyon* ; quæ leguntur in omnibus Græcis Codicibus, sed, in Latinorum gratiam, addidit : *Latine habens nomen exterminans*. Quæ versâ sunt Græcè, ποῦαισι ἐπὶ τοῦ ὄντος ἐξέρχου. Si fuerint umquam in rerum natura ejusmodi MSS. fuerunt ad Vulgatam Versionem refecti ; sed verisimillimum est hominem Hispanum, Latinæ Versionis causâ, finxisse eas varias lectiones, quæ nusquam erant ; cum nemo, præter illum, eos Codices videre potuerit.

35. Huc pertinet quod quæri solet, de delectu variarum lectionum quæ in MSS. paris vetustatis & æquè emendatis,

* *Joan. Mariana, pro Ed. Vulgata, C. XVII.*

animadvertantur. Sæpe enim variæ lectiones occurrunt, quæ omnes cum re ipsa, ferie orationis, & stylo Scriptoris consentiunt, ex quibus tamen una eligenda est. Si omnia sint paria, non multum quidem interest quæ eligatur; sed si una ex iis obscurior sit, ceteræ clariores, tum verò credibile est obscuriorem esse veram, ceteras glossemata, ut Cap. VII. ostendimus. Similiter si quæ sit lectio, quæ in uno Codice occurrat, difficultatēque tollat, quæ in loco, prout in ceteris omnibus Codicibus legitur, non illico est admittenda. Verendum enim est, ne emendatio sit Librarii aut Critici, qui ex conjectura quod non adsequebatur mutaverit, aut quod mendum opinabatur sustulerit. Hujusmodi est lectio MS. Codicis, cujus meminit *T. Beza* ad Matth. C. I. 11. nam cum omnes Libri & Interpretes habeant: Ἰωσίας δὲ ἐγέννησε τὸν Ἰεζουρίαν καὶ τοὺς ἀδελφοὺς αὐτοῦ, ἐπὶ τῇ μετακινήσει Βαβυλῶν, habet ille Codex: Ἰωσίας δὲ ἐγέννησε τὸν Ἰακίμ, Ἰακίμ δὲ ἐγέννησε τὸν Ἰεζουρίαν, καὶ τοὺς, &c. Quam lectionem veram & genuinam putat *Theod. Beza*, si modo legamus: Ἰωσίας δὲ ἐγέννησε τὸν Ἰακίμ, καὶ τοὺς ἀδελφοὺς αὐτοῦ, Ἰακίμ δὲ ἐγέννησε Ἰεζουρίαν ἐπὶ τῇ, &c. quomodo ipsa historia postulat, & trium Tessaradecadum numerus expletur. Sed cum nullus alius Codex, nullus vetus Interpretes cum eo consentiat, multò verisimilius est hanc esse Critici conjecturam; quod & postea sensit ipse *Beza*, qui quod in prioribus editionibus in contextum admiserat, in posterioribus induxit.

36. Sexta lex erit: LOCO MSS. CODD. VETERUM CITATIONES, AC VETERES TRANSLATIONES, ADHIBITIS CERTIS CAUTIONIBUS, SUNTO. Si ex citationibus Veterum & priscis Interpretibus, constet locum quempiam aliter lectum fuisse, quam hodie legitur; dubium esse nequit, quin ea sit varia lectio ceteris æquiparanda, aut etiam anteferenda, si melius rei, & stylo Scriptoris conveniat. Verum ad citationes quod attinet, duo sunt animadvertenda, nimirum, sæpe Veteres ex memoria loca recitare; quo fit ut synonyma synonymis facile substituant, & in ordine verborum nonnihil mutant. Deinde eos sæpe sensum, potius quam verba ipsa, proferte. Itaque varietas citationum non potest semper urgeri, quasi varietas lectionis, quæ esset in Codicibus, quibus Veteres utebantur. Ad Translationes vero quod spectat, cavendum ne conjecturas Interpretum, de sensu aut lectione locorum, putemus niti varietate lectionis. Passim sensum exprimunt conjiendo, exiguamque verborum rationem habent; nec proinde semper colligere possumus eos aliter legisse quam nos, quia aliter vertunt.

37. At quando ergo, inquires, licebit ex citationibus aut Interpretibus variam lectionem certò colligere? Ex citatione liquebit aliter lectum fuisse, cum is qui ea utitur ex verbis quæ protulit ita ratiocinatur, ut ex verbis aliter prolatis eadem consecutaria deduci non possint; aut cum verba quam maximè ad rem suam facientia prætermittit, ut alia ex eodem loco minus firma producat. Exempli gratiâ constat plurimos Patres, ut observarunt doctissimi quique Interpretes, non legisse quod in plerisque Editionibus habetur de Testibus Cœlestibus 1. Ep. Joan. Cap. V. quòd iis verbis, in disceptationibus contra Arianos, numquam utantur, quamvis proferrant quod de Testibus Terrestribus habetur. Exempli causâ, *Gregorius Nazianzenus* Orat. XXXVI. respondens Arianis, qui negabant tres æquales Deos unum dici posse, non parum sùdat ut ostendat qui ita loqui licuerit. * Tum profert locum de terrestribus testibus; altero de cœlestibus numquam utitur, quo tamen potuisset os Arianis obturare.

38. Idem de aliis Patribus observare licet. At *Cyprianum* obijciunt, qui in Libro, de Unitate Ecclesiæ, ita loquitur: *De Patre & Filio & Spiritu Sancto scriptum est, & hi tres unum sunt.* In Epistola verò LXXIII. ad Jubajanum: *Si templum Dei factus est, quaro cujus Dei? Si Creatoris, non potuit qui in eum non credidit; si Christi, nec hujus potest fieri templum, qui negat Deum Christum; si Spiritus Sancti, cum tres unum sint, quomodo Spiritus Sanctus placatus esse potest, qui aut Patris, aut Filii inimicus est?* Hinc nonnulli putant liquere *Cyprianum* legisse in exemplari suo, quemadmodum in editionibus hodiernis legimus. At† vir doctus rectè animadvertit credibile non esse lecta ea verba esse à *Cypriano*, nec tamen ab *Augustino* Arianis ævi sui obiecta. Certè nemo crediderit unum *Cyprianum* ea verba habuisse in suo exemplari; aut etiam alios, licet ea legerint, numquam iis, in gravissima controversia, cui dirimenda summopere intervire poterant, usos esse. Quid ergo de verbis *Cypriani* statuamus? Nimirum, quod idem vidit, *Carthaginiensem Episcopum* aptasse Patri, Filio, & Spiritui Sancto verba versus octavi, *& hi tres unum sunt*, || sic enim in Vulgata Latina legimus. Certè solet *Cyprianus* sententiam, quam putat inesse verbis Scripturæ, sæpe proferre, eadem fiducia ac si verba ipsa recitaret. Alia legantur apud virum

* Pag. 603. T. 1.

† Ric. Simonius Cap. XVIII. Hist. Crit. N. T. de Texu.

|| Non in Græcis Exemplaribus, ut perperam Simonius; est enim in illis eis τὸ ἓν εἶναι.

eruditum, qui tamen ut redimeret quod verè dixit hæc de re, videtur ubique datâ operâ debacchari in eos, in quos solet hic locus Joannis frustra torqueri.

39. Hisce exemplis, è sacris petitis, possemus adjicere alia ex profanis Scriptoribus; quos sæpe licet ex veterum Grammaticorum citationibus emendare, quamquam non quibulvis citationibus credendum est. Sed superiora exempla rem, nisi fallor, in aperta luce collocant. Si quis tamen aveat pluribus comprobata videre, adeat oportet *Pascastii Grosippi*, seu *Gasparis Scioppij* Paradoxa Litteraria Epist. VII, VIII, & IX. quæ dignissimæ sunt lectu. Ea tantum hic proferimus, quæ necessaria sunt suadendis Legibus Criticis, quæ promulgamus.

40. Ut ad Translationes veniam, certum est eas sæpe loco MSS. Codicum esse posse, ut probavit *Lud. Cappellus* in Critica Sacra, utque omnes consentiunt, qui veteres Versiones Novi Testamenti, cum editionibus Græcis contulerunt. Verum cavendum ne varias lectiones hauriamus ex locis, in quibus potius sensum, quam verba exprimere voluerunt; hoc est, ex locis potissimum difficilioribus. At ubi verba totidem verbis reddita sunt, & aliquid omittitur aut additur, rectè judicant Eruditi, aliquid amplius aut minus fuisse in Interpretum Codicibus; cujus rei nos * antea jam exempla attulimus, & plura congestimus in Indice in Pentateuchum.

41. Vix etiam dubitare licet an aliter legerit Interpreter, cum videmus eum dissentire a lectione nostra, sed mutatâ litterulâ consentire. Exemplum rem clariorem reddet. In Hebraico exemplari *Esdrae* Cap. X. 6. sic legimus: *Et surrexit Esdras ex anteriore parte domus Dei & abiit (וַיֵּיָצֵא) in conclave Tachanani, filii Eljasibi, & abiit (וַיֵּיָצֵא) illuc, panem non comedit.* Notum autem est eum, qui tertium *Esdrae* librum edidit Græcè, pleraque quæ habet ex Hebraicis *Esdrae* & *Nehemiae* Codicibus sumxisse. Habet verò ille, in hac historia, pro altero illo וַיֵּיָצֵא, & אֵלְיָאָסִיבִי עָמָד, & commoratus illic; unde perspicuum est eum legisse וַיֵּיָצֵא וַיֵּיָצֵא, quod verbum sæpe LXX. Intt. vertunt αὐτὸς ἐξῆλθε. Dubium mihi non videtur, quin hæc lectio Hebraica commodior sit.

42. Habemus etiam antiquissimas Epistolarum *Barnabæ* & *Ignatii* versiones Latinas, quæ Græcis illustrandis non parum inserviunt, ut liquidius constabit ex editione Amstelodamensi; quæ nunc prælum exercet, & brevi prodibit omnium commentariis ornata. Idem dicere possumus de

* Cap. VIII, & XIV.

versione *Irenæi*, quam non sine fructu cum Græcis conferunt passim viri docti.

43. Ultima Lex, quam, quo est majoris momenti, eo frequentius perrupisse videntur Critici, hæc est: DE OMNIBUS IN NOTIS MONERE LICETO, AT NULLA, NISI MANIFESTA, AUT EX MSS. CODD. HAUSTA LECTIO, IN CONTEXTUM ORATIONIS INFERTOR. Nulla de re graviore leguntur querelæ, quam de audacia Criticorum, qui conjecturas suas, pro Veterum Scriptorum verbis, contra fidem Codicum MSS. Lectoribus incautis obtrudunt. Eâ ratione, factum in modum *Sig. Sm. Gelenius* tres egregios Scriptores *Plinium*, *Arnobium*, & *Ammianum Marcellinum* corruptit; quibus nisi opem tulissent viri doctissimi, & omnibus Reipublicæ Criticæ copiis instructi, *Geleniana* pro verbis eorum Scriptorum etiamnum legeremus. Si nemo *Plantum* curasset, præter *Davidem Pareum*, actum erat de facetiarum, elegantiarumque patre; nam ille conjecturas alienas ac suas audacter ubique intrusit, pro iis quæ in veteribus Libris legebantur. Quam ob causam, merito passim vapulat, in *Frid. Taubmanni* notis. Non desunt qui questi sint à viro maximo *Jos. Scaligero* *Mamilium* pessimè habitum fuisse, quod ubivis pro Manilianis verbis sua edicaverit. Nimix fortè quidem eæ sunt querelæ, at sine dubio præstitisset virum summum parcius suas emendationes in contextum intulisse. Rectius etiam fecisset *Frid. Taubmannus*, qui *Colicem* & *Cirum* *Virgilii* edidit, cum amplissimis commentariis, si vetustissimam editionem, aut membranas potius sequutus esset, quam ejusdem *Scaligeri* conjecturas. Plures Criticos conculcatæ hujus æquissimæ Legis accusare possemus; sed eos Studiosi, qui doctorum virorum labores evolvunt, sat cito cognoscent.

44. Lex ipsa quam necessaria sit, ad impediendum ne Veterum Scripta contaminentur, nemo non videt. Si enim liceret in contextu quod displicet illico mutare, inscitia, audacia, ac festinatione Criticorum, doctorum & indoctorum, vulnera passim gravissima Veteribus inferrentur, & paulatim eo deveniremus, ut nesciremus quid ab optimorum Scriptorum manu esset, quid ab interpolatorum audacia. Attamen quia nulla major est tyrannis, quam quæ non modo non patitur id fieri quod æquum censeas, sed nequidem modeste dici; liceat Criticis in Notis ac Commentariis, quibus Veterum Scripta eunt illustratum, proponere quidquid libuerit; eâ tamen lege, ut Lectores peritiores fistulâ pastoritiâ excipiant quæ, invitâ Criticâ, protulerint.

45. Hæc

45. Hæc ad suadendas Leges æquissimas dicenda habuimus, quibus innumera alia adjici potuisse nobis non latet; verum quæ à nobis dicta sunt vel imperitissimos in adsensum trahere possunt, nedum ut paullo peritiores pluribus indigeant. Itaque ne mihi & aliis tædio sim, manum de tabula tollô, expectaturus an Reipublicæ Litterariæ Populus Leges hæcè jussurus sit, aut seditioso quopiam Tribuno intercedente rejecturus; quod tamen vix opinor futurum. Ut enim nonnulla exempla à me allata in dubium revocari queant; attamen Leges ipsæ supra invidiam positæ sunt, cum ex doctissimorum virorum sententia scriptæ sint, atque ex ipsâ rerum natura manifestò petitæ.

III. PARTIS I. SECT. FINIS.

ARTIS

ARTIS CRITICÆ

PARS III.

SECTIO II.

De Locis & Scriptis spuris à genuinis dignoscendis.

CAPUT I.

De fraudibus quibus inserta Veteribus Scriptoribus loca, suppositique iis integri Libri, Veterum testimonia.

1. **O**STENDIMUS superioris Sectionis Cap. XIV. homines veri parum studiosos in Veterum monumentis eas voces mutasse, aut delevisse, quæ sibi displicerent, aut addidisse quæ visa sunt; ut Veteres illorum dogmatibus favere, aut saltem ut ne adversari viderentur. In hac verò Sectione, agemus de integris Periochis insertis aut resectis, datâ opera, ab iisdem impostoribus, aut à Criticis malè feriatis; tum etiam de Libris, quibus illustria nomina præfixerunt, ut fallerent ementes, aut ut sua dogmata statuminarent; trademusque regulas ex quibus suppositæ Periochæ; ac Libri alieno nomine inscripti agnosci queant; quæ omnia exemplis aliquot firmabimus.

2. Verum antequam ad rem ipsam veniamus, Veterum loca proferemus, ex quibus intelligere licebit non recentiores demum Criticos in ejusmodi corruptelas ac suppositiones esse inductos. Exstant hac de re sat graves, cum apud veteres Ethnicos, tum apud Christianos querelæ.

3. Cum antiquiorum Scriptorum admiratio hominum animos subiisset, eorum libri cœperunt ab omnibus Antiquitatis studiosis avidius emi & versari; horumque auctoritas, ad dirimendas controversias, adhibita, & magno studio contententes eam ad partes suas trahere conati sunt. Hi sæpe potissimi

potissimi fontes, ex quibus fluxere innumeræ corruptelæ, & suppositiones; quibus avaritia Librariorum & nequitia Falsariorum fucum minus callidis fecerunt. Quod paullo pluribus persequemur.

4. Cum ergo Librarii animadverterent, nonnullorum Scriptorum libros frequenter in officinis suis quæri, atque emi; duplici fraudis genere, lucri causâ, grassabantur. Alterum erat, quo Scripta jam edita & nota, quasi ex vetustioribus Codicibus, iisdemque amplioribus descripta, multo auctiora depromebant, & venum exponebant; postquam in ea varia infarciri à nebulone curaverant. Tum vero & qui habebant Libros, suis Codicibus quasi mutilis spretis, eos iterum emebant; qui verò nondum emerant, ex editione locupletiore sibi comparabant. Hinc autem non parvum lucrum redibat ad Librarios, qui primi ejusmodi fraudem adhibebant; præsertim si celebrior esset Scriptor, quem ita interpolari curaverant, nec fraus illico pateret. Quod *Clementi* Romano, & *Ignatio* Antiocheno contigisse postea ostendemus. Alterum fraudis genus erat, cum Viro aut Scriptori Celebris integrum opus tribuebant, ut cum *Dionysio* Arcopagitæ tributi sunt libri, qui sub ejus nomine circumferuntur; quod & plurimis aliis à Christianis præsertim factum esse, in sequentibus, pluribus demonstrabimus. Populi, nempe, cupidi sciendi quid sensissent primi illi Christiani, quidve iis contigisset, omnes Bibliothecarum angulos perscrutabantur, omnes Librariorum officinas excutiebant, ut viderent num quid eorum superesset; quod cum animadverterent homines lucri cupidi, hiantes & credulos facile deluserunt, & incredibilem copiam librorum recens conscriptorum antiquis Scriptoribus, fallente titulo, tribuerunt. Quod cum dico factum à Christianis, Judæos tamen, aut Ethnicos, quasi culpæ ejus minimè affines, absolutos nolo; sed de Christianis potissimum loquor, quia pluris interest scire quos finxerint, quam quos alii adulterinos in lucem protulerint, & plures etiam à Christianis falsis nominibus insigniti ad nos pervenerunt.

5. Posteaquam verò acres concertationes, inter Christianos, oriri cœperunt, præsertim à Nicænæ Synodi temporibus; cum dissentientes Christiani omni ope niterentur Antiquitatem in suas partes trahere, ut adversarios quasi novas res molitos infamarent; tum demum sceleratis manibus adulterata sunt priscorum monumenta, & eorum nomina præfixa libris ea de causa fictis, ut partibus laborantibus subsidio essent. Sic additæ sunt ingentes lacinie Epistolis *Ignatii*, & fictæ *Constitutiones Apostolicæ*, quasi ab Apostolis conditæ,

conditæ, & à Clemente Romano digestæ; de quibus postea dicemus. Eodem consilio fictus ille Prologus, qui Epistolis Canonicis, Hieronymi nomine insignitus, præfigitur, ut antea observavimus.

6. Fortè & errore factum, ut Libri quorum Scriptores ignorabantur, quod nullius nomen eis esset additum, nonnullis tribuerentur, quorum nequaquam erant; ob similitudinem styli, vel ob imperitiam Librariorum, qui sic numerum Operum virorum eruditorum auctum ibant. Hoc potissimum factum in scriptis Patrum iis sæculis, quibus Antiquitatis studiosi, grassante per omnia barbarie, pauciores erant, neque ullus Criticæ, ut decuit, operam dederat. Hinc videmus scriptis Patrum, præsertim *πλουγέφων*, multa aliena adfuta. *Tertullianus*, *Cyprianus*, *Ambrosius*, *Hieronymus*, *Chrysostomus*, alique jam dudum, sine appendicibus alienis, non prodeunt.

7. Re ipsâ breviter expositâ, jam sunt Testimonia Veterum proferenda. Sic ergo *Diogenes Laërtius* de *Æschine*, Lib. II. §. 60. διεβέβητο δὲ Αἰσχίνης καὶ μέλει θ' ὑπὸ Μενεδήμου τὰ Ἐρεϊσεως, ὡς τὰς πλείους διαλόγους, ὅσας Σωκράτης ὑποβάλλοιτε, λαμβάνων. *Ἐξ* Εὐνδίας: calumniis differebatur *Æschines*, potissimum à *Menedemo Eretrienſi*, quasi complures dialogos, qui *Socratis* essent, à *Xanthippa* acceptos pro suis supposuisset. Subjicit verò *Diogenes*: ὃν οἱ μὲν καλούμενοι ἀκέραιοι σφοδρῶς εἰπὼν ἐκλελυμένοι, καὶ ἐκ ὀππαίνοντες τὴν Σωκρατικὴν εὐτοσίαν, ὡς καὶ Πεισιεργίδης ὁ Ἐρέσιος ἔλεγε μὲν εἶναι Αἰσχίνην. καὶ τ' ἐπ' αὐτὸν δὲ τὰς πλείους Περσῶν καὶ Πασίωνος εἶναι τὰ Ἐρεϊσεως, εἰς τὰς Αἰσχίνης δὲ καθ' αἷαν. ἀλλὰ καὶ τ' Ἀντιθένης, τὸν τε μικρὸν Κύρην, καὶ τ' Ἡρακλῆα τ' ἐλάτω, καὶ Ἀλκιβιάδην, καὶ τὰς τῶν ἄλλων δι' ἐσχατώσεως: ex quibus qui dicuntur principio carentes sunt remissi; nec Socraticam vehementiam præferentes; quos & *Æschinis* esse *Pisistratus Ephesus* negabat. Sed & plerosque septem illorum *Perſeus* aut *Pasiphontis* esse *Eretriensis*, atque ab eo *Æschinis* insertos libris; eundemque *Antisthenis* parvum *Cyrum*, & *Herculem* minorem, & *Alcibiadem* aliorumque libros supposuisse.

8. Sic viri ingenio & eruditione sua abusi nervos omnes intendebant, ut ita stylum & doctrinam exprimerent eorum; quibus libros supponebant, ut vix supposititii foetus a veris secerni possent. *Livius* Lib. XXXVIII. c. 56. ubi de die dicta *P. Scipioni*: Nec inter Scriptores, inquit, discrepantia sunt, sed orationes quoque, si modò ipsorum sunt quæ feruntur; *P. Scipionis* & *T. Gracchi* abhorrent inter se. Scilicet, homines malè diserti; ut eloquentiam suam venditarent, scrip-

ferant orationes, quibus expresserant quod dicere debuissent videbantur summi illi viri ; quod persæpe factum, ut postea videbimus.

9. Scio posse dici plurima exercendi styli gratiâ esse conficta, & veluti ludente ingenio elaborata ; at quod illi ludentes fecerunt, id serium posteros in errorem coniecit. Præfixum nomen *Salomonis* Libro *Sapientie* plurimos fefellit & etiamnum fallit, quamvis ab *Hieronymo* monitos. Hæc sunt hujus verba, ex præfatione in Libros *Salomonis* : *Fertur & mandari & Jesu filii Sirach liber, & alius Iudei yegæ, qui Sapientia Salomonis inscribitur. Quorum priorem Hebræicum reperi, non Ecclesiasticum, ut apud Latinos, sed Parabolas (משלים meschalim) prænotatum, cui juncti erant Ecclesiastes & Canticum Canticorum ; ut similitudinem Salomonis non solum librorum numero, sed etiam materiæ genere, coequaret. Secundus, apud Hebræos, nusquam est, quia (lego quin) & ipse Stylus Græcam eloquentiam redolet, & nonnulli Scriptorum veterum hunc esse Judei Philonis affirmant. Verum de hoc Libro postea pluribus agemus.*

10. Idem a Pseudo-Christianis, ad quamcumque familiam pertinuerint, sæpe factum testantur Patres. *Augustinus* in Ep. XLVIII. ad Vincentium, ait quosdam credidisse, quamvis falsò, at ex more sæculi sui, fictas Epistolas *Cypriani* de iteratione Baptismi. *Non desunt, inquit, qui hoc sensisse Cyprianum prorsus non contendant, sed sub ejus nomine à præsumptoribus, atque mendacibus fuisse confictum. Neque enim, sub jicit Augustinus, sic potuit integritas, atque notitia litterarum, minus quamlibet illustris Episcopi custodiri, quemadmodum Scriptura Canonica, tot Linguarum Litteris, & ordine & successione celebrationis Ecclesiastica custoditur ; contra quam tamen non defuerunt, qui, sub nominibus Apostolorum, multa confingerent.*

11. Fatetur quidem *Augustinus* illam suspensionem infirmam esse, at nitebatur consuetudine illorum sæculorum, quibus innumera ficta fuerant. *Nos tamen, inquit, dux ob res non negamus illud sensisse Cyprianum ; quòd & stylus ejus habet quandam propriam faciem, quâ possit agnosci ; & quòd ibi magis contra vos (Donatistas) nostra causa monstratur invictior, &c. Altera harum rationum petita est ex utilitate, quam Augustinus putabat percipere se posse ex Epistolis illis Cypriani, in disceptatione cum Donatistis ; altera vero Critica, quæ sola firma est. Nec dubito quin, si hæc posterior ratio defuisset, Augustinus planè negaturus esset hæc Epistolas esse Cypriani, plausibili illâ ratione, è Falsariis sumptâ, fretus ; nam quamvis dissimulet, vehementer ejus causæ, ad*

iterationem baptismi quod attinet, adversabantur. Subdit verbis allatis: *Frustra quidem, quia illa sic commendata, sic celebrata, sic nota est; verum quid possit adversus litteras non canonicas auctoritate fundatas etiam hinc demonstravit impie conatus audacia, quod & adversus eas, quæ tantâ notitiæ mole firmata sunt, sese erigere non prætermisit.* Ex hisce colligere licet vulgò persuasum fuisse, non sine diligenti examine, Veterum Scripta aut potius quæ eorum nomine venditantur admittenda esse; quod tamen plerique, aut affectibus, aut alienâ præpediti, non faciebant.

12. *Origines, in * Ep. ad Alexandrinos amicos, ita queritur, de Scriptorum suorum, vivente se, adulteratione. Quidam auctor hæreseos, cum sub præsentia multorum habita inter nos fuisset disputatio, descriptum accipiens, ab his qui descriperant, codicem, quæ voluit addidit, & quæ voluit abstulit, & quod ei visum est permutavit. Cum convenissem illum ipsum, qui adulteraverat librum, quare hoc fecisset, velut satisfaciens mihi respondit: quoniam magis ornare volui disputationem ipsam, atque purgare (id est, errata emendare.) Videte quali purgatione disputationem nostram purgavit. Tali, nempe, quali purgatione Marcion purgavit Evangelia, vel Apostolum; vel quali successor ejus post ipsum Apelles. Nam sicut illi subvertunt Scripturarum veritatem: sic & iste, sublati quæ verè dicta sunt, ob nostri criminationem, inseruit quæ falsa sunt. Quin & integros libros suo nomine fictos queritur, in eadem Epistola. In Epheso cum me vidisset quidam Hæreticus, & congredi noluisset, neque omnino os suum aperuisset apud me— postea nomine meo & suo, conscripsit qualem voluit disputationem, & misit ad discipulos suos, ut ego quidem cognovi, ad eos qui Roma erant; sed non dubito quin & ad alios, qui per diversa sunt.*

13. *Ruffinus ipse latius hoc persequitur, in Ep. ad Macarium de adulteratione Librorum Origenis; atque hinc probat adulteratos fuisse illos, quod passim, etiam in eodem opere, sibi contradiceret; quod homini non stulto, adeoque erudito contingere potuisset negabat. Quacumque, inquit, nobilium tractatorum veterum invenerunt de his, quæ ad gloriam Dei pertinent, plene & fideliter disputasse; ita ut ex lectione eorum unusquisque fidelium proficere possit & instrui, non pepercerunt Scriptis eorum venenatum virus infundere, sive interpolando quæ dixerant, sive quæ non dixerant inferendo; quòd facilius, videlicet, sub nomine doctissimi cujusque & nobiliss inter Scriptores Ecclesiasticos viri, hæresis suæ adstrueretur*

* Apud Ruffinum de Adult. Script. Origenis.

adsertio; ex eo quod ita sensisse etiam aliqui de claris viris & Catholicis viderentur. Horum manifestissimas, inter Græcos Scriptores Ecclesiasticos, probationes texemus; & quamvis quamplurimi sint ex Veteribus, in quorum Libris hujusmodi deprehenditur adulterium, tamen paucorum sufficit adhibere testimonio, ex quibus facilius quid etiam Origenis Libris acciderit agnoscamur. Clemens Romanus Apostolorum discipulus, qui Romæ Ecclesiæ, post Apostolos, & Episcopus & Martyr præfuit, Libros edidit, qui appellantur *αὐτοπροσώπων*, id est, recognitionis; in quibus cum ex persona Petri doctrina quasi verè Apostolica in quamplurimis exponatur, in aliquibus ita Eunomi dogma scribitur, nihil aliud, quam ipse Eunomius, disputare credatur, filium Dei creatum, ex nullis exstantibus adseverans, &c. Clemens quoque alius, Alexandrinus Presbyter & magister Ecclesiæ illius, in omnibus penè Libris suis, Trinitatis gloriam, atque eternitatem unam eademque designat; & interdum invenimus aliqua, in libris ejus, Capitula, in quibus filium Dei creaturam dicit. Numquid credibile est de tanto viro, tam in omnibus Catholico, tam erudito, ut vel sibi contraria senserit, vel ea quæ de Deo, non dicam credere, sed vel audire quidem impium est, scripta reliquerit? Possset sanè fieri ut Ariani, nonnullis in locis, Clementem interpolassent; sed omnia loca, quæ displicebant *Ruffino*, delere propterea noluerim; cum certum sit Patres, qui ante Nicænam Synodum vixerunt, multis loquutionibus usos, a quibus ii, quibus controversiæ erant cum Arianis, abstinabant. Præterea non mirum esset si Patres, in re ardua, sibi non semper constitissent, aut sibi constare visi non essent *Ruffino* Critico minimè perspicaci. Hoc liquet ex ejus judicio de libro recognitionum, quas fatuè Clementi Romano tribuit, & mutilavit, ut hominis rectè sentientis esse viderentur, cum essent recens opus Impostoris.

14. Tum verò, de tertio, ita pergit: Dionysius quoque Alexandrinus Episcopus eruditissimus; adsertor Ecclesiastica fidei, cum in quamplurimis in tantum unitatem, atque aequalitatem Trinitatis defendat, ut imperitioribus quibusque etiam secundum Sabellium sensisse videatur; in his tamen Libris suis, quos adversus Sabellii Hæresin scribit, talia inveniuntur inserta, ut frequenter Ariani ipsius auctoritate se defendere conentur. Propter quod & Sanctus Episcopus Athanasius compulsus est Apologeticum pro libris ipsius scribere; pro eo quod certus erat non illum diversè potuisse sentire, sibi que ipsi contraria scribere, sed quod inserta hæc à malevolis nosset. Idem dixerim de Dionysio, quod de Clemente modo dicebam; nec certe Athanasius Scripta ejus adulterata ait, sed perperam intellecta.

15. Nunc ut ad *Origenem* redeam, nolim negare ejus Scripta quandoque ab Hæreticis fuisse adulterata, cum præsertim id nos ipse doceat. De eo dixerim, quod *Vincentius Lirinensis*, * cujus hæc sunt verba : *Sed dicat aliquis corruptos esse Origenis libros. Non resisto ; quin potius & malo, nam id à quibusdam & traditum & scriptum est, non Catholicis tantum, sed etiam Hæreticis.* Verum nequaquam concesserim *Ruffino* *Origenem* de re, quam non satis intelligebat, loquentem, semper consentanea esse loquutum. Quis enim miretur hominem, qui tot volumina dictavit, titubasse aliquando ? Possemus certè non unum exemplum ejus rei proferre, non ex *Origene* modo, sed ex *Ruffino* ejus emendatore. Præterea à *Ruffino* non intellectum fuisse *Origenem* si dixerò, nihil dixerò quod Eruditi facillè non concesserint ; cum in iis, quæ ex † *Eusebio* vertit, tot imperitiæ specimina ediderit.

16. Similia habet, in Præfatione in libros *œd' Agzâr*, iis, quæ antea de eo dicentem audivimus, quibus positis ita pergit : *Sicubi nos in libris ejus aliquid contra id invenimus, quod ab ipso in ceteris locis piè de Trinitate fuerat definitum, velut adulteratum hoc & alienum, aut prætermisimus, aut secundum eam regulam protulimus, quam ab ipso frequenter invenimus affirmatam.* Ut dolendum est eos libros ad nos Græcè non pervenisse : ita est quod gaudeamus *Clementem Alexandrinum* à *Ruffino* versum non fuisse ; nam fortè deficià Monachorum haberemus versionem dumtaxat, pro Archetypo, in qua *Clemens* id diceret quod *Ruffino* visum esset ab eo dici oportuisse, non quod nunc dicit. Merito certè viri doctissimi quæsti sunt “ non alium quemquam *Origeni* tantum perfidià suâ, & temeritate nocuisse, quam *Ruffino* ipsum ; quippe qui ejus Scripta interpretans, ita ad ditamentis & detractionibus vexavit & corripuit, ut *Origenem* in *Origene* desideres.

17. Ideò *Hieronymus*, in Epistola ad Pammachium & Oceanum de erroribus *Origenis*, depravatam negat *Origenem* ; sed cum ille nimius sit & laudator, & castigator, per omnia illi credere satis tutò non possumus. Solebat dicere non quod, post accuratum examen, verum compererat, & quod sine affectu dicere licebat ; sed quod causa postulabat, ac vincendi studium dictabat. Sed nescio an tolerabilior

* *Adversus Hæres. Cap. XXIII.*

† *Vide Præfationem H. Valefii in Eusebium, ad Clerum Gallicanum, & P. Dan. Huëtium in Origenianis passim.*

|| *P. Dan. Huëtius in Origenianis Lib. I. C. I. §. 3.*

fit *Ruffinus*, qui præfationi in libros *Origenis* de Principiis à se versos eâ, quam diximus, fide hanc horrendi carminis adjurationem subjicit: *Omnem qui hos libros vel descripturus est, vel lecturus, in conspectu Dei Patris, & Filii & Spiritûs Sancti, contestor, atque convenio per futuri regni fidem, per resurrectionis ex mortuis Sacramentum, per illum qui paratus est Diabolo & Angelis suis æternum ignem, si non illum locum æternæ hereditate possideat, ubi est fletus & stridor dentium, & ubi ignis eorum non exstinguetur, & vermis eorum non morietur; ne quis addat aliquid huic scripturæ, ne auferat, ne inserat, ne immutet; sed conferat cum exemplaribus unde scripserit, & emendet ad litteram & distinguat, & inemendatum, vel non distinctum codicem non habeat; ne sensuum difficultas, si distinctus Codex non sit, majores obscuritates legentibus generet. Si æquum censebat hoc sibi concedi, nec judicio Lectoris sua emendanda permittebat; oportuisset eum eadem æquitate usum fuisse, erga eum quem interpretabatur.*

18. Hisce Veteribus nihil vetat nos addere verba hominis, cui recentiora nimium præ veteribus sordebant. Is est *Joannes Fellus* Oxoniensis, qui, in Præfatione in suam Editionem *Cypriani*, rectè animadvertit “ nosse Eruditos in quantum rei litterariæ damnum cesserint supposititia scripta, magnis insignita nominibus, fraude ad Librarium compendium institutâ. Hinc comparatum esse, ut statuæ aureæ non modo pedes lutei, sed & vivo corpori putridum cadaver subinde jungatur. In Ethnicis litteris hoc quidem facilius ferendum, non magni enim referre, si oratio una aut altera semibarbara *Ciceroni* aut *Sallustio*, vel futile carmen *Virgilio* aut *Ovidio* tribuantur. Sed cum in pietatis negotio & SS. Patrum Scriptis, hoc intervenerit, dici vix posse quanti malum istud steterit. Ex noxa hac non modo hæretica dogmata, decus sibi & honestamentum quærere; sed fidem & auctoritatem, quibus sacra illa monumenta unice possident, languere inde & evanescere; & postquam fucum in aliquibus detexit Lector, de aliis eum dubitare, & demum omnia despicere. Nec ex nupero maleficio hæc passum esse *Cyprianum*, cui sæculo quarto imputabantur Novatiani hæretici Scripta. *Cypriani* *ἱερὸν* hæreseos librum vocare *Hieronymum*, ejusque etiani meminisse illi supparem *Ruffinum*.

19. Quæ cum ita sunt, ipsi impostores invehebantur in eos, qui libros alienos Scriptoribus supponebant, cujus rei duo insignia habemus exempla. Collector Canonum Apostolicorum, qui eos ab Apostolis ipsis conscriptos credulis persuadere

suadere voluit, & reverâ persuasit, Canonem profert dignum profecto Apostolis, qui est LX. numero, sed indignum qui à Falsario ederetur: *Ἐἰ τις τὰ ψευδεπίγραφα ἢ ἀσθενῶν βιβλία, ὡς ἂν ἐπὶ τῇ Ἐκκλησίᾳ δημοσιεύῃ, ὅτι αὐτῇ τὰ λαὸν καὶ τὴν κλήρην, καθυστερεῖτω*: si quis falsò inscriptos impiorum libros, eumquam sanctos, in Ecclesia edit, ad populi & Cleri perniciem, exaugetur. Ad quem Canonem vide, si lubet, *Bisum-nem & Zonaram*, qui ostendunt non infrequens fuisse hoc Falsariorum peccatum.

20. Alterum exemplum suppeditat Scriptor Constitutio-num Apostolicarum, Lib. VI. c. 16. apud quem sic loquun-tur personati Apostoli, de libris falsò inscriptis: *Ταῦτα πέν-τε ἐπεστάμεν ὑμῖν, ἵνα εἰδέναι ἔχητε τὴν ἐμετέραν γνώμην, εἰς τὴν ἐστὶ καὶ τὰ ἐπ' ὀνόματι ὑμῶν ψεῦδα ἢ ἀσθενῶν κεχρησμένα βι-βλία μὴ παραδέχεσθαι*: hæc omnia scripsimus vobis, ut possitis scire nostram sententiam, nève nomine nostro confirmatos ab impiis librosmitteretis. Quæ verba ut non malè conveni-erent Apostolis, intoleranda sunt, in ore impostoris; sed of-tendunt quanta esset, illo ævo, Græculorum nequitia. Per-gunt Apostoli: *καὶ τὸ ὄνομασι κατὰ ὑμᾶς περσέχων ἢ Ἀποστόλων, ἀλλὰ τὴ φύσει ἢ συγγενήτων, καὶ τῇ γνώμῃ τῇ ἀδιαφθορᾷ, οἱ-δὲ μὲν γὰρ ὅτι οἱ περὶ Σίμωνα καὶ Κλεόβιον ἰσθὶ συντάξαντες βιβλία ἐπ' ὀνόματι Χριστοῦ καὶ ἢ μαθητῶν αὐτοῦ, περιέγραψαν εἰς ἀπάτην ὑμῶν ἢ περιληπτοῦν Χριστὸν καὶ ἡμᾶς τὸς αὐτοὺς δόλους*: neque enim no-mina vos oportet attendere Apostolorum, sed naturam rerum & immutabilem sententiam. Scimus enim Simonem & Cleobium venenatos libros, conscriptos nomine Christi & discipulorum ejus, circumferre, ut vos decipiant qui amatis Christum & nos ejus discipulos. Deinde monent Christianos, de libris ante sua tempora fictis; à Judæis, nimirum, qui nomini-bus Patriarcharum, imò & Angelorum, fucum facere impe-ritis nitebantur. *Καὶ ἐν τοῖς παλαιαῖς δὲ πνευ συνέγραψαν βι-βλία ἀπὸ κρυπτα Μωσέως, καὶ Ἐνώχ, καὶ Ἀδάμ, Ἡσαΐα καὶ Δαβὶδ καὶ Ἡλίας, καὶ ἢ τειῶν παλαιάρχων, Φιλερροῖα, καὶ τ' ἀλεξάνδριος ἐχλεξά-μεν τα καὶ νῦν ἐποίησαν οἱ δυσώδυμοι, διαβάλλοντες δημοσίαν, γά-μον, σεβασίαν, τεχνουργίαν, νόμον, σεβήτας. Βασίλειος πνα-τοῦμα ἐγγεγραμμένους, καὶ ὡς αὐτοὶ φασιν, Ἀγγέλων, τὸ δ' ἀλη-θὲς εἶπεν Δαμόνων ἢ αὐτοῖς ὑποχύντων*: Nonnulli inter Veteres scripserunt libros apocryphos Moses, Enochi, Ada-mi, Esaia, Davidis, Elia, & trium patriarcharum pesti-feros, & repugnantes veritati. Consimiles libros nunc quoque ediderunt inauspicati homines, calumniantes creationem, nup-tias, providentiam, procreationem liberorum, legem, prophetas; adscribentes barbara quadam nomina, & ut ipsi dicunt, An-gelorum, ut verum autem aperiamus, Daemonum, illos afflan-tium. Nihil potuit gravius dici ab homine veri amantissimo,

& suppositionis omnis inimicissimo Scriptore. De libris, quos memorat, consulendus *Joan. Bapt. Cotelerius*, ad eum locum.

21. Cum in Constitutionibus Apostolicis varia sunt, quæ manifesto Arianismum sapiunt, existimarunt Patres Sextæ Synodi, in Trullo habitæ, adulteratas fuisse, sic enim in secundo Canone de illis habent: αἱς ποὶ πάλαι ὑπὸ θῆς ἐπερδεδε-
ῶν, ὅτι λυμὴ τ' ἐκκλησίας, νόθα πνὰ καὶ ξένα τ' εὐσεβείας παρενεπι-
δικται: quibus olim ab Heterodoxis, in perniciem Ecclesiæ, spuria quedam & aliena à pietate inserta sunt. Videntur potissimum ea spectare, quæ favent Arianorum sententiæ; sed profecto ea à nemine inserta sunt, nisi ab ipso auctore, qui in illis partibus fuit. Miranda est aut ἀέλεψία, aut mala fides Patrum illorum, qui Canones LXXXV. quasi Apostolicos admittunt, & ita loquuntur de hisce Constitutionibus, quasi revera essent *Clementis*. Ideò *Photius*, * insuper habitâ auctoritate Synodi, eas & κακοπλάσιαι & ἀρειανισμῷ incusat.

22. Ex hisce intelligere est quæ sit Criticæ utilitas, sine qua innumera fictitia monumenta, eaque erroribus referta, quasi Apostolica etiamnum amplecteremur; & quàm cum neglexissent multi Patres, sine discrimine, vera falsis miscuerunt, recentiaque pro veteribus imperitis venditarunt. Quo factum tandem ut mirum in modum deformaretur Religio Christiana, fraudibus nequissimorum hominum; quas vix tandem, præterito sæculo, & hoc nostro, Critica retexit.

C A P U T II.

De indiciis, ex quibus colligere licet Librum esse suppositum, aut interpolatum. I. & II. Indicium.

1. SI vellem dumtaxat catalogum contexere Librorum suppositiorum, præsertim à Pseudo-Christianis, obiterque addere quid viri docti, olim & nuper, de iis judicarint, ingens à me conflaretur volumen. Sed † & actum agerem, nec Lectores Artis Criticæ studiosos multò doctiores, de ratione dignoscendarum fraudium, dimitterem; quod unum tamen, hoc in loco, à me postulari jure potest. Igitur instituti mei memor hic potius tradam quibus indiciis falsa à veris, mutila ab integris, interpolata à sinceris secerni que-

* In *Bibl. Cod. CXII*.

† *Coccus, Rivetus, Caveus, &c.* hoc præstiterunt.

ant. Quidquid hac de re summam statui potest ad Ale-
cem Aphorismos referam, quibus singulis interpretationem,
& exempla ferè ex Veteribus hausta subijciam; quorum
tamen judicia, per omnia, præstare nolum. Sed cum ple-
raque recta sunt, hinc intelligent Lectores quodnam fuerit
Veterum acumen Criticum; quando liberè, ac sine affectu
judicio suo usi sunt; tum etiam si qua in re lapsi sint, a si-
milibus peccatis sibi poterunt cavere. Nam nescio quomodo
magis afficimur, & rectè factis & delictis magnorum viro-
rum; Veteres autem plerosque, quasi aurei generis nescio
quas reliquias, veneramur.

2. Primus Aphorismus hic erit: *Supposititii Libri indici-
um est, si in veteribus Codicibus alii tribuantur, cum nulla ra-
tio est cur ejus habeatur, cujus nomen in editionibus præfert;*
interpolati verò, si sit in veteribus Codicibus, sine additamento.
Cum plerique tituli petiti sint ex MSS. Codicibus, non mi-
rum est si antiquiores præferantur recentioribus, si modò
nihil sit quod obstat. At si Codices sint paris antiquitatis
& fidei, tum verò legitima de inscriptione dubitatio ori-
tur.

3. Sic Photius, in Bibliotheca Cod. XLVIII. postquam
dixit librum *πρὸς τὸ πᾶν* de universo, tribui Josepho Judæo,
addit: *εὐγενὲς δὲ ἐν παραγραφαῖς ὅτι ἐκ ἐστὶν ὁ λόγος Ἰωσήφου,*
ἀλλὰ ταῖς πρὸς πρεσβυτέρους, ἐν ῥάμῳ διαλεχθὲν, ὃν φασὶ συν-
τάξαι καὶ τὸ Λαβύρινθον. ἢ καὶ διάλογος Φέγελα πρὸς Περικλῆον
πρὸς ἱερέμαχον τὸν ἑπὶ Μοναχισμῶν αἰρέσεως: inveni verò in * ad-
notatis librum non esse Josephi, sed Caji cujusdam Presbyteri
qui Roma agebat, & quem ajunt conscripsisse Labyrinthum;
cujus etiam exstat dialogus adversus Proclum quemdam, heresis
Montanistarum defensorem. Quà ratione autem factum hoc
fuerit, docet in sequentibus verbis, quæ eo digniora notatu
sunt, quò plura *ἰσχυρίζεσθαι* ex eodem fonte manarunt.
Ἀνεπιγέγραπται δὲ κατὰ λαφύρεν τὸν λόγον, φασὶ τὸς μὲν Ἰωσήφου ὅτι
γράφεται, τὸς δὲ Ἰσίδωρου τὸν μαρτυροῦντος, ἄλλους δὲ Εἰρηναίου. ὡς περ καὶ
τὸ Λαβύρινθον πρὸς ἐπιγέγραπτον Νεκταρίου. ἐπὶ ταῖς ἐστὶ πρόημα, τῇ
ἀληθείᾳ αὐτῷ συντεταχθὲν τὸ Λαβύρινθον. ὡς καὶ αὐτὸς ἐν τῇ
πρὸς τὸ Λαβύρινθον διαμαρτυρεῖται ἐαυτὸν εἶναι τὸ πρὸς τὸ πᾶν ὅτι
λόγον. εἰ δ' ἕτερος καὶ ἕχ' ὅτις ἐστὶν ἔργον μὴ γέροντος εὐδελόν:
Cum enim sine titulo liber relictus esset, ajunt alios Josephi no-
men inscripsisse, alios Justinii martyris, alios Irenæi, quemad-
modum & Labyrinthum nomen Origenis præscripserunt; quoniam
Caji, est opus, qui reverà Labyrinthum conscripsit; quomodo
etiam ille in fine Labyrinthi testis est, suum esse Librum de
natura Universi. Verum hicne liber sit, an alius, nondum

* Ad initium, aut ad calcem, aut alicubi ad oram libri.

nihil liquet. At liquet saltem non esse *Iosephi*, quandoquidem *Christianus* fuit ejus libelli Scriptor, ut constat ex iis quæ de eo habet *Photius*. *Cajum* quidem, inter Scriptores Ecclesiasticos, memorant * *Eusebius* & † *Hieronymus*; sed nullius ejus Operis meminerunt, nisi disceptationis cum *Proclo*.

4. *Varia inscriptio*, quæ erat præfixa *Recognitionibus Clementis*, ut de re ipsâ nihil dicam, clarè ostendebat impossibiles satis sibi non constituisse. Ita ea de re idem *Photius*, Cod. CXIII. πὴν προσφωνοῦσιν ὡς ἐν ἐπιστολῇ εἶδει, πρὸς Ἰακώβον ἢ ἀδελφόνδεον πισνῆται. ἐν ᾧ αἰτε λεγόμενα τῷ Ἀποστόλῃ Πέτρῳ προέξεις, καὶ αἱ πρὸς Σιμῶνα ἢ Μάρκον διαλέξεις, καὶ ἐπὶ ἀναγνώρισμός Κλήμεντος καὶ τῶ πατρὸς, καὶ ἑπὶ ἄλλων ἀδελφῶν. διὰ καὶ ἐν ποι ἑπὶ βιβλίων ἡ ἐπιγραφή. Κλήμεντος τῷ Ῥωμαίῳ ἀναγνώρισμός, ἐπιγροφῆται ἐν ποι δὲ, ὡς ἐρημεν, ἐπιστολὴ πρὸς τὴν ἑστίαν, ὡς πρὸς ἢ ἀδελφόνδεον Ἰακώβον: dedicatio fit veluti in *Epistola* forma, ad *Jacobum fratrem Dei*. In hoc sunt quæ dicuntur *Acta Petri* & cum *Simone* *Mago* colloquia, prætereaque *Recognitio Clementis*, ejusque patris & aliorum fratrum. *Quamobrem*, in quibusdam libris, hæc inscriptio addita est: *Clementis Romani recognitio*. In aliis tamen, uti diximus, *Epistola præfigitur*, quasi ad *Jacobum Dei fratrem*. Sed præterea, in ipsa illa fictitia *Epistola*, magna fuit varietas. Καὶ αὐτὴ δὲ, ait *Photius*, ἢ καὶ αὐτὴ, ἢ δ' ὡς ὑπὸ τῷ αὐτῷ προσώπῳ προσενεγμένη. ἀλλ' ἐπὶ μὲν πρὸν βιβλίων ὡς ὑπὸ Πέτρῳ τῷ Ἀποστόλῃ πρὸς Ἰακώβον ἀπεσταλμένη ἐφ' ἑτέρον δὲ ὡς ὑπὸ Κλήμεντος πρὸς Ἰακώβον, ἄλλη καὶ ἄλλη κεινὰς προσέποιεν. καὶ ἡ ὑπὸ *Δουλαί* Πέτρου τὰς οἰκίας συγγράφαι προέξεις, καὶ πρὸς Ἰακώβον αἰτησάμενον ταύτας ἀπεκτείνει. ἡ δὲ διαλαμβάνει ὡς Κλήμεντος ταύτας καὶ προσέγραψα Πέτρου συγγράφει, κακίαν πρὸς τὴν ἀγῆστον μελαγχολίαν, ἀποτίλει Κλήμεντος πρὸς Ἰακώβον: & hæc (*Epistola*) neque eadem, neque ab eodem profecta, sed in libris nonnullis, veluti à *Petro Apostolo* ad *Jacobum* missa; in aliis rursus tamquam à *Clemente* ad *Jacobum*, alia atque alia, ut modò diximus. Harum prior ostendit ipsum *Petrum* res à se gestas conscripsisse, & ad *Jacobum* eas petentem misisse. Altera verò refert *Clementem*, *Petri* jussu, easdem res gestas litteris proditas, postquam ille jam ad immortalem migrasset vitam, *Jacobo* transmississe. Non mirum est mendaces *Librarios*, aut alios, quicumque fuerint, non unam fallendi viam inivisse.

5. Non modo ex || *Eusebio* & * *Hieronymo* discere licet à *Clemente Alexandrino* scriptum librum, cui titulus erat:

* *Hist. Eccles. Lib. VI. c. 20.*

† *In Catalogo.*

|| *Pist. Eccles. Lib. VI. c. 13.*

* *In Catalogo.*

quis dives servetur, sed etiam à Phorio, qui Cod. CXI. testatur se vidisse veteres Codices, in quibus septem primis Libris Stromateon subijcitur is libellus: *μίκελ τὸ ἔβδμ, inquit, πὴν αὐτὴν ἔχουσιν ἐπηγορεύειν καὶ ἐνιαῖοι πυγμαῖοισιν ἐν ἅπασιν πῖς βιβλίοις. ὁ μὲν τοι ὄγδοος βιβλίου τέ ἐστι καὶ τῇ ἐπηγορεύει καὶ τῷ ἔβδμ, ἐν τισὶ γὰρ πῖς ὁ σαζόμενος πλείους, ἐπηγορεύεται, καὶ ἀρξάται ὅπως, εἰ μὴ τὸς ἐγκωμιαστικὸς λόγος, καὶ τὰ ἑξῆς: usque ad septimum eandem habent inscriptionem, eademque prorsus sunt in omnibus Codicibus. Verum octavus cum inscriptione, tum rei subjecta materia, variat. In quibusdam enim inscribitur: Quis dives servetur, & incipit: qui laudatorias orationes, &c. Addit, in aliis exemplaribus, Librum VIII. esse qualem eum in nostris legimus. Itaque malè memoratus libellus editus fuerat à Mich. Geislero, sub Origenis nomine, cum ejus Commentario in Jeremiam, atque à Frane. Combessio in Auctario Patrum, inter recentiores Scriptores. Rectè verò seorsim emissus, & auctori suo restitutus est, è viris doctis, in * Editione Oxoniensi. At Librarii Germani, qui ante aliquot annos Patres Græcos ex Parisiensibus Editionibus, mendis dumtaxat auctiores, turpiter recudere aggressi, Clementem Alexandrinum, sine illo augmento, negligentissimè excuderunt.*

6. Ex ineptis versibus, præfixis aliquot MSS. Codicibus vitarum excellentium virorum Corn. Nepotis, nata erat absurdæ opinio, quæ præterito sæculo nonnullos eruditos viros fefellit. Existimabant, scilicet, eas vitas scriptas fuisse tempore Theodosii à nescio quo Emilio Probo, homine Librario, qui, intolerandâ κατὰ χεῖρας, se vocat auctorem libri, quem tantum descriperat, in hisce versibus:

Vade liber noster, fato meliore, memento,

Cum leget hæc Dominus, te sciat esse meum.

Ne timeas fulvo strictos diademate crines,

Ridentes blandum vel pietate oculos.

† *Communis cunctis, hominem se regna tenere,*

Sed meminit, vincit hinc magis ille homines.

Ornentur steriles, facilis tectura libelli

Theodosio, & doctis carmina nuda placent.

Si rogat auctorem, paullatim detege nostrum

Tunc Domino nomen; me sciat esse Probum.

Corpore in hoc manus est genetricis, avique, meaque,

Felices Domini qua mervere manus!

* Anni 1682. in 12°.

† Imitatur locum Corn. Nepotis, de quo diximus Sect. I. Cap. VII. §. 7.

Atqui non modò ex re constat, sed * etiam ex aliis Codicibus, hoc Opus esse *Corn. Nepotis*.

7. Variè interpolatum fuisse unum eundemque Scriptorem nos docet *Ignatii* Antiocheni exemplum. Ostendit vir doctissimus † *Joan. Pearsonius*, Episcopus Cestriensis, quatuor fuisse diversas ejus Epistolarum editiones. Prima fuit Germana, qualis edita est ex Codice Medicæo ab *Isaaco Vossio*. In ea fuere dumtaxat Epistolæ septem, quas ediderat *Polycarpus*, & Epistolæ suæ ad Philippenfes subjecerat. Hanc antiquissimam quique Patres versaverant, ut liquet ex eorum citationibus, & encomiis. Hasce septem Epistolas, nondum interpolatas, Latine vertit Interpres vetus à *Jac. Vsserio* editus. Secunda editio fuit earundem septem Epistolarum, sed à quopiam interpolatarum, ut multis ostendit *Vsserius*, ex citationibus Veterum & collatione veteris Interpretis Latini, Capp. III. & IV. Prolegomenon in *Ignatium*. Tertia vero in Editione, præter septem memoratas Epistolas nequaquam interpolatas, & *Ensebio*, *Hieronymoque* notas, additæ sunt quatuor aliæ Epistolæ antiquioribus ignotæ, sed à recentioribus nonnullis laudatæ. Ejusmodi est editio in Codice Græco Medicæo, & in Interpretatione Latina vetere, quam primus edidit *Vsserius*, iterumque cum Græcis excudi curavit *Vossius*. Quarta denique editio constat septem veteribus Epistolis interpolatis, & quinque fictis; additâ, nimirum, Epistolâ fictitiâ ad Philippenfes.

8. Scio à viris doctissimis motam esse controversiam, *mei & yonotris*, etiam illis septem Epistolis, quas geminas diximus; sed, nostro judicio, eos ita confutavit *Pearsonius*, ut non pertinaces ad silentium adegerit. Verum homines ceteroquin acutissimi, ideò errarant, quòd Apostolorum successores animo prius sibi effinxissent, quales eos oportuisse esse existimabant; deinde, cum eorum Scripta legent, nec animo conceptam imaginem in iis viderent, spemque suam delusam animadverterent; non potuerint a se impetrare, ut illa Apostolicorum virorum monumenta esse crederent. At eâ viâ non pervenitur ad hominum cognitionem, quæ est ex ipsis haurienda, non ex legibus, ad quas dicta & facta sua exigere debuissent; quas perpauci olim & hodie, Scriptis & moribus suis, expresserunt. Verum hac de re, iterum aliquid dicemus.

9. Secundus noster Aphorismus hic est: Si quæ à Veteribus ex Libro quopiam olim prolata sunt, ea nunc in Libro, ex

* Vide G. J. Vossium de Hist. Latinis.

† Capite VI. Proleg. Vindiciarum S. Ignatii.

dem inscriptione insignito, desiderantur; aut aliud est, aut mutulus. Si aliter legantur, suspectus sit oportet. Si omnia inveniuntur, sine mutatione, genuinus est; nisi alia sint suspicandi rationes. Hic Aphorismus tria complectitur, quorum primum est manifestum. Veteres enim, qui ætati Scriptoris propiores erant, merito statuuntur usi esse optimis Codicibus; nam qui censeri possunt emendatissimi Codices, nisi qui vivo Scriptore exarati, aut minimum paullo post ejus tempora? Igitur si quid desit Libris, qui veteri Scriptori tribuantur, quod a Scriptoribus ætate ei proximis laudatum sit, libri jure mutuli videntur, aut ficti. Sic merito viri docti existimant *Donati* commentarium in *Terentium*, non esse integrum; cum ob alias rationes, tum quia insignis locus, ab *Hieronymo* laudatus, in eo nusquam comparet. Sic ille in *Eccles. Cap. I.* *Comicus* ait: nihil est dictum, quod non sit dictum prius; unde & præceptor meus *Donatus*, cum ipsum versiculum exponeret, pereant, inquit, qui ante nos nostra dixerunt. Censent iidem * *Servii* commentarios in *Virgilium*, non amplius existare, sed quos habemus esse excerpta fraterculorum, qui innumera eis inepta & indocta admisceverunt, quod res ipsa docet. Tempore *Lupi Abbatis Ferriensis*, ampliores eos fuisse constat, ex ejus Epistolis; in quibus *Serviana* nonnulla proferuntur, quæ nunc amplius non comparent.

10. Si aliunde non constaret Consolationem *Ciceronis* ejus non esse, hoc unum fictam argueret, quod insignia aliquot legantur ex ea fragmenta, apud † *Lactantium*; quorum nec vola, quod ajunt, nec vestigium in hodierna Consolatione. Miror *Car. Sigonium* virum doctissimum, è cujus officina prodiiisse is liber dicitur, ignorasse tanta ejus operis fragmenta existare; nam procul dubio inferuisset, si scivisset. At bene est, quod vel hinc fraus ejus, minimè certè condonanda, appareat; neque enim fortè deesset alioqui febriculosus Criticus, qui ejus *ymagines* defendere sustineret.

11. Sæculo præterito & hujus initio, cum interpolatæ dumtaxat exstarent *Ignatii* Epistolæ, merito suspectæ haberi poterant, quod loca ex iis ab *Athanasio*, *Gelasio* Cyziceno, & *Theodoreto* prolata aliter planè legerentur in Editionibus, cum Græcis, tum Latinis. Quod res ipsa confirmavit, postquam Epistolæ non interpolatæ in lucem prodierunt, ut pluribus ostendit *Jac. Vsserus* Capp. III. & IV. Deerat etiam in illis Editionibus locus, ex Epistola ad *Smyrnaeos*, à *Theodoreto* productus, qui mutilas eas esse ostendebat.

* *Tam. Faber* Epist. Lib. I. Ep. 50.

† Vide quæ de ea habent *J. Lixius* Oper. T. I.

12. At qui ediderunt *Barnabæ* Epistolam Catholicam, & *Clementis* Epistolam I. ad Corinthios, merito collegerunt ex Veterum citationibus, quæ in utraque integræ existant, has ipsas esse Epistolas quas viderant Veteres. Adeat qui hoc nesciet iudicia virorum doctorum, & testimonia Veterum de duabus illis Epistolis, in Editione Amstelodamensi. Verum, hoc non obstat quominus auctæ esse potuerint, cum augmenta nihil ex iis quæ olim iis inerant, detrahant, sed aliena tantum addant. Interpolationis Epistolæ *Barnabæ* exemplum protuli antea, & de *Clemente* infra Cap. V. agemus.

CAPUT III.

Indicia III. & IV. Suppositionis, vel Interpolationis.

I. **O**STENDIMUS, ex antiquis Libris, Veterumque citationibus, sæpe nos intelligere posse, utrum monumenta quæ ad nos pervenerunt genuina sint, an spuria, sincerane an interpolata, exemplisque duos, hac de re, Aphorismos à nobis prolatos confirmavimus. At duo alia nobis Veteres suppeditant indicia, ex quibus Libros supposititios agnoscere possumus; quæ si ubique non obtineant, at ut plurimum certa sunt. Prius ita tertio nostro Aphorismo expressimus: *Scripta quorum nulla mentio in præcis Catalogis, quæ nec memorata sunt ab ullo Scriptore sequentium proxime sæculorum, ut plurimum aut ficta judicanda sunt, aut minimum suspecta habenda.*

2. Habemus, exempli gratiâ, apud *Diogenem Laërtium*, ad calcem vitarum singulorum Philosophorum, Catalogos Librorum, qui illi ex multijuge lectione innotuerant. Alii etiam Scriptores eorum libros, prout res postulat, laudant; horumque citationibus supplerunt viri docti, & præsertim quidem *Ag. Menagius*, *Diogenis* Catalogos. Cum igitur nusquam occurrit mentio Libri, nomine Philosophi insigniti, falsâ sit inscriptio, aut minimum suspecta fiat necesse est; quia credibile non est Librum, insignis præsertim Philosophi, potuisse non modo fugere diligentiam *Diogenis*; sed etiam ita sperni, ut nusquam citaretur ab iis, qui frequenter de eo Philosopho verba fecerunt, nec rarò aliorum ejus operum meminerunt.

3. *Diogenes* * duo tantum scripta à Socrate Sophronisci filio, melioris Philosophiæ parente, memorat, *Pæana*, & *fabulam Æsopicam*, quorum initia refert. Ac sanè horum meminit etiā *Plato*, in *Phædone*. Hæc autem brevia, nec elegantia admodum carmina tanti non erant, ut propterea inter Scriptores memoraretur Socrates. Quo factum ut eum *Cicero* † quidquam scripsisse negarit: *Ejus ingenium*, inquit, *variosque sermones immortalitati Scriptis suis Plato tradidit, cum ipse litteram Socrates nullam reliquisset*. Similia habet *Plutarchus*, de *Fortuna Alexandri*. Igitur, quamvis ipse stylus, non ostenderet || *Epistolas*, Socratis nomine præscriptas, Rhetoris esse recentioris, silentium Veterum eas factas esse clamaret; cum dubium non sit quin, si quid existisset Philosophorum nobilissimi, id diligenter ab ejus discipulis servatum esset, & studiosè posteritati commendatum. Horum Scripta, cum summam ejus admirationem ubique spirent, numquam commisissent ut viri reliquias indictas dimitterent. Quin ejus sermones posteris transdere *Plato*, *Xenophon*, & *Æschines*, viri summi, certatim conati sunt, nedum ut Scripta ejus negligerent. Sunt & aliæ, aliorum Philosophorum, *Epistolæ suspectæ*, sed non teximus Catalogum suspectorum, aut falsorum. Pauca dumtaxat æmpla, ad illustrationem axiomatis nostri, congerimus.

10. Fuerunt etiam viri docti, qui ipsi tradiderint quæ scriperant, ne ab impostoribus sibi aliena tribuerentur, aut à aliis. Sic *Diodorus Siculus*, initio Historiæ, postquam instituti sui rationem exposuit, dixitque se XL. libris historiam CCCCXXXVIII. annorum complexum, subjicit: ταῦτα μὴ ὥν ἀκρίβως περιωρισμένα, βελομένοι τὸς μὴ ἀναγιγνωσκύας εἰς ἐννοίαν ἀγαγείν τὸ ὅλης περιθέσις, τὸς δὲ διασκαλίζεν ὁ βιβλίος τὰς βίβλους ἀπολέγειν τὰ λυμαίνεσθαι τὰς ἀλλολείας περιγραφαί: Hæc itaque initio accuratè definiimus, dum legentes in notitiam totius instituti deducere, eosque qui libros interpolare solent, ne alienos labores corrumpant, dehortari cupimus. At utinam aliquâ arte potuisset impedire, ne tot ejus libri integri interciderent!

11. Ad Scriptores Ecclesiasticos quod attinet, *Eusebius* eorum, qui ante ipsum floruerant, Scripta diligenter in Historia Ecclesiastica recenset; *Hieronymus*que eorum Catalogum, datâ operâ, scripsit, in quo Scripta *Eusebio* recentiora addidit. *Gennadius* verò *Masilien*sis, qui floruit circa fi-

* Lib. II. §. 42. † Lib. III. de Oratore.

|| In Collect. Epistolarum Græc. & seorsim edita sunt.

nem sæculi V. similiter *Hieronymo* recentiora ad sua usque tempora deduxit. *Photius* etiam, in sua Bibliotheca, plurimorum opera recenset, iudiciumque suum de iis interponit. De recentioribus nihil dicam, quia satis est, ad institutum meum quod attinet, antiquiores appellasse. Cum verò plurimos Scriptores Ecclesiasticos præterea habeamus, qui subinde superiorum ætatum Scripta laudant, vix insignioris Scriptoris liber ullus diligentiam eorum, qui datâ operâ hanc rem egerunt, ut libros omnes Veterum recenserent, fugere potuit. Quo factum ut Veteres soleant negare genuinum esse Scriptum illustri auctoris, cuius apud antiquiores, atque ætati scribentis propiores, nullam factam esse mentionem videbant.

12. Exempli gratiâ, *Eusebius Hist. Lib. III. c. 3.* rejicit varios Libros, qui ejus tempore à nonnullis Petro tribuebantur, quod à Veteribus non essent laudati. Τὸ ἰσχυρὸν τῶ ἐπιμαρτυρουμένων αὐτῶ περὶ τῶν, καὶ τὸ χρίσας αὐτὸν ὀνομασμένον Εὐαγγέλιον, πότε λεγόμενον αὐτῶ κήρυγμα καὶ τὴν καλεσμένην ἀποκάλυψιν, ὅς ὅλος ἐν καθολικοῖς ἴσμεν περὶ τῶνδε, ὅτι * μήτε ἀρχαίων, μήτε τῶ καὶ ἡμᾶς πῶς ἐκκλησιαστικὸς συγγραφεὺς ταῖς ἐξ αὐτῶν συνεχρήσατο μαρτυρίας: *Librum verò qui Actus Petri dicitur, & Evangelium secundum illum dictum, qui Prædicatio ejus nuncupatur, & que fertur Apocalypsis, nullo modo pro Catholicis habitos scimus; quandoquidem nec vetustiorum quisquam, nec nostræ ætatis Ecclesiasticorum Scriptorum desumpto ex iis testimonio usus est.*

13. Idem Libro eodem, Cap. XXV. rejicit libros sub Apostolorum nomine vulgatos, qui libri Petri, Thomæ, Matthiæ, & quorundam aliorum Evangelia, Andreæ quoque, Joannis, aliorumque Apostolorum continebant, cum aliis de rationibus, quas postea memorabimus, tum etiam de hac: Ὅτι ἐδὲν ἰδαμὸς ἐν συγγραμμάτων τῶ χρί διαδοχὰς ἐκκλησιαστικῶν πρὸς αὐτῶς εἰς μνημὸν ἀγαγεῖν ἠξίωσαν: quorum nihil uspiam, in ullo Scripto, Ecclesiasticus vir, deductâ ab Apostolis successione, memorare dignatus est. Capite verò XXXVII. de secunda Epistola Clementis, ita loquitur: ἡ μὲν ἐστὶν ὁμοίως τῇ περὶ τῶ καὶ ταύτην γνώσκοντες ὅτι μὴ καὶ τὸς ἀρχαίους αὐτῶ καχεμένους ἴσμεν: *Verum hanc non scimus esse genuinam, ut priorem, quoniam novimus Veteres eam non esse usos.* Idem dicit, de aliis Scriptis, quibus videtur designare libros Recognitionum, ut docebit *H. Valesius.*

* Ad predicationem Petri quod attinet, fallitur *Eusebius*, eam enim quasi Petri laudat *Clemens Alexandrinus.* Vide Cap. sequens.

14. Photius Cod. I. meminit cuiusdam Theodori Presbyteri, qui aggressus erat ostendere genuinos esse libros, qui tribuntur Dionysio Areopagitæ; & profert Criticorum objectiones quatuor, quas confutandas susceperat: Μία μὲν ὅτι εἰ ἦν γνήσια, πῶς οὐκ ἐμνήσθισαν τὴν ἐν αὐτῇ ῥητὴν καὶ χρησιμὴν πινεῖ τὴν μεταγενέστερον πατέρων; Ἰδοὺ τεταρτὴ δὲ ὅτι Εὐσέβιος ὁ Πάμφιλος ἀναγερῶν πεπιστάμενος τὴν συγγραμμένην τοῖς μαρτυροῦσι πάλαι ἡμῶν βιβλίον, ἠδελφίαν ταύτης μνήμην ἐποίησατο: Prima quidem, si genuinus est, cur nemo Patrum, qui postea vixerunt, ex eo libro sententias aut testimonia citavit? Altera verò, quod Eusebius Pamphili recensionem faciens librorum scriptorum à beatis patribus nostris, nullam hujus mentionem fecerit. Theodori responsiones non addit Photius, fortè quod ineptas duceret; certè parum firmas fuisse satis ostenderunt * viri docti, qui Dionysii, quæ circumferuntur, opera, post Eusebii tempora scripta fuisse ostenderunt.

15. Quartus Aphorismus hic erit: *Quæ disertè sunt rejecta, aut in dubium revocata ab Antiquioribus, ea vix, propter Recentiorum auctoritatem, admitti queant.* Hujus Aphorismi veritas per se manifesta est, propioribus enim ætati Scriptoris notiores esse ejus fœtus genuini debuerunt, quam postea natis; quò enim seriùs nascimur, eo tenuior rerum præteritarum notitia ad nos pervenit. Quis ergo credat, per aliquot sæcula, negari Librum quempiam certe esse Scriptoris, aut an genuinus sit vehementer dubitari; deinde à posteris, sine ullis novis argumentis, meritò verum ac legitimum illum fœtum haberi posse? Attamen hoc non semel factum est. Sic liber Sapientie Salomonis, cum à Judæis rejiceretur, nec à primis Christianis admitteretur quasi genuinum illius opus, sed dumtaxat quasi liber utilis; qua de causâ publicè, in Ecclesiis, legebatur; attamen nunc à maxima Christianorum parte Canonicus, hoc est, genuinus Salomonis fœtus, saltem ex ejus operibus excerptus existimatur. Nam nisi ita censerent, numquam manifestarium Impostorem, qui se pro Salomone gerit, numero Scriptorum Sacrorum haberent. Unde tamen resciverunt, librum hunc ex Salomonis Scriptis collectum esse? Unde norunt Hebraicè scriptum antea fuisse? magis enim Græcam dictionem redolet, quàm Hebraicam, præsertim ubi ad nullum locum Hebræicorum Librorum, quod passim fit, respicitur: Nempe, cum legeretur in Ecclesiis, nec satis nota esset Veterum de eo sententia, cœpit defendi, antequàm ejus γνησιότης ad examen esset revocata; æstuque contròversiarum accedente, quod semel cœperat af-

* Vide Joan. Pearsonii Vindic. Ignatianas P. I. c. 10.

firmari, id numquam postea revocari potuit, sine dedecore.

16. Antea protulimus locum *Hieronymi*, ex *Præfatione* in libros *Salomonis*, cui jungemus alterum ex *Prologo Galeato*. *Hic prologus*, inquit, *Scripturarum*, quasi *galeatum principium omnibus libris*, quos de *Hebræo* vertimus in *Latium* convenire potest; ut scire valeamus, quidquid extra hos est, inter *Scriptura* esse ponendum. Igitur *Sapientia*, quæ vulgò *Salomonis* inscribitur, & *Jesu filii Syrach liber*, & *Judith* & *Tobias* & *Pastor* non sunt in *Canone*. *Machabæorum primum librum Hebræicum* reperi. *Secundus Græcus est*, quod ex ipsa quoque *æge* probari potest. Igitur de hisce omnibus, idem ferendum judicium, quod disertius etiam profert in *præfatione* in *Libros Salomonis*, ubi de *Sapientia* & *Ecclesiastico* loquutus: *Sicut ergo*, inquit, *Judith* & *Tobia* & *Machabæorum libros* legit quidem *Ecclesia*, sed inter *Canonicas Scripturas* non recipit: sic & hæc duo volumina legat ad *edificationem plebis*, non ad *auctoritatem Ecclesiasticorum dogmatum confirmandam*. Facile esset ostendere consentire cum *Hieronymo* antiquissimos quosque *Patres*; ne rem ipsam illi manifestò faventem commemorem; sed dudum hoc à viris doctis præstitum. Vide *Iutt. ad Canon. Apostolicum LXXVI*.

17. Unum tamen. ne quid dissimulemus, obijci possit huic nostro *Aphorismo*; nempe, ab omnibus *Christianis* nunc admitti septem *Novi Testamenti libros*, quasi *Canonicos*, de quibus olim diu dubitatum est; *Epistolam ad Hebræos*, *Ep. Jacobi*, *Petri secundam*, *Joannis secundam* & *tertiam*, *Ep. Judæ*, & *Apocalypsin*. Quærent studiosi quid de his habeant *Eusebius* ac *Hieronymus*, & comperient verum esse quod dixi. Res ejus momenti digna quidem esset, quæ, prolatis locis, diligenter expendere; sed ampliorem *trattationem* postularet, quàm ea esset, quàm ad *calcem* hujus *Capitis* possemus aggredi. Itaque in aliud tempus rem remittimus.

CAPUT IV.

Indicium V. & VI. ex quibus Suppositio, aut Interpolatio agnosci possunt.

I. QUATUOR allata *Indicia*, ex quibus *æd. ymo* *et ymo* *judicare* licet, ex rebus externis petita sunt; quæ sequuntur ex rebus ipsis, quas *Libri* complectuntur,

tur, sunt deducta. Quatuor enim proferemus, quæ pertinent ad res; duo verò, quæ ex stylo nascuntur. Quintum ergo *voûeius* indicium, hoc Aphorismo, complectimur: *Liber in quo dogmata leguntur, iis contraria quæ Scriptor, cuius nomen præfert, constanter defendit, non videtur ejus esse, si præsertim dogmata sint alicujus momenti, aut interpolatus est.*

2. Protulimus Cap. I. locum ex Constitutionibus Apostolicis, in quo non malè Impostor, quisquis ille sit, inducit Apostolos dicentes: * *ὅτι τῶν ὀνόμασι χρεῖσταις περὶ τῶν ἁποστόλων, ἀλλὰ τῇ φύσει τῶν πραγμάτων, καὶ τῇ γνώμῃ τῇ ἀδιατάκτῳ*: Non enim nomina oportet vos attendere Apostolorum, sed naturam rerum, & sententiam immutabilem. Igitur ut possimus judicare an Liber sit Scriptoris, cuius nomen præfert, oportet nos diligenter legere alia ejus opera, si quæ super sint; ut quæ ejus fuerint opiniones quàm accuratissimè cognoscamus. Postquàm verò eas noverimus, ita ut nullum super sit dubium, tum demum Librum, in quo contrariæ defenduntur, merito rejicere poterimus quasi supposititium; nisi constet Scriptorem mutasse sententiam, quod de *Augustino*, exempli gratiâ, nos docent ejus retractationes.

3. Verùm pernoscamus sententiam antiquissimorum Scriptorum, summopere cavendum ne illam ex præjudiciis nostris interpretemur; hoc est, talem putemus, qualem oportuisse esse censemus, ut consentiat cum dogmatibus, quæ nos sola vera esse judicamus. Sic *Rufinus* se gessit erga *Origenem*, cuius sententiam eum non credidit fuisse, quam in ejus libris reperiebat, sed qualem fuisse oportere judicabat, ut orthodoxus censeretur. Itaque debebat, aut immutabat quidquid videbatur favere dogmati Arianorum, aut aliis quæ falsa habebantur. Quare autem? Quia Hæreseos, à Nicænis Patribus, insimulatus non fuerat *Origines*. Quasi verò multæ rationes ejus rei esse non potuerint! Omnes norunt antequàm controversiæ magno æstu agitentur, multa dici impunè, quæ hæretica postea habentur, cum non minùs pugnatur adversus homines, quàm adversus dogmata. Tum demum multa, quæ condonata fuerant prioribus, acerrimè damnantur in posterioribus. Imò verò, dum in partes suas quisque antiquiores trahere nititur, ut secius sentientes erroris sui patronos nituntur habere superiorum ætatum homines: ita & qui verior sententiam tuentur omni ope conantur majores suos malè sentientibus eripere, atque errorum omnium immunes potiùs pronuntiant, quàm ut fateantur novatoribus favere. Sic *O-*

* Lib. VI. c. 16.

rigines excusatus, sic *Clemens Alexandrinus*, à viris eruditis; qui eos quales cupiebant fuisse descripserunt, potius quam quales fuerunt.

4. Quia res est magni, ad rectè judicandum de eorum operibus, momenti, exemplumque hoc ad alia trahi potest, subijciemus nonnulla de eis judicia Veterum, qui ea legerant eorum opera, quæ non exstant, & integra habebant ac sincera, quæ ab *Ruffino* interpolata, & malè versa ad nos pervenerunt. *Eusebius*, *Eccles. Hist. Lib. VI. c. 14.* institutum *Clementis* in Hypotyposeon opere describit, nec eum ullius Hæreseos inculat. At *Photius* nos docet, *Cod. CIX.* plurima fuisse, in eo opere, quæ nullo modo possunt probari: ἐν τοῖς μὲν αὐτῶν ὁρθῶς δοκῶν λέγειν. ἐν τοῖς δὲ, παντὶ λόγῳ εἰς ἀσκήσεις καὶ μυσθίου λόγους ἐκτρέφεται: In quibusdam, quidem rectè videtur dicere; in quibusdam verò, ad impios & fabulosos sermones desertur. Tum subijcit eum docere materiam esse æternam; Filium in rebus creatis numerare; animarum migrationes, multosque ante Adamum mundos comminisci; Evam ex Adamo, aliter ac Sacri Libri, educere; Angelis cum feminis congressis liberos tribuere; Verbum carnem non esse factum dictitare, sed tantum videri, aliæque quæ, apud ipsum *Photium*, legantur. Tandem subijcit: καὶ πάντα τὰ τοῦ ἁγίου πνεύματος περὶ τῆς κατασκευῆς τοῦ ἁγίου. καὶ ἄλλα δὲ μυρία βλασφημῶν καὶ φλυασιῶν, ὅτε αὐτὸς, ὅτε τις ἕτερος τοῦ αὐτοῦ πνεύματος ἁποκελεύει: Qua quidem omnia, Scriptura quibusdam testimoniis, nititur adstruere. Alia etiam sexcenta blasphemia effutit, sive ipse, sive alius sub ejus persona latens. Rectè & prudenter fecit *Photius*, qui *Clementem* non absolvit, quia constabat hæc omnia esse Platoniorum dogmata; quos à *Clemente Alexandrino* nimio in pretio habitos fuisse, nemo nescit. Imo verò, si animo defæcatoriore legisset *Stromateus* & *Padagogum Clementis*, eadem dogmata apertè & copiosè ab eo defensa fuisse comperisset, aliæque non meliora, ut alibi * ostendimus. Talia etiam docebat *Origenes*, in Opere de Principiis, & alibi, ut ostendunt *Hieronymus* & *Epiphanius*, ubi agunt de erroribus *Origenis*. Ubique autem & *Clementem* & *Origenem* fuisse depravatos, ubi *Platonem* sequuntur, credat *Ruffinus*, & qui numquam attenderunt quæ fuerint Patrum illorum Philosophica dogmata. At discrepantia, inquirunt, sunt in aliis eorum Operibus. Quis vero eos docuit tam accuratè illos ratiocinatos, ut sibi numquam non confliterint? Deinde vehementer dubito, an tam saepe sibi con-

* In vita Gallica *Clementis Alexand.* quæ est in Tom. X. *Bibliothecæ Universalis*.

tradicerent, ac videbantur. Cùm liberè & Philosophicè ratiocinabantur, multa dicebant quæ poterant videri contraria aliis eorum libris, ubi simpliciter tradunt quod inter Christianos vulgò solebat doceri; cùm ex illorum sensu contraria non essent, quia ex Philosophicis suis placitis loquutiones vulgò receptas intelligebant. Quæ omnia sunt diligenter expendenda iis, qui ex dogmatibus, genuinè an spuris sit liber, iudicare aggrediuntur.

5. *Photius*, qui similia legerat, iis quæ antea in *Clemente* castigavit, in *Libris Origenis* de Principiis, propterea tamen eos suspectos non habuit. Sic * ille, de primo ejus operis libro: ἡ πρώτη τοῦ πατρὸς, καὶ ἡ, καὶ ἀπὸ τοῦ πατρὸς, ἐν ᾧ παλαιὰ διασφραγισμένη. ἡ ἡ δὲ ὑπὸ τοῦ πατρὸς πεποιημένη λέγων, τὸ ὅτι πνεῦμα ὑπὸ τοῦ ἡ. καὶ διήκειν ὡς πατέρα διὰ πάντων τῶν ὄντων, ἡ ὅτι ἡ δὲ μὲν χειρὶ τῶν λογικῶν κρῖνον, τὸ ὅτι πνεῦμα μὲν κρῖνον τῶν σαρκομένων. Διότι ὅτι ἡ ἄλλα ὁρμητικὰ, καὶ δυσσεβείας πλήρη. μεμελεμένης ὡς ἀποστόλου, καὶ ἐμψυχῆς τὰς ἀσέβειας, καὶ ἔπειτα τὰς ἀσπληνίας. Primus est de Patre, Filio, & Spiritu Sancto, in quo multas habet blasphemias, dicens Filium à Patre factum esse, Spiritum à Filio; Patrem omnia quæ sunt pervadere, Filium verò ratione tantum prædita, Spiritum denique ea dumtaxat quæ servata sunt. Dicit & alia nimium absurda, impietatisque plena. Animorum migrationes, & stellas animatas delirè narrat, aliaque his similia. Certè si propter talia rejiciendus fuisset ille Liber *Origenis*, quasi spuris, aut interpolationis arguendus; omnia pænè ejus opera, ab antiquissimis temporibus, fuissent supposita, aut corrupta, cùm passim talia habeat. Audiendus *Hieronymus*, hac de re, in Ep. ad Pamachium & Oceanum, quamvis fortè nimius; audiendus, inquam, quia satis est partim verum esse quod ait, ut intelligamus non esse facilè confugiendum ad corruptionem exemplarium; propter ejusmodi errores, qui inveniuntur in operibus *Origenis*. Illud verò quod asserunt à quibusdam Hereticis, & malevolis hominibus, libros ejus esse violatos, quàm ineptum sit hinc probari potest. Quis prudentior; doctior, eloquentior *Eusebio*, & *Didymo*, assertoribus *Origenis*, inveniri potest? Quorum alter sex voluminibus τὴν ἀπολογίαν ἔγραψε, ut se, sensisse confirmat; alter sic ejus errores nititur excusare, ut tamen illis esse fateatur; non scriptum negans, sed sensum scribentis edifferens. Aliud est, si quæ ab hæreticis addita sunt *Didymus*, quasi bene dicta, defendat. Si exstarent hæ Apologæ, ex illis intelligere liceret, utrum *Origenes* fuisset depravatus; nam quod ejus discipuli defendebant, id ejus sine du-

* Cod. VIII.

bio erat. Vidit etiam Photius recentiorem Apologiam, pro Origene, ubi non aliter defendebatur, quamvis ejus Scriptor diceret etiam corruptos fuisse Libros Origenis. Quo factum ut ita loquatur de ea Photius, Cod. CXVII. *ἐκ τῆς λυσὶς τῶν ἀπικλημάτων αἷς δὲ τὸ ἀλῆθινον, ἀλλὰ συνήρεια καὶ καταρῆλαι:* Non est ut plurimum solutio accusationum, sed criminatiois adstipulatio. In hac defensione, Clemens pro discipulo suffragium etiam ferebat.

6. Pergit verò Hieronymus, hisce verbis: Solus inventus est Origenes, cujus Scripta in toto orbe falsarentur, & quasi ad Mithridatis litteras, omnis veritas uno die de voluminibus illius raderetur. Si unus violatus est liber, num universa ejus opera, quae diversis & locis & temporibus edidit, simul corrupti potuerunt? Ipse Origenes, in Epistola quam scribit ad Fabianum Romanæ urbis Episcopum, penitentiam agit, cur talia scripserit, & causas temeritatis in Ambrosium refert, quod secreto edita in publicum protulerit; & quid adhuc αἰτιολογῶν aliena esse quae displicent? Certè erat discipulorum Origenis vetera exemplaria proferre, in quibus aliena dogmata non legerentur. Erat etiam propugnatorum fidei Nicænæ, eadem ratione, Arianis ex Origene argumentantibus, non interpolatis exemplaribus, os occludere. Præterea ea dogmata Origenis non erant in uno, aut altero verbo sita, aut etiam in aliquot periodis, sed in toto Orationis contextu. Idem Hieronymus Lib. II. contra Rufinum, non procul ab initio, ita eum alloquitur: Quamvis mutes, quamvis corrigas, Catholica non probabis. Si enim error est in verbis, aut in paucis sensibus; possunt detruncari mala, & bona pro his reponi. Ubi autem tota disputatio aequalis est; ut, universa rationabili creatura, quæ propriâ voluntate caruerant, in unum postea reverterentur statum, ut rursus ex eodem principio alie sint ruina; quid habes emendare, nisi cuncta mutaveris? Quod si facere volueris, jam non libros alienos interpretaberis, sed condes tuos.

7. Hæc satis superque sunt, ut appareat non ex præconceptis opinionibus esse judicandum de sententiis Veterum, & ἀπὸ ὑποθέσεως ὅτι ὁρῶντας Librorum, qui illis adscribuntur, uti frequenter fit. Nunc exemplum proferendum certissimi Scriptoris antiqui dogmatis, ex quo cognoscere licuit, si nullum aliud fuisset indicium, Librum, qui illi tribuebatur, supposititium fuisse. Certissimè constat Judæos omnes, adeoque Apostolos, credidisse falsum Numen ab Ethnicis coli, non idem quod à Judæis colebatur. Attamen Liber ferebatur, quasi Petri, qui Κίργιμα Πέτρος dicebatur; in quo contraria habebantur, ut multis ostendit Clemens Alexandrinus,

Socrat.

Sromat. Lib. VI. p. 635. ubi eum Librum, mirā confidentiā, aut ἀβελήα potius, quasi genuinum foetum Petri, non semel laudat. Multo rectius * Eusebius, loco antea partim allato, cum memorasset Scripta falso Apostolis adscripta, eaque iam aliis de causis repudianda dixisset : ἢ τε γνώμῃ καὶ ἢ ἔργῳ ἐν αὐτοῖς περριμένων περραίσεις πλείστον τὴν ἀληθεῖς ὀρθοδοξίας ἀπαλάσσει, ὅτι δὴ αἰρετικῶν ἀνδρῶν ἀναπλάσματα τυγχάνει σφῶς παρῆσαν : Sensus ipse & eorum quae in illis dicuntur sententia, immane quantum à vera orthodoxia ablucentia, clarè ostendunt ea esse hereticorum hominum figmenta.

7. Cum pleraque sunt recta, nec eo, à quo scripta feruntur, indigna; & pauca dumtaxat deterioris notæ hic illic adpersa; interpolationis potius Liber est suspectus habendus, quam suppositionis. Ejulmodi erant interpolatae Ignatii Epistolae, ut ex vetere interprete Latino, & Codice Græco Medicæo, hoc sæculo, intelligere licuit. Qua de re nihil amplius dicam, cum virorum doctorum libri, qui hac de re egerunt, sint in omnium manibus, & nunc, etiam in hac urbe, recudantur.

8. Sextus Aphorismus ita habet: *Liber in quo memorantur res, aut persona Scriptore, cujus nomen praefert, recentiores, aut ejus non est, aut ab alio est auctus.* Hæc interpretatione nequaquam indigent, cum sint clara. Sunt tantum exempla adjicienda. Objectum hoc est meritò Pseudo-Dionysio, ut docet Photius, Cod. I. ubi hæc verba sequuntur ea quæ ad Aphorismum III. attulimus: Τεῖται δὲ (ἕνεκα τῆς δηλονότητος) ἐν τῷ παλαιῷ καὶ περριμένῳ ἐν τῇ ἐκκλησίᾳ καὶ διὰ μακροῦ χρόνου αὐθεντικῶν παραδόσεων ἢ βιβλῶν αὐτῇ τῷ ἐξηγήσαντι ποιεῖται; ὁ μὲν μέγας Διονύσιος σύγχρονος ἦν, ὡς δηλον ἐκ τῶν περριζων, τῆς ἀποστόλου. αὐτὸς ἢ βιβλῶν περιέχει τὰ πλείστα τῶν καὶ περριμένῳ καὶ ἡ ὕστερον ἐν τῇ ἐκκλησίᾳ αὐθεντικῶν παραδόσεων ἐστὶν ἀναγεννηθέντων ἢν, μάλλον δὲ κακοπλεσόντων τὰ καὶ πολὺν χρόνον τὴν παράδοσιν τοῦ μεγάλου Διονυσίου ἐν τῇ ἐκκλησίᾳ αὐθεντικῶς Διονυσίου παραμένειν ἀναγεννηταί: Tertia objectio; quomodo traditionum earum, quae paullatim & longo tempore actæ sunt in Ecclesia, liber hic accuratam expositionem habet? Magnus enim Dionysius coætanus erat, ut apparet ex Actibus Apostolorum. Quæ verò habet Liber ea pertinent ad descriptionem potissimum traditionum, quæ sensum & postea invaluerunt in Ecclesia. Non est ergo verisimile, inquit, imò verò confictum, quæ longo tempore post mortem magni Dionysii creverunt, ea Dionysium describenda suscepisse. Hoc eodem indicio plurimos Libros, qui pro Veteribus venditabantur, recentiores esse agnoverunt viri doctissimi, hoc præsertim sæculo.

* Hist. Eccles. Lib. III. c. 25.

9. Sed & alterum indicium proferebatur contra Pseudo-Dionysium, sic enim pergit Photius: Τετάρτη δὲ πῶς μνησθεὶς τὸν Θεόδοτον Ἰγνατίου ἐπιστολὴν ἢ βίβλατον; ὃ μὲν γὰρ Διονύσιος τοῖς ἑπτὰ Ἀποστόλων ἐνίκμασι χεῖροισι. Ἰγνατίου δὲ ὅτι Τεργιανῶν τὴν διὰ μαρτυρίαν ἡθλήσαν ἀγωνίαν, ὅς κ' ἔβραχ' περὶ τὴν πελιδνίαν τῶν τῶν ἐπιστολῶν, ἢς ἢ βίβλατον μνημονεύει, γράφει: Quarta; cur Epistola divini Ignatii meminit hic liber? Dionysius enim temporibus Apostolorum floruit, Ignatius verò Trajano imperante martyrii certamen decertavit, & paullo ante mortem Epistolam, cujus meminit hic Liber, scripsit. Talia plurima animadverterunt viri eruditi, in Libris supposititiis, quorum exempla affatim supeditabant Cocus, Rivetus, Caveus, alii.

10. Ex ejusmodi indiciis, præsertim si totus contextus orationis iis sit refertus, aut nulla firma ratio sit, quæ suadeat Scriptorem, cui opus quodpiam tribuitur, reverà id scripsisse; ex ejusmodi, inquam, indiciis colligere licet librum esse supposititium. Alioqui contingere posset, ut singulares quædam voces, aut etiam Periochæ, in margine primum scriptæ à recentiore manu interpretationis gratiâ, in contextum irrepsissent; aut ut additamenta quædam essent adfuta, quæ non obstarent quominus ceteroqui Liber esset ejus Scriptoris, cujus nomen præferret. Constat jam, in Libris Mosis & Caput ultimum Deuteronomii & alia aliquot loca esse à recentiore manu; at non ideo minus certum est Libros illos esse Mosis, ut multis ostendimus in Dissertatione de Scriptore Pentateuchi, nostris in Mosem Commentariis præmissa. Quod ideo pluribus non persequemur.

C A P U T V.

De Suppositionibus & Interpolationibus VII. & VIII. Indicia.

I. **L**IBROS proximè præterita sæcula aut indoctos, aut refertos fabulis, cum extincta essent bonarum litterarum studia & antiquiorum Librorum lectio propemodum sperneretur, doctissimis viris & varietatis amantissimis tribuerunt quam plurimos; quam fraudem aut inscitiam elegantiorum litterarum cultura, & præsertim Criticæ πειρασμοί, præterito atque hoc sæculo, feliciter retexerunt. Hinc constatum septimum suppositionis, vel interpolationis indicium, quod hoc Aphorismo expressimus: Liber indoctus, aut im-

refertus non potest ulla ex parte, aut saltem totus viri docto

docto tribui; nec fabulis scatens, viro non inepto, quem constat veri amantem fuisse, affingi; quamvis, in vetustis Codicibus, eorum nomina præferat.

2. Non diffitemur posse doctum & veri amantem virum, interdum cespitare, & indocta aut falsa quandoque, incuriâ aut credulitate, proferre; sed hoc rarum sit necesse est, nec in rebus nimis apertè indoctis, aut falsis fitum. Nullus est vir doctus, præsertim ex iis qui *πολυγλωσσος* fuere, cui non sit aliquid aliquando objectum, ex quo liqueret non fuisse ei semper perspecta omnia, de quibus loquutus esset, aut non satis diligenter pensitata. Verum hic non loquimur de errore, qui quasi nævus in pulcra facie apparet; sed de frequentibus peccatis, iisque crassioribus, quam ut in ea vir doctus delabi possit. Talia innumera sunt in Commentariis, quæ *Donati* & *Servii* nomina præferunt, ex quibus non immerito viri eruditi collegerunt eos fuisse interpolatos. Ejusmodi est peccatum in Geographiam, quod attulimus ex *Servianis* Commentariis, hujus *Artis Criticæ* P. I. C. I. §. 3. ubi *Hyrcaniam* in illis dici *Sylvam Arabiæ* ostendimus. Ceteroquin infinita sunt, quæ non vulgarem eruditionem sapiunt, & quæ scribi non potuerunt, nisi a doctissimo viro, qui plurimos Scriptores legerat, quorum ab aliquot sæculis monumenta periere. Quod quia nemo nescit, pluribus non persequar. Idem de *Donati* reliquiis dixerim, licet non sint æquiparandæ, me quidem judice, cum reliquiis *Servii*.

3. Vir acutissimi ingenii *Des. Erasmus*, cum libros *Hieronymo* falso adscriptos voluisset summâ diligentia, eos ad tres classes referendos judicavit. "In prima, indicavit erudita, nec indigna lectu; in secunda, impudenter tributa *Hieronymo*, aut aliis auctoribus; in tertia, docta sed suis titulis auctorem testantia, quæ tamen Hieronymianis lubricationibus fuerunt admista. Sed deprehendit & aliud genus esse Scriptorum *ἡδονοποιῶν*, quæ judicabat esse ex Hieronymianis & aliis commista, vel verius confusa. Horum omnium Catalogus Editionibus Frobenianæ & Gryphianæ, ex Frobeniana expressæ, est præfixus. Indoctorum autem Catalogo præmittit judicium, quo significat "in eo nihil repertum iri, quod non sit ex æquo indoctum, infans & impudens; proinde, suâ sententiâ, nullum omnino esse lectionis operæ prætium. Sed invictam esse imperitorum hominum pertinaciam; cui plus satis datum ab se esse, in ejus operis editione, magnoque sibi constare alienam stultitiam. Subjicit verò huic Catalogo & aliam admonitionem, quam hic etiam legi nostrâ interest. Ait ergo "se reperisse, & alia quædam inscripta Hieronymo, prorsus in
"digna

“digna quovis Hieronymi discipulo; hoc autem solenne fu-
 “isse Librariis, ut hujus unius titulo quemlibet librum em-
 “tori commendarent; verum quoniam antea numquam fu-
 “erant excusa formulis, addenda se non putasse.

4. Inter illa vero, quæ falso titulo non unius sunt Scrip-
 toris, potissimum recenset Commentarios in omne Psal-
 terium, contenditque palam eos præ se ferre, quod non
 sint unius auctoris. Tum verò ita pergit: Si quis, in-
 quit, meum requirat judicium, nihil illic esse arbitror Hi-
 eronymi; verum una pars est hominis, quisquis fuit, planè
 docti & sermonis excoliti, longè tamen discrepantis ab
 Hieronymiano. Nam hic minùs habet nitoris ac lenitatis, plus
 nervorum; deinde ubique copiosior ac diligentior, & magis of-
 tendens suas opes. Altera pars est loquutulei cujuspiam, ac,
 penè dixerim, rabula, &, nisi me fallit nasus, ejusdem qui
 sermones suos Augustini nomine nobis dedit, præter alia multa
 bella. Cujus rei si quis gustum cupiat sumere, in ipsa statim
 Prefatione, conferat initia cum fine. Quamquam & ea con-
 jectura arguebat non esse Hieronymianum opus, quòd nec titu-
 lus, nec Epistola cujusquam habeat nomen. Unde suspicor illum
 sua nullo edidisse titulo, & Librarios Hieronymi nomen addidisse.
 Et fortassis hic ille est, cujus meminit Gennadius; quem ait
 nonnulla vertisse Origenis, sed datâ operâ titulis ademptis; cu-
 jus esse suspicor & adnotationes in Libros Regum, ac Paralipo-
 menon. Sed ut quod cœperam absolvam, qui voluerit impostu-
 ram deprehendere, legat attentè Commentarium in Psalmum
 LXXVII. Rem quidem ille sumsit ex Commentariis in Mat-
 theum, ceterum eam suis exornavit flosculis. Incepit suis Di-
 alogismis, delirat exclamationibus, balbutit acyrologiis, super-
 fluit perissologiis. Legatur in Psalmum LXXX. in Psalmum
 XC. ubi doctè, scilicet, exponit quid sit *οὐρανοῦ*, cum plures
 cadunt. Verum, ut in genere dicam ipsa battologia, & dicti-
 onis character hominem ubique arguit. Integrum locum attu-
 limus, quamvis prolixior, quia Aphorismi nostri priorem
 partem eximè illustrat; & tanti facimus *Erasmus*, ut per-
 paucos Veteres, non dicam anteferendos, sed æquiparandos
 ei esse censeamus.

5. Non videtur tamen mihi dubium, quin varia sint, in il-
 lis Commentariis, ex *Hieronymo* excerpta, non mi nus quam
 ex aliis Scriptoribus. Tale est quod *Erasmus* indicat existare
 ad Psalm. LXXVII. & quod antea protulimus. Sic & inter-
 pretationi Psalmi XCIII. inseritur locus ex *Hieronymo*, toti-
 dem verbis allatus ab *Augustino*, in Epist. ad Fortunat. Le-
 guntur etiam ad Psalm. L. verba *Hieronymi* citata à *Gregorio*
Magno, in explicatione IV. Psalmi pœnitentialis. At prop-
 ter

ter hæc & similia loca, ex *Hieronymo* à consarcinatorum horum Comment. excerpta, credere omnia *Hieronymiana* esse, cum *Mariano Victorio*, hoc demum extremæ est *anæstias*. Dicitur latere, in Bibliothecis, *Hieronymi* Commentarius verus in Psalmos; & vidimus, in manibus viri eruditi, anonymum opus in Psalmos; quod ex stylo se intelligere dicebat esse Hieronymianum, quamvis totum allegoricum esset, ideoque ab eo sperneretur.

6. Cum nemo in dubium revocare queat Apostolos fuisse veri amantissimos, simplicissimamque illam Evangeliorum veritatem ab iis fuisse prædicatam; merito quæcumque fabulam redolent, aut manifestò ficta sunt, iis abjudicantur. Eiusmodi autem sunt pleraque omnia, quæ præter Canonicos libros, in eorum nominibus apparuerunt. Cum, nempe, mirum in modum auctus esset Christianorum numerus, & vulgo, ut fit, audirentur querelæ curiosorum, de paucitate monumentorum Apostolicorum; ex quibus perpauca scire licebat, de Apostolorum itineribus & prædicatione Evangelii, per totum terrarum orbem; exorti sunt homines nequam, qui plerorumque itinera & res gestas fingere aggressi sunt; & quæ ex nulla vetere historia haurire poterant, ea ex cerebro suo fabularum feracissimo desumserunt. Talia erant *Apocrypha* Apostolica, * quæ ab *Eusebio* merito rejecta, in superiore Capite, diximus. Attamen plurimos olim videntur fefellerisse, qui eorum auctoritate usi sunt; hoc enim malum credere, quàm malam fidem suspicari in bonis viris, qui eorum testimoniis veritatem comprobare conati sunt; quamquam non possumus eos malæ fidei absolvere, nisi eorum negligentiam, aut ignorantiam in rebus Criticis incusemus.

7. *Rufinus*, exempli gratiâ, vertit *Librum* scaten-tem tur-
pibus fabulis, *Recognitiones Clementis*, quasi genuinum, & à
Clemente ex ore *Petri Apostoli* exceptum, qui tamen *Liber*
putidissimis nugis refertus est. Merito de eo *Photius* :
Μυεῖων ὁ ἀποστειμμένων ἡ παρρησιαστικῆς γυναικὸς αὐτοῦ, καὶ τῆς εἰς τὸ ὑπερ-
βλασφημίας καὶ τῶν Ἀρεῖς διδῶν ἐστὶν ἀνάκλησις : *Sexcentis ab-*
surditatibus opus hoc refertum est, post & blasphemiâ, ex Arii
sententia, in filium plenum. *Paullo post, de parte ejusdem*
operis : Ἀποδοκιμαζέσθαι δεγνωμένοι ἐστὶν ὀνόματι αὐτοῦ Πέτρος
καὶ Ἀππίωνος πολλὸν χρόνον διάλογος : *Rejicitur nomine Petri &*
Appionis inscriptus dialogus, multis versibus constans.

8. Simili de ratione, *Hieronymus* merito repudiat *Librum*,
cujus meminit in *Catalogo Scriptorum Ecclesiasticorum*, ubi

* *Eccles. Hist. Lib. III. c. 25. ad quod vide H. Valesii notata.*

de Luca. Postquam dixit historiam Actuum Apostolicorum, usque ad biennium Romæ commorantis Pauli pervenire, id est, usque ad quartum Neronis annum, subjicit: *Ex quo intelligimus, in eadem urbe, Librum esse compositum. Igitur & de Pauli & Thecle, & totam baptizati Leonis fabulam, inter apocryphas scripturas, computamus. Quale est enim ut individuum comes Apostoli, inter ceteras ejus res hoc solum ignoraverit? Sed & Tertullianus, vicinus eorum temporum, refert Presbyterum quemdam in Asia ex auctoritate Apostoli Pauli, convictum apud Joannem, quod auctor esset libri, & confesum se hoc Pauli amore fecisse, & ob id excidisse.*

9. Verum non ita ratiocinandum, de sequentium sæculorum Scriptoribus, qui aut infirmitate judicii, aut quod veri fati amantes non essent, fabulas fictas, inter ea quæ vera dicunt, miscunt. Sic Papias, qui initio secundi sæculi floruit, varia figmenta pro rebus compertis scriptis mandavit, * *Origenes* vir, ut loquitur Eusebius, p. 170 admodum ingenio. *Hegesippus* † etiam, qui haud multo post vixit, varias narrationes pro veris Lectoribus suis obtrudebat, ut satis apparet ex iis quæ habebat de martyrio Jacobi, & quæ ex eo profert *Eusebius*. Sequentibus ætatibus, cum jam esset aliquid mentientibus præmium, à plebæculæ stultitia expectandum; neque finem, neque modum ullum mentienti libidini homines nequam imposerunt. Tunc nata vanissima illa Scripta, nequiter Apostolorum nomine confirmata, de quibus jam aliquoties diximus.

10. Ut a fabulis ad aliud *revelas* indicium veniamus, ita habet octavus noster Aphorismus: *Liber in quo tractantur, vel respiciuntur controversiæ natæ post tempora Scriptoris, cui tribuitur; aut in quo deprehenditur Scriptoris illo recentioris imitatio; ejus non est ejus nomen præsert, aut est interpolatus.* Res est per se clara, nec, nisi pauculis exemplis, illustranda. Vir doctissimus cui *Origenis Exegetica*, quæ Græcè reperiri potuerunt, debemus, || verissimè observat “ propter illustre *Origenis* nomen, factum esse ut ab ignotis Scriptoribus projectæ lucubrationes, sic tamquam projectitii infantes, clarum *Origenis* nomen sibi libenter adsciverint; imò nonnumquam etiam operibus suis metuentes Scriptores subdolos, ementitum hunc prætexentes titulum, *Adamantii* famam veluti furto subripuisse; Bibliopolas etiam, mercedibus suis venditandis emtorem hiantem, fucata hac in-

* *Hist. Eccles. Lib. II. c. 39.*

† *Vide Hist. Eccles. Lib. II. c. 23.*

|| *In Appendice Origenianorum.*

“ scriptione, induxisse. At frequentius idem evenisse pu-
 “ tar, nec immerito, vel ex Librariorum oscitantia nomina
 “ nominibus commutantium; vel ex Criticorum audacia,
 “ quidvis sibi licere in litteris putantium. Eò accessit quòd,
 “ plurimas *Origenis* scriptiones studiosè abolentibus ejus ad-
 “ versariis & defensoribus; his quidem ut illius errores, illis
 “ verò ut præclara ejus opera invidiosè celarent; multas
 “ vice versâ, paribus de causis, nomini ejus subdiderunt. In-
 “ ter libros ei suppositos, fuit Commentarius Latinus in *Jobum*
 in tres libros divisus, ubi duo priora *Jobi* Capita & tertii pars
 enarrantur. Ut cetera emittam, Scriptorem eorum libro-
 rum colligere est vixisse post tempora Synodi Nicænæ, &
 Arianorum partibus fuisse addictum, ex hisce verbis: *Tria*
cornua fecit Diabolus, in typum atque figuram trionymæ illius
sectæ, triumque Deorum hæresis, quæ universum orbem terræ,
in modum tenebrarum, replevit; quæ Patrem & Filium &
Spiritum Sanctum aliquando tamquam tres colit, nonnumquam
unum adorat, quemadmodum Græcorum Linguâ memoratur,
Triada vel Homöusion. Istam ergo Trinitatis sectam & hære-
sin atque infidelitatem, jam olim de longe designans, versutissi-
mus ille Diabolus, tria cornua misit, ad Job depradandum.
 Sic namque etiam nunc memorata trionymæ hæresis præsertim
 prædatur, atque expugnat Ecclesiam. Nemo non videt hæc
 esse diu, post *Origenis* ætatem, scripta, postquam τὸ ὁμοούσιον
 esset consecratum à Synodo Nicæna, cum manifestò contro-
 versæ Arianae spectentur.

11. Attamen in hoc negotio cavendum, ne posteriora an-
 tia putemus, quæ favent cuipiam opinioni, de qua postea
 natae sunt controversiæ. Nam anteriores potuere errare, non
 secus ac posteriores. At aliud est clarè respicere, aut allu-
 dere ad controversias jam ferventes; aliud docere obiter, &
 aliud agendo, id quòd postea damnatum est. Hoc ipsum ob-
 servavit, de *Theodoro* Antiocheno, seu Mopsuesteno, *Photius*,
 Cod. XXXVIII. τὸ Nestorius ὁμολογῶν, εἰς τὴν αἰσῶν Nestorius ὁμολογῶν,
 ὁμολογῶν & : *Nestorii* sententiam, quamvis prior ille fuerit,
 tacite vomit. In *Clemente* etiam Alexandrino & *Origene*,
 plurima leguntur, quæ erroribus postea damnatis sat clarè
 patrocinantur.

12. Est ex antiquissimo Codice, ut alibi diximus, in lu-
 cem emissà à *Patr. Junio* Epistola *Clementis* Romani ad *Co-*
rinthios; at in ea clara sunt vestigia imitationis locorum quo-
 rundam *Clementis* Alexandrini, ex quibus collegit viri
 docti auctam eam fuisse Epistolam à Librariis, ut carius ven-
 deretur, utque priori Editioni, in qua brevior erat, præ-
 ferretur, & avidius emeretur. Capite XLVI. ita *Clemens*
 Roma:

Romanus, Γέγραπται γδ. κολλᾶσθαι τοῖς ἀγίοις, ὅτι οἱ κολλώμενοι αὐτοῖς ἀγαθὸν ἔσται καὶ πάλιν ἐν ἑτέρῳ τόπῳ λέγει. μετὰ ἀνδρὸς ἀθώου ἀθῶον ἔσται, καὶ μετὰ σβεβλή διασέβεται: *Scriptum est enim: Sanctis adhærete, quia qui illis adhærent sanctificantur. Romanus in alio loco dicit: Cum viro innocente innocens eris, & cum perverso perverteris. Quare innocentibus & justis iungamus nos; ii quippe sunt electi Dei.* Negat J. Bar. Cotelærius se priorem locum in Scripturis invenisse; nec mirum, nusquam enim in iis legitur. Est hic, nimirum, ut rectè animadvertit vir eruditus, sed mihi penitus ignotus, in Editione Amstelodamensi, prava imitatio Clementis Alexandrini, cuius verba Interpolator Clementis Romani credidit esse locum Scripturæ, quia proximè subjungebantur verbis ex Psalmi XVII. allatis. Hæc sunt verba Clementis Alexandrini Strom. Lib. V. p. 572. Γέγραπται ὅτι μετὰ ἀνδρὸς ἀθώου ἀθῶον ἔσται. καὶ μετὰ ἐκλεκτοῦ ἐκλεκτὸς ἔσται. καὶ μετὰ σβεβλή διασέβεται. κολλᾶσθαι γὰρ τοῖς ἀγίοις προσήκει, ὅτι οἱ κολλώμενοι αὐτοῖς ἀγαθὸν ἔσται: *Scriptum est autem; cum viro innocente innocens eris, cum electo electus eris, & cum perverso perverteris. Adhætere ergo par est sanctis, quia qui adherent eis sanctificantur.* Postrema hæc laudavit Interpolator Clementis Romani, quasi verba Scripturæ, sed nonnihil immutata. Res mihi clara videtur.

13. Clemens Alexandrinus, ut solet, duo loca Novi Testamenti conjunctim profert, sensumque potius attendit quam verba, Strom. Lib. III. p. 472. * Οὐαὶ τῷ ἀνθρώπῳ ἐκεῖνῳ, ὅστις ὁ κύριος, καλὸν ἂν αὐτῷ εἰ μὴ ἐγενήθη, ἢ ἢ ἕνα τῶν ἐκλεκτῶν μη σκανδαλίσαι. κρείττον ἢν αὐτῷ φεῖσθῆναι μῦθον καὶ καταπολεῖναι εἰς θάλασσαν, ἢ ἕνα τῶν ἐκλεκτῶν μη διασέβαι. *Vae homini illi, inquit Dominus; satius igitur illi si non natus esset, quam unum electorum meorum scandalizasse. Melius esset illi circumpositam molam, & dejectum eum esse in mare, quam unum electorum meorum pervertisse.* Eadem autem hæc verba habet Clemens Romanus, eodem Capite. Neminem verò esse puto, qui à se impetrare possit, ut credat utrumque casu duo loca hæc conjunxisse & eodem modo immutasse; aut Clementem Alexandrinum citasse Evangelia, ex Clemente Romano. Sed nihil vetat nos censere hominem, qui Alexandrini Clementis verba alibi miscuit cum verbis Scripturæ, ex eo temerè hæc summisse.

14. Hinc factum ut quæcumque similibus, non modò sententiis, sed etiam verbis, existant apud utrumque Clementem, ubi Alexandrinus Romanum disertè non laudat, ea vir doctus omnia ex Alexandrino desumpta, aut efficta existimet.

* Matth. XXVI. 24.

† Matth. XXVII. 6.

Quod an verum sit nescio, sed simile quiddam suspicatus est, de alio loco *Clementis* Romani, primus ejus editor *Patric. Junius*. Is exstat Cap. VI. & certè, si modò nullum sit in eo mendum, Interpolatoris ineptiam usque adeò redolet, ut aüssim dicere eos naso carere, qui fraudem non subolsfaciant. Postquàm *Clemens* ex Vetere Testamento attulit exempla eorum, qui ob invidiam aliorum, insontes multa mala passi sunt; ait se vetera relinquere, & venire ad recentiores Athletas. Tum Petrum ac Paulum, & eos qui ad instar eorum constanter supplicia tulerant, Religionis causã, commemorat. Dein, cum alia omnia expectarentur; nempe, exempla Christianorum, subdit: Δια ζήλον διωχθεΐσας γυναῖκες, Δαναΐδες & Δίκη, αἰκίσματα διενὰ & ἀνόσια παύσαι ὅτι ἡ πίστις βέβαιον δρόμον κατήνησαν, & ἔλαβον γέρας γυναιῶν αἱ ἀδινεῖς τοῦ σώματος: Propter zelotypiam vexate mulieres, Danaïdes & Dirce, cum gravia & dira supplicia pertulissent, pervenerunt in curriculum firmum fidei, & acceperunt corpore debiles generosum premium. Nemo non videt hæc esse verba hominis infani, nec sacram nec fabularem historiam tenentis, easque turpissimè miscntis; & quidem eo in loco, ubi omnino alia dicenda erant. Nemo non animadvertit balbutire hunc Impositorem; quis enim dixerit mulieres, propter zelotypiam malè habitas, ὅτι ἡ πίστις βέβαιον δρόμον κατήνησαι, & λαβὴν γέρας γυναιῶν; Credebat *Junius* eum, qui hæc scripsit, ea partim hausisse ex *Clemente* Alexandrino, qui Lib. IV. Stromateon, ubi multa ex Epistola *Clementis* Romani habentur, post memoratas Juditham & Esteram, aliarum sceminarum ex Gentilibus meminit, quæ virilia facinora essent ausæ; inter quas Danaï filias recenset, de quibus scriptor Danaïdis dixerat:

Καὶ τότε ὁ πλῆζοντο τοῦ Δαναοῦ θυγαῖρες,
Περσίδην ἐυρρεΐου ποταμῷ Νειλοῦ ἀνακίου.

Tum verò celeriter armatae sunt filiae Danaï, antea regis Nili pulcre fluentis. Verum quidquid statuatur de hoc loco, nisi mendum in eum irreperit, dubium esse nequit, quin Semipagano Librario debeatur. Numquam *Clemens* fabulas conjunxisset cum veris historiis, & quidem fabulas, quæ ad rem nihil faciebant. Igitur sunt gravissimæ rationes, quæ persuadeant Epistolam *Clementis*, licet genuinam, auctam fuisse à malis atque imperitis hominibus.

15. Attamen ut quod aliquando suspicatus sum, de ultimo loco *Clementis*, aperiã; posse hunc locum emendari credẽbam, hoc modo si pro vocibus Δαναΐδες & Δίκη, legamus ἀνδρῶν

ais; & *hinc sine reverentiâ & jure*, hoc est, irreverenter habito sexu infirmiore, & contra jus & fas. Librarius ex ore dictantis scribens malè audire potuit, aut etiam ex scriptura non satis elegante, & partim deleta, hoc quod legimus extricasse. Verum nihil mutare ausum, in *Clemente*.

CAPUT VI.

De Suppositione & Interpolatione IX. & X. Indicia.

1. **SUPER**SUNT duo Suppositionis aut Interpolationis indicia, ex stylo & verbis petita; cum superiora aut res ipsæ, aut Veterum testimonia, aut vetustorum Librorum indices suppeditarint. Nonus ergo Aphorismus erit: *Si Stylus sit diversus à noto aut sæculi, aut Scriptoris stylo, ejus non est, quamvis nomen ejus præferat. Si sit idem ac stylus alius Scriptoris, hujus liber censeri debet, si modò nihil obstet.*

2. Vitas excellentium Imperatorum, quas meritò vero Scriptori adsertas diximus, Cap. II. §. 6. *Cornelio*, scilicet, *Nepoti*, *Ciceronis* familiari, nonnulli eruditi viri, ante centum annos, sustinuerant tribuere Scriptori ignoto Theodosiani ævi; cum manifestum esset elegantiam ejus libelli multum superari captum, atque ingenium eorum temporum. Vice versa, ineptam atque inficetam historiam Theodosiano ævo, ut videtur, recentiorum, audebant Librarii *Cornelio Nepoti* tribuere. Ea est *Dareti Phrygii*, de excidio Troiæ, historia, in qua *Josius Mercerus*, qui eam emendatorem edidit, merito aut ullam eruditionem, aut judicium, aut eloquutionis elegantiam negat inveniri; “ut nimis impudenter fecisse videatur, qui *Corn. Nepotis* nomen ementitus est, quasi inficetæ versionis auctoris. In enarratione, inquit, totius Historiæ, ferè ubique diversus abit ab omni antiquitate; pauca similia vero de suo adstruit, absurda, inconsequentia plurima; ut vel id quod de variis plurimum annorum ac mensium induciis affingit, ut ad decennium perveniat. Nec quidquam in toto Libro singulare, præter Theſidarum mentionem, quos unà cum Anio rem frumentariam curasse scribit; & inepti illi Trojanorum, Græcorumque ductum, & mulierum formæ, ac morum characteres. Præfixa est etiam Epistola, nomine *Corn. Nepotis*, ad *Sallustium Crispum* scripta, sed quæ neminem fallere queat, præter eos qui omni Latinitatis cognitione destituti sunt,

aut planè aliud agunt, cum ejusmodi Monachorum fraudes legunt.

3. *Hieronymus* negat se positurum fuisse *Senecam*, in Catalogo sanctorum, nisi se epistola provocasset; qua, inquit, leguntur à plurimis *Pauli ad Senecam*, & *Seneca ad Paulum*. In quibus cum esset *Neronis* magister & illius temporis potentissimus, optare se dicit ejus esse loci apud suos, cujus sit *Paulus*, apud *Christianos*. Mirum est non monuisse *Hieronymum* simplices, ne fallaci titulo crederent; nisi fortè indignos qui à se monerentur judicavit, qui tam turpiter errabant. *J. Lipsius*, ad caleem vitæ *Seneca*, hoc de iis fert iudicium verissimum: "Quæ nunc sunt, non sunt tanti; imò certum est ejusdem auctoris & *Pauli* & *Senecæ* illas esse, & compositas à semidocto in ludibrium nostrum. Cum hæc dixisset verissima, & nonnisi ab imperitis in dubium umquam revocanda, subjicit: "Ergo inter se non scripserunt? *Hieronymus*, *Augustinus*, atque etiam antiquior utroque *Linus Pontifex* adserunt, & passiva opinio olim fuit, atque adeo *Joannes Sarisberiensis* fortiter: desipere videntur qui non venerantur eum, quem Apostolicam familiaritatem meruisse constat. Atqui non affirmat, ut vidimus, *Hieronymus*; quem etiam judicavit *Erasmus*, tacitè indicare erudito Lectori quid sentiat; nempe, eas epistolas falso inscribi *Paulo* & *Seneca*; cum nihil illic sit neque *Paulo* dignum, neque *Seneca*: * *Augustinus* verò ait dumtaxat se nonnullis iudiciis invenisse, eum Apostolorum nostrorum claruisse temporibus; quam in rem, nequaquam opus est fictitiis illis Epistolis; quin & mirum est, de re clarâ, ita dilutè loquutum *Augustinum*, quasi non facilè intellectu esset claruisse eum temporibus Apostolorum, qui sub *Neronis* principatu vixit & interfectus est. *Lini* liber de passione *Pauli* manifestò est supposititiis, ut omnes fatentur; ne exceptis quidem iis, qui ficta monumenta priscis Ecclesiæ Romanæ Episcopis adscripta acriter, quasi genuina, defendere solent. *Joannes* verò *Sarisberiensis* sententiam profert barbari sæculi, quo mentiendi libido & ignorantia pari passu, atque erecto capite, ubique pænè incedebant. Igitur non facis *κρίσις* vir ceteroquin acutus vitam *Seneca*, hisce verbis, claudit: "Itaque rejicere hoc totum, & calcare non auiam. Fuerint aliquæ, sed aliæ; si istæ, requiro iudicium optimorum Patrum. Atqui ulla alias fuisse non constat, & certissimum est *Senecam* nullâ cognitione Christianismi fuisse imbutum, quod optimè omnium noverat *Lipsius*.

* De Civitate Dei Lib. VI. c. 10.

4. Ex dissimilitudine styli, collegerunt omnes, qui omni Critico gustu destituti non fuerunt, Apostolica non esse varia quæ illis olim tribuebantur. Πόρρω, inquit † Eusebius, ὁ τ' ἑρμῆσις καὶ τὸ ἦθος τὸ Ἀποστολικὸν ἐναλλάττει χάρακτις: longè dictionis forma abest ab Apostolica scribendi ratione. Attamen fefellerunt olim plurimos, iis sæculis quibus magis excolebatur stulta credulitas, quam litterarum studia. Existimarunt etiam plerique olim, si Hieronymo credimus, alteram Petri ejus non esse, ob diversitatem styli; sed res est multò obscurior, nec eorum iudicium præstare velim. Hæc verba sunt Hieronymi, in Catalogo: *Scriptis duas Epistolas, quæ Catholica nominantur; quarum secunda à plerisque ejus esse negatur, propter styli cum priore dissonantiam. At multo verisimilius judicabat * Origenes, quia ὁ χάρακτις τ' λέξεως τ' περὶ Ἑβραίων ὁπρὸς ἑκατέρωθεν ὁπισθεῖς ἐκ ἔχει τὸ ἐν λόγοις ἰδιωτικὸν τὸ Ἀποστολικόν, ὁμολογούσας αὐτὸν ἰδιωτὴν εἶναι τῶν λόγων, τοτέστι τὴν ἑρμῆσι: stylum Epistola ad Hebræos inscripta non habere in verbis illam ruditatem Apostoli, qui se fœctur esse idiotam sermone, hoc est, eloquutione. Subjicit: ἀλλὰ ἐστὶν ἢ ὁπισθεῖς συνδύσει τ' λέξεως ἑλληνικῆς. πᾶς ὁ ὁπισθεῖς καὶ τὸν ἑρμῆσι διαπορῶς ἐμολογῆσαι αὐτὸν: sed est Epistola hæc, verborum confusione, elegantius Græcè scripta; quod fatebitur quisquis, de stylorum diversitate, judicare norit. Hieronymus in Catalogo similia habet: Epistola, quæ fertur ad Hebræos, non ejus creditur, propter styli sermonisque distantiam; sed vel Barnabæ, juxta Tertullianum; vel Lucæ Evangelistæ, juxta quosdam; vel Clementis Romani postea Ecclesiæ Episcopi, quem ajunt sententias Pauli proprio ordinasse & ornasse sermone.*

5. Ex dissimilitudine styli intellexit Hieronymus, Libros nonnullos, qui tribuebantur Minutio Felici, ejus non esse. Postquam dixit ab eo scriptum esse Dialogum Christiani & Ethnici disceptantium, qui Octavius inscribitur, subjicit: *Sed & alius sub nomine ejus fertur, de Fato, vel contra Mathematicos, qui cum sit & ipse disertus hominis, non mihi videtur cum superioris libri stylo convenire.*

6. Dionysius Alexandrinus, ut docet † Eusebius, existimabat, si conferretur Evangelium Joannis cum prima ejus Epistola, facillè intelli, i, ex similitudine styli, utriusque eundem Joannem auctorem fuisse; contra, si cum illis compararetur Apocalypsis; liquere hanc esse ab alia manu. Ut à posteriori initium faciam, hæc ille capita profert dissimilitudinis I. Τεκμαίρομαι ἐκ τῆς ἡδὺς ἐκαστέρων, καὶ τῆς λέξεως εἰδὲς αὐτὸν

† Hist. Eccles. Lib. III. c. 25.

* In Homiliis in Ep. ad Hebræos.

† Hist. Eccles. Lib. II. c. 25.

τῶ βιβλίῳ διεξαγωγῆς λεγόμενης, μὴ τῶ αὐτῶν εἶναι. ὁ γὰρ γ' Ἐυαγγε-
 λιστὴς ὁμοίᾳ τῷ ὀνόματι αὐτὸς παρεγχεσθῆναι ἔδει κηρύσσας ἑαυτὸν, ὥστε
 διὰ τῶ Ἐυαγγελίου, ὅτε διὰ τῶ Ἐπιστολῆς ——— ὁ δὲ τὴν Ἀποκάλυψιν
 γεγράφας δι' αὐτὸς τε ἑαυτὸν ἐν ἀρχῇ προσάσκει, καὶ τὰ ἐξῆς: *Colligo*
enim ex genio utriusque, & forma loquendi, & ex libelli dis-
positione, non esse eundem. Quippe Evangelista quidem nullibi
 nomen suum adscribit, nec semet ipse, aut in Evangelio, aut in
 Epistola, predicat——— At ille, qui Apocalypsin scripsit, in ipso
 statim exordio, nomen suum praefigit, &c. Tum ejus rei ex-
 empla profert, quae apud Eusebium poterunt legi. II. Ἀπὸ τῶ
 νοημάτων ὃ καὶ τῶ ῥημάτων καὶ τῶ συντάξεως αὐτῶν, εἰκότως ἔτρε-
 ῖτο παρ' ἐκείνων ὑπονοηθήσεται. συνάδει γὰρ γ' ἀλλήλοις τὸ
 Ἐυαγγέλιον καὶ ἡ Ἐπιστολή, ὁμοίως τε ἀρροῦνται: *Ex sententiis ve-*
ro & verbis, eorūque collocatione, facile conjicere est hunc
ab illo diversum fuisse. Nam Evangelium & Epistola sibi mu-
 tuo consonant, & eodem ordiuntur modo. Deinde ex utroque
 subjecta verba comparat; iisque collatis, ita pergit: Ἐρχεται
 αὐτὸς, καὶ τῶ προσθέσθαι, ἐκ ἀφίσταται. διὰ δὲ τῶ αὐτῶν κεφαλαίων
 καὶ ὀνομάτων πάντα διεξέρχεται: *Ex se ipse pendet, nec à proposi-*
tionibus suis abit; sed iisdem capitulis, ac verbis, cuncta per-
sequitur. Quod reverā, collectis variis loquutionibus & sen-
 tentiis, ostendit; additque: Καὶ ὅπως διὰ πάντων χαρακτη-
 ρίσας ἓνα καὶ τὸ αὐτὸν συνοράν τῶ τε Ἐυαγγελίου καὶ τῶ Ἐπιστολῆς
 χρώτα προσέκειται: *Formam scriptionis expendentibus ubique &*
per omnia unum atque eundem styli colorem in Evangelio &
in Epistola cernere licet. Apocalypsin verò, alio planè modo,
 se habere contendit. Ἀλλοτεῖσι γὰρ ὃ καὶ ξένη, inquit, ὅσα
 ταῦτα ἡ Ἀποκάλυψις, μὴτε ἐξαπλομένη, μὴτε γὰρ ἰδιωτὰ τέτων με-
 νει γὰρ εἶπεν, μὴδὲ συλλαβῶν πρὸς αὐτὰ κοινὴν ἔχουσι: *Apo-*
calypsis verò ab his prorsus aliena est, & extranea, nullā pene
necessitudine, aut vicinitate contingens quidquam ex supra dic-
tis, ac ne syllabam quidem unam cum illis communem habens.
 III. Addit etiam Apocalypseos nullam esse mentionem in E-
 pistola, ubi de ea aliquid dici debuisset ei videtur: Ἀλλ' ἔτι
 μνήμην πνέει, ἔτι ἐννοίαν ὅτε ἡ Ἐπιστολή τῶ Ἀποκαλύψεως ἔχει, ἐπὶ
 γ' Ἐυαγγέλιον, ὅτε τῶ Ἐπιστολῆς ἡ Ἀποκάλυψις: *Sed neque menti-*
onem ullam, neque significationem habet Epistola Apocalypseos
(Evangelium enim pratermitto) neque Epistola Apocalypsis.
 IV. Denique, si *Diomiso* credimus, τὸ προσέτις τὴν διαφορὰν ἐκ
 τεκμήριαται ὅτι Ἐυαγγέλιον καὶ τῶ Ἐπιστολῆς πρὸς τὴν Ἀποκάλυψιν.
 τὰ γὰρ γ' ἡ μόνον ἀπταίστας, καὶ τὴν Ἑλλήνων φωνήν, ἀλλὰ καὶ
 λογώταται ταῖς λέξεσι, ταῖς συλλογισμῶσι, ταῖς συντάξεσι τῶ ἐκμνησίου
 χροσπται. πολλὰ γὰρ εἰς ἐκείνην πνέει ὁ γ' ὁ σοφοκισμὸς, ἡ
 ὅπως ἰδιωτισμὸν ἐν αὐτῇς ὁρῶνται ——— τότε γ' ἡ Ἀποκάλυψιν γὰρ
 ἰωραθῆναι, καὶ γὰρ ἐκείνην καὶ προσετίσαν ἐκ αὐτῶν. Διὰ ταῦτα
 τὴν μὴν τοι καὶ γὰρ ὅταν ἐκ αὐτῶν ἐλλήνιζαν αὐτὸ βλέπω, ἀλλ'

ἰδιωτικῶς μὴ βαρβαρικῶς χρωμένον καὶ αὐτὸ καὶ σολοικὶ ζῶντα : *Clare intelligere est discrimen eloquutionis Evangelii & Epistolæ, si conferantur cum Apocalypsi. Ita enim scripta sunt, non tantum sine peccato ad Græcām linguam quod attinet, sed etiam elegantissimè, cum vocibus, tum ratiocinationibus, & orationis compositione; nedum ut barbarum ullum vocabulum, aut solacismus, aut illius omnino idiotismus in his inveniatur* ---- *Notum quidem negare huic visum esse revelationem, eūque accepisse cognitionem à Deo & prophetiam; at dialectum & linguam non accurate Græcām in eo video, eūque idiomatibus barbaricis utentem, & aliquando etiam solacismos committentem.* Quæ omnia profero, non quasi mihi videantur vera, nam hæc postremo præsertim planè falsa esse existimo; sed ut apparat quā ratione Veteres solerent *ὑπερβολὰς* eruere, ex quibus iudicabant genuinane, an spuria essent opera, quibus illustria nomina erant præfixa. Ad methodum quidem quod attinet, nihil est quod in *Dionysio* carpamus; quærendum dumtaxat an ea, quæ statuit quasi certa, sint reapse vera, quod non credimus.

7. At non possum illi non adsentiri, in eo quod habet de similitudine rerum & loquutionum, quæ in Evangelio & prima Joannis Epistola occurrunt. I. *Συνέδρασαν, inquit, ἡ γὰρ ἀληθεία τὸ εὐαγγέλιον καὶ ἡ ἐπιστολή, ὁμοίως τε ἀρχομένη. τὸ μὲν ἐστὶν, ἐν ἀρχῇ ἦν ὁ λόγος. ἥδε, ὃ ἦν ἀπ' ἀρχῆς. τὸ μὲν ἐστὶ, καὶ ὁ λόγος σὰς ἐξ ἐνός καὶ ἐκ κινήσαν ἐν ἡμῖν, καὶ ἐξασπασθε τὴν δόξαν αὐτοῦ, ὃς ἐστὶν ὡς μονογενὴς πατὴρ Πατρὸς. ἥδε τὸ εὐαγγέλιον παρὰ πολλοὺς αἰῶνες, ὃ ἀκηκόαμεν, ὃ ἐώρακάμεν τοῖς ὀφθαλμοῖς ἡμῶν, ὃ ἐψηλάφημεν καὶ αἱ χεῖρες ἡμῶν ἐψηλάφησαν, περὶ ταῦτα λόγος τῷ ζῶντι ἐκμενέοντι. τοῦτου γὰρ παρακαλεσθεὶς διατινόμενος, ὡς ἐν τοῖς ἔξοις ἐδίδασκε, περὶ τοῦς ἄλλοις ἐκ σκεπτικῆς ἐκδηλῶσαι ἢ κύριον, διὸ καὶ συνήψεν ὀπιμνωδῶς, καὶ ὡρακάμεν μαρτυρούμεν, καὶ ἀπαγγέλλομεν ὑμῖν τὴν ζωὴν τὴν αἰώνιον, ἥτις ἦν περὶ τὸ Πατέρα, καὶ ἐξ ἐκμενέοντος ἡμῶν. ὃ ἐώρακάμεν καὶ ἀκηκόαμεν ἀγγέλλομεν ὑμῖν : Νὰν* *Evangelium & Epistola sibi mutuo consentant, & eodem ordine utitur modo. Sic enim illud dicit : in principio erat Ratio; hæc verò : quod fuit ab-initio. Illud ait : & Ratio caro facta est, & habitavit in nobis; & vidimus gloriam ejus, gloriam quasi unigeniti à Patre; hæc verò eadem habet aliquantum immutata : quod audivimus, quod vidimus oculis nostris, quod perspeximus & manus nostræ contractaverunt de verbo vitæ; & : vita manifestata est. Hæc enim ille veluti modulationis prologia præmittit, adversus eos qui dicebant Dominum non venisse in carne. Quapropter de industria subjunxit : & quod vidimus testamur, & adnunciamus vobis vitam æternam, quæ erat apud Patrem, & apparuit nobis. Quod vidimus & audivimus adnunciamus vobis. II. "Εχέτω αὐτὸ καὶ τὸ*

προβέβηκεν ἐκ αἰτίας αἱ. διὰ δὲ τῶν αὐτῶν καταλαίαν καὶ ὀνομασίαν
πάντα διεξέρχεται. ὡς πᾶσι μὲν ἡμῖς συντόμως καταμνησθῆναι. ὁ δὲ
σερραχὸς ἐν πύργων ἀσπίδι ἐν ἑκατέρῳ πολλὴν τὴν ζωὴν, πάλιν τὸ
ῥῆς, ἀπολεσάν τῆ σκοτίας, συνεχῇ τὴν ἀλήθειαν, τὴν χάριν, τὴν
χάριν, τὴν σάρκα καὶ τὸ αἷμα τῆ Κρυσ, τὴν κρείττην, τὴν ἀφραν τῇ
αμαρταν. τὴν σφραγῖδα ἀγάπης τῆ Θεοῦ, τὴν σφραγῖδα ἀλλήλων ἡμῶν
ἀγάπης ἐντολῶν. ὡς πᾶσι δὲ φυλάττειν τὰς ἐντολάς. ὁ ἐλεγχθῆναι
τὸν κόσμον, τὰ διαβάλα, τὰ Ἀντιχρίστους. ἡ ἐπαγγελία τῆ ἀγίας σφραγῖδας
καὶ Θεοῦ. ἡ ὑπόστασις τῆ Θεοῦ. ἡ δόξα πρὸς ἡμῶν ἀπαιτούμενη ὁ Πα-
τήρ καὶ ὁ Υἱὸς πάντα καὶ. καὶ ὅλος διὰ πάντων χάριτες καὶ ὥστε ἀγαπᾶται
τὸ αὐτὸν συνορᾶν τὴν τὴν Ευαγγελίαν καὶ τὴν Ἐπιστολὴν χρεώτα σφραγίσαι:
*Totus ex se ipse pendet, & à propositionibus suis non disce-
dit; sed eisdem capitibus & verbis cuncta persequitur; ex
quibus nos nonnulla breviter commemoravimus. Qui vero at-
tentius erit, inveniet in utroque plurimam vitam, frequentem
lucem, fugam tenebrarum, perpetuam veritatem, gratiam, libe-
ritiam, carnem & sanguinem Domini, iudicium, remissionem
peccatorum, Dei erga nos amorem, præceptum de mutua
caritate, omnia mandata servari oportere. Ad hac occur-
runt passim convictio mundi, Diaboli & Antichristi, promissio
Spiritus Sancti, adoptio Dei, fides à nobis per omnia pos-
tulata, Pater & Filius ubique. Denique in omnibus formam
scriptionis exquirentibus unius atque idem Evangelii & Episto-
le color proponitur. Ex hisce omnibus planè κενώδεις & verè
colligit unius, ejusdemque Apostoli Joannis esse Evangelium
& Epistolam.*

8. Non opus est alia hanc in rem exempla afferri, verum
hic se se nobis obiciunt sponte suâ difficultates maximæ;
animadverterunt enim viri eruditi, non tantum inveni con-
troversias de Libris præferentibus nomina Scriptorum, quo-
rum stylus ex aliis eorum operibus notus est; sed etiam de
Libris qui tribuuntur Scriptoribus, quorum aliud nihil ex-
stat, præter ea ipsa monumenta, quorum γνησιότης in dubium
revocatur. Exempli causâ, cum ad defensionem Origenis,
proferretur Apologia Pamphili Martyris nomine præscrip-
ta; Hieronymus, qui tunc temporis erat Origenistis infen-
sus, negabat id constare; quod nullus alius Liber à Pamphilo
esset scriptus, ex quo de illa Apologia iudicium ferri posset.
* Si ab inimicis Origenis, inquit, Libros ejus dicitis esse vio-
latos, ut infamarentur; quare mihi non liceat dicere, ab ami-
cis ejus & sectatoribus, compositum esse sub nomine Pamphili
volumen, quod illum testimonio Martyris ab infamia vindica-
ret? Ecce vos emendatis, in Origenis Libris, quod ille non
scripsit; & miramini, si edat aliquis Librum, quem ille non e-

* Ad Pammach. & Oceanum de Error. Origenis.

didit? Vos in edito opere potestis coargui; ille, qui nihil aliud edidit, facilius patet calumnia. Date quodlibet aliud opus Pamphili; nusquam reperietis, hoc unum est. Unde igitur sciam quod Pamphili sit? Videlicet STYLUS & SALI-
VA docere me poterit!

9. Quæ, in hoc sæculo, de ejusmodi Libris agitatæ sunt celeberrimæ controversiæ, atque Eruditorum judicio direm-
tæ. Altera est de Epistolis, quæ antiquissimis Romanæ ur-
bis Episcopis tribui solèbant. Eas Magdeburgenses Theolo-
gi, in Centuriis, meritò quasi suppositas criticâ censurâ in-
famaverant. Defendit verò illas *Franc. Turrianus*; quem pos-
tea ita confutavit *David Blondellus*, ut suppositionem in
meridiana luce posuerit; quæ negari certè non potest, nisi
ab iis, qui lucro sibi esse putant ejusmodi fraudes, & frontem
planè perfricuerunt. Altera verò controversia fuit, de re
line dubio obscuriore; nimirum, de Ignatianis Epistolis,
quas suppositas contendebant idem *Blondellus*, & *Joan. Dal-
leus*, defendit verò quasi genuinas *Joan. Pearsonius*; eo, nisi
fallor, successu ut bellum illud, certâ ac perpetuâ victoriâ,
confecerit. Attamen plerorumque omnium Episcoporum
Romanorum, quibus tribuuntur Epistolæ illæ Isidorianæ, ne
littera quidem ulla exstat. Episcopi etiam Antiocheni nihil
ad posterum pervenit, præter Epistolas in controversiam vo-
catas.

10. Cum ergo viri doctissimi non possent alia eorum Scrip-
ta proferre, qui Epistolas illas oppugnare aggressi sunt, ex
earum stylo varia protulerunt, aut proferre conati sunt in-
digna primæ illâ antiquitate, aut saltem quæ indigna ipsis
videbantur. Contra qui eas defenderunt, probarunt illa
non esse eo ævò indigna, aut pro virili probare adnixi sunt.
Ut alia omittam, *Blondellus* evidentissimè ostendit nihil esse
in Epistolis Pontificiis, quod vel minimum primorum sæcu-
lorum stylium redoleat; luculentis etiam argumentis, demon-
stravit *Pearsonius* quæ ab adversariis carpebantur, in Ignati-
ano stylo, ea non dissentire ab illius ætatis ingenio. Certè
aliter oppugnare aut defendere non possumus Scripta, quæ
fuerunt, aut fuisse dicuntur unici fortis eorum, quorum no-
mina præferunt. Ingenii & styli Scriptoris loco, nobis sunt
forma & character ejus ætatis.

11. Ubi res est clara, propter nimium discrimen styli
Scriptoris suppositi, & rationis scribendi eorum omnium,
qui illis temporibus vixerunt; non difficile est judicium
rectum de eo ferre, imò difficile est errare; ut mira i subeat
eorum ætatis, qui *Cornelii Nepotis* genuinum fortum Theo-
dosiani vi fuisse, & *Dionysii Phrygi* i historiam barbaram &
misc-

inficetam, quamque adeo Theodosiana ætas non laudasset, *Ciceronis* temporibus tribuere sustinebant. Sed potest Liber tribui Scriptori cuiuspiam, & quidem falso, qui stylo scriptus sit ab eius dictione non prorsus abhorrente; ab alio, nimirum, ejusdem ævi aut proximi Scriptore. Tum demum perspicaci ingenio opus est, atque arte magistrâ, quæ nonnisi lentâ, attentâque lectione acquiri potest. Nec mirum est *Ambrosio* & *Hieronymo*, exempli causâ, adscriptos proximè præteritis sæculis fuisse varios eruditos Libros, & quibus vix meliores scribere ipsi potuissent. Sola bonarum litterarum & Criticæ præsertim *παλαιογενεια* ejusmodi errores retegere poterat.

12. Decimus hic est atque ultimus noster Aphorismus: *Vocabula sequioris ævi indicant Scriptorem recentiorẽ; in translatione verò, si quid sit quod non conveniat Lingue, quâ scripsisse constat auctorem cui liber tribuitur, aut non est translatio, aut est interpolata.* Priorem partem hujus Aphorismi illustrare possemus plurimis exemplis, petitis ex Scriptis falsi *Clementi* Romano tributis, æque Pontificiis Epistolis, in quibus innumeræ sunt voces Apostolico ævo recentiores. Sed cum ea Scripta evolventi illico plurimæ si obijciant; exempla dumtaxat aliquot, quibus posterior pars Aphorismi confirmetur, subjiciemus.

13. Qui *Sapientiam* Salomonis nomine inscriptam, ex ejus Scriptis hausitam esse volunt, & in Græcam Linguam translatam; cum conjecturam dumtaxat proferant, quam æquè facilè rejeceris, ac in medium affertur; præterea ex ea opinione revocari possunt, exemplo vocis, quæ nonnisi ex Lingua Græca, & quidem è *Platone*, aut *Platonicis*, eo sensu peti potuit. Ea est vox *Ἀγγέλῳ*, quâ Angelum significat *Sapientia* Cap. XVIII. 15, 16. ubi etiam Poëtæ Græci manifesta est imitatio. Sic habet, ex versione Vulgata: *Omni potens sermo tuus* (vel potius *Ratio tua*, nam est *τὸ Ἀγγέλῳ*) *de celo, à regalibus sedibus, durus debellator in mediâ exterminii terram profilivit. Gladium acutum insinulaturum tuum imperium portans, & stans replevit omnia morte, & usque ad cælum attingebat, stans in terra, & ἑστὸν ὡς ἡ πύλη, βέλους δὲ ἐν ἧς.* Vox *Ἀγγέλῳ* ad significandum Angelum, seu *Naturam Rationalem* imperia summi Dei exiequentem, est *Platonica*, & frequens apud *Pythionem*, ut observavit *H. Grotius*. Nam hic sermo est de Angelo illo, qui *Ægyptiorum* primogenitos omnes, unâ nocte, occidit. Eum vocat *πανδυναμὸν* omnipotentem, quia Angelus à Deo ad exsequenda ipsius imperia missus, potentiam accipit ad omnia quæ jubetur perficere. Ejus descriptio stantis in terra, & cælum vertice at-

tingentis, est imitatio *Homeri*, aut *Callimachi*; quorum prior quidem ita Eridem describit, *Iliad.* Δ. vers. 443.

Οὐρανὸν ἑσέειξεν καὶ ἐπὶ χθονὶ βαίνα.

Cælo firmat caput, & in terra ingreditur; posterior verò *Iuynno* in *Cererem*, vers. 58. Deam sic pingit:

Ἰθυσσά ἢ χέρσιν, κεφαλὰ δ' οἱ ἄλ' ὀλύμπῳ.

Vestigia quidem ejus terram, caput verò tetigit cælum. Quos imitatus *Virgilius*, IV. *Æneidos*, in descriptione *Famæ*:

Ingrediturque solo & caput inter nubila condit.

Nemo, ut opinor, non videt *Judæum*, *Antiochenum* fortè, aut *Alexandrinum*, imitatum hic esse *Poëtas Græcos*, non *Salomonem* sequutum. Sumsit etiam ex *Platonicis* opinionem, ad quam respicit *Cap. VIII.* 19, & 20. nempe, animorum αὐτοπαρεῖν. Quæ, ut & cetera omnia, quisquis diligenter expendit, nunquam sibi persuadebit *Librum* hunc *Hebræice* primum à *Solomone* conscriptum.

14. Sic & olim *Julius Africanus* scripserat, ut docet * *Hieronymus*, *Epistolam* ad *Origenem*, super *quæstione Susanna*, eo quòd diceret in *Hebræo* hanc *fabulam* non haberi, nec convenire cum *Hebræica Etymologia*, δὲ τὸ ὅτι ἔχεται, καὶ δὲ τὸ περιπεῖσαι. Quod invictum est argumentum, cum ex re ipsa deductum sit; nam quæ conjicit *Origenes*, hunc *librum* *Hebræicè* olim scriptum, sed ab *Hebræis* suppressum, ac tandem è rerum natura sublatum, in honorem gentis suæ, id parum verisimile est. Hoc enim duorum virorum facinus, præsertim cum à *Daniele* acerrimè repressum narrètur, non poterat magis nocere *famæ Judæorum*, quàm integræ tot icelerum *historiæ*, & castigationes, quæ cum in *libris Historicis*, tum in *Propheticis* leguntur. Sat multa sunt quæ verè *Judæis* objici possint, ut minime necesse sit conjecturis inanibus eos infamatum ire; aut potius *Religionem*, quàm profiteremur, quæ calumniis nequaquam eget. Sed viri doctissimi multis ostenderunt, frustra à *Patribus Judæos* accusari falsatæ *Scripturæ Veteris Testamenti*. Itaque, ea de re, nihil addimus. Locus autem, qui respicitur, existat *Cap. XIII.* vers. 54 & seqq. Nunc ergo si videris eam, dic sub qua arbore videris eos colloquentes sibi. Qui ait, sub *schino* (ἐπὶ ὀφθαλμοῦ)

Dixit autem Daniel: rectè mentitus es in caput tuum. Ecce enim Angelus Dei, acceptâ sententiâ ab eo, scindet (xist) te medium. Similiter alteri feni dicit Daniel: vers. 58. Nunc ergo dic mihi, sub qua ar bore comprehenderis eos. Qui ait, sub primo. (יאר ראשון) Dixit autem ei Daniel, rectè mentitus es & tu in caput tuum, manet enim Angelus Domini gladium habens, ut secet (יעצא) te medium. Hæc ostendunt à Judæo Græcè loquente primum scripta, cum in vocibus Hebraïcis nulla similis agnominatio fieri queat; nam hoc tribuere Interpreti, cum non constet ullum umquam fuisse Archetypum, hoc demum est hariolationes suas pro rebus compertis obtrudere. Scio Hebraïsmos dici esse in hoc libro; sed hinc colligere est scriptum à Judæo Hebraïce, aut Syriacè melius quam Græcè sciante, non ipsum opus umquam Hebraïce fuisse editum. Sic videmus Apostolorum Scripta scatere Hebraïsmis, cum ab iis primum Græcè edita sint; quod, nempe, essent Judaïcæ Linguae peritiores, quam Græcæ.

15. Ultimum exemplum addemus ex Libro, quem pro Origeniani operis Græcè scripti Latina translatione haberi voluerunt Librarii, & de quo jam antea Cap. VI. §. 10. diximus. Hominis Latini esse vidit D. Erasmus, quod hoc, inter alia, argumento probat. "Interpretatur interdum Græcas voces, sed ita ut Latinum agnoscas, veluti cum docet nos quid & qualis sit Adamantus. Sic habet locus: Adamantus interpretatur, in Græca Lingua, indomabilis, inflexibilis, inalterabilis. At, ut rectè animadvertit P. Dan. Huëtius, possent hæc ab Interprete esse addita; verum est alius locus ab eo prolatus, qui nonnisi Latine scriptus fuit, ubi meminit Luciani Martyris Origene multo recentioris: Ita consummatus est, inquit, beatus atque gloriosus LUCIANUS, LUCIDUS vitâ, LUCIDUS & fide, LUCIDUS etiam tolerantia consummatione; ob hoc enim LUCIANUS cognominatus est, tamquam LUCIDUS, aut proprio lumine sibi fulgens, aut aliis LUCENS. Hanc agnominationem, in sola Latina Lingua esse, nemo non videt. Itaque si hoc opus versum sit è Græco, oportet hunc totum locum ab Interprete esse additum. Hoc malle videtur vir doctissimus, in Origenianorum Appendice, eo quod Interpres dicat in Prologo, opus hoc ante se ab aliis Latine fuisse versum. At Des. Erasmus suspicatur esse suppositum Prologum, qua de causa ei indignatur vir eruditissimus; quod ityli congruentia probet esse auctoris Libri. Hoc nos ei concedamus, quamvis non usque adeo manifestum; sed si dixerimus hominem esse fide indignum, iudice vel ipso Huëtio, qui eum interpositorum commentorum suorum orationi Græci

Græci Scriptoris, quem vertebat, accusavit, nobis, ut opinor, irasci non poterit; nam deterius non est mentiri in Præfatione, quam opus alienum tam turpiter interpolare. Certè hoc quoque mentiri est, tacitè enim affirmamus id esse Scriptoris quod Lectori, nequaquam monito nostrum esse, promiscuè cum ejus verbis legendum præbemus.

16. Atque hæc hæcenus, de Indiciis ex quibus interpolata, ac supposita à sinceris & genuinis discernere licet; qua in tractatione, ita *Andream Rivetum*, & *Guil. Caveum* sequuti sumus, ut neque eorum methodum, neque exempla excrisperimus; sicut faciliè intelligent quicumque nostra, cum illorum Scriptis, conferre non gravabuntur. Ceterum non diffitemur, lectis eorum Canonibus, nostros Aphorismos à nobis esse formatos.

17. Hos autem ejusmodi visum iri confidimus, ut quisquis eos diligenter observaturus sit, vix umquam sit à vero aberraturus. Verum ut horum Aphorismorum, quamvis per se clarorum, possit ubique auctoritas inviolata servari, fateor non mediocrem postulari eruditionem, nec exiguo tempore opus esse, ut dextrè ac feliciter iis uti addiscamus. At hæc est natura præstantissimarum quarumque Legum, ut quarum intra paucas horas justitia ac sanctitas intelliguntur, is observandis homines nondum adsuæti, tempore & meditatione egeant, ut earum jugum æquo animo ferre adfuescant. Hoc tamen interest, quod cum necesse sit omnes esse bonos viros, & legum observantes, nemo cogatur difficillimam artium Criticam profiteri. Sed quisquis hanc excolere tentabit, eum oportet intelligere quantum in se laborem suscipiat, & quibus Legibus teneatur. Sin minus, infelicitissimus erit Criticus, & pro maxima laude, quam eruditi viri hinc retulerunt, ludibrium omnibus debet. Hic mihi audire videor Lectorem à me quærentem, an ipse, qui hæc scribo, lauream hinc aliquam sperem? Invidiosa hæc est interrogatio, cui quidquid repoluero captum iri me sentio. Itaque hic me sustinebo, si modò dixero me arduam ac periculosam hanc artem non profiteri; et si profitentibus impensè faveo & eorum Scripta libentissimè dudum lego; ex quo factum est, ut fortè color aliquis Criticus mihi hæserit, & hæc aliis, potius quam mihi, scribere impetu quodam Critico aggressus fuerim.

P. III. ARTIS CRITICÆ SECT. II.

F I N I S.

ARTIS

ARTIS CRITICÆ
P A R S III.

SECTION III.

*De Judicio, de Stylo & Charactere Scriptoris
ferendo.*

C A P U T I.

*De iis quæ sunt in quovis Scriptore animadvertenda, ut
de eo rectè judicare possimus; deque forma scribendi
Quinti Curtii.*

1. CUM de dignoscendis locis & libris spuriiis ageremus, diximus de iis judicaturis perspectum esse oportere stylum & characterem Scriptoris, cui tribuuntur. Nunc vero, ut qui Artem Criticam pernosse cupiunt intelligant, quæ potissimum in quovis Scriptore sint animadvertenda; ea paullo distinctius hic persequemur, exemplumque dabimus Critici examinis ex *Q. Curtii* Historia, quam diligenter expendemus.

2. Tria in omnibus Scriptoribus, ut intelligatur penitus eorum ingenium, sunt diligentissime attendenda. Primum est delectus rerum; alterum rerum delectarum dispositio; tertium stylus, sive eloquutio. In primo & secundo, elucet eruditio atque judicium Scriptoris; in tertio, ingenium & exercitatio in scribendo. Aliud nihil in oratione scripta queri potest, eaque si nobis sint perspecta, tum demum eruditionem, judicium atque ingenium Scriptoris nota nobis esse verè prædicare possumus; sin minus, neque hæc novimus, & hisce ignotis nonnisi temerè de ejus ratione, formæque scribendi judicare aggredimur. Ut autem hæc nobis innotescant, non satis est nos semel atque iterum Libros ejus legere, aliud agentes; aut etiam, eo dumtaxat animo

ut

ut cognoscamus qua de re agat, vel ut laudanda in ejus dispositione ac stylo imitemur; sed de industria, post unam aut alteram lectionem, diligentissime versandi sunt, eumque in finem ut quid rectè & suo loco dictum, quid secius animadvertamus, memoriaeque, vel chartæ potius mandemus. Quir &, si accurati esse velimus, relegenda nobis sunt aliquoties nostra vestigia, ut, si quid temerè à nobis positum sit, id deleamus; si quid omissum, quod sit alicujus momenti, id scribamus. Alioqui quamvis attentè Scriptorem legamus, numquam satis accuratè de eo judicare poterimus. Certè, ut quod mihi contigit dicam, non semel legeram *Q. Curtii* historiam, antequam in eo animadvertissem pleraque, quæ postea de eo dicam. Rerum gestarum, quas describit, magnitudine animus percussus, & styli elegantia delinitus, aliud nihil videbat præter fortitudinem, audaciam & felicitatem *Alexandri*; aliud nihil audiebat, præter sublimia verba facundissimi Scriptoris.

3. Sed cum postea *Curtium* eo animo legerem, non ut ea cognoscerem quæ jam mihi sat nota erant, sed ut quidquid habet exigerem ad severas Historiæ leges & veri immutabilem normam; tum demum in eo animadverti, quæ in hæc ultima *Artis Critica* Parte memorabo, & quibus mihi visus sum ita virtutes ejus & vitia complecti; ut faciem ejus operis pingere si aggrediar, eam omnes facile sint agniture, qui id norunt.

4. Ut ergo, veluti in minore tabella, id pingam, existimo *Curtium*, quicumque fuerit, nam hoc me nescire fateor, cum diuturnam & diligentem operam arti oratoriæ dedisset, imò fortè eam alios doceret, viderètque neminem, apud Latinos, res gestas *Alexandri Macedonis*, prout argumenti dignitas postulabat, scribere aggressum esse; hanc materiam elegerit, non tam ut accuratissime historiam *Alexandri* scriberet, licet hoc quoque tentarit, quam ut eloquentiæ suæ specimen ederet. Eam in rem, res gestas à domitore Asia, non, ut curiosus singularum circumstantiarum Lector postularet, scriptis mandavit; sed quemadmodum eas à Rhetore scribi posse, atque oportere credidit. Itaque ubicumque potuit orationum historiæ inferendarum occasionem captavit, easque eo stylo conscripsit, non qui deceret Macedonas rudes plerisque, & militaris artis multo quam rhetoriæ scientiores; sed qualis esset otiosi Rhetoris, qui in umbra atque in schola consenuisset. Narrationem ipsam non sentimus nativâ simplicitate, descriptionumque *anecdota* & fide placere; sed nitore & elegantia vocum, & totius styli ardore quodam, qui nusquam languet, nusquam est parum ornatus, aut ulla ex parte

parte neglectus. Sicubi vero vel minima occurrit occasio descriptionis, ibi hominem videas avidissime artis suæ vela pandentem, etiam ubi omnes tacerent; præsertim in tam copioso argumento, & magnitudine ipsa rerum, sine ornatu ullo procul quæsito, placente. Exempli causâ, multa flumina copiosè descripsit, quasi ad interioris Libyæ sitientes incolas opus hoc suum mittere voluisset; qui numquam fluvium ullum viderunt, & qui vel solis illis descriptionibus æstum, quo excoquantur, recreare possent. Quia verò ubique res ipsæ tantæ non sunt, ut in admirationem Lectorem semper rapere queant, subinde hyperbolico stylo augentur; quem in historiæ mirentur quidem pueri, at rideant subactioris iudicii homines. Uno verbo, elegantissimum declamatorem ubique expressit, potestque, ad verba & loquutiones quod attinet, materiam suppeditare Studiosis, quæ exornent orationem, & grandiore faciant stylo; & fortasse id unum spectavit, in hoc opusculo.

5. At in eo desideres ferè ubique Historicum, qui diligenter omnia perquirat, seligitque tantum digna narratu, numquam ad inania digreditur, numquam in descriptionibus rerum omnibus notarum ingenium ostentat; qui credibilia ab incredibilibus seternit, hisque aut prorsus omisissis, aut breviter rejectis, credenda tantum serio profert; qui non modò conspicua illa vitia, qualia ebrietas, crudelitas, superbia, præmerat, sed & occultioribus illis, quæ nominibus virtutum velantur, larvam detrahit, eaque deridenda omnibus præbet, qualis erat ambitio illa, quæ Alexandrum usque adeo vexavit, & belli gerendi inexhausta cupiditas; qui circumstantiis omnes, rerum, hominum & locorum, quatenus licet, memorat, adminiculorumque omnium rei bene gerendæ muniat, ut intelligat Lector, quæ facta sint quæ narrat; qui omnia pro temporum ordine collocat, ut sciant Lectores quo anno, quæve tempestate anni singula gesta sint; qui denique stylo rebus accommodat, non res ipsas stylo; & simplicis veri sacerdos, simplici oratione Numini, cuius fert sacra, litat.

6. Hæc & similia deesse *Quinti Curtii* Historiæ præstat rerum enumeratione particulatim ostendere, quam diutius, generali hac descriptione, ejus nimios admiratores in nos concitare. Itaque primùm ostendemus quid in rerum delectu defuit, deinde quid in dispositione merito reprehendi possit, tandem eloquutionis ejus vitia describemus; quibus omnibus subijciemus aliquot locorum apud eum, Librariorum potissimum negligentiam, corruptorum emendationem. In hisce recensendis, eam rationem otii nostri & Lectoris habebimus, ut

ut neque maximi quidquam momenti omittamus, neque omnia, quæ dicere possemus, hac congeramus.

CAPUT II.

Quintum Curtium fuisse Astronomiæ & Geographiæ planè imperitum, ob quam imperitiam in multis peccavit.

1. **U**T initium faciam à rebus ipsis, quæ in *Curtii* historia merito castigari posse videntur; quamvis cum illis non sentiam, qui ab Historico accuratam omnium disciplinarum, de quibus incidere potest sermo, cognitionem exigunt; attamen optandum est ut liberaliorum plerarumque eatenus saltem elementa attigerit, ut pudendam ruditerem deposuerit, utque à gravibus peccatis, si fortè quidpiam ex iis delibandum sit, cavere sibi queat. Duæ autem sunt disciplinæ, germanæ veluti sorores, quarum una Historico planè necessaria, altera quandoque non prorsus inutilis est, & quas tamen vix à limine salutasse videtur *Curtius*. Eæ sunt Astronomia, & Geographia, quarum planè rudem se se prodit.

2. Exemplis utrumque breviter demonstrabo; & ad Astronomiam quidem quod attinet, eum planè ejus imperitum esse oportuit, qui credidit Lunam deficere, non modo cum Terræ umbram subiret, sed etiam cum sole premeretur. Sic autem loquitur *Curtius* * de Eclipsi Lunæ, quæ contigit cum Alexander ad Darium, secundum cum eo pugnaturus, contenderet: Illi (nempe, Ægypti) qui satis scirent temporum orbem implere destinatas vices, Lunamque deficere, cum aut Terram subiret, aut SOLE PREMERETUR, variationem quidem ipsis perceptam non edocent vulgus, &c. Quam etiam ignorabat *Curtius*, qui se tamen noluisse, sine dubio, cum imperito vulgo misceri.

3. Ex hac eadem Astronomiæ ignoratione, natæ sunt descriptiones regionum planè falsæ; quod nesciret sub quo Climate sitæ essent, seu quantum a linea æquinoctiali distarent. Sic loquitur de Parapamisadis †: Gelidissimum septentrionis axem ex magna parte spectant. Bactrianis ad occidentem conjuncti sunt; meridiana regio ad mare Indicum vergit. paulo post: vites, inquit, & arbores, si quæ in tanto tere

* Lib. IV. C. X, 5.

† Lib. VII. c. 3.

rigore durare potuerunt, obruunt; penitus hyeme defossa latent, cum nive discussa aperiri humus cœpit, cœlo, solique redduntur. Ceterum adcō alta nives premunt terram, gelu & perpetuo penè rigore constricta, ut ne avium quidem serare illius vestigium exstet. Obscura cœli veriùs umbra, quàm lux, nocti similis premit terram, vix ut quæ prope sunt conspici possint. Cetera non exscribo, nam hæc omnem ineptiam superant. Quis non dixerit à Curtio describi Thulen, aut tractum ejusmodi intra circulum arcticum situm, vel ei vicinum? At numquam Scythiæ septentrionales partes adiit Alexander, qui vix meridianam ejus oram attigit; & Parapamisadæ, Bactrianis yicipi, sunt sub clementissimo Climate, quippe inter trigessimum quartum & quadragesimum gradum altitudinis septentrionalis siti, quemadmodum meridianæ partes Græciæ; in quibus sanè multo magis timendus æstus, quàm frigus hibernum, quod & exiguum & breve est. Eo tractus nunc vocant *Mawrainahram*, quorum Metropolis est *Samar-candi*, atque omnium rerum copiâ abundare omnes qui adire narrant. Si situm singulorum locorum accuratius cognoscere aveas, adeunda eorum Arabica descriptio *Abulfeda*, quæ est à *Joan. Gravio* edita.

4. Sed, quod omnia ἀπὸ τοῦ μαλα. multis parasangis antecedit, idem ille Curtius, qui sub benignissimo cœlo glaciale Zonam & tenebras Cimmerias invenit; in tractibus ad septentrionem Parapamisadarum sitis, torridam deprehendit Zonam. Sic enim iter Alexandri, per loca deserta Sogdianorum, describit, haud multo post*: *Arenas vapor æstivi Solis accendit, quæ ubi fligrare cœperunt, haud secus quàm continenti incendio cuncta torrentur. Caligo deinde, immo-dico terra fervore excitata, lucem tegit; camporumque non alia, quàm vasti & profundi æquoris, species est. Nocturnum iter tolerabile videbatur-----ceterum cum ipsa luce æstas oritur, omnemque naturalem absorbet humorem siccitas, &c.* Non aliter potuisset loqui de itinere, per meridianos Persidis tractus, aut ad Jovem Hammonem. Certè his similia habet *Arrianus* Lib. VI. ubi de reditu Alexandri per solitudines *Gedrosorum*, qui populi meridianam Persici Imperii oram, ad Oceanum Indicum, incolebant. Fortasse Gedrosios cum Sogdianis miscuit Curtius, aut alium eos confundentem, nec latis tempora distinguentem sequutus est.

5. Ex ignorantia Astronomiæ profluxerunt etiam τρεῖς ἀστὲς, quas inducit dicentes Alexandri milites, ad Hypasin fluvium: † *In alium orbem p̄. is ire, & Indiam quaris Indis*

* Lib. VII. c. 5.

† Lib. IX. c. 3.

quaque ignotam; inter feras, serpentisque degentes eruerè ex latebris & cubilibus suis expectis, ut plura QUAM SOL VIDET victoriâ lustres. Fuisset vix tolerabilis hyperbole, si dixissent: quacumque sol videt victoriâ lustres; at hic Macedones timent ne abducantur in terras, quas numquam sol vidit; quasi minus, aut aliter solem oriri vidissent, apud Indos, quam apud Macedonas! Tam absurdè loquentes nunquam induxisset Astronomiæ peritus. Nec putes nostro hoc excidisse, placuit hæc illi *tyroia*; iterum enim, in sequentibus*, Macedones queruntur se trahi extra sidera & solem, cogique adire quæ mortalium oculis natura subduxerit. Nul- lum præmium se manere, victis tot gentibus, nisi caliginem ac tenebras, & perpetuam noctem profundo incubantem; reple- tum immixtum belluarum gregibus fretum; immobiles iudas, in quibus emoriens natura defecerit. Hæc possent ferri, si Ma- cedones ita quererentur† postquam à Caspio Mari rectâ ad Septemtriones ducti fuissent, per aliquot menses, & quidem circa brumam; vidissent enim noctes præter modum auge- ri, & frigis intendi. Sed euntibus in Austrum, solèmque quotidie altiore supra capita cernentibus, & calorem ange- ri sentientibus; suspicio nulla esse potuit æternæ noctis, im- mobilis freti, & emorientis naturæ. Verùm homo declami- tando adæuetus tam pulcrum locum prætermittere non po- tuit. Conferantur hæc cum iis, quæ ex Declamatoribus col- legit M. An. Seneca Suasoriâ primâ, & germana videbun- tur, ac forsan inde expressa. Illic enim deliberanti Alexan- dro, an Oceanum navigaturus sit, dissuadet Avitus hisce verbis: Stat immotum mare, & quasi, deficiente in suo finem naturâ, pigra moles; novæ ac terribiles figura, magna etiam Oceano portenta, quæ profunda ista vastitas nutrit; confusa lux altâ caligine, & interceptus tenebris dies; ipsum verò grave & defixum mare, & aut nullo, aut ignota sidera. Of- cus vero: Tempus est, inquit, Alexandrum cum orbe & cum sole desinere, &c. Nescio quid humanis natura subduxit oculis, extrema nox obruit. Musa denique: sæda belluarum magnitudo, & immobile profundum testantur, Alexander, nihil ultra esse quod vincas; revertere. Quæ omnia por- tentosa Astronomiæ non omnino imperitis, pulcra ti- men sine dubio videbantur Curtio; alioquin imitatus non esset.

* Lib. IX. C. IV, 18.

† Vide Pedonis Albinovani fragmentum, de navigatione Germa- nici per Germanicum Oceanum, apud M. An. Senecam Suasor. I.

6. Nec dixeris illo ævo, quo vixit *Curtius*, Astronomiam satis notam nondum fuisse, ut ejusmodi errores caveri possent; quod si ad Alexandri ætatem ascenderimus, minorem etiam ejus fuisse disciplinæ cognitionem; ideoque & *Curtium* & milites Alexandri potuisse, sine dedecore, ejus modi sermones habere. Fateor inter Rhetoras, Astronomiam vulgò notam non fuisse; sed quæ scripsit *Ptolemaeus*, non multò recentior *Curtio*, ostendunt sat notam fuisse, ut ejusmodi ineptiæ vitari possent; neque enim *Ptolemaeus* ejus scientiæ inventor fuit, sed cultor dumtaxat & propagator. Nec talia dicere poterant milites Alexandri, inter quos erant Chaldæi, Ægyptique Astronomiæ periti, & vicini præterea locis, de quibus ea monstra jactantur. Ac sane *Arrianus*, qui Cœnum etiam dissuadentem Alexandro, ne ulterius pergeret, inducit Lib. V. sub finem, nullas habet ejusmodi *παραλογίας*, ex solo cerebro otiosorum Rhetorum natas.

7. Nunc ut ad Geographiam veniam, quæ, quatenus saltem spectat descriptionem, situmque regionum, notior multò erat, quàm Astronomia; immania etiam sunt peccata, quæ in eam admisit *Curtius*. Hanc verò Historico minus utilem esse nemo dixerit, cum sine ejus cognitione, necesse sit ut itinera, expeditionesque exercituum perversè describat, Lectoremque locorum imperitum subinde fallat; quem admodum facit *Curtius*, nisi Lectores à viro Geographiæ peritiore admoneantur. *Polybius* certè, antequàm manum historiæ suæ admoveret, lustrare ipse voluit loca potissima, de quibus erat loquuturus; ne in peccata incidere, in quæ delapsi fuerant veteres Historici, quibus minus notus erat terrarum orbis. * Τὸ πλεον, inquit, τότε χαλὸν ἐπεδείξαμεθα τοῖς κινδύνοις καὶ ταῖς κακοπαθείαις, τὰς συμβάσας ἡμῖν ἐν πλάτῃ τῇ καὶ Λιβύῃ καὶ κατὰ τὴν Ἰσθμὴν, ἐπὶ τῇ Γαλατίᾳ καὶ τὴν ἔξωθεν ταύταις τοῖς χώροις συγκυρῶσαν θαλάτταν. ἵνα διεργασάμενοι τὴν τὴν ἀπὸ τῶν ἀγνοῦντων ἀγνοῦσαν ἐν ταῖς γνώσεσιν πειρήσομεν τοῖς Ἕλλησι καὶ ταῖς ταῖς μέν τ' εὐκλείδους: Interprete H. Calaubono: Cum tot pericula tantisque suscepimus labores, quantos in peregrinatione Africa, Hispania, item Gallia, & maris externi, quæ has regiones alluit, exantlavimus; id potissimum spectavimus, ut Antiquorum ignorantiam harum partium corrigeremus, & illos quoque tractus nostri orbis Græcis hominibus aperiremus. Superius transitu Hannibalis per Alpes narrato, † ἡμῶς, inquit, οὐδὲ τῶν δι' ὁδοῦ ἀποφανόμεθα, διὰ τὸ αἰεὶ τὴν ἀπὸ τῶν παλαιῶν

* Lib. III. p. 293. Ed. Amstel.

† Ed. Lib. p. 280.

παρ ἱερηνάμην ὅτι ἐξελιτάχοντων τοῖς καίσις, τὸς δὲ τότε
 καποπλάκναι, καὶ τὰ διὰ ὅτι Ἀλπιων αὐτὸς καχρηῖται πορείας,
 γνώσεως εἶνεκα καὶ διαί: Nos autem de hisce rebus eo ma-
 jore fiducia scribimus, quia ab illis hominibus eas didicimus,
 qui temporibus illis vivebant; Et quod loca ipsi lustravimus,
 qui, visendi studio ac veritatis noscenda, Alpes adiimus.
 Sic & Diodorus Siculus, initio Historiæ: καὶ πολλὰς καπο-
 θείας καὶ κινδύνων ἐπιλάθμεν πολλὰν δὲ τὴν Ἀσίαν καὶ τὴν Εὐρώπην ἵνα τὴν
 αἰαταρχαιοτάτων καὶ παλαιοτέρων μερῶν αὐτόπταις γυνθῶμεν. πολλὰ γὰρ
 παρὰ τὰς ἀγνοίας τὴν τόπων διήμαρην ἔχοντες οἱ πρὸντες οὐκ
 τὴν συγγραφῶν ἀλλὰ πνευ καὶ τὴν δόξαν πεπερωδύοντων: Cum multa
 molestia & periculis, peragravimus magnam Asiæ & Europæ
 partem, ut maximè necessarios & plerosque tractus ipsi videre-
 mus. Multum enim locorum inscitia peccatum est, non tan-
 tum à vulgo Scriptorum, sed nonnullis etiam, qui primum glø-
 riæ decus obtinent. Hæc quidem non à quovis Historico exi-
 gi queant, ad minimum à Curtio lectam oportuit descrip-
 tionem Geographicam tractuum quos subdidit Alexander; qua-
 les sine dubio multæ eo ævo existabant, præter eas quas Cur-
 tio antiquiores etiamnum habemus. Nihil tamen minus cu-
 rasse videtur, quàm ut regionum, de quibus loquuturus erat,
 situs teneret, sicut ex re ipsa liquebit.

8. Sic loquitur de situ celeberrimi Hammonis Oraculi, qui notissimus fuit, ut liqueat illi ignota fuisse & Clima cœli, & vicinorum sedes: * *Cœli mira temperies, verno tempore maximè similis, omnes anni partes pari salubritate percurret.* Quis nisi planè *αἰῶνες* nil ignorat eam non esse temperiem interioris Libyæ, circa vigelimum gradum latitudinis septentrionalis? At præsentia Dei miraculum hoc tribuebatur à nonnullis Scriptoribus; quos sequutus pueriliter *Curtius*, qui non verissima, sed *εὐδοκία* solet feligere. Similia etiam † *Diodorus Siculus* ex iisdem fortè Scriptoribus haulerat. Sed *Arrianus*, haud paullo acutiore iudicio præditus, quam uterque, || ejusmodi nugas omittit.

9. Sic verò describit *Curtius* finitimarum gentium situm: *Accolæ* sedis sunt ab oriente proximi *Æthiopum*; in meridiem versus *Arabes* spectant, *Troglodytis* cognomen est, quorum regio usque ad rubrum mare excurrit. At quæ vergit ad occidentem, alii *Æthiopes* colunt, quos *Scenitas* vocant; à Septentrione *Nasamones* sunt, Gens *Syrtica*, navigiorum spoliis quasiuosa; quippe obsident littora, & astu destituta navigia, notis sibi vadis, occupant. Inspiciantur *Ptolemai Alexandrini*, ac proinde eorum locorum peritioris, tabulæ, & apparebit

* *Lib. IV. C. VII. 17.*

|| *Initio Lib. III.*

† *Lib. XVII. p. 527.*

ad Orientem vicinos fuisse Nitriotas populos, & Oasitas Nomos, deinde superiorem Ægyptum, ac tandem Arabas, qui Troglodytæ dicebantur; quos malè ad meridiem collocat Curtius, & amplioris æquo tractûs incolas facit. Ad meridiem erant primum Libyes, deinde remotiores Æthiopes. Ad occidentem incolebant Nasamones, qui an vagarentur ad Syrtes usque nescio. Ad septentrionem erant Libyes, Ægyptiis vicini, qui tractum maritimum inter Alexandriam & Cyrenas porrectum occupabant. Paulo aliter Diodorus, sed tamen ad hæc magis accedit, quàm ad Curtianam Geographiam: Περιπαῖσι καὶ τὴν μεσημέριαν καὶ δύον Αἰθιοπίας, καὶ τὴν ἀπὸ τῶν Λιβύων νοτιοδυτικῶν ἔθνη, καὶ πρὸς τὴν μεσημέριαν ἀντικαθίστανται τὸ ὄψι Νασαμώνων ὀνομαζόμενον ἔθνος: Circum habitant ad meridiem & occasum Æthiopes; ad septentrionem Libyæ gens erratica, ad mediterraneum vero tractum porrecta gens quæ dicitur Nasamonum. Postrema verba minus accurata sunt, nam mediterraneus tractus & meridianus idem sunt, & Nasamones potius ad occasum erant collocandi; ne jam dicam à Diodoro omisso orientales Hammonis accolæ.

10. Non peritius describit Curtius iter Alexandri ex Assyria Babylonem versus, decursumque Tigris & Euphratis. Postquam narravit Arbela ab Alexandro capta fuisse, docet hinc profectum exercitum rectà Babylonem duxisse, ejusque itineris descriptionem ita orditur: * Euntribus à parte leva, Arabia odorum fertilitate nobilis regio campestre iter est. Manifestum est Curtium designare Arabiam Euphrati proximam, quam perperam existimat esse odoriferam illam, seu quæ Felix dici solet; cum sit Arabia deserta. Deinde falso à leva euntribus, ex Assyria, nempe, Babylonem, Arabiam collocat; cum sit Arabia deserta ad dextram, procul verò ad meridiem aromatifera.

11. De Tigri & Euphrate, paulò post ita loquitur: Ἰππῆες ex Armenia montibus profluunt, ac magno deinde aquarum divortio iter, quod cepere, percurrunt——Idem, cum Media & Gordianorum terras secare cæperunt, pullatim in arctius cœunt, &c. Potest hoc dici de Gordiæorum solo, at de Media dici non potest; quàm non modo Euphrates nequaquam attingit, sed ne Tigris quidem, qui magis ad Orientem fluit, quàm Euphrates. Alluit Tigris occidentales partes Assyriæ, sed aliquot dierum itinere, à Medorum finibus, abest. Scio Diodorum Siculum, Lib. II. dicere hos fluvios † ἐν ἑξέθλῳ διὰ Μεδίας καὶ Παρτακηνῆς ἐμβάλλειν εἰς τὴν Μεσοποταμίαν: Delatos per Mediam & Paratacenem, incidere

* Lib. V. C. I, II.

† Pag. 99. Ed. Rhodom.

in Mesopotamiam. Sed non minùs errat, omniùmque Geographorum veterum & recentiorum auctoritate facilè potest confutari. *Paratacenen* septentrionalem tractum Persidis vocat *Ptolemaeus*, quò usque porrectum fuisse Tigrim nemo somniavit.

12. Ut decursum duorum nobilissimorum fluviorum multò ampliorem facit *Curtius*, quàm est : sic & tractus terrarum nimium quandoque amplificat, ut cùm de Bactriana ita loquitur ; * *Inflabat impios animos regio cui praeerant, armis, virisque & spatio locorum nulli earum gentium secunda ; tertiam partem Asia tenet.* Quod nemo Geographorum somniando cogitavit ; nemo, pràter nostrum, scripsit.

13. Sed longè maximus error *Curtii* in eo situs est, quòd *Pontum Euxinum* subinde miscet cum mari *Caspio*, & *Caucasum* cum *Parapaniso* vel *Parapamiso* ; ex quo errore factum est, ut situm vicinorum omnium locorum confuderit. Scio eum à Gràcis nonnullis Scriptoribus, qui haud aliter errant, deceptum fuisse ; sed nisi imperitus Geographiæ fuisset, numquam sibi tam turpiter imponi esset passus. Certè *Eratostrhenes* Cyrenæus hunc eorum, qui res gestas Alexandri scripserant, errorem dudum rectè animadverterat ; cui mirum est *Arrianum*, iudicii ceteroqui subacti Historicum, veritum esse adsentiri, cùm res esset manifesta. Dicebat *Eratostrhenes*, Macedonas, ut æquarent Alexandrum Baccho & Herculi, finxisse eum loca victoriis emensum esse, quæ illi adierant ; † † ἡ Καύκασον τὸ ὄρεθ' ἐκ τῆς Πόντου εἰς τὰ περὶ τὴν μέσην τῆς ἡγῆς καὶ τὴν Παρπαμισσίδων χῶρον, ὡς ὅτι Ἰνδοὺς μετὰ τὸν λόγον τὸς Μακεδόνας, Παρπαμισσον οὐκ αὐτὸς καλοῦντας Καύκασον, ἀλλ' Ἀλεξάνδρου ἐνεκα δόξης, ὡς ἴσμεν ἡ Καύκασον ἀπὸ ἐλθόντα Ἀλεξάνδρου : *Caucasum* verò montem ex Ponto ad orientales terra partes & *Parapamisadum* regionem, ad Indos, nimirum, Macedonas suis sermonibus transferre, & *Parapamisum* montem *Caucasum* vocare, in Alexandri gloriam, ut pote qui *Caucasum* superavit. Similia animadvertit *Sirabo*, Geographiæ Lib. XI. p. 348. Ed. Genevensis Casaubonianæ.

14. Ex hoc uno errore multi, ut dixi, profluxerunt, quasi ex illo fonte scaturientes, qui passim apud *Curtium*, attendentibus occurrent. Aliquot tantum exempla proferemus, ex quibus facilè de ceteris iudicium feretur. Ideo Darius, in alteris ad Alexandrum || litteris, rhetorico summo, non regiâ gravitate, refertis inducitur dicens *transseundum esse*

* Lib. V. c. X. 3.

† Apud *Arrianum* Lib. V. p. 102. Ed. Henri Stephani.

|| Lib. VI. c. I. 4.

Alexandro Euphratem, Tigrim & Araxem, quasi Araxes esset remotior ad orientem, quàm Tigris; cum sit Armeniæ fluvius, in mare Caspium ab occasu influens, ad meridiem Caucaſi. Paullo poſt, idem Darius, ex Perſarum Rege in declamatorem Aſiam ignorantem ſubito mutatus, quærit ab Alexandro, quando aditurus ſit *Sogdianos & Arachosios, nomine tantum notos, ceterasque gentes ad Caucaſum & Tanaïm pertinentes*; cum Darius non multo minus abeſſet à Caucaſo & Tanaï, quàm Alexander. Sed quia notum erat Tanaïm eſſe ultra Caucaſum ad Septentrionem, tranſlato hoc monte ad Bactrianæ fines, fuit etiam illuc, invitâ naturâ, derivandus Tanaïs. Indidem † *Cerceta, Moſyni & Chalybes*, populi ad ortum Ponti Euxini, meridiemque Caucaſi ſiti, à *leva ſunt Hyrcanis*; ab *altera parte Leucoſyri*, hoc eſt, Cappadoces. Hinc inter probabiles opinionum reſertur eorum ſententia, qui in Caspium mare || *Maotin paludem cadere putant*. Vice verſâ fluvios & tractus Aſiæ minoris, ad meridiem Ponti Euxini ſitos, tranſfert in ſuperiorem Aſiam, meridianasque Caspio mari plagas. § *Hyrcania*, inquit, *ſinitima gens Amazonum, circa Thermodoonta amnem, Themiscyra incolentium campos*. Quem fluvium, quàmque urbem Cappadociæ eſſe nemo nescit. Tum quaſi hæc regio & Colchis eadem eſſet, ſubdit: *Reginam habebant Thaleſtrum omnibus inter Caucaſum montem & Phasim amnem imperitantem*; quo tamen in loco, verum Caucaſo ſitum ſervat. Alibi, ſimili errore, dicit ** *Arachosiorum regionem ad Ponticum mare pertinere*.

15. Non multo poſt, poſtquàm deſcripſit Parapamiſadarum gentem, haud aliter ac Laponiam hodie deſcribunt, ut iam antea diximus, ait †† inde agmen proceſſiſſe ad *Caucaſum*; cuius dorſum, inquit, *Aſiam perpetuo jugo dividit*. Hinc ſimul mare, quod Ciliciam ſubit, illinc Caspium fretum, & amnem Araxem aliâque regionis Scythicæ deſerta ſpectat. Manifeſtò miſcet Caucaſum, cum monte Tauro, ut inſpectæ quævis tabulæ docebunt; ſed *Araxis* fluvii hic ſuo loco meminit, cum alibi de eo loquatur, quaſi ultra Tigrim eſſet. Poſtea tamen diſtinguit: *Taurus*, inquit, *ſecundæ magnitudinis mons committitur Caucaſo, à Cappadocia ſe attollens Ciliciam præterit, Armeniæque montibus jungitur*. In ſequentibus, miro errore, Caspium mare ab *Hyrcano* diſtinguit.

† Lib. VI. C. IV, 17.

|| Ibid. 18.

§ Cap. V. 24.

** Lib. VII. C. III, 4.

†† Ibidem 19.

III *Asia*, inquit, *omnia ferè flumina, alia in Rubrum, alia in Caspium mare, alia in Hyrcanum & Ponticum decidunt.* Mox * à Pontico mari, quasi Bactrianæ vicino, ventos in eam regionem spirare ait, & quidquid fabuli in campis jacet convertere.

16. Superato *Oxo*, quem ab ortu in Caspium mare incidere notum est, Alexander procedit ad *Tanaïm* amnem, quasi nullus esset proprius fluvius. Néve dubitare possimus propriè dictum *Tanaïm* intelligi, narrat noster ab Alexandro missum Penidam quemdam ex amicis, ad eos *Scythas* qui Europam incolunt, denuntiaturum ne *Tanaïm* amnem regionis, injussu regis, transirent. † Ex tota narratione, liquet *Curtium* existimasse *Tanaï* Bactrianam à *Scythia* separari; adeoque ingens illud spatium, quod à palude *Mæotide* ad *Iaxartum* fluvium, Caspio mari influentem ab ortu, porrigitur, pro nullo habuisse; quo errore, major nullus admitti poterat; nec plures quæremus. Excusare fortè quis tentet *Curtium*, exemplo Græcorum, quos sequutus erat; quod elevat quidem culpam, sed non tollit, nam non est Historici describere quæcumque ab aliis ante se scripta sunt, sine examine. *Arrianus* saltem sub finem Lib. III. significat postquam nomen *Tanaïs* adhibuisset, alium esse *Tanaïm* ab eo, qui aquas in *Mæotin* paludem evolvit. Præterea ex allatis, manifestò liquet *Curtio* nullam planè fuisse cognitionem sitûs horum locorum, atque ab illo vera falsis perpetuo ferè mista fuisse. Fuerunt etiam qui emendationibus, aut potius violentis depravationibus, tentarint *Curtium* cum veriore Geographia in concordiam redigere; quasi quisquam de ejus, hac in parte, imperitia dubitare possit, aut liceat tot loca, invitis omnibus Manuscriptis, emendare! Certè si hoc liceret, passim legeremus apud Veteres, Criticorum operâ, non quæ illi scripserant, sed quæ scribere debuerant, aut quæ debuissent viderentur hodiernis Criticis.

III *Ibidem* 21.

* Cap. IV, 27. ubi iter facientibus per Bactrianam aptat quæ de Libya dicuntur.

† Capp. V, VI, VII, & VIII.

CAPUT III.

A Q. Curtio male eligi, quæ sequatur, & fabulas subinde describi.

1. **CONQUERITUR** alicubi *Arrianus*, ἐν τῷ πέντῳ πρὸς εἰς ἀρήρσιν καὶ ξυγγραμμένους ἐν τῷ τότε Ἀλεξάνδρῳ, ὅπου τὸ γινώσκον τε καὶ λαθόντων σφᾶς ὅπως διατρέχθῃ, ξυμφανὰ ἀναγεῖναι: *Ne quidem fide dignissimos, ad narrationem quod attinet, & qui tunc Alexandri comites fuerunt de rebus notis, neque ipsis, quomodo sint gesta, latentibus convenientia scrip- sisse. Quod, ex Aristobuli & Ptolemai historiis prolato ex- emplo, probat. Nec quisquam est, qui tempus aliquod in legendis Historiis posuerit, cui plura similia non concurre- rint.*

2. Sunt autem duo genera hominum, qui ex antiquis mo- numentis Historias contexere, seu, ut loquitur initio Historiæ *Herodianus*, παλαι γεγονότων μνήμην ἀνανεώσασθαι, olim gestorum memoriam renovare aggrediuntur. Alii, quantum licet, ve- ritatem expiscari conantur, & diligenter omnia expendunt, ut verisimillimam sequantur narrationem, cum non licet res exploratas proferre. Alii verò de veritate non multum la- borantes ea eligunt, quæ maximè mirabilia videntur; quia facilius exornari possunt, & grandiori orationi materiam suppeditant. Hi ut egregiè idem Historicus, παιδείας καὶ αἰδῶν μνημένοι, ὅπως μὴ σιωπήσαντες λάθοιεν εἰς τὸ πολὺν ὁμιλον ἀεθ- μέμενοι, τὸ ἰδίῳ ἀληθείας ἐν ταῖς ἀφήγησιν ὀλιγοῖσθαι, ἐχ' ἥκιστα ὃ ἐπιμελήθησαν φρασίᾳ τε καὶ δεινίας. διαφύοντες ὡς εἰ πᾶσι καὶ μυ- θώδεις λέγοιεν, τὸ μὲν ἰδίῳ τὸ ἀκρεάτως αὐτὴν κατέπρωσιν, τὸ δ' ἀκρε- εῖς τὸ ἐξέλεσθαι ἐκ ἐλεγχθῆσαι: hoc est, interprete *Ang. Po- litiano*: Dum famam eruditionis affectant, noménque suum conantur ab injuria oblivionis asserere, minùs sanè multam in veri perveſtigatione, quàm in exornanda componendâque ora- tione, industriam posuerunt; rati, scilicet, neque si quid, in rebus a suo sæculo remotissimis, falsè proderetur posse refelli, & se tamen suavitatem narrationis, amplissimum laboris, ingenique sui fructum percepturos.

3. In posteriorum numero fuisse *Q. Curtium* res ipsa osten- dit, etiam me tacente. Pauca dumtaxat exempla proferam, ceteris diligentæ Lectoris, qui rem penitiùs cognoscere ave- bit, relictis. In plerisque præliis, in quibus victores fuere Macedones, numerum hostium occisorum planè incredibilem

profert, præsertim si cum paucitate Macedonum, quos in iis cecidisse narrat, comparetur. In prælio ad Issum commissso, * *caesa sunt Persarum peditum centum millia, decem verò millia interfecta equitum.* Incredibilis per se est ille numerus, nam quamvis Persæ nequaquam essent, fortitudine aut scientiâ militari, æquiparandi cum Macedonibus, attamen non erant planè pecudes. Incredibilior erit, si, ut dicit *Curtius*, *ex parte Alexandri quatuor & quingenti dumtaxat saucii fuere, triginta omnino & duo ex peditibus desiderati, equitum centum quinquaginta interfecti.* Ut hoc esset, oportuisset gladios Persarum fuisse ligneos, nec ulla tela cuspidibus ferreis præfixa; aut Macedonas Vulcaniis armis fuisse tectos, ad quæ accidentia aut impacta mortalium fabrorum arma illico frangerentur; Macedonum verò gladios & tela non modò durissimo chalybe fabrefacta, sed numquam frustra mota, aut coniecta. Nam ipse *Curtius* docet circa Darium memorabilem editam fuisse pugnam, strenuèque certasse cum Oathrem Darii fratrem, tum Satrapas varios; atque in dextro cornu, primum Persas equites superiores fuisse. Erant præterea triginta millia Græcorum, qui haud sane fugientibus similes exarserunt. Quis credat Persis & Græcis non fictè, saltem per breve tempus, pugnantibus, occisos dumtaxat ducentos Macedonas? Fateor ab aliis Historicis non multò minorem numerum Persarum cæsum, nec maiorem mortuorum Macedonum proditum esse; sed erat accuratioris Historici non facillè iis credere, aut si nihil verisimilius occurreret, obiter significare sibi videri non ex verò numerum illum cæsum scriptum esse. Certè † *Arrianus* ait quidem Persarum cæsas fuisse decem myriadas, inter quas myriada equitum recenset; sed eorum qui perierunt è Macedonibus numerum non init, sine dubio quia eum pudebat stultitiæ eorum, qui ducentos aut trecentos dumtaxat Macedonas cecidisse scripserant.

4. In altero prælio, quo Alexander Darium prorsus debellavit, & in quo acrius multò pugnasse dicuntur Persæ, ‖ *cecidere*, ut ait *Curtius*, *Persarum, quorum numerum definire potuerunt victores, millia XL. Macedonum minùs quam trecenti desiderati.* Hæc quoque sunt incredibilia, quamvis non usque adeò à verisimilitudine abeant ac priora. At dignus est § *Arrianus*, qui irrideatur, cum nullà additâ signifi-

† Lib. III. c. XI, 27.

‡ Sub finem Lib. II.

‖ Lib. IV. c. XVI, 26.

§ Lib. III. p. 63.

catione iudicii sui, dicat narrari triginta myriadas Persarum interuisse, Macedonum verò summum centum. Sed rarius ita peccat, neque ex hoc peccato, de reliqua ejus historia, iudicium ferri debet.

5. Verum *Curtius* non modò in præliis Persarum & Macedonum, talia habet; sed etiam in pugna Macedonum contra Lacedæmonios, quæ narratur initio Lib. VI. Quamvis pars descriptionis ejus prælii interciderit, apparet tamen ex his quæ supersunt, Lacedæmonios diu victoriam dubiam fecisse Macedonibus, ac proinde inultos nequaquam cecidisse. Quinimò Laconum virtutem ut pingeret *Curtius*, rhetoricos omnes colores absumsit; attamen post tam pertinax prælium, cecidere, inquit, *Lacedæmoniorum* V millia & CCCCLX, ex *Macedonibus* haud ampliùs CCC. Nemo hæc tulerit, qui sciverit quæ audaciâ, & pertinaciâ pugnare solerent Lacedæmonii; hoc est, qui non fuerit in Græcorum Historiis planè tiro. *Diodorus* certè Siculus, cum de numero Lacedæmoniorum & sociorum cæcorum consentiat propemodum cum Scriptoribus, quos sequutus est *Curtius*, nam sexaginta duntaxat viros numero allato detrahit; ait cecidisse * ἑπτὰ μίλια ἑκατὸν τεσσαράκοντα, ter mille quingentos. Crederem emendandum hinc *Curtium*, nisi ex multis aliis locis constaret hominem παρὰ τὴν ἱστορίαν studiosè esse sectatum, quæ certè loca emendari omnia nequeunt.

6. Visne scire, quâ lege hoc sibi licere existimarit *Curtius*? Audi *Ciceronem* ingenium & consuetudinem Rhetorum, qui Historias scriptitabant, pulcherrimè describentem: † *Concessum est*, inquit, *Rhetoribus* clementi in Historiis, ut aliquid dicere possint argutius; § ut enim tu nunc de Coriolano, sic Clitarchus, sic Stratocles de Themistocle finxit. Nam quem *Thucydides*, qui Atheniensis erat & summo loco natus, summusque vir & paullo ætate posterior, tantum mortuum scripsit, & in Attica clam humatum; addidit fuisse suspicionem veneno sibi conscivisse mortem; hunc isti ajunt, cum taurum immolavisset, excepsisse sanguinem paterâ, & eo potu mortuum concidisse. Hanc enim mortem Rhetoricè & Tragicè ornare potuerunt; illa mors vulgaris nullam materiem præbebat ad ornatum.

7. Non alia de causa, *Curtius* fabulas, quas in antiquioribus Scriptoribus inveniebat, & quas veri agnans Historicus

* Lib. XVII. p. 357.

† In Bruto, num. 42, 43.

§ Loquitur Atticus, respicitque ad id quod Cicero dixerat de morte Coriolani.

aut prætermisisset, aut commemoratas arguisset mendacii, avidè arripuit, & pro veris magnificâ oratione descripsit. Ejusmodi est fabula, quâ Thalestris Amazonum Regina dicitur ad Alexandrum ivisse, prolis suscipiendæ causâ, quam fabulam seriò narrat *Curtius* *: *Erat, inquit, Hyrcania finitima gens Amazonum, circa Thermodoonta amnem, Themiscyra campos incolentium. Reginam habebant Thalestrim, omnibus inter Caucasum montem, & Phasim amnem imperitantem. Peccata hic sunt, ut antea ostendimus, immania in Geographiam, eoque absurdiora, quòd ipsum iter Alexandri, ut à Curtio narratur, eum in rectam viam revocare debuerat, adeoque docere inane esse quod de Amazonibus jactabatur: nam si Phasis & Caucasus ad ortum Hyrcaniæ fuissent, & interjectus tractus paruisset Thalestri; Alexandrum, in Bactrianos & Sogdianos euntem, necesse erat per ejus fines transire, & ab ea auxiliare copias exposcere, ut vicinis ejus bellum inferret; quod tamen factum non esse liquet, ex ipsius Curtii narratione, in qua nulla Amazonum postea mentio.*

8. Pergit tamen *Curtius*, his verbis: *Hac, cupidine visendi regis accensa, finibus regni sui excessit (in Hyrcaniam itura, illic enim erat tunc Alexander) & cum haud procul abesset præmisit indicantes venisse Reginam, adveniendi ejus cognoscendique avidam. Protinus factâ potestate veniendi, ceteris jussis subsistere, CCC. feminis comitata processit. Cetera non describam, legent ea qui volent in Curtio. Non ostendam etiam esse fabulam; qui enim illico rem non olfacit naso caret, nec dignus est quem ad rectiorem sententiam revocemus. Fabulæ hujus originem ostendit olim pater meus, *Questionum Academicarum* II. quam, si videatur, adito.*

9. Fabulosa etiam sunt, quæ de perturbatione & metu Macedonum tumidè narrantur, † cum primum æstum Oceani vidissent; nam res erat Græcis jam dudum nota, ut ex *Herodoto* aliisque Scriptoribus, qui ante Alexandrum vixerunt, liquet. Præterea à Persis, qui ad Oceanum usque incolebant, erantque in exercitu Alexandri, poterant moneri Macedones. Huc etiam accedit quòd æstus in mari Indico exiguus sit, nec tantos tumultus creare possit. Facile quidem crediderim reciprocum Oceani æstum Macedonibus admirationi fuisse, sed tantas turbas creasse, quantas describit *Curtius*, quæ jam dixi me non patiuntur credere. At si rem ex vero narrasset, inutilis fuisset omnis ille rhetoricus fucus, quo eam incrustavit; & bella occasio prætermissa ostentandi, in

* *Lib. VI. c. 5.*

† *Lib. IX. c. 9.*

descriptione inanis metûs, ingenii. Nemo etiam legisset pisces, mari destitutos, per siccum solum ambulantes. *Bellua quoque, inquit noster, fluctibus destituta terribiles vagabantur.*

10. Non verius est quod habet, ad calcem totius operis, de cadavere Alexandri: *Septimus, inquit, dies erat, ex quo corpus regis jacebat in solio-----Et non aliis, quàm Mesopotamia regione, fervidior aestus existit, adeò ut pleraque animalia, quæ in nudo solo deprehendit, exstinguat; tantus est vapor solis & cæli, quo cuncta velut igne torrentur.-----Ut tandem curare corpus exanimum amicis vacavit; nullâ tæbe, ne minimo quidem livore, corruptum videre qui intraverant. Vigor quoque, qui constat ex spiritu, non destituerat vulnium.* Mendacia hæc sũnt adulatorum Alexandri etiam mortui, aut declamatorum figmenta; ut omnia in Alexandro inusitata viderentur, útque mors ejus Tragicè ac Rhetoricè ornari posset. Liquet hoc ex collatione aliorum Historicorum, quam suppedabit *Joan. Freinshemius*. Addendum his silentium *Arriani*, qui in hisce accuratissimus est.

11. At hoc *Curtius*, inquit, habuit ex aliis, quos etiam laudat *Plutarchus*. Non diffiteor, neque hoc etiam reprehendo, quòd scripserit id quod ab aliis proditum reperiebat; verùm hic additum oportuit quod alia de re dicit *Arrianus*: * Ταῦτα ἐμοὶ, ὡς μὲν ἀγνοῶν δόξαμι μᾶλλον ὀπιζόμενά ἐστιν, ἢ ὡς πρὸς ἐς ἀπίσθησιν, ἀναγκάζεσθαι: *Quæ quidem à me, potiùs ne videar ignorare dicta esse, quàm ut fide & narratu digna, scripta sunt.* Non dissimulandum tamen *Curtium* alicubi significasse se non omnia credidisse, quæ scriberet; verùm frequentius hoc dictum oportuit, quemadmodum ab *Arriano* prudenter factum est; iisque potissimùm locis, quæ attulimus, subjici debebat monitum illud, quod alibi legitur: † *Plura transcribo quàm credo; nam nec affirmare sustineo de quibus dubito, nec subducere quæ accepi.* Quod si factum esset à nostro, ejus diligentiam laudaremus, nec fidem ac judicium requireremus.

* Lib. VII. sub finem.

† Lib. IV. c. I, 34.

CAPUT IV.

A Q. Curtio nonnulla malè descripta esse, alia repugnantia prodita.

1. IN descriptione falcatorum currum, quibus utebantur Persæ, hæc habentur : *Ex summo temone hasta præfixa ferro eminebant ; utrimque à jugo ternos direxerant gladios ; quæ facile possunt intelligi, sed sequuntur verba difficillima, nisi à proprietate vocum multum recedamus, intelligamurque non tam quod dixit, quam quod dicere voluit Curtius : Et inter radios rotarum plura spicula eminebant in adversum ; alie deinde falsis summis rotarum orbibus hærebant, & alia in terram demissa, quidquid obvium, concitatis equis, fuisset amputatura.*

2. Inter radios, si propriè loquamur, nihil potest eminere, quod motum currus non sufflaminet. Præterea quid sibi vult, *in adversum* ? An poterant eminere spicula, nec tamen *in adversum* esse directæ ? Deinde quid sunt *summi rotarum orbis* ? Estne summa pars apsidis, vel canthi ? Sic videtur. Sed in rotæ cantho, neque summa pars est, neque infima, dum rota movetur ; quia vicibus, omnes canthi partes sunt summæ & infimæ. Sic tamen intellexit rem Curtius, ut sequentia ostendunt : & *alia in terram demissa*. Sed quomodo ex cantho rotæ potuerunt demitti falces in terram, quæ ejus motum non impedirent ? Igitur verè judicavit * Joam. Schefferus, hanc descriptionem esse impeditissimam ; qui rectè etiam ostendit neque Godesc. Stevechium, neque Matth. Raderum potuisse pingere currus, ex descriptione Curtii.

3. Sed omnino videtur descriptionem currus falcati, ad posteriorem partem quod attinet, non satis intellexisse Curtius, undecumque eam sumserit. Oportuit dicere non *inter radios emisse spicula*, sed ex cantho, seu apside rotæ ; deinde ex summo axe geminas emissas falces, unam directam juxta longitudinem axis, aliam ex axe transversum ad terram demissam. Falces & spicula è rotis vel axe eminentia, & falsæ deorsum ex axe demissa, non modo erant ad secanda, laceranda quæcunque obvia quæcumque starent ; sed etiam ad eos, qui in tumultu, currum impressione creato, hinc atque in-

* De Re Vehiculari Lib. II. c. 15.

de non procul cecidisse poterant, etiam jacentes abscindendos.

4. Ut appareat hanc fuisse falcatorum curruum formam, aut similem, duorum scriptorum, Latini alterius, alterius Græci verbis eos describemus. Sic ergo de iis loquitur Livius, Lib. XXXVII. c. 41. *Falcata quadriga-----armata in hunc maximè modum erant. Cuspides circa temonem, ab jugo, decem cubita exstantes velut cornua habebant, quibus quidquid obvium daretur transfigerent; & in extremis jugis bina circa eminebant falces, altera aequata jugo, altera inferior in terram devexa; illa ut quidquid ab latere objiceretur absunderet, hæc ut prolapsos, subenantesque contingeret. Pro hisce quatuor falcibus, Curtius habet ternos gladios, minùs quam falces timendos. Cetera ita describit: Item ab axibus rotarum utrimque bina, eodem modo diversa, deligabantur falces. Hoc voluit Curtius, his verbis: alia deinde falces in summis, &c. sed quæ absurda sunt, nisi ex Livio intelligantur. Diodorus verò Siculus, de his ipsis curribus falcatis, ita loquitur * Lib. XVII. Τάτων ἐκάς (ἀρμαλῶ δρεπανοφόρῳ) παρ' ἐκαστοῦ τῷ σινοφόρῳ ἵππων ἐξέκειτο περισπωμένα τῷ ζυγῷ εὐσερ ἀρμυῖαν τευπίδαμα, τὴν ὀπισθερὴν δ' ἀκμῆς πρὸς τὴν χεῖρ περισπωμένην ὀρθάμεναι: Ex singulis enim, juxta equum utrumque funalem, spicula jugo affixa, trium spithamarum longitudine, prominebant, acie in adversam (hostium) faciem converſa. Hæc respondent priori parti descriptionis Curtianæ, sequentia verò posteriori: Πρὸς δ' τοῖς κατανλιστέῃσι δ' ἔξωθεν ἐπ' ἀθροῖας, ἀλλὰ δύο, τὴν ὑπὸ τοῦτον ὁμοίαν ἔχουσαν πρὸς τὴν χεῖρ περισπωμένην ὀρθάμεναι πῶς πρὸς τὴν, τὸ δ' ὑπὸ καὶ μεῖζον καὶ πλατύτερον. συνήρμοστο δ' τοῖς τάτων ἀρχαῖς δρέπανα: In inflexionibus verò axium (hoc est, sub ipso curru, quo loco axes currum sustinent) alia duo spicula hærebant in rectum, quæ eodem modo habebant aciem faciei hostium obversam ac priora, sed longiora & latiora erant. Aptate etiam erant horum initiis falces, hoc est, summis axibus. Crediderim hæc, aut similia, à Curtio non satis intellecta, præbuisse ei descriptionis absurdæ occasionem; qua de re, videndum etiam Joan. Schefferus, qui tamen frustra nititur emendare Curtium, mutato orbibus in apsis. Mihi mirum non est hominem, declamitandi dumtaxat arte instructum, peccasse in ejusmodi descriptione; nec, reclamantibus Codicibus, peritiorum rei militaris facere voluerim.*

5. Ignoscendum Rhetori, si minùs rectè descripserit, falcatas quadrigas, quales numquam viderat; verùm vix venia

dignus est, cum in aliis rebus, per se perspicuis, cespitat, secumque non consentit. Sic describit locum, in quo alterum praelium cum Dario commisit Alexander*: *Opportuna explicandis copiis regio erat, equitabilis & vasta planities; ne stirpes quidem & virgulta operiunt solum, liberque prospectus oculorum, etiam quâ procul recessere, permittitur.* His præmissis, quis crederet subjuñcturum Curtium: Itaque si quâ campi eminebant, iussit aquari, totumque fastigium extendi? Hæc planè contraria sunt superioribus; quæ ut consentirent cum sequentibus, dicendum erat: *Ubique propemodum equitabilis & vasta planities;* deinde subjiendum: *Quâ verò campi eminebant, &c.* Verum postea meminit etiam editi collis, & montium. † *In edito colle, Mazæus cum delectis equitum confederat, sed paullo post ad Darium rediit.* Macedones verò cum ipsum collem, quem deseruerat, occupaverunt; nam & tutior planities erat, & inde acies hostium, quæ in campo explicabatur, conspici poterat. Sed caligo, quam circa humidi effuderant montes, agminum discrimina atque ordinem prohibuit prospici. Hæc contraria sunt, nam collis & montes impediunt prospectum. Attamen similia pænè habet Arrianus Lib. III. ubi campos, in quibus pugnatum est, describit.

6. Cum ad Hypasim fluvium pervenisset Alexander, || dubitabat, an Macedones tot emensi spatia terrarum, in acie & in castris senes facti, sequuturi essent; quæ si intelligantur de bellis ab Alexandro gestis absurda sunt, cum à paucis annis regnaret, & à paucioribus bellum Dario intulisset. Nec ignorabat hoc Curtius, qui infra Alexandrum ita loquentem inducit: § *Victor utriusque regionis, post nonum regni mei, post vigesimum atque octavum ætatis annum, videlicet vobis in excolenda gloria, cui me uni devovi, posse cessare?* At consenserant, inquit, in bellis à Philippo gestis, quæ sunt conjungenda cum expeditione hac Alexandri. Verum hoc frustra commemoratur, quia Alexandro imputare non poterant stipendia, quæ sub Philippo meruerant.

7. Attamen, ne quid dissimulem, quod ad defensionem Curtii faciat, vox senex quandoque hominem non provec-tæ admodum ætatis significat, ut colligere est ex verbis Livii, ubi ita veteranum Imperatorem Annibalem loquentem inducit **: *Quod ad me attinet, jam ætas senem in patriam revertentem, unde puer profectus sum, jam secunda, jam adverse res, ita erudierunt, ut rationem sequi, quàm fortunam malim.*

* Lib. IV. C. IX, 10.

|| Lib. IX. C. II, 10.

† Lib. XXX. c. 30.

† Cap. XII. 19. & seqq.

§ C. VI, 21.

Verum postea idem Annibal, apud Carthagenienses, * *novem*, inquit, *annorum à vobis profectus, post trigessimum sextum annum redii*. Erat ergo annorum quadraginta quinque, quæ vix dicatur *senilis* ætas, si eâ voce id significemus quod vulgò *νῆας* vocant Græci; at opposita pueritiæ, aut adolescentiæ, eo nomine appellari queat. Sic & in exercitu Alexandri, milites, qui ab octo annis signa ejus sequebantur, poterunt dici *senes facti*; si attigerant eandem ætatem, quâ Annibal senem se vocabat; imo verius senes dici poterant, si quinquagesimo anno nomen militiæ dedissent.

8. Cœnus in oratione, quam pro toto exercitu habet, ita loquitur: *Jam tela hebetia sunt, jam arma deficiunt*———
† *quoto cuique lorica est? Quis equum habet?* Quæ non sunt hyperbolæ, sed mendacia Historiæ contraria; quæ docet non semel pugnasse postea Alexandri exercitum, quod fieri non potuit sine armis. Præterea si allata ex Macedonia deerant, potuerant alia in Asia comparari, nec dux non improvidus inermes milites esse passus esset. Itaque Curtius hæc verba Cœno tribuere non potuit, nisi secum ipse pugnaret, quam in rem tumido stylo videtur abreptus fuisse.

CAPUT V.

A Q. Curtio inutilia quandoque narrari, necessaria vero omitti.

1. CUM infinitæ fuerint circumstantiæ, innumerique eventus, in rebus ab Alexandro gestis, omnia hæc narrari nequeunt; non modò quia pleraque Historicis latent, sed etiam quia delectus est habendus, circumcisisque inutilibus, necessaria dumtaxat seriei Historiæ sunt narranda. In jejuno argumento, & quod nisi acceritis ornamentis adaugeretur, nudum nimis & exile videretur, possit fortean ferri descriptiones rerum vulgarium; sed in copiosa materia, prorsus sunt intolerandæ. Attamen iis, si alius quisquam, abundat Q. Curtius, quod paucis nobis demonstrandum est.

2. Quid est frequentius & notius fluviiis? Attamen crebræ sunt eorum descriptiones, non ut singulares eorum naturas edoceatur Lector, aut quod memorabile quidpiam ad eorum ripas sit gestum, quo fiat ut fluvii sint paucis Historico

* Cap. XXXVII.

† Lib. IX. C. III, 10, 11.

describendi; sed ut Scriptoris ingenium, in ejusmodi descriptionibus, admiremur. Sic pingit Marsyam Phrygiæ amnem: *Mediam, illâ tempestate, interfluebat Marsyas amnis, fabulosis Græcorum carminibus inclutus. Fons ejus ex summo montis cacumine excurrrens in subjectam petram, magno strepitu aquarum, cadit. Inde diffusus circumjectos rigat campos, liquidus & suas dumtaxat undas trahens. Itaque color ejus, placido mari similis, locum Poëtarum mendacio fecit; quippe traditum est Nymphas, amore amnis retentas, in illa rupe considerare. Ceterum quamdiu intra muros fluit, nomen suum retinet, at cum extra munimenta se evolvit, majore vi ac mole agentem undas Lycum appellant. Si quam difficultatem creasset ille fluvius Alexandro, aut singulare quidpiam ad eum contigisset, ferri posset illa descriptio, quamquam operosior. Sed ut intelligas quam inutilis sit, eam legendo omittito; & videbis, eâ prætermittâ, narrationi nihil deesse. Non ægrè fero describi à Curtio * Cydnum amnem, qui mediam Tarson interfluebat, quòd in eo Alexander se abluere voluerit, & cum in eum cadidum adhuc corpus conjecisset, in gravissimum morbum inciderit. Non invitus, inquam, lego Cydnum non spatio aquarum, sed liquore memorabilem; quippe leni tractu è fontibus labentem puro solo excipi; nec torrentes incurrere, qui placide manantis alveum turbent. Itaque incorruptum, eundemque frigidissimum, quippe multâ riparum amenitate inumbratum, ubique fontibus suis similem in mare evadere. Hæc enim Alexandrum invitare potuerunt, ut in eo se se ablueret, ideoque non sunt prorsus inutilia.*

3. At nihil intererat describi Pasitigrin, ut ex tota serie Historiæ liquet. Sic tamen describitur; datâ enim operâ, verba Curtii afferro, ut ex tædio legendi descriptiones fluviorum intelligat Lector, quàm pænè putidè se se eos describendi arte venditet. † Rex, inquit, quartis castris pervenit ad fluvium; Pasitigrin incolæ vocant; oritur in montibus Oxiorum, & per quinquaginta stadia, sylvestribus ripis, præceps inter saxa devolvitur. Accipiunt deinde eum campi quos clementiore alveo præterit, jam navium patiens. Sexcenta stadia sunt mollioris soli, per quod leni tractu aquarum Persico mari se insinuat. Quid vero contigit Alexandro, ad hunc fluvium? Nihil, nisi quòd illum trajecit.

4. Inferius, || non majore necessitate adactus, describit iterum nescio quos § Persidis fluvios, quos Araxem & Medum

* Lib. III. C. IV, 8.

† Lib. V. C. III, 1.

|| Lib. V. C. IV, 7.

§ Cavendum ne Armenia fluvios dici putemus, manifestò enim Curtius agit de Perside.

vocat. *Araxes annis*, inquit, per hos campos multorum a-
 quas torrentium evoluit in *Medum*. *Medus à mari & ad*
meridiem versus, minor annis eo quem accepit, evehitur; *gig-*
nendaeque herba non alius est aptior, quidquid alluit floribus
 vestiens. *Platani quoque & populi contegunt ripas*, ita ut pro-
 cul visentibus continuata videantur montibus nemora riparum;
 quippe obumbratus annis presso in solum dilabitur alveo, immi-
 nentque colles ipsi quoque frondibus lati, radices eorum humore
 subeunte. Non notabo hinc Geographica peccata, quæ im-
 mania sunt, nam fluvios Armenia transfert in Persidem, &
 decursum eorum absurdè describit. Sat multa exempla ejus
 imperitiæ, in rebus Geographicis, antea attulimus. Luxu-
 riantem tantum Rhetoris stylum, & fluviorum inutilibus
 descriptionibus nimis gaudentis, Lectori expendendum of-
 fero.

5. Fortasse condonandum magis est quod de Zioberi Hyr-
 cania flumine narrat, quia singulare quidpiam est in ejus de-
 cursu, quod Alexander experientiâ cognoscere voluit. Ve-
 rum hoc solum dicendum erat, non alia, quæ ad rem nihil
 faciebant. Sic verò loquitur*: *Nemus præaltis densisque at-*
toribus umbrosum est, pingue vallis solum rigantibus aquis, quæ
 ex petris imminuentibus manant. Ex ipsis radicibus montium
 Zioberis annis effunditur, qui tria fere stadia in longitudinem
 universus fluit; deinde saxo, quod alveolum interpellat, re-
 percussus, duo itinera veluti dispensatis aquis aperit. Inde
 torrens & saxorum, per quæ incurrit, asperitate violentior,
 terram præceps subit. Per CCC stadia conditus labitur, rur-
 susque velut ex alio fonte conceptus editur, & novum alveum
 intendit; priore sui parte spatiosior, quippe in latitudinem
 XIII. stadiorum diffunditur, rursusque angustioribus coercitus
 ripis, iter cogit. Tandem in alterum annem cadit, cui Rhida-
 go nomen est. Incola adfirmabant quæcumque dimissa essent in
 cavernam, quæ proprior est fonti, rursus ubi aliud os annis a-
 perit, exsistere. Itaque Alexander duos taurros, quæ subeunt
 aquæ terram, præcipitari jubet; quorum corpora, ubi rursus
 trumpit, expulsa videre qui missi erant, ut exciperent. Prop-
 ter hoc postremum, fatis erat dicere hunc fluvium post-
 quam terram subiit, iterum exsistere. Reliqua sunt inutilia,
 & Rhetoris, non Historici.

6. Similiter describitur Polytimetus, fluvius Sogdianæ †:
Ingens spatium recta regionis est, per quam annis; *Polytime-*
tum vocant incolæ; fertur torrens. Eum ripa in tenuem alve-

* Lib. VI. c. IV. 4.

† Lib. VII. c. X. 2.

um cogunt; deinde caverna accipit, & sub terram rapit. *Cursus absconditi indicium est aquæ meantis sonus; cum ipsum solum, sub quo tantus amnis fluit, ne modico quidem resudet humore.* Possem hisce addere descriptionem fluviorum † *Indiæ*, sed me jam tædet laboris, in exscribendis inanibus hisce *Episodiis*; & Lectorem cordatiorem plura legere pingeret.

7. Si conferatur *Curtius* paullo diligentius, cum aliis Scrip- toribus rerum ab *Alexandro* gestarum, & præsertim cum *Arriano*, multæ circumstantiæ occurrent, à nostro omissæ, quæ non parum faciunt ad *Historiæ* seriem, resque quæ nar- rantur probè intelligendas. Plurimas certè memini me ani- madvertere, ex quibus unam, sed singularem, in medium af- feram. Cum legerem prælii ad *Issum* descriptionem, apud *Curtium*, nondum inspecto *Arriano*, planè mihi ex ignorantia *Geographiæ* errare videbatur, quemadmodum sæpe alibi; quòd circumstantiam necessariam omiserit. Ait * *eadem nocte & Alexandrum, ad fauces quibus Syria aditur; & Dari- um, ad eum locum, quem Amanicas Pylas vocant, pervenisse.* Veniebat *Darius* ab *Euphrate*, *Alexander* verò ab urbe *Tar- so*. || Itaque videbatur *Alexandri* quidem dextrum cornu ad mare *Cilicium* fuisse, lævum ad montes; contrà verò *Darii* dextrum cornu debuisset ad montes spectare, sinistrum ad mare. Attamen *Curtius* § à mari dextrum *Darii* cornu tec- tum ait, ** lævum verò *Alexandri* ad mare pertinuisse. Hæc concoquere non poteram, nec certè ex narratione *Curtii* in- telligi possunt. At conjectis oculis in *Arrianum*, tota res patuit. Narrat *Alexandrum*, cum audisset in *Syria* ad *So- chos* esse *Darium*, Mallo ad *Pylas* ivisse, earumque angustias superasse, & ad *Maryandrum* urbem castra posuisse; *Dari- um* verò, qui nesciebat ab *Alexandro* *Amanicas Pylas* esse superatas, eas transiisse ut in *Cilicia* niret, & *Isson* occupasse. Itaque ut prælium iniretur, oportebat *Alexandrum* quidem ex *Syria* in *Ciliciam* redire; contrà verò *Darium* convertere agmen, ut *Alexandro* occurreret. * Γερσαλὼν, ait. *Arriani*, τὸ ὄρος Δαρὶ τοῦ καὶ τὰς πύλας τὰς Ἀμανικὰς καλεῖσθαι, ὅτι ἐπὶ τῶν περὶ αὐτῆς, καὶ ἐνέβη καὶ πρὸς Ἀλεξάνδρου λαθόν: *Darius* superato monte, qui est juxta *Amanicas* portas, ut vocantur, ad *Issum* duxit; & imprudens erat à tergo *Alexandro*. *Alex.*

† *Lib. VIII. c. IX.*

* *Lib. III. C. VIII, 13.*

|| Ut hæc probè intelligantur, oportet habere *Asiæ Minoris* Tabu- lam præ oculis.

§ *Lib. III. C. VIII, 27.*

** *Ibid. C. IX, 8.*

* *Lib. II. p. 34.*

ander verò, re intellectâ, * περιέμπε ὡς ὅπῃ τὰς πύλας ἤϊ πύλων ἐλίγας πνᾶς καὶ ἤϊ τοξοτῶν, περιέλασσεύοντες τὴν ὁδὸν τὴν ὀπίσω, ὡς ὅπῃ τὰς πύλας. καὶ αὐτὸς δὲ νυκτὶς ἀναλαβὼν τὴν στρατὸν πᾶσαν ἤϊ, ὡς καὶ ἀρκεῖν αὐτὸς τὰς πύλας: *Pramittit ad portas paucos equites & sagittarios, qui viam retro relictam prius specularentur, portas versus. Ipse verò nocte, sumto toto exercitu, procedebat, ut iterum portas occuparet.* His occupatis, Alexander, instructo ad prælium exercitu, dextrum cornu ad montes habebat, sinistrum verò ad mare.

8. Res est clara, sed duo in hac narratione mira sunt, quæ Darius potuerit ignorare Macedonas ad Maryandrum urbem confedissee; (si exploratores rem ignorabant, at non ignorabatur ab incolis eorum locorum, qui videntur in Darii partibus adhuc fuisse, eo tempore) & quæ Alexander Darii exercitum Pylas transiisse ignoraverit, eumque transeuntem non invaserit, cum pars jam transgressa montes alteri auxilium ferre non posset; quæ ratione magnus Darii exercitus facile ex parte, & sine periculo, cædi potuit. Attamen situs cornuum utriusque exercitus, rem ita se habuisse ostendit. Ea autem quod magis mira est, eò minus à Curtio prætermitti debuit; cum præsertim, omisssâ tam insigni circumstantiâ, ejus narratio intelligi non posset.

9. Unâ nocte, & Alexandrum ad fauces, quibus Syria aditur, & Darium ad eum locum, quem Amanicas Pylas vocant, pervenisse dicit. Certè Syriæ portæ, ut docet Strabo Lib. XIV. sunt ultra Maryandrum, Amanicæ verò non procul ab Issò. Sed dicendum omnino erat, factum hoc esse utriusque exercitus errore, qui hostem quærebat ubi non erat; quod certè dignum fuit narratu. Verum, ut quod sentio dicam, credibile est Curtium sequutum Scriptorem, qui hoc omiserat, nec tamen animadvertisse narrationi quidquam deesse. Sequentia hoc persuadent, ubi narrat Macedonas, quos Darius opprefferat in urbe Issò, quæ erat ad occasum Amanicarum Pylarum, & quibus manus amputaverat, ad castra Macedonum penetrasse, Darium quàm maximo cursu posset sequi nuntiantes. Non poterant nuntiare sequi Darium, quem norant Ciliciam ingressum, quo tempore Alexander in Syriam ibat.

10. Interea verissimum est quod dixit Curtius, de situ utriusque cornu exercituum, quamvis difficulter ex ejus sola narratione intelligi queat. Hinc colligendum facillimè posse fieri, præsertim in brevioribus Historiis, ut ii occurrant nō di, qui vix ac ne vix quidem solvi possint; non quod menti-

* Ibid. p. 35.

tus sit Historicus, sed quia circumstantias omisit, sine quibus narrationis series intelligi nequit. Quod verissimum est potest, ejusmodi silentio, falsissimum videri; nisi sit ad manum alius Historicus, qui rem pluribus narrat. Non est ergo facile inculandus Historicus mendacii, quia partes narrationis non satis inter se cohærent; oportet præterea argumenta suppetere, ex quibus res aliter gesta esse intelligatur. Si nulla suppetant, cohibendum judicium, resque in medio relinquenda, donec lux alicunde affulgeat.

11. Possem & aliud omissionis genus, in *Q. Curtio*, ostendere, sed quod ei cum præstantissimis Historicis commune est, quamvis cum accuratæ narrationis legibus non consentiat. Sæpe, nimirum, ex serie orationis animadvertimus, in antecedentibus omissam esse circumstantiam, ex qua quæ postea dicuntur pendent; quæ quidem circumstantia interdum exigui est per se momenti, commemorari tamen suo loco debuit ab Historico, aut omitti quidquid intelligi difficulter potest, nisi præmissa fuerit. Omnia non sunt in Historia dicenda, sed nihil omittendum ab iis, qui accuratorem Historicorum laudem referre volunt, quod narrationi tenebras offundat, si modo id resciri possit. Exempli causa, *Curtius*, ubi descripsit quâ ratione Darius exercitum instruxisset, addit: * *uxorem, matremque Regis & aliarum feminarum gregem in medium agmen acceperant*. Postea describit etiam aciem Macedonicam, tum prælium. Nemo, qui eatenus leget, non credet Darii uxorem & matrem interfuisse prælio. At † ex sequentibus apparet eas in castris interea fuisse, nec scivisse quonam in cornu stetisset Darius. Itaque si vera prior illa circumstantia, oportuisset *Curtium* addidisse, Darii uxorem & matrem vidisse quidem instructam aciem, sed antequam classicum caneretur rediisse in castra. Aut si hanc circumstantiam omittere voluit, & priorem prætermisam oportuit.

12. Alibi, || in descriptione expeditionis, quâ subacta est Bactriana, hæc leguntur: *hinc ad Cræterum, qui Artacacna obsidebat, redit*, &c. Cujus tamen obsidionis inchoatæ nullam mentionem fecit, nam quod est antea: *in eorum obsidione Cratero relicto*, &c. ad aliam obsidionem spectat. Alio in loco §, postquam descripsit Ptolemæum cum omnibus turmis Hydaspis ripis obequantem, quasi vadum quæreret, ut

* *Lib. III. C. IX, 6.*

† *Ibid. C. XI, 24. & seqq.*

|| *Lib. VI. C. VI, 33.*

§ *Lib. VIII, C. XIII, 18,*

manum Pori distineret, dum Alexander fluvium paullo superius trajiciebat, subjicit illico narrationem praelii cum Poro cui praelio interest etiam * Ptolemæus, quamvis eum nusquam dixerit transiisse. At res, inquit, satis intelligitur, neque enim Ptolemæus in acie esse poterat trans Hydaspem, cum toto equitatu, nisi eum transmississet. At mora aliqua ad hoc opus fuit, & res digna erat quæ uno verbo significaretur. Non dicam eam ab *Arriano*, ex *Ptolemao* ipso oculato teste, aliter narrari, nam hoc non agimus.

13. Ejuscemodi omissiones non fert, sine dubio, accurata narratio; sed quia, post alios optimos Scriptores, peccat hac in parte *Curtius*, eis condonemus *Curtii* delicta, ne nimis acrem in præstantissimos viros censuram exercere videamur. Exempla hujusce rei egregius Criticus, *Jacobus Perizonius*, suppeditabit *Animadversionum Historicarum* Cap. IV. Unum nos addemus, quod nobis occurrit nuper aliud agentibus. Est apud *Herodianum*, Lib. II. C. IV, 1. ubi ita elegantissimus Scriptor de Pertinace: ἐπεὶ δὲ διεδοκίμων ἡ φήμη ὅτι τε λεχθέντων καὶ αὐτῶ ἐν τῇ συγχλήσῃ, καὶ ἔτι πρὸς δῆμον γεγενησάντων ἀποφύργο πάντες: postea vero quam fama vulgavit, qua ille vel in Senatu dixisset, vel ad populum scripsisset, omnes letabantur. At nulla ante mentio ullius Edicti, quo populum compellasset Pertinax.

14. Animadverterunt etiam viri docti, ex collatione Historiæ Curtianæ, cum *Arriano*, aliisque Scriptoribus, qui omnes res gestas Alexandri litteris mandarunt, aut obiter attigerunt, "† *Curtium* in postremis Libris valde properare; quædam magna negotia omnino prætermittere, alia leviter attingere. Quo factum putant, ut expeditionem in alterum Porum, illius magni nepotem, cujus præter "*Arrianum* etiam *Strabo* meminit, verbo tantum signarit. Cujus rei & alia exempla proferri possent, nisi nos quoque ad hujus Opusculi finem properaremus.

* C. XIV, 15.

† *Joan. Freinshemius ad Curt. Lib. IX. Cap. I, 8.*

CAPUT VI.

Q. Curtius perperam fabularum Græcarum documenta apud Indos quærit, Asiæque remotissimis annibus nomina Græca imponit.

1. **VITIUM** est Græcis & Romanis Scriptoribus commune, ut Numina sua, & fabulas in Græcia atque in Italia natas, & pænè dixerim mortuas (nam nonnisi à pueris tandem credebantur) quærant inter Barbaros; qui numquam quidquam de iis audiverant, antequàm Græci & Romani eorum regiones adirent. De eo pluribus egimus, hujus *Artis Criticæ* Part. II. Sect. I. C. XIII. Sed hic ostendemus *Curtium* nostrum ejus immunem non fuisse, & temerè etiam sequutum esse Græcos Scriptores, qui nomina habebant non vera, sed in Græcam Linguam detorta fluviorum, & locorum apud Indos, quos constat Græcæ Linguæ ignaros fuisse. Præterea eorundem Græcorum pravam consuetudinem imitatur, qui quandoque nomina propria barbara Græcè interpretantur, & pro nominibus veris, interpretationa sua nobis obtrudunt. Quod perinde est ac si Galli nomina Germanica nunc immutarent in voces Gallicas, nunc interpretarentur, iisque suis interpretationibus Germanicorum nominum loco uterentur. Quis verò ferret historiam Gallicam rerum à *Gustavo Adolpho*, Sueonum Rege, in Germania gestarum eo modo scriptam? Ignoscimus tamen Veteribus, qui similia peccarunt, qui id peccatum virtutibus innumeris pensant; at ita ignoscendum est, ut intelligamus esse grave peccatum; cum sine dubio multi eos legant, qui ne hoc quidem animadvertunt.

2. Alexandro fines Indiæ ingressò occurrunt Indorum reguli, imperata facturi; * *illum tertium Jove genitum ad ipsos pervenisse memorantes; patrem Liberum, atque Herculem famâ cognitos esse, ipsum coram adesse cernique.* Si tale quid ab Indis dictum umquam fuisset, qui primi hancce historiam scripserunt, eos oportuisset nomina barbara edere, quibus utebantur Indi, nam sine dubio Græca non erant; cum Romani, quorum eadem erat Religio ac Græcorum, quæque ex Græcis orti, nec procul ab iis remoti, iisdem nominibus non uterentur; quis enim nescit *Neptunum, Mercurium, Mi-*

* *Lib. VIII. C. X. 1.*

neruam, Venerem, Cererem, Dianam, &c. alia prorsus nomina, apud Græcos, habuisse? Quanto magis Indi alius appellationibus Numina sua, quæcumque tandem essent, vocabant?

3. Si verum dicere licet, hæc ficta à Macedonibus crediderim, qui, ut antea ex *Erathosthene* & *Strabone* observavimus, Herculi & Libero Patri Alexandrum æquare omni ope conabantur. Facetus hic est *Arrianus*, qui cum mendacium olfaceret, non ausus est quod sentiebat profiteri, religione veluti impeditus. Hisce verbis, ille orditur Librum V: *Ἐν δὲ τῇ χώρᾳ ταύτῃ ἦν πῶτα μετὰ τὸ τὴν Κωπῆν & τὴν Ἰνδὸν ποταμὸν ἐπιπλῆθην Ἀλέξανδρον, καὶ Νύσαν πόλιν φησὶν αὐτὸν λέγουσι. τὸ δὲ κλίσμα εἶναι τῷ Διονύσῳ, Διόνυσον δὲ κλίσται πὴν Νύσαν αὐτὸν εἶπεν Ἰνδοὺς ἐχειρώσατο. ὅστις δὲ ἔτ' ὁ Διόνυσος, καὶ ὅποτε ἢ ὅθεν ἐπ' Ἰνδοὺς ἐσεσπένοντο καὶ ἔχον συμβαλεῖν, εἰ ὁ Θηβαῖος Διόνυσος ἢ ὁ Θεῶν, ἢ ὁ Τυμῶλ'ος τῷ Λυδῷ ὁρμηθεὶς ἐπ' Ἰνδοὺς ἦτα σεσπένοντο ἄγων. ποσά τα μὲν ἔθνη μάχματα, καὶ ἄγνωστα πῶς τότε Ἕλλησιν ἐπιπλῆθον, ὅθεν δ' αὐτῶν ἄλλο ὅτι μὴ τὰ Ἰνδῶν βίβ' χειρώσμενον: In hoc tractu, quem inter Cophenem & Indum fluvios situm ingressus est Alexander, Nysam etiam urbem conditam ferunt; & quidem à Baccho, qui eam condiderit, postquam Indos subegerat. Quisnam verò is Bacchus fuerit, & quando, aut unde bellum Indis intulerit, conicere non possum; sit ne is qui Thebanus ex Thebis, an verò ex Tmolò Lydia profectus in Indos exercitum duxerit, qui cum tot bellicosas, & Græcis tunc temporis ignotas Gentes adierit, nullam ex his præterquam Indorum vi subegerit. At hæc ipsa ostendebant Græcos Baccho Thebano, aut Lydio expeditionem in Indos stultè tribuere; atque hinc intelligere licebat ementitos etiam esse Macedonas, in honorem Alexandri sui. Scio quidem à * viris doctis observatum, & eruditè probatum Bacchum esse Orientis Numen; sed hic de Thebano Semeles filio agimus, quem Græci Babylonio, aut Ægyptio fortè, substituerunt. Præterea ne Orientalem quidem illum Bacchum, aut Dionysium, quisquis fuerit, Indis bellum intulisse credibile est, quod demonstrare hic non aggrediar.*

4. Verum operæ pretium est audire *Arrianum*, qui ita pergit: Πλὴν γὰρ δὴ ὅτι καὶ ἀνεκτὴ ἐξέλεσθαι χρὴ εἶναι κατὰ τὸ θεῖον ἐκ παλαιῶν μεμνημένον. πῶ γὰρ τοι καὶ τὸ ἀπὸς ἐνισθῆναι ἔπειτα, ἐπειδὴν τὰ θεῖον τις σεσπένῃ τῷ λόγῳ, καὶ πάντῃ ἀπὸ ταῖς γαίραις: Hoc tantum censuerim neminem nimis accuratum censorem esse oportere eorum, quæ olim de Numine fabulis prodita sunt. Si quis enim merito non credibilia scripserit, quandoquidem Deum admiscet sermoni, non planè incredibilia videntur. Quod si

* Sam. Bochart. in Phaleg. Lib. I. c. 2.

æquum esset fieri, mendacio, interpositâ fide publicâ, concessa esset potestas pari passu cum veritate ambulandi. Mendacio enim Numen dumtaxat admiscendum esset, ut ne accuratius expendere, fidemque soli veritati debitam inveniret. At antiquis, inquires, fabulis dumtaxat is honos exhibebatur, non quibusvis mendaciis. Verum quo jure Veteribus mentiri licuit, posteris non licebit? Quo jure vetera ἀβασανίστως excipi oportere à posteris, posteriora verò ad examen accuratum revocari contendere poterant; Ita tamen sentiebant Ethnici, ceteroqui non fatui, ut videre est ex verbis *Arriani*, cui præiverat *Diodorus Siculus*, qui *Herculis* historiam inchoaturus ita loquitur: * Καθόλου ἐν ταῖς ἱστορίαις μυθολογίας ἐκ ἐκ παντός τρέπτει πικρῶς τὴν ἀλήθειαν ἐξελασσέν. καὶ δὲ ἐν ταῖς Θεάτεροις πεπισμένοι μὴτε Κενταύρους διφρεῖς ἔξ ἑτερογενῶν σωματίων ὑπάρχειν, μὴτε Γηρυόνην τριτάτωμαλον, ὅμως ἀποδεχόμεθα τὰς τοιαύτας μυθολογίας, καὶ ταῖς ἐπισημασίαις συναυξομένην τῇ Θεῇ πᾶν: *Universim in fabulosis narrationibus, non ex omni modo veritas acerbè exigenda est. Nam & in Theatris, cum sciamus, neque Centauros esse, duplici naturâ diversorum generum constantes, neque Geryonem triplici corpore; tamen has tales fabulas excipimus, & plausibus nostris honorem Dei amplificamus.* Sic & Macedones honorem *Alexandri* mendaciis amplificandum sibi censuerunt; & Scriptores eos sequuti certatim, ex Græcanicis fabulis, *Indos* *Alexandro* blandientes induxerunt. Ejusmodi est oratio, quam iis tribuit *Arrianus*, initio Libri V.

4. *Curtius* etiam noster, de *Nysæis*: † *A Libero Patre conditos se esse dicebant, & vera hac origo erat. Quasi verò hoc constaret, ullo vel minimo indicio! Sita est, sub radicibus montis, quem Meroi incolæ appellant. Inde Græci mentendi traxere licentiam, Jovis femina Liberum Patrem esse celatum. Quæsi verim an Meros sit vox Indica, quam Macedones Græcam μέγαν esse rati sint? Si sit, quidni nomen Bacchi Indicum ediderunt? Deinde cur dictus est Bacchus, non simpliciter ἐν τῷ μινῶ τέλεισθαι, sed ἐν τῷ τῷ Διὸς μινῶ; Sed hæc mendacia sunt Macedonum, & verisimilius est Thebanum Bacchum, ab antiquissimis Thebanis Phœnicum colionis, dictum esse ortum ἐς σέμωρ Jovis, Phœniciâ loquutione, quæ Hebræis frequens est, ad significandum eum ἐ posteris Jovis fuisse.*

5. Macedones non modò Bacchum, civem Thebanum, apud *Indos* notum compererunt, si iis credimus, sed & alte-

* Lib. IV. Biblioth. pag. 216.

† Lib. VIII. C. X, 11.

rum Numen ex eadem urbe oriundum, Herculem, nimirum, ut jam vidimus. * *Herculis simulacrum agmini peditum præferebatur. Id maximum erat bellantibus incitamentum, & deservisse gestantes militare flagitium habebatur; capitis enim sanxerant poenam iis, qui ex acie non retulissent; metu, quem ex illo hoste quondam conceperant, etiam in religionem, venerationemque converso. Hæc & similia habet Curtius, similia etiam alii; quorum nulli memorant quo nomine Indi Herculem vocitarent, quia hæc erat mera Macedonum fictio; qui ut Alexandrum etiam Herculi præferrent, jactabant Petram Aornon, quam cepit Alexander, † ab Hercule frustra obsessam fuisse, terraque motu coactum absistere.*

6. Fabulam hanc esse subolfecit *Arrianus*, ita enim de Petra Aorno loquitur Lib. IV. ἢ Λόγος τῶν ταύτης κατέχευε τὴν Ἡρακλῆϊ τῷ Διὸς ἀλῶν γυνεὶ τὴν πέτραν. Εἰ μὲν δὴ καὶ ἐς Ἰνδοὺς ἀφίκετο ὁ Ἡρακλῆς ὁ Θηβαῖος, ἢ ὁ Τύειος, ἢ ὁ Αἰγυπτίου ἐς ἑσπέρην ἐχὼ ἰσχυρίσασθαι. μᾶλλον δὲ δοκῶ ὅτι ἐκ ἀφίκετο (ἀλλὰ γὰρ ὅσα χαλεπὰ οἱ ἄνθρωποι ἐς τόσον δ' ἄρα αὐξάνει αὐτῶν τὴν χαλεπότητα, ὥς καὶ τῷ Ἡρακλῆϊ ἀν' ἀπορεῖ γυνεὶ) ἀληθεύειν: *Fama est ne Herculem quidem, Jovis filium, hanc capere potuisse. Ego verò an Hercules Thebanus, an Tyrius, an Aegyptius ad Indos penetrarit, nihil habeo quod affirmare possim. Potius tamen non eò penetrasse (quacumque enim difficilia sunt, eorum homines difficultatem usque adeò augent, ut ne ab Hercule quidem posse fieri dicant) verum esse crediderim. Pro hominibus, debebat dicere Græcos, nam ex Græcorum sermonibus nata erat hæc fabula, & fortasse soli Græci Herculi tribuebant decantatos illos labores.*

7. *Eratosthenes* § quidem *Cyrenæus*, qui omnium acutissime mendacia Macedonum retextit, dicebat eos ἐν τῇ ᾗ Ἰνδῶν γὰρ βόες ἰδόντας ἐγκαυχόμενος ῥόπαλον, τεκμηριῶνται ὅτι τῷδε ὅτι Ἡρακλῆς ἐς Ἰνδοὺς ἀφίκετο: *Cum in Indorum regione viderent boves, quibus clavis inusta erat, ex hoc collegisse Herculem ad Indos pervenisse. Crediderim potius rem totam confictam, aut summum Macedonas Herculem vocasse Numen quodpiam Indorum; de quo nonnulla dicebantur ab Indis, similia iis quæ de Thebano Hercule à Græcis jactabantur. Videnda quæ de eo habet *Arrianus* in Indicis, nam nec vacat rem copiosius excutere, nec si vacaret operæ pretium esset.*

8. Non possumus ignoscere iis, qui primi res ab Alexandro gestas scripserunt (nam minus hac in re vituperandus

* Lib. VIII. C. XIV, 11.

† Lib. VII. C. XI, 2.

|| Pag. 92.

§ Apud *Arrianum* Lib. V. p. 103.

Curtius, qui quod nesciebat dicere non potuit) quod appellationes Græcas, pro barbaris nominibus, passim habeant. Talia sunt *Polytimetus*, * Πολυτιμης, nomen fluvii Sogdianæ; † *Erymanthus*, Ἐρύμανθος, nomen fluvii Indiæ; ‖ *Dadala* regio, Δαδάλου; § *petra æopp*, quo nomine lacus fuit in Epiro; ** *Echbolima*, nomen regionis, Ἐχβολίμα; aliæque id genus plurimæ.

9. Pro vocibus Persicis, Græci suis utebantur, quos sequutus est *Curtius*, qui nomina Græca Latinæ orationi inseruit, non secus ac si essent Persica. †† *Doryphori*, inquit, vocabantur, proximum his agmen soliti vestem excipere regalem. Non aliter loquitur in sequentibus, prolata voce verè Persicâ: *Cidarin Regium capitis vocant insigne*. Paullo post, similiter dicit: *Quindecim inde, quas armamaxas appellant, sequebantur*. Sic & alibi, de gente Indis finitima: ‖‖ *Iter pronuntiari jubet in Agriaspas*, quos jam tunc mutato nomine *Euergetas* appellabant: ex quo frigore, victisq; penuriâ *Cyri* exercitum affectum testis & commentibus juerant. At nemo nescit *Cyrum* Græcè non esse loquutum, & notum est ex *Herodoto* Lib. VIII. C. 85. bene de Rege meritos solitos esse *Orosangas*, Persicâ Linguâ, vocari.

10. Rectè fecissent & Græci Scriptores & *Curtius*, si, quoniam Persica vocabula nesciebant, dixissent vocatos eos, quos diximus, nominibus Persicis; quæ idem significabant, quod vocabula Græca, quæ Persicorum loco protulerunt. Satius etiam fuisset *Curtium* Græca vocabula Latinè interpretari, ne, ab imperitis Linguæ Græcæ, Græca vocabula barbara ipsa nomina esse crederentur.

CAPUT VII.

A Q. *Curtio perperam omissos esse annos & tempestates, quibus singula gesta sunt.*

1. **D**UO sunt Historiæ veluti oculi, quorum utroque quidem demto, per densas tenebras videtur ambulare; alterutro verò, sine gravissimo incommodo, carere non potest. Alter est Geographia, quâ locorum, quorum incidit mentio, situs notatur; alter vero Chronologia, quâ anni ab

* Lib. VII. C. X, 2.

† Lib. VIII. C. IX, 10.

‖ C. X, 16.

§ C. XI, 2.

** C. XII, 1.

†† Lib. III. C. III, 15.

‖‖ Lib. VII. C. III, 1.

insigni Epocha numerantur, tempestatesque annorum, quibus quæque gesta sunt, studiosè adduntur. Quanti quidem momenti sit Geographia antea probavimus, cum peccata à *Curtio*, in eam disciplinam, plurima esse ostendimus. Chronologiam verò non minus ab eo neglectam esse, hoc in Capite, probabimus. Quibus ex rebus consuetarium hoc colligi poterit, Curtianam Historiam multum abesse à forma ejus Historiæ, quæ pro exemplari scribentibus proponi queat. Scio alios è Veteribus posse proferri, qui neque annos, neque annorum tempestates uspiam designarint, quique in pretio tamen habentur. At laudentur cetera, per me licet, modo ne elevetur culpa, quâ vix major ulla esse potest in Historia. Quis enim intelligat quomodo quidpiam geri potuerit, præsertim in calidioribus oris, nisi tempestas anni indicetur? Quis constantiam ac fortitudinem militum, aut nimios calores ferentium, aut cum frigore acerrimo conflictantium? Quis ducis providentiam, in administranda re frumentaria, pabulationibusque regendis? Quis celeritatem, quæ maxima est Imperatoris virtus, & quæ summa in Alexandro fuit, assequatur; ubi nulla est annorum, quibus quæque gesta sunt, significatio?

2. *Curtius* tamen, in iis quidem quæ supersunt, utrumque planè neglexit, nec ex ejus Historia rerum gestarum annos & tempestates colligere licet, nisi conjiciendo, aut ex diligenti observatione eorum quæ narrat; si forte aliud agens quidpiam dicat, ex quo intelligere queamus tempus, quo factum est id de quo loquitur; aut denique ex serie Historiæ. Nescio an in prioribus Libris, qui temporum injuriâ intercederunt, Chronologiam rerum ab Alexandro gestarum tradidisset; cum tamen considero quæ supersunt, vix opinor in aliis accuratiorem fuisse. Nam aut suis locis indicanda sunt tempora, aut nusquam. Scio à Chronologis res Alexandri in suos annos esse digestas, atque hinc lucem *Curtio* peti posse; sed imputari ei non potest, quod ex aliis potissimum Historicis haustum est. Hic verò tentabimus ex illo solo tempora digerere, ut appareat & quàm neglectum, hoc in negotio, se gesserit, & quàm utile fuisset singularum rerum tempora accuratè describi.

3. Tempore Issici prælii, ut hinc, initium faciamus, quia in superioribus nullum occurrit tempestatis anni indicium, instabat hyems; paullo enim ante prælium, suadentibus Græcis dividere copias, respondet, inter alia, Darius, *trahendi belli vix ullam esse rationem; tanta enim multitudini,

* Lib. III, C. VIII, 8.

utique cū jam hyems instaret, in regione vasta, & invicem à suis atque hoste vexata, non suffectura alimenta. Liqueat hoc ex sequentibus, nam non multo post prælum, dicuntur * *Gargaba*, sic Persæ vocabant humeris onera portantes, Damasco egressi, ut gazam regiam inde efferrent, cū frigus tolerare non possent (quippe & procella subitò nivem effuderat, & humus rigeat gelu) tum adstrictas vestes, quas cum pecunia portabant, auro & purpurâ insignes, induisse. Possēmus ex *Arriano* ostendere rectē à *Curtio* tempus hīc indicatum; sed oportuit, datā operā, id factum, non colligendum Lectori relictum.

4. Postea, ut initio Libri quarti docet, Syria subacta est, tum Phœnice, exceptā Tyro, quæ ab Alexandro obsessa est. Initium hujus obsidionis, vix ante veris initium, fieri potuit. Statuamus Martio mense inchoatam, † *Tyros septimo mense*, quā oppugnari capta erat, capta est. Itaque Septembri expugnata fuerit. Post tam difficilem, tamque longam obsidionem, Alexandri exercitui aliquot diebus ad quiescendum opus fuit, præsertim cū esset in Climate multo calidiore, quā Macedonia.

5. Postea Alexander ivit || obsessum Gazam, quam præfectus *Betis* acriter defendit; machinisque admotis, & vi superatus est. Ponamus exercitum antea per mensem quiescisse, ac proinde initio Novembris demum cœpisse Gazensem obsidionem, & per mensem unum durasse; Alexander Ægyptum, nonnisi mense Decembri, aut Januario sequentis anni, ingredi potuerit. § *Septimo die*, postea quā à *Gaza* copias moverat, in regionem Ægypti, quā nunc castra Alexandri vocant, pervenit. Non multo opus fuit tempore, ad invadendam Ægyptum, ejusque res componendas; cū Ægypti à Persis illico defecerint, nec Persæ Alexandri adventum sustinuerint, neque is quidquam ex patrio Ægyptiorum more mutarit. His peractis, Alexander adire Oraculum *Hamonis* statuit; quod eò facilius tunc fieri potuit, quod tempus ejus itineris incidebat in finem hyemis, vel veris initium. Illo enim tempore, tolerandi sunt Libyæ calores; per quam homines Græci, adulto vere, aut æstate, impunè iter numquam fecissent. Digna reserat, quæ ab Historico notaretur; at si eam animadvertisset *Curtius*, periisset illi æstus insoliti descriptio: ** *Sol omnia incenderat, siccæque & a.*

* *Lib. eodem, C. XIII, 7.*† *Lib. IV. C. VI.*** *Lib. IV. C. VII, 13.*† *Lib. IV. C. IV, 19.*§ *Ibid. C. VI, 3.*

ducta erant omnia; cum repente, sive illud Deorum munus, sive casus fuit, obducta cælo nubes condidere solem; ingens astu fatigatis, etiamsi aqua deficeret, auxilium. Enimvero ut largum quoque imbrem excusserunt procella, pro se quisque excipere eum, quidam ob sitim impotentes sui, ore quoque hianti, captare cœperunt.

6. Curtius non addit quamdiu Alexander in Ægypto manserit, neque quod tempus absumserit in itinere ad Euphratem, neque quo loco eum fluvium trajecerit. Ait dumtaxat eum undecimis castris pervenisse ad Euphratem, sed unde cœperit numerare castra non dicit. At paullo ante prælium ad Arbela, Eclipsin Lunæ* in iis locis conspectam docet. Collegit autem † Jof. Scaliger cum ex rationibus Astronomicis, tum ex aliis Scriptoribus, anno Periodi Julianæ 4383. Septembris vigesimo die, visam. Igitur Alexander ætatem absumserat in Ægypto, & in itinere ad urbem Thapsacum, ubi Euphratem transiit, atque ab Euphrate ad Tigrin, ultra quem, ad ortum, commissum est prælium. Factum id est, ut alii docent, undecimo die, postea quam conspecta esset Eclipsis.

7. Paullo post victoriam, Alexandro tradita sunt Arbela, hoc est, initio Octobris; iisque locis Alexander, ut quiesceret exercitus, per aliquot dies mansit. § Ingruentibus deinde morbis, quos odor cadaverum totis jacentium campis vulgaverat, maturius castra movit. Cum jam ergo hyems instaret, Alexander Babyloniam ingressus; quod ejus exercitui multo commodius fuit, quam si æstate in fervidioris tractus ivisset. Illic exercitus ille domitor Asia per XXXIV. dies saginatus est. Igitur reliquum annum Babylone transiegit, neque quidquam aggressus est, nisi sequente anno.

8. Initio anni Periodi Julianæ 4384. Alexander ivit in Satrapenem, ut habet Curtius, aut potius Sittacenem, ut suadent sequentia. Regio est inter Cossæos & Babylonios, ad ortum Tigris, §§ copiâ rerum & omni commeatu abundans. Itaque diutius ibi substitit, ac ne desides otio dimitterent animos, judices dedit, præmiaque proposuit, de virtute militari certantibus. Hic fuerunt hiberna Alexandri, in quibus milites refecit, & præter alia negotia, rei frumentariæ sine dubio providit; quamquam hæc omnia tacet Curtius; quasi Alexandri milites ignorassent tempus hibernorum, & sine commeatu quocumque jubebantur ivissent. Statim postea Susa profectus est, quæ ei sunt illico dedita. Sine dubio

* Cap. X. 2. † De Emend. Temporum Lib. V. p. 420. Ed. Rorer.

|| Lib. V. C. I, 10.

§ Ibid. II.

§§ Cap. II, 2.

jam ver erat, & in Climate calidiore, licet montibus refer-
to, nullæ amplius erant nives, quæ quominus superarentur
montes obstarent. Itaque Alexander ingressus est montana
* *Uxiorum*, Madatémque regionis præfectum, non sine cer-
tamine, ad deditionem compulit. Illinc quinto die ad † *Su-
sidas Pylas* pervenit quas, defendente Ariobarzane, ægre su-
peravit; unde recta || *Persepolin* ivit, quæ ei è vestigio dedi-
ta est.

9. Occupatâ & direptâ Persepoli, Alexander § cum mille
equitibus, peditumque expeditâ manu, interiorem Persidis re-
gionem, sub ipsum *Vergiliarum* fidus petiit; multisque imbribus
& prope intolerabili tempestate vexatus, procedere tamen quò
intenderat perseveravit. Ventum est ad iter perpetuis obstitum
nivibus, quas frigoris vis gelu adstrinxerat. Quo frigore non
parum vexati sunt milites, ut multis narrat *Curtius*; qui oc-
casionem ejusmodi descriptionum nullam prætermittit. Ex
re ipsa, colligere est debuisse dicere, sub occasum *Vergilia-
rum*. *Plinius* Hist. Nat. Lib. II. c. 47. Post id æquinoctium
(Autumni) diebus ferè quatuor & quadraginta, *Vergiliarum*
occasus hyemem inchoat, tempus in III. Idus Novembris inci-
dere consuevit. Phrasis *Curtiana* sub ipsum fidus, significat
potius, paullo ante exortum sideris, quam paullo post: ut
alibi, apud eundem, sub lucis ortum, est paullo ante lucem.
Quo sensu dixit etiam sub ortum diei, sub noctem, aliâque,
quæ vide in *Freinshemiano* Indice. Fortè credidit *Curtius*
tum oriri *Vergilias*, cum occidunt; nam de ortu, si notum
ei fuit ejus tempus, cogitare non potuit. *Plinius* ibidem:
Datus est huic (subsolano) exortus *Vergiliarum* sub totidem
partibus *Tauri*, sex diebus ante *Majas Idus*.

10. Alexander, eâ expeditione, reliquas partes Persidis
in potestatem suam redegit. ** Itaque trigesimo die, postea
quam à *Persepoli* profectus erat, eodem rediit; hoc est, mense
Decembri. *Persepoli* hiemavit Alexander cum exercitu,
eâmque incendit.

11. Anno Periodi Julianæ 4385. initio veris, Alexander
Darium, cui plusquam integrum annum ad reparandum bel-
lum (quod observatu dignum fuit) concesserat, persequi ite-
rum cœpit. Interea accepit varia militum supplementa, qui-

* Cap. III. † Ib. § 17. || Cap. V. § Cap. VI. § 12.

** Ibidem § 19. *Mardorum* subactionem hic male collocat *Curtius*,
cum subigi non potuerint, nisi subactâ *Hyrkania*, cujus ad *Caspîi* maris
meridiana littora, vicini erant. Ideo *Curtius* idem iterum repetit
Lib. VI. c. V, 11. quasi gemina esset *Mardorum* gens, quam unam me-
morant omnes alii.

bus imminutum exercitum praeliis, belli vexationibus, & morbis, ipse quoque auxit; Gazas Persicas invasit, quarum ope amplissimis praemiis suos donare potuit, & vel totam Graeciam in orientem allicere, proposita spe mercedis; fertilissimasque Persici imperii provincias subegit, unde ei ad ultiores eunti commeatus subvehi possent. Primum ergo in * Mediam movit, quo fugerat Darius; † cum vero audiret Darium in Hyrcaniam contendere, eo iter ipse quoque intendit, eumque jam interfectum adsequutus est. Hoc initio aetatis contigisse oportet, cum Alexander summam celeritate Darium sequutus sit, nec totum exercitum expectarit.

12. || *Ut primum instantibus curis laxatus est animus, militarium rerum quam quietis otisque patientior, exceperit eum voluptates; & quem arma Persarum non fregerant, vitia vicerunt. Intempestiva convivia, & perpotandi, pervigilandi que insana dulcedo, ludique & greges pellicum, omnia in externum lapsa sunt morem. Ita coepit vitam instituere, potissimum post mortem Darii; tametsi in Perside, eo etiamnum vivo, pergracatus non semel fuerat, regiamque Orientis Persepolin ebrius combusserat. Eo loco, quo Darium adsequutus fuerat, ubi ita genio indulgebat, recensuit captivos, nobilesque a plebeiis secrevit. Aliquot diebus ita absumentis, ** in Parthienem pervenit, atque in urbe, eam tempestate clara, Hecatompylo, condita a Gracis, stativa habuit, commeatibus undique advectis. Ortâ seditione otiosi exercitus, eaque compressa, castra illinc tandem mota, adultâ, ut videtur, astate; †† tertioque, per Parthienem, die, ad fines Hyrcaniae penetrat. Castra in valle communiuntur, ||| & quartum jam diem eodem loco quietem militi dederat, cum litteras Nabarzanis accepit. Inde ulterius in Hyrcaniam ingressus est, in qua ad autumnum mansit, ut liquet ex hisce Curtii verbis: §§ Prater alios commeatus, quorum tum copia regio abundabat, pomorum quoque ingens modus nascitur, & uberrimum gignendis solum est.*

14. In Hyrcania nemo occurrit, qui bellum moveret; tamen tempore opus fuit, ut peragraretur. At Mardi vicini, vi admotâ, terrendi fuere, ut se dederent; quibus in fidem acceptis, * quinto die, Alexander in stativa revertitur. Huc eum invisit Thalestris, † Curtio, & vanioribus Historicorum credamus; cujus libido Alexandrum, †† ut paucos dies subsisteret, perpulit; tredecim dies in obsequium desiderii ejus absumentis sunt. Tum illa regnum suum, Rex Par-

* Cap. VII, 12.

† Cap. XIII, 2.

|| Lib. VI. C. II, 1.

** Ib. §. 11, & 15.

†† Cap. IV, 2.

||| Ib. 8.

§§ Ib. 21.

* C. V. 21.

†† Ibid. 32.

thienen petiverunt. Tametsi hæc falsa sunt, & ficta à Græculis; tamen colligere fortè ex hisce liceat, Alexandrum aliquamdiu in Hyrcania fuisse, post subactos Mardos.

15. Ex Parthiene ivit Alexander in Bactrianam, * quam sub finem autumnii partim subegit, non sine labore. In eâ regione † jam stativa erant, cum externâ vi non interritus modò rex, sed invictus, intestino facinore petebatur; conspiratione, nempe, suorum, cujus princeps erat Philotas Parmenionis filius. Ad quæstionem habendam, plectendosque reos, aliquot diebus opus fuit. Jam hyems aderat, nec eo secius Alexander iter pronuntiarî jubet in Agriaspas, in quorum fines ex Bactriana quinto die pervenit. Hos & vicinos subegit, ac sexaginta diebus gentem *Euergetarum ordinavit*; in cujus agris proinde, per magnam hyemis partem, confedit.

16. Anno sequente, Periodi Julianæ 4386, brevi expeditione, hyeme etiamnum durante, sed in illis oris nequaquam gravi, domiti sunt || *Arachosii*. Potuit tamen fieri ut, mense Febuario aut Martio, in montanis oris frigus insolitum senserint Macedones; cum rarum non sit frigus hibernum quandoque initio veris oriri, sed non diuturnum. Cum ergo ver adventaret, non mirum est Alexandrum ausum esse in § *Parapamisadas* novam expeditionem suscipere; apud quos tamen, si credimus *Curtio*, initio veris (nam rerum series & verba Historici allata id evincunt) maximo frigore vexatus est exercitus. Verum qualecumque fuerit, diuturnum, ut dixi, esse non potuit; nec usque adeò insaniebat Alexander, cupiditate gloriæ, ut mediâ hyeme, jam mortuo Dario, occupataque longè maximâ parte, eâque ditissimâ Imperii Persici, exercitum periculis famis & frigoris, sine ulla necessitate, objiceret. Scio Bessum in vivis fuisse, sed qui non veritus erat annum integrum Dario, ad reparandum bellum concedere; an is usque adeò timebat Bactrianæ præfectum, ut unum aut alterum mensem hiberni temporis ad quiescendum exercitui suo dare non posset? Tantopere eum festinasse, cum pernicie suorum, tam mihi credibile est, quam *Parapamisadarum* regionem *gelidissimum septentrionis axem spectare*. Profecto & *Curtius* & Græci, quos sequutus est, tempestatis anni majorem rationem non habuerunt, quam Climatis. Somniabant Alexandrum esse ad Caucasum montem, & quidem mediâ hyeme; cumque magna illic frigora & longas hyemes audissent esse, & rhetorico more omnia augerent, intolerandum frigus, unâ cum Caucaso in Indiam fe-

* Cap. v l.

† Ibid. 4.

† Lib. VII. C. III, 1. & seqq.

§ Ibid. 6.

rè transfulerunt; & quidem in ea loca, in quibus Macedones potius præmaturum æstum timere potuerunt.

17. Inde Alexandri * agmen processit ad Parapamisum montem, quem, ut diximus, Caucasum vocavere Macedones, & septemdecim dierum spatium eum superavit. Aufugit Bessus trans Oxum; & Bactriana Alexandrum excepit, qui Oxum quoque trajecit, & ad † Tanaim usque, hoc est, Iaxartum, varias gentes subegit, atque in fidem accepit; sed non sine sanguine & labore. || Scytharum legationem deinde excepit, iisque trajecto Tanai bellum intulit, prælioque eos superavit. Iterum Tanai trajecto, in Bactrianam rediit, quam, cum denuo rebellasset, recepit, ut & Sogdianam, cujus inaccessam petram stratagemate ad deditionem compulit.

18. Huc usque Historiam Alexandri perducit Curtii Liber VII. nullo planè indicio tempestatum anni addito, post illud quod §. 16. ex frigoris descriptione colligere licuit. Sed hæc, sine dubio, æstatem & autumnum anni memorati absumserunt, & fortè partem hyemis anni sequentis. *Arrianus* certè Alexandrum Nautacis in Sogdiana hibernasse docet; *ἀναστὰς δὲ τὸ ἔξω τοῦ ποταμοῦ ἀπὸ τῆς χειμῶνος αἰς ὅτι τὸ ἐν τῇ Σογδιανῇ μέγαν*, imminente verò vere, ad Petram Sogdianam profectum. Itaque ante hujus Petræ deditionem, collocandum initium anni Periodi Julianæ 4387.

19. Subactis prorsus Sogdianis & vicinis aliis populis, Alexander § Maracanda in Bactrianam repetiit, ubi stativa habuit. Illic occisus est Clitus, & ** decem dies consumptos, ait *Curtius*. Addit illinc †† cum parte exercitus Hephastionem in regionem Bactrianam missum, comitatus in hyemem paraturum, quasi Maracanda in Bactriana non fuissent. Sed hoc omittimus, ut observemus circumstantiam, de parando comitatu in hyemem, aut omitti debuisse, aut ita exprimi ut intelligeremus de cujus anni hyeme verba fierent. Nisi enim cum ex rebus gestis, tum ex *Arriano*, constaret integrum annum absumptum, ab expeditione in Parapamisadas ad deditionem Sogdianæ Petræ, nemo non crederet loqui *Curtium* de hyeme anni superioris. Itaque quod intra biennium confecit Alexander, id videretur, præter omnem verisimilitudinem, anno vertente gestum.

20. Captâ Sogdianâ Petrâ, ||| Massagetæ, Dahæ & ceteri Sogdiani sunt subacti. Transfugæ Bactriani & Syfimitres

* *Ibid.* 19. & 22.

† *Cap.* VI.

|| *Lib.* IV. p. 91.

§ *Lib.* VIII. C. I, 7, 10.

** *Cap.* II, 12.

†† *Ibidem.*

||| *Lib.* VIII. C. I, II, & III.

Ad incitas sunt redacti, aliæque gæstæ, quæ apud *Curtium* le-
gi poterunt. * *Hic compositis*, Alexander tertio mense ex
hibernis movit exercitum, regionem qua *Gabaza* appellatur a-
diturus. Factum hoc initio oportet anni Periodi Julianæ
4387. In itinere oppressit Macedonas gravissima tempestas,
quam tumide describit *Curtius*, ut solet. Hinc Alexander
† *Sacas* petiit, eorumque regionem diripuit. Tum ingressus
tractum, cui Cohortantis præerat, eum in fidem accepit, e-
jusque filiam Roxanen duxit. Ab eo tempore, de bello In-
dis inferendo, cogitare cepit; ‖ & ne quid à tergo quod de-
stinata impedire posset moveretur, ex omnibus provinciis tri-
ginta millia juniorum legi jussit & ad se armata perducere, ob-
sides simul habiturus & milites. Interea rebelles nonnullos
domuit, & vicinos tractus subegit. Statuere videtur *Curtius*
Alexandrum, antequam Indiam ingrederetur, delectum illum
accepisse; nam § *CXX. armatorum nullum* cum sequuta ad id
bellum ait. Si verum hoc est, ductum antea delectum ha-
beri jusserat, nam si ex omnibus Provinciis Imperii quod
subegerat expectandi fuissent milites, per annum illic fuisset
desidendum. Interim Hermolaus in Alexandrum conspira-
vit, & poenas cum conficiis conspirationis dedit.

21. Jam sine dubio æstas instabat, aut etiam inchoata e-
rat, cum Alexander in Indiam movit. ** Multis eam ex-
peditionem, ad devictum usque Porum, describit *Curtius*;
sed nullum discrimen æstivorum aut hibernorum occurrit,
nec indicium temporis ullum. At cum ampla non esset re-
gio à Cophene ad Acesinẽ, & imbelles populi; non multo
tempore Alexander indiguit, præsertim cum tanto exercitu,
quem dividere sine periculo poterat. Itaque hæc, intra æ-
statem & autumnum anni memorati, fieri potuerunt. Hoc si
apertè dixisset *Curtius*, gloriam Alexandri minuere fortè se
existimasset; certè, quæ de nonnullorum Indorum robore &
fortitudine dixit, vana visa fuissent.

22. Hibernorum hujus anni nulla apud *Curtium* mentio fit,
quam crederem datà opera omissam, propter calorem Cli-
matum, in quibus versabatur Alexander, si Indiæ situs *Cur-
tio* notus fuisset, & nisi alibi, cum in ora esset Alexander
multo magis meridiem spectante, dixisset Alexandrum *ver-
expectasse*, ut postea videbimus. Itaque ex rebus gestis ducta
conjecturâ, statuemus Alexandrum hunc annum & sequen-
tem, in domandis Indis, peragrandisque eorum regionibus,
absunxisse.

* C. IV. 1.

† Ib. §. 20.

‖ Cap. I, 1.

§ Ibid. 4.

** A Capite IX. ad finem Libri VIII.

23. Quæ gesta sunt à domito magno Poro ea brevius à Curtio narrantur, ut antea diximus; neque nos eorum compendium hic proponemus. Legantur in Libro IX. Curtii, & pars eorum conferatur in annum Periodi Julianæ jam memoratum, aut omnia, si ita videatur, in annum 4388. * Cum Alexander evectus esset in Oceanum, quadringenta stadia, ex ostiis Indi fluminis, adversum fluvium subiit classis, & altero die adpulla est, haud procul lacu falso. Leonnato deinde præmisso, ut puteos foderet, quâ terrestri itinere ducturus exercitum videbatur, quippe sicca erat regio, ipse cum copiis substitit, *vernum tempus expectans*. At satius fuisset hibernâ tempestate iter facere, per ea loca, in quibus vix ulla est hyems, si conferatur cum Europæis, & ver æstates Græciæ sine dubio calore æquat. Sed, miro errore, Curtius credidit maritimos Indiæ tractus, in quibus versabantur tunc temporis Macedones, ad Septentriones spectare. † *Quæ propiora sunt mari*, inquit, *Aquilones maxime decurrunt; si cohibiti jugis montium ad interiora non penetrant, ita alendis frugibus mitia*. Contrarium voluit dicere, nam australibus ventis maxime uruntur littora Indiæ; iique, jugis demum montium septentrionalium, impediti non penetrant ad Indi fontes; circa quæ loca in *Kassemira* regno, vicinisque, fertilissimi sunt tractus, & Boreâ refrigerati. Hic demum nives adspiciantur, nam ad austrum montium, quibus cinguntur, præ calore non ningit. Non minus falsa sunt, quæ habet Curtius in sequentibus: *Adeo in illa plaga mundus statas temporum vices mutat, ut cum alia fervore solis exaestuant, Indiam nives obruant; rursusque ubi cetera rigent, illic intolerandus æstus existat*. Si India, tempore Curtii nota, fuisset in meridianis illis oris, ultra Tropicum Capricorni sitis, quas navigationes nostræ nondum adierunt, hæc possent ferri; sed nemo nescit quæcumque adiit Alexander, ea esse cis Tropicum Cancri, in ceteris vero Indiæ partibus, inter hunc Tropicum & Equatorem sitis, nullas esse nives.

24. In ceteris, ad mortem usque Alexandri, narrandis, multo brevior est Curtius, ut ex *Arriano* & supplementis *Freimshemianis* liquet. Sed omnia videntur geri potuisse, intra annum Periodi Julianæ 4389. & sequentem ad mensem usque Novembrem, quo mortuus Babylone Alexander, & quidem duodecimo die, feriâ primâ, ex calculo || *Jos. Scaligeri*.

* Lib. IX. Cap. IX, 27. Cap. X, 1. & seqq.

† Lib. VIII. C. IX. 12.

|| De emend. temporum Lib. V. p. 423.

25. Excusare quis tentet *Curtium*, eo quod Græci Scriptores, quos sequutus est, in adnotandis temporibus accuratius fortè non fuerint; nec potuerit semper scire, quibus tempestatibus singula evenissent. Non negaverim, quidem nonnullos Historicos Græcos diligentiores *Curtio* non fuisse; at erant libri, ex quibus quod illis, hac in parte, deerat suppleri poterat. Exstabant, tempore *Curtii*, ai βασιλεῖς ἐκ μυσείδης, *regia diapia*, in quibus scriptum erat quid singulis diebus fecisset Alexander, & ubi fuisset. Ex iis varia proferunt * *Plutarchus* & *Arrianus*, qui post *Curtium* vixisse videntur, nam hunc sub Vespasiano Horuisse credimus. Exstabant etiam *Baton* & *Diogenes*, qui descripserant αὐτῶν τὸ ἡμεῖς ποιεῖται, & quos *Plinius*, † nostro cœvus, vocat *itinerarium ejus mentores*, nec semel ad testimonium citat. Hisce uti oportebat *Curtium*, ut Alexandri tempora digereret, & si quod in Geographicis dubium occurreret, eos consuleret.

26. Scio etiam non per omnia consentire Scriptores, de harum rerum Chronologia; tanta, ut verba *Curtii* de eorum in aliis dissensu hic usurpem, § tanta, inquam, componentium vetusta rerum monumenta, vel securitas, vel, par huic vitium, credulitas fuit! At illæ ipsæ discrepantiæ erant in medium proferendæ, & variantium sententiarum simillima veræ eligenda; quod si nulla se, magis quam aliæ, probaret, judicium cohibendum fuisset, Lectorique rei arbitrium permittendum. Sed elegantiam sermonis, non ἀνεῖσθαι narrationis, spectavit *Curtius*; ut & multi alii Veteres, qui eo nomine profecto non sunt laudandi.

CAPUT VIII.

Q. Curtium perpetuo propemodum declamatoris stylo uti.

1. **HISTORICI** eloquutionem oportere mediam esse, inter quotidianum sermonem & oratorium, ostenderunt dudum || Magistri artis, nec opus est nos huic rei immorari. At ostendemus *Curtium* nequaquam mediam illam vi-

* Sub finem vite Alexandri.

† Vide Ger. Joan. Vossium de Hist. Græcis Lib. IV. c. 9. & Indicem Scriptorum à Plinio laudatorum.

§ Lib. IX. Cap. V, 21.

|| Vide Ger. Joan. Vossium Artis Hist. Cap. XXIX.

am instituisse, sed ferè semper declamatorem egisse; quippe qui hoc argumentum selegit, non tam ut doceret quid verum sit in Alexandri Historia, quidve laude aut vituperio dignum; quam ut elegantiam styli, & facultatem dicendi ostentaret. Variâ ex iis quæ jam diximus hoc ipsum comprobant, quales sunt descriptiones frequentes, quæ in eo occurrunt, eæque rhetorico prorsus stylo expressæ. Sic fluvios descriplit plurimos, molestiamque itineris per æstum aut per frigus plus semel, & planè tumide. Hoc eleganter *Lucianus* ait esse sibi nimis ipsius negotium agere, ommissâ historiâ; cujus finis unicus est docere, non delectare verborum flosculis. Μάλιστα δὲ, inquit, σαρκεντέον ἐν ταῖς οὐδ' ὄρων, ἢ τυχόν, ἢ ΠΟΤΑΜΩΝ ἐκινεῖσιν, αἷς μὲν δυνάμει κίησιν, ἀπειραχάως παρεπιδικνυδάαι δοκεῖν, καὶ τὸ σαρκεντέον, παρὶς τῆς ἰστορίας. ἀλλ' ὀλίγον προσελάμην. τὸ χοροῖς καὶ σαρκὸς ἐνέα, μελαβήσιν, ἐκρυγών. ἢ ἐξόν τ' ἐν τῷ σαρκεντέον, καὶ τὴν τωαυτῇ ἀπαρὴν λυχνεῖν. Imprimis verò sibi temperandum, in descriptionibus montium, vel minorum, vel **FLUMINUM**, ne dicendi facultatem ineptè ostentare videretur, & ommissâ historiâ tuum ipsius negotium agere. Sed cum illa paulùm attingeris, utilitatis & perspicuitatis tantùm gratiâ, mox inde digrediaris; evitato, quod in illa re est, glaciq; & omnibus hujuscemodi cupediis. Quale monitum si animo versasset *Curtius*, scopulum in quem nimis sæpe impigit vitasset. Sunt & alia, in eodem libello de Conscribenda Historia, ex quibus *Curtium* castigare licet.

2. Ejus historia in duas veluti partes potest dividi; quarum altera ipsius Historici verba complectitur; altera verò orationes, quas scripsit sub eorum persona, quos loquentes inducit. Utrobique autem haud paullo meliorem declamatorem se præstitit, quam Historicum; qui non scribit quæ ipse dixisset, si illis adfuisset, sed quæ re verâ dixerunt, aut eorum sententiam. Si ergo ostenderimus, in utraque partè, *Curtium* declamare, potius quàm narrare, hoc præstiterimus quod in inscriptione hujus Capitis polliciti sumus.

3. Ut a narratione initium faciam, paucula dumtaxat exempla proferam, monitus enim Lector alia facile inveniet. Primo, non contentus eventus narrasse, exclamationes non breves, sed sat prolixas eis subjecit. Ita narratâ alterâ Darii, ab Alexandro victi, clade: * *Quis tot*, inquit, *ludibria fortune; ducum, agminumque cadem multiplicem; devictorum fugam; clades nunc singulorum, nunc universorum, aut animo adsequi queat, aut oratione complecti?* Propemodum saculi res, in unum illum diem, fortuna cumulavit.

* Lib. I. C. XVI, 10.

4. *Secundo*, nimis frequentes sunt, apud eum, hyperbolæ, nec eæ moderatæ, sed sæpe Poëticae. Sic postquam recensuit copias Darii: *Bactrianos & Sogdianos, & Indos, ceterasque rubri maris accolæ*, *IGNOTA* etiam ipsi gentium nomina, festinatio prohibebat acciri. * Est hoc nimis hyperbolicum, gentium nomina ignota earum regi, præsertim in narratione. Præterea nullos melius fortè norat Darius, quam rubri maris accolæ; cum non multum abessent Babylone, Suis, ac Persèpoli regis urbibus. Sed illi remotissimi erant a loco, in quo declamitabat Curtius, eique parum noti; quo factum ut Persarum Regi imprudens suam ipsius ignorantiam tribuat.

5. Mortuam uxorem Darii, non modò lacrimulâ dignatur Alexander, quod multum fuit, sed læget quasi matrem; usque adeo verum est, declamatoribus modicum nihil placere. † *Rex haud secus*, inquit noster, *quàm si parentis sue mors nuntiata esset, crebros edidit gemitus, lacrimisque obortis, quales Darius profudisset, in tabernaculum, in quo mater erat Darii defuncto adsidens corpori, venit. Hic verò renovatus est meror, ut prostratam humi vidit*-----Crederes Alexandrum inter suas necessitudines flere, & solatia non adhibere sed querere, cibo certè abstinuit, &c. Nemo non videt hæc nimia esse; quod si Alexander usque adeo humanus erat, debuisset ad virum uxorem remittere, ad patrem filias, ad filium matrem, quod tamen non fecit. Certè mulieres Darii non adjuvissent, ad bellum reparandum. Nimis durus, hac in re, fuit Alexander; in lacrimis vero, nimis humanus.

6. Ad alia Hyperboles exempla digitum tantum intendam, ne Scriptorem, omnium manibus utrum, tædiosè exscribere videar. Adito ergo descriptionem intientium Lib. IV. G. XVI. 12. & seqq. obsidionis Tyri Lib. IV. C. II. & seqq. & lege quæ de ea habet *Arianus* sub sipem Lib. II. itineris per montes Persidis Lib. V. C. IV. quam confer cum *Ariano* Lib. III. pag. 65. pugnae quam edidit Alexander in *Oxydratarum* urbe Lib. IX. C. V. aliæque similia, ubi magna Hyperbolicarum loquutionum segès.

7. *Tertio*, non Hyperbolas modo Poëticas adhibet, sed etiam aliquando intolerando prorsus tumore turget, ut ferè nescias quid sibi velit. Tale est quod habet de Alexandro, ab Hammonis oraculo reducere: § *Memnonis, Tithonique celebrata regia vetustatis avidum traherat pare* EXTRA

* Lib. III. C. II, 9.

† Lib. IV. C. X, 20.

§ Lib. IV. C. VIII, 3.

TERMINOS SOLIS. Memnonis regia illa Thebis erat, in superiore Ægypto, nec procul invifenda. Dein quid est *extra terminos solis*? Debuisset potius dicere *intra terminos solis*; hoc est, intra Tropicos, nam in meridie eundem erat, quamquam, ut dixi, non procul. Verum in animo habebat *Virgiliana illa*:

—jacet extra sidera tellus,

Extra anni, solisque vias.

Sed *Virgilius* intellexit occiduos Africæ tractus, & Poëtæ condonantur, quæ in Historico non feruntur.

8. Tumidissima est descriptio imbris & frigoris, Lib. VIII.

C. IV. quam non exscribent. Postquam fulmina, imbrêmque & grandinem simul cadentia descripsit, ita pergit: Ergo, ordinibus solutis, per totum saltum errabundum agmen ferebatur; multique prius metu quam labore defatigati, prostraverunt humi corpora, quamquam imbrem vis frigoris, concreto gelu, adstringerat. Non dicam raro tum cadere grandinem, raro pluere, raro fulmina delabi; cum tantum potest oriri frigus, ut imber concreto gelu adstringatur; sed quæram qui milites usque adeo procellâ terreri possent, ut solo metu defatigarentur, & animum desponderent; deinde quodnam hoc suffugium esset contra frigus, jacere humi, quam contexit glacies? Hæc certè, præter tumorem, sonitumque inanum verborum, nihil habent; sed deteriora sunt sequentia: Alii se stipitibus arborum admovebant, id plurimis & adminiculum & suffugium erat. Nec fellebat ipsos mori locum eligere, cum immobiles vitalis calor linqueret; sed grata erat pigritia corporum fatigatis, nec recusabant exstingui quiescendo. Quasi verò malint homines frigore mori stantes, quam incedere, aut è silicis venis ignem excitare! Quippe non vehementer modo, sed etiam pertinax vis mali insistebat. Frigus, nimirum, ut videtur, quod facile fuit igne vincere, aut per aliquot horas præsertim incedentibus ferre. At lucem naturale solarium, præter tempestatem baud disparem nocti, silvarum quoque umbra suppresserat. Eratne umbra hæc truncorum, sine frondibus? Certè non alia esse potuit, tempestate anni, quâ milites, innuatis laboribus indurati, frigore exanimabantur. Verum qui tanta esse poterat arboribus foliis nudatis, ut lucem suppresseret? Oblitus erat *Curtius*, tempore, quo foliis vestitæ sunt arbores, tantum frigus non oriri. Rex unus (nam solus, in tanto exercitu, frigore non

* *Æneid.* VI, 795.

obtorpuerat) *tanti mali patiens*. Sed quid tandem factum in illa calamitate? Audi Rhetorem: *Ceterum efficacior in adversis necessitas, quam RATIO*, frigoris remedium *INVENIT*; dolabris enim sylvas sternere aggressi, passim a cervos struēsque accenderunt. Annon videntur Macedones similes hominibus, primum ex terra editis, qui nesciunt qui frigus expelli possit, & casu, potius quam ratione, artem excitandi ignis, & se se calefaciendi inveniunt? Debuisset noster hisce omnibus *περὶ πολὺν χρόνον* addere, non ab hominibus, qui frigentes licet ea de re ne cogitabant quidem, sed fulmine accensum esse ignem, ut apud primos homines, quibus

*Fulmen * detulit in terras mortalibus ignem
Primitus, inde omnis flammarum diditur ordo.*

Sic tumidus stylus tandem, tumore suo, fit frigidus. Sed, quod miremur, alibi etiam *Curtius* circuitione ulus est, ad dicendum frigentes Macedonas ignem accendisse: † *Forse castris*, inquit, *ante memia ipsa in sylvastris loco positis*, nocturnum frigus vehementius quam alias horrore corpora adfecit, opportunumque remedium ignis oblatum est. *Casis quippe sylvas flammam excitaverunt, quae igni alita oppidorum sepulchris comprehendit.* Alius dixisset, cum ea nocte insolitum frigus ortum fuisset, Macedonas solito etiam majores ignes accendisse. At noster, dum rem humilem vult rhetorico stylo nimium extollere, in frigus incidit. Quid est *flamma igni alita*? § *Tanaquilus* quidem *Faber* legit, *lignis alita*; sed hoc quoque frigidum esset, nam quid opus est dicere flammam *lignis ali*? quis hoc ignorat? Sed ut redeamus ad prioris frigoris descriptionem, sequentia omnem *περὶ πολὺν χρόνον* superant; *Memoria proditum est quosdam applicatas arborum truncos, & non solum viventibus sed inter se conloquentibus similes esse conspectos; durante adhuc habitu, in quo more quemque comprehenderat.* Frigus, nimirum, hoc, in India sylva, Arctoo frigore multo majus, idem poterat, ac Medusae caput, efficere ut homines stantes, momento temporis, in statuas mutarentur; &, quod multo mirabilius est, ut qui stare poterant, incedere nollent, mallentque ita perire, quam accendere ignem. In sequentibus, credo esse mendam, nisi calamus etiam *Curtii*, dum haec scriberet, obriguerit. Forse Macedo, gregarius miles, seque & arma sustentans tandem in castra

* *Lucretius* Lib. V.

† Lib. VIII. C. X. 7.

§ *Ep. Crit. P. I. Ep. IV.*

pervenerat. Nihil frigidius additione illâ, sequæ & arma sustentans; poteratne gregarius miles incedere, nisi se & arma sustentaret? Editio Barthol. Merula recte habet: Vix sequæ & arma sustentans, sive ex Codice MS. sive ex conjectura. Sunt & alia, quæ merito in hac descriptione carpi queant; sed quæ diximus rem, quam hic spectamus, in clara luce collocant. Hanc animadversionem claudemus, verissimo iudicio eximii Critici: * Όλος δ' ὅτιον εἶναι τὸ εἶναι ἐν τοῖς ἰαλισσὰ δυσφυλακτότατον. φύσι δ' ἅπαντες οἱ μεγάλας ἐρίμενοι, πόρνες αἰδουῖα καὶ ἐρετὶ καὶ ἀγνώστῳ, καὶ εἰς ὅπως ὅτι τὰ ἴδια φέρουσιν, πεπόμενοι τὰ.

Μεγάλως ἀπολαύειν αἰδουῖα εὐχών.

Κακοὶ δὲ ὄγκοι, καὶ ὅτι σωματικῶν καὶ λόγων, οἱ χαυνοὶ καὶ ἀκαθάρτοι, ἀπὸ τῶν περὶ αὐτοὺς ἡμᾶς εἰς τ' οὐρανίον. ἔστιν δ' ὅτι, φασί, ἐνεργεῖν ὑδρωπικῶς: Videtur omnis tumor inter ea esse, quæ difficillimè vitantur. Quicunque enim ejus sunt indolis ut granditatem styli affectent, dum verentur ne infirmitatis & siccitatis damnentur, nescio quomodo in hac ipsum delabuntur, sequenti hoc dictum: magnis excidere peccatum nobile est. Malus vero est tumor, & corporis & orationis, fungosus est & vero succo destitutus, & quandoque etiam in contrarium nos conjicit. Hydopico enim, ajunt, nihil est siccius.

9. Quarto, qui granditatem styli nimium captant, ii ut plurimum frequenter in αἰνὰ incident; qualia in Curtio plura animadvertimus, ex quibus pauca proferemus. Librum V. ita inchoat: Quæ interim, ductu imperioque Alexandri, vel in Græcia, vel in Illyria, ac Thracia gesta sunt; si quæque suis temporibus reddere voluerat, interrumpenda sunt res Asia. Qui Latine sciunt, ii norunt ea dici geri ductu, imperioque ducis, quæ ipse præsens gerit; auspiciis vero, quæ per legatos; quam vocem hic adhibitam oportuit, cum sermo sit de rebus ab Antipatro gestis, dum Alexander in ultima Asia esset. Ipse Curtius se damnabit, prolato loco ex Lib. VI. C. III, 2. ubi de his ipsis rebus ita loquitur: Ut mittam Illyrios, Triballos, Bæotiam, Thraciam, Spartam, Achaos, Peloponnesum; quorum alia ductu meo (præsens, nimirum) alia imperio, auspicioque perdomui. Sed & hic mallem omittam esse vocem imperio, quæ vix differt à ductu. Vide, de discrimine ductus & auspiciorum, Just. Lipsium de Milit. Romana, Lib. II. Dial. 12.

10. Lib. IX. C. XIV, 24 ita loquitur: Momento temporis,

* Longini de Sublim. Cap. III. §. 9.

repressus est imber, ceterum adeo spissa intendere se nubes, ut conderent lucem, usque conloquentium inter ipsos facies nosci-
raretur. Proprie dicendum fuit *nebulas*, nam nubes altiores
sunt. Scio à Poëtis hæc misceri, sed non sine ἀνεργασία,
quæ Historico minus licita est. *Isidorus* Lib. XIII. C. 9.
Nebula inde dicta, unde & *nubila*, ab obnubendo, hoc est, a-
periendo terram, sive quod nubes volans faciat. Exhalant e-
nim valles humide *nebulas*, & fiunt nubes ----- *Nebule*
autem ima petunt, cum serenitas est; *summa*, cum nu-
bilum.

11. Est ἀνεργασία frequentissimum in *Curtio*, quo * *regia* pro
tentorio regis dicitur; cum certum sit subintelligi domum,
quæ vox Latine de tentorio à nemine dicatur. *Paulus* Dia-
conus: *Regia, domus ubi rex habitat*. Præstitisset ergo di-
scere semper regium tentorium, aut prætorium.

12. Sed nulla esset ἀνεργασία minus tolerabilis, si locus
sanus esset, quàm quæ est Lib. IX. C. VII, 16. ubi ita de Di-
oxippo: *Pugil nobilis, & ob eximiam virtutem virum Regi*
pernotus & gratus. Nemo umquam, ut puto, dixit *virtu-*
tem virum; sed cum legatur in Palatino MS. *virum mag-*
nitudinem, referibendum ominino crediderim: *Eximiam vir-*
tutem, virumque magnitudinem. Sic de *Dioxippo*, ejusque
adversario loquitur *Diodorus Siculus*, Lib. XVII. p. 567.
Ἀποσφιν δὲ τῆ τε τοῦ σώματος καὶ τῆ τῆ ἀρετῆς
δυναμικῶν οἷον τῆ διομαχίας μάχης κινῆσαι ἀντιπαρ-

Cum uterque, propter vires corporis, & eximiam fortitudinem,
admiratori esset, quasi futura quadam *Deorum* pugna exspec-
tabatur.

13. Quare, † quo vitio declamatores ævi illius labora-
bant, *Curtius* est nimius in sententiis, quas non modo in o-
rationibus, sed & in narratione & obliquas & directas passim
ingerit. Harum exempla non proferam, cum ubique occur-
rant, atque ex *maiusculis* litteris, quibus in accuratioribus e-
ditionibus sunt expressæ, vel à pueris dignosci queant. Hoc
tantum dicam, ne nimia directarem copia Lectori displice-
ret, *Curtium* quandoque obliquas interponere, quæ prævi
in obliquam formam detortæ sunt. Sic Lib. X. C. I. 6. de
iis qui *Parmenionem* occiderant, quique ob alia scelera apud
Alexandrum accusabantur: *Plerique amicorum Alexandri*

lari recidisse iram in ira ministros, nec ullam potentiam
scelere quasitam cuiquam esse diuturnam. Directa sententia
est: *NULLA potentia scelere quasita cuiquam est diuturna*;

* Vide Lib. IX. C. V, 30.

† Vide *Quintilianum* Lib. IX. C. V.

quâ egregius sensus rectè exprimitur. Sed ut obliqua fiat, & uni eventui aptetur, debent voces universales, ut cum Logici loquar, in singulares mutari, aut omitti. Itaque dicere debuit Curtius: *Lati recidisse iram in ira ministros, & potentiam scelere quesitam illis non fuisse dignitatem.* Alioquin universalibus vocibus expressa, quamvis in obliquam formam inflectatur, eminet extra corpus orationis, nec inter se vestibus colore nitet.

14. Hæc & similia digna sunt, quæ diligenter animadvertantur, ne similibus locis vim inferamus, quod ejusmodi ignominia non satis commode expressæ sint. Exempli gratiâ, ita Curtius, de fuga exercitus Darii, post prælium ad Issum commissum: *Tum vero ceteri dissipantur metu, & quæ quisque parabat ad fugam via, erumpunt; arma jacentes, quæ paulatim ante ad tutelam corporum sumserant, adeo pavor etiam auxilia formidabat.* Quædam editiones Batavæ habent *formidat*, quomodo etiam ex conjectura legendum censet vir acutissimus *Tan. Faber.* Est enim, inquit, *gnome*, quæ ad omnes omnium temporum homines pertinet, qui metu correpti præsidia sua abiciunt, quæ serinare debuerant. Sed similis ratio suaserit, emendandum etiam esse locum superiorem, quod nemo audeat.

15. Ut nunc ad orationes veniamus, quas directas plurimas habet Curtius, ut vix totidem alibi occurrere, in tam parvo volumine existimem; ante omnia, profiteri necesse habeo me esse in eorum sententia, qui in Historia gravi orationes omnes & directas & obliquas onuttendas censent, nisi existent, aut earum sententia certissime sciri possit. § Scio quid viri eruditi scripserint, ut ostenderent licere Historico orationes tribuere iis, quorum res gestas scribit; non quales habuerint, sed quales habere potuerint, aut etiam, judice Historico, debuerint. Ad res ipsas quod attinet, quamquam fateantur, plerosque optines, qui loquentes inducuntur, eloquentiâ, & ingenio nequaquam Scriptorem æquasse. Scio etiam plerosque ex Veteribus ejusmodi orationes Historiis suis inseruisse. Sed, si verum dicere licet, elegantia orationum, quas in iis legimus, judicio eorum qui eas in Historia probant præstigias fecit; nam nulla ratio est, quâ possit homini veri amanti persuaderi, in hæc re licere Historicis ementiri. Neque enim multo minus mendacium est, inducere hominem dicentem quod non dixit, quia dicere potuit; quam describere facientem, non

* Lib. III. C. VI, 12.

† Ep. LI. P. I.

§ Vide G. J. Vossium in Arte Historica Cap. XX, & XXI.

quod fecit, sed quod poterat facere. Si credibile sit eos, quorum vitæ aut res gestæ litteris mandantur, rationibus quibuscumque ufos, aut permotos fuisse, quas Historici fictitiis illis orationibus inserunt; eas proferat ipse Historicus suo nomine, moneatque Lectores se existimare has aut similes fuisse rationes, quibus ii, de quibus scribit, adducti fuerint ad ea gerenda, quæ fecerunt. Quod cum sit, memo queri potest se falli; quamvis fortè in Historico majus iudicium, aut acumen desideret; neque ex rationibus ita expolitis aut minor lux Historiæ oritur, aut tenuior utilitas ad Lectores redit; nihil enim in orationibus directis dici potest, quod non aequè commodè exprimitur, in obliqua rationum expositione.

16. Tantum abest, ut veritati quæ sola in Historia spectanda est, quasi potissimus scribentis fuis, satisfiat fictis orationibus, ut ne verisimilitudo quidem seruetur. Nam quid absurdius fingi potest, quam idiotas, aut Barbaros, inducere loquentes aequè eleganter & disertè, ac si per multos annos Rhetoricæ operam dedissent? Quid ineptius ac putidius, quam omnes, qui loquentes inducuntur, aequè eloquentes videri? Hoc autem animadvertet, quisquis orationes directas, non modo *Curtii*, sed quorumvis Historicorum leget. Si consuetudo hæc toleranda suadet, at ratio, verique, imò & decori studium ferri non posse clamant; querenturque semper veritatem, ornamentis mendacii ita corrumpi, non illustrari.

17. Præterea hac quoque ratione fit, ut contra decori leges, ab imprudentibus Historicis, gravissimè alio modo peccetur. Nimium, cum omnibus suam eloquentiam commodent, non modo doctos & indoctos pari dicendi facultate instructos in medium producant; sed etiam cum sit unum Historicum ingenium, quod non facillè alienos mores induit, eosque diversissimos; omnes quibus orationes mutuas dat, ii ex indole non sua, sed Scriptoris, loquuntur. Apud *Curtium* omnes sunt declamatores, qui Scriptoris ingenio sapiunt, non suo. *Darius* declamat, *Alexander* declamat, milites ejus declamant; * *Scythæ* ipsi, omnium litterarum rudes, rhetorico calamistro inusti in medium prodeunt. Hoc in memoriam mihi revocat familiam illam, quæ tota cantabat. Pedes abluentes convivis, & paronychia tollentes, in hoc tam molesto officio, obiter cantabant. Potionem poscentem paratissimus puer non minus acido cantico excipiebat; & quisquis aliquid rogatus erat ut daret. Pantomimorum, non patris familiæ, triclinium credidisses. Sic, apud *Curtium*, omnes

* Lib. VII. c. 8.

sunt disertii, & Rhetores; omnes gnômas plurimâs, vel minimâ loquendi occasione oblata, profundunt.

18. Sed & sensim, cum hisce figmentis, subit major fingendi licentia. Qui adfueti sunt suum ingenium, suamque dicendi facultatem loquentibus commodare, iidem paullatim prudentiam res gerentibus mutuam dant, circumstantiâsque, pro sua sapientiâ, addunt, quando in antiquiorum Scriptis eas non inveniunt; ut sic Historia in Milesiam fabulam, magna ex parte, mutetur. Quod si contingat Scriptorem non satis esse peritum rerum, temporum aut locorum, non mendacia modo, sed repugnantia naturæ rerum ab eo proferruntur. Visne exemplum ex *Curtio*? En tibi duplex, & quidem insigne Lib. X. Cap. I, 24. Orsines, Persagadarum Satrapa, dicitur Regi cum omnis generis donis, non ipsi ea, sed etiam amicis ejus, daturus occurrisse: Cùmque hos donis super ipsorum vota coluisset, Bagoæ spadoni, qui Alexandrum obsequio corporis devinxerat sibi, nullum honorem habuit, admonitûsque à quibusdam quàm Alexandro cordi esset, respondit: Amicos Regis, non scorta, se colere; nec moris esse Persis mares ducere, qui stupro effœminarentur. Quibus auditis, spado potentiam flagitio & dedecore quasitam, in caput nobilissimi & insomnis exseruit. Generosum profecto est hoc responsum Orsinis, & dignum etiam Macedone; sed ita loqui non potuit homo Persa, qui sciebat Darium alii Bagoæ regnum debuisse, & cùm memorato consuesse. Quibus persuadere posset *Curtius*, nobilem Persam, & ad amplissimos honores evectum, id ignorasse quod * multi Græci scripserunt, ipseque adeo *Curtius* litteris prodidit? Ita enim loquentem inducit Alexandrum Lib. V. C. III, 12. Ne *Darius* quidem hereditarium Persarum cepit Imperium; sed in sedem Cyri, beneficio BAGOÆ, hominis castrati, admissus. Capite sequente §. 10. in litteris Nabarzanis, legimus, *Darium*, cùm occidisset Bagoam, hac excusatione satisfacisse popularibus, quod insidiantem sibi interemisset. Postea Cap. V, 23. inter dona, quibus Nabarzanes Alexandrum placare conatus est, dicitur fuisse Bagoas specie singulari spado, atque in ipso florere pueritiâ; cui & *Darius* fuerat adfuetus, & mox *Alexander* adfuevit. Nemo jam non videt *Curtium* finxisse responsum rei ipsi contrarium, dum vult homini è posteris Cyri digna tantâ nobilitate verba commodare; aut summum alium non prudentiorem excerpisse.

19. Sed & Alexandro, dum providentiam suam mutuam nimis benignè dat, stultè se se eum gerentem inducit; quod

* Vide supplementorum Freinshemianorum Lib. II. C. I, 1.

profecto

profecto fieri non potuit, in re usque adeo tunc temporis Macedonibus explorata. Alexander, paullo ante mortem, infinita animo complexus, statuerat omni ad Orientem maritimâ regione perdomitâ, ex Syria petere Africam Carthagini insensus, tum alia facere in Occidente, quæ memorat *Curtius* Lib. X. C. I. 17. Quam expeditionem animo conceptam ut exsequi posset, *Mesopotamia prætoribus imperavit, marerib; in Libano monte casâ, delectaque ad urbem Syriæ Thapsacum, ingentium carinas navium ponere; septiremes omnes esse, deducique Babytonem.* Non dicam mandari potius hoc debuisse Syriæ Prætori, in cuius præfectura situs erat mons Libanus; sed quis non videt ineptire nostrum Rhetorem, qui septiremes in Euphrate instruit, ut ex Syria petat Africam. At eam classem paratam fuisse in Arabas, utque coloniæ circa finem Persicum mitterentur, docet *Arrianus* Lib. VII. Verum hoc fortasse vult *Curtius*, hisce verbis: *Omni ad orientem maritimâ regione perdomitâ*, quibus verbis designari potest Arabia. Verum digna res erat, quæ pluribus exponeretur, ut omnis ambiguitas tolleretur; alioquin ea peccavit *Curtius* in Geographiam, quæ facile persuadent eum credidisse ex Euphrate posse, brevissimâ viâ, Carthaginem navigari. Certè hoc eum voluisse suadet magnitudo navium, quarum hic meminit; maioribus enim non solebant vulgo navigare mare mediterraneum, nec aptæ erant Euphratis & Tigridis alveis.

20. Hæc de *Curtii* stylo dicenda habebamus, quæ pluribus exemplis illustrassemus, & copiosius persequenti essemus; nisi ejus Historia omnium manibus versaretur, & quæ diximus adeo essent manifesta, ut quicumque Latine sciunt ea, sicut demonstravimus, se habere nullo negotio videre possent. Nec tamen nos elegantiae ejus styli quidquam detrachimus, aut propterea minus sumus adolescentibus ejus legendi auctores; modo eum quasi Rhetorem habeant, cujus lectione stylus expoliri potest, & adfurgere, si necesse sit, atque ex quo egregias sententias excerpant, quamquam nimis crebras, & alienis locis positas; non quasi Historicum, veri studiosum, cui accredere possint, aut quem liceat, in Historia scribenda, per omnia imitari.

* Qui sciunt quid sit septiremis, Euphratem tantas naves ferre posse non facile concedent. Maximas quinquereas memorat *Arrianus* eaque tantum duas, p. 161. Lib. VII.

CAPUT IX.

Q. Curtium laudatorem potius esse ambitionis nimiae Alexandri quàm vituperatorem. Egregia de illa Seneca & Lucani loca.

I. CUM Historia scribatur, non delectandi causâ, sed docendi; ejus Legibus cautum est, ut Historici vitia, de quibus loquuntur, aut disertè damnent aut ita describant, ut intelligant Lectores vitia esse, bonis omnibus diligenter fugienda. Nec ea vitia dumtaxat intelligenda, quæ aperta sunt, sed etiam quæ specie virtutum induta minus perspicaces fallunt. Inter priora fuerunt ebrietas, superbia, crudelitas; quæ in Alexandro, post superatum Darium, se se exhibuerunt, & quæ non raro castigavit *Curtius*. Sed posterioris generis fuit illa inextincta regnandi cupiditas, quâ Alexander, non modo Persis, sed & innumeris pacatis Gentibus, quæ nullâ ratione eum læserant, imò ne quidem noverant, bellum intulit. In eo affectu, superbia, injustitia, crudelitas, ignorantia sui, conjunctæ sunt cum juris divini & humani tanto contemptu, ut vix ullum sit deterius, atque exitius vitium. Hoc factum ut innumeræ innocentissimæ familiæ, urbes, nationes ab Alexandro sint bello vexatæ, direptæ, & quandoque ad internecionem deletæ. Superbis, libidinosis, avaris & crudelibus militibus & præfectis, gentes maximæ, hoc vitio, omnibus calamitatibus impunè mactandæ traditæ sunt. Attamen Græci Scriptores hæc scelera, atque latrocinia tantum abest ut damnent, ut consceleratum Regem, crudelissimumque exercitum, nobis, quod audacter hæc omnia fecerit, quali heroas quosdam describant; nec ab eorum sententia discrepat *Curtius*, qui ubique quantopere hæc admiraretur ostendit. Quod si Ethicæ Philosophiæ tantam operam dedisset, quantam dedisse videri voluit, frequenti illo moralium gnomarum usu, quas ubique adhibet, nunquam passus esset a Græculis sibi fucum ita fieri; nunquam, cum vulgo, usque adeo desipuisset, ut horrenda facinora virtutis veste indueret, & laudibus ornaret. Hac in re jam agnoscere licet declamatoris ingenium, quod speciosa sectatur, & vulgò plaudenda, potius quàm vera & sapientibus placitura.

2. Dixerit hic fortè quispiam, nos ea postulare ab Ethnico, quæ supra cognitionem Ethnicorum erant posita. Quod melius

melius confutare non possumus, quam allatis Ethnicorum testimoniiis, qui *Curtio* antiquiores erant. Eorum hac de re iudicia digna sunt, quæ & hic & alibi legantur; nam & hodie multi Christiani vix *Curtio* oculatiores sunt. Igitur ea integra proferre non gravabimur.

3. Auctor est * *Plutarchus*, *Aristotelem* nonnulla scripsisse ad *Alexandrum*, ut superbiam ejus retunderet, quæ utinam integra exscripsisset; ex iis enim clarius appareret quid de eo senserit *Philosophus*, cui notissimus erat. Quæ profert ea sunt subobscura, sed fortè datâ operâ, ad vesanum juvenem, scripserat obscurius *Aristoteles*. Οὐ μόνον, ἔφη, τοῖς πολλοῖς ἡγεμονὶ καὶ βασιλεῦσι μέγα φρονεῖν, ἀλλὰ καὶ τοῖς πλεῖστον δόξας ἀληθείας ἔχειν. Πρωτοῦμα δὲ καὶ πρὸς πελεμῖος τὰ τοιαῦτα

Δυσήνων δὲ τε παῖδες ἐμῶ μὲν ἀντίωσι.

Kaὶ πρὶ τῶ Περσῶν βασιλέως, μεγάλῃ δὲ καλυμμένῳ Ἀγασίλαθ, πρὶ ἐμῶ γὰρ μέγαν ἐκείνῳ, εἰ μὴ καὶ διαίσιον; dixit non his tantum, qui magnum tenerent imperium, permixtum esse magnificè de se sentire; sed his etiam, qui veras opiniones de Diis haberent. Utilia sunt etiam adversus hostes & inimicos isthæc:

Prognatos miseris nostris fors objicit armis.

Et de Persarum Rege, qui magnus vocabatur, *Agésilæus*: qui, inquit, major me est, nisi & justior? Duò hisce, si quid iudico, significare voluit *Aristoteles*; primum eos non posse gloriari qui amplissima imperia subegissent, quemadmodum *Alexander*, nisi pietatem erga Numen colerent, quæ in illo nulla fuit, cum Diis æquari vellet; deinde nullâ laude dignos esse eos, quibus regna maxima parerent, nisi simul benefici & iusti essent; quorum neutrum fuit *Alexander*. Si enim beneficentiam ejus comparemus cum calamitatibus, quas innocuis intulit; numquam effugiet quin censeatur iræ divinæ flagellum, nedum ut humani generis deliciae haberi queat. Pro perpaucis militibus, hoc est, carnificibus, pro aliquot metreticibus, adulatoribus, aut tyrannis, quos muneribus donavit, aut benignius habuit; quot myriadas hominum, & familiarum fortunis omnibus evertit, crudeliter vexavit, atque e medio sustulit? Miseros omnes reddidit, qui sua contra ejus rapacitatem tueri paullo constantius auli sunt; nec potuit *Aristoteles* melius maleficam illam indolem describere, quam versu Homérico, quo utitur *Achilles*, similis vesaniæ exem-

* De sui laude p. 545.

plar; ad quod se se componebat Alexander, qui & ab illo ortum se gloriabatur:

Prognatos miseris nostris sors obicit armis;

Cum orbos fecerit innumeros parentes, qui florentes ætate liberos, dam patriam pio & iusto bello defenderent, amiserunt. Iustum ejusmodi hominem nemo dixerit, qui omnia sua esse contendebat, seque natum ut omnibus imperaret, ceteris verò mortalibus solam gloriam obsequii relictam; quem denique optimè pinxeris, iisdem coloribus, quibus *Horatius* * pingi voluit Achillem:

*Impiger, iracundus, inexorabilis, acer,
Jura negat sibi nata, nihil non arrogat armis.*

Hunc Spartanorum regulo, justitiæ observante, ex sententia Agesilai, quâ nihil verius, jure dixeris minorem, quamvis latissimè pateat ejus imperium. Hanc *Aristotelis* mentem fuisse omnino existimarim, obscurius licet expressam, quod sibi timeret à ferocissimi discipuli ira.

3. Utinam exstarent libri *Ciceronis* de Republica! Sine dubio in iis summi viri gravissimum judicium de Alexandro legeremus, ut colligere est ex fragmento, quod ex tertio ejus Operis libro profert *Nonius Marcellus*. Est responsum Piratæ, ex quo intelligere potuit Alexander, quodnam discrimen inter se & ejusmodi homines esset; nam cum quæreretur ex eo, inquit Cicero, quo scelere compulsus mare haberet infestum uno myoparone? Eodem, inquit, quo tu orbem terra. Vix dubito quin Cicero, suffragio suo, Piratæ responsum confirmaret; cum hæc verba ex eodem libro proferat idem Grammaticus: Est genus injuste servientis, cum ii sunt aliterius, qui sui possunt esse; quæ verba ad populos liberos, ab Alexandro subactos, pertinent.

4. Sed clariùs loquentem *Senecam* atque insatiabilem ejus cupiditatem (nam cetera omitto vitia) damnantem audiamus. Cum victor Orientis animos supra humana tolleret, Megarenses, per legatos, gratulati sunt, & civitate illum suâ donaverunt. Ridenti verò Alexandro hoc officii genus, unus ex legatis, nulli, inquit, civitatem umquam dedimus aliis, quàm tibi & *Herculi*. Tum libens accepit delatum honorem, cogitavitque non qui sibi civitatem darent, sed cui dedissent; & homo gloriæ deditus, cujus nec naturam, nec modum no-

verat, Herculis, Liberi^{que} vestigia sequens, ac ne ibi quidem resistens, ubi illa defecerant, ad socium honoris sui respexit astantibus; tamquam cœlum, quod mente vanissimâ complectebatur, teneret, quia Herculi æquabatur. *Quid enim, subdit Seneca, * illi simile habebat vesanus adolescens, cui pro virtute erat felix temeritas? Hercules nihil sibi vicit, orbem terrarum transiit non concupiscendo, sed vindicando. Quid vinceret malorum hostis, bonorum vindex, terrarum, marisque pator? At hic à pueritia LATRO, GENTIUM QUE VASTATOR; tam hostium perniciēs, quàm amicorum; qui summum bonum duceret terrori esse cunctis mortalibus, oblitus non ferocissima tantum, sed ignavissima quoque animalia timeri, ob virus malum.*

5. Cum ea esset indoles Alexandri, is finis ejus bellorum, mirum est Curtium ita alloquentem milites eum inducere potuisse, ante Issicum prælium: † illos terrarum orbis LIBERATORES; quasi Macedones cogitassent de cuiusquam liberatione! Sed diu in illa imagine non hæret Alexander; illico contrarium, sed verum, subdit: *Emensisque olim Herculis & Liberi Patris terminis, non Persis modò, sed etiam omnibus gentibus IMPOSITUROS JUGUM.* Nimirum, liberatores orbis eo animo bellum gerebant, ut omnibus gentibus imponerent jugum. Sed ut commemoratus Hercules, cui conferre volebat Curtius Macedonas, effecit ut liberatores eos vocaret: ita veritas ab eò extorsit, ut in sequentibus eos describeret, quasi jugum imposituros omnibus gentibus. Declamatores qui partim ex vero, partim ex libera fictione, loquuntur, non semper sibi constant. Verum ad Senecam redeamus.

6. Alibi, ne fortè temerè ab illo, loco allato, castigatum Alexandrum quis putet, non minus severè de eo judicat: § Alexandro, inquit, quamquam in littore maris rubri steterat, plus deerat, quàm quæ venerat. Illius ne ea quidem erant quæ tenebat, aut vicerat; cum in Oceano Onesicritus, præfectus classis, præmissus explorator erraret, & bella in ignoto mari quæreretur. Non satis apparebat inopem esse, qui extra naturæ terminos arma proferret? Qui se in profundum, inexploratum & immensum, aviditate caca, prorsus immitteret? Quid interest quot eripuerit regna, quot dederit, quantum terrarum tributo premar? Tantum illi deest, quantum caput.

7. Epistolâ CXIX. æquè graviter in eum invehitur: Numquam parum est, inquit, quod satis est; nunquam medium

* De Beneficiis Lib. I. c. 13.

† Lib. II. C. X, 5.

§ De Benef. Lib. VII. C. 2.

est quod satis non est. Post Darium & Indos, pauper est Alexander Macedo. Querit quod suum faciat, scrutatur maria ignota, in Oceanum classes mittit novas, & ut ita dicam, mundi claustra perrumpit. Quod natura satis est homini non est. Inuentus est qui concupisceret aliquid, post omnia. Tanta est cecitas mentium & tanta est initorum suorum uincique, cum processit, obliuio. Ille modo ignobilis anguli, non sine controversia, dominus, de tanto sine terrarum, per suum rediturus orbem, tristis est.

8. Ex hisce satis liquet, infinitam illam alienorum cupiditatem, quæ in Alexandro fuit, audaciam & artem quibus ea invadebat, conjunctas cum viribus nocendi, quibus abutebatur, fuisse vitia longè maxima, eoque exitialiora, quò pluribus nocebant. Attamen, si credimus Rhetoribus & Poëtis, heroicæ virtutes fuerunt, quibus factum est ut Alexander pænè dignus visus sit, qui Deorum ordinibus adscriberetur. Hisce vitiis, sed velatis nominibus fortitudinis, scientiæque militaris, vitia alia ita pensari existimant, ut vix ea illi exprobrari patiantur. Sic, prohi stultitia! vitia minora vitiis multo maioribus excusatum eunt; perinde ac si quis furtum, cujus accusareter, homicidio excusaret.

9. Non potuit ei Seneca eadem Callisthenis, egregii Philosophi, ignoscere, atque hoc solum scelus, omnibus, quæ in Alexandro laudari potuerunt, grauius existimavit. Hoc est, inquit, Alexandri crimen æternum, quod nulla virtus, nulla bellorum felicitas redimet. Nam quotiens quis dixerit: occidit Persarum multa millia; opponetur: & Callisthenem. Quotiens dictum erit: occidit Darium, penes quem tunc magnum regnum erat; opponetur: & Callisthenem. Quotiens dictum erit: omnia Oceano tenus vicit, ipsam quoque tentavit novis classibus, & imperium ex angulo Thraciæ, usque ad Orientis terminos protulit; dicetur: sed Callisthenem occidit. Omnia licet antiqua exempla Regum, ducumque transferit, ex his quæ fecit nihil tam magnum erit, quam scelus Callisthenis.

10. Ad id exemplum si licet ratiocinari, (& quidni liceat?) quoties dicetur in eo fuisse * vis incredibilis animi, laboris patientia propemodum nimia, fortitudo non inter Reges modò excellens, sed inter illos quoque, quorum hæc sola virtus fuit; obiciemus fuisse simul incredibilem alieni cupiditatem, cui ut satisfaceret, nihil fuit tam sanctum inter homines quod pedibus non conculcasset, nullum periculum quod non adiret, nullus labor quem recusaret; adeo ut fures, latrones,

* Curtius Lib. X. Cap. V, 25.

Piratæ, ex desperatione rerum suarum, ad sceleratas illas artes conversi, nihil sint præ illo. Quoties in illo laudabuntur liberalitas sæpe maiora tribuentis, quàm à Diis petuntur; clementia in devictos; tot regna aut reddita, quibus ea demeruit bello, aut dono data; & mortis, cuius metus ceteros exanimat, perpetua contentio; dicemus liberalem fuisse ex rapto, & plerumque in indignos, spoliataque ab eo oppida & regna, ut alienas facultates in adulatores profunderet; clementem fuisse in eos solos qui se ei servire paratos significabant, cum non minus liberi nati essent ac Macedones; contemptum vero mortis ex recordia manasse, cum, ne quid aliud dicam, omnia possideret, propter quæ vitam amare debebat; denique, si quæ fuit in eo significatio virtutis, nullâ ratione esse a qui parandam cum latrocinandi cupiditate, quâ, quibuscunque libebat, inferebat bellum, nisi se se ei in servitutem darent. Cum mors communem hunc generis humani hostem rapuit, parabat, Oriente subacto, Occidentem, nisi sibi sponte pareretur, incolarum ejus sanguine inundare; qui tamen (plerique certè) vix illum de nomine norant, nec ubi locorum esset Macedonia sciebant.

II. Sed non opus est verbis nostris uti, ut ostendamus res gestas *Alexandri* memoriam ejus inter homines infamare, potius quam illustrare, si saperent, debuisse; audiamus * *Lucanum*, patri egregiè vestigia sequutum, ejusque verbis Caput hoc claudamus. Sic ille de sepulcro *Alexandri*, quod *Alexandriæ* viscebatur:

*Illic Pellæi proles vesana Philippi,
Felix PRÆDO jacet, terrarum vindice fato
Raptus. Sacratissimum totum spargenda per orbem,
Membra viri posuere adytis; Fortuna pepercit
Manibus, & regni diravit ad ultima satum.
Nam sibi libertas unquam si redderet orbem,
Ludibrio servatus erat, non utile mundo
Editum exemplum, terras tot posse sub uno
Esse viro. Macerum fines, latebrasque suorum
Deseruit, victasque patri despexit Athenas;
Perque Asia populos, fatis ingentibus, actus
HUMANA CUM STRAGE ruit, gladiumque
per omnes
Exegit gentes; ignotos miscuit amnes,
Persarum Euphraten, Indorum sanguine Gangem.
Terrarum fatale malum, fulmenque quod omnes*

* Lib. X. vers. 20. & seqq.

*Percuteret pariter populos, & fidus iniquum
Gentibus. Oceano classes inferre parabat,
Exteriore mari. Non illi flamma, nec unda,
Nec sterilis Libye, nec Syrticus obstitit Ammon.
Iffet in occasus, mundi devexa sequutus,
Ambissetque polos, Nilumque à fonte bibisset;
Occurrit suprema dies, naturaque solum
Hunc potuit finem vesano ponere Regi.*

12. Jam nemo, opinor, hisce lectis, nos nimia exigere à Curtio, homine Ethnico, dicere poterit; cum contendimus Alexandri latrocinia debuisse vituperari, si gravem Historicum, potius quam declamatorem, egisset. Hoc unum hic spectavimus, nam ad rem ipsam quod attinet, eam subtilius tractare hic aggressi non sumus. Obiter tamen rem attigit Curtius, in oratione Scytharum, quæ legitur Lib. VII. C. VIII. & in qua hæc dicentes Scythiæ inducuntur: *Tu quise gloriaris ad latrones persequendos venire, omnium gentium, quas adisti, latro es.* Verum non oportebat rem tantam dumtaxat in uno loco attingi, sed & copiosius exponi, & frequentius inculcari; nec ab hostibus modo Alexandri, sed ab ipso etiam Historico, aliena personâ minime tecto.

CAPUT X.

Aliquot loca Q. Curtii tentata, aut emendata.

3. **U**SUS sum, in legendo Curtio, editione secunda Joannis Freinsheimii, quæ prodit Argentorati anno MDCLXX. Ea cum habeatur emendatissima & libello variarum Lectionum, cum ex Editionibus, tum ex Libris Manuscriptis collectarum ornata sit, instar omnium esse potest. Animadverti tamen virum diligentissimum, & laboris patientissimum non semel admisisse eas Lectiones in contextum orationis, quæ manifestò falsæ sunt, cum veræ in aliis Editionibus legerentur; & Critico acumine, rarius quàm par erat, aut etiam aliquando infeliciter usum. Quod non eò dico, ut laboribus ejus quidquam detrahā, quibus persæpe & grato animo utor; sed certum est colligendo aptiorem fuisse, quàm conjiciendo aut dijudicando, quæ dos est maxima Critici. Exemplā nonnulla, hoc in Capite, proferemus, ex quibus res fiet manifesta.

2. Cum mater & uxor Darii hunc lamentarentur, quasi in acie cecidisset, misit Alexander ad eos Leonnatum, qui indicaret Darium vivere. Ille, cum paucis armigeris, ad earum tabernaculum se confert, missumque à Rege se nuntiare jubet. At ii, qui in vestibulo erant, ut armatos conspexere, rati actum esse de dominis, in tabernaculum currunt, vociferantes adesse supremam horam, missosque qui occiderent captas. Itaque, ut quæ nec prohibere possent, nec admittere auderent; nullo responso dato, tacite opperiebantur victoris arbitrium. * *Leonnatus* verò, ait *Curtius*, *exspectato diu, qui se intromitteret, posteaquam nemo PRODUCERE audebat; relictis in vestibulo satellitibus, intrat in tabernaculum.* Ait ad hunc locum *Freinsheimius*, in Bongarsiana, Lugdunensi & Amstelodamensi editionibus legi *procedere*; quod non displicet, inquit, sed & *Sebifius* ita legendum putabat. De re clara, non erat dubiè loquendum, nam *producere* absurdum est hoc in loco; significat enim, ubi de hominibus sermo est, egredientes comitari. Hic verò neminem egredi ausum ait *Curtius*, quod significat vox *procedere*. Rem notissimam exemplis probare nihil attinet, sed locum *Ruffini* proferam, in re planè simili; qui licet non satis castigatè ubique loquatur, tamen passim ostendit melioris ævi Scriptores à se tritos fuisse. Sic ille in Recognitionibus *Clementis*, Lib. I. c. 12. *Cum hospitium (Barnabæ & Petri, quos quærebat Clemens) reperissem, atque ante fores constitissem, ingerebam janitori quis essem atque unde adventarem; & ecce Barnabas PROCEDENS----- apprehensum me manu introducebat ad Petrum.* Cum deesset Leonnato, qui hoc faceret, sponte suâ ingressus est.

3. Non multo † post, narratâ humanitate Alexandri erga matrem, uxorem & filias Darii: *Sed nondam, inquit, fortuna se animo ejus insinuerat; itaque orientem eam moderatè & PRUDENTER* *Rebulet*, ad ultimam magnitudinem ejus non cepit. Lege PRUDENTER, hæc enim in re pudor est, potius quam prudentia. Vox est *Ciceronis*, *Cassii*, *Horatii*, aliorum. Huc facit *Aufonius* præceptum Epist. VIII.

Fortunam te parentar habe, quicunque rapente

Dives ab exitu prægrediere loco.

Ante nos, ita legendum viderat *Valens Acididius*.

4. Locus est in *Curtio*, qui frustra Crickos exercitos habuit. Narrat supplicium sumam de Præfecto Damasci, qui

* Lib. III. C. XII, 10. † Ibid. §. 20. § Lib. III. C. XII, 17.

quasi parum munimentis oppidi fidens, pecuniam regiam, cum pretiosissimis rerum, efferri iusserat, fugam simulans; revera ut praedam Parmenioni offeret. Exposita ea fraude, disieptioneque gazae Persicae, subdit Curtius: Ceterum Dariae tantae fortunae proditorem, SEPULTURAE celeriter debita poena persequuti sunt; namque unus est confectus, credo, Regis vicem, etiam in illa sorte, reveritus intersecti proditoris caput ad Darium tulit. Suspiciatur Freinshemius pro sepultura, legendum ulturi, sed suae conjecturae non fidit. Tac. Faber* audacior multo, sed & acutior Criticus, legit securum sceleris. Sed haec nimium abeunt a vetere scriptura. Legendum censeam impostura, nam hoc crimen scelerati hominis fuit, quod aliter stellionatus dici solet. Ulpianus Dig. Lib. XLVII. Tit. XX. l. 3. docet stellionatum obijci posse his, qui dolo quid fecerunt, & locum habere cum in omni dolo, qui peculiari nomine caret, tum si quis IMPOSTURAM fecerit, vel collusionem in necem alterius. Glossae veteres: Impositura, stellionatus, ἡ δολοφονία, ἡ χλευή. Quamvis ea vox in antiquioribus non occurrat, inferiorem esse Vespasiani aeo non existimo; cum verbum imponere, fallendi significatu, non raro in ejus & superioris aetatis Scriptoribus legatur; nec dubium sit, quin Jurisconsulti praeas multas voces Latinas soli nobis servarint.

5. Sic describuntur campi, in quibus commissum alterum cum Dario praelium: *Equitabilis & vasta planities, ne stirpes quidem & brevica virgulta operiant solum, liberque prospectus oculorum, etiam quae procul recessere, permittitur.* Nulla est constructio in his verbis, etiam quae procul recessere. Legendum ergo, quae procul recessere, verbumque hoc coniungendum cum nominativis planities & solum, quae antecesserunt; aut legendum: *Illorum etiam quae procul recessere.* Conjectura Fr. Modii, legentis permittitur, in quam inclinat Freinshemius, absurda est.

6. Patron Graecorum dux, accusaturus Bessum & Nabarzanem, apud Dariam, ut sibi fidem faciat, ait se nihil ab ullo sperare posse, praeterquam a Dario; cum Bactriani, alique praemia ab aliis possent expectare: † *Amisimus*, inquit, *Graciam*, nulla Baetra sunt nobis; spes omnis in te, utinam & IN ceteris esset. Delendum posterius IN, nam optat Patron ut ceterae copiae Darii nullam spem nisi in eo haberent, futurae quippe fideliores. Sic quidem mavult Freinshemius, fert tamen & vulgatum in ceteris, quamquam multo languidior inde sensus exit. Imo vero nullus qui seriei orationis conve-

* Ep. Lib. I. L. LI. † Lib. V. C. XI, 6.

niat, nam Latine nemo dicat: *Utinam in ceteris omnis spes in te esset!*

7. Cum accusatus esset Philotas à Nicomacho, præsente Cratæro, hic omnem lapidem movet, ut Alexandrum ad perducendum Philotam adducat, vetatque credere hunc veniâ mutari posse, tum addit: † *At ego, etiamsi ipse vel pœnitentiâ, vel beneficio tuo victus quiescere volet, patrem ejus Parmenionem tanti ducem exercitus, & inveteratâ, apud milites tuos, auctoritate, haud multum infra magnitudinis tue fastigium positum, scio non a quo animo salutem filii sui dabiturum tibi. Quædam beneficia odimus, meruisse mortem confiteri pudet. Superest ut malit videri injuriam accepisse, quàm vitam. Quibus dictis, quid hinc Alexandro colligendum esset his verbis significat: Proinde scio tibi cum illis de salute esse pugnandum.* Legendum SCITO, nam hîc scio locum habere non potest, ut in superioribus.

8. Hermolaus, cum fassus esset se in Alexandrum conspirasse, mortemque propterea exspectaret, ita orationem claudit: * *De cetero parce, quorum orbam senectutem supplicis ne oneraveris.* Legendum parentum, non parce quorum. Aliæ conjecturæ duriores sunt, & magis recedunt à scripturæ hujus vestigiis, ut liquebit, si consulatur Commentarius Freinsheimii.

9. Hæc in *Curtio* emendanda nobis videbantur, quibus & alia nonnulla potuissimus addere; sed, sine auxilio MSS. Codicum, multa mutari posse non censemus. Itaque hic iudicio nostro, de *Curtio*, finem imponemus; quod si per omnia non probaverint Critici, non mirabimur; nec ipsi solemus omnia illorum probare.

III. SECTIONIS. III. PARTIS ARTIS CRITICÆ

F I N I S.

† *Lib. VI. C. VIII, 7.*

* *Lib. VIII. C. VII, 15.*

CORO.

CORONIS.

In qua varia loca Artis Criticæ confirmantur atque illustrantur.

1. **HOC** Opusculo ad finem pænè perducto, animadverti varia quæ paraveram, ut suis locis collocarentur, a me, dum alia attendo, prætermiſſa fuiſſe. Alia etiam aliud agens, jam editis iis quibus illuſtrandis apta erant, inveni. Igitur cum res ampliùs integra non eſſet, cùmque exempla prætermiſſa, aut ſerius inventa, digna viderentur quæ Lectori legenda præberentur; conſilium cepi poſtremum hoc Caput operi adijcere, cui *Coronidi* nomen impoſui; quod licet eo carere poſſet opus, tamen ad ejus ornatum, perfecti-
onemque pertineret.

2. *Artis Criticæ* P. I. C. II, 11. oſtendimus quinam ſint, apud *Horatium*, irretorti oculi. Duo hic exempla hominum irretortis oculis divitias ſpectantium proferemus. Prius erit Thebani ſenis, de quo ita *Phavorinus*, in Opere de Senectute, apud *Stobæum*, in Floril. Serm. CXII. Ὁ Βοιωτὶς ἐν λυγρὸν θησαυρὸν μετὰ ἐξ ὀδοιπύων ἐπὶ, ἐπὶ εἰς τὸ σκέλος ἀπεκάλεισεν καὶ παρῆλθεν ὡς ἐκ ἐπιβάντων ὄντα πρὸς αὐτὸν: Bæotus cum incidiſſet in theſaurum, natus plus quam ſeptuaginta annos, ſublato crure fruſtra inventum ſignificavit & tranſiit, quippe qui nihil ampliùs ad ſe pertineret. Poſterius exemplum erit Apollonii Tyanei, qui, ut auctor eſt *Philoſtratus* de ejus vita Lib. I. C. XX. διὼν εἰς τὰ βασιλεία ἐπὶ διέκλειπεν εἰς ἐπὶ τὴν δαδὺα ζομένων, ἀλλ' ὥσπερ ὀδοιπύων διήλθ' αὐτά: per regiam (apud Parthorum Regem) tranſiens, eorum quæ admirationi ſunt nihil ſpectavit, ſed quaſi iter faciens eam peragrabat. Nihil intereſt hæc vera haberi, ſi modò hinc colligatur oculorum irretortorum imago.

3. P. II. Sect. I. C. II, 16. Nonnulla diximus de voce *σπουδαῖν*, quibus addendum non incommode potuiſſe eam exprimi voce Latinâ *obtrunbare*, quâ eodem ſenſu utitur *Terentius* in *Andria*, Act. V. S. IV, 23. ubi hiftoriam cùm cœpiſſet

set narrare Crito, nec dum absolvisset, hæc subiiciuntur
 -----SI. *Fabulam inceptat. CH. Sine. CR. Itane verò obtur-*
bat? Hoc est, *interstrepit*, ut interpretatur *Donatus*, seu
 contumeliosis verbis interpellat.

4. Ibidem §. 35. diximus aliâ Linguâ totidem verbis expri-
 mi non posse, *proh Deum atque hominum fidem!* Addi potuit
 multas esse loquutiones, in quibus vox *fides* occurrit, quarum
 sensum, ad rem quidem ipsam quod attinet, intelligimus, &
 aliis Linguis exprimimus; sed in quibus difficulter dicas quid
 significet ea vox, & quomodo à primigenio significato in eam
 notionem transierit. Exempli gratiâ, *capere in fidem devot-*
itas nationes, commendare fidei alicujus, conferre se in fidem
alicujus, implorare fidem; vir plenus fide, &c. quæ magno
 numero suppeditabit *Rob. Stephanus*, aut alius Lexicogra-
 phus. Possem ea de re dicere, sed pluribus opus esset ver-
 bis, & satis est hic animadvertisse, nullam esse vocem, in a-
 liis Linguis, cui sint subiectæ notiones eadem & totidem nu-
 mero, ac voci Latine *fides*.

5. Cap. IV, 9. multa habemus, de hac loquutione *inscri-*
bere animo. Addendum tamen *Pindarum Olympion. Od. X.*
 cum vellet dicere: *revocate mihi in memoriam Agesidamon*
Archestrati filium, rem ita expressisse: Τὸν Ὀλυμπιονίκον
 ἀγέσιδμον ἀρχεστράτου παῖδα, πρὸς ἐμὸν πνεῦμα ἑλθεῖν
Olympionices, Archestrati filius, ubi in animo meo scriptus sit,
revocate mihi in memoriam.

6. Cap. VI, 4. iis quæ dixi de *Justitia* notione, apud Eth-
 nicos, oblitus sum addere locum *Laëtantii* è Lib. V. C. 10.
Apud Maronem rex ille,

----- quo justior alter

Nec pietate fuit, nec bello major, & armis;

Qua nobis justitia documenta protulit?

Vixerat & post terga manus, quos mitteret umbris
 Inferias, cælo sparsurus sanguine flammæ.

Quid potest esse hac pietate dementius, quam mortuis humanis
 vultibus immolare, & ignem errore hominum, tamquam oleo
 pascere? Sed fortasse hoc non ipsum vitium fuerit, sed Poëta,
 qui illum insignem pietate virum, insigni scelere, scædaverit.
 Vide & sequentia, ex quibus liquet *Justitiæ* & *Pietatis* noti-
 ones, apud Ethnicos, non latè patere.

7. Capite VII, 6. varia attulimus loca de *natura gentium*,
 quæ si cui nondum satis sint, hanc accipiat cumulum. *Eth-*
nicus

anus Var. Hist. Lib. II. c. 13. auctor est Nubibus Aristophanis
summi opere delectatos fuisse Athenienses, & quos ὀδυρεῖς ὄν-
τας & τῷ τῷ αἰσῷ παρρησίαν παρασκευάσαντες: qui naturā invidi-
erant, & qui amabant livore optimos prosequi. Herodianus
Lib. I. C. VI, 25. εὐσὶ τὸ βαρβαρὸν οἰοχρημαίων: naturā bar-
bari sunt divitiarum amantes. Lib. II. C. VI, 13. εὐσὶ δὲ κα-
πὸν τὸ Σύρων ἔθνος, naturā levis est Syrorum gens; & paullo
post: φιλέσθαι δὲ εὐσὶ Σύροι, Syri naturā festorum aman-
tes.

8. P. II. S. 2. C. III. 9. *Urbs aut oppidum id plerumque dicitur quod descriplimus, si moenia & fossam addideris, quibus muniti solet; at qui eas voces, ex hac descriptione, intelligeret, in Historiis Veterum Britannorum; is vehementer falleretur, si credimus Casari, qui Lib. V. c. 21. ita eorum oppida pingit: * Oppidum, inquit, Britanni vocant, cum sylvas impeditas vallo & fossa muniterunt, quò, incursionis hostium vitanda causa, convenire consueverunt. Vide & notata a nobis, ad Gen. III. 17.*

9. Capite V, 14. in Ethnicos inveciti sumus, qui pro patria mori pulcrum ducebant. Ad eam rem facit Lactantii locus, quem nescio quomodo prætermisimus, cum eum in finem a nobis adnotatus esset. Legitur Inst. Divin. Lib. VI. c. 6. Sublatâ hominum concordia, virtus nihil est omnino. Quæ sunt enim patria commoda, nisi alterius civitatis aut gentis incommoda? id est, fines propagare, aliis violenter ejectis, augere imperium, vectigalia facere majora. Quæ omnia non utique virtutes, sed virtutum sunt everfiones. In primis enim tollitur humane societatis conjunctio, tollitur alieni abstinentia, tollitur denique ipsa justitia; quæ diffidiam generis humani ferre non potest & ubiqueque arma sulerint, hinc eam fugare & exterminari necesse est. Verum est enim Ciceronis illud: † Qui autem civium rationem dicunt habendam, externorum negant, dirimunt hi communem humani generis societatem; quâ sublatâ, beneficentia, liberalitas, bonitas, justitia funditus tollitur. Nam quomodo potest justus esse, qui nocet, qui odit, qui spoliat, qui occidit? Quæ omnia faciunt qui patria prodesse nuntiant.

10. Diximus P. III. S. I. C. VI, 24. saepe contigit ut ex duobus vocibus una fieret, dum *Dictator* librarius nimis celeriter dictat, aut voces non satis distinguit. Habebamus e.

* *Urbantur voce Caer, quae idem ac Phoenicia קרית Kirtha, non est, urbs, à verbo קרא Kara, quod saepe convocare sonat, quia eo convocati, ex agris conveniebant.*

† *Oficio. Lib. III. C. 6.*

gregium ejus rei exemplum, dudum à nobis animadversum, quod allatum oportuit. Est locus *Rutilii Numatiani*, in Itinerario, ubi ita loquitur vers. 73.

*Inventrix olea colitur, viniq[ue] rep[er]tor,
Et qui primus humo pressit aratra puer.
Aras Paoniam meruit Medicina per artem,
Factus & Alcides NOBILITATE Deus.*

Ubi legendum NOBILIS ARTE. *Deus*, ut superior versus, & sensus docent. *Factus* autem *Hercules arte Deus* dicitur, ut opponatur iis, qui credebantur *natura Diis*, de qua loquutione multis diximus Part. II. S. I. C. VII. 4. & seqq. Vocatur etiam *nobilis Deus*, ut distingatur ab ignobilibus quibusdam Diis, quorum nomina in uno loco nota erant. *Cicero* de Nat. Deor. Lib. III. num. 50. *Alabandenses quidem sanctius Alabandum colunt, à quo est verbs illa condita, quam quemquam NOBILIUM Deorum; apud quos non inurbane Stratoniceus, ut multa, cum quidam ei molestus Alabandum Deum esse confirmaret, Herculem negaret: ergo, inquit, mihi Alabandus, tibi Hercules sit iratus. Videtur & ante oculos habuisse Rutilius versus hosce Horatii Lib. III. Od. 3.*

*Hac arte Pollux & vagus Hercules
Innixus arces attigit igneas.*

II. Ejusdem Capitis §. 26. attulimus exemplum omisse adspirationis, ex *Terentio*, cui addendum hoc *Plantinum*, ex *Mercatore* Act. IV. Sc. 4. vers. 15. ubi coquus *Dorippam* videns:

Satis scitum filum mulieris! virum hercle amet.

At MSS. *Camerarii* alter habet *amet*, alter *amet*, quod est pro *hamet*. Respicit ad ambiguitatem vocis *filum*, quæ significat quidem hic formam, ut ex *Lucilio* & aliis probantur, at propriè sonat quod ex lino, lanæve trahendo ducitur, quales erant *lineæ* (subintelligendum, chòrdæ) quibus addito hamo piscabantur. Sensus est, pro consuetudine *Plauti*, egregius, *scitum filum mulieris! hercle virum hamet*; hoc est facile *hamare*, seu adjungere, ac sibi devincire queat. Participium *hamatus* frequens est in optimis Scriptoribus, quamvis nondum, quod meminerim, mihi occurrerit verbum *hamo*.

12. Cum superiora pæne omnia edita essent, editionisque molestia minus urgeret, libuit emendationes locorum *Ciceronis*, quæ in Sect. 1. Partis III. à me propositæ sunt, conferre cum Editione *Ciceronis Dionysiorum Lambini & Gothofredi*, quæ Genevæ prodit anno * MDXCVI. Ex ea collatione, intellexi nonnulla mihi à *Lambino* præcepta fuisse, quæ tamen non minus mea esse existimo; cum non minus mihi in mentem venerint, quam si nullus umquam in rerum natura fuisset *Lambinus*. Imò vero gavisus sum nonnullas meas conjecturas à viro doctissimo fuisse confirmatas, nec eas paullo certiores esse propterea judico. Animadverti etiam *Gruterum* bono illi viro interdum nimis malignè detrachere, cum illum merito persæpe castigavit. Sed in *Grutero* & *Fried. Taubmanno* manifesto se prodit libido minus laudabilis contradicendi viro eruditissimo. Credo equidem eos diligentius MSS. Codices contulisse, & religiosius laudasse; sed tamen neuter æquavit *Lambinum*, elegantia styli; neque, ut puto, ingenio superavit, quamvis certatim eum carpant.

13. Debuisset *Gruterus* meminisse ad Lib. III. de Oratore, C. 18. conjecturæ *Lambinianæ*, quâ voci *attamen*, substituit *ac tandem*; quæ videtur vera lectio, de qua vide dicta à nobis Part. III. S. 1. C. VIII, 6. Si *attamen* sensum aliquem relinqueret orationi *Ciceronis*, non esset quòd quereremur; sed cum nullus sit, digna erat conjectura *Lambiniana*, quæ obiter saltem commemoraretur. Debuisset certè *Gruterus* inspicere hîc *Palatinos Codices*, & monere an omnes habeant *attamen*.

14. Emendaverat etiam *Lambinus* Lib. IV. in Verrem Capite undecimo, ex distinctione *Gruteriana*, *orationibus*, cum clarum sit legendum esse *nationibus*, ut monuimus ibidem §. 8. Negligentia *Gruteri* hîc ferri non potest, imò fortè & invidia, cum res sit manifesta. Interea quæ de eo loco diximus, ea non minus illustant quæ illustranda susceperamus. Nec poenitet laboris; certè hinc intelleximus in *Gruteriana* editione nequaquam esse adquiescendum iis, qui *Ciceronem* intelligere cupiunt, quod famâ decepti antea credideramus.

15. Cap. XV, 8. emendavimus locum ex V. Verrina, ubi pro *veritas* diximus legendum *securitas*. Ita legendum videbat etiam *Lambinus*, quem tamen ut ludum faceret *Gruterus* aliter legisse ait, sic enim loquitur: *Lambinus, præter libros*,

* In 4. apud Guil. Lamarium.

maluit severitas (imò securitas) profus absurde, ne quid præterea dicam. Malignitatem profecto redolet, affingere Lambino quod non dixit, ut id carpas; aut tam negligenter legere, ut aliter scripsisse videatur, quàm scripsit. Facillimum esset ostendere ipsum Gruterum, qui legendum censuit veritas hominum, dormitasse; sed præstat nos aliis ejus meritis in Rempublicam Litterariam hoc condonare, modò nè ejus malignitatem in Lambinum imitemur.

16. HÆC Coronidis loco addenda habuimus, quibus & alia plura adjicere potuissimus, nisi ad justum volumen hæ nostræ commentationes Criticæ excrevissent. Itaque manum de tabula tollemus, aliq̃ue opusculo Critico quidquid videbitur copiosius fuisse diducendum, reservabimus; si modò, per graviora studia, ad hæc amoenitates nobis umquam divertere licebit.

ARTIS CRITICÆ

F I N I S.

INDEX

I N D E X

CAPITUM

TOMI SECUNDI

P A R S III.

De emendandi ratione, libris suppositis, & Scriptorum stylo.

S E C T I O I.

De Emendatiome.

| | |
|---|----|
| Caput I. D E origine mendorum. | I |
| Cap. II. De antiquitate mendorum. | 7 |
| Cap. III. De mendis ex imperitia dictantis ortis, 1. Quod litterarum ductus non adsequeretur. | 15 |
| Cap. IV. 2. Quod affines figurâ litteras, ductusque similes miscuerit. | 21 |
| Cap. V. 3. Quod omiserit quæ erant inter eandem vocem repetitam, aut in alio verborum situ. | 25 |
| Cap. VI. 4. Quod malè pronuntiaret. | 29 |
| Cap. VII. 5. Quod Glossemata in margine scripta contextui intulerit. | 40 |
| Cap. VIII. De mendis à negligentia scribentis ortis, 1. quod quæ cogitaret, non quæ audiret, scriberet; 2. quod perperam audiret. | 44 |
| Cap. IX. 3. Quod non adsequeretur orthographiam, aut antiquiores litteras. | 51 |
| Cap. X. Distinctionum omissionem multa menda peperisse. | 60 |
| Cap. XI. Ex compendiarîa scriptura multa esse nata menda. | 70 |
| Cap. XII. De mendis ex incuria Librariorum natis. | 76 |
| Cap. XIII. De mendis ex Criticorum temeritate, aut imperitia ortis. | 81 |
| Cap. | |

INDEX.

| | |
|---|-----|
| Cap. XIV. <i>De mendis, quæ impostoribus tribuenda.</i> | 91 |
| Cap. XV. <i>De mendis a Vetustate ortis.</i> | 337 |
| Cap. XVI. <i>Leges emendandi.</i> | 343 |

S E C T I O II.

De locis & scriptis spuriiis a genuinis secernendis.

| | |
|---|-----|
| Cap. I. <i>Veterum testimonia de fraudibus quibus inserta veteribus Scriptoribus loca, suppositiq; iis integri libri.</i> | 367 |
| Cap. II. <i>De indiciis, ex quibus colligere licet librum esse suppositum, aut interpolatum. I. & II. indicium.</i> | 376 |
| Cap. III. <i>Indicia III. & IV.</i> | 382 |
| Cap. IV. <i>Indicia V. & VI.</i> | 386 |
| Cap. V. <i>Indicia VII. & VIII.</i> | 392 |
| Cap. VI. <i>Indicia IX. & X.</i> | 400 |

S E C T I O III.

De judicio, de stylo & caractere Scriptoris ferendo.

| | |
|---|-----|
| Cap. I. <i>DE iis quæ sunt in quovis Scriptore animadvertenda, ut de eo rectè judicare possimus; deque forma scribendi Q. Curtii.</i> | 411 |
| Cap. II. <i>Q. Curtium fuisse Astronomiæ & Geographiæ planè imperitum.</i> | 414 |
| Cap. III. <i>Malè eligisse quæ sequeretur & fabulas subinde describere.</i> | 423 |
| Cap. IV. <i>Nomnulla malè descripsisse, & repugnantia prodidisse.</i> | 428 |
| Cap. V. <i>Inutilia narrare, necessaria omittere.</i> | 431 |
| Cap. VI. <i>Fabularum Græcarum documenta apud Indos querere, Asiæque remotissimis annibus nomina Græca imponere.</i> | 438 |
| Cap. VII. <i>Perperam omittere annos & tempestates, quibus singula gesta sunt.</i> | 442 |
| Cap. VIII. <i>Perpetuò propemodum Declamatoris stylo uti.</i> | 452 |
| Cap. IX. <i>Q. Curtium laudatorem potiùs esse ambitionis nimie Alexandri, quàm vituperatorem. Egregia de illa Senecæ & Lucani loca.</i> | 463 |
| Cap. X. <i>Aliquot loca Curtii tentata aut emendata.</i> | 469 |
| CORONIS, <i>in qua varia loca Artis Criticæ confirmantur atque illustrantur.</i> | 473 |

F I N I S.

91
37
43

is.

te.

67

up-

76

82

86

92

100

do.

da,

ri-

II

me

14

de-

23

di-

28

31

re,

38

un-

42

52

nia

63

69

ur

73